

Scan. 22. Pl. 7. 78





MAQ 395

SCHOLA RELIGIOSA,

SEU

TRACTATUS ASCETICUS UNIVERSALIS,

SPECIALITER

PRO INSTRUCTIONE, & EDUCATIONE
JUVENTUTIS

RELIGIOSÆ

In Perfectione, & vera Vita Religiosa quoad
hominem in- & externum:

Universaliter verò

PRO UTILITATE CUJUSVIS RELIGIOSI;

Principiis Fidei, S. Scripturæ, Sanæ Theologiæ, & Sanctorum
Patrum conformiter clarò stylò, & methodò compositus

P.F. SIGISMUNDO NEUDECKER, Ord. Min. S. Franc.

Striâioris Observantiæ Provinciæ Bavarix tertio Ex-Provinciali,
SS. Theol. & SS. Canon. Lectore Jubilato.

PARS PRIOR.

Sumptibus Viduæ Joan. Andr. de la Haye, Bibliop. Ingolstadt.
Monachij, Typis Joan. Jacobi Vötter, Stat. Prov. Bav. & Civit. Typographi.

Anno M. DCC. XXXVIII



THE NEW YORK PUBLIC LIBRARY

ASTEN LENOX AND TILDEN FOUNDATIONS

500 FIFTH AVENUE NEW YORK 17, N. Y.

DATE

BY

FOR

RECEIVED

LIBRARY

OF THE

CITY OF NEW YORK

19

19

19

EMINENTISSIMO,

^{AC}
CELSISSIMO

DOMINO, DOMINO

**JOSEPHO
DOMINICO**

EX COMITIBUS DE LAMBERG,

S. R. E.

CARDINALI,

S. R. I.

PRINCIPI, & EXEMPTO EPISCOPO

PASSAVIENSI &c.

PRINCIPI,



^{AC}

**DOMINO, DOMINO
CLEMENTISSIMO.**

EMINENTISSIME,
AC
CELSISSIME
CARDINALIS,
PRINCEPS, AC DOMINE,
DOMINE CLEMENTISSIME.



Um in lucem prodit partus iste asceticus, in ipso ortu suo (utpote Authore post completam ex integro compositionem piè defuncto derelictus Pupillus) Patronum inclamat. Sunt enim Libri velut *Liberi*, ambo Tutoribûs indigentes. Ad quem autem vota sua potiùs dirigat, nisi ad *Te, Princeps Eminentissime*? Qui uti omnes Episcopi, es Tutor Pupillorum, teste magno illo
Hip-

DEDICATIO.

Hipponensi Antistite D. Augustino, dicente: (a) *Pro magno commendantur Episcopis patrimonia Pupillorum*. Quid mirum proin, si Liber iste et tenebris prodeat, ut Te *Purpuratum Solem* aspiciat, & indefensus in manus *Potentissimi*, subiectissimus in *Principis*, humillimus in *Eminentissimi* sinum sese venerabundè inclinare anhelet?

Magna quidem petit; sed sibi tamen utilissima, *Tuæque Clementiæ, Eminentissime Princeps* non omnino indigna. Sibi *primum* utilissima. Est enim Doctrina Ascetica Gladius ille Davidis, cui infernalis Goliath cum capite fastum submittere cgebatur. Sed hic ipse Gladius quàm tutus erit, quàm ab omni arrodentis cavillationis rubigine securus, si à te altero Sacerdote Achimelech sit (b) *irruolutus pallio post Ephod* fulgentissimæ Purpuræ Tuæ! Est fortassis nec iste liber à mendis, uti nec sol à maculis liber: quàm felix proin erit, si in *Eminentia Tua* magnum illum Constantinum reperiat, qui Religiosorum hominum defectus Purpurâ obvelare suâ promittat! Est denique hic Tractatus *Schola Perfectionis*; quemadmodum igitur ex magnifica atrii structura totius ædificii pulchritudinem metimur, ita, dum *gratiosissime Nomen tuum, Titulosque* præfigere indulges, sacra quadam Majestate librum initias, lectorisque animum ab errorum, qui fors irrepserunt, consideratione inadvertentem avocas, totumque in splendoris tui admirationem abripis, & convertis.

(c) Juvat hic inferere, quod P. Lucas Waddingus, familiæ nostræ Chronologus, in rem præsentem commodè narrat. Raptus aliquando in extasi S. Patriarcha

(a) *Serm. 19, de Verbis Apost.* (b) *1. Reg. 21.* (c) *Tóm. 1. ad annum 1217. n. 2.*

DEDICATIO.

noſter Franciſcus vidit Gallinam quamdam expansis alis pullos ſuos contra ſupervolitantes milvos defendentem. Attonitus rei novitate Pater Seraphicus, nec quid exinde ſibi, ſuiſve portenderetur, ſatis gnarus, Divinum conſuluit Oraculum, intellexitque, ſe Gallinæ, ſodales vērò ſuos pullorum ſub imagine deſignari: cæterum tamdiu ſuos tartarei accipitris infeſtationibus, malevolorumque hominum obtreſtationibus obnoxios fore, quamdiu non imploraretur quidam ex S. Romanæ Eccleſiæ Cardinalibus, qui palpitantibus, & miſerè exagitatis Fratribus Minoribus ſub alis ſuis, ceu (a) *Aquila grandis magnarum alarum* tutum perſugium præberet. Ex quo factum, quòd Vir Sanctus in Regula ſua ordinaverit, ut petamus *unum de S. R. Eccleſia Cardinalibus, qui ſit Gubernator, Protector, & Corrector iſtius fraternitatis; ut ſemper ſubditi, & ſubjecti* (b) *pedibus S. Romana Eccleſiæ, ſtabiles in fide Catholica paupertatem, & humilitatem, & ſanctum Domini noſtri JESU Chriſti Evangelium, quod firmiter promiſimus, obſervemus.*

Quod de *Liberis*, D. Franciſci fieri cernimus, *Eminentiffime Princeps!* id pariter de *Libro* hoc intelligendum eſto; cum & iſtud nigrum in tali *Rubro* optimè explicetur. *Tibi* proin advolvitur: *Te Correctorem;* & *Protectorem* ſuum implorat: *Te Duce* vult ſemper eſſe ſubjectus Cenfuræ Sanctæ Matris Eccleſiæ, cupitque ſub *Scala* tua Gentilitia, tanquam ſub *Ala* Prægrandis Aquilæ protegi, & foveri.

Porro ſicut hæc noſtra Aſceſis Patrocinii tui eſt ſummopere indiga, ita nec eſt omnino *indigna*: tractat enim de ſtatu Perfectionis altiffimæ, quam *Eminentiffime* l. vi Sta-

tus

Of.

(a) *Ezech. 17. 4. 3.* (b) *Cap. 12. S. Reg.*

DEDICATIO.

tus Episcopalis profiteris; agit de vitis eliminandis, quibus veluti ventorum turbinibus apex Caucasi, mitrato vertice es multò sublimior: differit de implantandis virtutibus, quarum coronâ pulcherrimâ, ut Apollo inter Musas, cingeris.

Sunt nimirum, sunt illi Tituli, quibus Paulus Arcsius Antistes Tortonenſis Episcopos exornat, tua Encomia; (a) eum æquè sis dignus Apostolorum Successor, perfectus Christi Discipulus, Homo irreprehensibilis, sanctitatis Exemplar, Magister vitæ Christianæ &c. *Schola denique omnium virtutum.*

(b) Si juxta Concilium Tridentinum Episcopi munus est docere, vides, quis non in Te obstupeſcit ſingularem Zelum in inſtruendis fidelibus, præſertim parvulis. Doctrinâ fidei? in Te, inquam, hac Dignitate præfulgente, iterum difficultatibus sæpe laſſato, aliisque arduis negotiis impedito. Ut adeò conqueri deſineret S. Prophetæ Iſaias, (c) ſi ad hæc tempora viveret; *Ubi eſt literatus, ubi Legis verba ponderans, ubi Doctior Parvulorum?* Talibus nimirum naturæ, & gratiæ donis inſtructus conſpiceris *Clementiſſime Princeps*, quæ omnia, cum in Te eſſent eminentia, tandem Te reddiderunt *Eminentiffimum*. Congruè hîc Tibi applicamus Lemma illud à Paulo Areſio Roſæ rubicundæ additum: *Mature rubuit.* Siquidem Illuſtriſſima Comitum de Lamberg Proſapia, & virtus cum ſtremate hæreditaria, optima jam ab Ephebo converſatio, animus nil vile ſapiens, ingenium ad ſublimia quæque natum, intellectus diſciplinis optimis egregiè ſub-

actus
 291 (a) *Symb. 79.* (b) *Seſſ. 5, cap. 2, de Reform.* (c) *c. 32. v. 18.*

DEDICATIO.

actus jam pridem *Eminentissimam Dignitatem* præfagiebant, dum veluti cœlum pridie jam rubens sequentem serenitatem tuam indicabas.

Et verò debebatur simul *Pallium* menti tuæ apertæ, nudæ, nulloque duplicitatis velamine testæ. Debebat *Galerus Cardinalitius* huic capiti, ad eò pro Romanæ Ecclesiæ incrementis defatigato. Debebat *Purpura* Illi, qui pro Sedis Apostolicæ authoritate defendenda ipsum sanguinem profunderet. Qua de causa ingenioso quodam D. Philippi Picinelli Symbolo mereris adornari. Prælatum Ille quempiam gravissimis muniis in S. Ecclesiæ utilitatem perfundum, ac tandem pro meritis suis inter Purpuratos Ecclesiæ Patres recensitum, torcularis emblemate significavit, quod è compressa uva hanc Epigraphen reddidit: *Sub pondere Purpura fluet.* Nimirum & *Tibi* fluxit *Purpura* sub pondere gravissimarum curarum, quas atlanticis humeris supportasti pro Deo, pro Fide, pro ovibus tuis. Felix pondus, felices Curæ Pastorales, felices pro Ecclesia exantlati labores! qui modò accessu splendoris Purpurei, ut ferrum attactu lapidis Philosophici, inaurantur.

Patere jam existimamus *Eminentissime Princeps*, quantum è re nostra, Tuâque quodammodo Dignitate sit, gratiofo obtutu *Scholam hanc Religiosam* respicere, hilarique fronte, & manu benevola excipere. Sint *Schola* hæc, & *Scala*, quam Illustrissima Tua Insignia præferunt, vicina nomina: faxitque Deus, ut de Perfectionis Schola (in qua tam honorificos de virtute in virtutem *Gradus* es adeptus) conscendas cœli *Scalam*. Accipe itaque eâ, qua so-

DEDICATIO.

les, vultus serenitate opus istud Asceticum, gratitudinis nostræ tessera, testemque insignium gratiarum, & beneficiorum in nostram Provinciam ubertim profusorum.

Accipe elucubrationem istam, in qua quot sunt folia, toties Deum rogamus, ut *folium vitæ*, & gloriæ tuæ *non defluat*: quot dantur numeri, tot annis tuis adjici optamus: quot inveniuntur syllabæ, toties augeri syllabum heroicarum tuarum actionum gratulamur: quot literæ denique videntur, tot merita tibi in *Libro vitæ* desideramus, immortalitatem *Nomini Tuo* voventes hinc famæ, illic æternitatis beatæ. Ita precatur nomine totius Provinciæ

EMINENTIÆ TUÆ &c. &c.

Humillimus, & devotissimus

FR. MASSÆUS KRESSLINGER,
p. t. Minister Provincialis.

IMPRIMATUR.

(L.S.)

Joan. Josephus L. B. de Welden,
Vicar. General.

Prisingæ 6. Aprilis 1737.

FACULTAS

Adm. R. P. Ministri Provincialis.

Scholam hanc Religiosam, ab A. R. P. Sigismundo
Neudecker, tertia vice Ministro Provin-
ciali, & in Religione Jubilæo adhuc in vivis
laboriosè, ac studiosè compositam, per depu-
tatos Revilores eò exactiùs examinari feci, quò
firmiùs decretum est, ex Eadem pro salubri
Ty-



Tyronum nostrorum instructione in spiritu & virtute spirituales præscribere Lectiones. Cum igitur juxta conscientiosam Censuram attestationem principia Scholæ hujus Asceticæ sint omnino Sanctorum Patrum, aliorumque in Theologia Mystica Magistrorum, de industria in fonte ipso à potiori inquisitorum Doctrinæ ex integro conformia, tenore præsentium libentissimè meam (Licentiâ à Reverendissimo Patre Vice-Commisario Generali Felice à Roma Sacræ Congregationis Indicis Consultore &c. jam obtentâ) adjungo Facultatem, ut pro utilitate, præsertim Juventutis, à cujus bona Educatione, dependet Salus Reipublicæ Religiosæ, typis mandari valeat. Actum Monachii 7. Julii 1738.

F. MASSÆUS KRESSLINGER,
Lect. Jubilat. & tertio Minister
Provincialis.



APPROBATIO THEOLOGICA.

EX Commissione A. R. P. Massæi Kreslinger, Lecto-
ris Jubilati, ac tertio Ministri Provincialis Opus A-
sceticum, cui Titulus: *Schola Juventutis Religiosa*: ab A.
R. P. Sigismundo Neudecker, Lectore Jubilato, Jubi-
lato, ac tertio Ministro Provinciale compositum, se-
dulò legi, relegique. Opus hoc, cui ultimam septua-
genarius admovit manum, tacitè loquitur Juveni Re-
ligioso: *Disce virtutem ex me, verumque laborem.* *Virtu-*
tem; dum cum magno spiritualis vitæ emolumento ea
cuncta suppeditat, quæ in Religiosæ Perfectionis juva-
men excogitari possint, aut esse queant. *Laborem*; cum
Textus Sacræ Scripturæ; auctoritates Sanctorum Pa-
trum, ac aliorum Ascetarum indefesso spiritu conquisi-
ti ex ipsis fontibus hausti sint. Cæteroquin nil bonis
moribus, aut Fidei Orthodoxæ contrarium inveni. Mo-
nachii 14. Februarii 1738.

Fr. GERARDUS ZETL,
Ord. Min. Strict. Observ. Lect.
Gen. Provinciæ Diffinitor.

APPRO-



APPROBATIO THEOLOGICA.

SChola Religiosa, seu Tractatus Asceticus Universalis pro Instructione & Educatione Religiosæ Juventutis in spiritu & virtute, ab Adm. Rev. P. Sigismundo Neudecker, Ord. Min. S. P. Francisci Strict. Observantiæ Provinciæ nostræ Bavaricæ tertio Ex-Provinciali, SS. Theologiæ, & Sacrorum Canonum Lectore Jubilato, operose & limatissime elucubratus, nedum Orthodoxæ dogmatibus Fidei, bonisve moribus nec in minimo adversatur; verum insuper S. Scripturæ, & SS. Patrum principiis, nec non selectissimis Asceticarum doctrinis fundatissime innixus, tantam soliditatem, styli etiam tersissimi pro facillimo capitu Religiosorum Tyronum claritatem, ac materiarum denique pro saluberrima Asceseos praxi utilissimarum universalitatem continet, ut Opus hoc bipartitum censeam dignissimum, quod non tantum in tanti Viri à zelo regulari & præstantia doctrinæ oppidò celebratissimi, perennem memoriam, sed & in maximum Juventutis Religiosæ fructum ac incrementum in publicam è prælo prodeat lucem. Monachii ad S. Jacobum die 15. Februarii 1738.

Fr. PASTOR DIETRICH,
Ord. Min. Strict. Observ. Lect.
Gen. Provinciæ Diffinitor.





FACULTAS

**Bibliopolæ facta, cum Privilegio
 Cæsareo.**

E
Go infra scriptus virtute Privilegii Cæsarei ,
 super impressione, & distractione Libro-
 rum Fratribus Minoribus Strictioris Observan-
 tiæ concessi, facultatem facio Viduæ Domini
 Joannis Andræ de la Haye, Bibliopolæ Aca-
 demici Ingolstadiensis p. m. ut imprimi faciat,
 suisque sumptibus, & emolumentis distrahatur
 SCHOLAM RELIGIOSAM &c. ab A. R.
 P. SIGISMUNDO NEUDECKER, Ord.
 Min. S. P. Francisci Strict. Observ. Provinciæ
 Baviariæ Lectore Jubilato, & Patre ter Emeri-
 to compositam, cum plenario usu præfati Privi-
 legii Cæsarei, idque pro prima illius Editione.
 Actum Monachii in Conventu nostro S. An-
 tonii de Padua nuncupato die 19. Febr. 1738.

F. MASSÆUS KRESSLINGER,
 Minister Provincialis.

ELEN-



ELENCHUS

Capitum, Paragraphorum, ac Quaestionum.

PARS PRIOR.

CAPUT I.

Preliminaria ad Scholam
Religiosam.

§. I.

*Prævia admonitio ad Tyrones Religio-
fos.* Fol. i.

§. II.

*Regula fructuose legendi hunc Tracta-
tum Asceticum.*

CAPUT II.

De Statu Religioso.

§. I.

De vero Fine Religionis.

Queritur I. Quis sit finis Princi-
palis? Fol. 18.

II. Quis minus principalis? 28.

III. Specialis Ordinis Seraphici.
29.

IV. Quomodo errent aliqui cir-
ca finem? 32.

V. Qualiter formanda recta in-
tentio? 33.


Actus perfecta intentionis. 35.

5. VI. Qualiter circa Religionis fi-
nem se practicè habere debeat
Religiosus?

§. II.

*De Excellentia, utilitate, & felicitate
Statūs Religiosi.*

Quæ-



Quæritur I. In quo consistat
Excellentia Status Religiosi?

Fol. 44.

II. Item ejus utilitas & felicitas?

48.

III. Quænam Religio sit perfectior?

52.

CAPUT III.

De Peccato Mortali.

§. I.

De natura & malitia Peccati Mortalis.

Quæritur I. Quid, & quantæ malitiæ sit Peccatum in genere?

Fol. 64.

II. Quid, & quàm grave Peccatum Mortale?

66.

§. II.

De damnis Peccati Mortalis, ac Remediis circa illud.

Quæritur I. Quæ damna causet Peccatum Mortale?

Fol. 70.

II. Quæ sint Remedia in genere?

76.

III. Quæ Principia practica contra illud?

83.

CAPUT IV.

De Peccato Veniali.

§. I.

De Natura, & Malitia Peccati Venialis.

Quæritur I. Quid sit Peccatum Veniale?

Fol. 84.

II. Quæ ejus malitia?

85.

III. Quomodo differat à mortali?

88.

§. II.

De Damnis Peccati Venialis.

Quæritur I. Quanta damna causet Peccatum Veniale?

Fol. 88.

II. Quæ sint Remedia contra illud?

100.

CAPUT V.

De Tentationibus ad Peccatum.

§. I.

De Modo resistendi Tentationibus.

Quæritur I. Quomodo Tentationibus possumus resistere?

Fol. 103.

II. Quid specialiter circa Tentationes impuras sit observandum?

111.

§. 2.



§. II.

De Observandis post lapsum in aliquod Peccatum.

- Quæritur I. Quid agendum post lapsum? Fol. 114.
 II. Quæ sint Principia practica circa peccata venialia? 118.

CAPUT VI.

De Sacramentali Confessione Ordinaria.

§. I.

De Præstantia Confessionis Sacramentalis, & quibusdam ejus requisitis.

- Quæritur I. Quid, & quàm necessaria sit Confessio Sacramentalis? Fol. 119.
 II. Quàm utilis? 120.
 III. Quæ requirantur generatim ad eam? 124.
 IV. In quo consistat bona intentio? 125.
 V. Quomodo instituendum Examen Conscientiæ? 126.

§. II.

De Contritione.

- Quæritur I. Quid, & quotuplex sit Contritio? Fol. 129.
 II. Qualis requiratur, & sufficiat? 130.

III. Quale Propositum requiratur? 132.

§. III.

De Confessione actuali.

- Quæritur I. Quid sit Confessio actualis? Fol. 137.
 II. Quænam conditiones requirantur ad eam? 137.
 III. Qualiter in praxi facienda? 144.

§. IV.

Appendix variarum formularum Confessionis cum Principiis practicis. 153.

CAPUT VII.

De Confessione Sacramentali extraordinaria.

§. I.

De Confessione Generali & Annuali.

- Quæritur I. Quid, & quotuplex sit Confessio Generalis? Fol. 159.
 II. An, & quibus sit necessaria? 160.
 III. Quibus, & quoties utilis? 160.
 IV. Quo tempore maximè quadret? 164.
 V. Quæ ad eam requirantur? 165.
 VI. Quàm

VI: Quàm utilis sit, & quomodo facienda Confessio Annua? 170.

Appendix de Principiis practicis circa confessionem Generalem & Annuam. 171.

§. II.

Speculam Confessionis, seu Catalogus Peccatorum? Fol. 172.

CAPUT VIII.

De Communibus, & quotidianis Operibus in genere.

§. I.

De utilitate, communia & quotidiana Opera in genere perfectè peragendi.

Quæritur I. Quantum intersit, communia & quotidiana opera perfectè peragere? 196.

II. Quàm utile id sit præsertim Junioribus Religiosis? 207.

§. II.

De Requisitis ad perfectè operandum.

Quæritur I. Quæ requirantur ad quodvis opus perfectè peragendum? Fol. 213.

II. Quid sit status gratiæ, & qualiter requiratur? 214.

III. In quo consistat prævia cognitio & advertentia boni? 215.

CAPUT IX.

De bona Intentione.

§. I.

De Natura, & divisione bonæ Intentionis?

Quæritur I. Quid, & quotuplex sit bona Intentio? Fol. 222.

II. Quàm utilis, & necessaria? 225.

III. Quænam sit melior, & perfectior? 227.

IV. Quando, & quoties repeti debeat? 232.

§. II.

De Impedimentis, ac signis bonæ Intentionis.

Quæritur I. Quænam bonam Intentionem frequentius impedian? Fol. 240.

II. Quæ sint signa bonæ, vel malæ Intentionis? 245.

CAPUT X.

De Modo perfectè agendi.

§. unicus.

De requisitis ad modum perfectè agendi.

Quæritur I. In quo consistat iste modus? 249.

II.



II. Quasnam requirat conditiones?
250.

III. Quantum valeat unio operum cum Operibus Christi?
277.

CAPUT XI.

De Mediis perfectè operandi.

§. I.

Recensentur varia Media.

Quæritur I. Quæ Media conducant ad quævis perfectè agenda?
Fol. 259.

II. Et quomodo Auxilium Divinum ritè invocandum?
264.

§. II.

De Memoria Præsentia Divinæ.

Quæritur I. Quàm præstans Medium sit frequens Memoria Divinæ Præsentia?
Fol. 270.

II. Quomodo in praxi exercenda?
273.

§. III.

De Memoria Operum Christi, & unionis Operum nostrorum cum iisdem.

Quæritur I. In quo consistat hæc Memoria?
Fol. 275.

II. Quàm præstans ad bene operandum?
276.

§. IV.

De Observandis post Opus.

Quæritur I. Quænam sint observanda, si Opus bene successit?
Fol. 278.

II. Quænam, si malè?
282.

§. V.

Compendiosa recapitulatio Dissorum.

Quæritur I. Quænam in compendio requirantur ante Opus?
Fol. 283.

II. Quænam sub Opere?
284.

III. Quæ in compendio sint media?
284.

IV. Quænam post Opus sint observanda?
285.

Appendix de Principiis practicis circa ordinaria Opera perfectè peragenda.
285.

CAPUT XII.

De Communibus, & quotidianis Operibus in specie, signanter de Oratione.

§. I.

De Præstantia, & necessitate Orationis.



- Quæritur I. Quid, & quotuplex sit Oratio? Fol. 289.
 II. Quàm præstans? 290.
 III. Quàm utilis? 291.
 IV. Quàm necessaria? 295.

§. II.

De Oratione Vocali.

- Quæritur I. Quid, & quotuplex sit Oratio Vocalis? Fol. 298.
 II. Quantæ dignitatis, & utilitatis sit Oratio publica? 300.
 III. Quàm necessaria? 303.
 IV. Quàm utilis, & necessaria Oratio privata? 304.
 V. Quænam Orationes sint præstantiores? 305.
 VI. Quibus præster vacare Orationibus privatis? 308.

§. III.

De requisitis ad Orationem vocalem.

- Quæritur I. Quænam conditiones præviæ requirantur. Fol. 313.
 II. In quo consistat præparatio? 314.
 III. Quæ requirantur sub Oratione? 321.
 IV. An, & qualis attentio? 321.
 V. Quæ conducant ad attentionem? 327.

- VI. Qualis requiratur reverentia, & humilitas? 328.
 VII. Qualis fides, & fiducia? 331.
 VIII. Item frequentia, & perseverantia? 332.
 IX. Qualis resignatio? 334.
 X. Quænam post orationem observanda? 336.

Appendix de Principiis practicis circa Orationem vocalem. 338.

§. IV.

De Modo de manè debite surgendi.

- Quæritur I. Quantum interfit, item debite & sancte ordiri? Fol. 340.
 II. Quænam ad hoc observanda? 341.

CAPUT XIII.

De Meditatione, seu Oratione Mentali.

§. I.

De Præstantia, & necessitate Meditationis.

- Quæritur I. Quid, & quotuplex sit Oratio Mentalis? Fol. 347.
 II. Quid sit meditatio? 348.

III.

III. Quàm præstans sit , & utilis?
351.

IV. Quàm necessaria?
356.

§. II.

De facilitate Meditationis.

Quæritur I. An, & quàm facilis sit Meditatio? Fol. 361.

II. Quomodo id practicè demonstretur?
364.

§. III.

De Preparatione.

Quæritur I. Quid, & quotu-
plex sit præparatio? Fol. 376.

II. In quo consistat remota? 377.

III. In quo proxima? 380.

Formula & actus ante Meditationem.
381.

§. IV.

De Materia Meditationis.

Quæritur I. Quænam Materię sint seligendę pro via *Purgativa, Illuminativa, & Unitiva?*

Fol. 383.

II. Quàm utilis sit materia de Vita & passione Domini. 385.

CAPUT XIV.

De tribus Partibus Meditationum.

§. I.

De Partibus in genere, & in specie de Prima.

Quæritur I. Quot sint Partes Meditationis? Fol. 389.

II. In quo consistat Prima seu Representatio Materię? 390.

§. II.

De Secunda Parte, seu consideratione Materię.

Quæritur I. Quomodo facili fiat Consideratio Materię? F. 394.

II. Si consistat in facto, seu Historia? 394.

III. Vel sit de virtute? 398.

IV. Aut de vitio. 402.

V. Sive de aliquo textu, sententia? 403.

VI. Quænam circa considerationem præcipuè sint observanda? 406.

§. III.

De Tertia Parte, seu Productione bonorum effectuum & propositorum.

Quæritur I. In quo consistat pro-



- Productio bonorum affectuum, actuum virtutis, & propositorum? Fol. 412.
 II. Quinam affectus, & actus eliciendi? 413.
 III. Quando, & quomodo? 414.
 IV. Quando, & quomodo bona proposita facienda? 415.
 V. Quomodo Meditatio concludenda? 419.

§. IV.

De causis impediens, & mediis promovendis Meditationem.

- Quæritur I. Quænam sint impedimenta Meditationis. Fol. 423.
 II. Quibus mediis facilitetur? 425.
 III. Quid agendum in distractionibus? 426.
 IV. Quid in ariditate, & derelictione? 429.

§. V.

Compendiosa recapitulatio dictorum.

- Quæritur I. Quid in compendio sit Meditatio, & quæ ejus partes. Fol. 432.
 II. Quam præstans, utilis, & necessaria? 433.

III. Quomodo practicè facienda? 434.

IV. Quæ eam juvent, vel impediunt? 438.

Appendix de Principiis practicis circa Meditationem. 439.

CAPUT XV.

De Precibus, seu Orationibus Jaculatoriis.

§. I.

De utilitate Aspirationum, seu Precum Jaculatoriarum.

- Quæritur I. Quid sint Aspirationes, seu Preces jaculatoriæ, & quàm utiles? Fol. 442.
 II. Quid circa eas observandum? 445.

§. II.

De variis Precibus jaculatoriis.

Quæritur. Quænam Preces jaculatoriæ sint eliciendæ? Fol. 447.

Aspirationes quadam, præter S. Scriptura desumpta, pro actionibus quotidianis. 447.

Appendix de Principiis practicis circa eas. 464.



CAPUT XVI.

De Lectione Spirituali.

§. I.

De Utilitate Lectionis Spiritualis.

Quæritur I. Quid, & quomodo sit Lectio Spiritualis? Fol. 465.

II. Quam præstans, & utilis? 466.

§. II.

De Praxi fructuose instituendi Lectionem Spiritualem.

Quæritur I. Quomodo ritè instituenda? Fol. 471.

II. Quinam Libri seligendi? 476.

Appendix de Principiis practicis circa eam. 479.

CAPUT XVII.

De Examine Conscientiæ,
& Modo religiosè cubitum
concedendi.

§. I.

De Examine Conscientiæ Generali.



Quæritur I. Quid, & quam utile sit? Fol. 480.

II. Quot partes habeat? 483.

III. Quoties, & quo tempore fieri debeat? 488.

IV. An peccata in libello scribenda? 492.

V. Quomodo in praxi faciendum? 497.

§. II.

De Examine particulari, & modo cubitum eundi.

Quæritur I. Quid sit, & quam utile? Fol. 500.

II. Quot habeat partes? 502.

III. Circa quod instituendum? 503.

IV. Quoties, & quanto tempore fieri debeat? 504.

V. An, & quomodo Annotatio defectuum &c. facienda? 506.

VI. Quomodo se quis religiosè cubitum conferre debeat? 512.

CAPUT XVIII.

De Disciplina, Modestia Religiosa &c. externa.

§. I.



§. I.

*De natura, utilitate, & necessitate
Modestiae Religiosae.*

Quæritur I. Quid sit, & quàm
utilis Modestia Religiosa ex-
terna? 515.

II. Ubi, & à quibus observan-
da? 519.

§. II.

De Regulis Modestiae in communi.

Quæritur. Quæ sint commu-
nes; & generales Regulae.
Fol. 521.

§. III.

De Regulis Modestiae in usu linguae.

Quæritur I. Quænam ex sint in
loquendo? Fol. 525.

II. In Conversatione? 530.

III. Adhuc aliae in conversatio-
ne, & discursu, 533.

§. IV.

*De Regulis Modestiae in comedendo,
& bibendo.*

Quæritur I. Quæ sint in come-
dendo? 536.

II. Quæ in bibendo? 539.

§. V.

*De Regulis Modestiae circa ulteriorem
Compositionem Corporis externam.*

Quæritur I. Quæ sint circa diri-
gendum caput? Fol. 541.

II. Circa faciem? 541.

III. Circa usum oris, labiorum,
dentium? 542.


IV. Circa usum oculorum? 543.

V. Item brachiorum, & ma-
nuum? 544.

VI. Circa incessum, & pedes? 546.

VII. Circa habitum Religio-
sum? 548.





PRÆFATIO

Ad

LECTOREM.

NOli mirari, Benevole Lector, quòd passim existentibùs præclaris Asceſeos Voluminibùs, simplicem hunc Tractatum *Schola Religiosa* intitulum, luci publicæ committere non dubitem. Adegit me ad hoc obedientia, & voluntas Superiorum, qui seriò considerantes, à bona instructione, & educatione Juventutis Religiosæ salutem Religionis cujuscunque potissimum dependere, resolverunt ordinare, ut universalis Doctrina Ascetica, eaque secura, ac principiis Fidei, S. Scripturæ, sanæ Theologiæ, & SS. Patrum conformiter combinetur, juxta quam Juvenes nostri Religiosi uniformiter solidè, & securè, theoricè, & practicè primis præsertim duobùs annis Novitiatùs, & Professorii instruantur, & educentur, idque modò quasi scholasticò, per quotidianas Lectiones, repetitiones, explicationes &c. quatenus, sicut tali modò perfecti fieri possunt Philosophi, Theologi, & Juristæ, sic eodem modo pariter perfecti evadant Ascetæ, & Religiosi quoad


d

in-

in- & exteriorem hominem. Huic itaque muneri, per Superiores imposito, humeros eò minùs subtrahere volui, quò majorem exinde in educatione Religiosæ Juventutis utilitatem, etiam aliis Sacris Ordinibus obventuram, firmiter confido. Porro Tractatum hunc non ornatò, & comptò, sed simplici, & clarò stylò composui: tum, ut etiam minùs docti (quales subinde indubiè in Religionibus quoque dantur) eum facilè intelligere queant: tum, quia, ubi major styli, & verborum ornatus, legentes plerumque plùs adhuc, quàm ad verum spiritum, & succum doctrinæ attendere solent. Id tamen benignum Lectorem paucis admonitum velim, quòd (cùm puriores sint aquæ, quò fonti viciniore) in citandis SS. Patribus antiquiores assumpserim Editiones, quod in causa est, cur subinde cum recentioribus Editionibus (utì prætim circa S. Gregorium) quoad allegatum Librum vel Caput aliquatiter non concordent. Cæterùm cuncta correctioni, & emendationi Superiorum, ac judicio S. Romanæ Ecclesiæ Catholicæ penitus subjicio.



CA-



CAPUT I.

Præliminaria ad Scholam Religiosam.

§. I.

Prævia admonitio ad Tyrones Religiosos.



Ubi fili mi disciplinam Patris tui, & ne dimittas legem Matris tue, ut ad datur gratia capiti tuo, commendans monita, instructionem, & præcepta Parentum, ad eaque adhortans alloquitur quemvis juvenem Religiosum Spiritus S. Prov. c. x. v. 8. quod ut magis cujuslibet inculcet menti, c. 6. v. 20. repetit, suadetque, & monet, ne eorum quis unquam obliviscatur, sed semper & ubique memor, in corde conservet, ait enim: Conserva, fili mi, præcepta Patris tui, & ne dimittas legem Matris tue. Liga ea in corde tuo jugiter, & circumda gutturi tuo, Cum ambulaveris, gradiantur tecum, Nendecker Pars Prior.

cum dormieris, custodiant te, & cogilans loquere cum eis.

2. Ecce, charissimi Tyrones Religiosi traduntur vobis præcepta & leges, monita & disciplina parentum. Parentes vestri sunt Superiores vestri, quos, relictis propter DEUM carnalibus, spirituales acquisivistis. Disciplina eorum, legesque, ac præcepta, monita &c. præter S. Regulam, Ordinisque, ac Provincie Constitutiones & Statuta, est doctrina spiritualis Ascetica, juxta quam in spiritu, & virtute vos solidè instruere, & perfectè educare, sanctè intendunt.

3. Quapropter verbis Spiritus sancti (cujus locum & vices in terris respectu vestrum tenent) quem-

quemvis ex vobis pleno paternæ charitatis affectu adhortantes, & rogantes alloquuntur: Audi, fili, bene attende, & observa disciplinam. & præcepta, doctrinam, instructionem, principia, monita, & regulas Patris tui, id est, Superiorum tuorum (utpote à quibus procedunt) & legem, ordinationes, ac statuta Matris tuæ, Religionis videlicet, & Provinciæ, quam intrasti; hæc enim nunc Mater tua est, quæ te jam spiritualiter conceptum, per Professionem generare, dulcissimoque lacte, & pabulo sanæ, ac solidæ doctrinæ Asceticæ, seu spiritualis tamdiu nutrire, & educare desiderat, donec crescas in virum perfectum.

4. Proin liga ea in corde tuo iugiter, & circumda gutturi tuo: id est, conserva illa semper in corde, & habeto in ore tuo, quod per guttur intelligitur: in corde, de eis semper cogita, eaque rumina; in ore de eisdem, & secundum ea loquere, ut tibi, & aliis profint. Cum ambulaveris, gradiantur tecum: in nullo loco eorum obliviscaris, sed ubicunque fueris, eorundem semper recordare. Cum dormieris, custo-

diant te: quod fit, si frequenter, & quasi assidue de illis cogitandò, meditandò, loquendò, cogitationum species in memoria ita multiplicas, & firmas, ut non nisi de eisdem somnies, consequenter ab aliis diaboli illusionibus in somno custoditus, & liber existas. Et evigilans loquere cum eis: habendò primam cogitationem, curam, & propositum, quomodo juxta ea per diem ambulare velis, possis, & debeas.

5. Quodsi scire cupias, cur Spiritus S. tantopere velit, ut filii, & subditi præcepta, leges, monita, instructionem, & doctrinam Parentum, ac Superiorum præ cæteris attendant, atque custodiant? ratio in promptu, & quidem præcipua est; quia Parentes, & Superiores sunt filii, & subditi locò DEI, utpote qui per Superiores specialiter docet, loquitur, & præcipit, vultque, ut illis, sicuti sibi obediantur, eorundemque præcepta, monita, ac doctrina æquè ac suà in veneratione habeantur, æstimentur, & observentur, prout Christus Luc. 10. v. 16. ipse testatur, dicens: Qui vos audit, me audit; & qui vos spernit, me spernit.

Meri-

Merito ergo ſtatuta, inſtructio, monita, ac doctrina, à Superioribus data, magis quàm quævis alia æſtimanda eſt, & ſequendæ hoc ipſo, quòd reſpectu ſubditorum ſit cum doctrina DEI eadem; conſequenter eam ſequendò ſubditi errare, vel in tenebris ambulare nunquam poſſint, ſed ſemper pleno lumine, viæque regiâ ſecurè incedant, viam hanc præſatâ doctrinâ, ac diſciplinâ, tam quam lucernâ jugiter monſtrante; quòd ipſum etiam Spiritus ſanctus *Prov. cii. c. 6. v. 20. & ſeqq.* apertè inſinuat, dum cauſam, quare præ aliis tantopere æſtimare, & obſervare deceat præcepta, monita, & inſtructionem Parentum ac Superiorum, ſubjungit illis verbis: *Quia mandatum (Superiorum) lucerna eſt, & lex lux, & via vita.*

6. Felices igitur, vos Religioſi juvenes, qui præter Regulam & Ordinis veſtri ac Provinciæ ſtatuta percipietis etiam diſciplinam, & doctrinam Aſceticam ab ipſis Superioribus, vobis præſcriptam, breviter & clarè, ſecurè & ſolidè docentem, quomodo in omnibus, & per omnia quoad hominem tam internum, quàm externum rectè ambulare,

quomodo vitia, & malas paſſiones eradicare, virtutes econtra implantare, quomodo in ſpiritu & virtute proficere, quomodo perfectionem Religioſam acquirere, quomodo DEO perfectè ſervire, conſequenter quomodo ad finem, ob quem creati eſtis, & Religionem intrâſtis, ſecurè, & faciliter pervenire valeatis. Magna enim felicitas, *magnæque omnino ſecuritas* (inquit S. Bonaventura in *Prologo Speculi Diſciplinae*) *vivendi modum noviſſe congruum.*

7. Multæ fuerunt, & etiamnum fortè ſunt tam in, quàm extra Monaſteria optimæ voluntatis animæ, quæ amore DEI, & ſalutis propriæ ad perfectionem ſuo ſtatui convenientem anhelantes, DEOque perfectè ſervire cupientes, nihil magis deſiderârunt, quàm ſcire, quo modo, qua ratione, & viâ id aſſequi, & voluntatem optimam in opere & veritate exercere valerent: quæ propterea etiam multiplici lectione, longa conſideratione, frequenti indagatione diu anxie laborârunt, ut invenirent, colligerent, notarent, aut conſcriberent ſibi varios modos, doctrinas, principia, & ſententias, quibus

bis tanquam mediis ad finem exoptatum pervenirent; & tamen, quia in via perfectionis, & virtutum adhuc erant inexper-
ta, & ignara, quia erant parvuli, esurientes quidem, & petentes panem, sed non habentes, qui frangeret eis, à vero scopo non pauci sæpissimè aberrarunt, & post multorum annorum laborem non nisi memoriz & intellectus, cordis & animi, totiusque naturæ destructionem, sive inhabilitatem ad alia reportarunt, cum subsecuto tadio, & remissione in via virtutum & perfectionis: imò nonnunquam aversione ab ipso etiam virtutum & perfectionis nomine.

8. Vos autem, charissimi, in hac Schola Religiosa, sive Tractatu Ascetico sinè omni vestro labore & fatigatione, sinè periculo, vel timore erroris, acquireretis omnem, scitu vobis necessariam, & admodum utilem doctrinam Asceticam, eamque solidam, & selectam, claram, & facilem, ac, quod præcipuum est, maximè securam, quippe à Superioribus, consequenter ab ipso DEO præscriptam; ut proin à vobis nil requiratur, quam efficac voluntas, illam perfectè ob-

servandi, atque in opus, praxin & habitum deducendi.

9. Augetur felicitas vestra, quòd sæpe memorata doctrina non solum à spiritali Moderatore simpliciter prælegatur, sed etiam, qui eam uberius explicet, declaret, dubia solvat, & praxin doceat, assignetur Magister: ac plurium inasper amorum concedatur spatium ad hoc, ut illam sæpius attentè legendò, consideratè ruminandò, frequenter repetendò, repetita ab aliis audiendò, ac discurrendò, atque continuo practicandò, eandem, si non statim, saltem successivè intelligere, memoriz ob multiplicatas species firmiter imprimere, eique conformes habitus generare valeatis, ita ut, etsi nonnunquam una, alterave materia, præsertim ab initio captu, vel practatu difficilis sit apparitura, crescente ætate, maturitate, experienciâ, & gratiâ divinâ, facilis & jucunda sit arriusura, præcipuè, cum de cunctis addiscendis, & practicandis vera sit habenda schola, & exactum studium, adeò ut, sicut habetur schola, & studium Philosophicum, ita habenda sit schola, & studium Asceticum, id est, Schola,

la, & Studium virtutum, ac perfectionis: & sicut alii Juvenes sub Magistro in arte instruuntur Mechanica, sic vos sitis in hac *Schola Religiosa* instruendi in arte perfectè serviendi DEO, utpote quæ est ars omnium præstantissima, utilissima, omniumque maximè necessaria, & desiderabilis.

10. Tandem completur felicitas vestra, quod doctrinam hanc doceamini, & juxta eam habitum in cunctis perfectè agendi generare valeatis in primis mox conversionis vestræ annis. Unum enim ex principiis SS. Patrum, præsertim Divi Bonaventuræ est, ut omnes, præcipuè Juvenes, à sæculo ad Religionem conversi, ab initio sta-

tim optimam vivendi, & operandi formam in cunctis assumere, & in habitum, seu consuetudinem deducere omni conatu adlaborent, eò quod vivendi, & agendi formam, aut consuetudinem, quam sive bonam, sive malam, sive perfectam, sive imperfectam in juventute quis semel assumit, non facile deponat; nam teste æterna Veritate *Prov. 22. v. 6. Adolescenti juxta viam suam, etiam cum senuerit, non recedet ab ea.* Ut autem præviè sciatis, quomodo meritoriè, & fructuosè, simulque cum optato effectu Tractatum hunc Asceticum legere, eique studere debeatis, sequentes pro praxi traduntur Regulæ.

§. II.

Praxis, & Regula bene, ac fructuosè legendi hunc Tractatum Asceticum, eique delibet, & utiliter studendi.

Regula 1.

11. **E**st prævia semper bona, pura, & perfecta intentio, quæ alia non est, quàm voluntas, & beneplacitum DEI, ac Superiorum, quorum Superiorum voluntas cum divina semper eadem certò exi-

stit; ut proim Juvenis Religiosus toties, quoties ex præscripto Superiorum materiam aliquam ex hoc Tractatu legere, eique studere intendit, semper prius intentionem faciendam habeat: *Domine DEUS, quia tu vis, quia tibi placeo, ut modò hunc Tractatum ite-*

sum legam, etque studeam, quatenus ex te necessariam, utilem, ac securam doctrinam rectè vivendi, tibi que perfectè serviendi hauriam, ideo cum gratia tua pro tenuitate mea eidem attento, & sedulo studere intendo: *Adjuva me, quia sine te nihil possum.*

Errant proin, & imperfectè agunt primò, qui legunt, aut student, ne lectionem præscriptam minùs intelligentes puniantur, aut confundantur, vel pro minùs capacibus, aut diligentibus habeantur.

Errant secundò, qui legunt, aut student, ut à Magistro, vel aliis æstimentur, laudentur, respiciantur &c.

Errant tertio, qui sola curiositate, aut inclinatione naturali, aut quia modò placet, delectat &c. legunt.

Errant quarto, qui legunt, aut student tantum, ut tempus terant, aut ex tædio aliud facendi; prout magis patebit infra, quando de bona intentione in omnibus habenda agetur.

Regula II.

12. **E**st bonum & efficax propositum, ea, quæ legendo cognoscimus, in effectum, praxin, & habitum deducendi;

Servus enim, qui cognovit voluntatem Domini sui, & non fecit secundum voluntatem ejus, vapulabit multis. Luc. 12. v. 47.

Errant contrahanc Regulam, qui solà notitiã doctrinæ contenti, nullum efficax propositum, nullamque, aut modicam curam habent, quomodo hæc doctrinæ conformiter vitam instituant.

Errant item, qui, postquam præscriptam lectionem Asceticam edixerunt, & in schola aut circulo repetierunt, aut repeti audierunt, minimè ampliùs solliciti sunt, quomodo actu practicerent, & in habitum deducant.

Regula III.

13. **E**st, ante omnem lectionem, & studium humilimè, cum plena sui diffidentia confidenter invocare DEUM pro gratia ejusdem & auxilio; cum enim sine DEO penitus nihil, præsertim fructuosè, & meritorie possumus, dicente Christo: *Sine me nihil potestis facere: Joan. 15. v. 5.* Ante omnia DEUM semper humiliter, & confidenter invocare oportet, maximè, quia invocari vult, & invocatus auxiliari, & gratiam dare paratus est.

Errant,

Errant, qui vel inordinato affectu, vel putantes, se per orationem præviam quid temporis, aut laboris negligere, sine omni, aut certe nonnisi cum lurida, tepidâque prævia oratione & invocatione gratiæ, & auxilii divini, sanctum hunc lectionis, ac studii Ascetici laborem incipiunt: cum tamen per lectionem & studium unius horæ, prævia humili, & devota oratione, intentione, ac præparatione inceptum, plus fructus, & meriti forent reportaturi, quam si sine, vel lurida cum præparatione prævia pluribus horis legentes se fatigarent; id, quod SS. Patres propria experientia edocti testantur.

Regula IV.

14. **E**st, materiam omnino attentè, ac consideratè legere, & relegere, donec bene capiatur, & aequaliter memoriæ jam tunc imprimatur. Fiant etiam intermedia pæusæ, quibus materia lecta magis expendatur, & consideretur cum aliqua reflexione; an, & in quo circa materiam præsentem legens erret, vel deficiat, simulque cum proposito doctrinam, & agniti-

veritatem sequendi, ac in habitum deducendi. Ad quem finem fiant subinde sub ipsa lectione & studio nonnullæ breves preces jaculatoriæ, & actus virtutum, prout ipsa materia ministrabit.

Errant circa hoc multi, præsertim felicioris ingenii, qui hoc ipso, quod nullam difficultatem in materia intelligenda sentiant, obiter tantum, & sine ulla reflexione legunt, putantes sufficere, quod legant, & intelligant, minimè solliciti, quomodo, quæ legerunt, mente & corde retineant, ac (quod potissimum esse deberet) in effectum, praxin & habitum deducant; cum non exinde fructus habeatur, quod quis bene legat, & intelligat, sed unicè, quod quis juxta bene lecta & cognita bene operetur, eaque, antequam iterum obliviscatur, in praxin & habitum quamprimum deducere, juxta exigentiam materiæ, pro viribus conetur. Et hæc Regula summè habeatur cordi, errorque ei oppositus omnino vitetur.

Regula V.

15. **E**st, Doctrinam, & Materiam hujus Tractatus non ali-

aliter, quàm à DEO dictatam considerare, & propterea eandem præ aliis maximè semper revereri, & æstimare, nec non eandem cum memoria præsentis DEI, & quasi ipse præsens hæc legenti loqueretur, legere, & excipere. Quamvis enim juxta commune dictum SS. Patrum, præsertim S. Augustini in *Psal. 85.* quotiescunque Sancta & Spiritualia legimus, censeatur DEUS loqui nobiscum: *Quando legis (inquit luc. cit.) DEUS tibi loquitur, quando oras, cum DEO loqueris:* Specialiter tamen in lectione hujus doctrinæ, & materiæ, utpote à Superioribus, consequenter ab ipso DEO (cujus ipsi semper vices agunt) præscriptæ & dictatæ, id verificatur.

Erat proin, qui de illa minùs reverenter sentiens, alias doctrinas æquè, imò forsan magis, quàm isthanc æstimaret, ac propterea hac neglecta, illas propriò judicio & voluntate sequeretur, vel ob eas minorem fidem, & obsequium tribueret, aut de illa dubitaret contra expressum monitum D. Pauli *ad Hebr. c. 13. v. 9.* *Doctrinis variis & peregrinis nolite abduci: sed v. 7. meminit Prepo-*

storum vestrorum, qui vobis locuti sunt Verbum DEI.

Regula VI.

16. **E**st, non attendere simplicitatem styli, & verborum, nec desiderare, vel expectare ornatum dictionis; cum enim in schola Ascetica, seu virtutum & perfectionis non tantum quoad talenta excellentiores, sed & simpliciores sint futuri discipuli, simplici & clarò stylo docere oportet, ut tam isti, quàm illi cuncta facile capiant: præsertim, quia æquè professorum, ac illorum profectu & salute solliciti esse, & rationem dare debent Superiores, prout in persona Superioris loquens bene advertit D. Paulus *ad Rom. c. 1. v. 14.* *Sapientibus, & insipientibus debitor sum.* Accedit, quòd, ubi doctrina Spiritus exquisitis verbis proponitur, & speciali dictionis ornatu, plus plerumque vanitatis, quàm utilitatis reportet lector vel auditor, utpote non raro magis attendens ornatum, quàm fructum. Certè æterna Sapientia, Divinùsque Magister Christus ipse, versans in hoc mundo, suam non nisi

sim-

simpliciter proponebat doctrinam; quid enim simplicius doctrinâ Evangelicâ à Christo Domino traditâ? Unde etiam Apostolus, etsi Doctor gentium existens, Christi tamen exemplum sequens, in doctrinæ suæ simplicitate gloriatur 1. ad Cor. c. 2. v. 4. illis verbis: *Sermo meus, & prædicatio mea non in persuasibilibus humana sapientia verbis, sed in ostensione spiritus & virtutis, ut fides vestra non sit in sapientia hominum, sed in virtute DEI.*

Erraret proin haud dubiè, si quis sciolus doctrinam hanc Asceticam, ex eo parvi penderet, quòd ad Christi, & Apostolorum exemplum, ac majorem auditorum fructum & utilitatem, simplici exarata sit stylò. Non minùs insuper delinqueret, & manifestam latentis superbix speciem præberet, sèque hac virtutum schola indignissimum redderet, qui propterea eandem etiam contemnere, & apud alios traducere, aut alias minùs honorificè de ea loqui præsumeret.

Regula VII.

17. **E**st, non terreri, nec despondere, aut abjicere animum ob multitudinem materialium, variarumque Regula-

Neudecker Pars Prior.

rum ac Principiorum præscribendorum; nec desperare, aut tristem animum inducere, vel pusillanimum esse, si quæ subinde vel omnino non, vel non statim, vel non bene intelligantur, aut bene intellecta, dum aliis studetur, è memoria iterum excidant: aut si in exequendo, vel operando magna sentiatur difficultas, aversio, aut tædium; quia etsi materia satis copiosa sit futura, tamen, quia non simul & semel, sed successivè tradetur, & plures anni pro ea addiscenda concedentur, copia ejusdem nullam specialem difficultatem, minùs confusionem causabit. Neque refert, si unum aliudve subinde, præsertim ab initio impossibile, aut saltem difficile captu & practatu videatur; idipsum enim sæpius rediens, accedente experientia, & praxi cum tempore facile apparebit, prout omnes incipientes in quavis arte experiuntur. Minùs curandum, si quæ iterum è memoria excidant; quia, cum totam materiam ac doctrinam quis ad manum semper habeat, id, cujus forsàn oblitus est, semper & pro libitu relegere, sicque memoriam juvare poterit.

B

Ne-

Neque tantum erit oblivionis periculum, quin potissima, saltem quoad substantiam & praxin necessaria, in memoria remaneant, eò quòd quævis materia persæpe repetatur, legatur, & audiat, sicque memoriæ firmiùs imprimatur; *Primo* enim, quando à Magistro pro futura repetitione explicatur, jam aliquàlter intelligitur. *Secundo*, si postea ipsi discipuli illam pro futura repetitione attentè, & consideratè legunt ac relegunt, eique verè & perfectè student, prout juxta Regulam IV. debebunt, magis penetrant, ac memoriæ multùm imprimunt. *Tertio*, dum in actuali repetitione, eandem vel ipsi repetunt, vel ab aliis repetitam, atque à Magistro, ubi opus erit, uberiùs declaratam audiunt, species iterum multiplicant, firmantque, ut tam faciliè non obliviscantur: præsertim, si *quarò* eadem materia etiam in circulis repetitur: Et *quinto*, si de illa in privatis colloquiis tam inter se, quàm cum Magistro discutitur: Ac quia *sexto* privatim suis temporibus pro exigentia circumstantiarum, & pro examine particulari, aut pro majori cognitione denuo relegitur.

Accedit (quod præcipuum est) quòd pleræque materiæ semel traditæ, sæpe jam repetitæ, & auditæ, plenèque intellectæ; à potiori vel in praxin statim deducantur, vel certè in praxi continuò occurrant, & ut in dictam praxin cum tempore deducantur, in eaque discipuli perfectè habituentur, tam Magistri, quàm Superiores locales juxta officii sui exigentiam jugiter vigilent, ac juvent, in publicis & privatis Capitulis adhortentur, charitativè moneant, negligentes correptione & poenis adigant.

Et sane penitus nullum esse poterit periculum, obliviscendi quotidianorum, quæ unà cum perfectissima praxi in hoc Tractatu præscribuntur, exercitiorum & actuum Religiosorum, v.g. de manè perfectè surgendi, matutinas & alias preces vocales peragendi, meditandi, legendi, confitendi, communicandi, Venerabile visitandi, examen generale & particulare instituenti, preces vespertinas peragendi &c. si, prout fieri debet, per actus frequentatos in praxin, & habitum statim deducantur.

Pari-

Pariter nullum erit periculum obliviscendi principiorum, & mediorum quorundam generalium, praxisque eorundem, v. g. bonæ voluntatis, diffidentiae erga seipsum, confidentiae in DEUM, orationis, abnegationis, & mortificationis, necessariò inferendæ, bonæ intentionis, præsentiae DEI, praxis & modi universalis quodvis opus ritè peragendi, passionis, pravos habitus, & vitia extirpandi, externam conversationem instituendi, mores, totumque hominem modestè, exemplariter, & perfectè exhibendi &c. eò quòd hæc cuncta continuò occurrant, & quotidie necessariò practicari debeant: quod idem de vitiis in specie à potiori se habet.

Foret certè evidens, & inevitabile oblivionis valde nocivæ, confusionis item, aliorumque damnorum periculum, si materia & doctrina Ascetica, Religiosis scitu utilis & necessaria, oretenus tantum, & non in scriptis vel typo traderetur: consequenter eandem toties legendi, relegendi, repetendi, audiendi, practicandi, de eaque discurrendi, disputandi occasio, aut necessitas non esset: vel si Magistri

non omnem scitu necessariam materiam, vel hanc non satis solidè ac securè, vel non conformiter vos docerent, Magistro Novitiorum vel Instructore illud, Superiore locali iterum aliud dicente, suadente, docente, jubente &c. Sed hæc est felicitas vestra, Charissimi, quòd omnis materia spiritualis & Ascetica Religioso scitu necessaria, aut specialiter utilis, eaque non nisi solida, ac selecta à Superioribus Majoribus, consequenter ab ipso DEO præscripta, sicutque securissima vobis in hoc Tractatu tradatur, & ad manus pro omni commoditate vestra perpetuò relinquatur, simulque Magistri, & Superiores vestri locales, subsequenter cuncti adstringantur, ut non pro libitu, vel proprio judicio, sed juxta eandem, & per consequens uniformiter, semperque perfectè vos dirigant.

Profectò si ex eo, quòd Materia Theologica in scriptis, vel typo tradatur, vel habeatur, explicetur, speciali studiò penetretur, repetatur, declaretur, disputetur, atque in praxi sæperecurrat, non obstante materia-
rum copiâ, nec confusionem,

nec perplexitatem, nec tantum oblivionis periculum causet, quin fiant perfecti Theologi: haud apparet, cur copia materiæ Asceticæ dictos effectus causet, aut impediat, quin quoad scientiam perfecti Ascetæ, & accedente praxi perfecti fieri queant Religiosi; præsertim cum materia, & doctrina Ascetica captu sit longè facilior, lectu & auditu jucundior, practiacu utilior, quàm quævis alia scientia.

Considerate, quòd non obstante magna copia materiarum & Regularum in addiscendis Rudimentis, Grammatica, Poësi, Rhetoricâ, Linguâ latinâ &c. nec obstante difficultate, ab initio in pluribus se offerente, successu temporis, & accedente frequenti repetitione, ac praxi, finaliter cuncta non tantum facilè didiceritis, & quoad substantiam, ac necessaria ita retinueritis, ut modò eis conformiter, simulque faciliter, atque perfectè loquamini, boni Grammatistæ & Rhetores existatis. Idem, & quidem certiùs vobis continget, quòd non obstante materiæ & doctrinæ Asceticæ, regularumque & principiorum copiâ, non obstante etiam difficultate ab

initio in nonnullis se offerente, cuncta cum tempore, & successivè non tantum faciliter, & perfectè sitis percepturi, atque quoad substantiam, & necessaria retenturi, sed etiam boni Ascetæ quoad scientiam, & in re ipsa boni Religiosi sitis evasuri; præsertim cum scientia Ascetica in continua praxi, qua cuncta redduntur facilia, magis occurrat, sitque ex se facilior captu, & timentibus DEUM jucundior practiacu, quàm quævis alia scientia, prout mirè insinuat per totum ferè Psalmum 118. in Horis Minoribus recitari solitum; ubi inter alia Vir DEI exclamat: *Quàm dulcia faucibus meis eloquia tua, super mel ori meo. In via testimoniorum tuorum delectatus sum, sicut in omnibus divitiis. Sunt etenim teste Psalmista Psal. 118. v. 11. desiderabilia super aurum & lapidem pretiosum multum; & dulciora super mel & favum.* De eadem suavitate & facilitate testatur Christus Matth. 11. v. 30. illis dulcissimis verbis: *Jugum meum suave est, & onus meum leve.*

Hæc, Charissimi! de hac Regula aliquantum fusiùs dicere oportuit, ad præcavendam dæmonis fraudem, qua multos decipit,

cipit, dum eis ab initio statim necessariam scientiam Asceticam nimis obscuram, & captu difficilem, viam virtutis & perfectionis duram, & odiosam falsò exhibet, ut sic difficultate perterriti, vel tædiò affecti, animum abjiciant, vitam spiritualem averferentur, eamque vel omnino deserant, vel tepidè, remissè, inquietè, atque anxie in ea incedant.

Regula VIII.

18. **E**St, summòpere cavere, ne quis unquam indiscretè, & quasi violenter conetur in suis exercitiis, actibus, & operibus bonis juxta præscriptum Superiorum, & doctrinam tradendam peragendis, habere affectum, aut consolationem sensibilem: seu, ne ad eam acquirendam quis seipsum indiscretè quasi cogat, aut ne eà deficiente, vel absente, consueta, vel debita exercitia, & opera bona perfectoriè, ac negligenter perficiat, vel omnino omitat, sed potius cuncta semper perfectè, quietè, discretè, simpliciter, humiliter, ac quantum in se est, exactè peragat. Quod si DEUS subinde sensibilem devotionem, aut con-

solationem alicui tribuat, eà discretè, & humiliter utatur, ac fruatur: si minùs, non sit de ea sollicitus; quia, cum illam nostris viribùs procurare non valeamus, DEUS eam à nobis non requirit, sed habet pietatis actus & exercitia nostra æquè, imò plerumque magis accepta, quæ sinè, quàm quæ cum devotione, & consolatione nostra sensibili fiunt: ut propterea etiam sanctissimas animas, ipsam quoque sanctissimam Matrem suam omni sensibili devotione, & consolatione internà destitutas, per plures annos in summa spiritus ariditate, & sterilitate pro majori earum merito reliquerit, ut magis infra dicetur.

Errant in hoc frequenter Juvenes Religiosi, & inexperti adhuc in via perfectionis, qui, si devotionem sensibilem in suis piis exercitiis non sentiunt, & consolatione interna carent, tristes & pusillanimes evadunt, putantes, opera & actus suos coram DEO non esse acceptos, nec verè ex corde procedere, ac propterea ea omnino omitunt, vel truncatim, aut perfectoriè, & negligenter absolvunt, aut nimium & indiscretè se in-

tendunt, omnique conatu, & quasi violenter devotionem sensibilem extorquere satagunt, per quod cor, & caput debilitant, naturam destruunt, & notabiliter, saltem ad tempus, se inhabiles reddunt.

Regula IX.

19. **E**st, materiam hanc & doctrinam Asceticam, à Superioribus, consequenter à DEO præscriptam, non tantum, dum quis studet, & præparare se debet ad Scholam & Lectionem ordinariam, sed etiam aliis temporibus sæpius, præsertim tunc, & quoad illa consideratè legere, & relegere, quando, & in quibus adhuc difficultas & dubium, vel minùs sufficiens notitia deprehenditur; item quæ magis necessaria, aut utilia sunt: item circa quæ hic & nunc examen particulare fit: item circa quæ quis se adhuc magis ignarum, minùsque expertum vel habituat, aut in re ipsa culpabilem agnoscit; idque non tantum primis annis, quibus adhuc sub Magistro vivitur, sed insuper per totam vitam; siquidem doctrina hæc Ascetica non pro solis primis annis Religionis, sed

pro toto vitæ decursu in via perfectionis observanda præscribitur, & relinquitur, ut quivis eam semper ad manus habens, ex eadem quovis tempore se recolligere, seque & alios faciliè juvare, vitamque suam constanter instituere, & habitus conformiter generare, atque firmare valeat.

Erraret proin plurimum, qui finitis Novitiatus, & Magisterii annis eam negligeret, aut non amplius revolveret: vel qui tantum illam legere, eique studere vellet, tunc, quando in schola, aut circulo facienda urgeret repetitio.

Regula X.

20. **E**st, plenè renuntiare omni curæ, & sollicitudini de Parentibus, consanguineis, amicis, rebusque temporalibus cunctis tam suis, quàm suorum; cura enim & sollicitudo hujus sæculi continuas distractiones causat, verbumque DEI, & sanam spiritus ac virtutum doctrinam attentè recipere aut non permittit, aut receptam iterum suffocat, ita, ut fructum ferre non possit, juxta testimonium Evangelii *Luc. c. 8. v. 7.* Unde

Apo-

in via
præscri-
at quivis
habens,
ore fere-
os facile
constan-
tus con-
ne firma-

um, qui
Magisterii
aut non
el qui tan-
e studere
n schola,
geret re-

re omni
ndini de
is, ami-
us cun-
iorum;
hujus
tiones
& fa-
doctri-
t non
terum
ferre
nium
Unde
Apo-

Apostolus ait 1. Cor. 7. v. 32. *Volo vos sine sollicitudine esse: Et Christus Luc. 14. v. 23. Qui non renuntiat omnibus, non potest esse meus discipulus. Et v. 26. Qui non odit patrem, & matrem, & uxorem, & filios, & fratres & sorores (deponendô videlicet propter DEum omnem inordinatum affectum, curam, & sollicitudinem de eis) non potest meus esse discipulus.*

Erraret itaque, qui inter legendum, & studendum de doctrina Ascetica, varias cogitationes, vel curas foveret de parentibus, consanguineis, & de rebus mundanis, aut complacentias de vanitatibus in mundo habitis, vel gustatismitteret.

Regula XI.

21. **E**St, per sinceram, apertam, exactam, & humilem Confessionem Sacramentalem primis statim diebûs, & antequam ad ulteriora fiat progressus, purgare conscientiam suam à cunctis peccatis in mundo commissis, præsertim gravibus, si (quod DEUS avertat) talibus quis esset gravatus; æternæ siquidem Veritatis est: *Quoniam in malevolam animam non introibit sapientia* (id est, scientia & noti-

tia de rebus divinis, & spiritualibus) *nec habitabis in corde subdito peccatis. Sap. 1. v. 4.* Ideo hanc, & præcedentem Regulam pro vetustatis depositione ante omnia suadet D. Bonaventura in *Prod. Spec. Discip. ad Novitios.*

Regula XII.

22. **E**St, ipsas has regulas, de perfectè legendo & studendo materiæ Asceticæ, hucusque præscriptas consideratè sæpius relegere, & videre, an in praxi quis eas observet, simulque omni nisu conari, donec in habitum deducantur.

Cæterum, quia tota doctrina Ascetica, scitu utilis & necessaria, simul tradi non potest, nec eam simul capere valetis: consequenter ignorantia multarum rerum, ad profectum Religiosum scitu partim utilium, partim necessariarum, diu laborabitis, Regula universalis, simulque facilis, & segura, semper bene agendi, & proficiendi, DEIque voluntatem certò cognoscendi, & perfectè exequendi vobis præscribitur, & est. Ut interea totali cum abnegatione proprii iudicii & voluntatis, in omnibus simpliciter credatis, & perfectè obe-

obediatis Superiori, & Magistro vestro, haud aliter, ac si DEUS ipse vobis loqueretur, præciperet, vósque doceret, instrueret, & dirigeret. Ipsi enim revera vice, & locò DEI vobis sunt & loquuntur: debetis proin eorum vocem, tanquam vocem DEI audire, accipere & sequi: Nam *quidquid vice DEI præcipit homo* (inquit ad propositum S. Bonaventura in *Spec. Discipl. p. 1. c. 14.*) *quod non sit tamen certum, displicere DEO, hoc omnino accipiendum est, quasi præcipiat DEUS. Quamobrem,* pergit idem S. Doctor: *Obedientia filii se totos ad obediendum exponant, moxque ut Prælati vocem audierint, quasi divinitus imperetur, moram pati nesciant, sed relictis omnibus ad injuncta quaque fideliter exequendum prompta devotione consurgant, ut vicino obedientia pede, velut uno momento vocem facti exhibitione sequantur.*

Imò debetis eisdem ita perfectè obedire, ut non tantùm contra illorum præceptum, & voluntatem nil unquam agatis, sed etiam absque voluntate, directione, aut mandato eorundem, ex voluntate, opinione, aut devotione propria penitus nihil attentetis, consequenter

voluntatem propriam perfectè abnegetis; Nam, *quia non confidis tibi ipsi* (ait S. Bonav. de *Insuperis. Novis. p. 1. c. 2.*) *ut præsumas te scire, quid velit DEUS, ideo commissi te Superiori tuo, ut ipse te regat, & in viam DEI inducat; unde non licet tibi vivere pro velle tuo, sed quò ductor tuus ire jubet.* Accedit, quòd etiam bonum, ex propria voluntate factum, sæpe omni careat bonitate, teste S. Bernardo *Serm. 71. in Cant. in fine.* Grande malum propria voluntas, qua sit, ut bona tua tibi bona non sint.

Hanc ergo universalem Regulam perfectè si servabitis charissimi Filii, etiam in simplicitate & ignorantia adhuc vestra semper securè, & absque errore, errorisque periculo incedetis, benèque & meritoriè, imò perfectè agetis & vivetis; cò quòd teste S. Bonavent. *cit. cap. 4. Spec. Discipl. Tota Religionis perfectio in voluntatis propria abdicatione consistit, & in executione voluntatis divinæ, quam vobis certò manifestat Superior & Magister vester, & quæ cum voluntate Superioris eadem est, juxta repetitum illud: Qui vos audit, me audit; qui vos spernit, me spernit.* His præliminaribus prælibatis ponitur

CAPUT II.

De Statu Religioso.

§. I.

De vero fine Religionis, & Religiosorum.

I.

Primò & ante omnia meritò agitur de fine Religionum, & Religiosorum; quia, ut prudenter, & rectè quis agat, aut eligat, necessariò attendere priùs, & considerare debet finem, & intentionem, quare nempe, seu ob quem finem, & ex qua intentione quid agere, & eligere velit, juxta tritum illud: *Quidquid agis, prudenter agas, & respice finem.* Finis etenim, & intentio suam cuius operi qualitatem moralem potissimùm tribuit, illudque bonum, vel malum, perfectum, aut imperfectum, meritorium, vel demeritorium, supernaturale, vel naturale, excellens, vel utile reddit, prout videlicet finis, qui intenditur, se habet; nam *quidquid agunt homines, intentio judicat omnes.* Nec sufficit bonum facere, aut eligere, nisi etiam ex

bono fiat fine. *Multum interest, inquit S. August. Serm. 12. in Psal. 118. Cum aliquid boni facimus, cujus vel contemplatione faciamus; Officium quippe nostrum non initiò, sed fine pensandum est, ut scilicet non tantum, si bonum est, quod facimus, sed precipuè, si bonum est id, propter quod facimus, cogitemus.* Et in Psal. 31. *Non valde attendas, quid homo faciat, sed quid, cum faciat, aspiciat; siquidem DEUS cor, & non substantiam pensat: nec perpendit, quantum ejus Sacrificium, sed ex quanto proferatur, dicit D. Gregorius Hom. 5. in Ev. ut ampliùs dicetur infra Cap. 9. §. 1. de bona Intentione.*

2. Hinc, etsi mundum, cum omnibus, quæ in mundo sunt, deserere, & Religionem ingredi, Sacrificium ex se sit sanctissimum, & actus sanè heroicus ac optimus, bonitate tamen, & sanctitate carebit, nisi etiam ex bono fine fiat.

Neudecker Pars Prior.

C

3. Qua-

3. Qualis autem esse debeat finis ingrediendi Religionem, ut sit, & dicatur bonus, dabit præfens Paragraphus.

4. Quæritur I. Quis sit finis principalis S. Religionis, & Religioforum? Ante responsionem nota, multiplices, & varios esse fines bonos, ob quos à DEO institutæ sunt Religionēs. Alius est universalis, & communis cuiusvis Religioni; alius particularis, seu specialis, cuiusvis Religioni proprius. Communis item alius principalis; alius minùs principalis, secundarius, & quasi accessorius, ita tamen, ut ad principalem finem faciliè reduci valeat. Hoc notato

5. Resp. Finis principalis, & cuiusvis Religioni communis est, consequenter cuiusvis Religiosi principalis esse debet, ut quis abjectis impediētiis, & periculis in mundo existentibus, & contra assumptis opportunis mediis in quavis Religione preparatis, DEO fide jam cognito, ex amore ejusdem, in hac vita, perfectè, modòque à Religione præscripto, servire, consequenter veram perfectionem acquirere: in altera verò vita eundem clarè cognitum adhuc perfectiùs amare, honorare, & laudare, còque in æternum frui, cum

& in illo æternum gaudere, ac felix esse, sicque ad primum creationis suæ finem securè pervenire valeat. Ita in re communis SS. Patrum, Theologorum, & Ascetarum. Explicatur, &

6. Dicitur primò: *Ut abjectis impediētiis, & periculis in mundo existentibus.* Mundus enim plenus est, imò abundat impediētiis & periculis, quæ hominem à servitio divino, perfectæque charitate ejusdem mirè impediunt, & à fine creationis quasi violenter retrahunt: adeò, ut rarum sit, reperire in mundo viros perfectos, aut veros DEI servos; nam *mundus totus in maligno positus est.* 1. Joan. 5. v. 19. utpote in quo vix aliquid existit, quod non à DEO retrahit, & ad peccatum, perniciemque perducit; quoniam *omne, quod est in mundo, concupiscentia carnis est, & concupiscentia oculorum, & superbia vitæ.* Joan. 1. c. 2. v. 16. Hinc S. Paulinus Epist. 2. ad Severum, ait: *Tota hujus mundi figura, quæ præterit, & per oculos corda prolestat, diabolicis prætentis retibus, in qualibet sui specie, laqueus mentis, & gladius est.* Et S. Bernardus Serm. 6. de Ascens. Dom. *Mundus est, ubi multitudo plurimum, ubi sapientia modicium, ubi omnia*

per-

operta tenebris, & obfessa laqueis, ubi periclitantur anima, ubi spiritus affliguntur, ubi omnia vanitas, & afflictio spiritus; ut proin merito dicatur Jac. 4. v. 4. Quicumque ergo voluerit amicus esse hujus seculi, inimicus DEI constituitur: & providè moncat S. Joannes in Epist. 1. c. 2. v. 15. Nolite diligere mundum, neque ea, quæ in mundo sunt; si quis diligit mundum, non est charitas Patris in eo: siquidem amicitia hujus mundi inimica est DEI. Et, quod specialiter est pensandum, mundus etiam per suam amicitiam, vel maximè nocet, majoraque, & potiora impedimenta perfectionis, ac salutis pericula causat per ea ipsa, quæ magis in mundo æstimantur, & amantur, atque ab amatoribus mundi maximè ambiuntur.

7. Quatuor præcipuè sunt, quæ mundus maximè æstimat, videlicet *primò* divitiarum. *Secundò* carnis & corporis voluptates. *Tertiò* honores. *Quarid* voluntas, & judicium proprium. Et hæc ipsa sunt, quæ præ cæteris à virtute, & perfectione magis impediunt, potioraque causant salutis pericula, & majorem præbent ansam peccandi, quod ad longum posset probari; sufficiat autem pauca adducere,

8. Et quidem imprimis, Divitiarum quanta salutis causent impedimenta, & pericula, abundè colligitur ex terribili illa sententia Christi Matth. cap. 19. v. 23. & 24. Amen dico vobis, quia dives difficilè intrabit in regnum celorum. Et iterum dico vobis, facilius est, camelum per foramen acus transire, quàm divitem intrare in Regnum celorum. Unde merito dicitur Eccli. 10. v. 10. Nihil est iniquius, quàm amare pecuniam; hic enim & animam suam venalem habet. Nam, si dives fueris, non eris immunis à delicto, ut ibidem habetur cap. 11. v. 10. Si animam; inquit S. Chrysost. Hom. 48. in Matth. de homine divitias amante, perspexeris, invenies sicut vestem mille sineis corrosam, sic utique à curis perforatam, à peccatis putrefactam, & habendi sollicitudine tabescentem. Hinc non mirum, quòd Christus inter alia æternum Pa specialiter prædixerit divitibus Luc. 6. v. 24. Pa vobis divitiis.

9. Porro non tantum actu divites innumera, eaque maxima patiuntur impedimenta virtutum, & pericula peccatorum, sed etiam illi, qui divitiis destituti, eas inordinato affectu ambiunt, & querunt, divitesque fieri cupiunt,

piunt, ut per Apostolum testatur Spiritus S. 1. ad Timoth. 6. v. 9. illis verbis: *Nam, qui volunt divites fieri, incidunt in tentationem, & in laqueum diaboli, & desideria multa inutilia, & nocturna, qua mergunt homines in interitum, & perditionem. Radix enim omnium malorum est cupiditas.* Ecce! quanta impedimenta, & pericula ex solis divitiis, à toto ferè mundo tantum & unice desideratis, ita ut paucissimi in mundo existant, qui divitias vel non habent, vel saltem non ambiunt, & divites fieri cupiunt; consequenter ferè omnes in mundo ingentibus impedimentis & periculis salutis obruti sunt.

10. *Secundò.* Haud minora virtutum, salutisque obstacula, & impedimenta causant corporis voluptates non tantum veneræ, sed etiam quæ ex inordinato usu cibi, & potus quærantur. Et quidem ex voluptatibus carnalibus integer requireretur liber, si damna, si pericula, si impedimenta, quæ ab illis causantur, recensere vellemus; erit de his sermo infra de Castitate, & Vitiis oppositis. Hic sufficiat, unam, alteramque sententiam ex SS. Patribus adducere, ex quibus satis

patebunt virtutum impedimenta, & salutis pericula ex vitio carnis causata. *Fuerit forsitan peccatorum quispiam libidinose deterior?* inquit S. Thomas de Villanova Conc. 2. de S. Ildephonso. *Nallus cerit ad DEI contemptum promptior, ad malum perpetrandum audacior, nullus ad persistendum in peccato tenacior.* Cui consonat Oleaster à Lohner in *Anst. Tit. Luxuria.* citatus: *Sunt quadam vitia sic colligata, ut, quamprimum unum admittis, aliunde invadere necessum sit: trahit luxuria, & libidinis ardor ad omnia, qua vult, etiamsi maxima sint peccata.* Nec tantum inducit ad quævis peccata, sed insuper delet omnem pietatem, & retrahit ab ea, teste S. Gregorio *Lib. 10. Moral. cap. 9.* *Qualibet alia fuerint opera bona, si luxuria scelus non abluitur, immensitate hujus criminis obruuntur.* Nam est, ait D. Thom. de Villanova *loc. cit.* fuerit quispiam in juventute sua omnium virtutum decore præsurgidus, & veluti paradisus DEI, vernantibus undique, & fragrantibus gratiarum lilis dealbescentibus, si semel intima ejus penetraverit rogu (luxuria videlicet) totum funditus urit, totum absumit, totum redigit in favillam, ex amano paradiso in desertum horridum, & ex angelo

reducit in belluam. Et tamen, cheu! nullum vitium adeò grafsatur in hoc mundo, quàm hoc ipsum periculosissimum, & perniciosissimum, ut bene advertit S. noster Bernardinus tom. 3. *serm. 22. de luxuria.* ibi: *Non est aliquod vitium, per quod mundus adeò subi- viatur diabolo. Hoc peccatum latifi- cat infernum, & quasi totum mundum trahit ad supplicium;* adeò, ut S. Remigius in *Epist. ad Rom.* relatus à S. Thoma de Villanova loc. cit. tremenda illa verba, de existen- tibus in mundo, dicere non dubitaverit: *Dempit parvulis, ex adultis propter carnis vitium pauci salvantur.* Ecce! quanta iterum pericula, & quanta salutis impe- dimenta ex eo, quò nil frequen- tius in mundo.

¶ 11. Voluptatibus carnalibus venereis vicina, & in effectù cau- sandi impedimenta virtutum, & perfectionis, salutisque pericula, sunt corporis oblectamenta & voluptates, quas mundani in ci- bi & potùs inordinato usu quæ- runt, quæ eò magis sunt pericu- losæ, quò minùs in mundo sus- spectæ, & vix non ab omnibus magnò in pretio habentur, ap- petuntur, & pro libitu gustantur: cum tamen certum sit, nullum

unquam ad perfectionem, & so- lidam virtutem aliquam perve- nisse, nec perventurum imposte- rum, sed potiùs in perpetuo pe- riculo plurimorum peccatorum, ac interitùs victurum, & perman- surum, nisi subjugaverit vitium Gulæ, ut amplius dicetur in *Parte posteriore de Gula, & virtute opposita.*

¶ 12. Tersiò. Æqualia, eaque in- numera perfectionis, & virtu- tum impedimenta, vitiorumque pericula generant mundani ho- niores, & dignitates, cæteræque laudis ac æstimationis vanitates; de quibus amplè in *Parte videli- cet posteriore* dicetur, agendò de *Humilitate*, & vitio opposito sci- licet *Superbia.* Sufficiat nunc, quòd, qui has inordinate (ut in mundo plerumque fit) ambiunt, & appetunt, hoc ipso superbi existant: ubi autem superbia, ibi omne virtutis, & gratiæ impedi- mentum, & econtra otanium vitiorum radix invenitur; nam *initium omnis peccati est superbia.* *Eccli. 10. v. 15.* *Superbia,* inquit S. Isidorus *de Summo bono. L. 2. cap. 38.* *sicut est origo omnium criminum, ita est ruina cunctarum virtutum.* Nec mirum, quia DEUS superbis gra- tiam suam, sinè qua nihil possu- mus, non tantum denegar, sed etiam,

etiam, quod terribile est, positi-
vè resistit, juxta illud *Jac. 4. v. 6.*
DEUS superbis resistit, humilibus an-
tem dat gratiam.

13. *Quarid.* Quòd etiam Vo-
luntas propria, propriumque ju-
dicium maxima causet virtutis
ac perfectionis obstacula, atque
impedimenta, neminem latet, &
ample patebit infra in *Parte posse-*
riore. Sufficiat hìc illud notum
D. Bernardi *serm. 3. in Pasch. Cesset*
propria voluntas, & infernus non erit:
ubi per voluntatem propriam illa
intelligitur, qua volumus, & eli-
gimus, non quod DEI, vel pro-
ximi charitas, aut ratio, sed quòd
inordinatæ passiones nostræ,
concupiscentiæ, & affectus exi-
gunt: de qua voluntate loquens
S. Paulus *1. ad Tim. 6. v. 10. Radix*
omnium malorum est cupiditas, quam
quidam appetentes erraverunt à fide,
& inferuerunt se doloribus multis.
Unde monet Spiritus S. *Eccli. 18.*
v. 30. Post concupiscentias tuas non
eas, & à voluntate tua avertere: Et
Genes. 4. v. 7. Sub te eris appetitus
tuus, & tu dominaberis illius.

14. Propriæ voluntatis so-
cium plerumque agit, & gran-
dia perfectionis obstacula causat
proprium judicium, quò quis
spretò aut neglectò præceptò,

consiliò, ratione, aut opinione
aliorum, præsertim prudentum
& Superiorum, soli suæ opinio-
ni pertinaciter adhæret, eamque
sequitur; de quo in *Parte posse-*
riore de mortificatione proprii judicii
& voluntatis.

15. *Quind.* Præter memorata,
etiam maxima in via virtutum
objiciunt impedimenta, & con-
tinua præbent pericula labendi,
innumera oculis, aliisque sensi-
bus continuo, & quasi ubique
in mundo oberrantia scandala,
seu mala exempla plurimorum,
etiam talium, quorum societas
vitari non potest; per quæ
exempla proximus facilè ad se-
quelam incitatur, & trahitur;
Exempla enim trahunt. Siquidem
valde difficile est, cum malis, aut
saltem imperfectis continuo ver-
sari, & eorum actus aut mores
non imitari; nam juxta Ver-
bum divinum *Eccli. 13. v. 1. Qui*
tetigerit picem, inquinabitur ab ea,
& qui communicaverit superbo, in-
ducet superbiam. Quòd idem de
aliis vitiis puta; enimvero ver-
sari in spini, & minimè ladi, divina
est potentia, & non virtutis tua, in-
quit S. Bernard. *Serm. 48. in Cant.*
Unde etiam quantumvis cauti,
& quasi nolentes malis exemplis,

&

& societate malorum inficiuntur existentes in mundo; nam sicut qui contagiosa inficiuntur peste, non eam contrahunt voluntariè, sed ex commercio & consortio cum personis infectis: ita & plurimi, dum in malorum vivunt consortio, eorum bibunt culpas, & vitia, longè licèt invisissimi. Mansi Tract. 17. disc. 8.

16. Et quod ingemiscendum, sufficit persæpe ad proximum inficiendum unicum unius socii malum exemplum, uti loc. cit. bene observat Mansi: *Sicuti vel unicum filium infectum potest transfundere pestem, ita vel unicum verbum, gestus, vel malum exemplum unicum, quæcunque res mala, quantumvis minima sufficiens est, ut nos contamines.* Quod ipsum Ludovicus Granatensis in Loc. com. v. Societas. etiam in sacris communitatibus observat illa similitudine: *Sicut in suavissima multarum vocum consonantia, si vel una tantùm dissona vox accedat, totam harmoniam dissolvit; ita vel unus improbus in Convensu & societate bonorum moribus inter se similium totam planè concordiam conturbare solet.* Unde S. Paulus graviter indignatus est contra Corinthios, quòd aliquem malè & scandalosè inter eos viventem è communitate

non ejecerint, addens rationem illis verbis: *Nescitis, quia medicum fermentum totam massam corrumpit?* 1. ad Corinth. c. 5. v. 6. Ob quod etiam zelosè admonet 2. ad Thess. 3. v. 6. *Denuntiamus autem vobis, Fratres, in Nomine Domini nostri JE- SU Christi, ut subtrahatis vos ab omni fratre ambulante inordinatè.* Si autem unicum malum exemplum tantæ efficaciz est, quid non poterit frequentissimum, & quasi continuum malum exemplum eorum, quibuscum conversandum est in mundo, ubi paucissimi de perfectione cogitant, & plurimi continuis imperfectionibus, & peccatis saltem levibus innatant? ac, ubi alij venenatis persuasionibus, alij undique exemplis pejoribus ad peccatum aliciunt, alij adulationibus in vanam gloriam, alij detractationibus in impatientiam animi dejiciunt &c. S. Bernardus Serm. 3. de Circumcis. Planè miraculum dixero, in mundo hoc per totum vitioso, viscoso, & lutofo semper conversari, & non sæpe inquinari.

17. Sextò. A virtute, & vera perfectione in mundo vel maxime impediunt innumeræ, & quasi continuæ de rebus temporali- bus curæ, ac sollicitudines. Hoc ipso

ipso enim, quòd, experientiâ teste, seculares omnes continuïs curis, & solitudinibûs diu notûque inquietentur, distraherentur, occupentur, angantur, & crucientur, ut vitæ necessaria ac sufficientia juxta præsentem, & adhuc majorem, quem plerumque ambiunt, vitæ statum, ac conditionem acquirant, acquisita augeant, vel ne minuant, & perdant, propterea etiam invicem æmulentur, invident, persequantur, & litigent, laborent, & se fatigent, totûmque ferè vitæ tempus in his miserè infumant, rarissimè & obiter tantûm, ac planè insufficienter curant, & cogitant, quomodo DEO perfectè servire, ei que placere, quomodo vitia & passiones extirpare, & econtra virtutes implantare, quomodo ad perfectionem Christianam tendere, quomodo animam suam securè salvare, quomodo fini, ad quem creati sunt, satisfacere, & ad eum pervenire valeant, memoratis temporalium curis & solitudinibûs bonas cogitationes, inspirationes, aut proposita, ex semine Verbi divini, aut aliunde conceptas, illico suffocantibûs, & fructum ferre non sinentibûs; ut

clare docuit ipse Divinus Magister Christus *Luc. 8. v. 7.* ubi dixit, Verbum DEI, bonasque cogitationes cadere inter spinas, statimque ab his ita suffocari, ut fructum non afferant, quando veniunt in corda illorum, qui curis, & solitudinibûs hujus vitæ obruti sunt, ibi: *Quod autem inter spinas cecidit, hi sunt, qui audierunt, & à solitudinibus, & divitiis, ac voluptatibus vitæ suffocantur, & non referunt fructum.* Hinc sæpe idem nos monuit, ut à solitudine hac caveremus, ut *Luc. 12. v. 22. Nolite solliciti esse &c.* quam solitudinem etiam longè abesse vult S. Paulus *1. ad Corinth. 7. v. 32. Vult vos sine solitudine esse,* id est, superflua, & inordinata temporalium.

18. *Septimè.* Cuncta hætenus recensita mundi impedimenta & pericula augmentur, ac firman- tur per pessima mundi principia, quibûs periculosissimus etiam vivendi modus, mores corrupti, nec non plurima vitia defenduntur, manutinentur, & sub specie liciti excusantur, explosis contrariis, quantumvis certis, in fide, & doctrina Evangelica fundatis principiis; unde fit, quòd pericula etiam gravissima minimè curen-

curen-

eurentur, plura mandata tanquam figmenta reputentur, Ecclesiar, & Pontificum Decreta contemnantur, Divina monita & consilia non attendantur, exhortationes, dehortationes, admonitiones &c. eorum, quibus animarum cura incumbit, rideantur; sicque laxatis habenis non tantum omnis cura christianæ perfectionis penitus negligatur, sed liberrime in varia etiam crimina ruatur, adeo, ut S. Joannes *Epist. 1. cap. 5. v. 19.* pro suo, & futuris temporibus merito dixerit: *Mundus totus in maligno positus est.*

19. Ob totergo, & tanta virtutum, perfectionisque christianæ impedimenta, ac tanta salutis nostræ pericula amantissimus Redemptor Christus, ex infinita sua bonitate, nostri misertus. statum Religiosum, variosque successivè sacros Ordines & Religiones tum per se, tum mediantibus dilectis suis servis instituit, (Christus siquidem revera primus Religiosi Status Institutor fuisse censetur) easque ita formavit, ut earum natura, & essentia, proprietates, & qualitates memorata impedimenta perfectionis christianæ tollerent, easque, sicut & salutis periculis

immediatè contraria, & convenientia præberent remedia, quatenus DEO perfectè servire, sicque ad perfectionem, & ad creationis suæ finem venire efficaciter desiderans haberet locum, ubi immunis à tot impedimentis & periculis, sanctum voluntatis suæ desiderium executioni mandare liberè valeret, arripiendò saluberrima media in Sacris Religionibus ordinata. Ac propterea ulterius

20. Dicitur *secundò* in *Responsione num. 5.* datà: *Et contra assumptis convenientibus mediis, in quavis Religione præparatis.* Etenim Religio non tantum impedimenta, & pericula removet, sed etiam auxilia, & media ad DEO perfectè serviendum, & perfectionem acquirendam aptissima; præstantissima & copiosa exhibet, prout patebit ex dicendis §. 11. de *Præstantia, & Felicitate Status Religiosi.* Unde etiam ob hunc finem, videlicet, ut non tantum pericula, & impedimenta quis declinet: sed etiam, ut præstantissima, & optima, quibus Religio abundat, & mundus caret, acquirat, & semper habere possit media, DEO perfectè serviendi, & ad perfectionem

Neudecker Pars Prior.

D.

ve

venienti, si quis Religionem ingreditur, bonum finem habet.

21. Additur tandem in allegata Responsione num. 3. datà: *Ut DEO, fide jam cognito, ex amore ejusdem in hac vita perfectè, modòque in Religione præscriptò servire; consequenter veram perfectionem acquirere: in altera verò vita eundem clarè cognisunt adhuc perfectiùs amare, laudare, & honorare, eoque in æternum frui, cum, & in illo gaudere, ac felix esse, sicque ad primarium creationis sue finem securè pervenire valeat.* Hic enim cujusvis Religionis, ac Religiosi est, & esse debet verus, ac principalis finis ingrediendi Religionem, atque manendi in eadem, ut nempe DEO, ex charitate erga eundem perfectè servire, eumque amare, & ad perfectionem, finemque creationis suæ pervenire valeat.

Hic siquidem est primarius & principalis finis, ob quem à DEO creatus est, & conservatur omnis homo. Enimvero principaliter, & primariò *universa propter semetipsum operatus est Dominus, uti ipse testatur Spiritus sanctus Proverb. 16. v. 4.* Huc ergo principaliter, & primariò omnes tendere, collimare, omniàque dirigere, & in hoc solo, tanquam

finè, & centro nostro quiescere debemus. Sola notanda verba: *Fide jam cognito:* quia in hac vita DEUM non clarè, sed tantum obscurè, & ut dicit Apostolus, 1. Cor. 13. v. 12. *per speculum in ænigmate* videmus, & cognoscimus: adeoque eundem amamus, eique perfectè servimus, quia fide credimus, cum amore, & servitiò dignissimum esse; in altera autem vita, quia illum facie ad faciem, & prout est, clarè cognoscemus, simulque videbimus, cum omni amore, laude & honore infinitè dignum esse, perfectiùs adhuc, imò perfectissimè, ac intensissimè eundem amabimus, laudabimus, honorabimus, ejusque laude & glorià lætabimur &c. & hinc dicitur: *in altera verò vita eundem clarè cognisunt &c.*

22. Cæterum quid sit DEO perfectè servire, & in quo Perfectio, ad quam tendere debemus, verè consistat, dicetur in Parte posteriore. Sufficiat interea compendiosè dicere, DEO perfectè servire, aliud non esse, quam *ex amore erga illum sanctissimam ejusdem voluntatem in omnibus perfectè exequi: consequenter Perfectionem consistere in perfecta executione voluntatis.*

luntatis Divinae, seu in perfecta conformitate nostra quoad omnia cum voluntate Divina; ita ut quis ex amore erga DEUM omnia, & nihil aliud desideret, aversetur, agat, omittat, & patiaturs, quàm quod vult DEUS, quomodo vult, & quia vult: id est, quod vult DEUS, ut quis velit, desideret, aversetur, agat, omittat, & patiaturs: item quomodo vult, & quia vult; de quo magis loc. cit.

23. Dices: si ob hunc finem creatus est, conservatur, & existit omnis homo; ergo finis Religiosorum, & mundanorum est idem: consequenter nulla intervenit differentia. Resp. Eundem quidem esse finem principalem mundanorum, & Religiosorum, in eoque illos revera convenire; differre nihilominus plurimum in via, mediis, & modo tendendi ad eundem finem. Mundani siquidem ad Perfectionem incedunt viâ valde ancipiti, erroneâ, periculis plenâ, impedimentisque, & obstaculis repleta, ita ut pauci ad finem optatum perveniant; Religiosi contra paratam habent, & ambulare possunt viam regiam, tritam, & certam, ab impedimentis, obstaculis, & periculis immunem: adeo ut ad finem præfixum faci-

lè, & securè pervenire valeant; dummodo velint, & nisi per extremam socordiam, ac negligentiam stare, vel retrogredi, aut voluntariè, & deliberatè, petulanter, ac malitiosè deviare, & aberrare ipsimet velint.

24. Item Religiosi plurimè, iisque efficacissimis, optimisque auxiliis, ac mediis, & quasi rhedâ, vel equò vecti ad finem, & terminum sine fatigatione pergunt: Mundani econtra præfatis auxiliis, & mediis destituti, quasi pedestres, non sine maxima difficultate iter agunt, ita, ut fatigati plerumque in via deficiant, consequenter ad finem & metam non pertingant.

25. Religiosi item modò perfectiori, ab Ordinis Regulis præscripto iter perficiunt, servandò non tantum divina, & Ecclesiastica præcepta, sed etiam sequendò plura DEI consilia, *Paupertatem* præcipuè, *Castitatem*, & *Obedientiam*. Mundani autem modò minùs perfectò, utpote solam mandatorum observantiam attendentes, nihil, vel parùm de consiliis Divinis, & Evangelicis solliciti. Hæc de fine principali & primario; jam

26. Quæritur II. Quis sit finis minùs principalis Religionis, & Religiosorum? Resp. Finis minùs principalis, siue secundarius, bonus tamen, quem quævis Religio habet, & consequenter quivis Religiosus habere potest, est multiplex. Patet inductione.

Sic enim inter alios I. Finis secundarius est, ut quis in Religione certius, & securius æternam damnationem evadat, beatitudinemque cœlestem acquirat, seu ut certius, & securius salvus fiat. Nam sicut Ter Optimus DEUS principaliter, & primario creavit omnes homines propter semetipsum, & gloriam suam, ut videlicet homo ei perfectè serviat, eumque hic, & in æternum amet, laudet, & honoret: secundario autem, seu minùs principaliter, ut seipsum, & bonitatem suam homini communicet, perpetuoque beatum, & felicem efficiat; sic etiam Christus præter finem principalem secundario, & minùs principaliter instituit Statum Religiosum, ut intrantes eundem, remotis obstaculis, impedimentis, & periculis, ac econtra assumptis Religionis mediis regnum

cœlestē certius, & securius consequerentur. Nam sunt plerique, ait S. Gregorius *lib. 2. Ep. 6.* *Qui, nisi omnia reliquerint, salvantur apud DEUM nullatenus possunt.* Et teste S. Cypriano *de singular. Uleric.* *Lubrica spes est, qua inter fœmenta peccatis alvarise spes est.* Hunc finem Christus indicavit; dum Religiosum Statum assumptibus certò promissit æternam vitam, *Matth. cap. 19. v. 29. ibi: Omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, & vitam æternam possidebit.*

27. II. Finis secundarius Religionis est, & Religiosi esse potest, ut agat poenitentiam, & satisfaciatur pro peccatis in sæculo jam perpetratis. Nulla enim poenitentia, & satisfactio pro peccatis præteritis præstantior est, quàm assumptio Status Religiosi. Nam si ab aliquibus *eleemosynis factis* (inquit S. Thomas *2. 2. q. 189. a. 3. ad 3.*) *homo potest statim satisfacere pro peccatis suis, secundum illud Danielis 4. Peccata tua eleemosynis redime; multò magis in satisfactione pro omnibus peccatis sufficit, quòd aliquis se totaliter Divini obsequii mancipet per Religionis ingress.*

gressum, quæ excedit omne genus satisfactionis.

28. III. Ut quis evitet in futurum peccata, peccandisque pericula, quæ planè innumera in mundo existunt, prout jam dictum *supra*. Quibus addimus verba S. Bernardi *de Convers. ad Cleric. cap. 30. Periculatur castitas in deliciis, humilitas in divitiis, pietas in negotiis, veritas in multiloquio, charitas in hoc seculo nequam. Fugite de medio Babylonis, fugite, & salvate animas vestras.* Denique

29. IV. Fines secundarii sunt excellentia, perfectio, utilitas, & felicitas Status Religiosi; de quibus §. sequenti.

30. Interea notandum, quemlibet ex his accessoriiis, & secundariis Religionis finibus, ac motivis intrandi Religionem, & manendi in ea, esse bonum quidem, meritorium, & DEO placentem; perfectiorem tamen, DEOque magis gratum, & cuius magis meritorium esse finem principalem, ac primum: ita, ut, quamvis bene, bonoque agat ex fine, qui primarii finis immemor Religionem præcisè intrat, ut certius, & securius infernum evitet; vel, ut pro peccatis suis satisfaciat; vel, ut ea vitet, ac declinet &c. melius ta-

men agat, si ex fine primario & principali *n. s.* indicato id faciat: ut proin quivis satagere deberet, ex memorato fine Religionem intrare, vel, si præcisè ex secundario, aut minùs principali fine jam intravit, mutatà intentione, ex principali fine in ea manere; præsertim, cum quis secundarios fines ad primum facile reducere, sicque omnes perfectè habere valeat: si videlicet ideo etiam ex secundario fine, aut motivo, v. g. ut securius salvus fiat, vel peccati pericula declinet, poenitentiam agat &c. Religionem assumpsit, aut in ea manet; quia DEUS etiam vult, & maxime desiderat, ut salvemur, ut peccata, eorumque pericula pro possibili declinemus, ut poenitentiam agamus &c. si enim simile quid quis intendit, quia idem DEUS vult, & desiderat, eique placet, jam hoc ipso finem principalem habet, prout magis patet infra *num. ss.* afferendò pro praxi perfectæ intentionis actum intrandi, vel manendi in Religione.

31. Quæritur III. Quis sit specialis finis Ordinis nostri Scraphici, & consequenter quis esse possit, & debeat FF. Minorum?

rum? Ante reſponſionem notandum, ſinem, & motivum Religionis noſtræ tam principalem, quàm ſecundarium, ſeu minùs principalem in ſubſtantia convenire quidem, & eſſe communem, & eundem cum ſine, & motivo aliarum Religionum, diſferre tamen ab illo in modo, & via tendendi ad ſinem; ut ſtatim patebit ex ſequenti Reſponſione.

32. Reſp. itaque I. Finis primarius, & principalis Seraphicæ noſtræ Religionis, conſequenter & FF. Minorum eſt, ut quis abjectis mundi impedimentis, obſtaculis, & periculis, ac econtra aſſumptis optimis mediis, & auxiliis in eadem præparatis DEO ex amore erga eundem perfectè ſervire valeat modò Evangelicò, ab ipſo Chriſto, & Apoſtoliſ verbis, & exemplis traditò, & S. P. Franciſco per ſingularem revelationem à Domino divinitus oſtenſò. Hæc Reſponſio patebit magis infra §. 2. *anum. 112.* & liquet ſtatim ex initio Divi Franciſci Regulæ, ubi compendioſè id totum exprimitur illis paucis verbis: *Regula, & vita Fratrum Minorum hæc eſt: ſcilicet ſanctum Domini noſtri JESU Chriſti Evangelium obſervare.* Evangelium

autem principaliter vitam, & doctrinam Chriſti, & Apoſtolorum, eorundemque modum vivendi verbò atque exemplò traditum continet, conſequenter cum Regula, & vita Fratrum Minorum aliud non ſit, quàm Evangelium obſervare, ſinis eorundem principalis eſt perfectè DEO ſervire modò Evangelicò.

33. Interea illud advertendum circa ſinem Seraphicæ Religionis, quòd, ſicut Chriſtus, & Apoſtoli non ſolam contemplativam, nec ſolam vitam activam, ſed mixtam ducebant vitam (id eſt, partim contemplativam, partim activam) ita, ut non ſolum meditandò, & contemplandò, vitæque abſtractam ducendò, ſolam propriam intenderint animæ ſalutem, ſed etiam exemplò, doctrinà, & labore, propter DEUM proximorum quaſierint ſalutem, ſic etiam S. Franciſci Religio vitam contineat mixtam, quam ejus Alumnî partim meditandò, contemplandò, orandò, pſallendò, amorì Divino, & ſaluti propriæ intendunt: partim verò laborandò, exhortandò, docendò, inſtruendò, concionandò, Confeſſiones excipierendò, ægrotos, & afflictoſ conſolan-

lando, aliosque labores, & charitatis actus exercendo, proximorum quoque querant salutem, eosque præcepta DEI servare, & eidem juxta cujusvis conditionem debite servire faciant.

34. Quem mixtum vivendi modum ipsemet revelavit, & S. Patri nostro demandavit DEUS. Nam cum is aliquamdiu hæsitaret, ac propterea per suas, & suorum preces pro revelatione Divinæ voluntatis ferventer instaret dubius, num ipse cum Fratribus suis per vitam contemplativam, & solitariam soli amor, & laudi Divinæ, solique saluti propriæ vacare, an verò etiam pro salute proximorum laborare, sicque vitam mixtam tenere deberet, responsum accepit à DEO, Religionem, & Ordinem suum non tantum propter propriam Fratrum suorum, sed etiam propter aliorum salutem esse institutum, consequenter debere FF. Minores ex speciali fine Religionis, & Regulæ suæ non solummodo per vitam contemplativam, ac solitariam soli amor Divino, solique saluti propriæ vacare, sed etiam propter DEUM studio, & labore, verbò, & exemplo salutem pro-

ximorum juxta exemplum Christi, & Apostolorum per vitam mixtam querere: quod S. Ecclesia quoque in S. Francisci Officio sive Breviario Ordinis annotavit primà ad Laudes Antiphonâ, illis verbis: *S. Franciscus prævis orationum studiis, quid faciat, instructus: non sibi soli vivere, sed & aliis proficere vult DEI zelo ductus.*

35. Resp. II. Secundarii quoque, & minus principales fines Religionis Seraphicæ in substantia conveniunt quidem, & communes sunt cum fine, & motivis minus principalibus aliarum Religionum, in modo tamen tendendi ad illos rursus differre videntur, ita, ut licet Religio Seraphica, sicut aliz, pro fine secundario habeat, & FF. Minores habere possint, ut quis in ea securius, & certius poenitentiam de peccatis præteritis agere, peccata, & pericula eorum in futurum vitare, & ad coelestem beatitudinem pervenire valeat &c. tamen differt in hoc, quòd ad hujusmodi fines tendat, modò, auxiliis, & mediis, quæ habet, optimis, & per ipsum Christum, & Apostolos verbò, & exemplo traditis.

36. Enimvero Religio Sera-
phica. FF. Minorum. S. Regulam
in sua puritate observantium in-
primis tria: cujusvis Religionis
essentialia Vota, Obedientiam
nempe, Paupertatem, & Casti-
tatem, tanquam principalia me-
dia præcipuis mundi impedimen-
tis, obstaculis, & periculis im-
mediate, & maxime opposita, in
perfectiori gradu præscribit ob-
servanda juxta dicenda infra §. 2.
num. 13. & seqq.

37. Deinde singularis eorum
austeritas, vitæ ex nocturnis vi-
giliis, ac copiosis jejuniis, ex ri-
gido vestitu, in duro strato, ex
frigore, & calore, ex humilitate
Evangelicæ, ex subjectione erga
omnes, ex nuditate membro-
rum, ex solo paupere usu rerum,
aliisque innumeris incommodis,
proprietatibus, & sociis extremæ
paupertatis, nec non ex aliis plu-
ribus humanæ sensualitati, & vo-
luntati duris præceptis, ac statu-
tis proveniens, modisque vi-
vendi Evangelicus vitæ Christi,
ac Apostolorum conformis, &
perfectius sanè, ac securius tolle-
re videtur salutis impedimenta,
& peccandi pericula.

38. Quæritur IV. Quinam
Religiosi, & quomodo errent

circa finem ingrediendi Religio-
nem, vel manendi in ea? Resp.
Plures in hoc, & variè errare;
omnes videlicet, qui non ex præ-
fato principali, aut saltem aliquo
secundario fine supernaturali, sed
alio temporali, v. g. naturali, aut
sensuali Religionem intrant, aut
in eadem manent. Patet indu-
ctione.

39. *Primo* itaque errant, qui
ideo Religionem intrant, vel
manent in ea, quia in mundo
sufficiantia media non habent,
unde honestè vivant, & susten-
tari valeant.

40. *Secundo* errant, qui Reli-
gionem ingrediuntur, vel ma-
nent in ea, quia vident, se care-
re iis mediis, & qualitibus, vi-
quarum ad alium statum, vel
officium promoveri, aut hone-
stè accommodari possent.

41. *Tersò* errant, qui intrant,
vel manent ex respectu, aut ti-
more parentum, aut consanguine-
orum, fratrum, sororum &c.
v. g. ut eos ab onere sustenta-
tionis liberent, vel ut dein fra-
tres, aut sorores majorem por-
tionem acquirant, vel præcisè,
quia vident, id valde acceptum
esse parentibus, aut fore, ut ab
eisdem persecutionem, disaffe-
ctum.

atum, aut alia incommoda sint passuri, nisi intrent, aut maneant in Religionē.

42. *Quarto* errant, qui intrant, vel manent, quia audiunt, sciunt, vel advertunt, se ibidem bonum, & forsan meliorem habere vitium, quàm in mundo.

43. *Quinto* errant, qui intrant, vel manent, ut ibidem sine cura, & labore otiosè, & pro sua commoditate vivere valeant.

44. *Sexto* errant, qui in mundo vulgares, aut aliàs abjecti, contempti, despecti &c. Religionem intrant, & manent, ut ibidem intuitu sacri Habitùs, vel Ordinis honorentur, respiciantur &c.

45. *Septimo* errant, qui intrant, vel manent animò veniendi ibidem ad Prælaturas, Dignitates, Superioratus, aut alia honoris, & præminentix Officia.

46. *Ottavo* errant, qui præcisè manent, ne ex causa etiam iusta egredientes confundantur, & vilipendantur.

47. *Nono* errant, qui ex nullo serio fine, sed inconsideratè, aut quia alii intrant, vel intrârunt, vel propter bonum socium, & amicum ingrediuntur, aut manent.

Neudecker Pars Prior.

48. *Quæritur V. Qualiter in praxi fieri possit, & debeat intentio ex bono, & recto fine ingrediendi Religionem, aut manendi in illa?* Resp. Talem in praxi quemvis optimè facere, si inprimis scipsum bene examinet, qualem hucusque intentionem, motivum, aut finem habuerit, Religionem, & quidem hanc vel illam ingrediendi, aut jam ingressus in eadem manendi? Si invenit, eum bonum esse, ac perfectum juxta dicta à *num. 5.* maneat, & pergat in ea: si invenit, eum bonum quidem, sed tamen minus perfectum e. g. præcisè aliquem ex motivis, & finibus secundariis à *num. 26.* recensitis fuisse, studeat eum perfectiorem reddere; si autem inveniat, eum fuisse unum ex merè naturalibus, aut temporalibus, vel etiam peccaminosis à *num. 39.* recensitis, omnino debet eum revocare, & mutare, contra illum protestari, & locò illius bonam, eamque perfectam, & optimam formare intentionem, aut finem.

49. Hæc est enim maxima felicitas Novitii Religiosi, quòd, etsi forsan ex malo, aut imperfecto fine Religionem intrârit, possit talem finem, ac intentionem

E

nem

nem ex toto mutare, & ejus locò perfectissimam formare, eodem ferè cum subsequenti merito, fructu, & effectù, acsi eandem ante ingressum habuisset, hoc ipso, quòd nondum professus, Religionem liberè deferere posset, & consequenter non deferendò eam, quasi de novo assumere, sicque ex optimo fine, & intentione intrare, aut saltem Professionem, à qua tota dependet substantia, ex dicto optimo fine emittere.

50. Ut autem minùs perfecta intentio perfectior reddi, vel mala mutari ritè valeat, maximè conducet, si quis ante, vel saltem post ingressum primis statim diebùs, aut septimanis, præsertim tempore Meditationis, Recollectionis, aut post Communionem, vel privatim in sua cella, vel camera sequentia puncta, aut unum ex eis subinde consideratè perpendat. I. Finem creationis nostræ, qui est, ut, quamdiu in hac vita degimus, DEO ex amore illius perfectè serviamus, & mandata illius custodiamus, eumque amemus, & ita vità functi ad cælum perveniamus, DEUM ibidem clarè visuri, indeque eundem adhuc ma-

gis amaturi, illòque perpetuò fruituri.

51. II. Quàm dignum, quàm æquum, & justum, quàm obligatorium, & necessarium, quàm jucundum, & utile sit servire DEO, utpote summo, & infinito Bono, Domino, Creatori, Conservatori, Redemptori, Protectori nostro, à quo omnia, per quem omnia, propter quem omnia: qui innumeris donis, & beneficiis naturæ, & gratiæ nos ditavit, & omni momento adhuc ditat: simulque ab innumeris corporis, & animæ, temporalibus, & æternis nos eripuit, & etiamnum eripit periculis &c.

52. III. Mercedem eidem fideliter servientium, coelestia nempe, eaque æterna gaudia, imò ipsummet DEUM tanquam infinitum Bonum perpetuò fruendum, econtra poenam eidem non servientium, videlicet ignem infernalem, eumque æternum, &c, quod gravius est, perpetuam privationem Visionis beatificæ.

53. IV. Gravitationem, turpitudinem, malitiam, effectum, & poenam peccati. De quo specialiter infra Cap. 3. & 4.

54. V. Innumera omnis generis impedimenta, & obstacula, quæ homines in mundo existentes ferè ubique, & semper à vero DEI amore, & servitio impediunt, & avertunt.

55. VI. Pericula, scandala, mala exempla, & pessima principia pariter innumera, quæ miserum hominem in mundo existentem ferè semper, & ubique à bono abducunt; e contra ad omnis generis peccata, & DEI offensas alliciunt, ac quasi trahunt, quin & rapiunt.

56. VII. Summam, & inexplicabilem felicitatem, quâ Religiosus à præfatis impedimentis, periculis, & laqueis non tantum immunis existit, sed insuper copiosissima media, & auxilia memoratis obstaculis, & periculis immediatè contraria, e contra ad perfectionem acquirendam, DEO quæ perfectè serviendum maximè conducentia, semper, & ubique ad manum habet.

57. VIII. Præterea considerare juvat, quidquid mundus boni habet, vel habere videtur, & esse potest de suis divitiis, honoribus, & gaudiis: e contra quidquid S. Religio difficile, ac voluntati, sensualitati, & perver-

sæ naturæ nostræ contrarium habet, v. g. paupertatem cum omnibus incommodis, perpetuam, eamque perfectissimam ab omni etiam suspecto consortio alienam castitatem, obedientiam illimitatam in omnibus, quæ non sunt contra DEUM, vel animam, perpetuam mortificationem, & abnegationem proprii judicii, voluntatis, & passionum nostrarum, contemptum etiam à superbo mundo tolerandum &c. ut taliter cunctis perfectè cognitis, tum iis, quæ propter DEUM, & amore DEI deserere, tum illis, quæ ob ipsum agere, ac sustinere volumus, resolutio Religionem, & quidem hanc vel illam in specie assumendi, in eademque perpetuo manendi, magis considerata, & deliberata, sicque magis perfecta, DEO magis grata & accepta, Religioso autem magis meritoria, & fructuosa fiat, hoc vel simili modo:

Actus perfecta Intentionis, assumendi Religionem quamcunque, vel manendi in ea.

58. ○ Sanctissima & Individua Trinitas! Immenso, Infinite, & Amandissime DEUS!

Credo firmiter, à te me ideo creatum esse, & conservari, ut, quamdiu in hac vita existo, super omnia te diligam, & ex amore erga te perfectè tibi serviam, exequendò & patiendò in omnibus tuam sanctissimam voluntatem, ac perfectè servandò justissima, æquissima, & sapientissima tua mandata, ab eorùmque transgressione qualibet tanquam tui injurià & offensâ, consequenter damnabili errore & peccatò abstinendò; vitâ verò hac functus te perfectè & clarè cognoscam, ac intuear, indèque magis adhuc, & perfectius te diligam, laudem, & honorem, simulque te tanquam infinitò Bonò in æternum fruar, tecum, & in te in æternum gaudeam.

59. Agnosco etiam, ter optime DEUS! finem, & intentionem, quâ me creâsti, & conservas, justissimam esse, æquissimam & optimam. Credo enim rursus, te solum esse Dominum, DEUM, Creatorem, & Conservatorem mei, & totius universi ab æterno existentem, infinitum, omnipotentem, & sapientissimum. Credo te mei, & omnium providentissimum Gubernatorem, Rectorem, continuum

Custodem, & Protectorem, æquissimum, ac justissimum Legislatorem, & Judicem, clementissimum ac benignissimum Miseratorem, largissimum Benefactorem, æternum & infinitum Retributorem, mirabilem Amatorem & Redemptorem, Majestatem insuper immensam, gloriosissimam, splendidissimam, incomprehensibilem, pulcherrimam: verbò, Bonum infinitum, quò majus, aut melius esse, vel excogitari non potest, omne aliud in toto universo jam existens, & adhuc possibile bonum eminentissimò modò in se continens, & incomparabiliter superans &c. consequenter omni amore, laude & honore, servitiò & obsequiò dignissimum.

60. Verùm Amandissime DEUS meus! quia video, cognosco, & experior, in hoc mundo innumera ubique, eaque gravissima esse tendendi ad sanctissimum creationis nostræ finem obstacula, impedimenta, pericula item, exempla, & principia pessima, quibùs mundani à fine suo, amore nempe, & perfectò servitio tuo jugiter non tantùm impediuntur, & retardantur, sed violenter quasi ab illo reducuntur.

tur.

tur, & in omnis generis mala, atque peccata, fini creationis maximè contraria, summa & continua cum offensa, & injuria Majestatis tuæ pertrahuntur; econtra verò in Statu Religioso hæc obstacula, impedimenta, & pericula non tantùm abesse, sed etiam media ad finem à te intentum aptissima, convenientissima, & efficacissima, eaque plurima adesse.

61. Hinc amore tui solius, & propter te unicè, videlicet ut tibi perfectiùs & securiùs servire, amorémque meum erga te in opere ipso securiùs, liberiùs, ac perfectiùs exercere valeam, mundum hunc cum omnibus, quæ habet, aut habere, & dare potest, deferam, Statumque Religiosum amplector.

62. Deferam propter te, & amore tui periculosas mundi divitias, honores, dignitates, non tantùm modicissimas, quas ipse possideo, sed & omnes, quas mundus habet, aut dare potest, adeò ut, etiamsi essem, aut fieri possem potentissimus, ditissimus & gloriosissimus totius mundi Rex, & Dominus, vellem propter te cuncta relinquere, & paupertatem, pauperémque ac hu-

milem Statum Religiosum assumere, simulque eligere, abjectus esse in domo DEI, magis quàm habitare in tabernaculis peccatorum; præsertim, cum dilectus Filius tuus Magister, & Redemptor meus clarè dicat: *Qui non renuntias omnibus, quæ possides, non potest meus esse discipulus. Luc. 14. vers. 33.*

63. Deferam propter te, & amore tui, etiam parentes, fratres, sorores, consanguineos, & amicos, omnémque inordinatum affectum, & amorem erga eosdem, utpote amoris & servitii tui valde impeditivum, ut idem Filius tuus testatur, dicens: *Qui non odit patrem, & matrem, fratres & sorores &c. non potest meus esse discipulus. Luc. 14. v. 26.*

64. Deferam propter te, & amore tui, non tantùm illicitas, sed etiam licitas, in matrimonio concessas carnis voluptates, & econtra Castitatem perpetuam ad exemplum dilecti Filii tui servabo; præsertim quia virtus hæc tibi gratissima, tui amoris, cæterarumque virtutum foecunda mater, & nutrix est: ubi econtra carnis voluptates, etiam licitæ, cum perfecto & puro tui amore aut non, aut vix compati-

tibiles sunt, utpote cor, amorem, ac solitudinem dividentes, & in creaturam transferentes; prout etiam Magister meus docuit, dicens: *Qui uxorem non odit, non potest meus esse discipulus.* Et Paulus dicit 1. Cor. 7. v. 32. & 33. *Qui sine uxore est, sollicitus est, quæ Domini sunt, quomodo placeat DEO; qui autem cum uxore est, sollicitus est, quæ sunt mundi, quomodo placeat uxori, & divisus est.*

65. Propter te, tuique amore deferam etiam, & abnegabo memetipsum, voluntatem scilicet, & iudicium, unà cum omnibus inordinatis affectibus, inclinationibus & passionibus, amori, sanctissimæque legi, & voluntati tuæ semper contrariis, ad nihil aliud, quàm ad malum, tuique offensam & injuriam tendentibus, ac impellentibus; adeò ut bene iterum dilectus Filius tuus dixerit: *Si quis venit ad me, & non odit patrem suum &c. adhuc autem & animam suam, non potest meus esse discipulus.* Luc. 14. v. 26. & Matth. 10. v. 24. *Si quis vult venire post me, abneget semetipsum.* Abnegabo autem meipsum per obedientiam perpetuam, quàm me propter te in omnibus subjectionem tenentibus locum tuum,

Superioribus videlicet, eisque me abnegatò eò libentius & perfectius obsequar, quò certius scio, mandatum, & voluntatem eorum cum tua esse eandem, teste Filio tuo, Luc. 10. v. 16. *Qui vos audit, me audit:* fierique tibi gratius obsequium per obedientiam, quàm per victimam, cum ipse per Samuelem dixeris: *Melior est obedientia, quàm victima.* 1. Reg. 15, vers. 22.

66. Deferam mundum, tuique amore amplectar sacram hanc Religionem, ut dignos fructus poenitentiae facere, & pro innumeris peccatis meis omni perfectiori, & possibili modo satisfacere, sicque æterna inferni supplicia peccatis meis debita evadere, & in coelo te clarè videre, ac cognoscere, amare, & laudare, te ipso tanquam infinito Bonò frui, tecumque, & in te æternum gaudere perfectè valeam; quia tu ipse mandas, & præcipis, ut dignos fructus poenitentiae faciamus, simulque ex infinito erga nos amore, bonitate, & misericordia summè cupis, vis, & desideras, ut infernum evitemus, & ad coelum perveniamus, in æternum ibidem te visuri, amaturi, laudaturi, te frui.

fruituri, tecúmque, & in te gavisuri.

67. Et hæc est, Immenſe, Infinite, ter Optime DEUS! vera, ſincera, tibiſque cognita intentio, & finis meus, ob quem ſacram Religionem, & quidem hanc præ reliquis proſiteri, in eaque per totum vitæ tempus permanere firmiter concludo. Quapropter omnem aliam temporalem, naturalem, aut aliàs minùs bonam, minùsque perfectam intentionem, quam in ingreſſu, vel hætenus habui, vel quam forſan me habuiſſe tu cognoſcis, ex hoc momento revoco, & muto, perpetuòque revocatam, & mutatam volo, dum libertate, Religionem hanc deſcendi, vel manendi in eadem adhuc gaudeo.

68. Quà intentione, dum reſolutionem, & propoſitum meum humillimè tibi offero, ſimul lubens confiteor, non tam tibi à me ſummè debitum præſtari obſequium, quàm à te mihi maximum exhiberi beneficium, gratiamque conferri ſpecialiſſimam, quòd me à tenebris ad lucem, à miſera ſervitute ad felicem libertatem, à fictis & falſis ad vera gaudia, ab anxia cura &

ſollicitudine ad jucundam tranquillitatem, ab amaro labore ad dulcem requiem, à periculoſiſſimo pelago ad ſecurum portum, à morte ad vitam, à mundo videlicet ad Religionem, & quidem ad hanc ſanctiſſimam, doctri-nam, ac vitæ Filii tui, & Apoſtolorum maximè conformem, conſequenter vel ideo etiam tibi gratiſſimam, utiliſſimam, ac feliciffimam vocare, eidemque me aggregare dignatus ſis, innumeris aliis in miſerrimo mundo, vel ſtatu minùs felici relictis, qui omnes meliùs, & perfectiùs tibi utique ſerviſſent, quàm ego.

69. Quapropter pro hac ſpecialiſſima Vocationis gratia tua ſpecialiſſimas, perpetuas, ac infinitas ex toto corde & animo ago gratias, rogans te humillimè per infinitam bonitatem & amorem tuum, quòd me tantà vocationis gratiâ beare dignatus es, ſimulque per merita, & Nomen JESU Filii tui, ut in eadem me conſerves, ulterioſque gratiâ & auxiliò tuò divi-nò me in omnibus prævenias, adjuves, confortes, & confirmes, ut tantæ gratiæ correfpondeam, fini & intentioni in opere ipſo ſatisficiam, te ſolum, & ſuper omnia dili-

diligam, tuſque amore perfectè tibi ſerviam, prout ex hoc momento firmiſſimè, efficaciſſimè, ac inviolabiliter cum eadem tua gratia facere propono, juro, ac ſtatuo.

70. Hic actus, quamvis aliquantulum longior, nihilominus quia negotium ſummi momenti, profitendi nempe S. Religionem, & toto vitæ tempore manendi in eadem, concernit, tempore Novitiatus una & altera vice, aut aliquoties à quovis Novitio, maximè ante S. Professionem, conſideratè, & attentè meritò fieri debet, ut ejusdem Profeſſio, & tota ſubſequens vita Religioſa perfectior, magis meritoria, DEOque magis grata evadat. Poſſeſt etiam (mutatis mutandis) poſt Profeſſionem utiliter fieri, ſaltem ſemel in anno, v. g. anniverſaria die Profeſſionis, aut tempore Exercitiorum, aut tempore Confeſſionis annuæ. Et quoniam hic actus continet plura puncta, poſſeſt ſubinde etiam aliis temporibus, præſertim tempore Meditationis, aut occurrentis occaſionis, aliquod ex eis, vel ſimile eidem elici.

71. Quæritur VI. Qualiter circa Religionis finem practicè ſe habere debeat Religioſus? Reſp. Facta aliquando firma & perfectæ reſolutione, DEO in hac vel illa Religionē perpetuò ſerviendi, debet Religioſus circa finem ſuum in praxi ſequentia obſervare. I. Debet frequenter ad mentem revocare, *ad quid*, ſeu quare, & propter quid venerit in Religionem, juxta doctrinam Seraphici Doctōris S. Bonaventuræ *Part. 1. Cap. 1. de Inſtit. Novit.* ubi ait: *Primò ſemper debes conſiderare, ad quid veneris, quare veneris, & propter quid veneris.* Quod verbò & exemplò docuit S. Bernardus, utpote qui teſte Surio *lib. 1. Vita. c. 4.* ſemper in corde, & sæpe in ore habuit: *Bernarde! Bernarde! ad quid veniſti?* Ad quorum exemplum etiam quivis Religioſus mente, vel ore sæpe debet ſeipſum interrogare: *ad quid veniſti?* Nonne ſolum, ſeu præcipuè, ut abjectis impedimentis & periculis ſoli DEO ex amore erga eundem perfectè ſervires? Nonne &c. Ergo ſi ſolummodo ob hunc finem veniſti, ad hunc ſolum tendere, eique ſoli intendere de-

debes, nisi in statu violento, semperque desolatus esse velis. Sicut enim nulla creatura quiescit, sed semper in statu violento est, & vim patitur, nisi in suo, ad quem creata est, existat fine & centro, aut nisi pergat, & tendat ad illud; ut videre est in levibus, quorum finis & centrum est, esse sursum, ac pergere illuc: & in gravibus, quorum finis & centrum à Creatore determinatum est, esse deorsum, & pergere illuc: ac propterea in statu violento & inquieto existunt, adversamque naturæ vim patiuntur, si levia sursum, & gravia deorsum tendere impediuntur, vel retardentur; sic etiam creatura rationalis, homo videlicet nunquam quietus, vel verè consolatus erit, sed semper in statu quasi violento desolatus erit, nisi in suo solo, ad quem à DEO creatus est, existat fine & centro, vel ad illud tendat: quod est, soli DEO perfectè servire, eoque perpetuò frui.

72. Unde etsi de quovis homine, specialiter tamen de Religiosis verificatur illud bene imprimendum, & sæpe repetendum S. Augustini *L. 1. Conf. cap. 1.* dictum: *Domine creasti nos ad te, Neudecker Pars Prior.*

& inquietum est cor nostrum, donec quiescat in te. Ob quod plenus consolatione exclamavit David *Psal. 72. v. 25. & 26.* (& cum ipso sæpe deberet Religiosus) *Quid mihi est in celo, & à te quid volui super terram? defecit caro mea, & cor meum, DEUS cordis mei, & pars mea, DEUS, in æternum.*

73. II. Observare debet, ut non tantum bona proposita ad finem tendendi concipere, sed etiam media ad eundem finem acquirendum conducentia & necessaria perquirere, cognita arripere, & sinè ulla cunctatione manum operi admovere, sicque bona proposita, & desideria, prima quavis occasione executioni mandare studeat; quia sinè mediis impossibile est venire ad finem. Hinc qui sinè mediis & usu eorum ad finem pervenire proponunt, cum DEO, quantum est in ipsis, tantum ludunt, eumque irrident: Verum, *Nolite errare, DEUS non irridetur*, seriò monet S. Paulus *ad Galat. 6. v. 7.*

74. Nec sufficit curam de mediis, & propositum de usu illorum habere, nisi etiam bonum hoc propositum executioni quis mandet, & ut dictum, primà habità occasione manum operi il-

F

lico

lico admoveat; tum quia fervor boni desiderii cunctandò languescit, & gratia divina priùs habita diffluit: præsertim quia juxta tritum illud S. Ambrosii *L. 2. in Lucam. Nescit sarda molimina Spiritus S. gratia.* tum quia latet, num DEUS, & quale tempus, occasionem, & gratiam adhuc concedat; Unde *hodie si vocem ejus audieritis, nolite obdurnare corda vestra. Psal. 94. v. 8. Et: Dum tempus habemus, operemur bonum. ad Galat. 6. v. 10.*

75. Illud etiam quivis Religiosus vitæ mixtæ circa finem suum in praxi observare debet, quòd, cum Religionis suæ finis particularis sit, non tantum propriam, sed etiam proximorum salutem propter DEUM quærere, & procurare, talis graviter erret, & fini Religionis suæ minimè satisfaciatur, consequenter coram DEO multum reus existat, si non juxta talenta, & dona à DEO sibi collata pro viribus laboret, & conetur, ut habilem, debitè qualificatum, & capacem se reddat, fructuosè procurandi salutem proximorum, eosque in quovis animæ negotio juvandi, instruendi, consolandi &c. Item nisi debitè jam

qualificatus, & habilis effectus, salutem proximorum in actu, & in opere procurare, ubi potest, satagat.

76. Errant proin, & coram DEO minimè securi existunt Religiosi vitæ mixtæ, primò, qui in studio litterarum negligentes, ac remissi sunt, debitumque conatum, & diligentiam in acquirenda scientia Scholastica, præsertim Theologica non adhibent; quia sinè hac scientia profectus animarum nec securè, nec solidè, nec fructuosè procurari valet. Et quoniam scientia Theologica sinè Philosophica perfectè haberi nequit, culpabiles quoque existunt, & fini Religionis non satisfaciunt illi, qui in perfectè adipiscenda etiam hac scientia debitam diligentiam, & conatum juxta talenta, & vires à DEO datas, non adhibent.

77. Errant *secundò*, qui solâ scientiâ litterarum Philosophicâ, & Theologicâ contenti, post absoluta studia per lectionem, & relectionem materiarum hujus Tractatûs, aut aliorum librorum spiritualium, annotationemque lectorum, scientiam Asceticam acquirere, & firmare pro viribus non satagunt, aut in ea acqui-

ren-

renda negligentes, remissi, & minus solliciti existunt; quia ad perfectè procurandam proximi salutem scientia litterarum sine scientia Ascetica minimè sufficit: cum impossibile sit, quòd quis per motiva efficacia à vitiis ad virtutes, ac perfectionem Christianam persuadere, aut per principia, regulas, & media convenientia à via perditionis ad viam salutis reducere, ac in semita virtutis & perfectionis securè alios deducere valeat, qui harum ignorantia ipsemet laborat, aut illorum notitià obiter tantum, & leviter tinctus est. De talibus, qui absque scientia necessaria, sive Theologica, sive Ascetica salutem proximorum procurare attentant, dicit Christus *Matth. 23. v. 14. Cæci sunt, & duces cæcorum; cæcus autem si cæco ducatur præstet, ambo in foveam cadunt.* Et *Luc. 6. v. 39. Nunquid potest cæcus cæcum ducere, nonne ambo in foveam cadunt?* Et sanè immensum quasi, & indicibile est præjudicium ac damnum, quod ex defectu necessariæ scientiæ tam Asceticæ, quàm Theologicæ patitur cura animarum: eo quòd ob hunc defectum plurimi salutem proximi vel omnino negligant, vel

non nisi remissè, tepidè, & imperfectè procurent, imò subinde plus noceant, & destruant, quàm prosint, & ædificent.

78. Errant tertio; & fini Religionis non satisfaciunt etiam illi, qui sufficienti scientia ornati pro salute proximorum laborare, & scientiam suam applicare sinè sufficienti causa recusant, & negligunt, occasiones in Confessionali vel alibi proximorum salutem procurandi fugiunt, & declinant, aut certè levi brachio, obiter, absque debito animarum zelo & fervore expediunt, soli commoditati propriæ intendentes, aut ex inordinato affectu, & voluntate propria ad alia properantes.

79. Errant contra præfatum Religionis finem specialiter quarto, qui non semper, & ubique proximis prælucere student bonò exemplò; tum quia ad salutem proximi procurandam remedium omnium efficacissimum est bonum exemplum, eoque longè plures, longèque certius, & securius convertuntur homines, quàm doctrinà: imò hæc sinè bono exemplo plerumque parum, aut nihil prodest; *Malus homines exempla, quàm verba,*

inquit Lactantius lib. 4. de vera Sapient. nam citò sedet animis, quod docetur exemplis, ait S. Valerianus Hom. 13. & secundum S. Chrysostomum Hom. 12. in Genesin. Multò fidelior & certior doctrina operum, quàm sermonum; nam qui satis est, etiam sileat, & cum non videtur, docere potest: & alios quidem, qui eum vident, alios v. rò, qui de eo audiunt, & multà fructur DEI gratià non solum propter se, sed & propter alios, qui eum vident, & incitantur, ut gloriificent Dominum suum. Talis per mille linguas, & multò plures, gratias & laudes referet DEO.

§. II.

De Excellentia, & Præstantia, Utilitate, & Felicitate Statûs Religiosi, consequenter & Religiosorum.

80. **Q**uandoquidem ex fine rerum plurimum desumitur excellentia, & conditio earum, ideo recto ordine post finem Statûs Religiosi, & Religiosorum declaratur Excellentia, ac Præstantia eorum. Quoniam verò hæc tanta, & tam ampla est, ut integrò etiam Tomò satis exprimi non valeret, pauca duntaxat de illa hic communicantur tibi, Religiose Juvenis; tum ut exinde ingens DEI beneficium, quod tibi contulit vocandò te, & juvandò ad S. Religionem, dignè æstimare, & pro eodem gratus existere discas: tum etiam, ut inde majorem tuam obligationem erga DEUM agnoscens, magis ei servire, magisque eundem amare studeas.
81. **Q**uæritur I. Quanta sit, & in quo consistat Excellentia, & Præstantia Statûs Religiosi? Resp. Eam esse tantam, ut Status Religiosus sit excellentior, & perfectior quovis alio statu. Est communis, & certa doctrina Theologorum, ac SS. Patrum; facilèque probatur: quia ille status est excellentior, & perfectior, qui ex natura sua habet excellentiorem finem & objectum, melioràque media, & perfectiora tendendi ad illum; atqui Status Religiosus ex natura sua habet excellentiorem finem, & objectum, simulque media meliora & perfectiora tendendi ad

ad

ad illum; quam quivis alius status; ergo est excellentior & perfectior quovis alio statu. *Major* caret controversiâ. *Minor* probatur; quia, uti patet ex dictis, finis primarius, & principalis Status Religiosi est, DEUM perfecte amare, & ex amore illius eidem perfecte servire, illumque laudare, & honorare, qui finis omnium perfectissimus est, utpote propter quem omnis creatura rationalis primario à DEO creata, ita ut nec B. V. Maria, nec Angeli alium habuerint, vel habeant finem. Altera pars, *Minoris* videlicet, quod per meliora, & perfectiora media tendat ad hunc finem, patet partim ex dictis, partim ex mox dicendis; itaque

82. Probatur Responsio ulterius. Ille status hominum est perfectior, qui ex natura, & essentia sua perfectius, & per media præstantiora tendit ad finem, ad quem à DEO creati sumus; sed hoc facit Status Religiosus: ergo. *Major* est extra controversiam; *Minor* probatur; quia juxta omnes Theologos tria Vota *Obedientiæ, Paupertatis, & Castitatis* sunt de essentia cujusvis Religionis, ita, ut Religio non sit,

quæ hæc tria Vota non habet. Tria autem hæc Vota sunt media ad memoratum finem perveniendi omnium præstantissima, utpote per quæ omnium maximè, & efficacissimè tolluntur impedimenta, & obstacula tendendi ad dictum finem; ergo.

83. Siquidem quæ hominem à fine suo, à virtute, & perfectione maximè impediunt, & retrahunt, sunt I. Divitiæ, eisque annexi honores, & dignitates, atque sollicitudo pro eis. II. Voluptates carnales, & corporales. III. Propria voluntas juxta dicta supra §. 1. *num.* 7. Hæc autem tolluntur per sæpe dicta tria Vota.

84. *Primò* enim pericula, & impedimenta, quæ ex divitiis, vel cura earum confurgunt, tolluntur per Votum *Paupertatis*. Hoc ipso namque, quod quis per hoc votum renuntiet omnibus rebus temporalibus, & seipsum perpetuò voluntariè spoliet omni proprietate, & dominio ad eas, liberat se etiam à quovis impedimento, & malo affectu possessionem divitiarum & rerum temporalium afficiente, immunitque evadit à maximè nociva cura, & sollicitudine earum.

Nam Paupertas, ut rectè dicit S. Climacus *grad. 16. Curarum est depositio, securitas vita, viator omnibus impediens liber, meritorum alienatio, mandatorum fides, seu fidelis observatio.* Et juxta S. Ambrosium *Lib. 2. Offic. cap. 4.* Ut rerum facultates instrumenta sunt omnium vitiorum, ita horum abnegatio genitrix est, nutrixque omnium virtutum. Hinc præstantiam, imò necessitatē hujus medi ad acquirendam perfectionem, & finem nostrum manifestans Christus ait *Matth. cap. 19. v. 21. Si vis perfectus esse, vade, vende, quæ habes, & da pauperibus, & veni, sequere me.* Siquidem, qui non renuntiat omnibus, quæ possidet (inquit idem Christus *Luc. 14. v. 33.*) non potest meus esse discipulus. Plura de Præstantia, & necessitate hujus medi, Paupertatis videlicet, infra in Parte posteriore, ubi specialiter agetur de Paupertate.

85. Pariter tollit Paupertas obstacula, & impedimenta ex mundano honore, ac dignitate, curaque, ac ambitione eorum provenientia; Paupertas siquidem fomentum est humilitatis teste S. Bernardo *Serm. 1. in Festo Om. SS. pauperique proprium est, con-*

temni, negligi, alii subesse, & subjici, honore, & dignitate carere, adeò, ut horum ambitio in paupere superbia foret intolerabilis, & DEO maximè exosa, prout testatur Spiritus Sanct. *Eccles. 25. v. 4.* ubi inter tria, quæ specialiter coram DEO abominabilia sunt, primò statim ponit *pauperem superbum.*

86. Secundo, copiosa impedimenta, & obstacula virtutis ac perfectionis, quæ partim ex illicitis voluptatibus carnis, partim ex dura servitute Matrimonii, eique annexis perpetuis curis, & sollicitudinibus pro familiæ sustentatione, prolium educatione, & studio placendi uxori proveniunt, tolluntur per Votum Castitatis: sicut enim, qui cum uxore est, sollicitus est, quæ sunt mundi, quomodo placeat uxori, & divisus est. ad *Cor. 1. cap. 7. v. 33.* sic, qui sine uxore est, sollicitus est, quomodo placeat DEO, ut ibid. *v. 32.* advertit Apostolus, & ideo omnibus Castitatem suadet. „ O Castitas! (exclamat S. Ephrem *tom. 1. de Castitate.*) „ quæ cor possidentis te „ lætificas, & animæ ad coelestia „ alas adjungis: ô Castitas! quæ „ passiones minuis, & animum à „ perturbationibus liberat: ô

Ca-

„Castitas! quæ justos illuminas,
 „& diabolo tenebras offundis:
 „ô Castitas! currus spiritalis
 „possessorem suum in sublime
 „evehens: ô Castitas! quæ ro-
 „sæ instar in medio animæ &
 „corporis flores, universamque
 „domum odoris fragrantiam re-
 „plet. De qua virtute, & præ-
 „stantia specialiter quoque infra.

87. *Tertiò*, impedimenta, & ob-
 stacula virtutum, & perfectio-
 nis, quæ causat proprium judi-
 cium, & voluntas, perfectè tol-
 luntur per Votum *Obedientia*, ut-
 pote vi cujus in Religione vo-
 luntas, & judicium proprium
 plenè abnegatur, & mortifica-
 tur, dum semper, & ubique il-
 lud solum, & taliter agi debet,
 quod, & qualiter vult Superior,
 quantumvis voluntati, inclina-
 tioni, & opinioni propriæ ad-
 versetur. Ex quo non tantum
 innumeri defectus, errores, &
 peccata impediuntur, sed inex-
 plicabilis fructus, & meritum,
 mira tranquillitas, & securitas
 continuò, & incessanter sequun-
 tur: prout amplius dicitur in-
 fra de *Virtute Obedientia*.

88. Probatur insuper, quòd
 Status Religiosus sit perfectior
 quovis alio; quia videlicet est

magis conformis doctrinæ, ac
 vitæ Christi, & Apostolorum.
 Christi siquidem vita est exem-
 plum, & norma omnis perfe-
 ctionis, adeò ut Pater cœlestis
 summam in eo complacentiam
 habens unicè velit, ut ipsum au-
 diamus, & sequamur, juxta illud
Matth. 17. v. 5. ubi vox Patris de
 cœlo intonuit: *Hic est filius meus
 dilectus, in quo mihi bene complacuit:
 ipsum audite.* Unde de semetipso
 etiam Christus testatur *Joan. 8.
 v. 12.* *Ego sum lux mundi: qui sequi-
 tur me, non ambulat in tenebris, sed
 habebit lumen vite.* Et iterum
Joan. 14. v. 6. *Ego sum via, & veri-
 tas, & vita: quem propterea
 Apostoli omnes sunt secuti, &
 ut alii quoque sequantur, verbò,
 & exemplò sunt hortati; ut
 proin eò perfectior sit status ali-
 quis, & modus vivendi, quò ma-
 gis est conformis vitæ, ac do-
 ctrinæ Christi, & Apostolorum:
 atqui Status Religiosus, & Reli-
 giosorum modus vivendi est
 magis conformis vitæ, doctri-
 næque Christi, & Apostolorum,
 quàm quivis alius, cum omnes
 Apostoli, qui eundem cum Chri-
 sto tenuerunt modum vivendi,
 fuerint veri Religiosi habentes,
 & servantes essentialia Vota
 Obe-*

Obedientiæ, Paupertatis, & Castitatis, ut cum aliis docent S. Chrysost. *Lib. 3. contra Monach. vitam vituperat.* S. Hieronymus in *Libro contra Iovinianum*, & Hyacinthus Donatus *Tom. 4. tr. 1. q. 8. allegans D. Thomam.*

89. Et ex his facile patet Responsio ad alteram partem Quæstionis *num. 87.* positam, in quam scilicet consistat excellentia, & præstantia Status Religiosi: consistit nempe principaliter in hoc, quòd ex natura, atque essentia sua removeat pericula, impedimenta, & obstacula DEO debitè serviendi, ac contra efficacissima præbeat, ac subministret media tendendi, ac perveniendi ad dictum finem: ac insuper secundùm naturam, & essentiam suam sit magis conformis perfectissimæ vitæ, ac doctrinæ Christi, & Apostolorum, consequenter sit securissima, ac regia via ad DEUM.

90. Hinc licet etiam sæcularis homo ad eundem quoque creatus sit finem, tamen quia status illius, in quo existit, ex natura sua principaliter non tendit, nec ordinatus est ad hunc finem, nec ex natura sua impedimenta removet, sed potius causat, ne-

que media affert, sed potius tollit, & aufert, ideo status ejus longè imperfectior est, quàm Status Religiosus.

91. Quæritur II. Quanta sit, & in quo consistat utilitas, & felicitas Status Religiosi? Resp. eam non solum esse majorem quovis statu alio, sed revera summam, & inexplicabilem, tam respectu ipsorum Religiosorum, quàm respectu totius mundi. Ex quidem respectu assumentium eum, seu ipsorum Religiosorum est tanta, ut nisi DEUS eam ob conservationem totius universi absconderet, omnes Religiosum Statum assumerent, & Religiosi fierent, prout bene advertit S. Laurentius Justinianus *c. 9. in vita*, illis verbis: *Consultò DEUS gratiam Religionis hominibus occultavit, ne si cognosceretur ejus felicitas, omnes ad eam confugerent*, idque ob plurimas causas, quarum aliquas breviter hic adducimus.

Status itaque Religiosus summam utilitatem, & felicitatem præstat assumentibus eum, seu ipsis Religiosis; quia juxta hucusque dicta

92. *Primo* ex natura sua, & fine suo principali ducit eum directè ad finem, ad quem est creatus, & in

& in quo vera, & æterna felicitas conſiſtit.

93. *Secundò.* Quia itidem ex natura, & eſſentia ſua, per tria Vota, videlicet Obedientiæ, Paupertatis, & Caſtitaſis tollit, & aufert graviffima impedimenta, & obſtacula perveniendi ad finem noſtrum.

94. *Tertiò.* Quia ex natura ſua liberat à principalibus, iisque graviffimis, & innumeris periculis peccandi, & aberrandi à via ducente nos ad finem noſtrum, & veram felicitatem æternam.

95. *Quartò.* Quia ex ſua natura liberat Religioſum ab omni penitus cura, & ſolicitudine terrenorum, liberumque, & expeditum reddit, quòd ſoli DEO, & ſaluti ſuæ vacare, ſuumque ad finem ſecurè pervenire valeat: adeò, ut merito dicat S. Bernardus *Serm. 46. in Cant. In Eccleſia beſſum, in quo quieſcitur, Clauſtra exiſtimo eſſe, & Monafteria, in quibus quietè vivitur à curis ſæculi & ſolitudinibus uſta*

96. *Quintò.* Quia eſt perfectiſſima, & ſecuriſſima poenitentia pro peccatis.

97. *Sextò.* Quia æquiparatur, & æquivalēt *Baptiſmo*; dum æquè, ac iſte plenè conſert re-

miſſionem poenæ omnium peccatorum tam mortalium, quàm venialium quoad culpam jam remiſſorum; prout communiter docent SS. Patres, apud D. Thomam 2. 2. *queſt. 189. a. 3. ad 3.* & propterea Profeſſionem Religioſam alterum *Baptiſmum* nominant.

98. *Septimò.* Quia æquiparatur, & æquivalēt *Martyrio* ob multas cauſas, quas aſſert Lancicius *Tom. 1. Opuscul. 1. cap. 4.* quod etiam abſolutè affirmat S. Theresia illis verbis: *Vita boni Religioſi eſt continuū Martyrium.* Hi enim propter DEUM, & virtutem ſeipſos, ſuāsque paſſiones inordinatas, propriam voluntatem, ſenſus, & rebellem carnem continuo perſequentur, cruciant, & mortificānt, ſicque longè gratiſſimos, & conſtantes Martyres ſe DEO exhibent.

99. *Oſtavò.* Utilis eſt Religio propter ſocietatem bonorum, & bonum eorum exemplum; ſicut enim mala ſocietas, malumque exemplum plurimum nocet, & graviffima cauſa ſalutis pericula, ita bona ſocietas, bonumque exemplum plurimum prodeſt ad ſalutem.

Adde, quod de utilitate Societatis bonæ testatur Scriptura *Psal. 17. v. 26. Cum sancto sanctus eris, & cum viro innocente innocens eris, & cum electo electus eris.* Nam, qui sancto adhæret, ex ejus assiduitate, & usu locutionis exempla operis accipit, ut accendatur in amore veritatis: ex Sanctorum etenim gestis (ait S. Basiliius *Hom. de S. Gordio M.*) *sicut ex igne naturaliter emicat splendor, ex unguento quoque præsenti diffunditur odor, sic ad omnes provenit utilitas.* Idem confirmat S. Damascenus *Parall. lib. 1. cap. 95.* his verbis: *Quemadmodum fragrantia unguenta propinquum aërem suavitatis sua perfundunt, sic etiam probi viri præsencia iis, qui propius cum conversantur, evolumentum affert.* Et, ut scribit Discipul. *serm. 56. lit. A.* *Sicut carbo frigidus accenditur ex adjunctione cum aliis ardentibus, ita & tepidi ex adjunctione ferventium calefiunt.* Bene etiam ad propositum felicitatem Status Religiosi ex bonorum societate commendat Tho. de Kemp. *Part. 1. serm. 2. ad Nov.* illis verbis: „Ibi quis al-

„quos diligit, & sic ex omnibus „proficit, ibi alterius correptio „sit ejus admonitio; ibi alie- „num periculum proprium ef- „ficatur speculum.

100. *Nonò.* Quia in Religione plurima alia adhuc, & efficacissima habentur auxilia, & media ad virtutem, & perfectionem assequendam, & vitia declinanda: v. g. quotidianæ meditationes, continua laus Divina, & Orationes vocales ab Ecclesia, vel Ordine præscriptæ, indeque efficacissimæ, frequentatio Sacramentorum, Examen generale, ac particulare, Lectio spiritualis, Exercitia spiritualia suis temporibus fieri solita, Communicatio bonorum operum, & orationum cum aliis, copiosæ, & quasi continuæ Indulgentiæ, Statuta, Ordinationes, Regulæ, & Principia Ordinis, Directio, & Correctio Superiorum &c.

101. *Decimò.* Ter felicem Religiosum reddit continua ferè in omnibus Obedientiâ. Ex obedientia enim Religiosus comedit, & bibit: ex obedientia dormit, & vigilat: ex obedientia meditat, & orat: ex obedientia sacrificat: ex obedientia studet,

det, & legit: ex obedientia egreditur, & manet in Monasterio: ex obedientia est in certo loco: ex obedientia fungitur certò officio: verbò: ex obedientia cuncta agit, & omittit, vel saltem facere, & omittere, atque ad obedientiam cuncta redigere potest. Ex quo sequitur, quòd, quia obedientia cum Divina voluntate est eadem, Religiosus semper, & in omnibus certus, & securus sit, quòd DEI voluntatem faciat, ei que placeat; proinde cuncta illi meritoria obediendò existant, ipsèque securè semper incedat, & nunquam errare valeat. Ex cujus consideratione inexplicabilis quies, & tranquillitas animi, gaudium, & lætitia spiritûs consurgit; ut magis infra in Parte posteriore de Obedientia dicetur.

102. Undecimò. Felicem facit Religiosum Christus, qui cum affecurat, & certum reddit de æterna Beatitudine (si statum suum rectè observat) ut patet ex D. promisso Matth. 19. v. 29. *Omnes, qui reliqueris domum, vel fratres, aut sorores, aut patrem, aut matrem, aut uxorem, aut filios propter nomen meum, centuplum accipiet, & vitam æternam possidebit.*

103. Duodecimò. Quia DEUS Religiosis etiam temporalia, cibum nempe, & potum, vestitum, & habitationem, aliàque vitæ necessaria, juxta cujusvis status exigentiam providentissimè, ac largissimè semper, & ubique mirabiliter tribuit, ita, ut absque omni inordinata cura, & solitudine illa habendi, vel acquirendi, soli DEO, animæque salutis liberè, ac sinè impedimento vacare, atque intendere valeant, unicam, eamque dulcissimam, jucundissimam, & quietam habentes curam, quo modo DEO perfectè servire, suamque, & (quorum status exigit) aliorum salutem procurare queant.

104. Nihil enim ex cresceret materia, si adduceremus in super ea, quæ de utilitate, & felicitate Statûs Religiosi consolatoriè scribunt SS. Patres. Sufficiat notum illud S. Bernardi *Hom. super Verb. Dom. Simile est.* „ Quæ est „ ista quæso tam pretiosa mar- „ garita, pro qua universa dare „ debemus, ut possimus eam habere? Nonne hæc Religio sancta? in qua homo vivit purius, „ cadit rariùs, surgit velociùs, „ incedit cautiùs, irrigatur frequen-

quentius, quiescit securius, moritur fiducius, purgatur citius, præmiatur copiosius.

105. Præter utilitatem, & felicitatem, quam ipsis Religiosis affert Status Religiosus, affert etiam summam utilitatem toti Ecclesiæ, imò universo Orbi, ac præcipuè locis, in quibus Religiosi habitant. Quare Christus ad S. Theresiam dixit: *Va mundo, si Religiosi non essent.* Ribad. l. 1. c. 12. in vita.

106. Quæritur III. Quænam inter sacras Religiones sit perfectior? Ante Responsionem notandum, Religionem ut sic præcipuè dividi in Activam, Contemplativam, & Mixtam. *Activa est*, quæ præter observationem trium Votorum essentialium, ex fine particulari, & primæva sua institutione specialiter, ac principaliter ordinatur ad vitam activam, opera nempe spiritualia, vel etiam corporalia misericordiæ, & charitatis erga proximum, quibus DEO placere, & servire specialiter intendit.

107. *Contemplativa est*, quæ ex fine suo particulari, & primævo instituto ordinatur ad vitam solitariam, & contemplativam, ac

potissimum se exercet in contemplatione rerum Divinarum, qua ad DEI cognitionem, & amorem venire intendit, propriasque suorum alumnorum animas quærit. Cujusmodi Religio ex primævo suo instituto est Carthusianorum, vel aliorum, præcisè Monachatum profitentium.

108. *Religio Mixta est*, quæ de utraque participat, utpote ex particulari suo fine, & primæva institutione ordinata ad vitam Mixtam, id est, tam ad Contemplativam, quàm Activam, exercens se, & DEO serviens, partim contemplandò, & meditandò, partim actus, ac opera charitatis, & misericordiæ præsertim spiritualia exercendò v. g. concionandò, ægrotos, afflictos, & captivos visitandò, ac consolandò, ignorantes instruendò; Confessiones excipiendò &c. Cujusmodi Religio est S. Dominici, Religio Societatis JESU, Religio nostra Seraphica, & aliæ &c. Hoc prænotato

109. Resp. I. Certum est, & ab omnibus concessum, quòd Religio Contemplativa sit perfectior, quàm Activa. Hanc respon-

sponsorum fusè probant tam SS. Patres, quàm Theologi, & Canonistæ *Tit. de Regular.* Nobis sufficiant verba Christi, quibus vitam Contemplativam Mariæ præferens laboribus, & vitæ activæ Marthæ dixit: *Maria optimam partem elegit, Luc. 10. v. ult.*

II. Resp. II. Religio Mixta est perfectior, quàm Contemplativa, consequenter etiam perfectior, quàm Activa. Ita rursus Communis SS. Patrum, Theologorum, & Canonistarum. Probatur ex doctrina, & exemplo Christi, utpote non tantum verbò docentis, sed etiam opere exercentis vitam Mixtam; nocte enim (Evangelio teste) ascendit in montem solus orare, consequenter exercere vitam Contemplativam: de die autem erat docens in templo, & exercens varios actus misericordiæ, & charitatis erga proximum, seu ducens vitam Activam, docendò, instruendò, concionandò &c. consequenter partim Contemplativam, partim Activam, sicque Mixtam.

III. Caterum, quæ nominatim, & in specie inter Mixtas, aut universaliter inter omnes Religiones sit perfectior, quæ-

stio quodammodo censetur odiosa, cum omnes comparationes sint odiosæ. Responderi tamen potest genericè, & quidem imprimis: omnes Religiones esse bonas, possèque quemlibet in sua, ad quam vocatus est, Religionè supranominata felicitate Statûs Religiosi frui, DEO quæ, si velit, perfectè servire, & facillè salvus fieri. Hinc pro singulari principio firmiter, & semper juxta saluberrimam instructionem nostri P. Bonavent. Derooye in *Medulla S. Evangel.* observandum, ne quis ullam Religionem, vel Religiosos cujuscunque demum Ordinis vilipendat, vel de eis minùs honorificè discurrat, vel in cathedra comparationes odiosas instituat. Responderi etiam potest ulteriùs, illam esse perfectiorem Religionem, in qua Constitutiones, Regulæ, ac Statuta illius perfectiùs, & exactiùs observantur, cunctaque sic ordinata, ac disposita inveniuntur, ut Religiosi in illa DEO ordinariè perfectiùs serviant, verbò & exemplo mundum magis ædificent, & proximorum salutem magis prosint. Verùm magis specificè loquendò,

112. Resp. III. Inter ipsas etiam Religiones Mixtas apud P. Reifensstuel *Lib. 3. Decret. Tit. 31. n. 65.* saltem quoad substantialia Status Religiosi, & quoad maiorem Votorum rigorem (citra ullum tamen cuiuscunque S. Religionis præjudicium) perfectior videtur Religio Seraphica Sancti Francisci, Regulam in sua puritate & litera, iuxta primævam suam institutionem observans. Hanc Responsionem nulla Religio agrè feret, si sequens argumentum, & probationem legere dignabitur.

113. Illa Religio est perfectior aliis, quæ in perfectiori gradu observanda præscribit essentialia, seu substantialia Religionis, tria videlicet Vota Obedientiæ, Paupertatis, & Castitatis, magisque conformis est vitæ, ac doctrinæ Christi, & Apostolorum; atqui talis est Religio Seraphica: ergo. *Major* est extra controversiam, & à nullo negari potest. Cum enim juxta omnes essentia cuiusvis Religionis consistat in præfatis tribus Votis, utique quoad essentiam, & substantiam illa Religio erit perfectior, quæ memoratas tres partes essentielles, consequenter totam essentiam in

perfectiori gradu possidet. Et insuper, quia vita, & doctrina Christi est summæ perfectionis perfectissima norma, eamque plùs cæteris imitati sunt Apostoli, procul dubio illa Religio perfectior erit, quæ magis conformis est vitæ, & doctrinæ Christi, & Apostolorum.

114. *Minor*, videlicet, quòd talis sit Religio Seraphica FF. Minorum Regulam in puritate observantium, probatur. Et quidem, quòd in perfectiori gradu observanda præscribat tria Vota essentialia, inde patet; quia in primis *Obedientiam* Religio, seu Regula S. Francisci in tam perfecto gradu vovendam, & servandam exigit, ut Frater Minor non tantum in iis, quæ expressè præscribuntur in Regula, sed etiam in omnibus aliis sine omni exceptione ad amissim obedire teneatur suo Superiori, nisi præcipiat aliquid, quod est contra DEUM, aut peccaminosum, aut expressè contra ipsam Regulam, uti patet *ex cap. 10. Regule*. Ibi: *Præcipio firmiter, ut obediant Ministris* (id est, Superioribus, quos Ministros aliorum S. Pater appellat) *in omnibus, quæ non sunt contraria animæ, & Regule ministræ*

nostra Ut proin illud D. Bernardi locum non habeat in nostra Religione: *Nihil mihi præcipiat Prælati, quod non vovi*: seu, ut loquitur *Tract. de præc. & disp. c. 8.* Nil me Prælati prohibeat bonum, quæ promissi, nec plus exigat, quàm promissi.

115. Dein *Castitas* in tanto perfectionis gradu observanda præscribitur, & vovetur, ut non tantum omnem in- & externam impudicitiam, & quodvis periculum ejus, sed insuper omnem, etsi non malam, sed de se bonam, suspectam tamen conversationem cum mulieribus, vî Regulæ sub gravi peccato vitare, consequenter omnem umbram castitati adversam declinare teneatur quivis hujus Religionis Professus.

116. Tandem, quod *Paupertas* in perfectiori gradu observetur, nullus est, qui negat; quia eandem non solum in particulari, sed etiam in communi observandam præscribit, ita, ut non tantum quivis in particulari, sed etiam quovis jure tota Communitas totius Religionis proprietate omnium rerum careat, penitusque nihil proprium habeat, aut habere possit, solo contenta rerum simplici usu facti, quod

de nulla alia Religione dici potest, cum quævis saltem in communi proprium habeat, & habere possit, ut definitum habetur in Concilio Tridentino *Sess. 25. de Regular. cap. 3.*

117. Hinc perfecta, & altissima hæc paupertas est speciale symbolum Religionis nostræ Seraphicæ, eique specialiter conveniunt mira encomia, & laudes à SS. Patribus *Paupertati* attributa. Ab illa insuper mirabiles, & optatissimi effectus, utilitates, & fructus proveniunt: præsertim felicissima illa libertas, & immunitas à periculis divitiarum, curisque, & sollicitudinibus hujus vitæ.

118. Enimvero præter infallibilem assècurationem Evangelicam à Christo Apostolis, & vitam eorum sequentibus factam *Matth. 6. v. 25 & seqq.* cujus verba Evangelio inserta, etsi longiora, dignissima tamen sunt, ut hic inserantur, & à Fratre Minore sæpius considerentur: *Dico vobis, ne solliciti sitis anima vestra, quid manducetis, neque corpori vestro, quid induamini. Nonne anima plus est, quàm esca, & corpus plus, quàm vestimentum? Respicite volatilia cæli, quoniam non serunt, neque metunt,*

metunt, neque congregant in borrea, & Pater vester celestis pascit illa. Nonne vos magis pluris estis illis? Et de vestimento quid solliciti estis? considerate lilia agri, quomodo crescunt? non laborant, neque nent. Dico autem vobis, quoniam nec Salomon in omni gloria sua coopertus est, sicut anum ex istis: si autem sanum agri, quod hodie est, & cras in clibanum mittitur, DEUS sic vestit, quantum magis vos modica fidei? Nolite ergo solliciti esse dicentes: quid manducabimus, aut quid bibemus, aut quo operiemur? hac enim omnia gentes inquirunt: scit enim Pater vester, quia his omnibus indigetis. Quarite ergo primum regnum DEI, & justitiam ejus, & hac omnia adjicientur vobis. Nolite ergo solliciti esse in crastinum: crastinus enim dies sollicitus erit sibi ipsis: sufficit diei malitia sua. Præter præfatam Evangelicam assecurationem, inquam, Christus specialissimè promissit S. Francisco, quod, si Fratres ejus Regulam observent, eisdem de vitæ necessariis semper providere velit, idque eò amplius, quò magis Religio, & Fratrum numerus crescat, adeò quidem, ut, etsi totus mundus unicum tantum panem haberet, dimidium illius vellet Fratribus Religionis hu-

jus Seraphicæ dare, & solum alterum dimidium toti mundo relinquare.

119. Estque profectò hoc Christi promissum Religioni nostræ factum, ultra quinque jam sæcula opere ipso semper, & ubique tam evidenter, & mirabiliter confirmatum, & verificatum, ut revera non nisi impius, ac infidelis Frater Minor in futurum diffidere, aut de futura necessaria sua sustentatione dubitare possit; dummodo cæteroquin Regulam suam observare studeat. Enimvero experientiâ multiplici, & quasi continuâ tot sæculorum constat, quod quovis etiam gravissimæ famis, pestis, ac belli tempore, ubi innumeri alii etiam aliàs ditissimi, defectu necessariorum vitæ eguerunt, & perierunt, pauperes S. Francisci Alumno securissima sua fundatione, infallibili nempe promissio, & Providentiâ Divinâ semper, & ubique necessaria vitæ mirabiliter, & plerumque ad abundantiam habuerint, adeò, ut inde aliis quoque charitative succurrere valuerint. Quod pariter eisdem contigit tempore gravissimarum persecutionum, quæ excitante invido diabolo, &

& permittente ad probationem, & utilitatem nostram Amantissimo DEO sæpe jam contra factam, & Seraphicam nostram Religionem insurrexerunt, prout ex Wadingo & aliis Chronistis clarissimè patet. Ter mirabilis enim DEUS, qui omnium corda in manu sua habet, & totius Universi Dominus existit, Divini sui promissi memor, aut ipsorum persecutorum animum immutabat, aut aliorum Fidelium corda permovebat, aut mirabili suâ providentiâ rerum circumstantias ita dirigebat, ut doctrinæ, & vitæ suæ fideles pauperesque imitatores semper haberent, unde viverent, & nunquam conqueri, aut dicere possent, se vel semel necessariis caruisse, aut DEUM promissio suâ non stetisse. Revera enim, si, uti olim Apostolos, ita hodie & Apostolorum imitatores interrogaret Christus, *Luca 22. v. 35. Quando misi vos sine saculo, & pera, & calceamentis, nunquid aliquid defuit vobis?* deberent cum Apostolis veritatem fateri, ac dicere, *Nihil:* & cum Apostolo *2. Corinth. 6. vers. 10. Nihil habentes, & omnia possidentes.*

Neudecker Pars Prior.

120. Ex quibus evidenter patet, inanem, & falsam esse quorundam opinionem, quâ putant, Religionem Seraphicam hoc ipso, quod bonis temporalibus, annuis redditibus, & temporali fundatione careat, necessariò esse subjectam plurimis, imò continuis curis, & sollicitudinibus, unde, & quomodo vitæ necessaria pro tot Fratribus quotidie emendicare, aut alio Regulæ non contrariò modò habere valeat; præsertim persecutionum, penuriæ, famis, aut belli tempore, quo etiam illi, qui alias dederunt, egent, & largiri non amplius possunt. Constat enim ex mox dictis, etiam talibus temporibus pauperes S. Francisci filios vâ promissi, & providentiæ Divinæ infallibilis, tanquam securissimæ fundationis suæ semper habuisse, & infallibiliter etiam habituros in futurum vitæ necessaria sine omni nociva cura, aut sollicitudine de his habendis.

121. Pariter maximè erronea est opinio, & judicium eorum, qui sancti Francisci Religionem saltem exinde minis felicem reputant; quod Religiosi ejusdem, ob præfatam altissimam paupertatem ferè ab omnibus homini-

H

bus

bus dependeant, coram quovis se humiliare, & ei se subicere debeant, minùs etiam honorentur, ac respiciantur, imò etiam nonnunquam ab aliquibus vilipendantur, ac contemnantur. Item quòd debeant insuper continuò timere, & attendere, ne actione etiam iusta hunc, aut illum offendant; néve apud hunc, aut illum gratià excidant, consequenter beneficiis, & elemosynis destituantur. Ex quo etiam sequi putant, quòd sæpe tanta libertate loqui, aut agere non audeant, quantam veritas, & iustitia, zelus, aut salus animarum, DEIque honor, & gloria, vel ipsa etiam conscientia subinde requirit.

122. Nam contra est, quòd mendicare, coram quovis se humiliare, & ab eo quasi dependere, minùs honorari, aut respici, quin & contemni, sint incommoda, & veræ proprietates paupertatis, actùsque verè pauperibus proprii, qui paupertatem summè meritoriam reddunt, consequenter ejusdem Sectatores minimè infelices, sed maximè felices efficiunt; non est verè pauper, nec paupertatis copiosa percipit merita, qui pau-

pertatis non sentit incommoda, ut bene advertit ex D. Bernardo S. Bonaventura in *Meditat. vita Christi* c. 21.

123. Neque ullum talem patiuntur inopiæ, aut disgratiæ timorem, qui eos privaret ea libertate, quam DEI gloria, animarum salus, iustitia, aut veritas requirit; præsertim, quia insuper securi sunt, quòd, si ob iustitiam, & veritatem, aliàmvirtutem unum quantumvis magnum benefactorem offendant, & perdant, Fundator, & Protector eorum Omnipotens, cordàque hominum in manu sua habens, Ter Optimus DEUS, locò illius plures alios pro ipsis disponat, aut taliter offensum brevi immutet, magisque affectum, ac priùs efficiat, aut certè iniquè persequentem horrendè puniat, brevique è medio tollat, ad terrorem, & exemplum aliorum: sicut econtra Ordini ad dictos temporali, & æterna benedictione repleat; prout ex specialibus Divinis promissis, ac minis per tremenda exempla contra persecutores, & summè consolatoria pro benefactoribus plenè constat.

124. Unde etiam tam in Annalibus Ecclesiasticis, quàm Ordinibus Chronicis refertur, pauperes S. Francisci Alumnos, extrema eorum paupertate minimè obstante, sed potiùs opitulante, & animante, timorémque omnem pellente, pro DEI gloria, pro animarum salute, & pro totius Ecclesiæ utilitate promovenda, quovis tempore summè ardua, ac difficilia aggressos, maximàque animi libertate (exigente subin necessitate) contra summos etiam Principes, & Magnates processisse.

125. Reddit insuper memorata altissima paupertas eosdem minimè odiosos, quin & acceptos coram toto etiam infideli mundo, omnibùs videntibùs, & considerantibùs, quòd pauperes Religiosi non inhient aliorum bonis temporalibus, nec ea cum aliorum successivo magno præjudicio congregent, vel attrahant; consequenter altiore finem habeant, purèque DEI gloriam, & animarum salutem quærant, de reliquo naturæ necessariis, quæ ubique facilè haberi possunt, contenti vivant.

126. Ex quo etiam venit, quòd iidem Sectatores pauperis Fran-

cisci, non obstante, sed opitulante eorum summa paupertate, in plerasque vastissimas, & barbaras Infidelium Nationum Regiones in magna copia deveniunt, & admissi sint, ibique prima Fidei Catholicæ fundamenta jecerint. Prout ampliùs patet ex Libello *de Ortu & progressu S. Ord. FF. Min. Anno 1732.* edito.

127. Eadem paupertate propagante evenit, quòd pauperissima S. Francisci Religio, & Ordo major sit, & amplior, quàm quævis alia in toto mundo, etsi plures Religiones aliquot centenis annis ante Religionem S. Francisci extiterint. Ex quo Christus toti mundo patenter manifestat, quantum diligat, juvet, augeat, & conservet eos, qui vitam, & doctrinam Ejus sequuntur, ejusdemque promissioni Evangelicæ, & providentiæ confidunt, ac innituntur.

128. Hinc minimè mirandum, cur S. P. Franciscus, pauperum Patriarcha paupertatem adeò æstimarit, & adamaverit, illamque communiter *Dominam* appellaverit, & mille aliis encomiis deprædicaverit, ac eam tanquam pretiosam sollicitè custodiendam margaritam, & strictissimè ob-

servandam principalissimè, ac intensissimè suis Fratribus commendaverit, uti inter alia etiam constat ex illis spiritu, fervore, & amore plenè verbis Regulæ *cap. 6. Hac est illa Celsitudo altissima paupertatù, qua vos charissimos Fratres meos, heredes, ac Reges regni calorum instituit, pauperes rebus fecit, virtutibus sublimavit. Hac sit portio vestra, qua perducis in terram viventium, cui dilectissimi Fratres totaliter inhaerentes nihil aliud pro Nomine Domini nostri JESU Christi in perpetuum sub cæla habere velitis.* Verba sanè cordi cujusvis veri Filii tanti Patris altè imprimenda, & pro amore paupertatis sæpe ruminanda.

129. Secunda pars Minoris *num. 113.* positæ, videlicet, quòd Seraphica S. Francisci Religio etiam vitæ, & doctrinæ Christi, & Apostolorum magis conformis videatur. consequenter etiam ex hoc capite quoad substantiam perfectior sit, ex eo satis dignosci posse videtur, quòd hæc Religio, Christi, & Apostolorum altissimam paupertatem imitetur præ aliis; sicut enim Christus, & Apostoli altissimam paupertatem servantes, nec domos, nec agros, nec vineam, nec præ-

dia, nec annuos redditus, nec quid aliud temporale tanquam proprium possidebant, adeò ut Filius hominis non haberet, ubi caput reclinaret, nudisque pedibus, & unicâ tunicâ contentus cum Apostolis incederet, sic etiam in altissima hac paupertate conformes præ aliis se exhibent pauperes Filii S. Francisci.

130. Pariter in cæteris Religio nostra Seraphica magis conformis est vitæ, ac doctrinæ Christi, & Apostolorum: vita siquidem, & doctrina Christi, & Apostolorum continetur in Evangelio: Religio autem, Regula, & vita Fratrum Minorum aliud non est, quàm dictum Evangelium observare; consequenter vitam, ac doctrinam Christi, & Apostolorum perfectè imitari, uti in compendio clare patet statim ex primis verbis S. Regulæ *cap. 1.* ita incipientis: *Regula, & Vita Fratrum Minorum hæc est: scilicet Domini nostri JESU Christi Evangelium observare.* Et ex Testamento S. Patris, ubi dicit: *Ipse altissimus revelavit mihi, quòd ego deberem secundum formam S. Evangelii vivere.*

131. Idem quoque de S. Francisci Regula, & Religione etiam sen-

senferunt Christi in Terris. Vicarii, Summi Pontifices, eamque propterea contra quosunque contradictores, detractores, & persecutores potentissimè, ac iustissimè semper defenderunt, plurimè, iisque maximè privilegiis, & favoribus decorarunt, ac summè laudibus extulerunt, easque etiam publico Juri communi Canonico inseruerunt, uti videre est *c. Exiit. de V. S. in 6.* ubi inter alia S. Religionis, & Regulæ nostræ encomia ita loquitur Nicolaus III. „ Hi sunt illius S. „ Regulæ Professores, quæ Evan- „ gelicò fundatur eloquiò, vitæ „ Christi roboratur exemplò, „ Fundatoris militantis Ecclesiæ, „ Apostolorum ejus sermonibus, actibusque firmatur. Hæc „ est apud DEUM, & Patrem „ munda & immaculata Religio, „ quæ descendens à Patre lumine, per ejus Filium exemplariter, & verbaliter Apostolis tradita, & dein per Spiritum „ Sanctum Beato Francisco, & „ cum sequentibus inspirata, totius in se quasi continet testimonium Trinitatis. Hæc est, „ cui (attestante Paulo Apostolo) nemo de cætero debet esse „ molestus, quam Christus

„ Stigmatibus suæ Passionis confirmavit, volens Institutorem „ ipsius, Passionis suæ signis notabiliter insigniri. Quid posset plus, & efficacius dici ad probandam conformitatem Religionis, & Regulæ nostræ Seraphicæ cum vita, & exemplo Christi, & Apostolorum, indèque emergentem summam ejus perfectionem, quàm quod Oraculum Pontificium Christi Vicarii ipse protulit?

132. Accedit ulterius, & sanctam hanc Religionem præ cæteris adhuc magis commendat, quòd Regula illius non ab homine fuerit inventa, sed ab ipso Christo de verbo ad verbum S. Francisco dictata, prout ipse Christus S. Birgittæ revelavit illis verbis *lib. 7. Revel. cap. 20. Istius Francisci Regula, quam ipse incepit, non fuit dictata, & composita ab ipsius humano intellectu, sed à me secundum meam voluntatem; quodlibet enim verbum, quod in ea scriptum est, à Spiritu meo fuit sibi aspiratum.* Idem alia vice præsentibus, & audientibus Generali Eliâ, ac pluribus Ordinis Superioribus clara, ac sensibili voce testatus est Christus, dum S. Franciscum ob Fratres de nimio S. Regulæ rigore

querulantes, aliquatenus tristem,
 & affictum sequentibus incre-
 pavit verbis: „ Homuncio,
 „ quid turbaris, quasi tuum opus
 „ esset? Tunc Legislator? tunc
 „ hujus vitæ præceptor? nonne
 „ hæ tabulæ à me formata? tu
 „ duntaxat tenue hujus operis
 „ instrumentum, & calamus scri-
 „ bentis. Novi ego, quid di-
 „ ctaverim, novi, quid velim
 „ præcipere: vires humanæ sunt
 „ mihi compertæ: scio, quid
 „ possint, & quid ego valeo, &
 „ volo præstare subsidium: vo-
 „ lo proinde, ut Regula hæc ob-
 „ servetur ad litteram, ad litte-
 „ ram, ad litteram, sine glossa,
 „ sine glossa, sine glossa. Ita
 verba Christi clarè, distinctè, &

sensibiliter audientibus, non tan-
 tum ipso S. Patre Francisco, sed
 etiam Generali Eliâ, plurimisque
 Ordinis Superioribus, tunc actu
 præsentibus; ad quos proin se
 convertens Sanctus Pater trina
 vice dixit: *Audistis? audistis? au-
 distis?*

133. Tandem præter plura
 alia specialis prærogativæ, & per-
 fectionis signa de S. Religione
 nostra etiam illud non immeri-
 to hic pro coronide est addu-
 cendum, quòd DEUS revelave-
 rit, Religionem S. Francisci pro
 Ecclesiæ Catholicæ emolumen-
 to, & auxilio duraturam usque
 ad finem mundi. Ita Sannig. *de*
Regul. Wadingus, Sedulius, &
 Ordinis Chronica.



CAPUT III.

De Peccato mortali.

1.

Cognito fine, ob quem
 Religionem ingressi estis,
 vel saltem in ea manere
 cogitatis charissimi, vi-
 delicet, ut DEO ex amore ejus-

dem perfectè servire, & ad ve-
 ram perfectionem, finemque
 creationis vestræ pervenire va-
 leatis: jam manus operi admo-
 venda, & præprimis videndum
 est, quid ante omnia requiratur à

VO:

vobis Amantissimus DEUS, ac Dominus noster, cui soli per totam vitam perfectè servire resolvistis; cùm juxta dicta, & adhuc magis dicenda, perfectè ei servire aliud non sit, quàm ex amore erga illum voluntatem ejusdem in omnibus perfectè exequi, & pati.

2. Quid autem ante omnia à servis suis desideret DEUS, clarè indicat Spiritus S. *Psalm. 36. v. 27.* illis verbis: *Declina à malo, & fac bonum.* Priùs, & ante omnia declina à malo, seu à peccato, id est, extingue, & dele peccata jam commissà, eaque imposteriorum vita, declina, time, horre, & quasi à facie colubri fuge peccata, *Eccles. 21. v. 2.* postea fac Bonum, id est, opera bona exerce, & virtutes implanta, postquam videlicet animam à quovis peccato purgaveris, illudque tanquam omnium malorum extremum, & pessimum, omniumque maximè abominabile malum cognoscere, & reputare, consequenter plus quàm quodvis aliud malum totius Universi timere, horrere, odio habere, & fugere didiceris, simulque potius omne malum aliud sustinere, aut incurere, quàm peccatum aliquod

voluntariè committere efficacissimè, & firmissimè concluderis.

3. Ratio inter alias est: tum quia nihil à fine nostro ita nos impedit, & removet, ac peccata: tum quia juxta infra dicenda nullus actus, nullus labor, nullum opus, quantumvis aliàs in se excellens, sanctum, & bonum sit, DEO gratum, ac de condigno meritorium est, quod homo in peccato mortali existens producit; utpote quod non tantum animam cum cunctis bonis priùs habitis mortificat, sed cuncta etiam bona opera, eo peccato scilicet animæ adhuc inexistente facta mortua reddit, DEIque ex servo, & amico, servum, & mancipium dæmonis, DEIque inimicum efficit; consequenter DEO perfectè servire, & ad finem perfectè pervenire omnium maximè impedit, indeque ante omnia tollendum, & cavendum venit.

4. Nam sicut is, qui vasi alicui pretiosum liquorem infundere desiderat, priùs evacuet, & diligentissimè illud purget, oportet, si foetida sanie repletum, aut inquinatum conspicit, ne infusio liquoris pretiosi omnino impediatur, aut infusus inficiatur, & de-

& destruat: sic qui animam Gratiâ, & charitate tanquam pretiosissimo liquore, eamque virtutibus, & bonis operibus ornare, sicque DEO acceptam famulam, & sponsam efficere cupit, prius eandem à foetidissima sanie, & scabie peccatorum exactissime purget, & custodiat, necesse est.

5. Hinc omnes SS. Patres, præsertim D. Bonaventura, suadent, ut volentes DEO perfectè fervire, imprimis viam purgativam incedant, id est, ante omnia per veram confessionem animam à peccatis purgare, vitiaque, & malos habitus in ea

radicatos extirpare, illaque tanquam omnium maximum malum summè horrere, odio habere, & timere, consequenter eadem imposterum magis quam quodvis aliud malum fugere, vitare, & declinare omni conatu, diligentia, & vigilantia nitantur, & studeant. Ut autem horror, timor, & odium peccati magis concipi, eorum confessio, & vitatio facilius & perfectius fieri queat, de natura, malitia, remediis, & extirpatione peccatorum, eorumque confessione perfectè instituenda tractabitur; hinc ponitur

§. I.

De Natura, & Malitia Peccati mortalis.

6. **Q**uæritur I. Quid, & quantæ malitiæ sit peccatum in genere?

Resp I. Peccatum est voluntaria transgressio obligatoria legis, vel mandati à DEO immediate, vel mediate positi. Ita in re communis tam SS. Patrum, quam Theologorum, quamvis aliis verbis utantur. Placuit hanc definitionem præ aliis dare; quia universalis, solida, & clara, captique facilis

est. Dicitur I. *Voluntaria transgressio*; quia si voluntaria non est, jam hoc ipso peccatum non est, juxta omnes. Unde tritum illud S. Augustini *Lib. 2. de vera Relig. cap. 14. Usque adeo peccatum voluntarium est malum, ut nullo modo sit peccatum, si non sit voluntarium.*

7. Dicitur II. *Transgressio obligatoria legis*, tunc enim revera committitur peccatum aequale, quan-

quando lex, seu mandatum Divinum actu violatur, sive dein fiat omittendô, sive agendô, sive verbô, sive cogitatione, sive opere; quovis enim ex his modo, si lex, aut mandatum violatur, peccatum committitur. Hinc cuncta peccata in genere exprimere volens S. Augustinus lib. 22. contra Faustum, cap. 27. ita describit peccatum: *Peccatum est dictum, vel factum, vel concupitum contra aeternam legem.*

8. Dicitur III. *Obligatoria legis*, ad excludendas è numero peccatorum transgressiones illarum legum, quæ sub peccato, & culpa non obligant; quales sunt nonnullæ leges præcisè directivæ, & consultivæ, ac leges merè poenales, de quibus magis in Theologia.

9. Dicitur IV. *Vel Mandati*, quia non solius veræ, propriæ, & universalis legis, sed etiam particularis præcepti à Superiore v. g. injuncti (quæ propriè lex non est) transgressio, seu violatio peccatum est.

10. Dicitur V. *à DEO immediate, vel mediatè positi*: sunt enim leges quædam, & mandata immediate ab ipso DEO posita, uti v. g. leges, & præcepta Decalogi.

Et sunt aliquæ mediatè à DEO positæ; videlicet omnes justæ leges, & præcepta humana legitimorum Superiorum. Hoc ipso enim, quòd DEUS velit, & præcipiat, ut justis legitimorum Superiorum legibus, & præceptis obediamus, ipsique in terris vices DEI agant, eorum leges, & mandata, mediatè etiam mandata, & leges DEI sunt, ita, ut qui legem aut mandatum Superioris transgreditur, DEI quoque mandatum mediatè saltem transgredi censeatur; juxta illud Luca 10. v. 16. *Qui vos audit, me audit, & qui vos spernit, me spernit.* Imò transgressio legis, aut præcepti humani non aliter est peccatum, nisi quia est contra legem DEI volentis, ut præceptis Superiorum obediamus. De quo amplius in Theologia.

II. Resp. II. Malitia peccati principaliter consistit in hoc, quòd, dum quis DEI voluntatem, legem, aut mandatum voluntariè transgreditur, seu violat, hoc ipso DEUM (saltem dum quis peccat mortaliter) ejusque sanctissimam, & justissimam voluntatem, legem, aut mandatum re ipsa, & factô vilipendat, minúsque curet, quàm vilissimam crea-

creaturam, voluptatem, aut vanitatem, utpote quam DEO, ejusque voluntati præponit, intuitu cujus legem DEI transgreditur, & violat; consequenter DEUM ipsum injustissimè offendit, eique gravissimam injuriam infert: adeò, ut offensa, aut injurià DEI, item vilipensio, realis despectus, & contemptus DEI, ejusque sanctissimæ voluntatis cum peccato idem ac synonyma sint; idémque sit, ac significet peccare (saltem mortaliter) ac DEUM, ejusque sanctissimam legem, ac voluntatem re, & factò vilipendere, & contemnere, réque, & factò magis curare, & amare vilissimam creaturam, & abjectissimam vanitatem, quam DEUM, ejusque sanctissimam legem,

12. Unde peccatum tantam malitiam, & injustitiam importat, DEOque tantam injuriam irrogat, ut juxta gravissimos Auctores nulla creatura, nec omnes creaturæ simul sumptæ, præteritæ, præsentis, futuræ, & possibiles pro unico peccato mortali DEO condignè satisfacere potuissent, etiam si omnes, & singulæ, B. V. Maria quoque cum omnibus Angelis, Sanctis, & Ele-

ctis à creatione mundi usque ad ejus interitum, vel etiam in æternum omnia excogitabilia, & possibilia opera pietatis, & poenitentiae exercuissent, omniæque tormenta, & mortem innumeris viribûs acerbissimè repetitam sustinuissent; sed ad condignam satisfactionem omnino necesse fuerit, ut DEUS fieret homo, sicque ab infinito Subjecto fieret satisfactio infinito Objecto per creaturam offenso: fuitque magis conforme Justitiæ Divinæ, ut DEUS fieret homo, extrema pateretur, & moretetur, quam ut imperceptibilis peccati malitia maneret impunita.

13. Quæritur II. Quid, quantæque gravitatis sit peccatum mortale? Resp. I. Peccatum mortale est voluntaria transgressio legis talis, quam observari DEUS summè, ac tantopere vult, & desiderat, ut ejus observantiam sub privatione gratiæ sanctificantis, amicitiae, & fruitionis Divinæ, regni que coelestis, ac insuper sub poena æterni ignis præcipiat. Ita in re communis SS. Patrum, & Theologorum; patebuntque singulæ definitionis particulæ ex Responsione sequenti. Vocatur *mortale*; quia in-

infert animæ mortem spiritua-
lem, scilicet privationem gratiæ
sanctificantis, & amicitia cum
DEO.

14. Resp. II. Gravitas, & ma-
litiæ peccati mortalis est maxima,
& consistit in hoc, quòd, dum
quis bene scit, & firmiter credit,
se per transgressionem, seu vio-
lationem talis legis, gratiam, &
amicitiam Divinam, imò DEUM
ipsum, ejusque visionem, & frui-
tionem in æternum amittere, &
perdere; nihilominus talem le-
gem transgrediatur, consequen-
ter vilissimam creaturam, mo-
mentaneam voluptatem, aut ab-
jectissimam vanitatem (ob quam
peccat, & legem transgreditur)
revera magis quàm DEUM ipsum
respiciat, & diligat, hoc ipso,
quòd certò sciat, & credat, se
per talem vilissimam creaturam,
voluptatem, aut vanitatem DE-
UM, ejusque gratiam, amicitiam,
visionem, ac fruitionem beati-
ficam, quam præparavit DEUS
diligentibus se, æternum deper-
dere; & tamen illam non dere-
linquat, sed præ DEO eligat,
eamque DEO præponat, & pro-
pter eandem DEUM æternum
amittere, minimè curet. Per
quod utique etiam DEUM re

ipsa, & facto vilipendit, gravissi-
mè offendit, summæque injuriæ
afficit, consequenter malitiam,
& injustitiam erga DEUM extre-
mam, imò suò modò infinitam
iniquissimè committit.

15. Aggravatur peccati mor-
talis malitia & gravitas ex infinita
distantia, & inæqualitate of-
fensum inter & offendentem,
seu DEUM & hominem: qui
enim offenditur, est summa, im-
mensa & infinita Majestas, Om-
nipotens, æternus, Summus &
Optimus DEUS, Dominus, Crea-
tor, Conservator & Gubernator
coeli, & terræ, & omnium, quæ
in eo sunt; ipse est, à quo omnia,
in quo omnia, per quem omnia,
& propter quem omnia, bonum
infinite; ipse est omnium, &
quidem ipsiusmet peccantis con-
tinuus Benefactor, & Salvator, &
intensissimus Amator, adeò ut
amore ipsius, vitam & sangui-
nem dederit; ipse est, à quo pec-
cator omni momento in omni-
bus dependet, & à quo omni mo-
mento in infernum detrudi, aut
aliis innumeris miseriis, & poenis
affigi potest &c. econtra qui
peccat, DEUM offendit, & con-
temnit &c. est vilissima ipsius
DEI creatura, totum suum esse

ab ipso solo habens, sine ipso nihil efficiens, nil valens quàm errare, & respectu DEI vermis, pulvis, imò nihil.

16. Augetur malitia, & iniquitas peccati mortalis etiam ex eo, quòd, qui peccat, creaturam, vanitatem, ac voluptatem indirectè, re, & factò pro DEO sibi constituat, æstimet, & amet, consequenter, quantum est in se, DEUM verum dethronisare, è Regno deicere, delere, & non esse velit; hoc ipso enim, quòd talem creaturam magis, quàm DEUM æstimet, & amet, hunc ob illam perdere, & continere &c. non dubitet. Hinc meritò S. Paulus *ad Philippenses cap. 3. v. 19.* de peccatoribus dicit: *Quorum DEUS venter est:* cui conformiter S. Hieronymus *in Psal. 80.* dicit: *Quotcunque vitia habemus, & quocunque peccata, tot recentes habemus Deos; iratus sum, ira mihi Deus est: vidi mulierem, & concupivi, libido mihi Deus est. Unusquisque enim, quod cupit (plus quàm DEUM) & veneratur, hoc illi Deus est.*

17. Ulteriùs augetur peccati malitia, quòd etiam redundet in extremam injuriam, contemptum, & gravissimam offensam

Christi JESU Redemptoris, & Salvatoris nostri; cùm per quodvis peccatum mortale tota vita, & passio, omniàque merita Christi in peccante frustrentur, & ab hoc redemptio, & Sanguis illius, imò ipsemet Christus quasi pedibus conculcetur, & de novo crucifigatur &c. prout clarè indicat D. Paulus *ad Hebr. 10. v. 29. Qui Filium DEI conculcaverit: & ad Heb. c. 6. v. 6.* ubi de peccatoribus dicit, quòd sint *rursus crucifigentes sibi metipsos Filium DEI, & offensui habentes:* eo ipso, quia faciunt id, ob quod Christus passus, & crucifixus est: *Vulneratus est enim propter iniquitates nostras, attritus est propter scelera nostra. Isaia 53. vers. 5.* consequenter de novo ponunt causam passionis, & mortis Christi, ita ut, si passio Christi tantæ efficaciz non fuisset, ut pro omnibus etiam possibilibus peccatis satisfaceret, necesse foret, Christum toties iterum pati, & crucifigi, quoties peccatum committitur; præsertim, cùm nullus purus homo, imò nec omnes homines, neque Angeli, neque B. V. Maria defacto per omnia sua merita etiam pro unico peccato de condigno satisfacere potuissent.

18. Peccati gravitas præterea per hoc excrescit, quia peccatum Christus DEI Filius plùs averfatur, horret, & odit, quàm omnes quantumvis immanes, ac intensissimos dolores, quos in passione, & morte sua pro nobis sustinuit, ita ut, si ex una parte flagella, spinæ, sputa, clavi, fel, crux, & alia passionis ponerentur instrumenta, ex altera verò parte unicum peccatum mortale, hoc solum Christo magis foret contrarium, & cum magis affligeret, quàm omnium tormentorum cumulus; quæ omnia millies majora, eaque millies repetita libentiùs, quàm injuriam ex unico peccato mortali in Patrem coelestem, & se ipsum redundantem pateretur. Atque adeò, etsi peccator Christum materialiter, & physicè non crucifigat, hoc tamen moraliter facit, & æquivalenter, imò incomparabiliter magis, quotiescunque committitur peccatum mortale, utpote quod causât, & irrogat injuriam eidem incomparabiliter magis molestam, quàm omnia non tantùm jam exantlata, sed etiam possibilia tormenta etiam millies repetita.

19. Intenditur extrema iniquitas peccati mortalis etiam ex eo, quòd homo bene sciat, & credat, peccatum mortale DEO summè injuriosum, & suæ Majestatis gravissimè offensivum esse, adeò, ut ad illud avertendum privationem Regni coelestis, poenàmque æternam ignis infernalis, imò etiam poenas temporales minitetur, peccantibusque certò infligat, quæ hominem terrere, & à peccando abstertere meritò possent; illud nihilominus committat, consequenter voluntariè, & deliberatè id faciat, quod DEO summè odiosum, injuriosum, & abominabile esse, optimè scit, & firmiter credit; ac quod, ne fiat, intensissimè desiderat, & ferè omnia tentat, & adhibet, exceptò, quòd homini libertatem agendi non adimat.

20. Intenditur insuper inexplicabilis malitia Peccati mortalis etiam ex hoc, quòd in præsentia, & in conspectu DEI omnia præsentissimè intuentis, & cognoscentis committatur. Sicut enim major injuria, & offensa meritò reputaretur, si quis subditus suum sibi semper beneficentissimum, & aliàs justissi-

num & potentissimum Regem, præsentem, aspicientem, & audientem vilipenderet, eique rebellem se exhiberet, quàm si id absente & ignorante Rege faceret: sic etiam plurimum augeatur peccati malitia ex eo, quòd homo sciat, & firmiter credat, DEUM sibi semper esse præsentissimum, cuncta intuentem, & audientem, & tamen audeat in præsentia, conspectuque illius per peccatum inexplicabili offensa, & injuria eum afficere, eidem creaturam, & vanitatem vilissimam præponendò, hancque magis, quàm illum æstimandò, imò hanc locò DEI sibi constituendò, sicque DEUM verum indidè, re, & opere vilipendendò.

§. II.

De Damnis, & effectibus Peccati mortalis: nec non de Remediis, ac Principiis practicis circa illud.

21. **Q**Uæritur I. Quæ damna, quòsque effectus causet peccatum mortale? Resp. Peccatum mortale præter infinitam offensam, & injuriam DEI tot, & tanta causat damna, ut pro enarrandis, & declarandis eisdem magnum non sufficeret volumen. Adducemus solummodo aliqua.

22. *Primò.* Quodvis peccatum mortale, etiam unicum, & respectu aliorum leve, v. g. unica morosa delectatio venerea delet in anima, destruitque gratiam sanctificantem, & per consequens spiritualiter mortificat, seu occidit animam, & privat illam jure

ad Regnum coeleste; gratia enim sanctificans est vita animæ, & illa sola tribuit jus ad Regnum coelorum: quapropter si illa perditur, unacum illa etiam perditur vita animæ, & Regnum coelorum. Est totum de Fide: unde dicitur Tob. 12. v. 10. *Qui faciunt peccatum, & iniquitatem, hostes sunt animæ suæ.* Et ad Galat. 5. v. 21. *Prædico vobis, sicut prædixi: quoniam qui talia agunt (peccata videlicet mortalia) regnum DEI non consequentur.*

23. *Secundò.* Quodvis peccatum mortale animam alias pulcherrimam, & mirabilem imaginem SS. Trinitatis coram oculis DEI

DEI turpissimam; horribilissimam, & summè abominabilem reddit, adeò quidem, ut si quis videret, & aspiceret animam in peccato mortali existentem, prò mero horrore, & pavore terribilis turpitudinis ejusdem illico mori deberet, prout dilectis suis animabus sæpius revelavit DEUS. Imò tanta est turpitudine animæ in peccato mortali existentis, ut ipsius etiam dæmonis turpitudinem, abominationem, horribilitatem, & foeditatem superet; teste S. Chrysostomo *Homil. 39, ad Popul.* quod pluribus rationibus probat Lancicius *Opuscul. 1, cap. 8. & 9.*

24. Ad hæc (ut modò citatus Auctor loquitur) dæmon ob unicum in sola cogitatione consistens peccatum mortale superbiæ tam abominabilis, & horribilis effectus est, ut juxta eundem S. Chrysostomum, si DEUS illi permetteret formidabilem illum suum, & horrendum aspectum nobis ostendere, continuo mente dimoveremur, & solutis artuum compagibus evolare anima è corpore. S. Catharina Senensis, postquam semel per unicum quasi ictum oculi formam dæmonis vidit, & à DEO

specialiter conservata, iterum sensus recepit, contestata est, *velle se potius ire per unam viam igneam usque ad diem judicii duraturam, quam amplius eam inueneri.* Quanta igitur erit turpitudine, & abominatio animæ in peccato mortali existentis, si, prout est, turpitudinem dæmonis superat, præsertim si non uno, sed pluribus peccatis mortalibus inquinata est?

25. Tertiò. Quodvis peccatum mortale ex homine priùs filio, amico, ac servo DEI efficit filium dæmonis, ejusque miserum servum, & mancipium; imò diabolum incarnatum. Filium dæmonis satis indicat S. Joannes *Ep. 1. cap. 3. v. 8. Qui facit peccatum (mortale) ex diabolo est: consequenter filius ejus est.* Servum, & mancipium dæmonis talem esse, docet cum aliis S. Augustinus in *Expositione Epistol. ad Roman. n. 42.* addens rationem: *Unusquisque (ait) peccando animam suam diabolo vendit, acceptò tanquam pretiò, dulcedine temporalis voluptatis.* Diabolum incarnatum ipse DEUS S. Catharinæ Senensi apparens vocat hominem in peccato mortali existentem. Hinc

26. *Quartò.* Quodvis peccatum mortale hominem non tantum privat Regno cœlesti, sed eundem tanquam filium, servum, & mancipium dæmonis, & diabolum incarnatum in infernum detrudit, æterno igne cum aliis dæmonibus ibidem cruciandum; nisi ante mortem tale peccatum poenitentia deleatur: prout fides docet.

27. *Quintò.* Quodvis peccatum mortale mortificat omnia bona opera antea facta, ita ut, etsi quis per totam vitam suam, per 70. v. g. vel 80. vel plures annos sanctissimè actus heroicos, & opera bona accumulasset, ut in virtute, perfectione, & meritis superaret omnes Sanctos, tamen unico peccato mortali simul mortificarentur, ita, ut durante hoc statu omnino mancant sopita, & penitus nullius amplius meriti essent ante Deum. Prout rursus Fides docet, & patet ex illo *Exechielus 18. v. 24. Si averteris se iustus à justitia sua &c. omnes justitia ejus, quas fecerat, non recordabuntur.* Quamvis, si peccatum per poenitentiam postea deletur, iterum reviviscant bona opera, antea in statu gratiæ facta.

28. *Sextò.* Quodvis, etiam unicum peccatum mortale facit, quod omnia quantumvis aliàs bona, excellentia, & heroica opera ab homine in peccato mortali existente facta, sint mortua, & nullius meriti de condigno apud DEUM nec de præsentis, nec in futurum, adeo ut, etsi homo postea à peccato resurgat, opera tamen bona in statu peccati mortalis facta non evadant meritoria, nec reviviscant (cùm defectu statûs gratiæ nunquam fuerint viva) prout tamen ex dictis *num. preced.* reviviscunt opera bona prius in statu gratiæ facta, sed postea per peccatum mortale mortificata, si homo à peccato resurgit. Est rursus doctrina SS. Patrum, & Theologorum.

29. *Septimò.* Peccatum mortale continuo etiam inter maximas mundi vanitates, honores, & voluptates diu, noctûque mirè affligit, ac torquet animum, & conscientiam peccantis, ita ut nunquam vera pace & quiete, nec in temporalibus, nec in spiritualibus frui queat: unde *Jeremias 2. v. 19. Scito, & vide, quia malum, & amarum est, reliquisse se Dominum DEUM tuum, & non esse si-*
mo-

morem mei apud te, dicis Dominus DEUS. Et sanctus Chrysostomus Homil. 8. ad Populum. inter alia mala existentis in peccato mortali ad propositum etiam idem commemorat: Intus habet agentem conscientia accusatorem, & hunc ubique circumfert; & sicut seipsum non potest fugere, sic nec intrinsecus ipsum agentem, sed quocunque abeat, flagellatur, & vulnus habet immedicabile: nam semper pavor his, qui operantur malum, Proverb. 10. v. 29. Sanctus Chrysologus Serm. 125. ait: Reus peccati, plus de conscientia, quam de gehenna erubescit incendio.

30. Octavo. Peccatum mortale est mera fraus, mendacium, & deceptio, illud utile, aut delectabile, quod in eo falso apparet, & peccator quærit, vel omnino non, vel certè non nisi momentaneè, ac imperfectè tribuens, & contra malò, & poenà contrarià illico, & constanter affligens; quia enim peccator (inquit S. Bonaventura in Theolog. Myst. cap. 2. partis. 2. petis. 6.) per malissimam creatura inferiori inverecundè adhasit propter momentaneam delectationem, iussò DEI iudiciò non oblationem, sed amaritudinem potius reportabit, ut, qui satiari voluit in ipsis delectationibus creaturarum, in-

Neudecker Pars Prior.

finitis amaritudinibus repleatur. Hinc sicut qui cogeretur (ait Alvar. Tom. 2. lib. 1. p. 1. cap. 4.) guttulam mellis in magnum vas fellis, & absynthii injectam potare, non dulcedinem, sed amarorem sentiret, ita qui modicam, & umbratilem peccati dulcedinem tot angoribus, & conscientia accusationibus circumdatam bibit, concupitam suavitatem experiri non valet. Et S. Joan. Damasc. L. 1. Parallel. c. 12. Voluptas Diaboli bimus est ad exitum trahens, S. Augustinus Lib. 14. de Civitate DEI. c. 4. Dici potest, omne peccatum esse mendacium; non enim fit peccatum, nisi ea voluntate, qua volumus, ut bene sit nobis, & hinc potius malè est nobis. Nam æterna est veritas, quod Spiritus S. dicit Sapient. 11. v. 17. Per qua peccat quis, per hac & torquetur. Unde meritò exclamat Psalmista: Filii hominum usquequo gravi corde, ut quid diligitis vanitatem, & quaritis mendacium! Psalm. 4. v. 3.

31. Nonò. Peccatum mortale vires animæ mirè debilitat, & ferè inhabiles reddit ad bona spiritalia, ad bene operandum, & proficiendum in spiritu, & virtute; præsertim quia etiam dona Spiritus Sancti diminuit, aut expellit; ut bene advertit S. Antoninus part. 1. Summa tit. 7. c. p. 3.

§. 3. *ad finem.* dicens: „Dona Spi-
ritus S. in peccatore reperiri
non possunt; nam sapientia
per insipientiam dejicitur, ut
Divina non guster; intellectus
per hebetudinem obscuratur,
ut scripturæ sint in eis in para-
bolas, non intra medullam pe-
netrantes; consilium per præ-
cipitationem perit, ut sine exa-
minatione cuncta faciat; for-
titude per pusillanimitatem,
& impatientiam prosternitur;
scientia per ignorantiam con-
culcatur, circa conversatio-
nem cum personis non pru-
denter se habens, nec sufficien-
ter discernens verum à falso
circa mores, & fidem; pietas,
quæ est DEI cultus, vel pro-
ximis subveniens ab impietate
dejicitur; & timor per super-
biam absorbetur.

32. *Decimò.* Peccatum mor-
tale facit, quòd DEUS hominem
variè deserat, nullà eum amplius
speciali curà, aut providentià gu-
bernans, nec singulari consiliò,
vel auxiliò adjuvans, nec facile
orationes ejus exaudiens, sed po-
tius in mille errores, confusio-
nes, temporalia, & spiritualia
damna prolabi permittens: nam
error, & tenebra peccatoribus con-

creata sunt, Eccles. 11. v. 16. Non est
quidem abbreviata manus Domini,
ut salvere nequeat; sed iniquitates,
& peccata vestra absconderunt faciem
ejus à vobis, ne exaudiret. Isaia 59.
v. 1. & 2. De grandi hoc peccati
effectu ita discurrit S. Joan. Da-
masc. *L. 1. Parallel; c. 12.* „Nihil
exitiosius est, quàm à DEO ita
deseri, ut nullà nostri curà, &
providentià tangatur, nec ul-
lum ob gravissima criminagra-
vius supplicium irrogari po-
test, quàm ut quisquam à DEO
destituatur, & orbetur: qui
enim Servatoris DEI ope, ac
præsidio caret, hic sub hostium
ac prædonum potestate est.

33. *Undecimò.* Peccatum mor-
tale grandem miseriam, afflictio-
nem, persecutionem, & alia, eà-
que ingentia mala etiam adhuc
in hoc mundo super peccatorem
inducit, quæ DEUS in poenam
peccati immittit, & permittit:
prout ferè ubique sacræ testan-
tur Paginæ, omnes clamant SS.
Patres, & quotidiana ad ocu-
lum demonstrat experientia.
Vidi eos, qui operantur iniquitatem
(ait Job cap. 4. v. 8.) & seminant
dolores, & metunt eos. Nam DEUS
pluit super peccatores laqueos, ignis
& sulphur pars calicis eorum, Psal. 10.
v. 6.

v. 6. *Contritio & infelicitas in viis eorum, & viam pacis non cognoverunt. Psalm. 13. v. 3. Quia longè à peccatoribus salus. Psalm. 118. v. 155. Malorum omnium, etiam in hoc mundo inquit S. Chrysostomus Tom. 7. Hom. 5. de Pœnit. causam constat esse peccatum. Ex peccato tristitia, ex peccato tumultus, ex peccato bella, morbi, atque omnes, quotquot nos premunt, passiones. Unde Dominus ostendere volens malorum omnium causam esse peccatum, paralitico dicit: Ecce sanus factus es, jam noli peccare, ne de serius tibi aliquid contingat. Joan. 5. vers. 14.*

34. Nec diu durat, etsi subinde sint, aut potius videantur prosperari, exaltari, aut esse felices peccatores. Unde adhortatur quemvis justum Spiritus S. *Psalm. 36. v. 1. & 2. Noli amulari in malignantibus, neque zelaveris facientes iniquitatem: quoniam tanquam fenum velociter arescent, & quemadmodum olera barbarum cistò decident. Enimvero, inimici Domini (ut ibidem vers. 20. dicitur) mox, ut honorificati fuerint, & exaltati, deficientes quemadmodum fumus deficient. Vidi impium (pergit ibidem David v. 35. & 36.) super exaltatum & elevatum sicut cedros Libani, & tran-*

sivi, & ecce non erat, & non est inventus locus ejus.

35. Multiplices sanè, & terribiles enumerantur afflictiones, maledictiones, & poenæ temporales, quas DEUS minatur illis, qui mandata & legem ejus non custodiunt, *Levit. cap. 26. quod Caput meritò à quovis fidei legi, & bene considerari deberet.*

36. Quod si tamen extraordinariè contingeret, peccatorem in hoc mundo constanter, & à potiori esse felicem, signum evidens æternæ damnationis ejusdem, consequenter omnium malorum pessimum est: unde dicit S. Augustinus *Ep. 5. Nihil est infelicius felicitate peccantium.*

37. Duodecimò. Peccata mortalia sunt causa malorum, & poenarum temporalium, puta, belli, pestis, famis &c. quæ DEUS integris Nationibus, Regnis, & Provinciis, Civitatibus, aliisque Communitatibus imittit. Quod considerans Dux Amonitarum suavit Holoferni, ne contra Judæos tunc fideles bellum moveret, nisi prius compertum haberet, illos legum transgressores, ac peccatores existere: *Judith 5. v. 24. & 25. Perquire; si est aliqua iniquitas eorum in conspectu DEI eo-*

rum, ascendamus ad illos, quoniam tradens tradet illos DEUS eorum tibi, & subjugati erunt sub iugo potentia tua; si verò non est offensio populi huius coram DEO suo, non poterimus resistere illis, quoniam DEUS eorum defendet illos, & erimus in opprobrium universa terra. Hinc etiam S. Hieronymus Epistol. 3. ad Heliodorum. cap. 10. ait: *Nostri peccatis Barbari fortes sunt; vitiis nostris Romanus superatur exercitus* &c. Huc etiam facit Textus num. 37. allegatus ex S. Chrysostomo Hom. 5. de Pœnit. ubi ait: *Malorum omnium causam, constat, esse peccatum: quod bene agnoscentes sancti illi Pueri in fornacem missi dicebant: Induxisti omnia hac propter peccata nostra; peccavimus enim, & iniquè egimus.* Daniel. 3. v. 28. & 29.

38. Quæritur II. Quænam sint remedia contra quodvis peccatum mortale in genere? Dicitur notanter *in genere*; quia contra certa peccata, & vitia in specie, certa quoque dabuntur remedia in specie *in Parte posteriori* agendò de quibusdam peccatis, & vitiis in specie. Interea ad quæsitum in genere, Resp. varia esse remedia contra quodvis peccatum mortale, è quibus aliqua hìc adducuntur.

39. I. Remedium est frequens consideratio, & meditatio de gravissima peccati mortalis malitia, grandique damno, & pessimis effectibus illius hætenus recensitis. Vix enim possibile est, quin ille quodvis peccatum mortale summò habeat odiò, & horreat, illudque plùs quàm quodlibet aliud malum in universo mundo fugiat, & declinet, qui inexplicabilem, & infinitam ejusdem malitiam, & damna verè credit, & cognoscit, bene considerat, memoriæ imprimit, illaque sæpius, vel saltem tunc ob mentis oculos habet, quando periculum, vel occasio peccandi instat, aut tentatio ad peccatum allicit. Præsertim si simul etiam memor est præsentis DEI, seriò attendens, quis sit, qui offenditur, & quis offendat, juxta dicta §. *præced.*

40. II. Remedium contra quodvis peccatum in genere est memoria, & consideratio præsentis DEI, & Angeli custodis. Est enim de Fide, quòd DEUS ubique præsens sit, ac omnia interna, & externa perfectissimè videns, & agnoscens. Hoc remedium omnes SS. Patres, & Ascetæ mirè suadent, & inculcant.

cant. Inter quos S. Damascenus in *Opusc.* quod incipit: *Octo sunt passiones.* ita scribit: *Turba viti-
rum universa resisti poteris, si semper
& assidue homo cogitaverit DEUM
operum suorum inspectorem, & Ange-
lum Custodem &c.* Cassianus coll. 10. cap. 10. vocat memoriam præsen-
tis DEI jugulum omnis peccati,
& fontem universæ virtutis. Enimvero, quo pacto vitia de-
clinabit homo? Respondet S. Basilus in *Regul. contract. quest. 29.* Si DEUM semper putaverit inspecto-
rem esse, & Dominum præsentem om-
nia considerare. *Quis enim obe-
diens, & morigerus in oculis Principis
committere auit, quod ipsi displiceat?* Hinc S. Chrysostomus in
Ep. ad Rom. hom. 4. ait: *Nihil enim
ita hominem perdit, quàm si illum
contingat ab hac anchora excidere,
quemadmodum nihil contra ita illum
servat, quàm assiduus in DEUM præ-
sentem aspectus.* Hoc medio Su-
fanna gravissimè tentata, & sub
minis mortis ad adulterium in-
vitata, victrix evasit dicens: *Me-
lius est mihi incidere in manus ve-
stras, quàm peccare in conspectu Do-
mini.* Danielis 13. v. 23. Hoc re-
medio Job in omni etiam gra-
vissima diaboli tentatione, & im-
pugnatione gloriosè vicit, sem-

per enim (ait Job c. 31. v. 23.) *quasi
tumentes super me fluctus timui DEUM,
& pondus ejus ferre non potui.*

41. Et certè, si ob solam præ-
sentiam alicujus honesti viri ho-
mines etiam sceleratissimi pec-
catum præsertim contra castita-
tem committere horrent; cur
id non efficiat memoria præsen-
tis DEI? præsertim si quis simul
considerat, quis sit iste DEUS,
& quid, quantæque malitiæ, &
damni sit peccatum: quæ me-
moria, si à peccando non abster-
ret, signum perversissimæ men-
tis est. Pariter etiam cum pro-
portione de præsentia Angeli
Custodis sentiendum. De quo
notum est illud Bernardi *Serm. 12.*
in *Psal. 90.* *In quovis diversorio, in
quovis angulo Angelo tuo reveren-
tiam babe: tunc audeas illo præse-
nte, quod vidente me non auderes?*

42. Quare pro praxi illud ob-
serva, ut, quando occasio, aut
periculum peccandi se offert, aut
tentatio urget, statim cogites:
*DEUS meus adest, DEUS videt: au-
dēsne eo præse-
nte, & vidente hoc pec-
catum committere, tantumque DEUM
&c. (cogita de eo) tantà injurià
&c. (cogita de malitia peccati)
offendere?*

43. III. Remedium est memoria Novissimorum, Mortis nempe, Iudicii extremi, Cœli, & Inferni. Testatur namque ipse Spiritus S. *Eccles. cap. 7. v. 40. In omnibus operibus tuis memorare Novissima tua, & in aeternum non peccabis.*

44. IV. Remedium est periculorum, & occasionum prospectio ac fuga. Nam *qui amat periculum, in illo peribit. Eccles. 3. v. 27.* Nec erubescere oportet propter hanc fugam; quia *gloriosa est fuga, fugere à facie peccati,* ait S. Ambrosius *de fuga sæculi. cap. 4.* Accedit, quòd, qui pericula saltem proxima non fugit, occasionesque, & causas peccati non removet, efficax propositum vitandi peccati non habeat.

45. V. Remedium est, malis cogitationibus, & tentationibus, præsertim in materia lubrica, statim ab initio, & quamprimum advertuntur, resistere. Ab initio enim, dum tentatio adhuc debilior est, faciliè vincitur: si autem durat, vires, & incrementa sumit. Unde illud Tritum: *Principiis obsta, serò medicina paratur; Cum mala per longas invaluere moras.*

46. VI. Remedium est fuga otii, & continua aliqua honesta occupatio. Etenim (inquit S. Bernardus *Serm. ad Fratres de Monte.*) *Colluvies omnium tentationum, & cogitationum malarum & inutilium sentina otium est: summa enim malitia est otium iners.*

47. VII. Frequens, & devotus Sacramentorum Eucharistiæ, & Confessionis usus. Hoc enim acquiritur, & augetur gratia Divina, principale medium adversus peccata. Roboratur item, & confortatur anima ad fortiter resistendum tentationibus.

48. VIII. Humilitas, humillimæque sui, seu in se ipsum, & vires suas diffidentia, quâ quis semper, præsertim autem tempore tentationis, & periculi peccandi, firmiter credat, & menti impressum habeat, se ex seipso non valere ullam, etiam minimam tentationem meritoriè saltem, superare sinè DEI gratia, & auxilio, consequenter in quavis tentatione, & occasione peccandi, in peccata se prolapsurum, nisi gratiâ, & auxiliò suò assistat DEUS. Hæc humilis diffidentia sui ad vitanda peccata (sicut etiam ad perfectionem, & quamvis

vis virtutem acquirendam remedium non solum summè utile, sed etiam omnino necessarium est; quia certissimum est, quòd, ubi in homine regnat superbia, aut saltem filia ejus, contraria nempe dictæ diffidentiae præsumptio, confidentia, aut æstimatio de se, & viribus suis, in varia peccata, præsertim verò luxuriæ infallibiliter sit prolapsurus; eò quòd DEUS hujusmodi hominem mirè deserat, eique gratiam, quam dat humilibus, subtrahat, imò eidem etiam suò modò resistat juxta illud *Jacobi 4. v. 6. DEUS superbis resistit, humilibus autem dat gratiam.* Idque ideo, quia superbia, & præsumptio, propriæque de se ipso, & viribus confidentia, & æstimatio, DEO adeò est odiosa, ut ad eam confutandam, & tollendam, hominèque ad agnitionem sui nihili, impotentiae, imbecillitatis, & miseriæ perducendum, eundem in varias confusiones, errores, & peccata prolabi permittat, volens potius multiplices ex aliis etiam gravissimis peccatis sibi irrogandas injurias sustinere, quàm tolerare in homine superbiam, propriamque de se ipso, & viribus suis præsumptionem, coram

oculis suæ Divinæ Majestatis extremè abominabilem, & odiosam, siquidem *Abominatio Domini est omnis arrogans, Proverb. 16. v. 5.* Nihil enim ita oculos DEI offendit, sicut superbia; quoniam, ut ait S. Bernardus *Serm. 4. in Nat. Dom.* Qui fornicatur, peccat in corpore suum, qui injuriosus est, in proximum, qui extollitur, & inflatur, in DEUM. Fornicator semetipsum debonestat, injuriosus molestat proximum, elatus, quod in se est, DEUM inbonorat. Et sanctus Ambrosius *Serm. 7. in Psalm. 118.* Maximum peccatum in homine superbia est. Quapropter ad hanc tollendam DEUS, juxta dicta, confundit, & derelinquit hominem, ut suum nihilum agnoscat. Cum latentes motus audacia in cogitatione Conditor conficit (ait S. Gregorius *lib. 10. Moral. cap. 13.*) se sibi illum ostendendò derelinquit, ut hominis mens derelicta, quid sit, inveniat, quàm male in se secunda gaudebat. Unde ubi fueris superbia, ibi erit & contumelia, *Proverb. 11. v. 2.* Et superbum sequitur humilitas, *Proverb. 29. v. 23.*

49. Confirmatur ex responso, quod DEUS in visione magno S. Antonio dabat; dum enim is aliquando in visione totum mundum retibus, & periculis

culis ita plenum, & repletum conspiceret, ut ea aliquem evadere posse impossibile judicaret, & propterea illis verbis ad DEUM clamaret: *Domine quis evadet?* respondit DEUS: *solus humilis.*

50. IX. Est firma confidentia in DEUM, ejusque gratiam, & auxilium. Quantumvis enim infirmi, miseri, & labiles simus, nihil quàm errare, & peccare valentes; cum gratia tamen, & auxilio DEI omnia possumus: quapropter, si in DEUM, ejusque gratiam, & auxilium firmiter, & solum confidimus, omnia vitia facile superabimus. Cum enim ipse bene cognoscat, quòd sine suo continuo auxilio, & gratiâ peccata vitare non possumus, & tamen, ut ea vitemus, velit, ac desideret, gratiam, & auxilium optatum certò dabit, si non in nobis, sed in eo solo, ejusque gratia firmiter confidamus. Unde monet Spiritus S. *Proverb. 3. v. 5. Habe fiduciam in Domino ex toto corde tuo, & ne innitaris prudentiæ tuæ. Quod monitum secuti sunt Apostoli dicentes: Fiduciam talem habemus per Christum ad DEUM, non quod sufficientes simus cogitare aliquid ex nobis, quasi ex nobis, sed sufficientia nostra ex DEO est, 2. ad Corin. 3. v. 4. & 5.*

51. X. Remedium est crebra, fiducialis, & humilis oratio, & invocatio auxilii, & gratiæ Divinæ, præsertim tempore tentationis, ita ut quamprimum tentationem, periculum, aut occasionem peccati adesse, aut imminere advertimus, illico nobismet diffidentes, & in DEO confidentes, eundem, ne nos deserat, sed gratiâ, & auxilio suo nos adjuvet, humiliter, & fiducialiter invocemus, quatenus tentationem superare, & quodvis peccatum, ejusque periculum vitare possimus. Nam, cum juxta fidem sine DEI gratia nihil meritorii, cum illa verò omnia possumus, ipsæque invocari, & rogari velit, orantibusque cum fiducia gratiam suam statim conferat, expediens utique, & utile, imò necessarium est, rogare, & invocare eundem. Hanc orationem, & invocationem faciendam, præcipuè tentationum, & periculorum tempore suasit Christus discipulis *Matth. 26. v. 41. Orate, ut non intretis in tentationem.* Cum eandem petitionem, & invocationem tanquam unum ex principalibus contra peccata remediis, inseruit efficacissimè, quam discipulos docuit, & frequenter facere

voluit, orationi Dominicæ *Pater noster* &c. ubi per illa verba: *Et ne nos inducas in tentationem.* specialiter illud à DEO petimus, ne DEUS in tentatione nos deferat, sed gratiâ suâ adjuvet. Hoc orationis medium ad vitanda peccata, & vincendas tentationes summè utile, summèque necessarium est juxta unanimem tam Theologorum, quàm Ascetarum, & SS. Patrum, prout magis dicitur *Cap. XII. de Oratione.*

52. XI. Est specialis devotio, confidentia, & recursus ad B. V. Mariam, præsertim tempore tentationis, occasionis, aut periculi peccandi. Ratio est; quia hoc specialiter placet DEO, per ipsamque honorari, & invocari, suasque gratias elargiri vult. Audiamus ad propositum pauca ex SS. Patribus. Et quidem inprimis notum illud D. Bernardi *Homil. 2. in Missus est.* „ O quis-
„ quis te intelligis in hujus sæculi
„ profluvio magis inter procel-
„ las fluctuare, quàm per terram
„ ambulare, ne avertas oculos à
„ fulgore hujus sideris, si non vis
„ obrui procellis; si insurgant
„ venti tentationum, respice stel-
„ lan, voca Mariam; in pericu-
„ lis, in angustiis, in rebus dubiis
Neudecker Pars Prior.

„ Mariam cogita, Mariam invo-
„ ca. Non recedat ab ore, non
„ recedat à corde. Innocen-
„ tius III. *Serm. 2. de Assumpt.* „ Quia
„ militia est vita hominis super
„ terram, quicumque sentit im-
„ pugnationem ab hostibus, vel
„ à mundo, vel à carne, vel à
„ dæmone, respiciat castrorum
„ aciem ordinatam, deprecetur
„ Mariam, ut ipsa per Filium mit-
„ tat auxilium de sancto, & de
„ Sion tueatur. Estque eò con-
„ fidentiùs tempore tentationis in-
„ vocanda B. V. Maria, quò cer-
„ tiùs exaudit quemvis, qui non
„ nisi DEO placita (quale utique
„ etiam est superare malas tenta-
„ tiones) sollicitat: *Quis enim* (ait
„ Innocentius *loc. cit.*) *devotè invo-*
cavit eam, & non est exauditus ab
ea? Et B. Eutychianus *in vita S.*
Theophanis. *Quis unquam, ò Beata!*
fideliter omnipotentem tuam invoca-
vit opem, & fuit derelictus? revera
nullus unquam. Hinc S. Bernardus
Serm. 4. de Assumpt. Virg. audet di-
cere: *Sileat misericordiam tuam,*
Virgo beata, si quis est, qui invocatum
te in necessitatibus suis sibi unquam
meminerit defuisse.

53. Urgere etiam videtur ne-
cessitas, B. V. Mariam tempore
tentationum piè invocandi, ut-
pote

pote sine cuius patrocinio, & favore damnationem evadere, consequenter peccata interitum causantia vitare, ac gratias ad vincendum proficuas impetrare vix possumus; prout attestantur post alios SS. Patres S. Germanus *Serm. 2. de B. V.* „ Nemo (inquit) „ Dei cognitione repletus est, nisi „ per te, ô Sanctissima! Nemo „ salvus, nisi per te, ô Deipara! „ Nemo periculorum expers, „ nisi per te, Virgo parens! Nemo „ donum per misericordiam „ consecutus, nisi per te, ô digna, quæ DEUM caperes! Et S. Ignatius Martyr teste Lohner apud Mikhov. *p. 2. d. 352. n. 18.* „ Nunquam malè peribit, qui „ Genitrici devotus, sedulusque „ extiterit. Impossibile est enim, „ aliquem salvari, nisi per tuum, „ ô Virgo, auxilium, & favorem.

54. XII. Est continua vigilantia, vis, & mortificatio. Cum enim ab ipsa corrupta nostra natura simus ad omne malum proni, ac proclives, nec non ad plura etiam jam habituati, simulque astutissimus inimicus noster dæmon innumeris fraudibus, & technis nos circumvenire incessanter quærat, exempla quoque mala ferè ubique nos trahant;

impossibile est, quin sæpe labamur, nisi continuo vigilemus, id est, attentè, & consideratè agamus in oiaibus, simulque passiones, & inclinationes nostras pravas mortificemus, eisque vim quasi continuam inferamus, omittendò, vel agendò contrarium illi, ad quod nos malè impellunt. Ad vigilantiam præfatam seriò nos admonet S. Petrus *i. cap. 5. v. 8.* illis verbis: *Sobrii estote, & vigilate, quia adversarius vester diabolus tanquam leo rugiens circuit, quarens quem devoret, cui resistite fortes in fide.* De mortificatione, & vi nobis inferenda, plena est Scriptura S. & in immensum quasi scripserunt SS. Patres. *Eccles. 18. v. 30. & 31.* dicitur: *Post concupiscentias tuas non eas, & à voluntate tua avertere; si præsles anima tua concupiscentias ejus, faciet te in gaudium inimicis tuis.* Et *Genes. 4. v. 7.* *Sub te erit appetitus ejus* (id est, peccati) *& tu dominaberis illius.* Quoniam verò concupiscentiæ, appetitusque nostri passiones, & inclinationes nostræ inordinatæ contra spiritum semper militant, semper pugnare, & illas jugiter mortificare, & sibi vim inferre, necesse habet, qui vinci, & perire non vult: ut proin

proin meritò dicat Spiritus S.
*Job. 7. v. 1. Militia est vita hominis
 super terram. Et S. Climacus grad. 1.
 Monachus est perpetua natura vio-
 lentia, sensuumque vigilantissima, &
 indefessa custodia. Item S. Augu-
 stin. Serm. 13. de Verb. Domini: Hoc
 est opus nostrum, in hac vita actiones
 carnis spiritu mortificare quotidie,
 affligere, minuire, frangere, interi-
 mere. Hac est actio nostra, hac est
 militia nostra.* Verùm de XII.
 hoc remedio magis adhuc in *Par-
 te posteriore*, ubi etiam dicitur,
 quòd perpetua mortificatio non
 inducat, aut secum trahat tristem,
 melancholicam, vel molestam
 vitam, sed potius pacem, gau-
 dium, tranquillitatem, & jucun-
 ditatem inexplicabilem; sufficiat
 interea illud, quod S. Cyprianus
de Discipl. & bono pudic. dicit: *Vol-
 uptatem vicisse, voluptas est maxima:
 nec ulla major est victoria, quàm ea,
 quæ à cupiditatibus refertur.* Magna
 sanè victoria, & nullo non san-
 guine, ac sudore emenda.

55. Quæritur III. Quænam
 sint Principia practica circa pec-
 catum mortale firmiter tenen-
 da? Resp. esse potissimùm se-
 quentia.



Principium I.

56. SÆpe, & tamdiu de inexpli-
 cabili malitia, & damnis
 peccati mortalis legere, & me-
 ditari, donec perfectè non tan-
 tùm intelligantur, sed etiam pro-
 fundè, firmitèrque menti imprì-
 mantur, & quod præcipuum est,
 summum ipsius peccati odium,
 & horror acquiratur.

Principium II.

57. Irmissimum, & inviolabile
 propositum perpetuò ha-
 bere, imposterum per totam vi-
 tam non peccandi mortaliter,
 potiùsque omnia excogitabi-
 lia mala, jacturamque omnium
 bonorum, ipsius etiam vitæ mil-
 lies patiendi, quàm in unicum
 peccatum mortale consentiendi;
 præsertim, postquam aliquis infi-
 nitam illius malitiam, damnaque
 ejusdem cognovit, & Religiosus
 factus est; utpote in quo vel uni-
 cum, idque minimum peccatum
 mortale extraordinariè foret
 monstruosum, & novum merere-
 tur infernum.

Principium III.

58. Existente doctrina inter
 DD. controversa, an ali-
 quid sit peccatum mortale, vel
 non, in præxi semper probabi-
 liorem, & tutiorem opinionem
 L 2 eli-

eligere, nisi ob anxietatem, scrupulum, aut aliam rationem Confessarius, aut Superior aliud iubeat, vel suadeat.

Principium IV.

59. **R**emedia contra peccatum mortale per frequentem

lectionem non tantum bene cognita, & perspecta habere, sed iisdem etiam in praxi diligenter uti, & utendū habitum generare; qui enim remedia adhibere negligit, firmum, & efficax propositum non habet.



CAPUT IV.

De Peccato veniali,

§. I.

De Natura, & malitia Peccati venialis.

QUÆRITUR I. Quid sit Peccatum veniale? Resp. Peccatum veniale est legis, & mandati à DEO immediatè, vel mediatè positi voluntaria transgressio, talis, quæ quidem DEUM offendit, poenâsque gravissimas inducit, DEO tamen, ejusque amicitia totali, gratia sanctificante, & coelò non privat, nec in gehennam precipitat. Ita in re communis & certa.

2. Explicatur definitio. Dicitur primò: *Legis, vel mandati immediatè, vel mediatè positi.* Quæ verba intelligenda sunt ut supra *Cap. preced. num. 6. & seqq.*

3. Dicitur secundò: *Voluntaria transgressio*; quia etiam ad peccatum veniale requiritur, ut voluntariè, & cum aliqua saltem mali cognitione, & advertentia fiat; aliàs enim peccatum non foret juxta communem Theologorum; quamvis tanta advertentia, & voluntaritas non

rc-

requiratur, quanta ad peccatum mortale.

4. Dicitur tertio: *Qua quidem DEUM offendit, poenâsque gravissimas inducit*; siquidem quodvis etiam minimum peccatum veniale DEUM verissimè offendit, & injuriâ afficit, poenâsque certè gravissimas inducit, ut patebit ex dicendis.

5. Dicitur quarto: *DEO tamen, ejusque amicitia totali, & gratia sanctificante &c. non privatur*; siquidem peccata venialia cum gratia sanctificante, & consequenter cum amicitia DEI non sunt incompatibilia, sed stare possunt; prout dicitur infra.

6. Quæritur II. In quo consistat malitia peccati venialis? Resp. I. Malitia peccati venialis principaliter consistit in hoc, quòd, dum quis DEI voluntatem, legem, vel præceptum leviter, vel in re levi transgreditur, hoc ipso illius voluntatem, legem, aut præceptum semper sanctissimum, & justissimum vilissimæ creaturæ, vanitati, aut voluptati, ob quam peccat, aliquo modo postponat, eamque minùs æstimet, quàm præfatam sanctissimam voluntatem, & legem Divinam, sicque eandem

leviter saltem reipsa, & in effectû vilipendat, consequenter DEUM ipsum offendat, & injuriâ respectivè quidem levi, absolutè autem gravissimâ afficiat.

7. Resp. II. Cujusvis etiam minimi peccati venialis malitia, etsi respectivè, id est respectu peccati mortalis sit levis, & in hoc sensu, nempe per comparationem & respectum ad peccatum mortale, leve peccatum communiter dicatur, absolutè tamen, & à parte rei gravissimum, imò majus malum importat, quàm omnia mala totius universi præterita, præsentia, futura, & possibile simul sumpta, ita ut præstaret omnia dicta mala permittere, & tolerare, quàm unicum peccatum veniale v. g. leve mendacium officiosum, vel jocosum, vel unicum verbum verè otiosum, aut levem jactantiam, aut levem excessum in cibo vel potu, aut voluntariam distractionem in Divino officio, aut levem inobedientiam committere; neque liceret unicum, idque minimum hujusmodi peccatum veniale perpetrare, etiam si per illud omnia totius universi mala, omnia bella, omnes lites, omnes morbos, omnes dolo-

res, omnes afflictiones, omnia incendia, omnes ruinas, omnem adversitatem avertere, ipsumque infernum, & poenas infernales delere, ac extinguere; econtra omnia desiderabilia, & excogitabilia bona, omnes divitias, honores, & dignitates, voluptates, felicitates, & prosperitates, ipsumque cœlum acquirere quis posset.

8. Mira sunt, quæ de grandi malo cujusvis etiam minimi peccati venialis dicunt SS. Patres, & Ascetæ, specialiter uno ore conclamantes, & inculcantes, ut immane hoc malum quivis bene consideret, & menti profundè imprimat, principaliter autem caveat, ne peccatum veniale parvum quid, aut leve æstimet, vel apprehendat. Profectò enim parvum, & leve malum non est, nec verè dici potest, quod omnibûs aliis etiam gravissimis totius universi malis (solo excepto peccato mortali) incomparabiliter majus est. „ Sanè nescio (inquit S. Hieronymus *Epist. 14. ad Celantiam.*) „ an possimus leve „ ali quod peccatum dicere, quod „ in Dei contemptum admitti- „ tur; estque ille prudentissi- „ mus, qui non tam considerat,

„ quod iussum sit, quàm illum, „ quis jusserit, nec quantitatem „ imperii, sed imperantis cogitat „ dignitatem. Unde S. Basiliius in *Regul. contract* interrogat: *Quis ausit aliquod peccatum dicere minus, cum Apostolus decernat, ac dicat: per transgressionem legis DEUM dehoneſtas?*

9. Celeberrimus, & illuminatissimus Asceta Eusebius Nierembergius in *lib. de Adorat. in spiritu, & veritate, lib. 2. cap. 11.* postquam tremendam malitiam peccati venialis descripsit, & inter alia dixit, illud esse tantum malum, ut, si optio daretur, homo deberet potius permittere, ut cœlum, & terra cum omnibus creaturis inibi existentibus in nihil redigantur, aut totum genus humanum in æternum damnetur, quàm quòd unicum peccatum veniale committat; subjungit: „ Si Beatæ Virgini ad pe- „ dem crucis lacrymanti crucia- „ tus, & mortem Filii dilectissi- „ mi daretur optio, an vellet „ Christum suum liberari ab op- „ probriis, & cruciatibus illis, & „ videre statim sedentem à dex- „ tera Patris, simulque salvari „ mille mundos, aut assentire in „ unum peccatum veniale; po- „ „ tuis

„tiùs vellet non facere illud,
 „confulerétque id mihi, & mal-
 „let iterum videre Crucifixum
 „sine aliqua culpa suum dile-
 „ctum Filium, ac graviora pati,
 „atque si opus esset, & liceret,
 „ipsa manu sua pientissima cla-
 „vos figeret, & majori charita-
 „te, quàm Abraham sacrificar-
 „et. Quæso etiam (pergit ibi-
 „dem) parùmne obsequii, &
 „solatii fieret Virgini, & JESU,
 „si homo aliquis fuisset, qui
 „tunc se substituisset in monte
 „Calvariae locò Christi, ut pro
 „illo cruci imponeretur, & pa-
 „teretur? Crede tamen, quòd
 „majus solatium à te potius re-
 „quirerent, ut vitares peccata
 „venialia. Hucusque Nierem-
 bergius.

10. SS. Patres, & aliæ Animæ
 sanctæ peccatum veniale semper
 pejus infernò reputârunt, & po-
 tiùs parati erant in infernum
 præcipitari, quàm unum pecca-
 tum veniale deliberatè commit-
 tere. S. Anselmus *lib. de Similit.*
cap. 190. scribit: „Si hinc peccati
 „pudorem, & illinc cernerem
 „infernì horrorem, & necessa-
 „riò uni illorum haberem im-
 „mergi, priùs me in infernum
 „mergerem, quàm peccatum in

„me immitterem. Mallem enim
 „purus à peccato, & innocens
 „gehennam intrare, quàm pec-
 „cati sorde pollutus cœlorum
 „regna tenere.

11. Sanè Sanctæ Catharinæ
 Genuensi (ut refert Lancicius
Opusc. 1. cap. 12.) in spiritu mon-
 stratum fuit, multò pejus malum
 esse levissimam DEI offensam,
 quàm ipsum infernum. Hinc
 cùm eidem aliquando malitia,
 & turpitudine peccati venialis fuisset
 ostensa, non valens illam vi-
 dere exclamavit: „Non detre-
 „cto, quia omnia dæmonia cum
 „universis illorum terroribus,
 „& suppliciis mihi morienti
 „commonstres; nihili enim illa
 „facio cum intuitu offensæ tui
 „licèt minimæ composita: quæ
 „tamen non potest esse minima,
 „eò quòd tua celsissima Maje-
 „stas offendatur: in ejus vita
cap. 20. Nam (pergit hæc sancta
 Anima *cap. 24. vitæ.*) „sola ob-
 „scura, sola, inquam, obscura vi-
 „sio hac de re mihi oblata, quæ
 „non nisi momentanea fuit, si
 „paulò diutiùs durâset, licèt
 „corpus habuissem prorsus ada-
 „mantinum, interissem. De-
 „mum quidquid modis omni-
 „bùs in medium adduco, respe-
 „ctu

„ Etu ejus, quod mens mea ag-
 „ novit, mendacium mihi vide-
 „ tur; dum hæc imperfecta vi-
 „ sio me pene exanimasset; om-
 „ nis in corpore meo sanguis fuit
 „ congelatus, tantâmque debili-
 „ tatem incurri, ut putârim mi-
 „ hi ex hac vita migrandum;
 „ sed Bonitas DEI me supersti-
 „ tem voluit ad eam enarrandam.

12. Idem judicium de pecca-
 to veniali habuit S. Theresia,
 quæ in vita sua cap. 25. ita ait:
 „ Faxit DEUS, ut timeremus id,
 „ quod debemus timere, & in-
 „ telligeremus, majus malum
 „ posse advenire ab uno peccato
 „ veniali, quàm à toto simul in-
 „ ferno: cum hæc ipsissima ve-
 „ ritas sit. Tomus integer re-
 „ quireretur, nec sufficeret ad ex-
 „ plicandam gravitatem malitiæ,
 „ quam continet peccatum ve-
 „ niale.

13. Queritur III. Quomodo
 differat peccatum veniale à mor-

tali? Resp. Peccatum veniale à
 peccato mortali principaliter dif-
 fert in hoc, quòd venialiter pec-
 cans DEUM creaturæ totaliter
 non postponat, sed adhuc præ-
 ferat, eúmque magis quàm istam
 æstimet; consequenter etiam in
 opere, & effectu illum nec verè
 nec ita, uti mortaliter peccans
 vilipendat, & hoc ipso per pec-
 catum veniale DEUS, ejusque
 amicitia, & gratia sanctificans
 non amittatur, ac venialiter pec-
 cans virtualiter saltem, ac impli-
 citè ita constitutus esse censea-
 tur, ut, si ob creaturam, volu-
 ptatem &c. intuitu cujusmodi
 peccat, DEUM, ejusque amici-
 tiam se amissurum sciret, creatu-
 ram illam, & usum illius dere-
 linquere paratus esset: per hoc
 enim evidenter indicat, quòd ap-
 pretiativè DEUM revera magis
 æstimet, quàm creaturam. Secus
 est in mortaliter peccante, prout
 Cap. preced. fusè dictum est.

§. II.

De Effectibus, & damnis Peccati venialis: nec non de Remediis.

14. Queritur I. Quæ, &
 quanta damna, sive
 malos effectus causet
 peccatum veniale? Resp. Effe-
 ctus & damna, quæ à peccatis
 venialibus causantur, esse tot, &
 tanta, ut nisi Fides, & unanimis
 Ecclesiæ, ac SS. Patrum consen-
 sus

fus doceret, nemo credere posset. Omisissis innumeris aliis, aliqua tantum adducemus.

15. I. Pessimus effectus est, quod peccata venialia disponant ad mortale, & per consequens ad omnia damna ex peccato gravi provenientia, de quibus supra §. *praced. à num. 25.* De hoc existit infallibile testimonium Spiritus S. *Eccles. 19. v. 1. Qui spernit modica, paulatim decidet.* Et Luca *cap. 16. v. 10. Qui in modico iniquus est, & in majori iniquus est.* Idem asserunt, & mirè inculcant omnes SS. Patres, & Ascetæ, ut S. Augustinus *Serm. 88. de Tempore:* „Dum homines negligentes de-
„spiciunt peccata sua, quia par-
„va sunt, crescentibus minutis
„peccatis adduntur etiam cri-
„mina, & cumulum faciunt, &
„demergunt. S. Gregorius *lib. 10. Moral. cap. 9:* „Cum prius per le-
„via delicta defluimus, & usu
„cuncta levigante, nequaquam
„post committere etiam gra-
„viora timemus. Nam (ut
part. 3. Pastor. admon. 34. rationem reddens ait) „fit plerumque, ut
„mens assueta malis levibus, nec
„graviora perhorrescat, atque
„ad quandam auctoritatem ne-
„quitiae per culpas nutrita per-
Neudecker Pars Prior.

„veniat, & tantò in majoribus
„contemnat pertimescere, quan-
„tò in minimis didicit non ti-
„mendò peccare. Hinc Theo-
logi cum D. Thoma commu-
niter, & absolutè docent, pec-
cata venialia disponere ad mor-
talia.

16. Ratio est: tum quia, ut S. Isidorus Hispalensis *lib. 2. sent. cap. 19.* ait: *Judiciò Divinò in reatum nequiorem labuntur, qui distringere sua facta minora contemnunt.* Tum quia remouent obstacula peccati mortalis, nempe minuunt fervorem charitatis, & timorem DEI; tum quia impediunt peculiaria auxilia Divina, & uberiores gratias, quibus alioquin homo à peccato mortali fuisset inhibitus; tum etiam quia DEO permittente in majores, & graviores tentationes, pluresque occasiones, & graviora peccandi pericula homo incidit.

17. Hinc diabolus volens hominem timentem DEUM, præsertim Religiosum aggredi, & ad peccata mortalia perducere, non statim ad ipsa gravia tentat, sed in primis ad levia, bene sciens, quod homo minoribus commissis ad resistendum majoribus debiliior, & ad eadem perpetranda

da proclivior, consequenter superatu facilis evadat; quod bene advertens S. Dorotheus *Doctr. 5.* ait: „Cum quempiam cognoverit diabolus elegisse nullo modo peccare, neque est adeo amens, & ineptus ad male agendum, ut statim illi suggerat, aut persuadeat quidpiam malorum profanissimorum, qualia sunt adulteria, furta, incestus, sacrilegia; novit enim, quia talia declinamus, & fugimus. Sed inveniens nos unice voluntatis & justitiæ, quærit nos callidus cum ea sub aliquo rationis prætextu decipere: tunc justitiam admiscet justitiæ nostræ, tunc fortior est, tunc magis nocet, tunc amplius operatur. Tantæ quippe astutiæ est serpens antiquus, ut hominem DEUM timentem non invadat suggestionem aperti sceleris, sed primum paululum restringit rigorem justæ discretionis, qui autem modica spernit, paulatim decidet: uti circumspicte observavit S. Bernardus *Serm. 3. de Nativ. Dom.* in hæc verba loquens: „Plerumque, quod simplici oculo aspeximus, versipellis contortor in offendiculum retorquet, ac

„scandalum &c. Venit in Oratorium, Dormitorium occupat, insidet Refectorio, circuit Claustrum, revisit Officinas, nullam prætermittit artem nocendi, sed ubilibet suæ calliditatis assignat argutias &c. Eapropter cum aliquos suorum ad levia peccata faciles videret, multum tristabatur timens, ne in mortalia prolabantur: ait enim *Serm. 2. de 7. Panib.* „Hinc mihi fratres tristitia magna, & dolor continuus est cordi meo, quod nonnullos tam pronos ad levitatem, ad risum, & ad scurrilia verba tam faciles video, ut per timebam valde, ne forte plus, quam expediat, Divinæ misericordiæ sint immemores, & ingrati tam multis beneficiis suis aliquando deferantur à gratia.

18. Nec objicias commune illud tepidorum dictum, quid magni est hoc, vel illud? quid refert? quid importat? levia sunt, modica sunt, non impediunt salutem, aut perfectionem consequendam, non multum curanda, vel attendenda &c. Resp. enim, esse vel maximè attendenda: tum quia licet respectivè levia, tamen absolute gravissima mala

mala sunt, juxta dicta §. *præced.*
num. 7. tum quia, uti dictum, ad
 graviora adducunt, inducunt, &
 trahunt. Hinc contra pessimum
 hoc tepidorum commune di-
 ctum mirè insurgunt SS. Patres,
 uti S. Dorotheus *Doctr. 3. de Consi.*
Studeamus custodire conscientiam no-
stram, neque conculemus illam in
aliquo, etsi id minimum sit. Ut enim
videre facile est, ex his minimis, &
Verè visibus ad magna contemnenda
dilabimur. Cum enim caperit quis
dicere, quid est, si verbum hoc uni-
tum locutus fuero? quid est, si modi-
cum hoc comederò? ex hoc, quid id?
quid illud? admittitur malum, & ama-
ra esca, & sensim incipit quis, ac pe-
detentim in majora, & graviora pro-
labi, & sic deinceps per partes pro-
ruens periclitatur, atque in perfectam
insensibilitatem decedit. Curate le-
via quoad levia, ne graviora fiant:
& virtutes, & peccata à parvis inci-
piunt, & ad magna vel bona, vel ma-
la perducunt. S. Chrysostomus
in c. 7. ad Rom. hom. 12. „ Exhor-
 „ tor, inquit, initiò, ut cavea-
 „ mus, vel pusilla fugientes ma-
 „ la; nam magna ab his nascun-
 „ tur. Etenim qui in unoquo-
 „ que peccato dicere edoctus est.
 „ non in hoc positum est salu-
 „ tis momentum, is pedetentim

„ omnia pessundabit. Hoc igi-
 „ tur vitiositatem ipsam attraxit,
 „ hoc januas referavit prædoni,
 „ quoties dicis: non hoc ad
 „ rem magnopere pertinet; sic
 „ & in ipsis corporibus usue-
 „ nire videmus, ut magnæ ægri-
 „ tudines augeantur, quoties par-
 „ vas negligimus. S. Bernardus
Serm. 1. in Convers. S. Pauli: „ Di-
 „ scite fratres! justum Judicem
 „ DEUM, non modò quid fiat,
 „ sed & quo animo fiat, confi-
 „ derare: & cavete deinceps, ne,
 „ quis parva reputet quamlibet
 „ parva, scilicet delinquere con-
 „ vincatur: nemo dicat in cor-
 „ de suo, levia sunt ista, non cu-
 „ ro corrigere: non est magnum,
 „ si in his maneam venialibus,
 „ minimisque peccatis: hæc est
 „ enim, dilectissimi, impœniten-
 „ tia; hæc blasphemia in Spiri-
 „ tum Sanctum, blasphemia ir-
 „ remissibilis.

19. Quapropter, cui curæ est,
 ne per peccata mortalia DEUM
 offendant graviter, & se in peri-
 culum æternæ damnationis pro-
 jiciat, studeat omni conatu vi-
 tare venialia, præsertim delibe-
 rata; quia certum est, illum, qui
 venialia vitare sedulò non curat,
 in peccata mortalia prolapsu-
 rum;

rum; etiamſi plurimorum annorum Religioſus, & in certamine ſpirituali exercitatus eſſet, nec non inter perfectiores ambulare videretur. Eſt enim una ex præcipuis fraudibus diaboli, quòd eos, qui peccata venialia vitandi nullam, vel modicam curam habent, quoad graviora intentatos ſubinde per plures annos relinquat, ad hoc, ut illos falſa ſpecie ſecuri, bonique ſtatûs animæ, & conſcientiæ ſuæ deceptos, in tali periculoſo ſtatu conſervet, optimè gnarus, quòd tempore ſibi magis opportuno, & miſeris illis magis periculoſo, illos ad graviora pertrahere facile queat. Hinc S. Gregorius Papa *part. 3. Paſtor. admonit. 34.* ait: *Nonnunquam in parva deterius, quàm in majori culpa peccatur. Major enim, quo citius agnoſcitur, eò etiam celerius emendatur; minor verò, dum quaſi nulla creditur, eò pejùs, quòd & ſecuriùs in uſu retinetur.*

20. Horrenda ſanè, & quaſi innumera ſunt exempla, ſæpe unicum peccatum veniale voluntariè, & conſideratè commiſſum cauſam fuiſſe, quòd homines etiam perfectiores ad gravia prolapſi ſint peccata. Sufficiat unicum adducere Davi-

dem, cui aliàs viro ſecundùm cor DEI, tamen unicus curioſus aſpectus mulieris, ab initio utique tantùm venialis, cauſa fuit, quòd in turpiſſimum adulterium, & homicidium fuerit prolapſus.

21. II. Damnum, & peſſimus effectus peccatorum venialium eſt, quòd impediunt futuras uberiores gratias, & ſpecialia auxilia, lumina, & dona Divina, ſpecialè què providentiam, & protectionem Amantiſſimi DEI, quibùs privatus homo diu ſuſſistere non poteſt; quin in varias tam temporales quàm ſpirituales, tam corporis quàm animæ miſerias præceps ruat; ut copioſè demonſtrant SS. Patres & Aſcetæ: „Minima niſi reſcinduntur, inquit Richardus à S. Viſt. *in Expoſit. ſuper Cant. cap. 35.* „non dignatur dilectus ita venire in animam, ut perfectè ad eam intret, & perfectà gratià eam repleat. Parvæ enim negligentiæ obſcurant animam, & impedimentum faciunt amplioris gratiæ. Nam, ut ait Hugo Cardinalis *in Lib. Eccleſ. cap. 10.* *Sicut nemo libenter habitat in domo plena muſcis, imò fugit, & abominatur illam: ſic DEUS mentes muſcoſas declinat; nec habitat in ani-*

animabus peccatorum venialium sordibus contaminatis: id est, per gratiarum coelestium, & specialium auxiliorum abundantiam non assistit, sicut facturus fuisset, si, quantum humana fert fragilitas, immaculatam se conservasset.

22. III. Damnum, & malus effectus est, quod peccata venialia minuant fervorem charitatis, extinguant devotionem, tollant familiaritatem cum DEO, & confidentiam ad eum, reddantque animam desidem, languidam, tepidam, & ad bene operandum pigram efficiant, vires ad resistendum malis debilitent, & econtra augeant amorem mundanum, passionésque, & affectus inordinatos intendant, virtutum habitus diminuunt, & paulatim extinguunt, sicque pedetentim ad mala graviora, & periculosissimum statum disponant. Audiamus de hoc defectu S. Bernardum *Serm. 63. in Cant.* ubi de frigore ex diminuto fervore charitatis per peccata venialia causato, ita scribit: „Hoc frigus, „si semel animam, animæ quidem (ut assolet) incuriâ, spiritui dormitante pervaserit, à nemine deinde, quod absit, in-

„hibente, ad interiora ejus pervenerit, descenderit in viscera „cordis, & sinum mentis, concusserit affectiones, occupaverit consilii semitas, perturbaverit judicii lumen, libertatem „adduxerit spiritus, mox (ut in corpore solet evenire febricitantibus) subit quidam animæ „rigor, & vigor lentescit: languor fingitur virium, horror „austeritatis intenditur, timor „solicitat paupertatis, contrahitur animus, subtrahitur gratia, protrahitur longitudo vitæ, sopitur ratio, spiritus „extinguitur, defervescebat novitius „fervor, ingravescebat tepor fastidiosus, refrigescit fraterna „charitas, blanditur voluptas, fallit securitas, revocat consuetudo. Quid plura? Dissimulatur lex (DEI videlicet, & Ecclesiæ, Ordinumque statuta, ac „Regulæ) abdicatur jus, fas pro- „scribitur, derelinquitur timor „Domini; dantur postremo „impudentiæ manus, præsumitur ille temerarius, ille pudendus, ille turpissimus, plenus ille „ignominia, & confusione, saltus de excelsis in abyssum, de „pavimento in sterquilinum, de solio in cloacam, de coelo

„ in coenum, de clauſtro in ſæcu-
 „ lum, de paradifo in infernum. Pariſimiliter loquitur celeberrimus Theologus, & Aſceta Taulerus *cap. 2. inſtit.* „ Sicut enim (ait) „ denſa nebula oculos car-
 „ nis impedit, ſic peccata venia-
 „ lia mentis oculum obſcuſcant,
 „ ut DEUM inſpicere nequea-
 „ mus; Divinæ quoque dilectio-
 „ nis fervorem extingunt, ora-
 „ tiones noſtras difficiliùs, quàm
 „ ſi ea non admitteremus, ex-
 „ audiri faciunt, animum detur-
 „ pant, atque commaculant;
 „ unde Spiritus S. contriſtatur,
 „ malignus verò ſpiritus exultat;
 „ DEI ab anima familiaritatem,
 „ quamdiu non emendantur, ex-
 „ cludunt. Ad majora, gravi-
 „ oraque peccata hominem per-
 „ trahunt, vires animæ ad reſi-
 „ ſtendum pravis inclinationi-
 „ bus debiliores reddunt, homi-
 „ nem ad bene agendum pigrum,
 „ & acedioſum efficiunt, deſide-
 „ riaque ad temporalia inclinant,
 „ purgatorii cruciatus prolon-
 „ gant, & à DEI præſentis intuitu duriffimè retardant.

23. IV. Damnum, & effectus peccatorum venialium eſt, quòd cauſent maximum, idque multiplex impedimentum ad aſſe-

quendam perfectionem Religioſam, & profectum in virtutibus, adeò ut certum ſit, illum nunquam ad perfectionem, vel ſolidas virtutes perventurum, qui parùm ſolicitus eſt de peccatis venialibus vitandis.

24. V. Damnum, & effectus peccatorum venialium eſt, quòd mirè deturpent, & maculent, ægramque quaſi, ac infirmam reddant animam, adeò quidem, ut omnes quantumvis horribiles morbi, vulnera, & foeditates, in unum corpus, quantum capax eſt, conſectæ, illud non ita deturpent, nec tam foedum reddant coram oculis hominum, ſicut vel unicum peccatum veniale, præſertim deliberatè commiſſum commaculat, & deturpat animam coram oculis Divinæ Majeſtatis, & Angelis ejus. *Peccatis minutis*, inquit S. Auguſt. *Serm. 41. de Sanctis. licèt occidi animam non credamus, ita tamen tam velut quibudam puſtulis, & quaſi horrenda ſcabiè replentia deformem reddunt.* S. Gregorius Nyſſeni. *in Pſalm. 6.* quævis peccata vocat *Sordes hominis*, & quæ ſunt quaſi morbi elephantiaci, atque lepræ anima- rum, quæ ſordidam reddunt animam. „ Eſt enim, ait Alvarez

Tom. 2. lib. 1. part. 1. c. 10. „ peccatum veniale, si attentè ipsum „ inspiciamus, non quidem mors „ animæ, sed est adversa valetudo, & infirmitas animæ, quæ „ & ipsam animam foedat, atque „ à debita dispositione bene, & „ fervidè operandi disjungit. „ Sunt ergo peccata levia, sicut „ pestilentes morbi, quos si diligenti- „ gentissima medicina non com- „ primat, certissimam, & citissi- „ mam mortem intentant. *Norimb. de Aporat. in Spiritu, & Verit. lib. 2. cap. 13.* ait: „ Gravissimum „ putares, cancrò laborare, ex- „ uri, & pati membra tua: quid „ si ad hæc jungerentur cæteræ „ ægritudines majores, lepra, „ asthma, paralyſis, hydropiſis, „ abominatio stomachi, poda- „ gra, cœcitas, phrenesis, stupor „ linguæ &c. una sola culpa ve- „ nialis magis nocet animæ, „ quàm cuncta illa corpori.

25. VI. Damnum, seu effectus peccatorum venialium sunt gravissimæ poenæ, quibus DEUS peccata venialia tam in hoc, quàm altero mundo punit. Et hic effectus multipliciter patet ex S. Scriptura, ut *num. 20. v. 12.* ubi narratur, quòd DEUS dilectissimum servum suum Moysen

ob unicum peccatum veniale, videlicet ob modicam dubitationem, quam habuit de Divino promisso, dum percutiebat petram, gravissimè punierit privandò illum ingressu in terram promissam: *quia non credidistis mibi* (ait ibidem ad Moysen, & Aaron DEUS) *ut sanctificaretis me coram filius Israel, non introduceris hos populos in terram, quam dabo eis.*

26. Mirè exaggerant hanc poenam SS. Patres considerandò, qualis, & quantus DEI servus fuerit Moyses. Erat enim vir sanctissimus omnes alios Prophetas superans: nam, ut dicitur *Deut. ult. v. 10.* *Non surrexit ultra Propheſa in Israel, ſicut Moyses.* Item *erat vir miſſiſſimus super omnes homines, qui morabantur in terra. Num. 12. v. 3.* Erat in omnibus fidelissimus, prout de eodem DEUS testatur *Num. 12. vers. 7.* *Servus meus Moyses in omni domo mea fidelissimus est.* Erat DEO acceptissimus, ac dilectissimus, adeò ut illum non tantum specialissimis donis, & gratiis cumulaverit, sed etiam summa cum familiaritate cum ipso conversatus fuerit: enimvero loquebatur Dominus ad Moysen *facie ad faciem, ſicut ſolet loqui homo ad amicum suum. Exod. 33. vers. 11.*

Unde

Unde DEUS ipse dicit Num. 12. v. 6. *Et seqq. Si quis fuerit inter vos Propheta Domini, in visione apparebo ei, vel per somnium loquar ad illum. At non talis servus meus Moyses? ore enim ad os loquor ei, & palam; & non per anigmata, & figuras Dominum videt.* Erat insuper tot, & tantis miraculis clarus, ut nullus fuerit ei similis; & tamen hunc tam sanctum, tantopere dilectum, tam mirabilem servum suum ob unicum peccatum veniale tantâ afflixit poenâ, & quidem irremissibiliter, & inexorabiliter; cum enim multis precibus hanc poenam deprecari conaretur, DEUS illum non tantum non exaudivit, sed etiam vetuit, ne quidquam amplius loqueretur de hac re, prout ipse testatur Deut. 3. v. 26. *illis verbis: Nec exaudivit me, sed dixit mihi: nequaquam ultra loquaris de hac re ad me.*

27. Similiter David sanctissimus, & teste S. Scripturâ Act. 13. v. 22. vir secundum cor DEI, eique dilectissimus, ob unicum peccatum veniale, vanam scilicet gloriam, & parvam animi elationem, ex qua iussit numerari populum, vanè sibi complacens, & quasi glorians in multi-

tudine, gravissimè fuit punitus à DEO, qui propterea populum pestilentia percussit, eaque deletavit septuaginta millia virorum. Lib. 2. Reg. cap. 24.

28. Ob simile peccatum veniale, vanitatem, & parvam animi elationem, quâ Rex Ezechias Legatis Regis Babylonis suos ostendit thesauros, gravissimè fuit punitus à DEO, non solummodo ille peccans, sed etiam totum Regnum, Lib. 4. Reg. cap. 20. Post commissam enim hanc vanitatem solum peccatum veniale efficientem: *Venit Isaias. Propheta (inquit textus v. 14. Et seqq.) ad Regem Ezechiam, dixitque ei: quid dixerunt viri isti? aut unde venerunt ad te? cui ait Ezechias. De terra longinqua venerunt ad me de Babylone; at ille respondit. Quid viderunt in domo tua? Ait Ezechias: omnia, quaecunque sunt in domo mea viderunt, nihil est, quod non monstraverim eis, in thesauris meis. Dixit itaque Isaias Ezechia: Audi sermonem Domini. Ecce! dies veniens, & auferentur omnia, quae sunt in domo tua, & quae condiderunt Patres tui usque in diem hanc, in Babylonem: non remanebit quidquam; ait Dominus. Sed & de filiis tuis, qui egredientur ex te, quos generabis, tollentur, & erunt evnuchi*

eunuchi in palatio Regis Babylonis. Quæ poena, ob præfatum unicum peccatum veniale vanæ gloriæ, & elationis à Propheta prædicta, postea etiam executioni mandata est, prout describitur Lib. 4. Reg. cap. 24. v. 13. & seqq. Et protulit (Rex Babylonis ex Jerusalem) omnes thesauros domus Domini, & thesauros domus Regiæ &c. & transtulit omnem Jerusalem, & universos Principes, & omnes fortes exercitus decem millia in captivitatem, & omnem artificem & clusorem, nihilque relictum est, exceptis pauperibus populi terræ: transtulit quoque Joachim (Regem) in Babylonem, & Matrem Regis, & uxores Regis, & eunuchos ejus, & Judices terræ duxit in captivitatem de Jerusalem in Babylonem &c.

29. Dein Lib. 4. Reg. cap. 2. v. 23. & 24. legitur, quòd DEUS quadraginta duos pueros ob peccatum veniale commissum ex eo, quia Eliseum Prophetam irriserunt, dicendò : *Ascende calve, ascende calve, morte punierit, tradendò eos devorationi urforum: siquidem post illa, disponente DEO, egressi sunt duo ursi de saltu, & laceraverunt ex eis quadraginta duos pueros.*

30. Uxor quoque Loth ob curiosum, & leviter peccaminosum
Neudecker Pars Prior.

sum visum, versa est in statuam salis, ut refertur *Genes. cap. 19.*

31. Adhuc graviores sunt poenæ, quibûs eadem peccata venialia DEUS punit in altero mundo, videlicet in purgatorio igne, ubi poenæ tam graves, tam acerbæ, ac intensæ sunt, ut superent omnem captum humani intellectus. Audiamus pauca tantum ex his poenis ex SS. Patribus. S. Augustinus in *Psal. 37.* S. Anselmus in *Epist. 1. Corin. 3.* & alii expressè dicunt: *gravior est ignis purgatorii, quàm quidquid homo potest pati in hac vita.* S. Cæcilius *Homil. 8. ad popul.* ait: *Ille purgatorius ignis durior erit, quàm quidquid pœnarum in hoc saculo aut cogitari, aut videri, aut sentiri potest.* S. Cyrillus Hierosol. in *Epist. ad S. Augustinum* scribit: „ Si omnes, „ quæ in mundo excogitari possent, poenæ, tormenta, afflictiones „ minores, quæ illic in purgatorio habetur, poenæ comparentur, solatia erunt; mallet „ enim quilibet viventium, si illas „ experientiâ nosceret poenas, usque ad finem mundi „ omnibûs hîs simul sine remedio „ cruciari poenis, quas omnes „ homines sigillatim ab Adam „ hucusque pertulerunt, quàm „ uno

„ uno die in inferno, sive in purgatorio, minori, quæ illic habetur, poenâ torqueri. Concordat Venerabilis Beda in *Psal.* 37. ubi ait: *Purgatorii correctionem esse graviolem, quàm quidquid sancti Martyres, vel quidquid homo possit excogitare.* Imò S. Thomas in 4. dist. 21. q. a. 1. ad 3. docet, poenam purgatorii minimam, excedere maximam hujus vitæ. Idem docet S. noster Bonaventura *Lib. 4. Sentent. dist. 20. part. 1. art. 1. q. 2.* quòd *pœna purgatorii gravior est omni temporali pœna.* Hoc itaque terribili, & tremendo poenarum genere punit DEUS etiam levissima peccata venialia in hac vita nondum deleta, prout non tantum fides docet, sed innumeræ testantur historiæ, quarum aliquas adducere juvat.

32. Fr. Elias à S. Theresia in *Legat. triumph. Eccles. admilit lib. 1. cap. 27. n. 13.* narrat, quòd Cellarius quidam in Monasterio S. Ruffi prope Valentiam vir aliàs devotissimus, post mortem in officina sua cellaria terribilem persæpe causârit tumultum, & tandem à viro sancto interrogatus, cur ita tumultuaret, responderit, se gravissimis in purgatorio torqueri poenâ, ex hoc solo,

quòd ob nimias occupationes externas pro gratiarum actione à prandio, locò *Psalmi Miserere*, solum brevem dicere solitus sit *Psalum Laudate Dominum omnes gentes &c.* rogavit proin, ut Fratres omnes pro se per annum *Psalum Miserere* recitarent: quod ubi factum, è purgatorio liberatus fuit.

33. Annales Cistercienses narrant, quendam purgatorii flammis punitum fuisse; quia ad verbum *Gloria Patri &c.* caput ex præscripto non inclinasset.

34. In Speculo Exemplorum *Dist. 7. Ex. 58.* narratur, quòd quidam Pater ex Ordine S. Domini mense integro in horrendis purgatorii flammis morari debuerit ob nimiam familiaritatem cum sæcularibus, & solatia ex eis hausta.

35. Idem Speculum Exemplorum *Dist. 6. Exemp. 142.* habet, quòd cuidam Fratri ægroto Abbas cum quindecim aliis Fratribus apparuerit dicens, eos graviter puniri in purgatorio propter distractiones in Oratione admissas, neque liberari posse propter negligentiam Fratrum in Oratione pro ipsis fusa.

36. Cantipratamus *lib. 2. cap. 16.* refert, quòd Hugo Victorinus post mortem apparens socio dixerit, propter disciplinam recusatam vix dæmonem in inferno fuisse, à quo non ictum in transitu per purgatorium acceperit.

37. Vita B. Magdalene de Pazzis *part. 3. cap. 5.* habet, aliquam Monialem Carmelitanam sexdecim diebùs cruciatam fuisse in purgatorio ex hoc solo, quòd ex respectu humano non monuerit Superiores Monasterii de aliqua re, ad quam se inspirari sentiebat.

38. Vincentius Belvacensis *in Specul. Histor. lib. 26. cap. 5.* refert, Durannum ex Abbate Episcopum Tolosanum, virum cæteroquin pium, idcirco aliquamdiu in purgatorio detentum, quia sæpe verba ad risum moventia usurpaverit; indèque tandem septem Fratrum Monachorum silentiò ad septem dies continuatò fuisse ereptum.

39. Cæsarius *lib. 12. cap. 57.* scribit, quòd sæpius audiverit ex ore Elinophi viri Religiosi, se post mortem à diabolo accusatum coram DEO fuisse, quòd in pueritia obolum furatus sit fratri suo germano, nec ob id egisset

poenitentiam: qua de causa iussu DEI anima illius in puteum igneum fuit projecta, ubi tantam poenam pertulit, ut postea verbis exprimere non valeret: post horam verò anima ab Angelo ex puteo iterum erepta, & corpori restituta fuit. Quo facto ipse Religionem intravit.

40. Ex hac poenarum acerbitate, & gravitate etiam colligere licet, quantam malitiam contineat unicum, vel levissimum peccatum veniale; cùm DEUS, qui tamen minùs, quàm demerita exigunt, punit, simulque non tantum iustus, sed etiam misericordissimus Judex, imò & Pater est, tot, tantisque poenìs ob illud tam in hoc, quàm in altero mundo castiget animam à se infinitè dilectam, suique imaginem, & sanguine Filii sui redemptam &c. Certè, si quis carens notià purgatorii, permittente, ac disponente DEO videret hominem immanibùs illis flammis, & poenìs purgatorii torqueri, & interrogaretur, ob quam causam puter, hunc miserum tantopere torqueri? sinè dubio responderet, talem hominem atrocissima debuisse patrâsse crimina, & extremæ reum fore iniquitatis.

N 2

Cui

Cui si dein notificaretur, illum ob unicum peccatum veniale, v.g. mendacium jocosum, vel verbum otiosum hæc pati, absque dubio reponeret: ergo injustissimus, & tyrannus est Judex ita condemnans, & puniens. Si verò ulterius certificaretur, Judicem esse Justissimum, & Misericordissimum, imò Amantissimum Patrem illius, qui punitur, nec non Sapientissimum, qui delictorum iniquitatem, & demerita exactè cognoscit, necessario inferre deberet; ergo peccatum tale veniale gravissimam contineat malitiam, necesse est.

41. Quæritur II. Quæ sint Remedia contra peccata venialia? Resp. esse ea ipsa, quæ supra Cap.

III. §. II. 2. III. sunt assignata, quæ revide.

42. His mediis accedit, & ad vitanda peccata venialia plurimum servit diligens custodia, & mortificatio quinque sensuum, de qua in *Parte posteriore*. Item frequens consideratio, gratius, & acceptius esse DEO, B. V. Mariæ, & toti cœlesti Curia, unicum peccatum veniale amore DEI vitare, & tentationi ad illud resistere, seque, seu inordinatam passionem suam ad illud evitandum mortificare, & abnegare, quàm innumera bona opera externa v.g. disciplinæ usque ad sanguinem &c. facere. Et tandem ad perfectionem tendendi, & proficiendi invirtutibus ardens desiderium,



CAPUT V.

De Tentationibus ad Peccatum.

§. I.

De Praxi, & modo utiliter resistendi Tentationibus.

1.

PRænotandum, paulò aliam esse praxin, & modum resistendi, & pugnandi contra peccata actualia, ac tentationes ad ea inducentes, & aliam esse praxin, ac modum debellandi, & extirpandi inordinatas nostras passiones, & vitia, seu habitus vitiosos, ex frequentatis actibus, seu peccatis actualibus generatos. In præsentitantum erit sermo de priori praxi, & modo; quia de praxi, & modo eradicandi, & extirpandi malas passiones, & vitia, seu malos habitus specialiter dicetur *in Parte posteriore*; licet utraque praxis in multis conveniat, prout suò locò patebit.

2. Notandum ulteriùs, tentationes ad peccatum subinde esse improvisas, & subitaneas, nullam moram patientes, quales sunt subitanei passionum, ac inclinatio-

num nostrarum motus v. g. iræ, indignationis, impatientiæ, vanæ complacentiæ, vanæ gloriæ, tentationis carnalis &c. subinde verò esse tales, quæ bene prævidentur, moram patiuntur, utpote existentes circa objectum diutius durans, prout contingit v. g. in persecutionibus, afflictionibus, morbis &c.

3. Contra utrasque apprimè quidem serviunt remedia supra *Cap. III. d. num. 38.* enumerata: sequentia autem specialissimè, vel habitualiter, vel actualiter adsint, & vel implicitè, vel explicitè adhibeantur. *Primò.* Firmissimum, & efficax propositum deliberatè, & cum advertentia nunquam peccandi. *Secundò.* Humillima diffidentia in seipsum, & vires proprias. *Tertiò.* Firma, & indubitata confidentia, & fiducia in DEUM, ejusque gratiam, & auxilium Divinum.

Quartò. Oratio, seu invocatio gratiæ, & auxilii Divini. *Quintò.* Perpetua quasi, ac discretæ, simulque quieta cura, & sollicitudo, ne peccemus. *Sextò.* Vis, & mortificatio, manúsque appositio.

4. Enimvero ut de singulis brevissimam rationem demus, aliqua repetendò: I. Si homo non habet firmum, & efficax propositum deliberatè, ac cum advertentia nunquam peccandi, in varia peccata certissimè prolabetur; cùm voluntas facilè consentiat in illud, quòd ejusdem firmæ resolutioni, principiis, & proposito contrarium non est; præsertim si ad id perversa natura per se inclinât, & ad idem mundus, & dæmon omnibûs motivis, dolis, & exemplis suadent, ac inducunt, prout fit præsertim circa peccata venialia.

5. II. Nisi quis habeat humilissimam sui diffidentiam, sed confidat in seipsum, vel præsumat de viribus, & virtute, scientia, vel praxi sua &c. infallibiliter in plurima etiam graviora peccata ruet; DEO ipsum deferente, donec a; noscat, se nihil posse, quàm errare, & peccare.

6. III. Debet adesse etiam firma confidentia in DEUM; quia sola diffidentia suiipsius sine confidentia, & fiducia in DEUM pusillanimitatem causaret: ubi econtra firma in DEUM fiducia, facilè victoriam obtinet; quia confidentibus in DEUM non est confusio.

7. IV. Requiritur fiducialis oratio, seu invocatio auxilii Divini: hoc ipso enim, quòd homo de seipso plenè diffidat, sciâtque, & credat, se sinè DEO, ejusque auxilio nihil posse; ac econtra ejusdem auxilio, & gratiæ unicè, & totaliter innitatur, & confidat, necessarium consequens est, ut DEUM pro auxilio & gratia sua invocet; præsertim cùm ipse jugiter rogari, & invocari velit. Debet autem oratio esse fiducialis, id est, cum fide, & fiducia fieri, quia hujusmodi infallibiliter exauditur; cùm econtra hæsitans, & dubitans in fide vix exaudiat.

8. V. Requiritur, vel potius præsupponitur perpetua quasi vigilantia, cura, & sollicitudo, ne peccemus; hæc enim, ubi deest, & homo inconsideratè, aut sinè cura in rebus, negotiis, & actibus

bus

bus suis se habet, illud statim agens, aut omittens, ad quod passio, aut impulsus naturæ, vel habitus, & consuetudo inclinatur, aut quod ratio aliqua, & motivum non examinatum subito suadet, non potest non persæpe errare, & peccare.

9. VI. Quantumvis præfata omnia adsint, nisi dein homo etiam manum apponat, & requisitâ ad vitandum peccatum curâ agat, ac propterea vim sibi inferat, consequenter opponentes sese malas passiones, & corruptam naturam mortificet, sine dubio succumbet: sæpissimè enim ab initio, imò ordinariè contingit, quòd homo etiam efficacissimò firmatus proposito, sibi quæ plenè diffidens, & firmiter confidens in DEUM, eumque invocans, cautèque, & consideratè ambulans, maximam adhuc sentiat difficultatem in vitando peccato, & agendo, vel omittendo illo, quòd ad vitandum peccatum requiritur, resistentibus plerumque corruptæ naturæ nostræ passionibus, & inclinationibus, amorèque proprio, & sensualitate in contrarium propendente: hinc necesse omnino est, ut etiam homo manum apponat, & quod

suum est, agat, vim sibi ipsi inferat, passiones inordinatas, voluntatem, iudicium, & amorem proprium, unà cum sensualitate abneget, & mortificet, agendoque fortiter, aut omittendò, consequenter, quòd suum est, addat, & agat, non quòd per suam cooperationem, & manûs appositionem quidquam efficere, indeque in sua cooperatione quodammodo confidere, ac obeam sibi quidquam adscribere possit, sed, quia DEUS vult, ut etiam homo coöperetur, & quod suum est, peragat, utpote sine quo ipse juvare, aut succurrere, vel opus solus perficere non vult. Suppositis itaque his mediis, & armis spiritualibus

10. Quæritur I. Quomodo in praxi tentationibus ad peccatum actuale utiliter resistere, easque oppugnare, & vincere possimus? Resp. Quandoque sive à dæmone, sive à mundo, sive à perversa natura insurgit aliqua tentatio ad peccatum, sive grave, sive leve, I. statim, & quamprimum advertis, sine ulla mora ex horrore, & timore peccati, seu offensæ DEI te opone, & ante omnia diffidens tibi ipsi, & viribus tuis, timensque

que tuam fragilitatem, & impotentiam, ac e contra confidens in DEUM, humillima cum diffidentia tui ipsius, & firmâ confidentiâ in Divinam Bonitatem, & ejus gratiam recurre ad DEUM, illumque breviter invoca pro assistentia, auxilio, & gratia; nec non subinde etiam ad B. V. Mariam, & Angelum Custodem, vel alium Patronum specialem.

11. II. Interna mente, vel subinde etiam ore breviter contradic, & resiste tentationi malæ, atque protestare contra eandem, & contra omnem consensum in eam, denuôque auxilium Divinum implora.

12. III. Assuesce etiam actum, seu virtutem contrariam illi peccato, ad quod tentaris, elicere v. g. actum humilitatis, si tentaris ad superbiam, actum charitatis, si tentaris rancore, invidia, indignatione contra proximum &c.

13. IV. Quando his præstitis inordinatæ passionis motus necdum cessât, & tentatio diutius adhuc durat, juva voluntatem breviter considerandô motiva, quæ ipsam persuadere possunt ad fortiter se opponendum tentationi, & virtutem contrariam

exercendam. Quodd, si tentatio fortior, gravior, & forsan etiam diuturnior sit, ampliori etiam motivorum consideratione, præsertim malitiæ peccati voluntas juvanda erit, si tempus, occasio, & præsens occupatio patitur; sin minus, tempore recollectionis, aut meditationis id præstandum erit.

14. V. Superata tentatione DEO gratias age, eique soli honorem, & gloriam humillimè tribue, omni vana complacentia propria, aut elatione penitus exclusa, tentationem eandem (nisi sit tentatio impura) tibi rursus propone, & eam quasi in te excita, atque contra eam rursus præfatô modô certa.

15. VI. Postea, si vacat, vel si tempus, aut occupatio præsens non admittit, ad tempus recollectionis, aut meditationis id differ. Ut autem rem magis intelligas, & facilius praticare valeas, declaratur praticè.

16. Ponamus v. g. ex irrisione, contemptu, calumnia, vel alia injuria tibi illata, vel ex molestia, aut adversitate aliqua subito insurgere in te motum impatientiæ, indignationis, iræ, aut vindictæ &c. In tali casu, quam-

pri-

primum advertis in te hujusmodi passionis motum, statim sine mora, & antequam magis invalescat, aut foras ullo modo erumpat, vel appareat, cum humillima tui diffidentia, & filiali confidentia in DEUM implora ejus auxilium, & gratiam: cogitandô v.g. (& subinde, si nemo advertit, etiam ore dicendô) *DEUS in adjutorium meum intende: Domine ad adjuvandum me festina. Vel: O Sanctissima Trinitas unus DEUS! per S. Nomen, & patientiam JESU Christi tribue mihi patientiam. Vel: O Patientissime JESU! succurre mihi, ne deferas, sed adjuva me:* aut magna cum fide, & fiducia in virtute Nominis JESU cogita solummodo, vel secretò pronuntia aliquoties *JESU, JESU, JESU &c.* Invoca etiam, si vacat, B. V. Mariam, & Angelum Custodem, cogitandô v.g. vel dicendô: *Maria Mater DEI, memento mei; ora pro me; & adjuva me; monstra te esse Matrem &c. O S. Angele Custos succurre, & assiste mihi clienti tuo, ne cadam, & DEUM meum offendam.*

17. Facta breviter una, vel altera, vel pluribus hujusmodi invocationibus statim internè, vel subinde ore contradic, & resiste tentationi, ac protestare, v. g.

Neudecker Pars Prior.

Nolo, ô DEUS! nolo: nolo, ô JESU! nolo: cerè nolo peccare, nolo te offendere; protestor contra omnem consensum: volo milles mori, & omnia pati, quàm te vel levissimè offendere: patiar amore tui, & propter te, & quia tibi placet, hanc injuriam, vel hanc molestiam, vel hanc adversitatem; aut hanc irrationem &c. in unione Passionis tuae, & injuriarum à te pro me toleratarum &c. Verùm quia nescis infirmitatem meam, quia sinè te nihil possum, nisi errare, & peccare, adjuva me, conforta me, ne deferas me.

18. Si post hæc passionis motus adhuc durat, vel etiam magis invalescere videtur, mentem & intellectum impediens, ne motiva patiendi considerare, talique consideratione infirmam voluntatem juvare queat, perge DEUM, & B. V. Mariam humillimè, & fiducialiter invocare, omni-que peccaminoso motui contradicere, & resistere, ac contra omnem consensum protestari, præcipuè verò cave, & tibi vitæ infer, ne impatientiæ, iræ, aut indignationis motus foras in verba, effectus, vel signa externa erumpat: tali enim modò, si spiritualiter certas, & pugnas, DEUS infallibiliter tibi assistet,

tūque

tūque certissimè victor evades maximo cum merito, & fructu animæ tuæ.

19. Si verò post factam humillimam invocationem Divini auxilii, nec non resistantiam, contradictionem, & protestationem internam, motus impatientiæ, indignationis, vel iræ aliquāliter cessat, & pacatior apparet, resque ita se habet, ut etiam breviter te recolligere, & motiva patienter sustinendi omnem injuriam, vel adversitatem considerare, sicque considerandò infirmam voluntatem juvare, eamque ad patiendum magis persuadere valeas; id omnino facere debes, præsertim ubi injuria, vel adversitas quæcunque tandem gravior instat, & diu duratura videtur.

20. E. g. „ O anima mea! „ cur turbaris, times, & aver-
„ ris hanc injuriam, vel adversi-
„ tatem, vel tribulationem? Cur
„ fugis crucem à Divina provi-
„ dentia tibi pro DEI gloria, &
„ salute tua propria præparatam?
„ Vide, & considera, quæ, &
„ quanta, quantoque cum amo-
„ re, & patientia pro te, & pro-
„ pter te innocentissimè passus
„ sit JESUS. Considera, cum

„ quævis crux, & adversitas
„ amore DEI patienter tolerata
„ non tantum ad DEI gloriam,
„ sed etiam ad maximam patien-
„ tis salutem, & utilitatem ser-
„ viat, regnumque cœlorum
„ consequendum; enimvero ni-
„ hil adeò conducit ad animæ sa-
„ lutem, ad augmentum gratiæ,
„ & meritorum, ad consequen-
„ dum regnum Cœlorum, & ma-
„ jorem in eo gloriam, quàm hu-
„ jus mundi adversitates; imò hæ
„ absolutè necessariæ sunt ad con-
„ sequendum regnum Cœlorum,
„ juxta testimonium æternæ Ve-
„ ritatis Luca 9. v. 23. *Si quis vult post
me venire, abneget semetipsum, &
tollat crucem suam* NB. *quotidie, &
sequatur me.* Hinc quævis crux
& adversitas non tam poena,
quàm potius magnum DEI be-
neficium, & donum, ejusdem-
que amoris Divini manifestum
signum est, teste ipso Divino
Numine *Apocal. 3. v. 19. Ego, quos
amo, arguo, & castigo.* Hinc, quia
Tobias acceptus erat DEO, ne-
cesse fuit, ut tentatio, seu adver-
sitas, & cæcitas probaret eum.
Hinc omnes Sancti, & electi ser-
vi DEI multas, & magnas omnis
generis adversitates sustinuerunt,
ita, ut, quò major fuerit Sanctus,
& à

„ & à DEO magis dilectus, eò plu-
 „ res, & majores omnis generis
 „ cruces, & adversitates ei DEUS
 „ immiserit, ut patet in Christo,
 „ ejusque sanctissima Matre, &
 „ cunctis majoris Sanctitatis ani-
 „ mabus. „ Visne tu sola esse
 „ exempta? Visne sola sine via
 „ crucis venire ad cœlum? Vis-
 „ ne esse, & vivere absque signo
 „ Divini amoris? Et tandem
 „ quid deliberas? quid disputas?
 „ sic enim est voluntas, & bene-
 „ placitum Divinum, ut hæc, &
 „ ita patiaris, cui si ex amore er-
 „ ga illum, maximo cum meri-
 „ to, & fructu, certaque subse-
 „ cutura consolatione tuæ ani-
 „ mæ te voluntariè subicere
 „ non vis, nolens volens, ac sinè
 „ ullo fructu, sinè merito, sinè
 „ consolatione ulla, imò etiam
 „ cum demerito, majorique cum
 „ afflictione, & poena, forsitan
 „ etiam æterna tanquam verum
 „ demonis mancipium sustinere
 „ debebis: ac, quod principalis-
 „ simum est, peccabis, DEUm-
 „ que offendes, & injuriâ affi-
 „ cies. Quantum autem malum
 „ hoc sit, scis anima mea! ad
 „ quam solam evitandam omnia
 „ tormenta, & mille mortes su-
 „ stinere omnino deberes: con-

„ sidera parùm malitiam pecca-
 „ ti tantum, aliunde tibi jam
 „ notam.

21. Si videntur subinde crux,
 vel dolores nimii, cogita DEUm
 non esse tyrannum, sed amantis-
 simum, simulque sapientissimum
 Patrem, à quo major crux nulli
 imponitur, quàm quæ cum gra-
 tia sua Divina portari possit; &
 quæ necessaria, vel utilis cogno-
 scitur ad salutem cruciati. Cogi-
 ta etiam, quòd, quò major est
 crux, afflictio, vel dolores, eò
 major etiam inde proveniat glo-
 ria DEI, majusque ipsi benepla-
 citum; item quò cruciatus, seu
 afflictio major, eò etiam majus
 meritum, & majorem fructum
 tibi sis procreaturus, si amore
 DEI patienter suffers, prout cum
 gratia DEI potes, quæ cruci pro-
 portionata, consequenter magna
 ad magnam crucem datur.

22. Si quando contingat,
 quòd prorsus innocenter inju-
 riam, vel persecutionem patiaris,
 inferre considerationi præfata.
 „ Licet in hoc, ob quod nunc
 „ pateris innocenter, innocens
 „ existas, tamen innumera sunt
 „ alia peccata, & delicta tua oc-
 „ culta, DEO tamen plenè co-
 „ gnita, ob quæ nihil adhuc es

„ passus; cùm tamen ob illa lon-
 „ gè majorem pœnam, imò in-
 „ fœrum ipsum promeritus ef-
 „ ses: adora igitur judicia Divi-
 „ na, deosculare manum DEI
 „ paternam, quæ te potius adhuc
 „ in hoc mundo clementissimè
 „ castigare, quàm tremendis
 „ pœnis futuri sæculi tradere
 „ dignatur.

23. Si ex malitia, odio, vel
 passione hominum tibi obve-
 niat, indèque forsan putes, non
 esse Divinam voluntatem, nec
 ab ea provenire hanc crucem,
 utpote tibi fabricatam hominum
 peccatò, & malitiâ, quam utique
 DEUS non vult, cogita, quòd,
 licèt DEUS nolit, ut alii malitio-
 sè te affligant, tamen providen-
 tissimè, & justissimè permittat,
 velitque, ut, quod ille permittit,
 tu patienter, & æquanimiter pa-
 tiaris; consequenter semper di-
 cere valeas: *ita vult DEUS, ita*
placet DEO meo: hac est voluntas
DEI, videlicet, ut hæc patiar.
 Hinc, licèt Judæi malitiosissimè
 egerint crucifigendò Christum,
 ipse tamen dicebat, ita esse vo-
 luntatem Patris cœlestis, non
 quidem volentis, ut iniqui ita
 iniquè furerent in Christum, sed
 permittentis, & positivè volen-

tis, ut, quod ille permittit, Filius
 patienter sustineret. Pariter li-
 cèt Job bene sciverit, à diabolo
 sibi inflictas esse plagas, tamen
 dixit: *Sicut Domino placuit, ita fa-*
ctum est; sit Nomen Domini benedi-
ctum. Job. c. 1. v. 21.

24. Tali igitur, vel simili con-
 sideratione, & nova heroica re-
 solutione juvanda, confortanda,
 & confirmanda est debilis vo-
 luntas, si tempus, occasio, aut
 occupatio præsens concedit, præ-
 fertim, si, uti dictum est, crux seu
 adversitas aliqua major, & diu-
 tiùs durare cognoscitur, prout
 fit in persecutionibus, abjectioni-
 bus, infamationibus, morbis &c.
 in quibus casibus utile etiam,
 imò necessarium est, hujusmodi
 considerationes, & resolutio-
 nes sæpiùs, & tamdiu, præcipuè
 tempore Recollectionis, & Me-
 ditationis repetere, donec omnis
 motus, & tentatio ad impatien-
 tiam, iram, indignationem, vin-
 dictam, vel animi tristitiam, &
 perturbationem, aut omnino
 cesset, aut certè ita debilitatus
 appareat, ut ejusmodi tentatio-
 nes patiens, & aliquid in re-
 sistendo jam practicus, faciliè eas
 superare, & cum tentatione pro-
 ventum, fructumque facere va-
 leat,

leat, ac in Divina voluntate plenè resignatus, crucem suam aestimare, & amore DEI libenter portare discat, & assuescat.

25. Quòd si verò crux, adversitas, injuria, seu molestia citò transiens est, prout sunt irrationes v.g. illusiones, verba injuriosa, aut contumeliosa, punctoria, vilipensiones, contemptus, negatio obsequii, aut charitatis, subito accidentes, & statim transeuntes casus adversi &c. sufficit post brevem Divini auxilii invocationem cum humillima sui diffidentia, & confidentia in DEUM effusam, factamque resistentiam, & protestationem brevi aliqua unius, vel alterius motivi consideratione, & nova resolutione voluntatem juvare; nisi etiam tales transeuntes, & nonnunquam leves adversitates in animo diutius perseverent, varias nobis causandò cogitationes, & tentationes ad iram, impatientiam, rancorem, indignationem, vindictam, negationem amicitiae, obsequii, & charitatis (prout sæpe contingit) tunc enim vel maximè, etiam per majorem, efficaciorum considerationem, ac resolutionem aliquoties præsertim tempore Recolle-

ctionis, & Meditationis instituendam, voluntati opitulari; idque tamdiu continuare debemus, donec omnis inordinatus passionis motus, & tentatio cesset, vel ita debilitata existat, ut facile superari possit.

26. Finita, & superata Tentatione, sive breviter transeunte, sive diutius molestante DEO gratias agens, & honorem tribuens, cogita, vel dic v. g. „ Humillimas, & infinitas tibi gratias ago „ ter optime DEUS! pro auxilio, & assistentia, quâ me fecisti tentationem hanc superare &c. Non nobis Domine, sed Nomini tuo da gloriam: „ tibi soli honor, & gloria, & victoria, mihi autem confusio, „ & contemptus, utpote qui „ procul dubio malitiosè, turpiter, & stultè lapsus essem, & te „ iniquè offendissem, nisi tu me „ adjuvasses. Confirma hoc, „ quod in me operatus es, & adjuva, atque confirma etiam in „ futurum &c.

27. Subinde, præsertim post superatas subitaneas, & modicas tentationes sufficit una, vel altera vice ex humillimo corde breviter dicere: „ DEO gratias, „ DEO gratias; non nobis Do-

„mine, non nobis, sed Nomini
„tuo da gloriam. Tibi soli ho-
„nor, & gloria in sæcula sæcu-
„lorum. Amen.

28. His omnibûs peractis, si tempus, & præsens occupatio permittit, eandem tentationem de novo quasi in te excita, cogitandô v.g. quid facere, aut quomodo habere te velis, si tibi iterum contingeret similis injuria, vel adversitas &c. aut imaginare tibi, quasi actu iterum tibi contingeret, aut prævide, id denuo futurum, & advertens passionis inordinatæ motum, eum statim repelle, & detestare, ei que fortiter resiste, ac contrarios virtutum actus breviter elice, idque aliquoties repete. Ratio est; quia tali modô citius, & facilius acquiritur habitus non tantum fructuosè, & generosè pugnandi, sed etiam ipsius virtutis contrariæ, simulque debilitatur, & sensim extirpatur ipsa inordinata passio; augetur insuper meritum, cum quivis talis etiam fictitius quasi, & imaginarius bonæ voluntatis actus suum apud DEUM habeat meritum, & causet augmentum gratiæ; unde hanc modum, motus videlicet passionum, & tentationes de no-

vo iterum quasi excitandi, ac repellendi, & virtutes contrarias exercendi, ut octo commendat celeberrimus Asceta Madrilien- sis noster in suo Libello aureo maxime *Document. 6. ac 7. & Laurentius Scupuli Opuscul. 1. cap. 13.* prout magis patebit infra agendô de modo, & praxi extirpandi passiones, & vitia, virtutesque implantandi.

29. Hactenus declaratus modus, & praxis resistendi tentationibus ad impatientiam, iram, indignationem &c. mutatis mutantis, etiam in aliis tentationibus utilissimè servari poterit, observandô videlicet sex illa puncta à num. 10. posita.

30. Illud tamen specialiter circa praxin, & modum pugnandi contra tentationes, & resistendi eisdem, observandum est, quod aliquæ sint tam leves, & breves, aut ex natura sua ita constitutæ, ut non sit opus multis actibûs eis resistere, vel se opponere, sed sufficiat unica brevis resistentia, contradictio, aut protestatio, v.g. si tentatio ad malè agendum, vel faciendum impellit, dic: *Nolo, à DEUS! nolo, sed volo milles mori, quàm se etiam levissimè offendere; protestor contra omnem*

consensum, adjuva me, quia sine te nihil possum. Vel si tentatio urget ad omittendum, ad quod ex præcepto tenemur: *Volo, ô DEUS! certe volo, faciam amore tui, quantumvis difficile mihi, & odiosum sit, gratiam tamen, & auxilium præbe; quia sine hoc nihil possum.* Vel potes ob plenam tui diffidentiam, & confidentiam in sola Divina gratia, brevem invocationem auxilii, seu gratiæ Divinæ præmittere, & dein primum internè resistere, contradicere, & protestari, v. g. *DEUS in adjutorium meum intende: vel adjuva me, & salvus ero.* Vel succurre ô amandissime DEUS! *& ne me inducas in tentationem, sed libera me à malo: id est, ne me deferas in tentatione, sed libera me ab omni peccaminoso lapsu.* Dein confidens in auxilio Divino, resiste dicendô, vel cogitandô: *Nolo, vel volo &c.* id solum adverte, ut assuescas in quavis resistantia, & pugna contra tentationes leves, & etiam modicas, semper etiam adhibere orationem, seu invocationem auxilii Divini; hac enim manifestas, quòd tibi non fidas, sed diffidas, & in solo DEO, ejusque gratia, & auxilio confidas.

31. Ulteriùs notandum, esse

quoque tentationes, vel potiùs cogitationes aliquas, quas homo quasi negativè se habendô abigere, & vincere potest: prout fieri potest, & solet in cogitationibus otiosis, curiosis, profanis &c. quas dum aliqui advertunt, aliam pugnam contra illas non adhibeant, quàm eas simpliciter dimittendô, seu animum averrendô, & ad alia utilia nempe, vel obligatoria, aut nobis incumbentia applicandô.

32. Quæritur II. Quid specialiter observandum sit circa tentationes impuras debitè superandas? Resp. inferiùs, nempe in Parte posteriori hujus Tractatus, de his ex professo uberiùs pertractatum iri, hìc interim sequentia sufficiunt puncta, & principia.

Principium I.

33. EFFICACISSIMUM, & inviolabile generale concipere, & subinde etiam repetere propositum, post assumptum jam sacrum Habitum, millies mori velle, quàm unquam ampliùs cogitatione, verbô, aut opere quocunque Castitati contrario, vel minimè DEUM offendere.

Prin-

Principium II.

34. **F**ugere otium, & semper esse occupatum, præsertim obedientiæ operibus.

Principium III.

35. **Q**uantumvis in virtute Caestitatis perfectus, & ab omni carnis labe quis sit immunis, & per plures annos nullam carnis tentationem senserit, tamen circa hoc vitium nunquam sibi fidere, sed semper pro possibili fugere omnem occasionem, quæ ullo modo ad carnis vitium incitare, vel tentationem turpem in se excitare potest, aut solet; quia in nullo, sicut in hoc turpissimo vitio verificatur illud *Eccles. 3. v. 27. Qui amat periculum, in illo peribit.* Et certissimum est, etiam viros perfectos omnem hujus vitii labem non evasuros, qui humillimâ sui diffidentiâ occasionem diligenter non fugiunt.

Principium IV.

36. **P**er totam vitam suam singulariter studere profundæ humilitati, & magis quam ipsum dæmonem timere, & fugere superbiam; quia ordinaria poena superbiæ est lapsus luxuriæ,

DEO superbum variè deferente, ut plenè confundatur, miseriâ suam, infirmitatēque agnoscat, & humilis fiat.

Principium V.

37. **N**ullum temerè judicare, præsertim circa hoc vitium. Etsi quis etiam aliquem in hoc reum certè sciat, non idcirco contemnere, vel se meliorem superbè judicare, sed potius eidem compati, pro eoque orare, & ex lapsu illius magis humilem, in se diffidentem, & cautum esse; aliàs enim talis quodque à DEO deferetur, ut turpiter cadat, sicque aliis compati, nullūque judicare, vel spernere, sed humilis esse discat.

Principium VI.

38. **Q**uando actu infestat aliqua cogitatio, tentatio, aut motus carnalis, statim, quamprimum quis advertit, sinè ulla mora se opponere, & illico cum humillima sui diffidentia, ac confidentia in solum DEUM, ipsum pro auxilio invocare, simulque internè, vel etiam externè contradicere, & protestari. Quamvis enim in quacunque tentatione ad malum mora resistendi sit peri-

periculosa, tamen in vitio carnis periculosissima, adeoque extreme vitanda est. Et e contra, licet in quavis pugna, summa diffidentia sui, & confidentia in solam gratiam Divinam unà cum oratione, & invocatione auxilii Divini necessariæ sint, seu, ut cum summa nostri diffidentia, & plena confidentia in solum DEUM, eundem pro auxilio invocemus, necesse sit, id tamen in pugna contra tentationes carnis, omnium maximè necessarium est; utpote in quibus periculum semper majus, natura ad malum proclivior, vires ad resistendum debiliores, & lapsus gravior; consequenter summè semper timendum, & tibi diffidendum, ac e contra plena cum confidentia auxilium Divinum est implorandum, invocanda quoque castissima, & immaculata Virgo Maria, & S. Angelus Custos.

Principium VII.

39. **M**Emorem etiam esse præsentis DEI, & Angeli sui Custodis.

40. Juvat tamen, imò expedit etiam subinde cogitationes impuras subito incidentes, nec multum infestantes absque protestatione, vel resistantia præci-

sè dimittere, & simpliciter animum ad alia avertere: subinde verò si hujusmodi cogitationes diutius molestant, & inhaerent ita, ut vix abigi, aut repelli valeant, oportet quidem humillima cum diffidentia sui, ac confidentia in DEUM, illum pro auxilio invocare, eisque internè resistere, contradicere, ac contra omnem consensum protestari; si tamen facta aliquando humillima invocatione auxilii Divini, resistantia quoque, & protestatione prædicta non cessant, sed adhuc durant, nec opus, nec necesse est, ut quis ob illas se affligat, aut cum illis multum disputet, vel contendat, sed melius est, ut eas potius contemnat, non attendat, non curet, ac, quasi non adessent, in suis rebus pergat; tali enim modò, si diabolus contemnitur, citius tentare cessat, vel, si cogitationes à natura proveniunt, citius evanescunt; vel, etsi ad tempus adhuc durant, nullatenus nocent, utpote contra voluntatem nostram adhuc hærentes: dum e contra, si anxius animus multum cum eis disputat, & omnibus viribus illas abigere contendit, magis firman-
& multiplicantur, hominem mi-

rè fatigant, anxium, scrupulosum, & dubium reddunt, pacemque, & quietem animi perturbant, & ad alia subinde minus habilem efficiunt: id, quod intendit diabolus.

§. II.

De observandis post lapsum in aliquod peccatum: ubi & de principiis practici circa peccata venialia.

41. **Q**Uæritur I. Quid agendum in praxi post lapsum in aliquod peccatum? Respondetur, esse aliqua agenda, aliqua cavenda; itaque

42. *Primò.* Qui ex fragilitate, vel quandoque ex malitia labitur in aliquod peccatum, summo opere cavere debet, ne inordinatè tristis, pusillanimis, inquietus, & tædiosus fiat, ac propterea ad solatiunculas terrenas recurat, falsò quærens quietem, & lætitiâ in vanitatibus mundanis, & oblectationibus sensuum; dolere quidem, & poenitere, sed non inordinatè tristari, turbari, aut pusillanimum esse oportet propter peccatum; tristitia enim inordinata, pusillanimitas, turbatio, & inquietudo semper sunt mala in via Perfectionis, nec à DEO, vel amore ipsius, sed à diabolo, & perversa

nostra natura, ac amore proprio veniunt; neque sunt signa veri contriti cordis, sed superbi animi, plerumque magis tristantis ob sui confusionem, aut aliam jacturam temporalem, ex peccato sibi emergentem, quàm ob offensum DEUM.

43. *Secundò.* Summo opere cavere oportet, ne quis post lapsum poenitentiam, & emendationem usque ad futuram confessionem differat, & interea in peccatis, aut imperfectionibus pergat, sed potius post lapsum, etiam venialem, illico ad DEUM recurat, coram eo se humiliet, culpam suam fateatur, eam detestetur, de eadem ob offensum DEUM doleat, firmissimum se emendandi propositum cum plena sui diffidentia, & confidentia in DEUM eliciat, veniamque petat, ac postea in suis iterum pergat, ac si lapsus non fuisset.

Et

Et hoc toties faciat, quoties labitur, etsi mille vicibus in die caderet.

44. *Tertiò.* Sedulo cavere debet, ne post lapsum solita aliàs pia exercitia ex tædio omittat, aut tepidè, remisè, imperfectè, vel truncatè perficiat, sed potiùs cuncta, ac, si non cecidisset, peragat, etiamsi in iis gustum, & consolationem nullam percipiat: quod faciliùs adimplebit, si cogitat, non decere, quòd ille consolatione spiritali gaudeat, qui DEUM toties, & tantopere offendit. Item, quòd opera nostra pia absque consolatione spiritali, ac devotione sensibili facta, DEO æquè, imò plerumque magis sint grata, quàm quæ cum, nescio, qua dulcedine spiritûs, ac sensibili devotione fiunt, dummodo aliàs nihil desit.

45. *Quarìò.* Singulariter quisque studeat, ut post lapsum, ad majorem infirmitatis suæ, & imperfectionis cognitionem, indèque ad sui contemptum, & odium, ac plenam sui diffidentiam deveniat, ac propterea majori cautela, & vigilantia sibi totaliter diffidens, & in solo DEO confidens, incedere discat.

46. *Quinò.* Attendat denique,

ut, si peccatum, error, aut imperfectio ipsius publicè, vel coram aliis fiat, aut eisdem innotescat, doleat quidem, quòd DEUM offenderit, & forsan etiam scandalum dederit, tamen etiam summopere gaudeat, DEUMque laudet, & benedicat, quòd saltem exinde ejus imperfectio, & malitia patefacta sit, ipsèque apud homines vilipendatur, & pro merito suo tractetur: gaudium enim de sui contemptu est optimus, & DEO gratissimus humilitatis actus, veniam, & novam gratiam mirè concilians; quem propterea celeberrimi Ascetæ in omni occasione, maximè verò tunc suadent, quando peccata, & imperfectiones nostræ aliis patefiunt, & nos propterea vilescimus, aut contemnimur.

47. Et hæc Charissimè! si post lapsum observetis, ex lapsu vestro in aliquo sensu plus fructûs, quàm damni spiritalis habebitis, imò quasi emolumentum haurietis; prout etiam infinita Bonitas, & Providentia Divina sæpius jam fecit, quòd lapsus in peccatum multis fuerit occasio, & causâ salutis. Ob quod tamen nequaquam peccare, sed

id facere debemus, ut ex peccato jam facto, fructum hauriamus, offensam DEI, & damnum nostrum refarciamus, sicque contra diabolum nos vindicemus, eumque confundamus, ex eo ipso, quò nos à via virtutis, & perfectionis abducere quærit, peccatò videlicet, occasionem fumentes, varias DEO gratissimas virtutes, præsertim profundam humilitatem exercendi, & efficacius, quàm antea, ad perfectionem tendendi, sicque arma in ipsum vertendi.

48. Porro, si peccatum mortale (quod DEUS à quovis Religioso in æternum avertat) quis committeret, præfata cò ferventiùs, simulque illud observare deberet, ut statim, quamprimum fieri, & occasio haberi potest, nec expectatà quidem horà, minùs die sequenti, ad Confessarium recurrat, & ibidem facta priùs necessaria præparatione, Confessionem Sacramentalem deponat, cum efficacissimis, & heroicis propositis, totali sui diffidentia, & plenà confidentià in DEUM eliciendis, imposterum peccatum, & occasiones non tantum vitandi, sed DEI gravissimam injuriam omnì possibili

modò refarciendi, eique perfectiùs, quàm unquam serviendi, ac in specie hoc, vel illud &c. omittendi, vel faciendi.

49. Ut autem appareat, quomodo in praxi fieri debeant, quæ post peccatum aliquod observanda diximus, pro aliqua idea formatos actus annectimus, per quos, aut similes post lapsum statim absque ulla inordinata tristitia, aut pusillanimitate ad DEUM recurrere quis poterit.

Actus Contritionis & Propositi.

50. **E**heu Domine! jam iterum peccavi, jam iterum offendi tuam infinitam Majestatem, & Bonitatem, plùs amandò, & æstimandò unam stultam vanitatem, quàm tuam sanctissimam voluntatem, ob quod summe doleo, quia te super omnia diligo. Outinam te non offendissem; verum non ampliùs te offendam: propono firmiùs, quàm unquam, cum tua gratia, non tantum peccata, sed & occasiones vitare, magis attendere, & vigilare, mihiq; majorem vim inferre, specialiter autem NN. facere, vel NN. omittere. Tu interea propitius esto mihi peccatori, & miserere mei DEUS
se-

secundum magnam misericordiam tuam.

Actus Humilitatis.

51. **E**Cce enim, misericordissime DEUS! etiam hoc peccatum est iterum fructus, & effectus potentiae, & fortitudinis meae, vix aliud poteris expectare à me, quia ex me nil, quam errare, & peccare valeo; neque in hoc solo peccato stetissem, sed plura, & graviora adhuc commissem, nisi tu me adjuvasses, & præservasses.

Actus Spei.

52. **S**Cio quidem, quod cum gratia tua, mihi semper paratà, vincere me possem, ac deberem, & consequenter peccatum non nisi ex culpa, & iniquitate mea proveniat. Veruntamen scio etiam, quod infinite major sit misericordia tua, quam iniquitas mea; scio, quod cor contritum, & humiliatum non despicias, nec velis mortem peccatoris, sed ut magis convertatur, & vivat, eumque etiam post mille lapsus ad te currentem, millies, & ultra misericordissime suscipias: hinc certissime spero, & confido in bonitatem, & mi-

sericordiam tuam infinitam, atque in hac confidens, in servitio tuo rursus pergo. Qui actus etiam brevius fieri poterunt pro diversitate temporis, & circumstantiarum, hoc, aut simili modo:

Breviores hujusmodi Actus.

53. **H**eu memiserum! jam iterum transgressus sum sanctissimam voluntatem, & legem Divinam, fecique, quod DEO meo, quem super omnia diligo, & diligere debuissim, summè displicet, injuriosum, & odiosum est, ob quod doleo ex corde, & poenitet me. O utinam factum non fuisset! verum, amandissime DEUS! per tuam gratiam non ampliùs fiet. Propono firmissimè magis, quam unquam attendere, vigilare, & vim mihi inferre; ad quod gratiam tuam humillimè imploro, utpote sine qua non nisi peccare, & errare valeo &c. (si peccatum coram aliis contigit, adde) interea gaudeo, & laudo te, quod ex hoc peccato saltem sequatur vilipensio, confusio, & contemptus mihi summè debitus, quem humillimè suscipio, & in vindictam peccati mei, ad resarciendam gloriam tuam tibi offero.

54. **Q**UÆRITUR II. Quænam sint Principia practica circa peccata venialia? Resp. Ea ferme coincidere cum principiis practicis contra peccatum mortale supra Cap. III. à num. 56. adductis; sunt autem sequentia.

Principium I.

55. **S**Æpe & tamdiu legere, & meditari de malitia cuiusvis, etiam minimi peccati venialis, præsertim deliberatè commissi, nec non de gravissimis damnis, & pessimis effectibus illius; donec perfectè non tantum intelligantur, sed etiam profundè, firmitèrque menti imprimantur, & (quod præcipuum est) debita à quovis etiam veniali peccato averfio, sanctusque timor, & horror illius concipiantur, ex eo præcipuè, quòd, licet respectu peccati mortalis sit, & dicatur malum leve, in se tamen, & absolutè sit malum gravissimum, & majus quovis alio malo, simulque maximè nocivum.

Principium II.

56. **F**irmissimum, constans, & heroicum habere propositum, scienter, deliberatè, & cum plena advertentia nullum unquam committendi peccatum veniale, præsertim postquam cuiusvis etiam minimi peccati venialis inexplicabilem malitiam quis cognovit, & sacra Religioni nomen dedit.

Principium III.

57. **R**Emedia contra venialia peccata per frequentem & attentam Lectionem non tantum bene perspecta, & memoriæ impressa habere, sed iisdem etiam in praxi diligenter uti, præcipuè verò I. Humillimà sui ipsius diffidentia. II. Confidentia in DEum. III. Oratione, sive invocatione Divinæ gratiæ, & auxilii. IV. Perpetuà curâ, & vigilantia. V. Manûs appositione, vique & mortificatione sibi necessario inferenda.



CAPUT VI.

De Sacramentali Confessione peccatorum ordinaria.

§. I.

*De praestantia Sacramentalis Confessionis, & quibusdam
requisitis ad eam.*

I.

Postquam egimus de peccatis, illorumque natura, & malitia, variisque medijs, & motivis illa vitandi, meritò nunc statim agitur de Confessione Sacramentali, quia hæc est omnium principalissimum, efficacissimum, ac certissimum à Christo Domino directè institutum medium, quo peccata jam commissæ iterum deleantur, & effectus illorum pessimi tollantur; consequenter anima, quæ per peccata priùs vita spiritali, gratiâ nempe, & amicitia Divinâ erat privata, vel saltem (per peccata venialia nempe) coram oculis DEI turpis, languida, tepida, infirma, & ad bona cœlestia minus habilis, & econtra ad malum magis procliva effecta, iterum vivificetur, amica DEO, & gra-

ta efficiatur, maculis purgetur, gratiâ ornetur, contra quodvis malum confortetur, & ad cœlestes influxus apta reddatur: quapropter

2. Quæritur I. Quid, & quàm necessaria sit Confessio Sacramentalis? Resp. I. *Confessio Sacramentalis est legitima de proprijs peccatis facta accusatio coram Sacerdote ad impetrandam eorum remissionem.* Hæc definitio patet ex terminis, eamque suppono partim ex Catechismo, partim ex Theologia. Solùm notandum, quòd dicatur *legitima accusatio*: id est, ritè, & secundùm omnia requisita (de quibus infra) facta. Item, *ad impetrandam eorù remissionem*, quia, licet Confessio plures alios fructus habeat juxta dicenda paulò infra à num. 7. attamen remissio peccatorum est proprius, & principa-

cipalis effectus, ob quem Christus instituit Confessionem Sacramentalem.

3. Resp. II. Confessio Sacramentalis omnibus post baptismum peccatum mortale habentibus, ad salutem necessaria est in re, vel saltem in voto, adeò, ut, quicumque mortaliter peccat, certò damnetur, nisi ante mortem confiteatur, si potest, aut, si non potest, saltem perfectam contritionem, cum voluntate confitendi, & consequenter Confessionem in voto, seu desiderio habeat; quamvis enim etiam sola perfecta contritio absque actuali Confessione peccata mortalia debeat, tamen hunc effectum non habet, nisi quatenus etiam votum, seu voluntatem confitendi saltem implicitè includit, prout ex Conc. Trident. *sess. 14. cap. 4. can. 1. & 7.* unanimis Theologorum docet.

4. Resp. III. Qui habet peccatum mortale, saltem semel in anno vel quoties in aliquo periculo, vel articulo mortis est, necessariò confiteri debet, ita quidem, ut, etiamsi perfectam contritionem elicere conaretur, tamen a peccatis mortalibus non absolveretur, sed certò damna-

retur, si in tali statu occasionem habens non confiteretur. Rursus certa Ecclesiæ doctrina.

5. Resp. IV. Quamvis illis, qui sola peccata venialia habent, vel habere se putant, Confessio Sacramentalis absolutè necessaria non sit, cum venialia confiteri nemo obligetur, tamen indirectè etiam istis non rarò necessaria est; tum, quia peccata venialia à mortalibus discernere non semper valemus, & nonnunquam contingit, quòd ex ignorantia culpabili, vel amore proprio putemus, nos non nisi venialiter peccasse, ubi tamen interim coram DEO rei sumus peccati mortalis; tum, quia, si sola venialia habentes, nunquam, aut rarò confiteremur, in venialibus plerumque infordesceremus, & hoc ipso etiam ad mortalia prolaberemur.

6. Quæritur II. Quàm utilis sit Confessio Sacramentalis? Resp. I. Confessio Sacramentalis, & quidem frequens, omnibus summè utilis, imò ad assequendam perfectionem quasi necessaria est. Hæc est unanimis doctrina Theologorum, SS. Patrum, & Ascetarum, qui propterea omnes frequentem Confessio-

feffionem summopere suadent, inter quos S. Bonaventura in *Specul. Discipl. c. 9.* suadendô docet: *Debent* (Novitii videlicet) *tribus vicibus in qualibet hebdomada, vel pluries confiteri.* Item in *Instit. Novit. part. 1. cap. 12. de Confessione.* *Sape confitere, ad minus ter in septimana.* Et in *Regul. Novit. cap. 3.* suadet: *Si potes quotidie confiteri, bene; sin autem, de tertio in tertium diem saltem studeas confiteri.* Videamus aliquos Confessionis fructus, & effectus in specie.

7. I. In quavis Confessione remittuntur peccata non tantum quoad culpam, sed insuper remittitur aliqua pars poenæ, dum æterna in temporalem mutatur, temporalis verò minuitur, imò subinde ob specialem, & excellentem poenitentis dispositionem penitus tollitur.

8. II. Per Confessionem omnia bona opera & merita, per peccatum mortale ea subsequens mortificata, iterum reviviscunt, & vivificantur.

9. III. In quavis Confessione confertur augmentum gratiæ sanctificantis ex opere operato, juxta certam fidei doctrinam: quantum autem bonum hic solus fructus importet, explicari

Neudecker Pars Prior.

non potest, cum quivis etiam minimus gradus gratiæ sanctificantis inæstimabile bonum sit.

10. IV. Præter gratiam sanctificantem, confertur etiam gratia Sacramentalis, id est, speciale auxilium Divinum, vi cujus homo illuminatur, & confortatur, ut occasiones, & pericula peccandi magis declinare, tentationes facilius vincere, & peccata securius vitare valeat.

11. V. Confessio quævis est summè utilis etiam ex hoc, quòd occasione illius principales, & DEO gratissimæ exercentur virtutes; quarum quævis etiam suum meritum, & bonum effectum habet.

Inprimis enim exercetur Fides, quâ creditur remissio peccatorum per absolutionem impetranda.

Secundò Spes, quâ eadem remissio speratur.

Tertiò. Charitas erga DEUM, ex qua elicitur Contritio.

Quartò. Ipsa virtus poenitentiae, odiûmque, & detestatio peccati, cum proposito illud vitandi.

Quintò. Humilitas, quâ poenitens seipsum accusat, confundit, contemnit, & peccatorem confitetur.

Q

Scilicet.

Sextò. Obedientia, quâ poenitens DEO, & homini loco DEI posito obedit.

Septimò. Justitia, quâ seipsum ut reum coram Sacerdote tanquam Judice accusat, & ab eodem poenam, seu poenitentiam juxta demeritum sibi injungi instat.

Octavò. Patientia, quâ objur-
gationem, & increpationem Confessarii, æquanimiter non tantum suscipit, sed etiam poenam patienter recipit, & perficit.

12. Resp. II. Confessio Sacramentalis insuper partim tollit, partim minuit pessimos effectus, quos peccatum etiam veniale inducit juxta dicta *Cap. 4. §. 2.* & contra effectus bonos malis oppositos producit, adeò, ut, sicut peccata etiam venialia impediunt uberiores gratias, specialia auxilia, dona, & lumina supernaturalia, specialèmq; Providentiam Divinam, sic frequens Confessio eadem promoveat. Item, sicut peccata etiam venialia minuunt fervorem charitatis, extinguunt devotionem, tollunt familiaritatem cum DEO, & confidentiam ad eum, sic Confessio frequens hæc auget. Item,

sicut peccata etiam venialia animam efficiunt desidem, languidam, tepidam, tristem, turbatam, & inquietam, ad bene operandum difficilem, ad resistendum malis debilem, &c. sic Confessio, præsertim frequens, eandem reddit fervidam, consolatam, quietam, pacatam, fortem, & magnanimam. Item, sicut peccata etiam venialia causant magnum perfectionis impedimentum, sic Confessio præsertim frequens illud tollit, & præbet efficax remedium ad eandem assequendam: quæ cuncta SS. Patres & Ascetæ ad longum deducunt. Sufficiat unicum adducere S. Laurentium Justinianum *de obedientia, cap. 15.* „ Confessio placat DEUM, lætificat Angelos, „ serenat conscientiam, criminum exsolvit debitum, veniæ „ spem nutrit, servilis metûs coercet stimulos, præstat gratiam, præbet auxilium, immundorum spirituum propul- „ sat fraudes, coelum reberat, re- „ velat mysteria, elevat de terrenis, & provehit in excelsa. Ibidem: „ Procul dubio quantò „ quis exercuerit (Confessionem) „ frequentius, tantò erit „ DEO propinquior, sui interio-

„tioris hominis percrutator
 „clarior, ad virtutum exercitia
 „alacrior, ad resistendum pec-
 „cato robustior, ad misericor-
 „diam promerendam aptior,
 „atque ad percipiendum charis-
 „mata meliora sine ambiguitate
 „habiliior. Ibidem: Peccato-
 „rum assidua Confessio chari-
 „tatis est index, humilitatis ger-
 „men, gratiæ radius, electionis
 „præfagium, conscientiæ decus,
 „compunctionis filia, spei ma-
 „ter, orationis præcursor, & re-
 „solutionis corporis expectator
 „intrepidus. Quid amplius de
 Confessione dici posset?

13. Ex quibus satis liquet,
 quam utile sit sæpe confiteri,
 cum Confessio tantos fructus
 præstet, & effectus, etiamsi nul-
 lum novum peccatum veniale
 quis habens, solum de uno alte-
 rove ex jam confessis se accuset;
 ut proin etiam in Statutis nostris
 Generalibus *Cap. 7. num. 3.* san-
 ctissimè, & utilissimè disponatur,
 quòd fratres omnes bis, aut sæ-
 pius in hebdomade confiteri te-
 neantur.

14. Attamen hic notare de-
 betis Charissimi, quòd, etsi Con-
 fessio Sacramentalis prædictos
 effectus producat, intentio ta-

men eorundem diversa sit pro
 diversitate dispositionis, & con-
 fessionis, ita, ut, quò major, &
 perfectior dispositio, & confes-
 sio est, eò major etiam sit fru-
 ctus, & effectus; cum e contra, si
 tepidè, negligenter, vel ex sola
 consuetudine fit, modicus etiam,
 vel nullus fructus sequatur: imò
 taliter peracta Confessio subinde
 damnum potius, quàm emolu-
 mentum spirituale generet, eò
 quòd moraliter certum videatur,
 Confessionem, quæ frequenter
 præfatò modò fit, subinde inva-
 lidam, imò etiam sacrilegam,
 consequenter graviter peccami-
 nosam, & gravissimè nocivam
 esse.

15. Quapropter omni cona-
 tu adlaborare debetis, ut ad con-
 sequendos præstantissimos Con-
 fessionis fructus, & effectus, ea,
 quæ decet, dispositione, & per-
 fectione semper confiteamini.
 Qualiter autem id facere possi-
 tis, & debeatis, præsentis Capi-
 tis doctrina dabit, quam proin
 menti non tantum bene imprim-
 mere, sed etiam in praxin, & ha-
 bitum illico deducere debetis,
 antiquò, imperfectè, tepidè, aut
 minus rectè confitendi modò
 (si quem habuistis) totaliter de-

positio; quia revera profectus in virtutibus, & salus animæ à frequenti Confessione ritè instituta plurimum pendet: ob quod etiam pro faciliiori captu cuncta (compendiosè tamen) adducuntur, quæ pro practica notitia ad Confessionem ritè instituendam servire possint.

16. Quæritur III. Quæ requirantur generatim ad Confessionem perfectè, ritèque instituendam? Resp. Quamvis loquendò de absolute necessariis requisitis ad valorem, & integritatem Confessionis, vel veriùs Sacramenti Pœnitentiæ, juxta communem doctrinam tria tantùm ad Confessionem requirantur, videlicet; I. Contritio, seu dolor de peccatis. II. Confessio, seu narratio peccatorum. III. Satisfactio; attamen involvendò etiam ea, quæ ad Confessionem Sacramentalem perfectè, & exactè, majorique cum fructu, & effectù peragendam requiruntur, plura, & quidem aliqua ante Confessionem, aliqua in ea, & aliqua post illam requiruntur.

17. *Ante Confessionem* requiritur I. Bona, & pura intentio confitendi, cum proposito, & desiderio Confessionem ritè per-

agendi. II. Humillima invocatio gratiæ, & auxilii Divini, ad debitè cognoscenda, & ritè in Confessione exponenda peccata nostra. III. Debitum conscientiæ examen de peccatis à proxima Confessione commissis. IV. Debita contritio de peccatis commissis, cum firmo proposito se emendandi. V. Spes veniæ.

18. *In Confessione* requiruntur, ut observetur debitus modus, & conditiones, ad exactam, & perfectam Confessionem requisitæ; de quibus infra §. III. exactè dicitur.

19. *Post Confessionem* summè conducit: I. Gratiarum actio. II. Renovatio contritionis, & propositi. III. Invocatio gratiæ pro sui emendatione. IV. Requiritur adimpletio pœnitentiæ; de quibus infra §. III. *ad finem*.

20. Quæritur IV. In quo consistat requisita ante Confessionem bona intentio, & invocatio Divinæ gratiæ? Resp. I. Eam consistere in hoc, ut non ex repida consuetudine, nec ex respectu humano, nec ex aliquo motivo naturali, vel temporali, sed ex supernaturali bono aliquo fine, & motivo Confessionem faciamus, Qui finis varius, & mul-

multiplex esse potest: v. g. potest quis ex hoc fine, seu intentione confiteri, ut remissionem peccatorum acquirat, & poenas peccatis debitas, tam temporales, quàm æternas evadat; vel, ut à peccatis liberatus, à malo quoque, & poena, quam actu sentit, v. g. morbo, persecutione &c. liberetur; vel, ut gratiam, & donum aliquod sive spirituale, sive temporale à DEO acquirat; vel, ut indulgentiam lucretur; vel, ut obedientiæ satisfaciatur, dum tempore à Lege, vel Statutis præscripto confitetur; vel, in honorem B. V. Mariæ, aut Sancti aliqujus; vel, ut multiplices fructus, & effectus Sacramenti Pœnitentiæ acquirat; vel denique, & quidem principaliter, quia DEO placet, utpote qui ex infinita sua Bonitate summopere desiderat, ut anima nostra non tantum à mortalibus, sed etiam à venialibus peccatis, tanquam turpissimis, & fœdissimis maculis mundetur, & e contra gratia sanctificante, tanquam inexplicabili decore ornatur, vel jam ornata, magis adhuc decoretur, & confortetur, indèque DEO magis accepta, & ad perfectam cum eo unionem, & amorem ejusdem evadat aptior.

21. Porro, etsi quævis ex dictis intentionibus sit bona, optima tamen, indèque in praxi assuefacienda est intentio ultima, videlicet, ut quis principaliter ideo confiteatur, quia id DEUS plurimum desiderat, eique placet, ut anima per Confessionem à peccatis mundata, ac e contra gratiâ ornata, DEO magis placere, & servire, eumque plus amare, nec non donorum cœlestium magis capax esse valeat: & ut honor Divinus, superba Legis Divinæ violatione læsus, per voluntariam nostri confusionem, & humilem culpæ confessionem aliququaliter refarciatur. Potest tamen quivis præter hanc principalem intentionem, & finem etiam alios, bonos tamen, fines habere. Neque enim per alias bonas intentiones additas principalis destruitur, aut imperfectior evadit, præsertim, si ideo habentur, quia etiam DEUS ipse vult, ut sub illis operemur; cum ipsemet sub eisdem motivis nos ad pœnitentiam in S. Scriptura sæpius adhortetur, utpote bene sciens, quod nos miseri hujusmodi motivis plerumque magis, quàm puro DEI amore moveamur.

22. Resp. II. Invocatio auxilii seu gratiæ Divinæ ad Confessionem ritè obeundam consistit in hoc, quòd, cùm juxta fidem sinè gratia, & auxilio Divino prorsus nihil meritorium, & gratum DEO agere possimus, nobis plenè diffidentes, ad DEUM recurramus, eùmque summa cum fiducia, pro auxilio, & gratia humillimè imploremus, ut Confessionem, & requisita ad eam perfectè, & juxta beneplacitum illius perficere, consequenter peccata nostra bene cognoscere, de cognitis perfectè dolere, & conteri, & imposterum evitare, sicque fructus, & effectus Sacramenti percipere valeamus. Taliter enim, si humiliter invocatur DEUS, in cunctis aderit, & Confessio perfectior, atque utilior certissimè sequetur. Facta autem bona intentione confitendi, & invocatione Divini auxilii ad ritè peragendam Confessionem, fit examen conscientiæ de peccatis à proxima Confessione commissis. De quo

23. Quæritur V. In quo consistat, & quomodo in praxi ante Confessionem fieri debeat examen conscientiæ? Resp. I. Examen istud consistit in hoc, ut

quis recogitet, & apud semetipsum sedulò indaget, quid, & quomodo à proxima Confessione peccaverit, transgrediendò leges, & præcepta DEI, Ecclesiæ, Regulæ, Superiorum &c. verbò, cogitatione, opere, omissione, & commissione contra DEUM, vel proximum, aut semetipsum, quatenus dein de peccatis cognitis ob DEUM offensum dolere, eaque debitè, & exactè confiteri valeat. Quod examen Confessionem necessariò præcedere debet; quia impossibile est, ut peccata sua quis ritè, & exactè confiteatur, nisi priùs, quid, & quomodo peccaverit, bene cognoscatur: bene autem cognoscere non poterit, qui recogitandò priùs desuper seipsum non discutit, & examinat.

24. Resp. II. Examen conscientiæ ante Confessionem variè fieri potest; unus, & quidem optimus, facillimèque videtur modus, si quis de quovis die ab ultima Confessione se examinat, dividendò quemvis diem in tres partes (ita ut *prima pars* sit v. g. à manè usque ad tempus prandii: *secunda pars*: tempus prandii, & subsequens usque ad vesperras: *tertia pars*: à vespèris usque ad

no-

noctem) & examinandô se, ubi-
nam in quavis parte cujuslibet
diei, & cum quibus fuerit; quid
egerit, & quomodo se in cun-
ctis habuerit; siquidem tali mo-
dô potiores errores in cogita-
tionibus, verbis, & operibus co-
gnoscere quilibet faciliè poterit.

25. Alius, & quidem usitatif-
simus modus est, quòd quis exa-
minet cujuslibet diei cogitatio-
nes, verba, & opera, an, & qua-
liter in iis DEUM offenderit.

26. Alius est, quo examen in-
stituitur de peccatis contra
DEUM, contra proximum, &
contra seipsum. *Contra DEUM*
quidem, an, & qualiter quis pec-
caverit in oratione tam mentali,
quàm vocali, in Missa, in Con-
fessione, in Communione, & Le-
ctione piorum librorum, in
Choro, in oblivione præsentis
DEI, & irreverentiâ erga eun-
dem, prava intentione &c. *Con-
tra proximum*: an non malè de
aliquo suspicatus sit, judicaverit,
vel ei inviderit, & in corde con-
tempserit, malum imprecatus sit,
aut odium, & inimicitiam con-
tra ipsum foverit; vel an non
de eo murmuraverit, & malè
locutus fuerit, vel ei detraxerit,
vel eundem palàm contumelio-

sis, aut mordacibus verbis affe-
cerit, contempserit, objurgave-
rit, irriserit, illuserit, vel adulatus
fuerit, vel, an non etiam factis
eundem offenderit, inferendô
illi damnum sive temporale, sive
spirituale, vel negandô illi debi-
tum auxilium, & charitatem &c.

Contra seipsum: an peccarit su-
perbiâ, vanâ gloriâ, complacen-
tiâ, jactantiâ, simulationibus,
mendaciis, inordinatâ curâ, &
solicitudine hujus sæculi, inor-
dinatis affectibus, intemperantiâ
in cibo, & potu; curiositate vel
malo usu visûs, auditûs, alio-
rumque sensuum, perditione
temporis, negligentia in suo mu-
nere, & officio &c.

27. Alium, & satis commo-
dum etiam modum suadet Dre-
xeli in *suo Trismegisto. cap. 6.* Ut
videlicet quis se examinet. 1.
Quomodo se habuerit in ora-
tione, & in Missa. 2. In suis of-
ficiis, & negotiis. 3. In com-
munione, & societate cum aliis.
4. In verbis, & discursu. 5. Ad
mensam in cibo, & in potu. 6.
Circa tempus; an bene, vel malè,
aut otiosè impensum sit. 7. Cir-
ca proximum, an detrahendô,
calumniandô, murmurandô, aut
alio modo cum offenderimus.

8. An

8. An impatientiâ, indignatione, aut irâ, & qualiter peccaverimus. 9. An malis cogitationibus, impuris v. g. vanis, superbis, vindicativis &c. consenserimus, vel eis immorati simus. 10. An bona proposita specialia, v. g. certum vitium extirpandi, servaverimus &c. alios graviores defectus, errores, & peccata, mordens conscientia ipsamet statim prodit.

28. Porro, quamvis cuilibet liberum sit, illum ex dictis modum, examinandi conscientiam, eligere, qui eidem pro suo genio magis placuerit, tamen primus, utpote magis facilis, & reliquos quodammodo etiam includens, præ cæteris suadetur.

29. Cæterum, quemcunque modum quis assumpserit, nihilominus in examine ante Confessionem ordinariam sequentia observare debetis Charissimi.

I. Ut in eo non multum temporis infumatur; cum enim in Religione sæpius, vel bis saltem in septimana confiteri, nec non quotidie examen tam generale, quàm particulare fieri oporteat, brevi indagine errores, & peccata, ab ultima Confessione deprehendetis; præsertim, si pri-

um examinandi modum adhibebitis. Quantum autem temporis impendi debeat, ob diversitatem personarum, & circumstantiarum, certa regula dari non potest. Sæpe confitentibus profectò etiam modicum temporis spatium sufficere potest, præsertim, quia juxta dicenda in elicienda contritione, & efficaci proposito potius, quàm in examine, tempus impendere debemus.

30. II. Ut examen non anxie, aut scrupulosè, nec cum superfluo timore insufficientiæ, sed quietè, humiliter, & simpliciter fiat: hoc ipso enim, quòd peccata venialia confiteri non teneamur, grave autem quodcunque peccatum, in aliquo aliàs DEUM timente, & sæpius confitente, præsertim Religioso, statim absque ulla indagine, ob conscientia remorsum, & Angelicæ Custodis increpationem, ac monitionem incideret, & seipsum proderet, immeritò quis anxietur, & de insufficientia examinis inordinatè timet.

31. III. Ut non indiscretè de omnibus, & singulis venialibus peccatis, ac imperfectionibus fiat; cum enim nec possibile sit

hæc

hæc omnia cognoscere, nec expedit cuncta cognita confiteri, minus expedit indiscreto horum omnium examine ante Confessionem ordinariam se fatigare.

32. IV. Requiritur tamen, ut cum aliqua diligentia competenti fiat de illis etiam levibus peccatis, & defectibus, qui sunt occasio, & radices aliorum; item, in quibus Confessarius internum statum animæ, & conscientię nostræ magis agnoscit: item, qui magis impediunt à perfectione: item, qui magis nocent bono communi Religionis: item, qui turbant pacem, & charitatem: item, qui aliis sunt scandalo: item, qui magis DEO displicere agnoscuntur: item, contra quos habemus examen particulare, vel speciale emendandi propositum: item, quorum consuetudinem, & pravam habitum nos habere scimus: item, quæ

ad maiorem nostram confusionem sunt, & quæ confiteri magis erubescimus.

33. V. Pro facilitando, & breviter expediendo examine ante Confessionem, plurimum servit, si quis in quotidiano examine certis signis, calamô, vel cretâ, vel cerusâ, notat speciem, & numerum suorum peccatorum, & imperfectionum, quas vult confiteri; sic enim plus non requiritur, quàm tempore confessionis in sua annotationis schedula, vel tabella, speciem, ac numerum peccatorum videre, atque de cognitis dolere, eaque debite confiteri. Et hoc illis præcipue conducit, qui non adeo bene pollent memoriâ, & qui experientiâ sciunt, quòd in faciendo examine ante Confessionem sentiant difficultatem, & tamen plurimum obliviscantur, quæ confiteri expediret.

§. II.

De Contritione.

34. **Q**uæritur I. Quid, & quotuplex sit Contritio? Resp. I. Contritio, prout abstrahit à perfectâ, & imperfectâ, est dolor, seu poenitudo animi ob peccata contra DEUM offensum commissa, ac detestatio, seu odium illorum, cum

cum proposito, ea ampliùs non committendi, & spe veniæ eorundem: hoc est, tunc quis habet contritionem, quando dolet, & poenitet ipsum peccasse, id est, vellet serìò, & optaret non peccasse (hoc enim est propriè poenitere, & dolere de aliquo commisso, vel omisso, videlicet, verè, ac sincerè velle, & optare, id à se commissum, aut omissum non fuisse) ac propterea detestatur, averfatur, & odiò habet commissà peccata, cum efficaci proposito non ampliùs peccandi, & spe veniæ commissorum peccatorum.

35. Resp. II. Contritio hæc est duplex, perfecta nempe, & imperfecta: *Perfecta est*, quando dolor, seu poenitudo animi ob peccata commissà, & propositum se emendandi provenit ex DEI offensi amore super omnia, seu quando elicitur propter DEUM summè dilectum; proin, tunc quis habet perfectam contritionem, quando ex motivo amoris dolet, & ideo poenitet ipsum peccasse.

36. Contritio *imperfecta* (quæ communiter *Attritio* vocatur) est, quando dolor, & poenitudo animi ob peccata commissà, &

propositum se emendandi non provenit ex amore DEI, sed ex consideratione turpitudinis peccati, vel ex metu gehennæ, aut aliarum poenarum, quas DEUS in hoc, vel in altero sæculo, vel utroque ob peccata immittit: hoc est, tunc quis habet imperfectam contritionem, seu attritionem, quando dolet, & poenitet, ipsum peccasse, & DEUM offendisse (id est, vellet non peccasse) proponitque se emendare, non ideo principaliter, quia DEUM super omnia amat, sed ideo, quia modò videt, & odiò habet turpitudinem peccati; vel quia timet, ne propterea damnetur, aut in purgatorio puniatur; vel, ne adhuc in hac vita DEUS ipsum puniat, v. g. varias persecutiones, & tribulationes, afflictiones, damna, jacturas in bonis corporis, famæ, fortunæ, aut animæ permittat, aut immittat, ipsamque vitam abbreviet, aut quia aliquid horum actu jam sentit.

37. Quæritur II. Qualis contritio requiratur, & sufficiat?

Resp. I. Attritio, seu Contritio imperfecta, quamvis sinè Sacramentali Confessione non sufficiat ad delenda peccata mortalia, tamen

tamen illa accedente sufficit, dummodo non sit merè naturalis, sed supernaturalis; prout defecto post Concilium Trident. *Sess. 14. cap. 4.* Doctores tenent communiter. Effet autem purè naturalis, si quis absque respectu ad DEUM de peccatis doleret, & ea vitare proponeret timore poenarum cum respectu, non quatenus à DEO, sed quatenus ab homine infliguntur, vel aliunde peccatum consequuntur; v.g. si quis dolet, & poenitet, ipsum peccasse, quia timet virgas, verbera, castigationem à Patre, vel Superiore infligendam; vel quia per peccatum coram aliis suam famam, & æstimationem perdidit; vel quia timet, ne propterea officio privetur, aut impediat, gratiâ apud hunc, vel illum exciderit, vel excidat: Supernaturalis autem esse censetur, si quis dolet, quia has, vel similes poenas temporales, vel æternas timet cum respectu, quatenus à DEO immittuntur, utpote qui justus peccatorum Vindex, peccata non tantum in futuro, sed etiam in hoc sæculo adhuc variis poenis temporalibus, permittendò, & disponendò castigat; taliter enim dolens

jam respicit, & timet DEUM, & hoc ipso non merè naturaliter, sed supernaturaliter procedit.

38. Resp. II. Quamvis ad Confessionem sola requiratur, & sufficiat supernaturalis Contritio imperfecta, seu attritio juxta mox dicta, attamen utilissimum, & consultissimum est, assuescere, ut quis ante Confessionem loco attritionis semper eliciat Contritionem perfectam. Ratio est I. Quia hæc sine comparatione DEO gravior est, quàm attritio. II. Quia longè utilior, efficacior, & magis meritoria est, & peccata non tantum quoad reatum culpæ, sed etiam poenæ magna ex parte, imò subinde totaliter delet. III. Quia longè securior est; cum facili contingere possit, quòd attritio, quæ putatur supernaturalis, non nisi naturalis, aut aliàs defectuosa, & ad Confessionem insufficiens sit: præsertim, cum non desint Doctores docentes, quòd etiam supernaturalis, ex timore poenæ concepta attritio, cognita ut talis, non sufficiat ad Sacramentalem Confessionem, nisi appetitivum saltem amorem DEI super omnia includat; ut proinde longè præstet in Confessionis

negotio, à quo æterna salus pendet, securiorem, utiliorem, & DEO gratiorem viam arripere; consequenter locò attritionis contritionem perfectam elicere, quatenus, etiamsi quandoque omnino perfecta non esset, saltem imperfecta, & consequenter attritio ad Sacramentum sufficiens adesset.

39. Cæterum, sive Contritionem, sive attritionem quis eliciat ante Confessionem, conari debet, ut eam non tantum de peccatis à proxima Confessione, sed etiam de omnibus aliis, per totam vitam commissis in genere eliciat: tum, ut sic ad oblita quoque, & occulta peccata se extendat; tum, ut, si forsitan sufficientem Contritionem de peccatis, à proxima Confessione quis non haberet (utè facile contingere posset, casu quo quis confiteretur non nisi talia, ad quæ inordinatè adhuc affectus est, & quæ vix emendabit) dicta Contritio saltem de antiquis, de quibus etiam in genere saltem se accusat, existeret, sicque adhuc Confessio dolorosa (utè requiritur) adesset: tum, quia, quoties etiam in genere tantum dolemus de peccatis, toties DEO

placemus, meremur, & aliquid de poenis pro eis debitis (si delectæ nondum sunt) delemus.

40. Quæritur III. An, & quale requiratur propositum non amplius peccandi? Resp. Ad contritionem tam perfectam, quàm imperfectam, seu attritionem, necessariò etiam requiritur firmum propositum impofterum non amplius peccandi, prout post Concil. Trident. supra citatum docent unanimiter omnes. Ad hoc autem perfectè eliciendum tria requiruntur. I. Ut serium sit, & efficax. II. Ut sit universale de omnibus saltem mortalibus peccatis. III. Ut fiat cum diffidentia in seipsum, & confidentia in DEUM, & gratiam ejus. Itaque

41. I. *Serium, & efficax* propositum requiritur, & tunc est, quando verè, & ex corde quis sibi non tantum nudè proponit, non amplius peccare, sed etiam omnem peccandi occasionem, saltem proximam vitare, potiùs omne malum incurrere, & pati, omni gaudio, felicitate, & bono privari, & carere, quàm adhuc peccare; ac insuper attendere, & vigilare, sibi que vim inferre, ne amplius in peccata relabatur:

nam,

nam, qui proximam peccandi occasionem (id est, illam, quæ ex natura sua hominem similis conditionis ad certum peccatum plerumque inducit, vel in qua quis experientia teste plerumque cadit) vitare non vult, consequenter verum ad Confessionem requisitum propositum non habet, adeoque Confessionem invalidam facit juxta unanimem doctrinam Theologorum.

42. Pariter verè efficax propositum non habet, qui ad vitanda peccata attendere, & vigilare non vult: hoc ipso enim, quòd natura nostra per peccatum Adæ totaliter, ac ita perversa, & corrupta sit, ut ex se ad omne peccatum magnam inclinationem, ac propensionem, & e contra à bono spirituali aversionem habeat; utique attendere, & vigilare, ejusque inclinationi, ac propensioni, vel aversioni vim inferre oportet, ne data peccandi materiâ, vel occasione, in peccata prolatur; præsertim in illis peccatorum speciebus, in quibus quis jam malè habitus est, & peccandi consuetudinem habet; facile namque, ac citò, data occasione

quisque illud agit, ad quod agendum aliàs summè inclinatus, & habitus est, nisi bene attendat, perversamque, & malè habituatam naturam quasi violenter cohibeat: sicut e contra illud, à quo quis aversionem habet, seu quod alicui tædiosum, ac difficile videtur (qualia respectu perversæ naturæ sunt ferè cuncta præcepta positiva sub peccato aliquid imponentia) rarò, aut vix quis aget, nisi vim spiritualem sibi inferat, ut proin attendere, vigilare, sibi que vim inferre, ne quis peccet, sit medium necessarium ad vitanda peccata, consequenter ad efficaciam propositi requisitum; quia juxta communem Theologorum, & SS. Patrum, efficax propositum ad obtinendum aliquem finem nemo habet, qui media ad consequendum finem necessaria adhibere non vult.

43. Defectus hujus requisiti potissima causa est, quòd proposita nostra etiam centies, ac millies repetita non servemus, sed in antiqua peccata iterum relabamur; quia nempe debite non attendimus, & vigilamus, ac vim nobis inferre nolumus. Patet id clarè in quovis obvio,

etiam simplicibus clarò casu, vel exemplo. E. g. si quis pecuniæ summè indigens, & cupidus, ad certum quoddam peccatum v.g. iræ, impatientiæ, gulæ, jactantiæ &c. valde pronus, summèque jam consuetudinarius sit, & ei seriò promittatur: si hac septimana, vel hoc mense, ab ira, vel ab impatientia abstines, & cuncta adversa patienter sustines; vel, si in potu nullum excessum facis &c. finito mense statim habebis in parata pecuniâ mille aureos: talis profectò non obstante summa sua inclinatione, & prava consuetudine, certè abstineret à peccato hujusmodi: quare? quia amore pecuniæ summo opere attenderet, & vigilaret, ne data occasione in iram v.g. vel impatientiam prorumperet; & licet tota natura ad eam illum impelleret, & quasi urgeret, tamen desiderio, & amore pecuniæ non faceret, sed sibi, & naturæ vim inferret, & se cohiberet. Econtra promittuntur nobis continuò Gratia DEI, Regnum cœlorum, Thesaurus cœlestis, & alia dona, si non peccamus; si verò peccamus, minatur nobis gehenna, mors æterna, aliæque mala, & tamen non

obstante toties repetitò proposito nostrò, data occasione juxta passionem, vel propensionem, vel pravam consuetudinem perveræ naturæ, peccare pergitur: quare? quia nec amore DEI, & cœlestium, nec timore gehennæ, & aliorum, debitè attendimus, vel vigilamus, neque vim naturæ, aut inclinationi nostræ inferimus, sicut amore, vel timore terrenorum. Ex quo etiam apertè convincimur, & confundimur, quòd terrena, & transitoria revera magis amemus, quàm DEUM, & æterna, utpote magis pro illis, quàm pro istis solliciti.

44. II. Debet propositum esse *Universale*: id est, de omnibus peccatis, *saltem mortalibus* vitandis; si enim vel unicum peccatum mortale vitare quis noller, jam hoc ipso sufficiens propositum ad Confessionem non haberet. Dicitur *saltem mortalibus*: siquidem de omnibus venialibus absolutè necessarium non est; cum dari possit valida Confessio, etiamsi quis affectum erga unum, vel plura venialia, & voluntatem illa adhuc perpetrandi retineret; quamvis hujusmodi Confessio respectivè satis imperfecta

fecta esset, præsertim in Religioso, qui etiam circa venialia semper ita dispositus esse, & tale propositum habere deberet, ut paratus esset potius omnia mundi mala sustinere, omnî bonô tam corporis, quàm famæ, & fortunæ privari, aut carere, quàm deliberatè, & cum plena advertentia, vel levissimô peccatô veniali, v. g. mendaciô levî DEUM offendere, utpote qui probè scire supponitur, quòd etiam minimum peccatum veniale omnia excogitabilia mundi mala incomparabiliter superet, juxta dicta superiùs *Cap. 4. n. 7.*

45. III. Debet propositum fieri *summa cum diffidentia in seipsum, & confidentia in DEUM, & gratiam illius.* Cùm enim ex nobis ipsis prorsus nil possimus, quàm errare, & peccare, simûsque ad peccandum ex natura summè proni, & inclinati, quivis certè non obstante firmissimo proposito, in omne peccatorum genus turpissimè prolaberetur, nisi à gratia DEI adjuvaretur; hinc specialiter vult DEUS, ut miseriam, imbecillitatem, & malitiam nostram humillimè agnoscantes, nobis ipsis, & viribus plenè diffidamus, ac in gratia, & auxilio ejus principaliter confi-

damus; simul tamen etiam ex parte nostra ita operemur, & certemus, quasi effectus ex nostro conatu dependeret; non, quasi in nostro conatu confideremus, sed quia DEUS vult, ut nostrum quoque faciamus, & gratiæ illius cooperemur. Quò major est diffidentia in nostras vires, & confidentia in DEUM, eò certior, & major erit Divina gratia, & subsequens inde victoria.

46. Hæc diffidentia in se, & confidentia in DEUM facit, quòd quivis, etiam consuetudinarius, & habituatus in malo, & qui quasi prævidet, se hoc, aut illud peccatum non vitaturum, sed in illud sæpius iterum relapturum, firmum, ac sufficiens ad Confessionem habere possit, ac revera habeat propositum, si nempe considerans suam imbecillitatem, inconstantiam, & malitiam, sibi ipsi plenè diffidens, in DEO, & gratia ejus summè confidat, cum proposito faciendi, quod in se est, & cooperandi gratiæ Divinæ: ut, si v. g. fiducialiter DEUM ita alloquitur: „Ter Optime, misere, „ricordissime Domine DEUS, „agnosco, & humillimè confi-
„ teor

„teor summam imbecillitatem,
 „fragilitatem, & malitiam me-
 „am, quam solam si considero,
 „de emendatione mea meritò
 „desperare deberem, utpote hoc
 „NN. me rursus commissurum,
 „certò quasi prævicens; nihil
 „ominus, quia scio, paratam
 „cuius infinitæ Bonitatis tuæ
 „assistentiam, ideo cum auxilio,
 „& gratia tua, in qua sola plenè
 „confido, firmissimè propono
 „non ampliùs peccare.

47. Cæterùm, licèt juxta còm-
 munem Theologorum necesse
 non sit, ut propositum non am-
 pliùs peccandi cum suis requisi-
 tis explicite eliciatur, sed suffi-
 ciat *implicitum*, & *virtuale*, quæ in
 ipsa Contritione censetur inclu-
 sa (hoc ipso enim, quòd quis ex
 animo doleat, & pœniteat ipsum
 peccasse, vellètque peccatum
 non commissum, & odiò habeat,
 ac detestetur illud, censetur vir-
 tualiter, & implicitè habere pro-
 positum, non ampliùs id perpe-
 trandi, quòd ita detestatur, &
 odiò habet) tamen, quia aliqui
 Theologi etiam formale requi-
 runt, longè melius, perfectius,
 & securius est, propositum cum

suis requisitis etiam explicite
 elicere.

48. Porro necessariò insuper
 requiritur, ut hoc propositum
 concomitetur *Spes venia*, prout
 expresse docet Concil. Trident.
est. Sess. 14. cap. 4. licèt verò pari-
 ter necesse non sit, ut expresse
 eliciatur, sed sufficiat *virtualis*, &
implicita, sicut propositum, tamen
 etiam melius, securius, & perfe-
 ctius est, eam expresse elicere.
 Et hanc quis facile eliciet, si sit
 memor infinitæ bonitatis, & mi-
 sericordiæ, quæ non vult mor-
 tem peccatoris, sed magis, ut
 convertatur, & vivat; & quæ
 magis gaudet super uno pecca-
 tore pœnitentiam agente, quàm
 super nonaginta novem justis;
 quæ insuper multipliciter pro-
 misit, quemvis, etiam maximum,
 & millies relabentem peccato-
 rem, corde contrito tamen, &
 humiliato redeuntem; iterum
 suscipere, & peccata eidem re-
 mittere, præsertim, postquam
 DEI Filius Christus JESUS pro
 salvandis peccatoribus venit in
 mundum, & pro peccatis eò-
 rum per vitam, passionem, &
 mortem suam infinite satisfecit.

§. III.

De Confessione actuali.

Visis iis, quæ ante Confessionem fieri debent, veniunt jam examinanda illa, quæ in Confessione servanda, & observanda sunt, seu qualiter ipsa Confessio fieri debeat. Itaque

49. Quæritur I. Quid sit actualis Confessio? Resp. Confessio ista est legitima sui accusatio de propriis peccatis suis coram Sacerdote ad impetrandam veniam eorum. Hæc descriptio est in re communis apud Theologos, & quamvis clarè pateat ex terminis, tamen breviter declaratur. Dicitur *Accusatio sui*: quia in Confessione peccator est simul Actor & Reus, utpote se ipsum accusans. Dicitur *legitima*: id est, modò debitò juxta legem Divinam, & alias condiciones pro ejusdem perfectione servientes. Dicitur *coram Sacerdote*: quia solus Sacerdos jurisdictione præditus absolvere potest à peccatis. Dicitur *ad impetrandam eorum veniam*: quia primarius Confessionis finis est remissio,

Hundecker Part Prior,

seu venia peccatorum commissorum.

50. Quæritur II. Quænam condiciones requirantur ad eam? Resp. Quamvis Theologi ad Confessionem exactè, & ritè instituendam plures præscribant condiciones sequentibus versiculis comprehensas,

Sit simplex, humilis Confessio, pura, fidelis,

Atque frequens, nuda, & discreta, lubens, verecunda,

Integra, secreta, lachrymabilis, accelerata,

Fortis, & accusans, & sic parere parata:

tamen, quia aliqua harum conditionum coincidunt, vel saltem plures earum ad unam reduci possunt, omnes condiciones exactam, & perfectam Confessionem exprimentes, unicò sequenti versiculò comprehenduntur.

Est humilis, verax, prudens, brevis, integra, sæpe.

S

51. I.

51. I. Itaque conditio est ad Confessionem perfectè & ritè instituendam, ut sit *humilis*: & quidem humilitate tam interna, quàm externa; interna quidem, quatenus peccator memor horrendæ malitiæ, & peccatorum, quibûs ipse tantopere, & toties in vita sua, ac in specie à nupera Confessione iterum offendit DEUM; & consequenter memor etiam iniquitatis, ingrati tudinis, & inconstantia suæ, coram oculis Divinæ Majestatis profundissimè se humiliat, omnium creaturarum iniquissimum & ingrati ssimum, morte, omnique plagâ externâ, & temporali se dignissimum, econtra omni beneficio, gratiâ, & veniâ indignissimum esse agnoscit; ac propterea ad modum Publicani oculum in cœlum attollere vix audens, corde contrito, & humiliato Confessarium accedit, ex odio erga seipsum, & peccata, coram eodem locum DEI tenente, humillimè se accusare, iniquitatem, & malitiam suam sincerissimè detegere, semetipsum confundere, & pro delictis, ac peccatis suis summè promeritam poenitentiam, seu poenam amore DEI petere, & peragere intendens.

52. Ad summè utilem, & DEO gratam internam hanc humilitatem fovendam, & sub ipsa Confessione continuandam, sicut & ad alias conditiones rectè observandas, maximè conducit, & in praxin deducendum est, ut, dum confiteris Charissime! & specialiter, dum incipis *Confiteor DEO Omnipotenti &c. & tibi Pater &c.* memor sis præsentia Divinæ, & recorderis, quod non solum confitearis Sacerdoti, sed etiam ipsi, & quidem præsentissimo DEO, corda scrutanti, & renes, omnia tua delicta perfectè, & intimè agnoscenti, exactissimè attendenti, & videnti, qua præparatione, qua intentione, qua contritione & proposito, qua humilitate, & reverentia, qua sinceritate & veritate, confessionem tuam deponas.

53. Ad eandem humilitatem internam, & memoriam præsentis, ac insipientis DEI pertinet, ut Confessio fiat, & peragatur recta intentione, videlicet ex amore DEI, & odio sui, ad DEI gloriam, & sui confusionem, & non ad captandam vanam gloriam, æstimationem, favorem Confessarii, vel aliorum,

rum, & consequenter, quòd habeat conditionem à Theologis requisitam, ut sit *pura*, id est, ut fiat recta, & humili intentione.

54. Præter humilitatem internam debet Confessio etiam esse humilis humilitate externa, in verbis, & externa compositione corporis consistente, quatenus nempe ex vera humilitate interna verbis non nisi humilibus, & simplicibus, modò loquendi humili, verecundò, pacatò, ac modestò, humilique situ corporis, v.g. nudo capite, demissis in terram oculis, flexis genibus, erectis, & supplicibus manibus Confessario fiat, nisi necessitas, aut infirmitas aliud exigat: item, ut verba præcisè ad sui accusationem, & confusionem, & non ad sui excusationem, & defensionem tendant, nisi in quantum pro natura peccati, declarandis circumstantiis, & nuda veritate detegenda requiritur: qua ipsa humilitate externa erit etiam *simplex, verecunda*, & *accusans*, ut requirunt Theologi.

55. Contra hanc conditionem *humilis* errant, & imperfectè agunt *primò*, qui immores præsentis DEI, absque

ulla humilitate interna, confessionale accedunt, & confessionem peragunt, potiùs solliciti, ne per confessionem hujus, vel illius peccati apud Confessarium confundantur, & æstimationem perdant, quàm ut se confundant, & sui contemptum quærant.

56. Errant *secundò* adhuc magis, qui ideo, vel talia, vel talì modò confitentur, ut à Confessario æstimationem, aut favorem acquirant, & ab eo pii, virtuosi, & humiles habeantur.

57. Errant *tertiò*, qui comptis, ornatis, & exquisitis verbis, artèque Rhetorica sua peccata proponunt, ut pro doctis, suaque bene proponere valentibus, à Confessario judicentur.

58. Errant *quartò*, qui absque humili, & verecunda modestia, vel absque humili compositione corporis externa, properanter, & audacter peccata debatterant, haud aliter, ac si ad modum puerorum citò quid memoriter recitarent, aut fabulam narrarent.

59. II. Condicio est, ut Confessio sit *verax* id est, peccata debent exprimi cum nuda, & simplici veritate, prout conti-

gerunt, sinè ullo admixto mendacio, fallacia, deceptione, & sinè ambagibus, quibus peccata obscurantur, ne bene cognoscantur.

60. Contra hanc conditionem errant *primò*, qui majoris securitatis causâ, aut ex humilitate (utì falsè putant) scienter magis se accusant, quàm à parte rei peccârunt, vel majorem numerum exprimunt, vel dubia pro certis proponunt.

61. Errant *secundò*, qui ex erubescencia, aut amore proprio palliant, abscondunt, aut minuunt gravitatem peccati, aut malitiam peccatorum, aut ita proponunt, ne Confessarius malitiam peccatorum, aut gravitatem agnoscat, vel apprehendat, sed aliter de illo judicet; quod in materia gravi mortaliter peccaminosum foret, & Confessionem sacrilegam redderet: sicut etiam, si quis scienter se accusaret de peccato mortali, quod non fecit, aut de majori numero, quàm reus est, nisi bona fides eum excuset: de quo magis Theologi.

62. III. Conditio est, ut sit *prudens*, seu *discreta*, & quidem *in primis*, ne complicitis, vel alte-

rius peccata detegantur, nisi ad propriorum peccatorum explicationem necesse sit, aut alia justa causa id suaserit.

63. *Secundò*. Ut peccata verbis discretis, & honestis, præsertim in materia lubrica proponantur.

64. *Tertiò*. Ut sinè superflua anxietate, cura, fatigatione, & scrupulositate, ne quid forsan omittatur, aut non exactè, vel satis circumstantionatè proponatur, fiat, quia confessionale non est carnificina, nec majorem, quàm moralem, & mediocrem diligentiam requirit, præsertim, cum peccata inculpabiliter omissa, aut minùs rectè explicata, nihilominus tamen saltem indirectè remittantur; ut proin non tam solliciti esse debeamus, ne post factum sufficiens moderatum examen, aliqujus etiam gravis peccati obliviscamur, quàm ut cognita ritè confiteamur, & de eis veram contritionem, ac efficax emendandi propositum habeamus; eò quòd ex oblivione aut ignorantia omissa etiam peccata mortalia, æquè ac confessa dimittantur; dummodo de omnibus in genere saltem universalis eliciatur contritio.

65. *Quarto*. Ne semper sit eadem antiqua cantilena, eodem modo, iisdemque verbis proposita, sed mutetur pro diversitate peccatorum, & circumstantiarum, quibus committuntur; siquidem nunquam, vel rarò contingit, quin unum, vel aliud novum peccatum veniale, aut antiquum alia cum circumstantia, aut aliam imperfectionem committamus, e. g. subinde distractus es in Officio Divino cum advertentia, subinde sinè, vel minori cum advertentia, subinde das causam distractioni, subinde non, es tamen negligens in ea repellenda: unde discretio ad exactam Confessionem requisita exigit, ut alio, & alio modo, prout nempe à parte rei contigit, humiliter, & simpliciter peccatum proponatur.

66. *Quinto*. Discretio requirit, ut, si quis habet valde multa & graviora peccata venialia, minora, & imperfectiones omittat: secus est in illis, qui virtuti & perfectioni magis studentes, non nisi unum vel aliud, aut pauca venialia habent; hi enim sicut gratià magis illustrati, etiam minima statim vident, sic eadem, imò & imperfectiones utilissimè confitentur, ita eis sua-

dente S. Bonaventura in *Specul. Discipl. cap. 9.* ubi ait: „ Non „ contemnant modica, ne pau- „ latim defluant ad majora: in „ domo namque, quam subin- „ trans radius solis illuminat, „ quantumcunque fuerit præ- „ mundata, atomi nihilominus „ diligentius intuenti apparent: „ sic & cor, radiis gratiæ illustra- „ tum etiam minima videt, ac „ vitiorum laqueos subtili exa- „ minatione discernit: quantò „ quis fuerit mente purgator, „ tantò se sordidiorem videbit, „ & majores causas humilitatis „ inveniet; deponendæ tamen „ sunt scrupulositates quædam „ superflux, quæ conscientiam „ in erroris confusionem indu- „ cunt. Hæc S. Doctor.

67. *Sexto*. Discretio etiam exigit, ut peccata certo ordine proponantur, e. g. prius peccata, quæ corde, aut cogitatione, dein quæ ore, & tandem, quæ opere commisimus, aut omisimus.

68. *Septimo*. Ad discretionem etiam spectat prudens electio Confessarii, ut videlicet, quantum fieri potest, eligatur doctus, prudens, pius, & expertus, quem in dubiis & anxietatibus nostris confidenter consulere, & tutò

sequi valeamus; si enim pro salute corporis optimum, quem habere possumus, eligimus Medicum, multò magis pro salute animæ id facere debemus.

69. IV. Conditió est, ut Confessio sit *brevís*, quantum fieri potest, uti omnes Ascetæ suadent, præsertim D. Bonaventura. Nam illa Confessio non est melior, quæ est longior, sed quæ majori cum contritione, & efficaciori cum proposito peragitur. Unde (quod bene notandum est) potissimum tempus non in examine, vel confessione, sed in eligenda vera contritione, & proposito infumi debet, nisi quis confiteretur generaliter, vel annualiter. Ratio ulterior est, quòd justò longior Confessio, Confessario & aliis, & ipsi confitenti gravis, & odiosa sit, eique tempus ad utiliora immeritò adimat.

70. Contra hanc conditionem errant *primò*, qui integram historiam, & facti speciem narrant, aut multis ambagibus, & circumstantiis non necessariis declarant peccata, quæ tribus, vel quatuor verbis proponi possent.

71. *Secundò*. Qui impertinentia, & ad confessionale non spectantia referunt.

72. *Tertiò*. Qui obruti peccatis, omnia etiam minima peccata venialia, & imperfectiones confiteri volunt.

73. *Quartò*. Qui longum catalogum transgressionis præceptorum in genere, in ordinariis Confessionibus ex consuetudine proponunt. E.g., DEUM „super omnia non amavi. Pro- „ximum meum sicut meipsum „non dilexi. Ante, & in confessione non me habui, uti debuissem; ante, in, & post Communionem non me exhibui, uti debui. Dies festos non celebravi, ut debui &c. *Noli*, ait S. Bonaventura *de Institut. Novit. p. 1. cap. 12. longum tractatum texere, cujusdam generalis, & affectata Confessionis, quia generatur sadium Confessori*. Finita tamen Confessione summè expedit, magnamque utilitatem, meritum, & securitatem præstat, ut in solita clausula quisque de omnibus peccatis per totam vitam commissis, in genere, corde contrito, & humiliato se accuset; quod etiam suadet D. Bonaventura *in Regul. Novit. cap. 3.*

74. *Quintò*. Qui de sacrilegis, blasphemis, lascivis, & aliis malis cogitationibus, aut tentationibus

bus

bus finè suo consensu, imò cum sua molestia, consequenter absque peccato habitis se accusant, & dum hoc faciunt, seipsos non rarò excruciant, vexant, inquietant, anas ad novas tentationes præbent, Confessario tædio sunt, & tempus auferunt; quapropter non expedit, ea confiteri, si vel finè advertentia, vel finè consensu nostro habentur; nisi quando forsan subinde id necesse sit pro instructione, vel consolatione nostra à Confessario capienda, aut ad agnoscendum statum poenitentis. In quo sensu intelligendus est S. Bonaventura in *Specul. discipl. part. 1. cap. 9.* dicens: *Tentationes suas, & cogitationes malas nulla ratione occultent.*

75. V. Conditio est, ut sit *integra*, id est, ut saltem omnia peccata mortalia, quæ post debitum, & diligens examen memoriæ occurrunt, secundum numerum, & speciem, ac etiam circumstantias speciem mutantes, sincerè proponantur, nisi impossibilitas, vel alia sufficiens causa excuset, prout sæpe contingit tempore infirmitatis, perplexitatis, & ignorantia; tunc enim necessariò non requiritur Confessio *materialiter integra*, id est,

de omnibus mortalibus memoriæ occurrentibus, hoc ipso, quòd physicè vel moraliter impossibile censeatur; sed sufficit *integra formaliter*, id est, talis, qua quis taliter confitetur, qualiter sibi physicè, vel moraliter possibile est. Circumstantias aggravantes peccatum, speciem tamen non mutantes, confiteri, quamvis laudabile, meritorium, ac magis securum sit, tamen absolute necessarium non est.

76. Cæterum, ut Confessio saltem formaliter sit *integra*, ita necesse est, ut, qui vel unicum peccatum mortale scienter, & culpabiliter nimirum finè causa sufficienter excusante omitteret, non tantum nulliter confiteretur, sed novum gravissimum peccatum sacrilegii, committeret; pro consolatione tamen circa integritatem Confessionis revide dicta paulò ante *num. 64.* Plura de integritate confessionis dicenda, ad Theologiam differuntur; quia hic principalis finis est, Ascetin, Theologiæ tamen conformem, docere.

77. VI. Conditio est, ut fiat *sæpe*, seu, ut sit *frequens*: quamvis enim etiam in peccatis mortalibus existens præcepto confitend

tendi satisfaceret, si saltem semel in anno confiteretur (nisi in articulo mortis, aut probabili periculo ejusdem ex quacunque demum causa existat, vel debeat celebrare; in his enim casibus sub gravi peccato quivis confiteri tenetur, qui gravis peccati sibi conscius, copiam Confessarii habet) attamen utilissimum, summè laudabile, & meritum, imò ad assequendam perfectionem quasi moraliter necessarium est, sæpius confiteri etiam sola venialia, prout constat ex dictis.

78. Quæritur III. Qualiter in praxi actualis aliqua confessio fieri valeat? Resp. Charissimi! ut hucusque dicta magis capiat, faciliusque, & perfectius in opus deducatis, ecce! exhibentur vobis hæc perfectæ formulæ practicæ de cunctis requisitis, ipsaque confessione, unà cum modo ritè incipiendi, & terminandi Confessionem.

79. Itaque, quando confiteri vis, prius in tua cella coram Crucifixo, vel in Choro, aut Oratorio coram Venerabili, aut certè in alio, à distractionibus separato loco, quantum fieri potest, memor præsentis DEI, in ge-

nua humillimè provolutus, ante omnia fac

I. Bonam intentionem, & exactè confitendi propositum.

II. Invoca auxilium Divinum.

III. Examina conscientiam.

IV. Elice contritionem cum firmo proposito, & spe veniæ, tali vel simili modò.

Intentio.

50. **O** Imense, Misericordissime DEUS! Ecce venio ad te iterum vilissima, peccatorum maculis deturpata, abominabilis, conspectu tuo indignissima, ingratiissima creatura, & ad pedes Divinæ Majestatis tuæ humillimè prostratus fateor, quòd rursus peccaverim, & infinitam tuam bonitatem offenderim, sed quoniam scio, quòd non velis mortem peccatoris, sed ut convertatur, & vivat, animaque illius à peccatorum maculis quantocius mundata, tibi iterum grata reddatur, summopere desideres, & ad hunc finem mirabile Pœnitentiæ Sacramentum, omnium peccatorum extinctivum institueris, nil aliud exigens, quàm ut peccator se humiliet, cordèque contrito & humiliato, ac firmo emendationis pro-

PO-

posito peccata sua confiteatur; ideo infinitæ Bonitatis tuæ desiderio satisfacturus, ex amore erga te, & odio erga me, & peccata mea, ad laudem, & gloriam tuam, ad meum verò contemptum, & confusionem, confitebor adversum me injustitiam meam, & omni possibili reverentia, humiliate, contritione, proposito, & fiducia, omnique perfectione à te requisita; Pœnitentiæ Sacramentum suscipere intendo, ac propono.

Invocatio.

81. Quoniam verò optimè nōsti Clementissime DEUS, quòd sinè gratia tua prorsus nil boni valeam, ideo rogo te humillimè per tuam infinitam bonitatem, & misericordiam, per merita, & Nomen JESU Christi, da mihi gratiam, ut cuncta mea contra te commissa peccata plenè cognoscere, de iis perfectè dolere, eadèmq; exactè confiteri, & imposterum vitare, atque reliquos fructus hujus Sacramenti percipere valeam.

Ad quem finem ad te quoque confugio, tuumque patrociniū imploro, Mater misericordiar, Refugium peccatorum,

Neudecker Pars Prior.

immaculatè concepta, ter admirabilis Virgo, & Mater Deui Maria.

Tu etiam auxiliò, & patrociniò assiste fidelissime mi Angele Custos, vósque electi, & dilecti Patroni mei, Sanctique DEI omnes, præsertim tu N. cujus festum Ecclesia militans in terris, & triumphans in coelis hodie colit.

Facto dein examine, habitaque memoriâ, & cognitione, saltem in genere, & in confuso, de peccatis, & malitiosa vitâ, nec non de peccatis à proxima Confessione, sequitur brevis consideratio ad contritionem, ac mox subjungitur ipsa contritio cum proposito.

Contritio, & Propositum.

82. O Stultitia, & iniquitas! ô impia, ingrata, scelestâ creatura, quid fecisti? Ah! peccavi, erravi, stultè, iniquè, impiè egi, & malum infinitum coram te feci, toties, tantòperè, & taliter per vitam meam, ac de novo (si à proxima Confessione alicujus peccati denuo te reum invenis) offendendò te amandissimum DEUM meum, summum ac infinitum Bonum, quem ex infinitis titulis super

T

om-

omnia diligere semper debuifsem, prout ex nunc super omnia amo, & in æternum amabo, atque ex amore erga te summè doleo, & ex corde poenitet me, quòd unquam offenderim te. O utinam nunquam te offendissem! ô utinam nunquam peccàssem! ô amandissime DEUS, si facere possem, quòd te nunquam offendissem, paratissimus essem, statim hoc momento omnes poenas, & omnia mala, ipsamque mortem cum tua gratia sustinere; quia revera quodvis, etiam minimum peccatum, utpote tuæ infinitæ bonitatis offensam, majus, quàm omne aliud excogitabile malum reputo. Hinc etiam omnia & singula mea peccata super omne aliud malum detestor, abominor, & averfor; simulque firmissimè, & efficaciter propono, potius mori, & omnia mundi mala sustinere, quàm semel adhuc; vel etiam levissimè te DEUM meum deliberatè offendere. Juravi, & statui custodire judicia justitiæ tuæ; custodiam legem tuam semper in sæculum; & in sæculum sæculi. Imposterum Portio mea Domine, dixi custodire legem tuam.

Nec tamen in hoc quantumvis firmo proposito, vel ullis aliis viribus, sed in auxilio, & gratiæ tuæ præcipuè confido; quia sinè hac me nil quàm errare, & peccare posse agnosco, & confiteor; cum illa verò me non ampliùs peccaturum firmiter spero.

Quapropter, quia poenitenti & revertenti veniam, & gratiam promisisti, corde contrito, & humiliato, fiduciaque plenus ad te clamo, DEUS propitius esto mihi peccatori, da veniam de præteritis, & da gratiam vitandi peccata in futurum, quam utramque per infinitam tuam bonitatem, misericordiam, & veritatem, per merita, & mortem JESU Christi humillimè imploro, ac firmissimè spero.

Breviores Actus.

Intentio.

83. ○ Misericordissime DEUS! ecce ad te venio iterum creatura ingratiſſima, peccatorum maxima, & quia scio, quòd velis, & summè desideres, ut peccator etiam post mille lapsus revertatur, poenitentiam agat, peccata sua humiliter confiteatur, & per Sacramentum

Pœ-

Poenitentia à peccatis commissis solvatur, contra futura firmetur, ac confortetur; hinc infinita bonitatis tuæ desiderio satisfactorius, ex amore erga te, & odio erga me, ad tuam gloriam, & meam confusionem humillimè confitebor adversum me injustitiam meam, & Poenitentia Sacramentum omni à te requisita perfectione suscipere intendo, ac propono.

Invocatio.

84. VErùm, quia sine te prorsus nil boni valeo, ideo per tuam infinitam Bonitatem, & Nomen JESU Christi humillimè rogo, da mihi gratiam peccata mea perfectè cognoscendi, de iis corde contrito dolendi, eaque confitendi, & emendandi.

Contritio, & Propositum.

85. O Infania, & malitia, quid feci? Ah peccavi, impiegi, & malum coram te feci, toties, & taliter offendendò te DEUM meum, summum ac infinitum Bonum, quem innumeris de causis super omnia amare debuissèm, prout jam amo, & in æternum amabo, atque ex amore summè doleo, & ex corde

poenitet me, quòd unquam offenderim te; O utinam id factum nunquam fuisset! Verùm non ampliùs fiet; firmissimè enim propono, & statuo, cum gratia tua, in qua sola confido, & quam humillimè imploro, potius mori, & omnia mala sustinere, quàm te adhuc offendere; quia etiam minimam offensam tuam majus, quàm omne aliud malum reputo, ac super omne aliud malum detestor, & abominor: quapropter corde contrito, & humiliato ad te clamo, DEUS propitius esto peccatori, quod per infinitam tuam Bonitatem, & Misericordiam, ac Merita Christi firmissimè spero.

Facta intentione, invocatione, examine, & contritione, tanquam proxima præparatione, accede Confessarium, & confitere sequenti modò.

86. Videlicet memor intentionis tuæ, ac præsentia Divinæ, interna, & externa humilitate ac reverentiâ, erectis, & junctis manibus, demissis oculis, modestè Confessarium accede, & veniens ad illum, coram eodem tanquam DEI vices tenente, profundam corporis inclinationem

nem humiliter exhibe, statimque genuflexus devotè pete Benedictionem à Confessario dicendò: *Benedicite Reverende Pater: dum Confessarius benedictionem impertitur, tu quoque devotè forma crucem dicendò: In Nomine Patris, & Filii, & Spiritus Sancti. Amen.* & memor Divinæ præsentia, cogitansque, quòd DEO potiùs, quàm homini loquaris, priùs coram eodem præsentissimo DEO, B. V. Maria, & tota coelesti Curia spectante, ac tandem coram Sacerdote, DEI locum tenente, de peccatis in genere seriò, & humillimè te accusa, dicens devotè & attentè illud ab Ecclesia institutum *Confiteor DEO Omnipotenti, B. Maria semper Virgini &c.* usque ad illa verba inclusivè: *Mea culpa, mea culpa, mea maxima culpa;* juxta doctrinam S. Bonaventuræ in *Reg. Novitior. cap. 3.* quibùs dictis erigens te adde; *specialiter autem me accuso de peccatis à proxima Confessione, quam feci* (hìc indica tempus ultimæ Confessionis, e. g. *quam feci ante tres dies, vel praterita die Dominica, vel feria quintà, vel in hoc festo, vel ill*) dein continuans semper memoriam præsentis DEI, humiliter & simpliciter, discretè & bre-

viter secundùm numerum & speciem, atque circumstantias debitas juxta dicta à num. 51. enarra peccata post ultimam Confessionem commissa: cujusmodi enarrationis formas pro majori captu habes paulò infra à num. 97.

87. Si subinde ab ultima Confessione nullius certi, etiam venialis cum requisita ad illud saltem semiplena, vel aliquali advertentia commissi peccati reum te scis (prout non rarò contingit illis, qui virtuti & perfectioni debitè student) aliquas imperfectiones confitere, & id, de quo forsàn dubitas, an sit aliquod peccatum saltem veniale, vel non: quibus enarratis pro majori securitate, ut nempe certa habeatur materia absolutionis, adde unum, vel alterum, præsertim verò tui confusivum ex antiquis jam confessis peccatis, dicendò: *Accuso me etiam de olim jam commissis & confesso, vel commissis & confessis peccatis, videlicet, quòd e. g. in seculo adhuc commiserim, pro dolor! &c.*

88. Quòd si per DEI gratiam etiam imperfectionum, aut dubiorum & incertorum peccatorum venialium te reum non invenis, aut in iis inveniendis, vel pro-

proponendis difficultatem habes, & nihilominus ex præscripto Superiorum, aut Statutorum confiteri debes, poteris absque ulla enarratione commissorum, aut omissorum à proxima Confessione, statim te accusare de uno, vel pluribus ex antiquis confessis peccatis; quòd si facis, tunc illa verba, *specialiter autem me accuso de peccatis à proxima Confessione commissis*, omittere, & loco ipsorum statim post illa verba, *mea maxima culpa*, dicere debes: *Et quamvis per DEI gratiam alicujus certi peccati reum me non sciam, tamen me accuso de peccato, vel peccatis, olim jam commissis, & confesso, vel commissis, & confessis, videlicet &c.*

89. Porro, si confiteris ordinario Confessario, vel tali, cui alias jam unum vel plura certa, saltem venialia confessus es peccata, necesse non est, aliqua ex antiquis addere, etiamsi certum aliquod veniale peccatum non habeas; sed poteris enarratis quibusdam imperfectionibus, vel defectibus, aut incertis peccatis venialibus statim solitam generalem accusationem de omnibus peccatis addere; hoc ipso enim, quòd juxta statim infra

dicenda, in quavis Confessione addatur etiam Confessio universalis de omnibus peccatis per totam vitam commissis, includuntur etiam peccata olim in specie confessa tali Confessario; consequenter talis Confessarius jam scit, & habet certam, ac etiam specificam materiam absolutionis. Accedit, quòd juxta Tamburinum *Tract. 2. in quinque Præc. Eccl. cap. 10. n. 3. & seqq.* pluriùmq; aliorum securam doctrinam, sola generalis accusatio de peccatis in Confessione facta, sit sufficiens materia absolutionis, casu quo, alicujus peccati mortalis nondum confessi, quis se reum non scit. Quod ad tollendos scrupulos nonnullorum circa materiam absolutionis addere placuit.

90. Cæterùm enarratis peccatis, à proxima Confessione, vel antea commissis, ob majorem securitatem, magnamque inde sequentem utilitatem ac meritum, subjunge semper clausulam, in qua continetur brevis universalis accusatio de omnibus peccatis per totam vitam commissis, brevisque de illis omnibus contritio, cum expresso proposito, & spe veniæ dicendò:

De his, & omnibus aliis peccatis meis à primo usu rationis hucusque commissis, etiam jam confessis, oblitis, occultis, propriis, & alienis, qualiter coram oculis Divinae Majestatis sum reus, me denuo humillimè accuso, & summè dolco, præcipuè quia DEUM meum, quem super omnia diligo, offendi, eaque propterea super omne malum desestor, vitare cum gratia Divina firmissimè propono, & veniam eorundem spero. Deinde rursus inclinatus perge: Ideo precor B. Mariam semper Virginem, B. Michaëlem Archangelum, B. Joannem Baptistam, SS. Apostolos Petrum & Paulum, B. P. Franciscum, omnes Sanctos, & te Pater orare pro me ad Dominum DEUM nostrum, petoque humillimè salutarem penitentiam, & absolutionem.

91. Debent autem breviores hi finita Confessione eliciendi adhuc non tepidè, & obiter, vel properanter ad modum psittaci recitari, sed ex sincero, humili, & contrito, simulque fiduciali corde pronuntiari, quò, si pròferuntur, magnam efficaciam habent, magnamque securitatem præstant, & augmentum meritorum: hoc ipso enim, quò quis de omnibus peccatis in genere se denuo accuset, & doleat, de omnibus etiam oblitis, &

ignotis saltem indirectè absolvi-
tur, & certam aliquam remissio-
nem poenæ pro eis debita, nec
non augmentum gratiæ & me-
riti consequitur, ac insuper secu-
ram Confessionem reddit, ita,
ut, si forsan ex defectu temporis
minùs dispositus, e. g. absque suf-
ficienti contritione, & propo-
sito ad confitendum accessisset,
his actibus defectum suppleret.

92. Petita modò præfatò poe-
nitentiâ, & absolutione, erige te;
magnâque cum reverentia, &
humilitatè, quasi à DEO audi in-
structionem, adhortationem,
correctionem (si quam dat) &
poenitentiam à Confessario DEI
vices agente, paratus non tan-
tùm hanc perfolvere, sed etiam
illam cordi imprimere, & bene
observare.

Perceptis poenitentia, & aliis
Confessarii verbis, rursus incli-
na te, & sine omni reflexione
& cura, an omnia ritè confessus
sis, nec non absque alia anxietate
inter breves deprecationis
nempe, contritionis, & fiduciæ
actus absolutionem expecta, ac
recipe, e. g. Misericordissime
DEUS! miserere mei secundùm
magnam misericordiam tuam,
& per sanguinem JESU Christi
Filii

Fili tui dele iniquitatem meam, amplius lava me ab iniquitate mea, & à peccatis meis munda me &c. Ecce enim adhuc summe doleo, quòd te DEUM meum, quem super omnia diligo, unquam offenderim. Juro & statuo cum gratia tua non amplius peccare: & per tuam infinitam misericordiam, Christi merita, virtutemque hujus Sacramenti, remissionem ac veniam peccatorum firmiter credo & spero. DEUS propitius esto mihi peccatori.

93. Accepta absolutione benedictionem à Confessario repetite, dicendò: *Benedicite*. Mox surge, & factà Confessario reverentià, modèstè, ut prius accessisti, & consolatè recede, ac, si fieri potest, statim ad locum debitum te confer, peracturus ibidem, præter alios congruos actus, poenitentiam injunctam.

94. Enimverò post Confessionem summè decens, securum, & utile est, ut persolutio poenitentiae non differatur, sed statim unà cum aliis convenientibus, DEOque gratis actibus persolvatur. Quapropter finita Confessione in loco apto sequentes breviter exerceas actus; videli-

cet: I. Gratiàs debitas age. II. Propositum renova, & specialia etiam circa vitandas occasiones elice. III. Gratiàm emendationis cum diffidentia tui, & confidentia in DEUM denuo implo-
ra. IV. Poenitentiam statim adimple, ita, ut eam sinè justa causa nunquam differas; vel ex justa causa dilatam proxima occasione perficias. Cui quivis propriam aliquam saltem levem sui mortificationem pro devotione, & libitu suo addere potest. Porro, ut præfatos actus eò melius formare discas, sub-
jungitur

Exemplar Actuum post Confessionem.

95. **O** Pater Misericordiarum, & DEUS totius consolationis, humillimas, & omnes possibiles ex toto corde ago gratias pro infinita tua bonitate, & clementia, qua mihi ingratiſſimæ, & vilissimæ creaturæ, peccatori maximo iterum pepercisti, toties rebeli, & infideli spatium poenitentiae concessisti, & me Sacramenti Poenitentiae participationem effecisti, virtutèque illius miseram animam meam à peccatorum maculis rursus mundasti,

dāsti, novā grātiā ornāsti, & confortāsti, pœnāsque mihi debitas remisisti. Benedicta in æternum sit infinita tua Bonitas, qua mirabile hoc misericordiæ Sacramentum per JESUM Christum Filium tuum instituire, & per merita ejusdem tantam virtutem illi conferre dignatus es.

Confirma hoc DEUS, quod per sanctissimum istud Sacramentum in me operari dignatus es; da gratiam, ne amplius peccem, & fac, ut potius moriar, vel omni malo obruar, quàm quod te adhuc semel deliberatè offendam.

Ecce enim omne peccatum, utpote infinitam tui offensam super omne malum detestor, & abominor, atque ex corde poenitet me, quod unquam offenderim te. Propono firmissimè magis milles mori, quàm te semel adhuc advertenter offendere. Juravi, & statui custodire mandata justitiæ tuæ, observabo me ab iniquitate mea, & custodiam legem tuam semper in sæculum, & in sæculum sæculi; specialiter autem N.N. faciam, vel omittam, vigilabo, attendam,

& vim mihi inferam, idque omnino cum gratia tua, in qua sola confido, illamque per infinitam tuam bonitatem, & misericordiam, ac merita Christi humillimè invoco; quia sine illa prorsus nihil, cum illa autem omnia possum, cui innitens dixi, nunc coepi.

Et quia vis, ac tibi placet, nunc statim poenitentiam impositam, humillimè perficiam; & quamvis illam peccatis meis penitus improporcionatam agnoscam, tamen, quia à Sacerdotè tui nominè imposita, & tanquam pars Sacramenti existens, virtutem suam ex infinitis meritis Christi habet, per eandem etiam remissionem poenarum spero; & sperans ad te clamo: DEUS propitius esto mihi peccatori.

96. Ut autem in actu exercitò, etiam videatis Charissimi! quomodo juxta dicta supra & recensitas conditiones, peccata in Confessione proponere possitis, ac debeatis, subjunguntur pro faciliiori captu formula quædam Confessionis actualis, pro quibus

ut

§. IV.

*Appendix variarum formularum Confessionis, cum principis
præcticus de Confessione ordinaria.*

Confessio alicujus certum
peccatum non habentis.

97. *Benedicite Reverende Pater.
In Nomine Patris, & Filii,
& Spiritus Sancti. Amen.*

Confiteor &c. ut supra num. 86.
Et quamvis à præterita Confessione per DEI gratiam nullius certi peccati reum me sciam, tamen confiteor, quod olim sæpe etiam cum advertentia fuerim mentitus, vanè me jactaverim, ultra naturæ necessitatem ex sola voluptate comederim, & biberim, de quibus, & omnibus aliis à primo usu rationis hucusque &c. ut supra num. 90.

Alia Confessio alicujus non nisi imperfectiones, aut dubia, vel incerta peccata habentis.

98. *Confiteor* &c. *specialiter autem me accuso à proxima Confessione, quam feci præterita die Dominica:*

DEI, ac præsentis ejus fui sæpius immemor.

Contra proximum bis in re
Nudecker Pars Prior.

levi, non tamen sine causa, suspicatus fui.

Una vel altera vice cogitationibus, & curis profanis ex inadvertentia aliquantum fui immoratus.

Levis impatientiæ, & indignationis motus passus, dubito, an sufficienter resisterim, bis.

De DEO, & rebus Divinis absque debita reverentia fui locutus semel.

Ter in re levi, & semel in gravi, plenè tamen notoriâ, & absque damno, locutus sum de proximo.

Inconsideratè, ac superflue locutus sum bis: semel discursum habui ex solo motivo temporali, & semel ex respectu humano, magis attenderis, ut placeam, vel ne displiceam homini, quàm DEO, absque tamen advertentia mali.

Contra modestiam Religiosam satis elata voce verba bis protuli, & toties contra civilitatem Religiosam.

In recitandis Horis Canonicis sapius, & quidem semel per satis

U

nota-

notabile tempus fui distractus, & dubito, an non causam culpabilem distractionibus dederim, vel an sufficienter restiterim.

Precibus meis consuetis semel ferè nullam, & bis satis tepidam præmissi præparationem, ex quo illas satis irreverenter, ac indevote persolvi: semel etiam aliquam partem de precibus vi Statutorum debitis, ex inordinato erga aliud negotium affectu, omisi.

Aliquem cibum nimis avidè comedi, soli inhians saporì, absque tamen advertentia mali.

Una, & altera vice incepti aliquid, vel continuavi, absque fine supernaturali.

Alìcui inspirationi Divinæ ad mortificandum me in certo genere non obtemperavi.

In studio perfectionis, & virtutum debitam diligentiam, & conatum non adhibui.

Accuso me etiam de jam confessis peccatis, videlicet, quòd olim &c.

De his, & omnibus &c. ut supra *num. 90.*

Confessio certa peccata venialia unà cum imperfectioribus habentis.

99. *Confiteor &c. specialiter autem me accuso à proxima Confessione, quam ante tres dies peregi.*

Una die ex inordinato erga certum negotium affectu nimium distractus, DEI, & præsentia ejus multum immemor, mentem rarò ad DEum levavi.

In certa aliqua afflictione minus resignatus Divinæ voluntati, satis tristis, pusillanimis, ac turbatus fui ferè per mediam horam.

Contra proximum bis habui levem aversionem, & internam impatientiam, per medium circiter quadrantem.

Profanis cogitationibus, de cura, & sollicitudine hujus sæculi una vice medium, alia vice integrum perdidì quadrantem temporis &c.

De laude mihi attributa semel gavissus, & semel ob contemptum mihi irrogatum parum tristis fui, utique ex superbia.

De rebus sacris, & piis actibus jocosè fui locutus semel.

Verba S. Scripturæ ad jocosa, & sensum profanum adhibui, pro-



probabiliter cum scandalo aliorum, exinde forsan subsecuto.

Proximum mordaciter, punctorie vexavi bis, & semel verbis contendi cum ipso, subsecuta mea, & ipsius impatientia, ac indignatione.

Malè loquentes de proximo in re levi ex respectu, & timore humano non correxi, nec discursum averti, cum bene potuisssem, ter: bis etiam libenter, & aliqua cum complacentia audivi eos.

Me ipsum vanè jactavi, semel de spiritualibus, & bis de profanis actibus.

Mendacium jocosum semel, & officiosum quinquies dixi.

Verba superflua & otiosa inconsideratè protuli aliquoties.

Tempore silentii garrivi bina vice.

In persolvendis meis horis Canonicis, & aliis precibus, plerumque aliquas distractiones, minus tamen advertenter habui: semel verò Vesperas cum Completorio valde distractè, ac indevotè recitavi.

Horas Minores bis absque legitima causa usque ad noctem distuli, & semel inverso ordine persolvi.

Ex negligentia lustrandi Directorium, & Rubricas, semel recitavi incompetentes Lectiones, & bis omisi commemorationem.

Ex somnolentia semel generale, & bis omisi particulare examen.

Meditationem semel valde tepidè, ac luridè inter multas distractiones peregi, magna cum negligentia repellendi distractiones, & excitandi me ad debitam devotionem.

Confratri pro auxilio roganti in re levi, ex aliqua aversione, charitatis obsequium denegavi semel; & bis, dum monendò à confusione, & poena cum eripere potuisssem, omisi.

Bis levem excessum feci in cibo, & potu, cum subsecuta minore dispositione ad mea peragenda, longiori somnò, & jacturà temporis.

Semel mediam horam otio, & bina vice integram horam superfluo somnò consumpsi.

Tribus distinctis vicibus quinque ferè horas perdididi legendò librum quendam ex sola curiositate, & inclinatione naturali.

Præscripta obedientia, & officii

ficii mei munera satis luride, & perfunctorie peregi quater.

Bis in operibus meis habui vanam complacentiam, & semel intendi vanam gloriam.

Statuta absque justa causa transgressus fui quinquies, & semel præceptum Superioris localis in re levi; & sic scandalo fui aliis, utpote propterea idem etiam facientibus.

Divinis inspirationibus aliquoties locum non dedi.

De his, & omnibus aliis &c. ut supra num. 90.

Confessio valde luridi, & tepidi, indeque in periculoso statu existentis, sincerè tamen confitentis, & propterea aliquam spem adhuc habentis Religiosi.

100. Confiteor &c. specialiter autem me accuso à proxima Confessione, quam ante quatuordecim dies peregi.

Per totum hoc tempus nunquam, vel rarissime, & non nisi obiter, ac sine reverentia, & devotione, DEI, Divinæque præsentiae ejus fui memor.

Cogitationes, & curas profanas, sæculares, & inutiles, quotidie sæpius habui, & voluntarie us immoratus fui, bonis vel non

admissis, vel statim iterum dimissis.

Confratri meo per duos dies verè invidus fui, quòd magis æstimeretur, & ametur, quàm ego.

Ob levissimam injuriam mihi illatam, diu rancorem, & cogitationes vindictæ, non tamen gravis, in corde per quadrantem fovi contra illum, cùmque internè contempni.

Quater in re levi, & ter in gravi, absque sufficienti causa suspicatus fui de proximo, firmum tamen judicium non tuli.

Quoties adversitas aliqua, etiam modica, aut verbum, vel à longè contrarium mihi obvenit, semper impatiens, indignatus, aut iratus, & conturbatus fui.

Contra Superiorem quoque bis impatiens fui, & internè murmuravi contra illum, dum me etiam justa de causa, & discretè correxit.

Ambitiosis cogitationibus, & desideriis aliquoties voluntarie locum dedi, sed absque advertentia mali gravis.

Sæpius vanam complacentiam habui, & aliquoties vanam gloriam concupivi.

Juravi absque urgenti causa
his, non tamen falso.

Aliorum devotiones, pia exercitia, & religiosos mores irrisi, & contemptim de eis locutus sum quinquies.

In quovis ferè discursu contra charitatem proximi, leviter saltem, locutus fui, & actiones aliorum traduxi: semel etiam de uno, & bis de alio grave, ac prius occultum delictum, ex relatione tamen aliorum narraui.

Contra Superiorem leviter murmuravi sexies, graviter bis.

In quovis discursu plerumque verba non nisi inutilia, & superflua protuli, idque clamorose, & absque ulla modestia, & mansuetudine religiosa.

Discursum spiritualem nec institui, nec audire volui unquam, fugiens illos, & hypocritas, ac devotulos vocans, qui de rebus spiritualibus loquebantur.

Sapenumero etiam directè, & indirectè me jactavi, ac mentitus fui.

Semel etiam verba minùs casta, sed vexatoriè tantum dixi.

Alios ad varias transgressionem leves induxi, & in eis confortavi.

Horis meis Canonicis ordi-

nariè vel nullam, vel omnino tepidam præparationem præmissi, easque ferè omnes tepide, indevote, ac plenus distractionibus, etiam voluntariis, persolvi, aut certè negligentissimus fui in præcavendis, ac repellendis distractionibus.

Ordinariè etiam valde deperanter, & sincopandò subinde verba, eas persolvi.

Passim etiam sub iisdem curiose circumspexi, alia egi, & cum aliis locutus fui.

Meditationem aliquoties frivola, vel ficta ex causa subterfugi, vel solum ex parte peregi, ter etiam vel quater circiter sub ea dormivi, vel alias profanas cogitationes fovi.

Cuncta mea, etiam obedientiæ opera, à potiori absque ulla bona intentione, præcisè ex tepida consuetudine, & servili timore, vel respectu humano, aut inclinatione naturali, vel motivo temporali, vel alias negligenter, ac perfunctoriè perfeci.

Alienis etiam secularibus negotiis ultro me immiscui, propriis neglectis, bis.

Præceptum Superioris quater, Statuta autem passim transgressus fui.

Ter absque licentia Superioris aliqua munuscula, non tamen in magna quantitate procuravi, & acceptavi.

In comedendo, & bibendo immemor omnis intentionis supernaturalis, solum semper attendi voluptatem, & ordinariè aliquem excessum feci cum levi saltem detrimento sanitatis.

Quotidie notabile temporis spatium diversis distinctis vicibus malè peridi, otian dò, dormiendò, inutiliter discurrendò, & inutilia agendò.

Statui, & muneri meo necessariam scientiam acquirendi, debitum conatum, & diligentiam non adhibui, ita, ut etiamnum caream necessariâ notitiâ Regulæ, ac Declarationis ejus, quibus etiam, dum leguntur, non attendo; Rubricarum item, & aliorum necessariorum ignorantia satis notabili laboro.

In acquirendis virtutibus, & perfectione, ferè nullum conatum, aut diligentiam adhibeo; nec aliquam vim mihi infero, nec mortificationem internam, nec externam exerceo, sed juxta passiones, & inclinationes procedens, omnino tepidam, & imperfectam vitam duco, verè in-

dignus, quod sacrum habitum portem, & in tam sancta Religione existam.

De his, & omnibus &c. ut supra num. 90.

Ex hæcenus recensitis confitendi formulis facillè intelligitis, qualiter juxta conditiones 2^æ 51. propositas, peccata vestra confiteri, & enarrare possitis, ac debeat. Solum pro præstita doctrina restant adducenda.

Principia practica

Circa Confessionem ordinariam.

Principium I.

101. OMnem adhibere diligentiam, & conatum acquirendi habitum debite, & exactè faciendæ Confessionem Sacramentalem, & deponendi imperfectam consuetudinem contrariam.

Principium II.

102. IN Confessione peragenda potissimam curam, & tempus impendere eliciendæ perfectæ contritionis, & exacto proposito.

Prin.

Principium III.

103. **S**umme cavere, ne per Confessionem, & confitendi modum, laudem, & æstimationem apud Confessarium intendamus, vel ne ejusmodi æstimationis jacturam timeamus: & e contra sincere intendere, ac, quantum salva veritate licet, ita se accusare, ut saltem

apud Confessarium verè confundamur, & vilipendamus.

Principium IV.

104. **T**Radita hucusque de Confessione, & requisitis ejus, ac præcipue de illò, in quo adhuc deficiamus, sæpius, & tam diu legere, & relegere, donec in perfectam praxin, & habitum deducantur.



C A P U T VII.

De Confessione Sacramentali extraordinaria.

§. I.

De Confessione Generali & Annuali.

Quæritur I. Quid, & quotuplex sit Confessio Generalis? Resp. Confessio Generalis est legitima sui accusatio de propriis peccatis à tota vita, vel ab aliquibus annis facta Sacerdoti, ad obtinendam eorum remissionem. Hæc descriptio partim ex dictis, partim ex ipsis terminis patet. Solum notandum

2. Quod dicatur, à tota vita, vel ab aliquibus annis facta: quia duplex est, vel dupliciter fieri potest Confessio Generalis, videlicet, vel à tota vita, seu à pueritia, id est, à primo usu rationis, quantum, & quousque quis recordatur. Et hæc magis propria dicitur Confessio Generalis. Deinde, ab aliquibus annis, ut, si Religiosus instituit Confessionem ab ingressu in Religionem usque

usque ad Sacerdotium, quod suscipere intendit: vel à Sacerdotio usque ad Ordinis Prælatum, quæ ei nunc imponitur: vel ab ultima Confessione Generali. Et huiusmodi minus proprie est, & dicitur Confessio Generalis.

3. Quæritur II. An, & quibus necessaria sit Confessio generalis? Resp. Quamvis non omnibus, tamen aliquibus absolute necessaria est Confessio Generalis, illis nempe, qui præteritas Confessiones ordinarias omnes, vel aliquas sacrilegè, & invadè fecerunt, & g. quia absque legitima causa scienter & voluntarie ex verecundia, vel timore unum, vel plura peccata mortalia in Confessione reticuerunt, aut minorem numerum dixerunt; vel necessarias circumstantias speciem mutantibus non expresserunt; vel quia peccata gravia palliarunt, aut excusarunt, ad hoc, ut levia apparerent Confessario; vel quia non habuerunt sufficientem contritionem, aut sufficiens propositum vitandi non tantum peccata, sed etiam proximas occasiones; vel quia à Sacerdote non habente jurisdictionem, seu potestatem absol-

vedi, & consequenter invalide fuerunt absoluti &c. quæ omnia plenius patebunt in Theologia.

4. Quæritur III. An, quibus, & quoties utilis, ac consequenter suadenda, vel concedenda sit Confessio Generalis? Resp. I. Licet juxta dicta, Confessio Generalis omnibus necessaria non sit, tamen omnibus summe utilis, & DEO summe accepta est. Ita sentiunt omnes Theologi, & Auctores, idque ob multiplicem rationem; nam.

I. Per eam quis ad utilissimam sui cognitionem devenit.

II. Per illam, dicitur ingenium, summeque meritum, & DEO gratissimum actum humilitatis, magna sui mortificatione, & victoria exercet; dum confitens resistente totâ superbâ naturâ, & naturali verecundia, omnes suos etiam occultissimos internos, & externos defectus, malitiam & nequitiam, ad sui confusionem, & contemptum propter DELUM sincere detegit.

6. III. Ad eam major, & perfectior sit dispositio, ipsaque necessaria ad Sacramentum Pœnitentiæ requisita, præsertim contritio, & propositum perfectius afferuntur; hoc ipso enim, quod quis

quis multitudinem, & gravitatem suorum peccatorum in simul videat, majores, & plures causas dolendi, poenitendi, & se emendandi habet, indèque ad majorem contritionem, & efficacius propositum movetur.

7. Hinc IV. ad efficacissima, & heroica proposita, ad exuendum totaliter antiquum hominem cum malis habitibus suis, & induendum novum, admodum servit, præsertim, quia intuitu illius DEUS etiam speciales gratias largiri solet.

8. V. Confert copiosum augmentum gratiæ & meriti, poenàsque peccatis debitas, vel ex toto delet, vel plurimum minuit, idque ex opere operato; si enim Confessio ordinaria in aliquo gradu id præstat, juxta dicta *Cap. preced. n. 7.* longè perfectius id efficiet Confessio Generalis, utpote majori cum dispositione, majori cum perfectione, & majoribus cum virtutibus fieri solita.

9. VI. Magnam, & optatissimam affert securitatem, & quietem conscientiæ, eamque liberat ab illa odiosa anxietate, an quis omnia ritè confessus sit, & à periculosa obligatione scrutandi,

vel indagandi, an non aliqua adhuc lateant, vel confitendi, quæ postea incidunt; siquidem hoc ipso, quòd juxta dicta ad Confessionem Generalem major, aut perfectior dispositio, ac præparatio fiat; ipsaque necessaria requisita perfectius præmittantur, simulque specialiter assistat DEUS; longè certius, & securius, imò moraliter certò habetur valor, & effectus Sacramenti, consequenter certa remissio omnium peccatorum, etiam pro tunc oblatorum, & incognitorum, vel ex ignorantia inculpabili, vel bona fide; aut erroneâ conscientiâ in Confessione Generali quoque non debirè, aut non cum aliàs necessariis circumstantiis propositorum, item illorum, à quibus quis necdum est absolutus, invalidis forsan ex defectu contritionis, propositi, jurisdictionis &c. existentibus pluribus Confessionibus; uno verbo, prorsus omnium, & singulorum peccatorum.

10. Accedit, quòd, qui semel à tota vita sua fecit Confessionem Generalem, præmissa conscientiæ discussione, seu examine debito, & sufficienti, (id est, facto mediocri saltem, vel tali cum dili-

diligentia, quam aliàs in negotio alicujus momenti, adhibere vir prudens solet) non teneatur amplius cogitare de antea facta vita, nec indagare, scrutari, vel recordari, an nullius oblitus fuerit, an nil omiserit, vel an omnia debite, debitoque cum numero, & necessariis circumstantiis confessus fuerit &c. imò non expedit, ut hoc faciat. Quòd si ultro occurrant, vel subito, vel occasionaliter incidant aliqua peccata, & nescit quis, vel non amplius recordatur, aut dubitat, an in Confessione Generali confessus fuerit, nec ne, vel an cum debito numero, aut necessariis circumstantiis proposuerit, non tenetur ulterius se examinare, aut de veritate scrutari, sed potest absque omni ulteriori indagine cuncta rejicere, & absque anxietate, & scrupulo securè præsumere, se cuncta jam ritè fuisse confessum, nisi forsan absque omni ulteriori indagine statim clarè, aut certò constaret, peccatum aliquod mortale, quod modò incidit, ex oblivione v. g. in Confessione non fuisse expositum; tale enim utique confiteri oporteret, sed absque ulla repetitione aliorum.

11. Cæterum nil refert, etiamsi à parte rei, & materialiter erraret quis, præsumendò, vel putandò, se ritè fuisse confessum; quod tamen reverà non, aut non debite confessus est: quia juxta doctrinam Theologorum per Confessionem Generalem quivis etiam ab oblitis, & incognitis, vel ex ignorantia inculpabili, aut bona fide sine debito numero, vel minùs circumstantione confessis peccatis, saltem indirectè absolvitur; consequenter nec damnum, nec periculum patitur ratione oblitum, aut inculpabiliter omissorum, vel minùs ritè confessorum peccatorum.

12. Ex his satis patet, quantam utilitatem, præcipuè verò, quantam securitatem, quietem, & tranquillitatem conscientiae conferat Confessio Generalis, etiam illis, quibus juxta dicta necessaria non est; præsertim, cum etiam hi ignorent, an non plures eorum Confessiones ex defectu contritionis v. g. aut propositi fuerint invalidæ; licet enim hi defectus etiam per quamvis subsequentem Confessionem, & absolutionem validam resarciantur, tamen omnium securissimè
sup-

supplentur per Confessionem Generalem à tota vita, vel saltem à proxima Confessione Generali.

13. Resp. II. Licet juxta dicta Confessio Generalis utilissima sit, attamen regulariter vel ordinariè loquendò repeti à tota vita sæpius non debet, si ea jam semel ritè facta est. Ita docent communiter Theologi & Ascetæ. Ratio est, quia præcipuus Confessionis Generalis effectus, videlicet securitas, & tranquillitas conscientie per repetitionem illius ordinariè non augetur, sed potius minuitur, vel omnino tollitur; cum per hujusmodi repetitiones Confessionum Generalium plerumque generentur, & exsurgant anxietates, dubia, scrupuli, perturbationes, & alia tam corporis, quam animæ mala.

14. Specialiter autem hoc observare, & à repetitione Confessionis Generalis abstinere debent illi, qui alias sunt anxii, timidi, aut scrupulosæ conscientie. Imò his non tantum dissuaderi, sed tanquam certè nociva omnino prohiberi debet repetitio Confessionis Generalis a tota vita.

15. Pariter ab hujusmodi re-

petitione vel maxime abstinere debent illi, qui vitam ducentes luxuriosam peccatis carnalibus prius erant obnoxii; quia repetitio longioris discussionis, & examinationis, ac diuturnior recordatio de speciebus, numero, circumstantiis peccatorum carnalium, facile generare potest tentationes, & periculum lapsus. Unde optimum, & securissimum est, de his peccatis, postquam semel ritè confessi sunt, per totam vitam nil amplius dicere, nec cogitare de iis, nisi in genere, ac cum dolore, & aversione.

16. Dicitur autem notanter in responsione num. 13. *Si ea jam semel ritè facta est*: nam si ritè facta non est, sed obiter tantum, aut luridè, vel sine debito examine, aut dispositione; eò quòd v. g. ritè faciendi illam, necessaria defuerit notitia, vel sufficiens tempus, vel occasio &c. eam repetere utique conducit; cum enarrati fructus, & privilegia, favorésque conscientie ex hujusmodi obiter, ac defectuosè facta Confessione Generali non acquirantur.

17. Dicitur ulterius *cit. n. 13. Regulariter, vel ordinariè loquendò* quia, si quis ita constitutum se

novit, ut ex repetitione Confessionis Generalis nullum periculum anxietatis, scrupuli, perturbationis, vel alterius damni timere habeat, haud dubiè utiliter agit, & gratum DEO obsequium præstat, si ex humilitate ad maiorem sui confusionem, & contemptum, ex amore erga DEUM, odiò erga se, & peccata, eam subinde in vita repetat, prout nonnulli faciunt.

18. Dicitur insuper, *Confessio Generalis à tota vita*: quia Confessio Generalis minùs propriè talis, e.g. quæ solùm fit ab ultima Confessione generali, utique magna cum utilitate, & conscientiae securitate repeti potest, ut statim dicitur.

19. Quæritur IV. Quando nam, seu quo tempore maximè quadret deponere Confessionem Generalem? Resp. I. Si alicui Confessio Generalis necessaria est ob aliquam ex recensitis causis *num. 3.* statim post ingressum Religionis vacare debet eidem faciendæ. Ratio patet, quia hoc ipso, quòd, uti supponitur, sit in statu disgratiæ, ex multis causis debet accelerare Confessionem Generalem; præsertim autem, quia alias Communiones illius,

& Confessiones ordinariæ forent sacrilegæ, & omnia ejus opera absque merito. Huc collimare voluit S. Bonaventura, dum in *Speculo Discipl. cap. 1.* circa finem ita docet Novitios: *Post ingressum Religionis continuò debent Confessionem faciendam vacare, & de omnibus, quæ in saculo à pueritia commiserunt, ad memoriam, quantum poterunt, studiosa sollicitudine revocatis, generaliter confiteri*.

20. Resp. II. Qui nullam necessitatem habens, nihilominus pro acquirenda majori puritate conscientiae, & aliis fructibus animæ, ex amore DEI, & suæ salutis, statim post ingressum Religionis generaliter confiteri vult, id quidem utiliter facere, sed etiam differre poterit; quia durante Novitiatu adhuc semel, & quidem majori cum fructu, ac effectu poterit generaliter confiteri.

21. Resp. III. Confessio Generalis, minùs stricte talis, seu illa, quæ non nisi ab ultima Confessione Generali exponuntur peccata, semper utilissimè, & pro cuiusvis libitu sæpius institui potest: tum, quia ferè eodem cum Confessione Generali insignes fructus, & effectus à *num. 4.* recens-

centos habet: tum quia etiam sæpius repetita, nullum causat anxietatis, aut scrupulorum periculum, hoc ipso, quod solum fiat de iis, quæ in aliqua Confessione Generali nunquam adhuc fuere proposita.

22. Hinc Charissimi! pro augmento gratiæ, & gloriæ, pro remissione poenarum, pro securitate, & quiete conscientiæ, pro profectu in virtute & perfectione, pro majori DEI gloria, consulitur vobis, ut ad imitationem aliorum, perfectioni magis studentium, Confessionem huiusmodi Generalem faciatis *Primò*, dum aliquando suscipitis Sacerdotium, confitendò omnia peccata, quæ post ultimam Confessionem Generalem à tota vita in Novitiatu factam commisistis; quia summè decet, ut ad Sacerdotium omni possibili puritate quivis se præparet.

23. *Secundò*. Quando absolutis omnibùs studiis pro cura animarum destinati, ad varias operationes pro DEI gloria, & proximorum salute mittemini. Enimvero *Operum omnium Divinorum diviniſſimum est*, ait S. Gregorius, ex D. Dionys. Areop. *Cælest. Hier. cap. 3. cooperari DEO in salute*

animarum: ut proin hoc munus quoque magna animi puritate, & prævia optima quaque dispositione assumere oporteat.

24. *Tertiò*. Si quem forsitan cum tempore manus DEI tangat, & ad Superioratum evehat; quia, cum hic status sit omnium periculosissimus, & omnibùs licitis modis fugiendus, omnia facere oportet; ut speciale auxilium DEI obtineatur, casu quo ex obedientia, aut certa vocatione statum hunc assumere necesse erit.

25. *Quartò*. Tempore Jubilæi rursus generaliter confitendò peccata, quæ ab ultima Confessione Generali fuere commissa.

26. *Quintò*. In articulo mortis; nisi quis à periculo anxietatis liber, & sufficientes vires habens, velit instituere Confessionem Generalem à tota vita.

27. Quæritur V. Quæ requirantur ad Confessionem Generalem perfectè, ac faciliter deponendam? Resp. I. Ea ipsa, quæ supra *Cap. 6. à num. 16.* de Confessione ordinaria diximus, etiam ad Confessionem Generalem requiruntur. Solum notandum, quod summè deceat hæc requisita speciali, & majori cum dili-

gentia, conatu, & fervore, quàm in ordinaria Confessione afferre, quatenus eò certius, & uberiùs optatissimos fructus, & effectus Confessionis Generalis consequi quis valeat; ut proin, si quis aliàs in dispositione ad Confessionem ordinariam sit brevis, longior existat in eadem ad Generalem.

28. Resp. II. Qui ex necessitate ob aliquam, vel plures ex causis *num. 3.* allegatis, Confessionem Generalem facit, debet, & graviter tenetur in illa à tempore, quo sacrilegè, aut invalidè confiteri inceptit, omnia peccata mortalia, etiam jam confessà, secundum numerum, speciem, & circumstantias necessarias fideliter exprimere, ita, ut, qui per totam vitam, vel à pueritia nunquam ritè confessus est (v.g. quia aliquod peccatum mortale ex verecundia, aut timore semper reticuit) teneatur à tota vita, qui ab aliquibus annis, vel aliquo tempore invalidè confessus est, teneatur ab illo tempore, quo malè confiteri inceptit, cuncta gravia peccata, etiam jam confessà exprimere; quia etiam de istis jam confessis nondum est absolutus, hoc ipso, quòd, uti supponitur, omnes illius Con-

fessiones interea fuerint sacrilegæ.

29. Resp. III. Quamvis illi, qui non ex necessitate, sed ad consequendos præstantissimos fructus, & effectus à *num. 4.* enarratos, generaliter confitentur, non teneantur omnia peccata mortalia jam confessà, denuo confiteri, sed possint ea pro libitu omittere; tamen consultissimum, ac utilissimum, & pro acquirenda optata securitate, ac tranquillitate conscientiae quasi necessarium est, semel saltem in Confessione Generali totius vitæ, præsertim in illa, quam vos Charissimi à tota vita ante Professionem, utpote jam magis instructi, & apti facitis, omnia per totam vitam commissà, etiam jam confessà peccata mortalia exactè secundum numerum, & speciem, atque necessarias circumstantias confiteri. Ratio est, quia, nisi hoc semel fiat, præcipui duo effectus, videlicet, optata securitas, & tranquillitas conscientiae, item favor, & privilegium conscientiae, quo eximitur quis ab omni obligatione ulterius de peccatis, an omnia, ac bene confessà sint, recogitandi, ac sponte occurrentia confitendi

juxta

juxta dicta à num. 9. & seqq. perfectè & securè obtineri non valent, uti patet ex dictis.

30. Resp. IV. Ad Confessionem Generalem à tota vita ritè instituendam requiritur, ut debita cum diligentia, saltem mediocri, vel tali, quam aliàs in negotio alicujus momenti, & nobis charo adhibere solemus, examinetur, ac discutatur conscientia de omnibus saltem mortalibus peccatis à tota vita (si ab hac fit Confessio) vel ab ultima Confessione generali (si ab hac instituitur) commissis.

31. Dicitur *saltem Mortalibus*; quia, sicut venialia confiteri nemo tenetur, ita etiam de iis se examinare non obligatur; quamvis longè melius, ac perfectius sit, etiam de illis, quantum possibile est, se examinare, & de iisdem se accusare, exprimendò eorum numerum, & speciem saltem in genere, vel manifestandò in genere, & exprimendò malam circa illa consuetudinem, habitum, abusum &c.

32. Ut autem debitum examen, & discussio conscientiae exactè simul, & faciliter fieri queat, post factam bonam intentionem, ardens desiderium, bonum,

que propositum, invocatò auxiliò Divinò, Confessionem Generalem perfectè, ac ita, ac si ultima esset, instituendi, & mediante illa conversionem tuam seriò inchoandi, observa sequentia puncta.

33. I. Sepone, quantum licet, ad tempus alias curas, & negotia, ut totum te impendere possis examini, & Confessionì faciendæ.

34. II. Antequam te examinare incipias, denuo pete gratiam, & lumen à DEO, cuncta tuà peccata perfectè cognoscendì, detestandi, & confitendi.

35. III. Præpara papyrus, & alià necessaria ad conscribenda tuà peccata; siquidem pro Confessione Generali exactè deponendā plurimùm conducit, eam ex scriptis facere; quia hac ratione non solum periculum oblivionis magis evitare, sed etiam singula peccatā consideratè secundum numerum, speciem, & circumstantias necessarias notare, conscribere, & exactè confiteri poteris.

36. IV. Ne in examine faciendò te ipsum confundas, observa ordinem, & examina te I. circa decem Præcepta Decalogi.

II.

II. Circa Præcepta Ecclesiæ. III. Circa septem Peccata capitalia.

IV. Circa Peccata aliena, indagandò, qualiter circa quodvis horum peccaveris cogitatione, verbo, opere, omissione. Pro quo tibi deserviet Speculum Confessionis, quod habes §. *seq. à num. 55.*

37. V. Pro juvanda memoria, & examine facilitando, divide tempus vitæ tuæ in varias partes, v.g. ut *una pars* sit ab usu rationis, vel à tempore, cujus adhuc recordaris, usque ad tempus scholæ Germanicæ. *Secunda pars* à dicto tempore usque ad studia. Tempus studii in tot partes dividere poteris, quot annis studuisti, & de singulis his vitæ temporibus recollige loca, in quibus fuisti, socios, aut homines, cum quibus conversatus es, negotia, quæ habuisti, & qualiter ubique verbo, cogitatione, opere, & omissione peccaveris.

38. VI. Examen non perfunctoriè, sed consideratè, & sedulò perage, tempusque sufficiens, saltem aliquot dierum (si à tota vita confiteris) vel si hæ non sufficerent, unius, aut alterius septimanæ tribue.

39. VII. Ubi peccata gravio-

ra deprehendis, illico conare habere contritionem, & detestationem illorum elicere, ac veniam à DEO precari.

40. VIII. Si, dum super uno præcepto te examinas, tibi unum vel plura gravia contra aliud præceptum incidunt, quorum oblivionem forsan times, nota breviter, in separata schedula, ut dein, si ad tale præceptum veneris, in ordine scribere valeas.

41. IX. Debes te non tantum de peccatis, sed etiam de singulorum specie, numero, circumstantiis speciem mutantibus, & etiam (pro majori securitate, perfectione, & tui humilitate) aggravantibus examinare, eaque debitè conscribere, & confiteri. Quod si subinde numerum certò indicare nequis, sufficit dicere numerum, quem putas, verisimiliorem, additò *circiter*, vel *plus minus*: si nec hoc dicere vales, dic quoties circiter in die, vel septimana, aut mense, computandò unum cum altero, contigerit, v.g. *Hoc, vel illud N.N. circiter trigiesies*: vel, *serè singulis diebus*: vel, *ter vel quater circiter in septimana, computando unam cum alia, idque praticavi per 6. annos &c.*

42. Finito examine conare cum

cum Divina gratia, quantum potes, perfectam elicere universalem contritionem, & efficacissimum te emendandi propositum, cum firmissima spe veniæ, ac bona voluntate, hæc & omnia alia adhuc latentia peccata exactissime confitendi, dummodo scires, quid, & quomodo insuper confiteri deberes.

43. Dum actu confiteris, præter dicta de Confessione ordinaria, observa, quod prius te accuses de peccatis à proxima Confessione commissis, modò ordinariò; quibùs propositis, humillimè roga Confessarium, ut dignetur excipere tuam Confessionem Generalem, eique indica, an ex necessitate, & à quo tempore, an verò absque necessitate generaliter confitearis.

44. Finita Confessione fac clausulam generaliter accusatoriam, seriè, devotè, attentè, juxta dicta supra *Cap. 6. à num. 90.* Recepta absolutione confer te ad locum solitarium, & quidem, si fieri potest, ad Ven. Sacramentum, ibique omni possibili cum devotione, reverentia, humilitate, & gratitudinis affectu DEO tuo debitas age gratias, pro infinita sua bonitate & clementia,

Neudecker Pars Prior.

qua tibi tanto peccatori tamdiu parcere, spatium, & gratiam poenitentiae concedere, peccata tua, licèt gravissima & innumera remittere, tèque in spiritu regenerare, & in gratiam recipere amandissimè, & misericordissimè dignatus sit; exulta, lauda corde & ore infinitam DEI erga te misericordiam: dicendò cum David *Psal. 88. v. 2. Misericordias Domini in æternum cantabo. Psalm. 85. v. 13. Quia Misericordia tua magna est super me, & eruisi animam meam ex inferno inferiori.* Verè *Miserationes ejus super omnia opera ejus. Psalm. 144. v. 9.* Atque devotissimè elice actus *Cap. preced. num. 95.* specificatos, Confessionem sequentes.

45. Principaliter autem heroica, firmissima, & efficacissima fac proposita, qualiter modò antiquum hominem exutus, novum induere, & quasi recens natus spiritu vivere, DEO que servire, & quæ pro peccatis vitandis, pro acquirendis virtutibus, ac perfectione facere, & omittere velis: dictaque proposita dein tibi in charta nota, illaque exequi cum tui diffidentia, & confidentia in DEUM, fortiter incipe, & constanter perge, as-

Y

sum-

sumpto etiam pro uno, vel alio, ubi magis opus est, examine particulari, & aliis mediis. Finaliter tandem humillimè invoca DEUM, ut confirmet, quod operatus est in te, & det gratiam constanter servandi, & exequendi, quæ sanctè statuisti, mentique altè imprime, & sæpius recole illud Christi *Joan. 5. v. 14. Ecce factus es, jam noli peccare, ne deterius tibi aliquid contingat.*

46. Quæritur VI. Quid, quàm utilis, & quomodo in praxi fieri debeat Confessio annua? Resp. I. Confessio annua est illa, qua quis singulis annis semel exactè confitetur omnia, & singula, etiam jam confessa peccata, per totum annum commissa. Descriptio hæc, quia clarè patet ex terminis, declaratione non indiget.

47. Resp. II. Confessio annua ferè æquè utilis, & meritoria, DEOque accepta est, ac Confessio Generalis, idque ob easdem rationes, quas à *num. 4.* pro demonstranda utilitate Confessionis Generalis attulimus; quia eadem ferè omnes proprietates, etiam pro Confessione annua militant, uti legens, & considerans facillè cognoscet, indèque colliget, quòd Confessio annua

ferè æquè utilis, & meritoria, DEOque accepta sit, atque eodem cum Confessione Generali fructus, & effectus habeat, præsertim verò illos duos principales *num. 9. & 10.* adductos; videlicet, optatam securitatem, & tranquillitatem conscientiae, nec non liberationem ab anxietate, & obligatione recogitandi de peccatis antiquis, & ea confitendi. Nam sicut Confessio Generalis ritè instituta liberat ab obligatione recogitandi, an omnia peccata juxta speciem, & numerum in Confessione ritè exposita sint, nec non ab obligatione ultro occurrentia confitendi, ita Confessio annua liberat ab obligatione recogitandi de peccatis hoc anno commissis, & ultro occurrentia confitendi, simulque confert securitatem, & tranquillitatem conscientiae, utpote admodum Confessionis Generalis supplens defectus, vi quorum forsitan per annum una, vel plures Confessiones invalidè, aut sacrilegè fuissent factæ. Hinc experientia multiplici teste plurimi incredibile, & ferè idem, imò subinde majus solatium, animique tranquillitatem ex Confessione annua, quàm ex Generali perceperunt.

48. Intuitu tantorum fructuum, & effectuum ex Confessione annua provenientium, S. Bonaventura in *Regul. Novit. cap. 3. ad finem.* cuius Religioso annuam Confessionem suadet illis verbis: *Studeas annuatim generaliter confiteri:* id est, singulis annis de omnibus peccatis totius anni Confessionem instituere, quæ respectu omnium commissorum in aliquo sensu etiam Generalis dici potest, & generaliter fieri dicitur.

49. Doctrinam S. Bonaventuræ sequentes plures bene ordinatæ Religiones, inter sua Statuta etiam hoc habent, ut quis singulis annis Confessionem annuam instituere debeat.

50. Resp. III. Eadem, quæ requiruntur ad Confessionem Generalem, requiruntur etiam ad annuam, & eodem modo, quo Generalis, proportionaliter etiam fieri debet Confessio annua, adeo, ut I. sicut speciali, & majori cum diligentia, conatu, & fervore fieri debet Confessio Generalis, ita & annua. II. Sicut in Confessione Generali confitens tenetur omnia, etiam confessa mortalia exactè confiteri à tempore, quo incepit sacrilegè,

vel invalidè confiteri, ita & annuatim confitens, à tempore, quo forsan in illo anno sacrilegè vel invalidè confessus est. III. Sicut in Confessione Generali etiam non necessaria, utilissimè exprimuntur omnia mortalia jam confessa quoque, ita etiam in voluntaria Confessione annua omnia etiam jam confessa peccata, per illum annum commissæ. IV. Sicut ad Confessionem Generalem requiritur, debitum examen, ita & ad annuam: prout etiam ad facilitandum examen, & ritè confitendum annuatim, conducunt, & proportionaliter observanda sunt eadem, quæ pro Confessione Generali diximus à num. 32. ubi lege.

Appendix

De Principiis practicis circa
Confessionem Generalem,
& annualem.

Principium 1.

51. SEmel, & quidem tunc, quando sufficiens habetur cognitio tum malitiæ peccatorum, tum requisitorum ad Confessionem Generalem, & modi perfectè confitendi, debita cum diligentia, & conatu exactam

Etiam à tota vita instituere Confessionem.

Principium II.

52. **E**Andem Confessionem à tota vita semel ritè peractam, ex timore vel anxietate, vel titulo majoris securitatis, extra mortis periculum sinè positivo consilio prudentis Confessarii non amplius repetere.

Principium III.

53. **C**onfessionem Generalem minùs strictè talem, &

quidem primò à tempore Confessionis Generalis propriè talis, ac postea semper ab ultima, suis temporibus, præsertim contingente majori mutatione Statùs peragere, nisi dissuadeat Confessarius.

Principium IV.

54. **C**onfessionem annualem, præsertim tempore Exercitiorum, singulis annis sedulò peragere,

§. II.

Speculum Confessionis, seu Catalogus Peccatorum.

55. **T**Raditur hìc succinctus quidam Peccatorum Catalogus, quibùs contra decem Præcepta Decalogi, & Præcepta Ecclesiæ, nec non juxta speciem peccatorum capitalium leviter, vel graviter peccatur, cogitatione, verbis, opere, & omissione; & quamvis passim obvii habeantur Libelli, Speculum Confessionis, vulgò *Beicht-Spiegel* intitulati, in quibus Catalogus præfatorum peccatorum continetur, cum nihilominus pro utilitate vestra hìc quoque inferere ex multis ratio-

nibus placuit, & quidem I. quia, etsi passim, tamen non ubique habetur hujusmodi Libellus.

II. Quia aliqui hujusmodi Catalogi valde imperfecti, ac insufficientes inveniuntur, nec addunt, quando graviter, vel quando leviter contra præceptum aliquod peccetur,

III. Quia inter doctrinas cuiusvis Christiano, ne dicam Religioso, summè utiles, quin & necessarias est, post primos statim discretionis annos scire, quando, & quomodo contra Præcepta DEI, & Ecclesiæ, vel in alio genere

nere

nere juxta cujusvis statum, & conditionem peccetur, ne aliàs ex ignorantia crassa variè delinquatur, vel saltem ex inculpabili ignorantia mali, contra Præcepta contrahantur transgressionum habitus, qui postea, cum debita notitia serò acquiritur, difficillimè deponuntur. Hinc, ut quivis vestrum hujusmodi catalogum, quantum sufficit, & necesse est, ad manum habeat, & primò statim conversionis anò peccata contra quodvis Præceptum cognoscere, séque, & cum tempore etiam alios juvare valeat, hic subjungitur. Itaque

§6. Quæritur I. Quando, & quomodo quis cogitatione, verbo, opere, & omissione peccet contra primum Præceptum Decalogi? Ante responsionem notandum, primò Præceptò principaliter quidem, & expressè præcipi ea, quæ Fidem concernunt, indirectè tamen, & implicitè Spem quoque, Charitatem, & ea concernenti præcipi; quia Fides de DEO statim ejusdem Spem, seu desiderium, & Amorem secum trahit. Hoc notato Resp.

Contra primum Præceptum Decalogi

Cogitatione graviter peccat.

Qui de aliquo articulo Fidei pertinaciter dubitat, vel eum non credit, aut contrarium credit. Pertinaciter autem id facit, qui sciens Ecclesiam contrarium tenere, id facit.

Qui firmiter credit auguriis, superstitionibus &c.

Specialiter etiam, qui credit, quemvis in sua Secta salvari posse.

Qui internè diabolum invocat pro auxilio.

Qui de consequenda salute, & emendatione vitæ, remissione peccatorum, vel misericordia Divina desperat.

Qui creaturam aliquam quamcunque, nimis inordinate, & plus amat, quàm DEUM, ita, ut internè dispositus, & paratus sit ob eam graviter peccare, consequenter DEUM relinquere.

Qui DEUM odio habet; qui vult, vel proponit aliquid dicere, facere, vel omittere contra Spem, Fidem, & Charitatem juxta dicenda.



Cogitatione leviter peccat.

Qui in repellendis cogitationibus contra Fidem negligens, & remissus est.

Qui somniis & auguriis, vel superstitionibus aliququaliter adhæret.

Qui Divinis inspirationibus resistit, aut eas negligit.

Qui inordinatum affectum, vel amorem erga quamcunque creaturam habet.

Qui inordinatè gaudet, & delectatur rebus terrenis.

Qui vanis, inutilibus, otiosis cogitationibus, inordinatis curis, & solitudinibus hujus sæculi, debitum amorem, & servitium DEI impredientibus, ac distractionibus deliberatè inhæret, aut in iis præcavendis, vel repellendis negligens est.

Qui tristes, & pusillanimes cogitationes fovet.

Verbis graviter peccat.

Qui verbis externè exprimit, quòd aliquem Fidei articulum non credat, vel de eo dubitet, vel contrarium credat.

Qui de potestate Papæ, vel Ecclesiæ in rebus Fidei, vel morum, contemptim loquitur.

Qui diabolum pro auxilio expressè invocat.

Qui magos, aut alios diaboli ministros supersticiosè consulit.

Qui utitur verbis, precibus, vel adorationibus superstitionis.

Qui alios superstitionis, vel aliàs contra fidem docet; vel eos in his laudat, confirmat, ad id hortatur, suadet &c.

Qui internam suam desperationem verbis exprimit, vel verba desperationis seriò projicit.

Qui verbis exprimit se creaturam aliquam plus, quàm DEUM, id est, tantum amare, ut potius cuncta alia, quàm eam relinquere, vel ob eam DEUM graviter offendere paratus sit.

Verbis leviter peccat.

Qui contra Fidem, vel de mysteriis Fidei, Potestate Papæ, vel Ecclesiæ &c. jocosè, vel minus reverenter loquitur ex levitate animi.

Qui ex indignatione vel impatientia, & non seriò verba desperationis projicit.

Qui verbis suis præcisè hominibus placere satagit.

Qui superflue, vel otiosè loquitur.

Opere

Opere graviter peccat.

Qui exteriorem aliquem actum infidelitatis, vel hæresis exercet; præsertim si tali actu, signò, vel factò infidelitatem, vel hæresin profiteatur, etsi id non sincera mente, sed ex timore v.g. faciat.

Qui hæreticos, vel infideles contra Catholicos fovet, & defendit in materia Fidei.

Qui componit, vel absque licentia legit, retinet, vel distrahit librum hæreticum.

Qui absque necessitate cum proximo perversionis periculo infidelibus, vel hæreticis inservit.

Qui magiam, maleficia, vel superstitiones exercet, vel ijs utitur.

Opere leviter peccat.

Qui modicam tantum materiam ex libro hæretico legit &c.

Omissione graviter peccat.

Qui multum negligens est in addiscendis articulis, ac mysteriis Fidei, & Doctrinæ Christianæ scitu necessariis, necessitate medii, aut præcepti, uti sunt notitia Unius, & Trini DEI, æternæ præmiantis bona, & pu-

nientis mala, Incarnationis Dominicæ, & Præceptorum Decalogi.

Qui nunquam internum actum Fidei, Spei, & Charitatis exercet.

Qui signis, vel actibus externis Fidem profiteri omittit, quando de ea interrogatus fuit à Potestate publica &c.

Qui negligit in necessariis Fidei, & morum articulis docere curæ suæ commissos.

Omissione leviter peccat.

Qui parum negligit discere necessaria Fidei, & morum.

Qui negligens est gratitudinis actus exercere ob DEI beneficia.

57. Quæritur II. Quando, & quomodo quis peccet contra secundum Præceptum Decalogi? Ante Responsum notandum, hoc Præcepto præcipue prohiberi perjuriam, & juramenta non necessaria, irreverentem usum, & abusum Sacratissimi DEI Nominis, & aliarum rerum Sacrarum, blasphemias, & nonnulla alia virtuti Religionis contraria: econtra præcipi observationem juramenti promissorii, voti &c. reverentiam rerum Sacrarum, & quædam alia ex virtute Religionis debita. Hoc notato Resp.

Con-

Contra secundum Præceptum Decalogi

Cogitatione graviter peccat.

Qui mente contra DEUM, vel Sanctos blasphemat.

Qui internè contra DEUM, vel dispositiones ejus murmurat, vel conqueritur, quasi non esset satis providus, & justus.

Qui proponit verbò, opere, aut omissione graviter violare hoc secundum Præceptum, juxta statim dicenda.

Cogitatione leviter peccat.

Qui vult, & intendit dicere, facere, vel omittere huic Præcepto leviter contrarium, juxta dicenda.

Verbis graviter peccat.

Qui juramentò affirmat mendacium, etiam minimum, v.g. officiosum, vel jocosum, vel id, de quo dubitat, an sit verum.

Qui jurat quid facere, vel omittere absque animo adimplendi.

Qui jurat, seu sub juramento asseverat, confirmat, aut promittit, se graviter peccaminosum facturum.

Qui causa est, quòd alter falsò juret, aut juramentum suum licitum non observet.

Qui legitimè sub juramento interrogatus in judicio, non respondet ad sensum, & mentem Judicis interrogantis in iis casibus, ubi, & quando alias respondere tenetur: vel qui hoc alteri suadet.

Qui verba Scripturæ Sacræ ad turpia applicat.

Verbis leviter peccat.

Qui Sacratissimum DEI Nomen vanè, & absque ulla reverentia usurpat.

Qui verba Scripturæ Sacræ ad aliquo modo facetosa, non tamen turpia applicat ex animi levitate.

Qui absque ulla necessitate in re vera jurat.

Opere graviter peccat.

Qui in materia gravi committit aliquid, quod sub juramento, vel voto omittere debuit.

Qui gravi irreverentia afficit Sacras Imagines, Reliquias Sanctorum, & alias res Sacras.

Opere

Opere leviter peccat.

Qui juramentum, vel votum omittendi aliquid in levi materia violat.

Qui Scripturâ Sacrâ, Missali, Breviariô, Sacris Imaginibûs, aut aliis rebûs sacris ad usus profanos minùs reverenter utitur, aut aliàs levem irreverentiam eis irrogat.

Omissione graviter peccat.

Qui in re gravi omittit servare juramentum, vel votum, de aliquo faciendo, vel observando.

Qui graviter negligens est in deponenda consuetudine præcipitanter, & passim in rebus veris, & falsis jurandi.

Omissione leviter peccat.

Qui in re levi non servat juramentum, aut votum aliquid faciendi.

58. Quæritur III. Quando, & quomodo quis peccet contra tertium Præceptum Decalogi? Notandum priùs, hoc Præcepto præcipuè mandari, ut homo, sepositis negotiis secularibûs, aliquod saltem vitæ tempus, præsertim dies festivos cultui Divinò, & animæ suæ saluti impendat.

Nendecker Pars Prior.

dat, aliquos, præsertim Religionis actus positivè exercendò, aliquos omittendò. Et quia huc etiam suis quinque Præceptis Ecclesia tendit, ea plerumque ad hoc Præceptum reducuntur. Hoc notato Resp.

*Contra tertium Præceptum Decalogi**Cogitatione graviter peccat.*

Qui intendit, vel proponit diebûs festivis nullam audire Missam, aut aliàs verbis, factis, aut omissione graviter violare hoc Præceptum, vel unum ex quinque Præceptis Ecclesiæ, juxta dicenda.

Cogitatione leviter peccat.

Qui proponit, aut intendit leviter violare unum ex dictis Præceptis.

Qui sub Missa diebûs festivis internas distractiones admittit, aut negligenter repellit.

Verbis graviter peccat.

Qui per totam, vel majorem aut notabilem v. g. tertiam Missæ partem diebûs festivis confabulatur, aut garrit, ita, ut nesciat, quidnam interim agatur à Sacerdote.

Z

Qui

Qui alios verbis inducit ad graviter transgrediendum hoc tertium, aut unum ex quinque Præceptis Ecclesiæ.

Qui de iisdem Præceptis contemptim loquitur.

Verbis leviter peccat.

Qui diebus festivis sub Missa absque notabili parte garrit.

Qui inter preces quascunque, vel Horas Canonicas sine legitima causa garrit, confabulatur &c.

Opere graviter peccat.

Qui opera servilia per magnam vel notabilem dici partem, absque legitima causa exercet in diebus festivis.

Qui sub Missa dictis diebus per notabile spatium cum distractione profana legit, aut alia externa cum interna intentione impossibilia agit.

Qui alios impedit, quod Missam audire nequeant.

Qui sine debito dolore, vel sufficienti proposito, aut voluntariè omittens peccatum mortale, confitetur.

Qui sacrilegè, seu in statu peccati mortalis communicat.

Qui in quadragesima, vigiliis, & aliis interdictis diebus, sine le-

gitima causa sæpius comedendò, ita, ut ad notabilem quantitatem deveniat successivè, aut in secunda refectione graviter excedendò, jejunium non servat.

Qui dictis diebus, vel etiam die veneris, aut sabbathi carnem comedit in notabili quantitate.

Opere leviter peccat.

Qui sine justa causa diebus festivis per aliquam non notabilem dici partem opera servilia exercet.

Qui diebus festivis tempus ludendò, otiandò, garriendò consumit.

Qui in diebus Jejunii parvam quantitatem carnis comedit, aut leviter jejunium violat.

Qui Poenitentia, aut alia Sacramenta tepidè, vel valde modica cum reverentia, dispositione &c. suscipit.

Qui preces quascunque, & laudem Divinam, præsertim Horas Canonicas, tepidè, indevotè, irreverenter, vel nimis præcipitanter persolvit.

Omissione graviter peccat.

Qui absque justa causa diebus festivis Missam, aut notabilem illius partem audire negligit.

Qui

Qui semel in anno communicare, vel peccatō mortali irritus confiteri omittit.

Qui obligatus ad Breviarium, illud totum, vel notabilem ejus partem e. g. integram aliquam Horam Minorem omittit.

Omissione leviter peccat.

Qui modicam Missæ partem sinē justa causa negligit.

Qui Rubricas præceptivas non observat, vel eas discere negligit.

Qui statim temporibūs absque legitima causa non persolvit Horas Canonicas.

Qui modicam Breviarii partem e. g. Psalmum, aut commemorationem omittit.

59. Quæritur IV. Quando, & quomodo quis peccet contra quartum Præceptum? Notandum prius. Hoc Præcepto principaliter jubemur, debitum amorem, reverentiam, & obedientiam Parentibus, & Superioribus, utpote DEI locum tenentibus exhibere. Hoc notato Resp.

Contra Præceptum quartum

Cogitatione graviter peccat.

Qui grave odium, seu aversionem internam, erga Paren-

tes, vel Superiores quoscunque fovet.

Qui illos internè graviter contemnit.

Qui eisdem mortem, vel aliud grave malum optat.

Qui de gravi malo v. g. morte ipsorum gaudet.

Qui in re gravi temerariè eos judicat.

Cogitatione leviter peccat.

Qui in præfatis leviter delinquit contra Parentes, vel Superiores suos.

Verbis graviter peccat.

Qui verbis graviter injuriis, & irreverentibus eos afficit.

Qui graviter contra ipsos murmurat &c.

Verbis leviter peccat.

Qui verbis, aliquantum duris, & asperis, vel impatientibus, aut aliàs leviter irreverentibus, illos alloquitur, vel eisdem respondet.

Qui eisdem leviter obmurmurat, vel contra eos sic murmurat, aut illis leviter detrahit.

Opere graviter peccat.

Qui in re gravi, vel ex contemptu formali etiam in re levi, prohibitionem Parentum, vel Superiorum transgreditur.

Qui Decreta, & Constitutiones Pontificias inhibitorias, & obligatorias in materia gravi transgreditur.

Qui signis vel factis gravi irreverentia, vel contemptu Parentes, vel Superiores suos afficit, vel graviter, & injustè eos contristat.

Qui ad percutiendum eos manum, vel aliud instrumentum levat; & multò magis, qui actu, etiam leviter tantum, eos percutit.

Qui Sacerdotes, vel alias Ecclesiasticas Personas, Magistros, Præceptores, signis, vel factis, gravi irreverentia afficit.

Parentes, qui prolem ad Matrimonium, vel Monasterium cogunt, vel libertatem aliàs inteli-gendo Statu adimunt.

Qui prolibus, aut subditis grave dant scandalum.

Opere leviter peccat.

Qui in re levi inobediens est, aut levis irreverentia signis, aut factis eos afficit, vel leviter contristat.

Qui Decreta, & leges Ecclesiasticas, vel Civiles justas & non merè poenales leviter transgreditur.

Omissione graviter peccat.

Qui in re gravi, vel ex contemptu in re levi positivum aliquod præceptum Parentum, vel Superiorum, non observat.

Qui Parentibus in infirmitate, vel alia gravi necessitate pro viribus non opitulatur.

Qui testamentum Parentis in re gravi exequi negligit.

Parentes, qui prolem in scitu necessarijs Fidei, & Doctrinae Christianae instruere graviter negligunt.

Parentes & Superiores, qui filios, & subditos graviter delinquentes, corrigere, & emendare omittunt.

Omissione leviter peccat.

Qui absque contemptu in re levi positivum præceptum Parentum vel Superiorum non observat.

Qui debitum honorem, ac reverentiam Parentibus, vel Superioribus exhibere omittunt in re levi.

Parentes, qui in docendis, ac instruendis prolibus verè, sed non graviter defectuosi sunt.

Parentes, & Superiores, qui præfatò modò defectuosi sunt in

in monendis, puniendis proli-
bus, aut subditis.

Iidem, qui suô malô exemplô
causa sunt; quôd proles, & sub-
diti præcepta, ac leges positivas
leviter transgrediantur.

60. Quæritur V. Quando, &
quomodo contra quintum, &
octavum Præceptum Decalogi
peccetur? Notandû prius, quôd,
postquam tradita sunt Præcepta,
quomodo circa Deum, resque
Sacras, Paréntes, ac Superiores,
Dei locum tenentes, habere nos
debeamus, sequantur modò Præ-
cepta circa seipsum, ac proxi-
mum quemcunque, & quidem
principaliter negativa, quibûs
prohibetur, ne quis contra se-
ipsum peccet, & ne proximus
noster quicunque, in suis bonis
vitæ, famæ, aut fortunæ ullo
modo injustè lædatur, aut aliàs
contra charitatem proximi aga-
tur. Quôd si contra Parentes,
aut Superiores id fieret, distin-
ctam speciem in Confessione
necessariò exprimendam consti-
tueret, ob læsionem pietatis,
amoris, & reverentiæ illis spe-
cialiter debitz. Prohibetur au-
tem quinto hoc Præcepto spe-
cialiter, ne proximus noster in
vita, aut bonis corporis læda-

tur. Et quia vita ac fama suô
modò pari passu ambulant, at-
que hæc majus bonum est, quàm
bonum fortunæ, eodem isto
quæsito adducemus etiam pec-
cata contra octavum Præcep-
tum, quo prohibetur, ne
proximus injustè lædatur in
bonis famæ. Hoc notato
Resp.

Contra quintum & octa-
vum Præceptum Decalogi

Cogitatione graviter peccat.

Qui ex desperatione, vel qua-
cunque alia ratione seipsum
occidere, aut sinè legitima causa
seipsum mutilare, aut aliud gra-
ve malum corporis sibi inferre
intendit, aut proponit.

Qui grave odium, vel inimi-
citiam erga aliquem habet, ani-
mò se vindicandi, & grave ma-
lum in bonis corporis, aut ho-
noris, vel famæ inferendi.

Qui alteri mortem, aut grave
malum corporis, vel famæ serio
optat.

Qui alteri internè graviter ira-
scitur, seria cum voluntate grave
malum corporis, famæ, aut ho-
noris ei inferendi.

Qui delectatur de alterius mor-
te,

te, vel gravi ejus malo corporis, famæ, honoris: vel e contra tristatur de vita, aut notabili bono corporis, famæ, vel honoris illius.

Qui de proximo in re gravi temerariè judicat.

Qui intendit, vel proponit verbò, opere, vel omissione juxta infra dicenda, graviter violare quintum, vel octavum Præceptum.

Cogitatione leviter peccat.

Qui ex impatientia, aut tædio vitæ sibi met ipsi mortem inefficaciter optat.

Qui levem inimicitiam, odium, vel aversionem injustam erga proximum fovet, aut leve malum in bonis corporis, honoris, vel famæ ei inferre vult.

Qui de alterius levi malo corporis, famæ, vel honoris delectatur; aut e contra de levi bono ejusdem tristatur.

Qui de proximo temerè suspicatur absque tamen temerario judicio.

Qui intendit, vel proponit, verbò, opere, omissione, juxta dicenda, leviter violare præfata duo Præcepta.

Verbis graviter peccat.

Qui alteri verbis grave malum corporis, honoris, & famæ seriò imprecatur.

Qui alterum gravi calumnia verbali afficit.

Qui alteri graviter detrahit, sive verum occultum revelando, sive falsum dicendo.

Qui in re gravi falsum testimonium fert contra proximum.

Qui mendacium alteri graviter nocivum committit.

Qui alios instigat, hortatur, vel eis consulit, ut proximum occidant, vel ei grave malum corporis, honoris, vel famæ inferant.

Qui simile factum alterius laudat, approbat &c.

Qui insurrectione graves discordias inter alios causat.

Verbis leviter peccat.

Qui alteri verbis leve malum corporis, honoris, aut famæ, vel grave quidem, at solum ex semideliberto motu iræ, non item ex vero animo imprecatur.

Qui levi calumnia verbali alterum afficit, vel leviter ei detrahit, aut malè de eo loquitur.

Qui

Qui ex ira, impatientia, indignatione subitanea durè, asperè, & indiscretè alteri loquitur, vel respondet, aut turpia, non tamen graviter ignominiosa agnomina imponit, vel qui vexatoriis, aut mordacibus verbis alterum lacessit, confundit &c.

Qui verbis contendit cum alio leviter.

Qui susurratione, aut aliis verbis pacem leviter turbat, aut leves discordias inter alios causat.

Qui alterius defectus corporis, paupertatis &c. exprobrat.

Qui mendacium leviter notivum, vel jocosum, officiosum &c. dicit.

Opere graviter peccat.

Qui seipsum ex desperatione, vel quacunque alia causa occidit.

Qui in grave mortis periculum se conjicit absque sufficiente causa.

Qui inordinatà vità, aut illicitis voluptatibus grave nocummentum sanitatis sibi causat, vel vitam notabiliter abbreviat.

Qui alterum injustè occidit.

Qui alterum injustè mutilat, aut aliud grave damnum corporis infert.

Qui Sacerdotem, Clericum, vel Religiosam Personam percutit, quod specialem speciem, ac etiam Excommunicationem inducit.

Qui abortum procurat, aut ad eum suadet, vel juvat.

Qui libellum famosum facit, aut projicit.

Qui scriptis, signis, aut factis graviter lædit alterius famam, vel honorem.

Qui alterius litteras injustè aperit, & legit cum gravi ejus præjudicio.

Qui aliquid, sub gravi secreto sibi commissum, cum alterius præjudicio revelat.

Opere leviter peccat.

Qui inordinatà vità, illicitis actionibus, præsertim superfluò cibò, & potu sibi ipsi leve nocummentum sanitatis causat.

Qui alteri leve damnum corporis, aut famæ, vel honoris, signis, vel factis infert.

Qui alterum leviter percutit.

Qui ex curiositate libellum famosum ab alio factum legit.

Omissione graviter peccat.

Qui graviter negligit propriam sanitatem, & vitam conservare, vel media ordinaria pro ea applicare.

Qui

Qui pauperi in extrema, vel gravi necessitate constituto non succurrit.

Qui alium quemcunque in periculo vitæ, vel gravi necessitate, aut afflictione positum, dum bene potest, juvare negligit.

Qui inimico ignoscere non vult.

Qui graviter detrahentes, dum facile potest, & spes emendæ apparet, non corrigit.

Qui eosdem voluntariè auscultat, facile potens evitare.

Qui famam graviter, & injustè ablatam non restituit.

Qui Medicus, vel Chirurgus existens, negligit haurire debitam scientiam, cum aliorum vitæ, & sanitatis periculo.

Omissione leviter peccat.

Qui in re levi alijs indigentibus, aut rogantibus charitatem exhibere, & succurrere, dum facile potest, omittit.

Qui leviter detrahentes, dum facile potest, & spes fructus est, non corrigit.

61. Quæritur VI. Quando? & quomodo contra sextum, & nonum Præceptum Decalogi peccetur? Merito eadem quæstionè indagatur de peccatis

contra sextum, & nonum Præceptum, quia utroque idem prohibetur, hac sola cum distinctione, quòd per Præceptum sextum externa, per nonum verò etiam sola interna prohibeantur peccata luxuriæ. Cæterum notandum, quòd, licet dictis Præceptis expressè tantum internum, & externum peccatum adulterij prohibeatur, implicite tamen etiam quodvis aliud luxuriæ peccatum vetetur. Hoc notato Resp.

Contra sextum & nonum Præceptum Decalogi

Cogitatione graviter peccat.

Qui voluntariè, & plenà advertentiâ, cum complacentiâ, vel voluptatè venerea inhæret impuris cogitationibus.

Qui voluntatem, & desiderium gerit habendi copulam carnalem cum soluta, vel conjugata, vel consanguinea, vel affine, vel sacrata, aut votò Castitatis ligata persona, quarum quævis distinctam peccati speciem, in Confessione necessariò exprimendam constituit.

Qui voluntariam complacentiam habet de peccato aliquo carnali olim commisso, cujus species

species etiam in Confessionali explicari debet.

Qui matrimoniô ligatus sub licitis actibus conjugalibus aliam personam (cujus species exprimi debet) sibi imaginatur.

Cogitatione leviter peccat.

Qui cogitationibus & motibus obscœnis non consentit quidem, nec ijs venereè delectatur, sed tamen in ijs præcavendis, vel repellendis remissus, & negligens est.

Verbis graviter peccat.

Qui turpia, & obscœna ex carnali voluptate, vel animo lascivo loquitur, vel hujusmodi turpes cantilenas cantat.

Qui præfata etiam ex sola vexatione, sed cum probabili periculo scandali audientium loquitur, vel canit.

Qui aliam personam verbis ad turpia allicere, vel persuadere conatur: explicetur species.

Verbis leviter peccat.

Qui turpia, & obscœna ex mera vexatione, & sinè periculo proprii, vel alieni scandali profert.

Qui ex simili vexatione verba æquiva cum sensu obscœno profert.

Neudecker Pars Prior.

Opere graviter peccat.

Qui obscœna animô lascivô libenter audit.

Qui seipsum animô lascivô impudicè tangit, vel aspicit.

Qui aliam personam lascivô animô impudicè tangit, osculatur, vel id in se fieri permittit, vel aspicit; ubi exprimitur species personæ, & declaratur, an ex solius voluptatis, vel complacentiæ venereæ, an verò etiam cum desiderio carnalis operis factum sit.

Qui cum soluta, vel ligata, vel consanguinea, vel affine, vel votô obstricta, vel cum eodem sexu, vel cum bestia congreditur; consequenter fornicationem, vel adulterium, vel incestum, vel sacrilegium, vel sodomiam, vel bestialitatem committit. Quæ omnes diversæ sunt species, necessariô in Confessione exprimendæ.

Qui procurat pollutionem finè, vel cum imaginatione personæ, quæ exprimi debet, si ad eam, quasi præsentem speciali feratur affectu, seu desiderio carnali.

Qui habita in somno pollutione, vel turpibus somnijs expect-

Aa

expect-

expergefactus delectatur delibere, & plenè sibi compos.

Qui lascivò animò aspicit obscenas picturas.

Qui pingit, sculpit, vel alias obscenas efformat figuras.

Qui domi retinet valde obscenas imagines, aut figuras.

Qui animò lascivò scribit amatorias, vel turpes literas.

Qui componit impudicos libros, vel cantilenas.

Qui scienter hinc inde portat lascivas, & periculosas amatorias literas.

Qui animò lascivò legit libros, vel literas obscenas.

Qui advertenter exponit se periculo proximo luxuriæ; explicetur species.

Qui ad aliquod peccatum luxuriæ occasionem, vel auxilium præbet.

Qui corporis vestitu, ornatu, fictâ formâ, vel alio modo alios ad amorem lascivum allicere intendit.

Qui gestus impudicos, aut choreas lascivò animò exercet.

Qui alteri poculum amatorium, aut philtrum præbet.

Opere leviter peccat.

Qui alterum sexum non ex lascivo, sed ex inordinato amore, & sensualitate in partibus honestis tangit, vel osculatur.

Qui eundem in partibus inhonestis ex joco tantum, & aliquali levitate super vestes modicè tangit,

Qui ex sola curiositate absque animo lascivo sexum alterum, præsertim in partibus minùs honestis, vel picturas, aut figuras turpes aspicit, præsertim si non fixè contingat.

Qui absque animo lascivo libros, cantilenas, aut literas ex sola curiositate, vel ingenij causâ legit.

Qui ex solo joco, aut animi levitate, & sinè animo lascivo literas amatorias, aut turpes scribit citra periculum scandali.

Omissione graviter peccat.

Qui graviter negligens est in repellendis tentationibus cum præviso periculo proximo deliberatæ complacentiæ, vel pollutionis.

Qui aliquod grave luxuriæ peccatum non impedit, dum a-cilè potest.



Omiss-

Omissione leviter peccat.

Qui aliquantum remissus, & negligens est in repellendis, vel præcavendis cogitationibus, vel tentationibus obscœnis.

62. Quæritur VII. Quando, & quomodo quis peccet contra septimum, & decimum Præceptum Decalogi? Eodem iterum quæsito peracta contra utrumque Præceptum indagantur; quia utroque idem interdicitur, hac sola cum distinctione, quòd septimò externa, decimò autem interna peccata, quibûs proximus in bonis fortunæ contra justitiam, vel charitatem læditur, prohibeantur. Hoc notato Resp.

Contra septimum & decimum Præceptum Decalogi

Cogitatione graviter peccat.

Qui intendit, vel proponit, vel velle, si posset, verbis, opere, vel omissione, juxta dicenda, graviter agere contra hæc Præcepta.

Qui injustò modò desiderat alterius bona, vel invidet alteri bona fortunæ, aut de eorum gravi damno gaudet, vel econtra de prosperitate tristatur.

Cogitatione leviter peccat.

Qui vult, vel intendit leviter agere contra hoc Præceptum, & levem invidiam de bonis fortunæ alterius habet.

Verbis graviter peccat.

Qui mendaciò, falsò testimonio, juramentò, vel malò consiliò, approbatione, secreti revelatione, vel alio verborum genere in causa, & culpa est, quòd alter in bonis fortunæ grave damnum patiatur.

Verbis leviter peccat.

Qui præfato verborum genere alteri leve damnum causat in bonis fortunæ.

Opere graviter peccat.

Qui furtum committit in re gravi.

Qui in gravi re rapinam committit, seu vi aufert aliquid.

Qui in re gravi Sacrilegium committit, id est, rem sacram, vel Personam sacram surripit.

Qui factò quocunque alterum injustè, & graviter damnicat in bonis fortunæ, quod innumeris modis fieri potest; è quibus aliquos adducemus v. g.

Qui deceptorie ludit, vel qui injusto pondere, aut mensurâ utitur.

Qui merces, aut res inutiles, corruptas, aut defectuosas pro bonis vendit.

Qui usuras illicitas exercet.

Qui venatione segetes, aut fructus agrorum notabiliter destruit.

Qui terminos agrorum transfert.

Qui alia ratione alterius agris, pratis, vineis, fructibus, aut aliis rebus grave damnum infert, vel causa est, quod ab aliis inferatur.

Qui scienter grave debitum contrahit, quod solvere se non posse prævidet.

Qui falsâ, vel notabiliter minus ponderosâ monetâ solvit; etsi eandem ab aliis acceperit.

Qui ut Reus, vel Actor in Judicio causam injustam tuetur cognitam ut talem.

Procurator, vel Advocatus, qui causam injustam suscipit, defendit, aut consulit, etsi optime injustitiam causæ agnoscat.

Judex, qui injustam sententiam profert.

Qui causas ex negligentia, vel malitia plus justò protrahit notabiliter.

Qui Rempublicam, vel officium publicum administrantes, officiales &c. de alienis bonis notabilem quantitatem sibi appropriant.

Famuli, & famulæ domesticæ, quando modicis furtis ad gravem quantitatem venire intendunt, vel actu veniunt, & tamen dein furta minuta continuant, quamvis advertant præcedentem magnam quantitatem.

Filii familias, qui gravem quantitatem surripiunt, vel subtrahunt, vel malè dissipant cum gravi præjudicio aliorum fratrum, aut sororum.

Artifices, & Opifices, Mercenarii, qui vel ex negligentia, vel malitia rem malè conficiunt, vel perficiunt, vel quædam sibi retinent, vel pretium justò majus exigunt, ita ut Dominus, vel simul & semel, vel successive grave damnum, vel præjudicium patiat.

Qui alterius justum lucrum, aut commodum per se, vel per alios injustè impedit.

Qui dignum aliquem ab Officio, vel Beneficio injustè impedit.

Qui quocunque modo injusto, vel illicito alteri grave damnum infert.

Opere leviter peccat.

Qui leve quid furatur, vel in uno ex præfatis, aut simili modo leviter damnificat alterum in bonis fortunæ.

Omissione graviter peccat.

Qui promissa, vel contractum aliquem non observat cum gravi alterius præjudicio.

Qui mercedem operariis, famulis, opificibus, officialibus iuste non solvit, aut nimium differt cum gravi eorum damno.

Qui contracta debita non solvit, aut nimis differt cum alterius gravi damno.

Qui decimas non solvit, vel defraudat.

Qui grave damnum alterius, quod ex officio, vel charitate proximi amovere debuisset, ac facile potuisset, neglexit.

Qui inventa notabilis pretij suo Domino, quem scit, vel indagandò facile scire potest, non restituit.

Qui grave damnum, quod quacunque ratione juxta dicta, verbo, opere, aut omissione iniuste, vel illicite causavit, non refarcit, quamvis posset,

Omissione leviter peccat.

Qui uno, ex præfatis, omisso. nis modo leviter damnificat alterum.

Qui modicum furtò ablatum non restituit, aut modicum damnum causatum non refarcit.

Qui grave quid furtò ablatum restituere, aut debitum solvere, vel grave damnum illatum refarcire aliquantum, & sine gravi damno alterius differt.

63. Quæritur VIII. Quando, vel quomodo quis peccet aliquo ex septem peccatis Capitalibus? Resp. Quamvis, uti ex dictis patet, peccata Capitalia à potiori inter peccata contra Præcepta Decalogi contineantur; nihilominus breviter, & compendiosè aliqua ex ijs adducemus. Itaque

Peccatò Superbia graviter peccat.

64. **Q**ui ex superbia, cogitatione, verbo, vel opere, ita se extollit, vel extollere vult, ut Deo, aut Superioribus subijci nolit.

Qui ex ambitione, vel presumptione procurat officium, ad quod inhabilis, vel insufficiens est, ita, ut inde sequatur Dei irreverentia, vel notabile damnum

num temporale, aut spirituale boni communis, aut proximi.

Qui ita se effert super alios, ut eos contemnat, complacendū eorum notabili abiectione.

Qui ex jactantia gloriatur de aliquo peccato mortali, si fiat de ipso opere malo: vel qui aliorum vituperat timiditatem, quod aliquid mortaliter peccaminosum aggredi v. g. graviter se vindicare, duellare &c. ausi non sint.

Qui ex hypocrisi sanctitatem, miracula, aut extraordinariam aliquam perfectionem simulat, aut, ne errasse, aut minus doctus appareat, impugnat veritatem cognitam, ac perseverat in sua mala opinione, vel sententia, præsertim, dum inde sequitur damnum, vel scandalum aliorum.

Superbiâ leviter peccat.

Qui vanam gloriam, laudem, & æstimationem inordinatè appetit, vel in suis dictis, & factis intendit.

Qui vanam de se, vel suis complacentiam habet, se ipsum plus justò æstimat &c.

Qui directè vel indirectè de se, vel suis se jactat.

Qui alios corde, vel ore leviter spernit, & se meliorem aliis reputat.

Qui se nimium ex animi levitate vel vanitate exornat.

Qui ex hypocrisi virtutem, aut pietatem exercet, vel se exercere simulat, ut pro virtuoso habeatur.

Qui suæ confusionis, humiliationis, vilipensionis, aut contemptus nimis impatiens est, & propterea ob eam variis cogitationibus agitatur, valde se perturbans, quod signum est latentis superbix.

Avaritiâ graviter peccat.

65. Qui ita inordinatè appetit, vel afficitur erga pecunias, vel res temporales, ut pro eis acquirendis, augendis, vel conservandis, Præceptum aliquod grave transgrediatur, vel transgredi paratus sit e. g. Præceptum erogandi superflua in pauperes.

Avaritiâ leviter peccat.

Qui de temporalibus plus affectat, quàm pro se, vel suis necesse habet, idque ex inordinato amore erga temporalia.

Qui pro acquirendis, augendis, vel conservandis temporalibus

bus superfluis nimium laborem, & curam impendit, cum aliquo, sed non gravi dispendio virtutum, & perfectionis Christianæ, ac salutis æternæ.

Qui de jactura temporalium inordinatè tristatur.

Luxuriâ graviter, & leviter

66. **Q**uomodo quis peccet? abundè dictum est supra num. 61. de peccatis contra sextum, & nonum Præceptum Decalogi.

Invidiâ graviter peccat.

67. **Q**ui de gravi alterius malo gaudet, vel de gravi bono, aut felicitate alterius tristatur, vel illud odiô habet: & quidem vel respectu sui superiorum, quia eis non æquatur, vel respectu inferiorum, ne sibi æquantur, vel respectu parium, quia sibi æquantur.

Invidiâ leviter peccat.

Qui de levi malo alterius gaudet: vel bono illius tristatur modô superiùs indicatô.

Gulâ graviter peccat.

68. **Q**ui jejunium sub mortali debitum violat graviter ex inordinato appetitu ad cibos, Qui diebùs jejuniî carnes in

notabili quantitate comedit ex mera gula.

Qui nimio cibô, vel potu grave nocumentum infert sanitati ex eodem inordinato appetitu.

Qui usque ad privationem usûs rationis se inebriat, vel alios inebriare conatur.

Qui per inordinatum potum notabiliter ineptum se reddit ad functiones, ad quas sub mortali obligatur.

Qui poculis epotandis decertant, vel magnam dici, & noctis partem insument, non curantes, an plena ebrietas, aut inhabilitas ad graviter obligatoria sequatur.

Qui continuo hærent in popinis cum gravi jactura uxoris, & prolium.

Qui de horum gravi excessu gloriantur, si hæc gloriatio fiat de ipso opere malo.

Gulâ leviter peccat.

Qui ultra naturæ necessitatem edit, aut bibit.

Qui necessaria naturæ ex sola voluptate sumit, aut soli voluptati inhæret.

Qui nimis avidè, vel ardentè, solam spectans voluptatem, comedit, aut bibit,

Qui

Qui extra tempus absque necessitate, vel rationabili causa bibit, vel comedit.

Qui nimis delicatos, aut exquisitos, vel nimis accuratè præparatos cibos inordinatè appetit.

Qui in defectu horum murmurat, impatiens est, & conqueritur.

Qui de cibo, & potu quasi continuò cogitat, cumque inordinatè, oblectamenti gratiâ desiderat.

Qui de potatione, vel comestione superflua, aut voluptuosa (non tamen graviter peccaminosa) se jactat.

Qui semiebrius est, nec plenè privatus ratione.

Irâ graviter, vel leviter

69. Qualiter quis peccet? abundè habetur supra n. 60. de peccatis contra quintum Præceptum Decalogi.

Acediâ,

70. Quæ generaliter est languor, aut desidia ad bene operandum, seu fastidium rerum spiritualium, specialiter autem est tristitia de re spirituali.

Graviter peccat.

Qui ob eam omittit necessaria ad salutem, aut omittit opus graviter præceptum; vel committit opus graviter prohibitum.

Qui de re spirituali tristatur.

Acediâ leviter peccat.

Qui tepidè, languidè, aut somnolenter preces, aut alia pia exercitia perfolvit.

Qui pusillanimis, tædiosus, aut nimis timidus est ad aggredienda ea, quæ pro sua, vel aliorum salute sunt conducentia.

Qui aversionem, & quasi nauseam à virtutibus, aut pijs exercitiis habet, eaque propterea quavis data occasione fugit &c.

Qui tempus otiosè consumit.
71. Quæritur IX. Quando, & quomodo quis peccet peccatò alienò?

Quamvis ex dictis à potiori jam pateat ad quæsitum, nihilominus pro compendiosa notitiâ Resp. Novem, imò decem modis quis committit peccatum alienum, videlicet: I. Consiliò. II. Jussione. III. Consensu. IV. Irritatione. V. Laudatione, seu adulatione. VI. Taciturnitate.

VII.

VII: Conniventia. VIII. Participatione. IX. Defensione. ac X. Malò exemplò.

Consilio peccat.

Qui ad aliquod ex hactenus recensitis peccatis v. g. ad alium occidendum consulit.

Iussione peccat.

Qui Superior existens subdito suo mandat, ut peccatum aliquod v. g. furtum faciat.

Consensu peccat.

Qui suum suffragium, votum, seu consensum expressum, vel tacitum ad peccatum alterius præbet.

Irritatione peccat.

Qui alium ad peccatum v. g. luxuriam, iram, blasphemiam, verbis vel factis allicit, irritat, vel provocat.

Laudatione, vel Adulatione peccat.

Qui alterius malefactum laudat, eique propterea quasi de gloriòse, magnanimiter, ac bene gesto adulatur, indeque

Neudecker Pars Prior.

causa est, quòd alter in suo malo perseveret, aut pergat.

Reticentia, seu Taciturnitate peccat.

Qui, cum loquendò v. g. monendò, docendò, corrigendò &c. peccatum alterius impedire posset, ac deberet, fileat, & tacet.

Conniventia peccat.

Qui peccatum alterius, quòd sua autoritate, aut facultate data vindicare, & punire, ac puniendò emendare potest, ac debet, impunitum relinquit, & in peius ruere sinat; ita sæpe peccant Superiores, Domini, Patres-familias &c.

Participatione peccat.

Qui in parte lucri cum furibus aut deceptoribus venit, aut de bonis injustè ablati participat. Sic peccant, qui furibus, aut notæ turpitudinis hominibus hospitium præbent, ut eorum malè partis gaudeant.

Defensione peccat.

Qui malefactoribus patrocinatur, vel eos, cum malefaciunt, verbis, vel factis defendit,

Bb

sendit, vel qui perversam alterius doctrinam tuetur.

Malo Exemplo peccat.

Qui suò peccatò, aut malefactoris causa est, quòd alij similiter peccent, & malè agant.

Hi sunt potissimum modi committendi peccata aliena gravia, vel levia. Quæ gravia sunt, Confessione necessario subjici debent. Porro non sufficit in Confessione genericè se accusare de peccatis alienis, v. g. *mandavi*, vel *consulvi peccatum* &c. sed debet species peccati exprimi, e. g. *Mandavi meo subdito, ut innocentem aliquem verberibus exciperet.*

72. Et hic est Catalogus, seu speculum potissimorum peccatorum propriorum, & alienorum contra Præcepta Decalogi &c. ex quo etiam alia peccata colligere, sicque Confessionem Generalem facere quis facile potest: de aliis autem peccatis gravibus, quæ hic non videntur exprimi, quemvis bonæ voluntatis propria conscientia, & Angelus Custos monebunt.

73. Specialiter autem circa hunc Catalogum est notandum, quòd ea, quæ peccata mortalia ex se esse diximus, mortalia non

sint, quando bona fide, vel ex ignorantia invincibili, aut sine plena mali gravis advertentia sunt. Nec ex subsequenti cognitione evadit peccatum mortale, neque tenetur quis confiteri illud, quòd prius, dum perpetravit, mortale, aut grave esse non scivit. v. g. qui bona fide, nesciens esse mortale peccatum, legit librum hæreticum, & postea primum rescit illud, non est reus peccati mortalis, nec tenetur illud postea confiteri,

74. Quibus non obstantibus, melius, perfectius & securius facit, qui cuncta etiam illa peccata secundum se sive ex natura sua mortalia confitetur, quæ ex ignorantia, aut abs cognitione sufficiente, vel sine plena advertentia, & deliberatione facta sive commissa esse opinatur; eò quòd in huiusmodi factis non raro intervenire possit ignorantia mali culpabilis, crassa, supina, vel affectata (de qua amplius Theologi) à mortali minimè excusans, vel quòd adfuerit præter novam reflexionem sufficiens advertentia mali gravis tempore, quo commisit.

75. Cæterum, si quis ex prædicto Catalogo peccatorum, ad civi-

evitandam nimiam prolixitatem summarie solum & succin-
de posito, nihilominus in uno
alterove casu particulari satis se
juvare non posset, Confessarii,
aut Directoris sui spiritualis con-
siliium desuper imploret, con-
sultum & necesse est.



C A P U T VIII.

De Communibus, & quotidianis Operibus in genere.

I.

Postquam in præcedentibus
quinque Capitibus ad lon-
gum docti estis Charissimi
Tyrones Religiosi! decli-
nare à malo, seu peccato, id est,
delere, & extinguere peccata
jam commissa, eaque imposte-
rum super omne aliud malum
timere, ac declinare; jam doce-
bimini facere bonum, juxta or-
dinem à Spiritu Sancto præscrip-
tum Psalm. 36. v. 27. Declina à
malo, & fac bonum. & Isaia cap. 1.
v. 17. Discite bene facere. Quod
pluribus exprimit S. Paulus Rom.
6. v. 13. Exhibete vos Deo tanquam ex
mortuis viventes, & membra vestra
arma justitiæ Deo. & v. 19. sicut enim
tribulistis. membra vestra servire
inmunditiæ, & iniquitati ad iniquita-

tem; ita nunc exhibete membra vestra
servire justitiæ in sanctificationem. Ex
ad Ephes. 4. v. 23. & 24. Renovamini
spiritui mentis vestre, & induite novum
hominem, qui secundum Deum creatus
est in justitiâ, & sanctitate veritatis,
Quia minus est, mala non agere (inquit
S. Gregorius Hom. 13. in Evangel.)
nisi etiam quisque studeat & bonis
operibus insudare. Nec sufficit vi-
vere in Religione, nisi in Religio-
ne bene vivatur.

2. Quod ut melius, & facilius
procedat, à facilioribus incipie-
mus, tradendò in præsentì Ca-
pite doctrinam, & praxin cuncta
opera, & actiones, præsertim
verò communes, & ordinarias
quotidianas perfecte, & prout
Deo maxime placet, peragendi.

3. Quamvis enim ratio ordi-

Bb 2

nis

nis aliàs exigeret, ut prius de perfectione Religiosa, & de obligatione, motivis, & medijs ad eam tendendi ageretur; tamen pro utilitate vestra de expressis in rubrica, seu titulo hujus Capitis agemus: tum, ut à facilioribus ad difficiliora gradatim ascendatis: tum, ut maturè sciatis, quomodo quasvis actiones, & opera, præsertim quotidiana, perfectè, ritèque peragere debeatis, ne aliàs in ijs, quæ quotidie, ac continuo agere debetis, imperfecti, ac defectuosi inveniamini, & donec illa perfectè agere discatis, malè, & imperfectè agendi habitum etiam in Religione contrahatis, vel contractum magis radicetis, indeque difficultatem augeatis, eum corrigendi, & ex-

tirpandi: tum etiam, quia plurimum refert, quotidianas actiones ordinarias ritè peragere; cum in perfecta earum persolutione potissima pars perfectionis, imò juxta aliquos tota quasi perfectio nostra consistat.

4. Quoniam verò actiones, & opera nobis incumbentia ordinaria & quotidiana diversa sunt, & valde multa, ita, ut de omnibus & singulis in specie differere, utilis, & necessaria brevitatis non admittat, hinc in præsentì Capite & sequentibus tribus agitur de quovis opere in genere ritè peragendo: in subsequentibus dein agitur de quibusdam ordinarijs, & quotidianis actionibus, seu exercitijs Religiosis in specie.

§. I.

De Præstantia, & Utilitate Communia, & quotidiana Opera, & Exercitia Religiosa in genere perfectè peragendi.

5. **Q**Uæritur I. Quantum Inter sit, communia & quotidiana opera ritè, & perfectè peragere? Pro facilius, & melius capienda resolutione hujus Quæsitì, sicut & pro necessaria compendiosa saltem aliqua cognitione Dei, & Perfectionis

Religiosæ, prius sciendum, & bene notandum est, quòd (juxta dicenda in Parte posteriore) Perfectio Religiosa, ad quam tendere tenemur, consistat in perfecta, & constanti tam interna, quàm externa executione voluntatis Divinæ quoad omnia, seu

seu in perfecta conformitate hominis interni, & externi cum voluntate Divina, sive potiùs in habitu ex amore erga Deum illud omne, & solum volendi, & nolendi, desiderandi, & averfandi, agendi, omittendi, & patiendi, quod vult Deus, quomodo vult, & quia vult, ita, ut interne quis nil aliud velit, nil amet, vel desideret, & externe nil aliud agat, quàm quod Deus vult, & quod placet Deo, nec quidquam odio habeat, timeat, averfetur, & externe fugiat, declinet, vel omittat, quàm quod Deo displicet, & contra sanctissimam ejus voluntatem est; consequenter perfectus Religiosus, quoad hominem internum unius mentis, unius voluntatis, & spiritus cum Deo sit: quoad externum verò hominem, in omnibus interno conformiter agat, operetur, & appareat, idque omne ex amore, & respectu erga ipsum Deum, ob beneplacitum, honorem, & gloriam ipsius, utpote dignissimi, ut ab omnibus, & in omnibus ametur, honorificetur, glorificetur, ejusque perfectè serviatur, ejusdem sanctissima, sapientissima, utilissima, ter optima voluntas, & Divinum beneplaci-

tum in omnibus exactè adimpleatur, adeò, ut, si quis interrogaretur, *quare hoc, aut illud amas, vel desideras, agis, aut pateris?* ex sincero corde, & vero animo respondere posset: *quia Deus vult; vel, quia Deo placet; quia cedit ad Dei gloriam, laudem, & honorem &c.* Et, si ulterius interrogaretur: *quare autem ita vis, & desideras solè placere Deo, ejusque solam cupis, intendis, & queris gloriam, laudem, & honorem, ac beneplacitum?* sincerè responderet: *quia illum solum summopere, & quidem super omnia diligo.* Et, si rursus fieret interrogatio: *sed quare illum solum tantopere amas, & ex amore illius desideras, ac queris honorem illius, gloriam, & beneplacitum?* responderet: *quia solus omni amore, laude, gloria, & servicio dignissimus est, & infinitè meretur, ut ab omnibus, in omnibus, & per omnia, & super omnia, præsertim à me ametur, honoretur, laudetur, glorificetur, ejusque perfectè serviatur.*

6. Enimvero (ut brevissimè tantum aliquid pro aliquali Dei cognitione dicamus) fide certum est; quòd Deus sit bonum infinitum, quo majus, aut melius esse, vel excogitari non potest, omne aliud bonum, omneque amabile, & æstimabile

totius universi, tam possibile, quam actu existens, eminentissimò, ac infinitò modò in se continens, & superans, à quo omnia, in quo omnia, per quem, & propter quem omnia. Intuitu, & consideratione cuius sanctus Pater noster Franciscus, per integram noctem continuo, & alias sepius spiritui, amoreque plenus exclamavit: *Deus meus, & quonia! Deus meus, Omnia!*

7. Est insuper ab æterno, & in æternum existens ter optimus maximus, omnipotens Dominus Deus, Creator, & Conservator totius universi, sapientissimus, ac providentissimus Gubernator, Rector, & Director coeli, & terræ, omniumque creaturarum; æquissimus, ac iustissimus Legislator, & Iudex nostri, clementissimus, & benignissimus Miserator; mirabilis omnium, præsertim suorum Custos, Defensor, & Protector; largissimus, & æternus omnium, etiam minimorum Retributor; immensa, & incomprehensibilis Majestas, in qua jugiter vivimus, movemur, & sumus &c.

8. Hic ipse tantus Deus est præterea summus, imò infinitus, indicibilis, inexplicabilis, incessa-

bilis, ac intensissimus Amator, Fautor, & continuus Benefactor noster, infinitò desiderio flagrans, omni nos bonò implendi, & ab omni malo nos eruendi, ac custodiendi; prout etiam omni momentò innumera corporis, & animæ, temporalia, & spiritualia beneficia nobis confert, & ab innumeris omnis generis malis nos præservat, intensissimè cupiens, nos adhuc pluribus, & majoribus donis, & beneficiis, prosperitate, & felicitate, hic, & in æternum replere (dummodo incapaces nos ipsos non reddamus) ac e contra à quovis, præsertim æterno malo nos liberare.

9. Unde etiam ex infinito erga nos amore æstuans, ut nos (qui per peccatum Adæ omnes eramus æternæ mortis rei) ab æterna damnatione eriperet, simulque æterna felicitate coelesti bearet, etiam miseram naturam nostram assumpsit, factus est homo, & pro nobis, amoreque nostri acerbissima tormenta, intensissimos dolores, ludibria, contemptus, & irisiones sustinuit, mortemque turpissimam, & dolorosissimam, crucis nempe obiit.

10. Nec hic quiescit infinitus illius erga nos amor, sed (quod stupen-

stupendū est) dum his omnibus non obstantibus, tantum Deum, tantumque nostri Amatorem, & Benefactorem quōdīe offendimus, continuūq; injuriis iniquissimè afficimus, & loco amoris reciproci odium, loco honoris, servitii, & obedientiæ debitæ contemptum, ac rebellionem rependimus, ita, ut non raro tota quasi vita nostra à potiori sit imera illius offensa, injuria, atque in opere, & effectu vilipensio, ac contemptus illius, ipse non cessat, sed continuat nos amare, & milles parcens nobis, loco æternæ damnationis toties promerita, continuū beneficiis nos cumulat, omnibusque viis, medijs, & modis ab æterno interitu eripere, & ad se, sui que amorem, ac æternam felicitatem trahere, continuū amantissimè satagit; etsi ipse, ejusque æterna gloria, & felicitas à nobis minimè dependeat, utpote, cum absque nobis, & nobis æternū damnatis, de præsentī sit, ac in æternū foret idem, qualis ab æterno fuit, infinitus, ac felicissimus Deus; nos econtra omni momentō ab ipso in omnibus dependeamus, simulque ex natura miserrimæ, vilissimæ, minimo amore, & fa-

vore tanti Dei indignissimæ, atque ob peccata nostra loco amoris, & favoris æternū odium, æternasque, & omnes temporales poenas sapissimè promerita creaturæ sumus.

II. Quis isthæc de præfatis attributis Dei, tantōque illius erga nos amore cognoscens, & considerans non æstimet, & amet illum? quis non ex amore erga eundem omnem laudem, honorem, & servitium semper, & in omnibus juxta sanctissimam, & sapientissimam ejus voluntatem exhibeat ei? quis aliud desideret, aut in quo alio latetur, quietus, & contentus vivat, quàm quod talis, ac tantus Deus semper, & ubique, in omnibus, & per omnia ametur, glorificetur, laudetur, ei que perfectè serviatur; præsertim si etiam perpendimus, quod amor, honor, servitia &c. à nobis eidem exhibita, in nos ipsos quoque, nostram temporalem, & æternam felicitatem ex infinita ejus bonitate redundant.

12. Hinc Charissimi! ut voluntatem nostram ad Dei amorem facilius & melius moveamus, & ut ex amore erga illum, in omnibus ejus sanctissimam volun-

voluntatem exactè faciamus, solumque illius beneplacitum, gloriam, & honorem intendamus, & quæramus, ac propter ipsum cuncta perfectè agamus, summè conducit, imò necesse est, de **Attributis, & Perfectionibus** Divinis, ejusque erga nos infinito Amore, & Bonitate sæpius cogitare, ac meditari, ut successivè ad majorem illius cognitionem, indeque ad majorem amorem veniamus; quia *nil volitum, quin præcognitum.*

13. Verùm, quantumvis fides amandissimum Deum nostrum infinitè bonum, & amabilem, omnique amore, honore, & servitio dignissimum nobis exhibeat, adeò, ut quis illum, prout juxta fidem est, considerans, spectata ratione non possit non amare, laudare, & honorare, atque ex amore illi servire. Ejusdemque sanctissimam voluntatem in omnibus adimplere; natura tamen nostra perpeccatum Adæ adeò fuit inversa, & facta perversa, ut omnes ferme illius appetitus, passionès, & inclinationes sint sanctissimæ voluntati, amorisque Divino è diametro contrariæ, ita, ut ferè omne illud, quod sanctissima Dei voluntas à

nobis exigit, ei que placet, natura nostra perversa juxta suam naturalem passionem aversetur, & fugiat: e contra, quod sanctissima Dei voluntas nobis prohibet, ei que summè displicet, natura nostra perversa juxta suam naturalem inclinationem appetat, & desideret, ut proin omnis, qui Deum verè amare, & honorare, ei que (prout tenetur) ex amore perfectè servire, & sanctissimam voluntatem, ipsius in omnibus exactè implere, consequenter ad perfectionem *num. 6.* aliquàlter descriptam pervenire vult, debeat quali continuo contra perversam suam naturam, ac inordinatas passionès, & inclinationes ejus certare, pugnare, ac sibi met ipsi vim inferre agendò, & patiendò propter Deum illud, quod perversæ naturæ adversum, contrarium, difficile, ac odiosum est, ac omittere illud, quod eidem arrideret, acceptumque foret.

14. Quod certamen spirituale tam diu continuare debet, donec malas, & inordinatas naturæ passionès, ac inclinationes totaliter extirpet, vel ita saltem sedet, & corrigat, ut Divinæ voluntati, ac rationi tam rebelles, & contrariæ

trariæ non ampliùs existant, quin faciliter vincantur, & cedant, si data occasione quandoque se adhuc insinuant.

15. Et in hoc certamine spirituali, in hac inordinatarum passionum, & inclinationum nostrarum extirpatione, in hac perversæ naturæ nostræ, ac interni hominis correctione, & reformatione potissimus labor, cura, & sollicitudo nostra consistere debet; tum, quia hoc Deus à nobis maximè desiderat, eique summè gratum, & acceptum, nobisque summè meritorium est, adeò, ut quis per certamen spirituale, curam, & laborem, quo cunctas suas inordinatas passiones eradicare sedulò satagit, Deo majus, & gratius præstet obsequium, majusque obtineat meritum, quàm si unâ, aut pluribus inordinatis passionibus sinè cura habitis, quotidie flagellis usque ad sanguinem voluntariè se caderet, & jejniis, aliisque corporis afflictionibus, & mortificationibus rigidissimos aliquos Eremitas superaret; vel plura animarum millia converteret, hoc ipso, quòd illud magis, quàm istud à nobis exigit Deus; prout ampliùs infra: tum, quia, nisi pas-

siones nostræ inordinatæ extirpentur, vel sufficienter domentur, & contra boni habitus, ac virtutes internæ solidè implantentur, ac firmentur, consequenter homo internus bene constituitur, externa quæque, vel imperfecta, vel non diu sunt duratura, sicq; omnis labor frustraneus, & homo in periculoso statu erit, nec à longè Perfectionem assequetur; prout ampliùs in *Parte posteriore* dicitur, simulque docebitur modus, & praxis, malas passiones & vitia, pravosque habitus, & consuetudines faciliter, & perfectè extirpandi, ac contra implantandi habitus eis contrarios, & virtuosos.

16. Et hæc modica de Perfectione Religiosa, cognitione Divina, & certamine, seu pugna spirituali summè meritoria, & semper necessaria, breviter, & obiten interim, ac quasi per parenthesis tradere, ac præmittere oportuit quia summaria saltem, & compendiosa illorum notitia ad intelligentiam præsentis, & sequentium Capitum, nec non ad alia scitu jugiter necessaria est. Hac igitur supposita pergitur modò ad prosecutionem Rubricæ, seu tituli hujus materiæ, & quidem

ad resolutionem quæſiti *num. 5.* poſiti.

17. Reſp. Plurimùm refert, Deoque gratiſſimum, ſummè-que meritorium eſt, cuncta, quæ agimus, non tantùm magna, ſive ardua, ſed etiam parva, imò minima, præſertim verò communia, ac quotidiana opera perfectè, & exactè peragere. Ita unanimis ſenſus SS. Patrum, Theologorum, & Aſcetarum. Ratio eſt; quia in hoc potiſſima Perfectionis pars, imò in aliquo ſenſu tota quaſi Perfectio conſiſtit: cùm enim juxta dicta, Perfectio Religioſa conſiſtat in perfecta executione voluntatis Divinæ; ſeu, ut omne, & ſolum velimus, & agamus, quod vult DEUS, quomodo vult, & quia vult; planè perfectus erit ille, qui, quidquid agit, perfectè agit; hoc ipſo, quòd perfectè agere quodvis opus, inter alia requirat, ut ſemper illud, & nunquam aliud agat, quàm quod hîc, & nunc vult Deus, quomodo vult, & quia vult.

18. Nec deſunt perfectè operanti virtutes, & mortificationes internæ; cùm enim perfectè cuncta operari, ordinariè contrarium, & adverſum ſit naturæ no-

ſtræ perversæ, inordinatiſque paſſionibus, & inclinationibus noſtris, ſæpiſſimè, imò quaſi continuo ſe mortificare, ſibi-que, & perversæ ſuæ naturæ vim inferre, ac contra paſſiones pugnare, conſequenter plurimas virtutes internas exercere debet, qui omne, quod agit, perfectè agere vult. Opus namque perfectum, etiam bonam, perfectamque voluntatem internam, perfectum modum, perfectumque finem partim ſupponit, partim includit; ut proin ex operibus, & actibus externis, internum hominem facilè cognoscamus, docente ipſomet Chriſto *Matth. 7. v. 20. Ex fructibus eorum cognoscetis eos.*

19. Hinc Spiritus S. *Eccli. 33. v. 23.* hortatur, & præcipit: *In omnibus operibus tuis præcellens eſſo.* Ad perfectè agendum, quidquid agimus, etiam exemplò ſuò, promiſſis, & minis, variè nos inducit amandiſſimus DEUS: exemplò quidè, poſtquam enim fecit cœlum, & terram, & ea, quæ in eis ſunt, conſideravit, *viditque Deus cuncta, quæ fecerat, & erant valde bona. Gen. 1. v. fin.* de Chriſto etiam *Marci 7. v. 37.* dicitur: *Bene omnia fecit.* Ubi nota *ly bene, &*
omnia

omnia, id est: perfectè, & quidem omnia.

20. Promissis etiam inducit; nam David, licet multa & varia à Deo sibi revelata habuerit, tamen inter hæc duo præcipue sibi notavit, & nos notare debemus; videlicet quòd, sicut Deus ex Omnipotentia sua potest, & ex infinita Bonitate, ac Misericordia sua vult, ita certissimè in re, & effectu cuique dona, gratias, & mercedem hinc, & in altera vita largiturus, & redditurus sit *juxta opera sua*; prout nempe quis malè vel bene, perfectè vel imperfectè egerit. Sic enim ait *Psalm. 61. v. 12. & 13. Semel locutus est Deus: duo hac audiui; quia potestas Dei est, & tibi Domine misericordia, quia tu reddes unicuique juxta opera sua: etsi nemo hominum opera sciverit, vel audièrit; quia Deus, Pater tuus, qui videt in abscondito, reddet tibi. Matth. 6. v. 4.*

21. Minis quoque expressè, etiam sub maledictione, & quidem universali, consequenter valde timendâ intentat, negligenter, & imperfectè agentibus opera sua: nam *Jeremia 48. v. 10.* dicit Spiritus S. *Maledictus, qui facit opus Domini fraudulenter; seu, ut alii loquuntur, negligenter, id*

est, obiter, imperfectè, & defectuosè; quamvis enim hic textus de oratione, & aliis actibus virtutis Religionis specialiter intelligatur, tamen etiam de aliis Religiosi operibus intelligendus venit; est enim, vel saltem debet esse quodvis opus Religiosi opus Domini, hoc ipso, quòd se totum mancipaverit servitio Divino, & in eo existens nil aliud, quàm quod vult ejus Dominus, agere debeat, consequenter omne, quod agit, opus Domini sit; unde de quovis, quod negligenter agit, maledictionem timere debet. Nec immeritò; quia, qui opus Domini negligenter, & imperfectè agit, plùs displicet Deo, quàm placet, cumque potius offendit, quàm honorat; proinde non tam mercedem, quàm poenam, & maledictionem meretur. Hinc non sufficit facere, *quod Deus vult*, sed etiam, *quomodo vult*: exactè nempe, & perfectè; quia, ut S. Ephrem *tom. 3. Serm. de pœnit.* ait: *Non ad actionem respicit Deus, sed ad propositum voluntatis. & non intuetur, quòd sit, sed quòd quid studio, & propensione peragatur.*

22. Dicitur autem notanter in responsione, *non tantùm magna, sed*

sed etiam parva, imò minima: quia, qui in parvis est imperfectus, defectuosus, & negligens, etiam talis in magnis erit, teste æternæ Veritate *Luc. 16. v. 10. Qui fidelis est in minimo, & in majori fidelis est: & qui in modico iniquus est, & in majori iniquus est.* Hinc idem Salvator noster, servum in paucis, & minutis fidelem, super multa constituit *Matth. 25. v. 23. Euge serve bone & fidelis, quia super pauca fuisti fidelis, super multa te constituam.* Dum econtra in paucis, & minutis infidelem totaliter abjicit, & etiam modicum, quod ei commisit, aufert ab eo; ut patet ex illo *Luc. 19. v. 16.* ubi mna illa, quam quis unicam habuit, sed cum ea debite operari neglexit, eidem ablata, & illi collata fuit, qui decem minas habuit. Unde, qui verè atlat, & *timet Deum*, ait Ecclesiastes *c. 7. v. 19. nihil negligit.*

23. Accedit, quòd Deus etiam minima perfecte facta, maximi faciat, respiciat, & remuneretur: *Mos enim*, ait S. Chrysostomus *Homil. 25. in Gen. Divina misericordia est, ut, si nos tenuia quadam & vilis obtulerimus, multa liberalitate nos remuneret.* Et *Homil. 38. ad Populum: Omnia facis Deus, & sata-*

git, ut ex minimis te coronet. Hinc bene ait S. Basiliius Constant. *lib. de vita solitaria. cap. 24. Decet Religiosum, etiam viliora opera cum multa diligentia & animi promptitudine amplecti, scientem, non esse exigui, sed magni momenti, & spirituale, cæloque dignum, & cælestem mercedem nobis adferre.* Siquidem non rarò contingit, quòd à minimo aliquo opere, bene, vel malè peractò, consecutivè dependeat hominis salus; dum nempe ad illud bene peractum quis consequitur certam gratiam, qua mediante aliud agit, aliàmque, & forsan majorem obtinet gratiam, qua firmatus adhuc perfectiùs pergit, & feliciter consummat: dum econtra, si illud primum minimum opus neglexisset, aut malè egisset, aliæ gratiæ emanassent, & illis deficientibus forsan peccata concatenata subsecuta fuissent.

24. Dicitur ulteriùs in Responsione *num. 5. data: Præferimus verò communia, ac quotidiana:* quia in perfecta observatione, ac persolutione actionum, ac operum communium quotidiano- rum, seu ordinariorum v. g. Horarum Canoniarum, & aliarum orationum à Statutis præscri-

scriptarum, silentii, Chori, meditationis, & recollectionis, examinis generalis, & particularis, auditionis, vel lectionis Missæ, Confessionis & Communionis, studii literalis, vel alterius laboris, Ceremoniarum, externæ disciplinæ, & civilitatis Religiosæ, ac compositionis corporis, & membrorum, ex Regula, Statutis, consuetudine Religionis, aut præcepto, vel præscripto Superiorum nobis incumbentis, & in exacta observatione aliorum à Statutis præscriptorum, etiam minimorum, consistit Perfectio Religiosi, prout bene observant celeberrimi Ascetæ post S. Bonaventuram in *Specul. Discipl. p. 2. c. 2.* expressè dicentem: *Optima Religiosi Perfectio est, perfectè communia quæque conventualia observare.* Ratio est; quia, cum juxta dicta, & dicenda adhuc, in ordine ad perfectionem nil referat, quid agamus, sed ut id agamus, quod Deus vult, idque perfectè: Deus autem certissimè velit, ut actiones, opera, & exercitia communia Religionis, utpote ex virtute obedientiæ, indèque ex certa voluntate Divina nobis incumbentia agamus; consequens est, illum in Religione perfectè vivere,

qui actiones, exercitia, & opera Religionis communia, quotidiana, vel ordinaria, perfectè, atque exactè observat, & persolvit.

25. Accedit, quòd Deus etiam singularem habeat complacentiam in communibus Religionis operibus, eisque providè assistat, sua dona, & gratias ob ea largè tribuat; non tantum, quia ex obedientia, consequenter juxta voluntatem ejusdem fiunt, sed etiam, quia in communione unita, & ordinata charitate, ac concordia, qua magnopere delectatur, peraguntur, indèque mutua perfectione intenduntur, & contingentes subinde defectus unius, vel alterius, perfectione, & virtute aliorum suò modò suppleantur. Suam complacentiam Divinam in communibus, ac unitis operibus manifestaturus Christus *Matth. 18. v. 20.* dicit: *Ubi sunt duo vel tres congregati in nomine meo, ibi sum in medio eorum.*

26. Concors est SS. Patrum Doctrina, quodvis etiam minimum opus, seu actionem communem Religionis, Deo magis placere, majusque meritum causare, quàm privatum, etsi cæteroquin bonum, ita, ut, si inter duos, unus propterea, quòd ex

privata devotione v.g. jejundet, media nocte ad laudem Divinam surgat, meditetur, oret &c. duos gradus meriti obtineret, Deoque ut duo placeret; alter, qui simile quid ex obedientia præstaret, tres vel quatuor gradus haberet: si verò etiam in Communitate id faceret, plures adhuc gradus meriti compararet, Deoque ut sex, vel octo certissimè placeret: e contra, si incumbens sibi opus obedientiæ commune, ob privatum aliquod cœteroque bonum, & ex se excellentius opus omnino omitteret, non tam bene, quàm malè ageret, & poenam potius, quàm mercedem coram Deo mereretur.

27. Colligētis *primò* Charissimi! quòd, cùm perfecta observantia, & persolutio operum, exercitiorum, & actionum communium quotidianarum, seu ordinariorum Deo summè placeat, ingens meritum, & copiosam Dei benedictionem obtineat, & ut plurimum Religiosi perfectionem importet, eam utique maximi æstimare, sinè urgente causa nunquam negligere, sed semper perfectè observare, & persolvere, privatisque operibus, aut devotionibus

vestris longè anteponeere debeatis.

28. Colligētis *secundò*: quàm malè sibi consulant illi, qui communia, & ordinaria opera parvi æstimantes, ex levi, vel nulla causa subterfugiunt, negligunt, vel non nisi ex tepida consuetudine, & coactè, aut aliàs imperfectè observant, ac perficiunt.

29. Colligētis *tertiò*: quantum errent, & decipiantur illi, qui sua privata, vel peculiaria opera, vel devotiones magis æstimant, & curant, quàm communia, & hæc propter illa omittunt, vel perfunctoriè absolvunt.

30. Colligētis *quartò*: quàm facile sit Religioso ad perfectionem venire, si velit; cùm enim juxta dicta ad eam non requiratur, ut multa extraordinaria, & ardua opera peragat, vel rigidas austeritates exerceat, in solo pane, & aqua v.g. vivat, catenis ferreis se cruentet, & raptus, extasin, vel revelationes cœlestes habeat; sed tantum, ut actiones, & exercitia, ac opera communia, & ordinaria quæque Religionis perfectè observet, & persolvat. Certè nullus habet, quòd de difficultate conqueratur.

31. Multi sunt in mundo, qui liben-

libentissimè, & omni fervore debita perfectioni studerent, dummodo scirent, quid, & quomodo agere deberent: sed prò dolor! eis contingit, quod lamentatur Propheta Jeremias *Tbren. 4 v. 4. Parvuli petierunt panem, & non erat, qui eis frangeret.* Religiosi econtra ter felices, omnì quasi momentò sciunt, vel scire possunt, quid, & quomodo agere debeant, cum ferè omnia, eaque plerumque non nisi communia, & facilia, ex certa, & clara obedientia peragere debeant: quibus proin Deus meritò illud, quod Israëlitis *Deut. 30. v. 11. & seqq.* dicere potest: *Mandatum hoc, quod ego precipio tibi hodie, non supra te est, neque procul positum, nec in cælo situm, ut possis dicere: quis nostrum valet ad cælum ascendere, ut deferat illud ad nos, & audiamus, atque opere compleamus? Neque trans mare positum, ut causeris, & dicas, quis ex nobis poterit transfretare mare, & illud ad nos usque deferre, ut possimus audire, & facere, quod præceptum est? sed juxta te est sermo valde, in ore tuo, & in corde tuo, ut facias illum.*

32. Quæritur II. Quantæ utilitatis sit, respectu juniorum præsertim Religiosorum, communia & quotidiana opera ex-

actè persolvere? Resp. Quamvis (ut ex dictis patet) respectu omnium Religiosorum plurimum referat, cuncta opera, præsertim communia, & quotidiana perfectè, & exactè persolvere, attamen id respectu Novitiorum, & aliorum Juvenum Religiosorum, specialissimè, & omnium maximè refert, eisque summè utile, ac necessarium est. Ratio est; quia, qui in juventute, seu primis annis Religionis non exactè, & perfectè, sed tepidè, obiter, & ex mera consuetudine, vel aliàs imperfectè, ac defectuosè sua opera, præsertim communia peragere assuescunt, ordinariè taliter etiam per reliquum vitæ tempus pergunt, & si non graviter malam, saltem tepidam, & hoc ipso miseram vitam maximo cum periculo salutis æternæ ducunt; dum econtra, qui bene, exactè, & perfectè cuncta sua exercitia, actiones, & opera observare, & peragere satagunt, & assuescunt, atque ita perfectè operandi, agendique sanctam consuetudinem, & habitum primis statim annis generant, in eodem facillimè, & felicissimè pergunt, ac plerumque perseverant. Divinum siquidem

præximperfectos, & defectuosos vos agnoscitis, perfecti quoad utrumque evadatis.

34. Ad hoc præter memorata vos moveat, quod modò opportunissimum tempus, optatissimam occasionem, omnis generis media, & auxilia, ipsamque naturam, ad omne bonum adhuc flexibilem, utpote juvenem habeatis, quæ si culpabiliter negligitis, nullam sanè spem veræ emendationis, conversionis, & profectus vestri relinquitis. Enimvero Charissimi! si in Novitiatu, vel primis annis, in quibus à labore, negotio, cura, & sollicitudine immunes, pro acquirenda perfecta notitia, & praxi Ascetica, in solo studio virtutum, & perfectionis toti occupati esse potestis, & debetis, hoc negligitis, profectò nulla, vel exigua spes apparet, quòd id præstetis, dum literarum studiò, Confessionali, Concionibus, aut aliis obedientiæ muneribus, curis, aut negotiis necessariò distracti, & occupati eritis; si defecto, ubi quotidianà Magistri, ac Superiorum curà, vigilantia, consiliis, auxiliis, adhortationibus, & admonitionibus ad omne bonum juvaminis, perfecte in cun-

ctis operari, & agere non discitis, & assuescitis, quid erit, quando mediis destituti, & extra majorem Superiorum curam positi, solis vobismetipsis relictis manetis? si in his annis, quibus natura adhuc ad omne bonum flexibilis, nullis fortè, vel nisi teneris, & facile movibilibus habitibus pravis imbuta existit, hos extirpare, & bonos implantare, naturamque domare, & ad bona quæque assuescere negligitis, quid fiet, dum natura magis indurata, diuturnis, & altè radicatis malis habitibus, & passionibus obfirmata existit? Certè nil boni sperandum, sed potius, si non graviter mala, saltem tepida, atque hoc ipso misera, ac periculosissima vita timenda; cum Religiosi vita tepida sit periculò salutis plena, & abominatio coram Deo, ut proin à primis Religiosi cujuscunque annis vita ejus subsequens, profectus, & defectus, salus, vel perditio ordinariè desumi valeat.

35. Eja igitur dilectissimi! audite D. Paulum seriò adhortantem, & monentem *Galat. 6. v. 10. Dum tempus habemus, operemur bonum. & 2. Corinth. 6. v. 1. & seqq.* In visceribus JESU Christi adjuvan-

ses exhortamur, ne in vacuum gratiam Deirecipiatis; id est, ne sanctissimum, & aureum istud, pro solo virtutum, & perfectionis studio deputatum, & vobis concessum tempus (quod est maxima gratia extrinseca) negligatis; ait enim Dominus: Tempore accepto exandivi te, & in die salutis adjuvi te; ecce! nunc tempus acceptabile, ecce nunc dies salutis; nox sæculi præcessit, dies autem sanctissimæ Religionis appropinquavit: abjiciamus ergo opera tenebrarum, opera imperfecta, defectuosa &c. & induamur arma, seu opera lucis, sicut in die honestè, & perfectè ambulemus. ad Rom. 13. v. 12. & 13. amulamini in cunctis charismata meliora. 1. Cor. 12. v. 31.

36. Et quoniam nullum videtur dubium, quin ex dictis quivis vestrum ad omne bonum heroicè, & ferventer se jam resolverit, & adhuc magis, ac efficacius resoluturus sit, indèque tantum scire desideret, quomodo cuncta perfectè agere valeat, subiungitur sequens Paragraphus, quo examinabitur, quid sit, omne opus perfectè agere, & quæ ad id requirantur; infra *Cap. XI.* verò etiam de mediis differemus.

37. Interca etiam, antequam

alia, & aliter quivis addiscat, sancto suo desiderio, & obligationi facillimè satisfacere, perfectè in cunctis operari, ipsique Deo perfectè placere poterit, dummodo interim observet sequentia duo principia.

38. *Primo*: ut omnia, etiam minima, præsertim communia, & ordinaria, quæ ex obedientia, vel aliunde certò scit, quòd, & quomodo ea velit habere Deus, perfectè agat.

39. *Secundo*: ut ea, ad quæ perfectè agendi sufficientem notitiam, & praxin nondum habet, paratus sit pro viribus addiscere, & habitâ sufficienti notitiâ, perfectam illam agendi praxin assumere. Interim autem tam perfectè agat, quantum scit, & potest: ac taliter, qualiter scit, vel putat esse melius, magisque placere Deo, etiam si à parte rei seu materialiter erret: tum, quia Deus à nemine plus requirit, quàm quis scit, & potest: tum, quia, si quis non ex crassa, supina, aut aliàs ex culpabili ignorantia, vel negligentia, sed inculpabili bona fide erret, agendò aliquid, quod à parte rei malum est, vel bonum tali modò, qui aliàs à parte rei imperfectus, vel etiam pec-

peccaminosus est, nihilominus Deo perfectè placet, ac formaliter perfectè agit, si ex dicta inculpabili bona fide putat id, & quidem taliter placere Deo; quia prima nostra lex, & regula, juxta quam Deus nos operari vult, operantesque judicat, est dictamen conscientia nostræ.

40. Ex quibus patet, quemvis etiam pro nunc (si velit) perfectè vivere, Deoque perfectè servire, & placere posse. Patet insuper, longè facilius esse Deo, quàm mundo, aut hominibus servire; quia Deus omnia occulta, & secreta intuens, perfectè cognoscit, quid, & quomodo quivis sciat, & possit agere; item, qualiter, qua diligentia, qua men-

te, ac intentione quis agat: & contentissimus est, atque æternum muneratur, si homo, quantum scit, & potest, ac taliter agat, qualiter scit, & putat placere DEO, etsi à parte rei quid materialiter malum, vel bonum malè fieret: dum contra homines, qui interna ignorant, & plerumque vires aliorum non agnoscunt, ac insuper non sciunt, quæ, & quantà diligentia, curâ, & labore, ipsis absentibus fiant, malè contenti sunt, suspicantur, indignantur, & malè se exhibent erga sibi servientes, si res ad votum non succedat, aut error contingat, etsi absque omni culpa agentis eveniat.

§. II.

De necessario requisitis ad perfectè operandum: præsertim vero de Statu Gratiæ, prævia cognitione, & advertentia Boni.

41. **P**Ræviè advertendum est, pro doctrina fundamentalis, quodlibet opus perfectè agere, esse semper omnie & solum id agere, quod vult Deus, quomodo vult, & quia vult. Patet responsio ex dictis num. 5. & adhuc magis patebit

ex dicendis in Parte poster. Jam

42. Quæritur I. Quæ requirantur ad quodvis opus perfectè peragendum? Ante Responsionem nota, aliud esse quærere de necessario, & absolute requisitis, aliud de mediis conducentibus, & quasi necessariis ad perfectè

D d 2

quod

quodvis opus agendum. Prius de absolute, & necessario requisitis, postea de mediis agemus; hoc notato Resp. Ad hoc, ut opus aliquod, quodcunque tandem, perfecte fiat, sequentia quatuor absolute necessario requiruntur, videlicet: I. Status gratiæ. II. Practica cognitio, & advertentia boni. III. Bona intentio, seu bonus finis. IV. Debitus modus operandi: de quorum duobus prioribus in præsentia, de aliis verò in sequentibus Capitibus agemus.

43. Quæritur II. Quid sit Status gratiæ; & qualiter requiratur ad perfecte operandum. Resp. I. Status gratiæ est; seu tunc dicitur homo esse in statu gratiæ, quando habet gratiam habituales, seu sanctificantem, seu (quæ sunt synonyma) gratum facientem, & per consequens, quando in nullo existit peccato mortali; hoc enim incompatible est cum gratia sanctificante, ita, ut, ubi hæc est, illud non inveniatur; & e contra, ubi peccatum aliquod mortale est, gratia sanctificans certè absit.

44. Resp. II. Ut opus aliquod fiat, & sit perfectum, necessario requiritur, quòd operans sit

in statu gratiæ, ac sine peccato mortali. Ità unanimis SS. Patrum, & Theologorum. Ratio est; quia, ut opus aliquod sit, & dicatur perfectum, debet esse condigne meritorium vitæ, & gloriæ æternæ, simulque placere, & gratum esse DEO: est autem de fide, quòd nullum opus, quantumvis excellens, & in se bonum, sit de condigno meritorium vitæ, & gloriæ æternæ, vel DEO verè gratum, & acceptum, nisi fiat a tali, qui existit in gratia habituali, & caret omni peccato mortali, prout magis Theologi; ergo.

45. Imò omnia opera, etiam in se præstantissima v. g. largitio eleemosynæ, jejunium, conversio peccatorum, mortificatio carnis &c. in statu disgratiæ, seu, dum homo est in statu peccati mortalis, facta, sunt, & verè dicuntur mortua, ac sine merito de condigno; manentque talia in perpetuum, ita, ut etiam tunc non vivificentur, & meritoria evadant, quando homo per poenitentiam peccata mortalia delet, & gratiam sanctificantem iterum acquirit: licet e contra opera bona, in statu gratiæ facta, & postea per peccatum mortale mortifi-

cata,

cata, iterum reviviscant, valorumque, & meritum antiquum acquirant, quamprimum homo iterum in gratiam redit, juxta dicta *Cap. III. n. 28.* & amplius dicitur in Theologia. Interea

46. Colliges I. Eum, qui Deo placere, ei que perfecta exhibere opera, & grata præstare cupit obsequia, debere ante omnia, & absque ulla dilatione pro viribus conari, ut per Confessionem, vel saltem perfectam contritionem veniat in statum gratiæ, si, quod Deus avertat, sciat, aut prudenter dubitet, se unius, aut plurium peccatorum mortalium esse reum, & consequenter non esse in statu gratiæ.

47. Colliges II. Valde bonum esse, & pro majori securitate servare, nostris, saltem majoris momenti, operibus contritionem de cunctis peccatis in genere præmittere, etiam tunc, quando quis nullius peccati mortalis sibi conscius est; eo quod nemo certo sciat, se esse in statu gratiæ, juxta illud *Ecclesiastis cap. 9. v. 1. Nescit homo. utrum amore, an odio dignus sit.* Et illud *D. Pauli 1. Cor. 4. v. 4. Nihil mihi conscius sum, sed non in hoc justificatus sum; quare, ut magis firmus certi de gratia*

Dei, magisque securi de perfectione, & merito operum nostrorum, omnino bonum erit; assuescere, ut ante nostra majoris momenti opera, perfectam contritionem elicere conemur. Hæc siquidem, etiam absque Confessione actuali interim delet quodvis peccatum mortale, & ponit hominem in statu gratiæ. Accedit, quod talis contritio universalis hominem in gratia sanctificante jam existentem, adhuc magis sanctificet, consequenter faciat, quod opus subsequens Deo eo magis gratum, & acceptum evadat, quò magis à grata Deo causa promanat.

48. Hanc praxin suadere videtur Spiritus S. docens, quod etiam justus ante omnia se accuset. *Prov. cap. 18. v. 17. ibi: Justus prior est accusator sui.* Eandem praxin exemplò docet Ecclesia Catholica, dum Sacerdotibus, etiam nullius peccati gravis sibi consciis præscribit, ut ante tremendum Missæ Sacrificium, opus utique maximi momenti, de peccatis se accusent, & actum poenitentiae eliciant, animò contritò dicendò illud: *Confiteor Deo omnipotenti &c.*

49. Quæritur III. In quo consistat,

sistat, & qualiter requiratur ad perfectè operandum prævia cognitio, & advertentia boni? Resp. Eam consistere in hoc, quòd penitus nil resolvamus, multò minùs agamus, nisi priùs sciàmus, vel saltem putemus, si- mulque advertamus, seu recordemur; opus hìc & nunc placere Deo; eumque velle, & beneplacitum habere; quòd hìc, & nunc fiat: & hoc ad quodvis opus perfectè agendum etià necesse- fariò requiritur. Ratio est; quia aliàs deest voluntas, & intentio bene operandi; ac Deo placendi; ejusque voluntatem faciendi; impossibile enim est, aliquid velle, & intendere; quòd non scitur; aut cognoscitur: cùm juxta ritum, ac verissimum illud: *Nil volitum, quin præcognitum*. Hinc sicut nullum opus malum, aut peccaminosum est sine cognitione, & advertentia mali; sic nullum opus verè bonum, & Deo placitum erit, nisi cùm cognitione, & advertentia boni eliciatur.

50. Quapropter David meditationes suas ut plurimum instituit de cognoscenda lege, mandatis, voluntate, ac beneplacito Divinis, meditandò die ac nocte,

ut cognosceret, & sciret leges, mandata, & voluntatem Dei, quidnam, & quomodo velit, aut præcipiat Deus: quomodo item juxta legem, & voluntatem Divinam cognitam operari, & ambulare; eique perfectè placere, & servire valeret; quem amore, & obsequio dignissimum credebat, & semper cognoscebat. Adquam meditationem de lege Divina bene cognoscenda, & perfectè exequenda, omnes homines spiritu repletus sæpe hortabatur; prout copiosè videre, & legere est in illius Psalmis, præsertim *Psalmo 118*.

51. Dicitur autem notanter in Responsione *num. 49*. data, primò: *vel saltem putemus*: quia, etsi certò non sciàmus, vel cognoscàmus voluntatem ac beneplacitum Divinum; imò, etsi à parte rei, & materialiter erremus; nihilominus opus DEO acceptum, & perfectum esse poterit, dummodo saltem in conscientia putemus, id. vel ita velle Deum, ac placere DEO.

52. Dicitur notanter secundò: *simulque advertamus, seu recordemur*: quia non sufficit habere cognitionem, & notitiam habitualement, opus aliquod esse bonum, Deoque:

que acceptum, ita, ut interroganti desuper respondere possimus, utpote cognitionem hanc jam pridem nacti: sed insuper debemus illius habere aliquam actualem, saltem virtualiter durantem advertentiam, ita, ut ad agendum moveamur, quia sci- mus, cognoscimus, aut putamus, hic & nunc ita velle Deum, ita placere Deo &c. secus enim verum non erit, quòd tali opere velimus, aut intendamus placere Deo; cum hic & nunc id non cognoscamus, nec advertamus. Unde, sicut inadvertentia excusat à malo, & à peccato, quantumvis opus in se sit gravissimum peccatum, sic e contra inadvertentia boni, quod agimus, facit, quòd coram DEO pro bono non reputetur, hoc ipso, quòd tale illud, hic & nunc non velimus, nec intendamus, utpote ut tale, hic & nunc non cognoscentes, nec advertentes.

53. Circa quod punctum errant, & opera, vel omni bonitate carentia, aut certè non nisi plurimum imperfecta producunt, qui absque omni prævia consideratione, præcisè ex tepida consuetudine, aut inclinatione, aut impulsu naturali operantur. Et

quoniam miser hic, & imperfectus operandi modus valde frequens, & semel in habitum deductus difficiliter mobilis est, ab eo summo opere cavendum, & omni solertia vigilandum, ut statim ab initio assuescamus, habitumque contrahamus, nihil inconsideratè, aut ex tepida consuetudine, impulsu, aut inclinatione naturali, sed cuncta attentè, & consideratè agendi, scientes, & advertentes, ita velle, ita placere Deo, & ex hoc, aliòve fine bono, & motivo, quod agimus, agentes.

54. Dicitur notanter tertio: *Opus hic, & nunc placere Deo, eumque velle &c.* quia rursus non sufficit, scire, & cognoscere opus ali- quod in se esse bonum, nisi etiam sciamus, & advertamus, illud hic & nunc velle Deum, aut placere Deo; quantumvis enim opus in se sit bonum, & sanctum, si tamen Deus non vult, ut hic & nunc illud, sed aliud faciamus, nequaquam Deo placeret, sed potius displiceret, si hoc omisso illud quis faceret; hinc, licet orare, legere librum spirituales, meditari &c. sint opera in se bona, tamen coram DEO bona non sunt, si eo tempore fiunt,

fiunt, quo ex voluntate Divina obedientia &c. quid aliud faciendum, v. g. laborandum, studendum &c. esset.

55. Errant in hoc plurimi, præsertim illi; qui privatas suas devotiones omittere nolunt, et si sciant, aut scire deberent, inde se impediri ab iis, quæ Deus, obedientia, aut officium ab ipsis requirunt: item, qui easdem devotiones peragunt tempore, quo ex voluntate Divina aliis operibus vacare deberent: vel qui non illud, quod Deo magis placeat, sed, quo ipsi magis inclinant, operantur: item vel maxime illi, qui neglectis propriis aliena negotia assumunt, vel illis ultro se immiscant, aut talibus actionibus, laboribus & curis se occupant, tempus & vires consumunt, quæ nec Deus, nec eorum status, conditio, officium, nec obedientia, nec alia vera virtus ab eis requirit.

56. Hi miseri pertinent ad illud infelix hominum genus, de quibus ille Sapiens aiebat: *Est etiam aliquod genus hominum operose agentium nihil*; illorum videlicet, qui, licet nescio, quantum laborant, vires animi, & corporis intendunt, curas, & sollicitudines

habeant, se fatigent, & consumant; attamen prorsus nihil agunt, id est, penitus nullam mercedem, sed poenam potius apud Deum merentur: quia neglectis, vel defectuose, & imperfectè peractis propriis, ac debitis actionibus, vel negotiis, illud agunt, quod agere ipsorum, saltem hic & nunc non est; seu, quod Deus nec directè, nec indirectè ab ipsis requirit. Profectò, si servus aliquis à Domino temporali ad hoc conductus, ut eidem semper à latere sit paratus ad currendum, & exequendum, quod Dominus pro tempore iusserit, relictò Dominò vaderet ad alienam domum, ibique cum operariis maxima cum sua fatigatione, summâque cum diligentia, & intensione, in continuo vultûs, & corporis sudore, per totum diem frumentum excuteret, fimetò currus oneraret, terram foderet, ligna secaret &c. prorsus nullam laudem, sed vituperium, nec mercedem, sed verbera expectare haberet à Domino, meritò oburgante: serve stulte, & nequam, ad quid te conduxî? quare non facis, quod ego volo, & præcepi tibi? quid ad te ista? &c. Consimiliter coelestis

coelestis Paterfamilias aget cum illis, de quibus *num. preced. diximus.*

57. Ut proin prorsus nihil inconsiderate resolvere, vel incipere oporteat, nisi quis prius parum cogitet, & mente revolvat, aut cognoscat, an, & quare hoc, aut illud, hic & nunc ab ipso exigat, aut velit Deus; an Deo hic & nunc placeat, an non; cognitaque voluntate, & beneplacito Divinò advertat, se ad agendum moveri, quia DEUS vult, quia DEO placet.

58. Ubi tamen notandum, quod pro habenda cognitione, an aliquid velit Deus, vel an Deo placeat, considerationi immorandum non sit, sed sufficiat, simpliciter memorem esse, & advertere, velle Deum, vel placere Deo, casu quo absque omni consideratione, & scrutatione, primo statim intuitu certè constat, id velle Deum, placere Deo &c. uti contingit in omnibus illis, quæ ex præcepto Divino, vel Ecclesiastico, vel præscripto Regulæ, & Statutorum, præcepto, vel voluntate Superiorum, consequenter ex obedientia, Deo, Ecclesiæ, & Superioribus debita, nobis incumbunt: cum enim

Neudecker Pars Prior.

cuncta obedientiæ opera certissime velit Deus, etque absque omni dubio præ omnibus placeant, *Melior est enim obedientia, quam victima. 1. Reg. 15. v. 22.* urgente obedientia utique scrutandum, & disputandum non est, an placeat Deo, sed hoc, tanquam certò supposito, illico intentio formanda, & opus promptè inchoandum, ac exactè persolvendum est.

59. Et in hoc valde felices sunt Religiosi, utpote qui ferè cuncta, quæ agunt, vel ex præscripto, aut dispositione, ordinatione, aut præcepto Regulæ, Statutorum, Superiorum, sicque ex obedientia agunt; enimvero ex obedientia certo tempore, certoque modo orant, Chorum frequentant, aut psallunt, audiunt, vel legunt Missam, student, legunt, laborant, vigilant, jejunant, silentium servant, continentur, dormiunt, surgunt, & innumera alia, ex mera obedientia, etiam tempus, modum, & alias circumstantias plerumque præstibente, faciunt, consequenter ferè in omnibus quoad substantiam, & modum de voluntate & beneplacito Divino, indeque magno, ac plerumque duplici

Ec

merito,

merito, absque alia indagatione certissimi sunt, adeò, ut tantùm attendere habeant, quatenus sua quæque ex obedientia, Deoque placendi motivo, & non ex alio vano fine, vel ex sola inclinatione naturali, vel ex servili necessitate, aut tepida consuetudine, vel inconsideratè faciant.

60. Pariter ordinariè non multùm indagandum, an placeat Deo id, quod agere, observare, omittere, aut pati certò suadent, vel jubent aliæ virtutes v. g. fides, religio, charitas proximi, iustitia, humilitas, patientia, mansuetudo, modestia, temperantia, castitas, paupertas &c. cum enim quis certò sciat, huiusmodi virtutes placere Deo, necesse non est, offerente se occasione, de hoc multùm indagare.

61. Dicitur autem notanter in præcedenti numero: *quod certò suadent, vel jubent aliæ virtutes.* Nam ulteriùs notandum, quòd, si etiam in virtuosis (quæ ex certo præcepto Divino, vel Ecclesiæ, vel ex Regula, Statutis, præcepto, vel voluntate Superiorum, consequenter ex certa virtute obedientiæ non incumbunt) dubium, vel incertitudo

appareat, aut si quis ignoret, aut hæsitet, an hic & nunc, vel qualiter hoc, vel illud placeat DEO, an non obedientiæ, vel alteri virtuti adversetur; item etiam, si duo, aut plura contraria, vel incompatibilia obedientiæ opera agenda occurrunt, vel quando duo, aut plura præcepta concurrunt, & universaliter, quando dubium est, vel certò non constat de voluntate, & beneplacito Divino, an, vel quomodo fieri debeat? omnino consideratio aliqua, seu indagatio, an, vel quomodo quid placeat DEO, præcedere debet: circa quod sequentes Regulas observa.

62. I. Si periculum non est in mora, & opus, causa, vel negotium est arduum, magni momenti, vel diu durans, vel frequenter, aut sæpius rediens, tunc, antequam agas, aggrediaris, vel te resolvas, bene considera, & perpende, imò etiam meditare, ac (si res exigit) per lectionem indaga, an, & quomodo id velit Deus, an, & quomodo placeat, vel displiceat Deo.

63. II. Si solus te ipsum juvare, aut securè, & certò te resolvare non potes, consule, & interroga Superiorem, Magistrum
aut

aut Patrem tuum spiritualem; imò in arduis, & majoris momenti rebus, sine hujus præscitu, consilio, vel assensu plerumque nil resolves, vel incipias: vel si natura negotii, vel operis exigit, consule, & interroga etiam alios, in re magis doctos, & expertos, prudentes tamen, & timentes Deum. Hoc suadet Spiritus S. *Ecclesi. 32. v. 24. Esti! sine consilio nihil facias, & post factum non poenitebis; quia salus, ubi multa consilia. Proverb. 11. v. 14. Unde etiam Tobias filio suo inter alia sancta principia suadebat. Tob. 4. v. 19. Consilium semper à sapiente perquire.* Ratio autem petendi ab aliis consilium est; tum, quia non vult Deus, ut quis sibi soli fidat, solique suæ innitatur prudentiæ, aut sapientiæ. *Ne invidiaris prudentia tua.* dicit Spiritus S. *Prover. 3. v. 5. & ibid. v. 7. Ne sis sapiens apud te ipsum: tum, quia Deo placet humilitas, qua quis sibi soli fidere non præsumens, alios propter Deum consulit; unde etiam hos juvat, & dirigit, teste Spiritu S. Proverb. 13. v. 10. Qui agunt omnia cum consilio, reguntur sapientiâ, æternâ videlicet; dum econtra nimium præsumentes de se derelinquit, & confundit;*

prout Judith c. 6. v. 15. ad Deum orans dicit: *Domine Deus cæli, & terra &c. ostende, quoniam præsumentes de se humilias.*

64. III. Si actus est transiens, vel res moram non patitur, aut occasio alios consulendi, aut tales, qui consuli possent, defunt, citò cum fiducia recurre ad DEUM, cumque humillimè invoca, ut te illuminet, & dirigat, quatenus Divinam ejus voluntatem, ac beneplacitum cognoscere, & exequi valeas: & quidem, si res est ardua, & aliquam moram patitur, devotè recita Hymnum *Veni Creator Spiritus &c.* cum oratione *Deus qui corda fidelium &c.* B. V. Mariam quoque per unum saltem *Ave Maria, & Subtuum præsidium &c.* invoca: sicut & Angelum tuum Custodem. Si verò res moram non patitur, aut res levior est, breviter pro Divino lumine roga: v. g. dic cum Propheta *Psalms. 138. v. 135. Faciem tuam illumina super servum tuum, & doce me justificationes tuas. &c. v. 125. Servus tuus sum ego, da mihi intellectum, ut sciam testimonia tua.* vel dic cum Samuele: *Loquere Domine, quia audis servum tuum. 1. Reg. 3. v. 10.*

65. IV. Facta invocatione luminis Divini, aliquantulum

Ec 2

(quan-

(quantum nempe natura operis, Deo placere cognoscis, & putas; aut negotii exigit, & ratio temporis patitur) perpende, & considera, quidnam juxta principia Fidei, & Scripturæ, vel exempla, aut doctrinam Christi, Apostolorum, vel aliorum SS. Patrum, Ascetarum, aut perfectorum virorum, Deus magis velit, vel exigat: quid, & qualiter ei magis placeat: quibus præmissis id, & taliter age, quod, & qualiter

Deo placere cognoscis, & putas; tunc enim Deo certo placebis juxta dicta *num. 39.* quod si in neutram partem te resolvere potes, utpote ignarus, vel dubius manens, quid velit Deus, vel quid magis ei placeat, non errabis, sed bene facies, quidquid egeris, præferam, si bonam voluntatem habeas, aliud, & aliter agendi, dummodo scires, quid, & qualiter velit Deus.

CAPUT IX.

De bona Intentione.

§. I.

De natura, divisione, & necessitate bona Intentionis.

QUæritur I. Quid, & quod duplex sit bona Intentio? Resp. I. Intentio bona ad propositum est actus, seu motus voluntatis, quo agimus, omittimus, aut patimur ex aliquo fine, aut motivo supernaturali, seu, quo per ea, quæ agimus, omittimus, aut patimur, finem super-
naturalem intendimus: intentio enim specificatur, suamque bonitatem, aut malitiam accipit ex motivo, seu fine, quem intendit, & quarrit, ita, ut, si finis, vel motivum est bonum, & supernaturalis, talis etiam sit intentio; contra, si malus, temporalis, vel indifferens, talis quoque sit intentio: ut proinde habere bonam

nam intentionem in suo opere, aut operari ex bona intentione, ferè idem sit, ac habere bonum finem, aut motivum agendi, aut ex bono fine, seu motivo agere, vel operari.

2. Resp. II. Intentio bona supernaturalis potissimum triplex est. *Prima* est, qua agimus, omittimus, aut patimur aliquid ex timore poenæ à Deo infligendæ, seu ex hoc fine, & motivo, ne aliàs Deus hic, vel ibi nos puniat, seu poenam, vel afflictionem æternam, aut temporalem immittat.

3. *Secunda* est, qua agimus, omittimus, aut patimur desiderio, & spè præmii, aut boni, vel doni alicujus, sive corporalis, sive spiritualis, sive æterni, sive temporalis à Deo consequendi: seu ideo, & ex hoc fine, & motivo, ut Deus nobis æternum præmium tribuat, cælum nempe; vel ut hanc, aut illam gratiam, donumve spirituale, hanc, vel illam virtutem, hoc aut illud bonum corporis, famæ, aut fortunæ largiatur.

4. Utraque intentio ex his duabus est bona, & supernaturalis, reddens opus ex ea factum, Deo gratum, & acceptum; sti-

am si ideo præcisè, seu ex hoc motivo fiat, ut quis evitet poenam, afflictionem, aut aliud malum temporale; vel econtra, ut acquirat, & impetret bonum aliquod temporale; dummodo hæc, bonum nempe, aut malum temporale, *ut à Deo provenientia, ab eoque conferenda, aut immittenda,* respiciat. Hoc enim (coinfluente etiam gratia actuali) facit intentionem talem supernaturalem, redditque opus ex ea factum supernaturale, Deoque gratum, & acceptum. Si verò opus aliquod fieret solo timore poenæ, aut desiderio, seu spè præmii, vel boni alicujus temporalis ab homine, vel aliunde absque respectu, aut reflexione ad Deum provenientis, merè naturale, Deoque minimè acceptum esset, utpote carens intentione, seu fine, & motivo supernaturali, tanquam conditione ad bonum opus supernaturale, Deoque gratum eliciendum necessariò requisitâ.

5. Quòd autem intentio, finis, & motivum, ipsùmque opus factum ex intentione, fine, aut motivo, ut poenam sive æternam, sive temporalem à Deo infligendam evitemus, aut bonum,

sive æternum, sive temporale à Deo conferendum, consequamur, sit bonum, ac supernaturalis, Deoque gratum, & acceptum, certum est. Et quidem de intentione, fine, & motivo poenæ, seu præmii æterni, ipsoque opere ex tali intentione factis, tanquam de fide definit Concilium Tridentinum. *ss. 14. cap. 4.*

6. De intentione verò, fine, aut motivo poenæ, & mali temporalis à Deo infligendi, aut præmii, bonique temporalis à DEO consequendi, & operibus ex hujusmodi intentione, seu fine factis, quòd sint supernaturaliter bona, Deoque grata, & accepta, patet passim ex Scriptura, tam veteris, quàm novi Testamenti, ubi Deus variè; & multipliciter sub motivo poenæ, & afflictionis temporalis ab ipso infligendæ, & præmii, bonorumque temporalium ab eodem largiendorum, ad vitanda peccata, & custodienda mandata sua nos adhortatur, & allicit; quod neutiquam faceret, si intentio, finis, & motivum ejusmodi, atque opera, ac præceptorum observantia ex eo facta, bona supernaturalia, & eidem accepta non essent.

7. Legatur Caput XXVIII.

Deuteronomii: ubi cum admiratione videre erit, quot, & quantis minis poenarum, malorum, & maledictionum merè temporalium, & econtra promissis bonorum, ac benedictionum merè temporalium, Deus hominem ad observantiam mandatorum suorum adhortetur, & allicit. Similia copiosè habentur in aliis Scripturæ locis. Ipse etiam Propheta David, aliàs vir secundum cor Dei, de se fatetur, *Psal. 118. v. 112. Inclina vis cor meum ad faciendas justificationes tuas propter retributionem.*

8. Tertia demum intentio bona, ac supernaturalis est, qua præcisè, & unicè DEO placere, ei que perfectè servire, ac sanctissimam ejus voluntatem exequi, ejusdemque beneplacitum, laudem, gloriam, & honorem intendimus, seu quando agimus, omittimus, aut patimur aliquid ex hoc solo fine, & motivo, quia sic Deo placet, vel quia sic Deus vult, vel, ut sanctissima Dei voluntas adimpleatur, ipsèque magis adhuc glorificetur, gustum, & beneplacitum habeat, idque ideo, quia eundem unicè, & super omnia amamus, utpote quem omni amore, & servitio dignissimè

crue

credimus, & agnoscimus, adeò, ut in hoc resolvantur, ac finiantur actuum nostrorum interrogatio, & responsio, juxta dicta *Cap. præced. num. 5.* quæ diligenter revide, & altè menti impressa continua praxi exerce.

9. Quæritur II. Quanta sit necessitas, & utilitas intentionis bonæ ad perfectè agendum? Resp. I. Bona aliqua intentio ad omne opus bonum summè, absolute, & inevitabiliter est necessaria, adeò, ut nullum opus (quantumvis aliàs in se excellens) coram Deo bonum, acceptum, aut meritorium sit, nisi ex bona intentione fiat. Hæc est unanimis doctrina omnium tam SS. Patrum, quàm Theologorum, quorum textus innumeri allegari possent: sufficiat unum vel alterum adducere. S. Gregorius *Hom. 7. in Ezech.* inquit: *Quidquid agitur, id radice intentionis pensandum est, quo merito apud judicium Creatoris habeatur.* Hinc Richardus à S. Victore *de Statu interioris hom.* cap. 7. ait: *Quod est corpus sine vita, hoc est opus sine intentione bona.* Et S. Laurentius Justinianus *de Regimine Prælat.* cap. 22. *In cunctis operibus suis, quicumque anima sua salutem exoptat, intentionis*

sua componat obtinuum, & ad illum, quem Divina lex mandat, dirigat finem, ut non casso labore desudet.

10. Concordat verbum Divinum *Matth. 6. v. 22. & 23.* *Lucerna corporis tui est oculus tuus: si oculus tuus fuerit simplex, totum corpus tuum lucidum erit: si autem fuerit nequam, totum corpus tuum senebrosum erit.* Ubi juxta communem SS. Patrum per oculus intelligit Magister Divinus intentionem, & per corpus quamvis actionem, volens dicere; si oculus, id est intentio, fuerit simplex, id est recta, & bona, totum corpus lucidum, id est, tota actio lucida, seu bona erit; si autem nequam fuerit, etiam actio lumine bonitatis carebit. *Quid enim per oculum exprimitur, inquit S. Gregorius Lib. 28. mor. cap. 13. nisi opus suum præveniens cordis intentio, quæ, priusquam se in actione exercent, hoc jam, quod appetit, contemplatur. Et quid appellatione corporis designatur? nisi unaquæque actio, quæ intentionem suam, quasi intuentem oculum sequitur.* Lucerna itaque corporis est oculus; quia per bonæ intentionis radium merita illustrantur actionis.

11. Ratio est; quia, quod sine bona intentione fit, id sine ulla relatione aut respectu ad Deum fit,

fit, consequenter caret fine debito, ob quem creati sumus, & agere debemus, & hoc ipso jam, si non malum, saltem imperfectum & Deo minimè acceptum, nec aliqua retributione, vel mercede coram Deo dignum est; sicut enim operarius non potest prætere mercedem ab illo, cui, & propter quem, seu intuitu ejus non laboravit; sic immeritò, & frustra expectat meritum, & mercedem à Deo ille, qui nec directè, nec indirectè propter Deum, aut respectu, vel intuitu ipsius operatur.

12. Infertur proin, omnes illas actiones, & opera, etiam in se excellentia, & optima, v. g. jejunare, eleemosynam dare, sensus omnes, & corpus mortificare, austero habitu, duro lecto, incommoda habitatione uti &c. omni penitus merito, & mercede carere apud Deum, etque minimè grata existere, si absque bona intentione fiant: prout fit, si ex mera tepida consuetudine, necessitate, aut inclinatione naturali, consequenter ex nulla bona intentione fiant: item, si fiant ex solo respectu humano, aut ex solo timore poenæ ab homine infligendæ, aut præcisè ob

interesse & commodum, aut ex alio fine purè naturali, vel temporali, sine respectu, & relatione ad Deum: item, & multò magis, si fiant ex vana gloria, aut motivo consequendi laudem, vel æstimationem humanam, aut ex ambitione officiorum, dignitatum &c. aut ex alio fine malo.

13. Resp. II. Intentionem bonam non tantum summè necessariam, sed etiam, summè, ac mirè utilem esse. Ratio est; quia, quidquid ex illa fit, bonum, meritorium, Deoque acceptum evadit, quantumvis aliàs in se modicum, vile, exiguum, necessarium, indifferens, & operanti etiam commodum, ac delectabile sit, dummodo in se malum, aut prohibitum non sit; ut proin etiam dormire, recreari, discurre, & aliæ hominis actiones indifferentes, naturales, ac necessariae, bona opera apud Deum meritoria, eique grata, & accepta esse possint, si ex bona intentione fiant. Mira, & copiosa sunt; quæ de utilitate bonæ intentionis SS. Patres, & Affectæ scribunt; adeò, ut integer tomus non sufficeret, si ea adducere vellemus.

14. Ratio est; quia Deus in cunctis

cunctis principaliter respicit mentem, & finem agentis; nam, ut scribit S. Gregorius *hom. 9. in Evang. Deus cor, & non substantiam pensat, nec perpendit quantum, sed ex quanto proferatur.* Et Salvianus ad *Eccles. Cathol. Oblata Deo non pretio, sed affectu placent: nec enim animus dantis datis, sed animo commendantur data.* Unde S. Augustinus in *Psal. 31. Non valde attendas, quid homo faciat, sed quid, cum faciat, aspicias.*

15. Multi comparant bonam intentionem virgæ Mydæ Regis: sicut enim juxta fabulam omnia aurea fiebant, quæ virga illa tangebatur, ita bona intentio omnes quascunque actiones nostras (dummodo malæ non sint) aureas, & meritorias facit. Pulchrè alii ad propositum dant illam similitudinem: sicut charta aliqua parvula parùm ex se, vel nihil valet, vel æstimatur; at verò, quando Regis aut Principis subscriptione, vel sigillò subsignata est, omnis ei exhibetur reverentia, & obedientia; sic quoque multæ operationes nostræ nullius essent meriti ad consequendam vitam æternam; vel ad augendam, & acquirendam gratiam: at verò, quando conjunctæ sunt,

Neudecker Pars Prior.

& signatæ sigillò rectæ intentionis; meritoria fiunt, & à DEO magnopere remunerantur.

16. Infertur pro praxi, debere nos omnibùs viribùs laborare, ut penitus nihil sinè bona intentione faciamus, sed potius per frequentatos actus, habitum acquiramus, omnia faciendi ex bona intentione: quod ab initio difficile quidem, & molestum aliquibus eveniet, brevè tamen facile, ac jucundum apparebit.

17. Quæritur III. Quænam inter bonas intentiones (supra à num. 2. recensitas) sit melior, & perfectior? Resp. Quamvis tam prima, quàm secunda intentio ibidem allegata sit bona, reddatque opera meritoria, & Deo accepta, tamen tertia à num. 8. allegata, & explicata est sinè omni comparatione melior, & perfectior, redditque opus quodvis ex illa factum, sinè comparatione magis meritorium, Deoque acceptum, adeò, ut vilissimum opus; ex hac intentione factum, Deo gratius, & magis meritorium sit, quàm quodvis aliud, imò quàm plurima alia cæteroquin excellentia, & heroica, ex alia tamen, etsi bona intentione v. g. spe præmii cœlestis à

FF

Deo

Deo conferendi, aut timore gehennæ facta. *O rem miram, & perpetuâ memoriâ dignam* (exclamat Madrilienſis noſter Aſceta celeberrimus *Part. 1. docum. 2.*) quod majoris ſit coram Deo dignitatis, hoc ſcopo, ſive motivò comedere, quàm ſumptò aliò, licet non malò ſcopò, nempe poſſidendi cœleſtes delitias, aut eis gaudendi, jejunare, ſive aſperſis corporis caſtigationibus ſanguinem effundere. Non, quòd bonum non ſit, propter cœlum operari, ſed quia tertia intentio, videlicet *operari, aut pati, quia Deo placet*, præfatas duas intentiones in perfectione plùs ſuperat; quàm in magnitudine totus orbis ſuperat nucem avelanam.

18. Ratio autem eſt; quia opera noſtra quæcunque ſuum pretium, valorem, & meritum præcipuè derivant à fine; cujus gratiâ fiunt, adeò, ut, quò ſublimior finis operis, cò ſublimius; pretioſius, majoriſque valoris, & meriti ſit opus; conſequenter; cùm tertia illa intentio finem reſpiciat ſublimiſſimum, voluntatem nempe, beneplacitum; gloriam, & honorem Dei, ipſumque Deum pro ſuo objecto habeat, & directè reſpiciat; aliæ autem duæ memoratæ intentio-

nes directè, & primariò creaturam, Deum verò non niſi indirectè, & ſecundariò pro ſuo fine, & objecto habeant, procul dubio opus propter Deum factum, in pretio & valore finè comparatione ſuperabit opus factum ob creaturam, ſicut Deus tanquam finis unius operis finè comparatione ſuperat creaturam, tanquam finem alterius operis.

19. Et ex hac perfectiſſima intentione, & ſublimiſſimo fine, propter ſeipſum nempe perfectiſſimè operans, principaliter omnia fecit DEUS, juxta illud *Prov. 16. v. 4. Univerſa propter ſemetipſum operatus eſt Dominus.* Et maxime deſiderat, ut eum imitantes nos quoque ex eodem ſublimi fine, videlicet propter ipſum, operemur, atque in omnibus, ac per omnia, non niſi ipſi placere, ac ſervire, ejusque gloriam, honorem, & laudem intendamus: quod quò purius quis intendit, cò grator Deo evadit.

20. Hanc perfectam Intentionem exemplo etiam ſuò docuit Chriſtus, ut conſtat ex verbis ejusdem *Joan. 8. v. 29. Quæ placita ſunt ei, facio ſemper.* Et *Joan. 4. v. 34. Meus cibus eſt, ut faciam voluntatem ejus, qui miſit me, ut perficiam opus*

opus ejus. Quapropter Pater coelestis tempore transfigurationis è nube loquens dixit de illo: *Hic est filius meus dilectus, in quo mihi bene complacui, ipsum audite.* Matth. 17. v. 5.

21. Eandem intentionem, ut in omnibus haberemus, suadet, & hortatur D. Paulus 1. Corinb. 10. v. 31. *Sive manducatis, sive bibitis, sive aliud quid facitis, omnia in gloriam Dei facite.* & ad Coloss. cap. 3. v. 17. *Omne, quodcumque facitis in verbo, aut in opere, omnia in Nomine Domini Jesu Christi.*

22. Textibus SS. Patrum, hanc intentionem ut octo commendantium, pleni sunt libri; audiamus tantum ex iisdem S. Laurentium Justinianum de Discipl. & perfect. cap. 24. scribentem ita: *Sicut aurum exigua massa magnum superexcedit cumulum vilis cujuscunque metalli, ita pauca opera perfecta cum incendio pure charitatis, in conspectu Conditoris magis fulgent, atque gratiora sunt, quam multorum exercitia laborum prodeuntia & de fonte intentionis inculta.*

23. Neque minuit hæc intentio, sed auget præmium, intuitu cujus alias operari possemus: nec putemus, nos præmio carituros, si pro præmio non labo-

ramus, imò ob hoc ipsum præmium erit majus, ut bene advertit S. Chrysost. Homil. 5. in Epist. ad Rom. dicens: *Major tibi merces, si citra mercedis spem feceris.* Nam, quò magis quis sui ipsius ob Deum obliviscitur, eò magis ipsius recordatur Deus: & quò minùs in suis operibus seipsum, amorem proprium, suumque proprium interesse, vel consolationem, sive temporalem, sive spiritualem quærit, eò magis cuncta largitur ei amandissimus DEUS per Divinam providentiam suam disponendò, ut ei mirabiliter, & copiosè obveniat, quod nec petere, nec sperare ausus esset.

24. Et quidem loquendò de coelesti gloria: si certum est, prout revera certum est, gloriam coelestem nobis aliquando conferendam juxta mensuram meritum, & gratiæ sanctificantis in hac vita promeritiæ, certum quoque est, quòd ille, qui nec intuitu coelestis gloriæ, nec ex timore poenarum à Deo infligendarum, sed præcisè propter Deum, amore ipsius, quia ipsi placet, aliquid operatur, incomparabiliter majorem gloriam coelestem inde habiturus sit, quam

quàm qui intuitu ejusdem celestis gloriæ obtinendæ operatur; quia juxta superius dicta certum est, per opus, quod absque omni alio intuitu præcisè fit, quia Deo placet, seu amore ipsius, ad ipsius honorem, & gloriam, incomparabiliter plus meriti, & augmenti gratiæ sanctificantis impetrari, quàm per opus ex fine alio v. g. celestis gloriæ intuitu factum. Nec habet timere æternas, vel temporales afflictiones, qui Deum tantopere amat, ejusque honorem, gloriam, & beneplacitum in omnibus tam purè, & unicè quærit; cum propterea Deus illum recipere amet, illumque speciali sua providentia Divina dirigat, ab omni malo protegat, nec quidquam afflictionis super eum permittat, nisi quod & quantum pro ejusdem amandissimi DEI majori gloria, & honore, ac pro patientis æterna salute, majorique gloria celesti conducere agnoscit.

25. Ex quibus satis patet, quàm præstans, & excellens, quàm grata, & accepta, quàm utilis, & meritoria sit, quantumque alias intentiones superet intentio agendi purè propter

Deum, quia Deo placet, ad solam ipsius gloriam, & honorem, seu ex solo fine ei placendi, cumque honorandi, & glorificandi, idque ex amore erga ipsum, utpote omni amore & servitio, dignissimum: consequenter, quàm meritò pro possibili omnem conatum, & vigilantiam adhibere quisque debeat, donec successive habitum acquirat agendi cuncta ex hac præstantissima intentione, seu fine.

26. Præsertim, cum per hoc nemo impediatur, quin quandoque etiam operari, & agere possit ex alio, supernaturali tamen fine, seu intentione v. g. ad consequendam DEI gratiam, vel donum aliquod spirituale, vel obtinendum à Deo aliquid temporale v. g. corporis sanitatem, prosperitatem, & benedictionem in temporalibus; vel ad averteendam æternam, aut temporalem poenam, sive afflictionem à DEO immittendam; vel, ut Deus præsentia jam mala e. g. morbum, persecutionem, afflictionem, bellum, pestem &c. clementer auferat; dummodo (ut bene advertit Asceta Alphonsus Madrilienfis, ac ex co Laurentius Scupulus in Cer-

tamine

tamine Spirituali) hæc omnia ad supradictum excellentem finem, seu intentionem finaliter reducat; ut, si quis v.g. ad obtinendam coelestem gloriam, vel evitandam gehennam operetur, id faciat, quia DEUS vult, ut salvemur, & salvi fiamus; vel si quis pro humilitate, patientia, aut pro alia virtute, vel pro sanitate, aut alio bono corporis, famæ, fortunæ, vel pro avertendis futuris, & amovendis præsentibus calamitatibus, tribulationibus operetur, aut oret, id rursus faciat, quia Deus vult, ut hanc vel illam virtutem habeamus; vel quia DEO singulariter placet, vel quia vult Deus, ut in tribulationibus ad eum recurramus, illumque pro bonis consequendis, & malis avertendis, opere, & oratione invocemus, ipsiusque auxilium imploremus.

27. Porro potest hæc excellens intentio agendi purè propter Deum, seu solum, quia Deo placet, vel ad solam ipsius laudem, gloriam, & honorem ulterius multum perfici, ac in bonitate sua intendi; si videlicet præter illum excelsum finem soli Deo placendi, etiam ex motivo

plurium aliarum virtutum, quarum quævis placet DEO, quis operatur. v.g. si quis jejuna. I. ex puro erga Deum amore. II. ex motivo temperantiæ, ut inordinatum appetitum gulæ cohibeat. III. ex motivo castitatis, ut sic rebellem carnem refrænet. IV. ex motivo obedientiæ; quia nempe Ecclesia, vel Regula præcipit. V. ex virtute poenitentiae, ut pro peccatis suis satisfaciatur. VI. ex motivo charitatis erga proximum, ut ei bonum exemplum præbeat, vel pro eo veniam impetret. VII. ex motivo humilitatis, quia dignum, & justum reputat, ut continuo mortificet suum corpus. VIII. ut Christum imitetur &c. Cum enim quælibet harum virtutum Deo singulariter placeat, & quamvis earum suo tempore, & modo à nobis exigat, & velit Deus, per quodvis distinctum hujusmodi virtutis motivum, specialiter satisfat voluntati Divinæ, multiplicatur, & augetur Divinum beneplacitum, mirumque in modum intenditur, & perficitur illa aliàs excellens Intentio agendi purè propter Deum, seu quia Deo placet.

28. Et licet istæ intentiones,

& motiva virtutum non omnia, attamen aliqua eorum in quovis opere haberi possunt, & ut habeantur, valde expedit, saltem in operibus arduis, aut longius durantibus; cum præter inde sequentem multiplicationem meritorum nostrorum, id Deo singulariter placeat, utpote qui specialissimum beneplacitum habet, quod ex amore erga ipsum variis modis eidem placere conemur: ut proin huiusmodi opus ob desiderium magis placendi Deo, ex motivo plurimum virtutum peractum, sit quasi pulcherrima aliqua pictura, variis, & amenissimis coloribus elaborata; aut insignis quædam corona variis, ac distinctis pretiosis unionibus, & margaritis ornata: & anima ita operans in præsentia, & conspectu Dei, similis existat illi, de qua Propheta: *Psal. 44. v. 10.* inquit: *Astitit Regiarum vestitu deaurato* (puræ nempe intentionis, soli placendi Deo), *circumdatus varietate*; diversarum scilicet virtutum.

29. Cæterum, licet modus omnia operandi purè propter Deum, seu ex sola intentione & sine, quia Deo placet, ut Deus honoretur, glorificetur, ejusque

Divinum beneplacitum, & sanctissima voluntas fiat, ab initio non omnino facilis, & acceptus, sed quodammodo molestus, ac difficilis appareat, utpote necdum satis æstimatus, & cognitus, nec adhuc assuetus, aut practicus; attamen successivè facilissimus, & jucundissimus evadet; præsertim si quis sæpius considerat, & menti altius imprimit, quàm dignum & justum, quàm præstans, & utile sit, in omnibus, & per omnia soli DEO placere, & servire, eum solum, ejusque laudem, gloriam, & beneplacitum unice intendere, ac querere.

30. Queritur IV. Quando, quoties, & quomodo in praxi fieri, ac repeti debeat Intentio bona? Resp. I. Qui cunctas actiones, & opera sua perfectè, ac meritorie peragere vult, debet inprimis statim de manè, quando surgit, aliquam perfectam, eamque universalem intentionem pro omnibus, & singulis actionibus totius diei elicere, ita, ut mediante illa ad solum Deum, ejusque Divinum beneplacitum, & servitium dirigat; atque ad ejusdem laudem, gloriam & honorem sincerè offerat, & humil-

limè

simè sacrificet se totum quantum in anima, & corpore, omnesque potentias, & actus corporis, & animæ, cogitationes, verba, opera, actiones, passiones, commisiones, & omissiones. Ratio est; quia, cum juxta dicta ad hoc, ut actio aliqua, vel opus quodcunque, perfectum, DEO acceptum, & meritorium esse valeat, absolutè necessariò requiratur bona aliqua intentio supernaturalis, nobis autem impossibile sit in omnibus & singulis actionibus, præsertim modicis, ac indifferentibus, vel naturalibus, utpote innumeris v. g. in quovis passu pedum, in quovis motu membrorum, in quavis minima indifferenti cogitatione, verbo, vel opere habere actualem bonam intentionem, necesse erit, aliquam universalem pro omnibus habere, quatenus per illam saltem adhuc virtualiter durantem præfata, & omnia alia afficiantur, indèque saltem ex virtuali intentione, bona fiant, consequenter perfecta, & Deo grata esse queant.

31. Enimvero notandum est ad propositum, triplicem esse Intentionem, Actualem videlicet, Virtualem, & Habitua-

Actualis est, quæ quis actu id, quod facit, ad certum finem refert, aut dirigit: seu quando quis actu ex certo fine, seu motivo quid agit. *Virtualis* est, quæ actu quidem jam præterit, attamen in sua virtute, & efficacia manet, ita, ut quis vi, vel virtute illius priùs habitæ, id modò faciat, quod facit, illaque præhabita sit principium, & causa, cur modò istud faciat, etsi intentionis actualis priùs habitæ, hic, & nunc memor non sit. Sic v. g. si quis proponit, & facit intentionem ad honorem B. V. Mariæ peregrinari Oettingam, omnia, quæ postea pro itinere ordinat, ipsūque iter, quod assumit, censetur vi, & virtute intentionis actualis præhabitæ facere, consequenter intentionem saltem virtua-

lem in illis habere, etiam quando in suo itinere distractus est, & non cogitat de priori intentione.

32. Intentio *Habitualis* aliud non est, quàm aliquando habita, & per actum, vel intentionem contrariam non destructa, vel revocata, quæ tamen non amplius influit in actum, seu, quæ non est causa, cur modò id fiat, quod fit. Et hanc ad merendum,

dum, consequenter ad perfectè agendum non sufficere, cum D. Bonaventura, & D. Thoma expressè docet Scotus 2. Diff. 42. q. 11. ubi ait : *Non videtur minor relatio* (id est ; intentio ad Deum) *sufficere ad meritum, quàm relatio virtualis.*

33. Resp. II. Quamvis bona intentio de manè generaliter, seu universaliter facta pro cunctis actionibus totius diei plurimum serviat, ac utilissima sit ad cuncta perfectè agenda, tamen non sufficit, sed insuper requiritur, ut aliquoties per diem breviter renovetur. Ita expressè docet S. Bonaventura 2. Diff. 41. q. 1. q. 3. ad 6. ubi ad hoc, ut actio sit meritoria, requirit talem intentionem, vel relationem ad Deum; *non qua quis in genere refert ad Deum omnia opera diei, vel anni, sed qua quis refert aliquod opus ad Deum, ita, ut opus sequens directam habeat ad opus primum ordinationem, & consequentiam.* Ratio est, quia illa intentio universalis, ab initio diei facta, ad cuncta opera, vel partim se sufficienter non extendit juxta S. Bonaventuram, vel se extendens, per intentiones actuales contrarias in pluribus operibus destruitur, aut

impeditur. Enimvero quivis experientià proprià convictus fatebitur, quòd, nisi intentionem per diem sæpiùs repetat, & notabilioribus saltem operibus novam præmittat, plura per diem partim ex sola tepida consuetudine, partim ex naturali inclinatione, partim ex motivo temporali, partim ex amore, commodo, aut interesse proprio, partim ex timore, & respectu humano, vel ex vana gloria, studio placendi &c. consequenter absque omni intentione bona, sicque imperfectè agat; eò quòd bona intentio etiam virtualis, quin & habitualis ex præcedente generali actuali remanens, per subsequenter actuale contrariam semper destruitur, & annullatur; consequenter illa opera, quæ ex simili naturali, vel temporali fine, & motivo, seu intentione actuali fiunt, omni bona intentione ad bene agendum necessariò requisita carebunt, indeque, si non mala, saltem imperfecta, & sine merito, Deoque minimè grata erunt. Hinc (ut bene monet S. Gregorius Lib. 28. moral. cap. 13. *Vigilanti cura per cuncta opera intentio nobis nostra pensanda est, ut nil temporale in his, qua agis, appetat.*

34. Præcipue autem intentio actualiter facienda est in sequentibus. I. In operibus, quorum unum ad aliud ordinationem, & relationem talem non habet, ut intentio uni præmissa, virtualiter se extendat ad aliud; ne aliàs omni intentione, & consequenter etiam omni merito careant.

35. II. Ante initium cuiusvis operis magis notabilis, vel magis difficilis, vel diutius durantis; tū, ut Deo certius, & magis placeat; tum, ut extra periculum simus, ne tanta, & tanto tempore frustra operemur, tempusque malè consumentes, DEUM offendamus potius, quam honoremus.

36. III. Ante opera molesta, ingrata, & odiosa, item vilia, & abjecta; cū enim hæc naturæ, inclinationi, sensualitati, & amoris proprio sint contraria, per illa DEO specialissimè placere, & ingens meritum obtinere possumus, si propter DEUM perversæ naturæ, & inclinationi nostræ vim inferentes, ea perfectè agimus, consequenter in his admodum attendere debemus, ne absque bona intentione fiant.

37. IV. Ante opera, naturæ,
Neudecker Pars Prior.

sensualitati, vel inclinationi ex se valde grata, & accepta, qualia sunt v.g. edere, bibere, dormire, recreari &c. item, opera nobis magis honorifica, aut utilia, & proficua; quia, cū in his, & similibus commoditas, vel utilitas, ac interesse nostrum reperiatur, ex huiusmodi motivo ad agendum illico, ac facilè se determinat, & agere incipit natura nostra perversa, nisi per bonam intentionem actualem obviemus, & præveniamus. Imò in similibus sæpe non sufficit intentionem de novo formare, sed etiam necesse, vel saltem utilissimum est, ut protestatio quæ fiat contra omnem aliam sinistram intentionem, seu finem, aut motivum; ne aliàs bona intentio ab inclinatione, & amore nostro proprio vincatur, vel ita infirmetur, ut ex hoc potius, quam ex bona intentione agamus.

38. Advertendum tamen, ad actualem intentionem operibus præmittendam non esse necessarium, ut intentio actualis semper fiat in actu signato, eliciendò expressum actum voluntatis, quo intentio actualis verbis, vel cogitationibus exprimitur c. g.

Gg

vols

volo modò hoc facere, aut omittam hoc; quia DEUS vult; quia DEO placet &c. sed sufficere etiam, si quis ex eo, quòd cognoscat, aut memor sit, hoc, vel illud velle DEUM, placere DEO, moveatur ad agendum, & propterea actu agat; etsi in mente, vel verbis intentionem formaliter non exprimat, vel eliciat, cogitandò, vel dicendò expressè: *Volo hoc facere, quia DEUS vult &c.* Hoc ipso enim, quòd ad agendum moveatur, seque determinet, & cum advertentia actu agat, quia cognoscit, vel recordatur, placere DEO, revera agit ex actuali intentione (in actu videlicet exercito) placendi DEO; quia ex bona intentione agere, idem est, ac ex bono motivo, seu fine agere.

39. Confirmatur, & patet hæc Doctrina quotidianâ experientia, qua constat, quemlibet quotidie plura agere ex certo, præsertim temporali fine, seu motivo, consequenter ex certa intentione, absque hoc, quòd formalibus, & expressis verbis, aut cogitationibus eliciat intentionem in actu signato, dicendò v.g. vel cogitandò: *Volo hoc, vel illud agere ex hoc, vel illo fine.*

40. Resp. III. Ad cuncta perfectè agenda necessarium est, ut bona intentione quodvis opus non tantum inchoemus, sed eadem illud etiam continuemus, & finiamus; consequenter intentionem bonam sub ipso opere præ oculis habeamus, & nullam aliam priori contrariam sub ipso opere, aut post illud foveamus, vel admittamus. Ratio est; quia, quamprimum sub ipso opere aliam intentionem, finem, aut motivum, prioribonæ contrariam habere incipimus, incipit opus esse imperfectum, & per subsequenter partem meritò carere, ac DEO displicere. Pariter etiam in fine, vel corrumpitur, vel minuitur meritum, si mala, vel non bona intentione opus finimus, vel bene finitum postea malè perdimus, juxta statim dicenda.

41. Hinc Diabolus intentionem nostram in principio, medio, ac fine operum solet infestare. In principio quidem, ut intentionem vel omnino negligamus, vel non nisi indifferenter habeamus, vel saltem non nisi obiter, tepidè, & imperfectè eliciamus, consequenter totum opus absque ullo, vel saltem minori

noni merito faciamus: si hoc non obtinet, conatur sub ipso opere varias injectiones, motiva temporalia, indifferentia, & mala v. g. vanæ gloriæ, interesse, aut amoris proprii, respectus, aut timoris humani repræsentare, ut, quod totum non potuit, saltem partem operis inficiat, Deumque gloriâ, & beneplacitò, nos autem meritò privet. Si nec sub ipso opere quid efficit, ad finem operis, aut post illud omnes vires intendit, ut vel ad vanam complacentiam, vel inordinatum appetitum laudis, & æstimationis propriæ, vel mercedis, retributionis, ac recognitionis humanæ, vel ad jactantiam, & vanam ostensionem, aut ad inordinatam tristitiam, turbationem & impatientiam nos inducat (si res ad votum non successit, aut bene peracta non æstimatur) quatenus sic bene cœpta malè finiamus; consequenter, si non totum, saltem partem meriti perdamus.

42. Nihilominus ad hoc, ut sub ipso opere continuetur bona intentio, non est necesse, nec expedit, nimium multiplicare actus repetitionis, vel ad quamvis exiguam partem operis no-

vum intentionis actum de novo formare (taliter enim cor, caput, & cerebrum offenderentur) sed sufficit, ut subinde, & quidem non nisi discretè, pacatè, ac breviter renovetur in sequentibus, vide licet. I. Sub operibus per aliquod tempus durantibus, præsertim magis arduis, difficilibus, vel odiosis, & molestis, vel etiam magis gratis, & acceptis, orationes paulò ante dictas.

43. II. Quoties sub opere alia sinistra intentio, seu finis, aut motivum se insinuat; prout non rarò contingit sub operibus valde honorificis, aut proficuis, vel naturæ, ac inclinationi nostræ aliàs valde gratis, & acceptis. Tunc enim omnino expedit, & quasi necesse est, bonam intentionem breviter renovare, simulque contra quamcunque aliam sinistram coram DEO protestari.

44. III. Oportet sub ipso opere facere bonam intentionem, quando illud prius incepimus absque ulla bona intentione, solum ex tepida consuetudine, aut inconsideratè, vel ex fine, vel motivo temporali, aut malo; ut saltem subsequens pars operis, malè, aut imperfectè incepti;

perfectè fiat, Deoque placeat, ac meritoria evadat.

45. Caterùm ad bonam Intentionem perfectè continuandam sufficit etiam, simulque utilissimum, & DEO gratissimum est, sub opere viva fide considerare opus, non ut opus nudum, sed ut Deo beneplacitum, & juxta voluntatem Divinam est, atque in hujusmodi consideratione, & recordatione, (quòd modò digni simus facere voluntatem DEI præsents, & inspicientis, ei que placere, & servire) felices nos reputare, in DEO gaudere, ac delectari, & tanquam in principali intento, ac vero centro nostro plenè contentos, & quietos vivere. Hic modus continuandi bonam intentionem, seu hæc praxis interna, inveniendi sub operibus nostris solam præsents DEI voluntatem, & beneplacitum, DEO tam gratus, & acceptus, tamque præstans, & utilis est, animamque tantopere illustrat, consolatur, & cum DEO unit, ut verbis explicari haud possit. Quapropter, ut ei quivis successive affuescat, in habitum deducat, ac pro eodem Deum sæpe humillimè imploret, ut octo suadetur,

46. Nec impedit hic modus continuandi bonam intentionem à necessaria attentione ad opus, sed eam potius promovet: prout bene observat S. Basiliius, & exemplò declarat in *Serm. Affect.*

3. cap. 5. ferme sequentibus formalibus; sicut Artifex, cui opus artis suæ commissum est, simul attendit & ad opus, ac laborem suum, atque etiam ad illum (præsertim si hic præsens) aspicit, qui hoc opus ei demandavit; etsi enim opus suum præ oculis suis habeat, ei que ritè perficiendo attendat, tamen simul etiam in corde desiderium, & curam habet placendi, & satisfaciendi ei, pro quo laborat: gaudet quoque, & consolationem habet internam, si putat, opus hoc esse, vel fore ei gratum, & ad gustum, vel placitum illius, cui laborat: quod attendendò, & intendendò, non impeditur, sed magis impellitur ad perfectè agendum, redditurque illum cautum, sollicitum, & attentum, ne opus, vel aliquid in eo displiceat illi, cui laborat; adeò, ut etiam in ipso opere phantasie laborantis continuo oberret ille, cui laborat. Eodem ferè modo nos agere debemus, ut videlicet, dum nostra
pera-

peragimus; simul etiam ad Deum, ob quem agimus; præsentem, & aspicientem suaviter attendamus, ei que placere, & satisfacere desideremus; hoc ipso enim magis cauti, solliciti, & attenti erimus; ut omnia exactè, & perfectè ad beneplacitum illius fiant, aut ne aliquid in opere ei displiceat. Id ipsum etiam gaudium, & ingentem animi consolationem generabit in nobis, si scimus, & recordamur, nos agere modò, quod præsens vult, & desiderat DEUS, ei que placet.

47. Porro hunc excellentissimum, simulque suavissimum, ac jucundissimum modum continuandi bonam intentionem; varii alii actus meritorii & DEO grati, plerumque comitari solent, & possent, per quos ipsos etiam bona intentio continuari censetur, v. g. actus profundæ reverentiæ, & filialis Timoris erga præsentem, & spectantem immensam Dei Majestatem; subinde actus Humilitatis, quâ operans indignum se reputat servitiò Divinò, suæque opera vilipendit, & conspectu Divinò indigna æstimat; subinde actus Admirationis, quod Divina Ma-

jestas in vilissimum nostrum servitium, m& abjecta opera dignetur respicere, illaque recipere, & in eis complacentiam habere: subinde Gratitude, quod à misera servitute mundi, carnis, & dæmonis liberati, in felicissimo, ac suavissimo DEI servitio existamus, ubi omnia nobis cooperantur in bonum: subinde Gaudii, & Jubilii, quod modò DEI voluntatem facere, ei que placere digni simus: subinde omnimodæ Resignationis, & oblationis, quâ nos, & omnia nostra Deo, ejusque Divinæ voluntati ad omnia sine exceptione offerimus: subinde abnegationis, quâ postposita voluntate, & inclinatione nostra, opus conformiter voluntati Divinæ ex corde peragimus: subinde totalis sui Annihilationis, quæ ex propinquitate, & præsentia immensæ, omnipotentis, & infinitæ Essentiæ Divinæ oritur; subinde Fidei, quâ nos in executione Divinæ voluntatis esse, firmiter credimus; subinde Fiduciæ erga infinitam ejusdem Bonitatem, & Clementiam; subinde Amoris, qui intuitu ipsius non potest non sequi: subinde familiaris Colloqui, vel sanctorum Desideriorum, Aspiratio-

num; Invocationis, & Precum jaculatoriarum: per quos, & similes actus bona Intentio non tantum continuatur; sed opus insuper multò perfectius redditur.

48. Interim tamen non est necesse, nec expedit, ad certos aliquos ex dictis, vel similes actus,

anxiè, & scrupulosè se sub operibus nostris adstringere, sed oportet menti, & spiritui sancto libertatem relinquere, qui non semper idem, vel eodem modo, sed diversis modis pro diversitate objecti, circumstantiarum, dispositionis, aut juxta divinum suum beneplacitum operatur.

§. II.

De impedimentis, nec non de signis bona Intentionis.

49. **Q**uæritur I. quænam Intentionem bonam frequentius inficiant, & impediunt. Resp. Tria præcipue esse, videlicet: *Primò* amorem, ac interesse proprium. *Secundò*, & quidem principalissimè, vanam gloriam. *Tertiò* timorem displicendi, & Desiderium placendi hominibus. Itaque

50. I. *Amore, & interesse proprio* inficitur, vel destruitur bona Intentio, si per opera, & actiones nostras absque relatione ad Deum, vel ejus beneplacitum, laudem; vel gloriam, nosmetipsos, nostramque sensualitatem, & commoditatem corporalem, aut utilitatem temporalem solum, & præcipue, vel saltem ali-

quo modo quærimus; prout pro dolor! frequenter, & si non ordinariè, saltem à potiori fieri solet ab hominibus mundanis (utinam non etiam à nonnullis Religiosis) adeò, ut meritò conqueratur Apostolus *ad Philipp. 2. v. 21. Omnes, quæ sua sunt, quarunt, non quæ sunt Jesu Christi.* Quod misera etiam probat experientia, quâ constat, quòd plurimi quasi diu, noctuque laborent, & se fatigent, innumeras curas, & sollicitudines habeant, non quia ita vult Deus, & ut ei placeant, & serviant, sed, ut bona temporalia acquirant, conservent, vel augeant; alii, ut hoc, vel illud officium, aut promotionem obtineant, vel retineant; alii

alii hoc, vel illud agunt, quia placet, & arridet; alii unam actionem præ alia faciunt, non quia illa magis placet DEO, sed quia agenti magis est commoda, utilis, aut honorifica; plerique bibunt, comedunt, recreantur, non quia id suo tempore, & modo vult Deus, sed quia sapit, & delectat. Quorum omnium actiones, & opera hujusmodi omni merito carent, ac peccaminosa, vel imperfecta sunt, quia non ex bona intentione, sed ex amore, & interesse proprio faciunt, non Deum, vel ejus beneplacitum, sed semetipsos quaerentes, & intendentes; verum de Amore proprio redibit amplior discussio in Parte posteriore.

§1. II. Vanâ gloriâ inficitur, & totaliter perit bona Intentio, quando aliquid agimus, vel omitimus, aut patimur, ut inde æstimemur, laudemur, vel honoremur apud homines. Nil enim aliud est vana gloria, quàm inordinatus appetitus gloriæ, seu æstimationis, uti ex professo magis dicetur in secunda, seu posteriore Parte. Interea solum notandum vobis est Charissimi! Omnes SS. Patres unanimi consensu nos monere, ut per totam vitam spe-

ciali cura, sollicitudine, & vigilantia vanam gloriam vitare, eamque magis, quàm dæmonem ipsum in omnibus timere, & fugere, & ab ea cavere studeamus; quia, aiunt, est vitium periculosissimum, DEO exosissimum, & homini damnosissimum, & quidem

52. Periculosissimum est; quia ferè omnes homines innumeris modis semper, & ubique, ac in omnibus prosequitur, & nisi jugiter bene attendatur, sæpissimè tam subdolè, & subtiliter incautos invadit, ut antequam satis percipiatur, vel sentiat, nos inficiat. Idque vel ante opus, ut omni merito vacuum efficiat; vel in opere, ut illud saltem inficiat; vel post opus, ut ad demeritum inducat.

53. Et quod dolendum, ac metuendum, ex ipsis etiam virtutibus sua arma depromit, ac, quò magis vincitur, fortior evadit, magisque nocere conatur; diabolica fraude vanam complacentiam, aut desiderium ingerens, ut homines virtutes nostras, patientiam, humilitatem, honoris, vanitatis, & gloriæ contemptum sciant, indeque nos æstiment; quod, dum vana glo-

gloria obtinet, magis, quam unquam; nocet; cum maior, imò duplex superbia sit, humiliare se, vel actus humilitatis exercere, ut humilis quis appareat, vel ut humilis aestimetur. *Omnia vitia* (inquit Cassianus Lib. II. de spiritu Cenodoxia. cap. 7.) *superata mercescunt, & devicta per singulos dies infirmiora redduntur* &c. hoc verò dejectum (vana gloria scilicet) acrius resurgit ad luctum; & cum putatur extinctum, sua morte vivacius convalescit. *Et hoc est sabailis inimici versutia, ut militem Christi propriis faciat telis succumbere.*

§4. *Dannosissimum* etiam est, quia facit, quod opera nostra, quantumvis alias in se excellant, & bona, omnī meritō apud Deum careant, si ex vana gloria, seu desiderio aestimationis, vel laudis humanæ fiant; teste æterna Veritate Matth. 6. v. 1. *Attendite, ne iustitiam vestram* (id est, bona opera vestra) *faciatis coram hominibus, ne videamini ab eis. Alioquin mercedem non habebitis apud Patrem vestrum, qui in caelis est.* Et meritō; sicut enim planè nullam prætere, vel expectare quis potest mercedem ab eo, cui, vel ob quem non agit, vel laborat; sic etiam, qui non propter

Deum, sed ideo quid agit, ut ab hominibus aestimetur, laudetur, a DEO mercedem frustra expectat; sed necessario cum Pharisæis & hypocritis audire debet revera tremendum, & cuius vana gloriæ, laudis, & aestimationis cupido bene notandum, ac irascendum illud Christi Amen dico vobis, *receperunt mercedem suam.* Matth. 6. v. 2.

§5. Nec manet vana gloriæ damnum in hoc solo, quod opus ex ea factum omnī meritō privet, sed loco mercedis, & præmii, poenam etiam, ac supplicium operanti irrogat, utpote quæ bonum opus in malum, & virtutem in vitium convertit. Hinc S. Basiliius De Vita Solitaria. cap. II. tria principalia damna; quæ gignit vana gloria; observat. Primum est quod corpus & natura variis curis, laboribus, & operibus atterantur, affligantur, fatigantur, & consumantur; quantis enim agitantur curis, & quid non faciunt; qui urgente vanâ gloriâ hominibus placere, & ab eis aestimari, laudari, aut promoveri desiderant?

§6. *Alium damnum* est, quod opera, etiam ex se bona, meritō, & mercede apud Deum fru-

strentur

strentur: & quidem non tantum, si opera nostra ex vana gloria incipimus, & continuamus; sed insuper etiam, dum de bene coeptis, & continuatis sub ipso opere, vel post illud, vanam gloriam, seu inanem hominum laudem, & æstimationem appetimus, in quo casu bona opera nostra, si non ex toto, saltem ex parte, meritò privantur; vitium etenim hoc, juxta mentem S. Basilii, non facit, ut minimè laboremus (neque enim tam grave, & ponderosum foret, præmiò frustrari, nullo ante labore impenso) sed expectat, donec ipsi nos defatigaverimus, & bona opera faciendò sudaverimus, ac tum demum nobis illa furripit, præmium & palmam iis debitam è manibus extorquendò.

57. *Tertium damnum* est, quòd ita operans locò mercedis poenam reportet, cum operantes ex vana gloria DEUS hic & ibi variè puniat. Et, quod mirum est, hæc tanta damna tam blandè, suaviter, & fallaciter efficit, ut ob ea homo non tantum non contristetur, vel tangatur, sed etiam exinde voluptatem capiat, adeo, ut, quamvis credat, & sciat

Neudecker Pars Prior.

gravissima, quæ ex vana gloria sequuntur, damna, desiderò tamen, & appetitu humanæ æstimationis, laudis, vel honoris, quasi fasciatus, & dementatus; illa non apprehendat, nec curet, ob quod memoratus S. Basiliius *loc. cit.* vanam gloriam vocat *Suavem spiritualium divitiarum prædonem, & jucundum animarum nostrarum hostem.*

58. Denique etiam DEO *exosissimum* est hoc vitium vanæ gloriæ; quia ei surripere vult, quod ipse sibi soli reservat, videlicet gloriam, & honorem; enimvero ipsemet testatur *1/a. 42. v. 8. Gloriam meam alteri non dabo.*

59. Duo quippe in cunctis operibus consideranda sunt, *primo* fructus, & utilitas, *secundò* laus, honor, & gloria ex eis resultans, quatenus nempe exinde operis Author, & Artifex laudètur, & honoretur. Fructum & utilitatem omnem relinquit homini, gloriam verò totam sibi soli reservat DEUS. Et meritò, quia, quidquid bonum, vel laudabile in opere aliquo invenitur, à solo DEO est; à nobis autem id, quod malum, ac imperfectum est, provenit, consequenter ei soli omnis laus,

Hh

honor,

honor, & gloria, nobis autem non nisi humiliatio, & confusio competit; quamvis nihilominus ex infinita sua Bonitate DEUS fructum, ac utilitatem temporalem, & æternam nobis largiatur; dummodo laudem, gloriam, & honorem, ei soli debitum, nullo modo appetamus, aut nobis attribuamus; hunc enim summopere zelat: siquidem *Universa propter semetipsum* (id est, primario propter suam gloriam) *operatus est Dominus. Proverb. 16. v. 4.* Hinc, qui in operibus suis laudem, gloriam, vel æstimationem hominum querit, ordinem à DEO positum invertit, indeque specialem eidem injuriam irrogat, dum cupit, ut homines, qui in solo laudando, honorando, & æstimando DEO occupari deberent, Dei immemores sibi gloriam, & honorem tribuant, quod appetendò superbus homo, etiam sacrilegum, dæmonique similem furem Divinæ gloriæ se exhibet; ut bene advertit S. Augustinus, dum *cap. 15. Soliloq.* Deum ita alloquitur: *Tuum Domine est bonum, tua est gloria. Qui enim de bona tuo gloriam sibi querit, & non tibi querit, hic fur est, & latro: &*

similis est diabolo, qui voluit furari gloriam tuam.

60. Specialissimè proin attendite Charissimi! & vigilate, ut in juventute adhuc, & primo statim conversionis vestræ tempore vanam gloriam in omnibus cavere, & fugere discatis, & assuescatis; quia, si semel diabolica hæc malitia in animo juvenis Religiosi radicem egerit, in eoque habitus, & ex vana gloria, seu appetitu æstimationis, laudis & honoris, consuetudo agendi viget, aut non, aut vix amplius, & non nisi ex parte eradica-bitur, de reliquo autem in dies magis firmabitur, indeque fiet, ut ita constitutus toto vitæ suæ tempore in operibus suis à potiori seipsum magis, quam Deum, & suam potius, quam Dei æstimationem, laudem, gloriam, & honorem intendat, & querat, indeque majorem sollicitudinem, & attentionem in operibus suis habeat, ut hominibus, quam DEO placeat, magisque attendat, ne hominibus, quam ne DEO displiceat. Ex quo non leviter timendum, ne talis æternæ reprobationis suæ signum habeat; nam,

ut

ut S. Gregorius *L. 34. Mor. c. 22* ait: *Aperiè cognoscimus, quodd evidētissimū reproborū signū superbia est: ac contra humilitas elētorum.*

61. Ill. Denique inficitur bona Intentioni curā, ac desideria placendi hominibus; & e contra timore displicendi eisdem. Verum, quia tam timorem, quam desiderium præfatum, vel ex amore proprio, vel ex vana gloria provenire constat, plura de eis hic dicere superfedemus, præsertim, quia de eisdem in *Parte posteriore* agemus.

62. Quæritur II. Quænam sint signa bonæ vel e contra malæ & inordinatæ Intentionis? Ante responsionem notandum, plures falso existimare, se in operibus suis bonam habere intentionem, & nil aliud, quam solum Deum, ejusque Divinum beneplacitum, gloriam, & honorem quærere; cum tamen re ipsa se potius, suamque utilitatem, commoditatem &c. quærant, ac intendant. Hinc, ne multi seipso decipiant, Sancti Patres, & Magistri Asceticos quædam signa posuere, ex quibus facillimè cognosci potest, num bona & recta, vel utrum falsa,

fucata, & malā intentione quis operetur, aut operatus, vel passus sit.

63. Hoc prænotato Resp. Esse sequentia signa, ex quibus dignosci potest, num bonam, vel e contra malam & inordinatam Intentionem in suis actionibus quis habeat. *Primum.* Si quis ad omnia opera, officia, vel munera honorifica, & abjecta, laboriosa, & facilia, inclinationi naturæ accepta, & contraria, juxta dispositionem Superioris assumenda, & dimittenda, indifferens est, ac perinde habet, si hoc, si vel illud præcipiatur, nec non quodlibet æquali promptitudine, & perfectione peragere studet, si gnum minime fallax est; quod talis sua propter Deum, ejusque Divinam voluntatem, & beneplacitum agat, utpote benè gnarus, nil referre, quid faciamus dummodo id, quod, & qualiter vult Deus, faciamus.

64. E contra, si quis officia, vel munera honorifica, & publica amat, vel desiderat; & e contra tristatur, turbatur, murmurat, aut conqueritur, si ab illis amovetur, vel impeditur; abjecta vero, humilia, communia, vel laboriosa fugit, & non nisi cum

tædio, illibenter, ac imperfectè illis fungitur; signum evidens est, talem in suis operibus non tam Deum, ejusque beneplacitum, quàm seipsum, commoditatem, & amorem proprium, vel æstimationem, & laudem humanam quærere.

65. *Secundum.* Si quis post adhibitam in opere, vel functione sua sufficientem, ac debitam diligentiam advertens, rem penitus non, vel minùs feliciter successisse, fructumque, vel effectum speratum, & expectatum non obtinuisse, propterea tristatur, & animò deicitur, variisque cogitationibus agitatur, manifestum signum est, quòd pura intentione Deum, beneplacitum, & gloriam ipsius non quæsièrit, sed quid aliud, nescio quo modo, intenderit.

66. *Econtra,* si quis propterea non turbatur, vel tristatur, sed tranquillus, quietus, & contentus existit, signum certum edit, quòd nil aliud, quàm soli placere DEO, ejusque voluntatem exequi, intenderit. Cum enim sciat, quòd Deus à nobis nil aliud desideret, quàm ut in operibus de ipsius voluntate faciendis, debita cum diligentia fa-

ciamus, quod illo juvante possumus, relinquentes eidem, quantum cooperari, juvare, & opus perficere, qualèsque fructus, & effectus inde producere velit, plenè contentus, & consolatus vivit; si, quòd ex parte sua erat, se egisse cognoscit, utpote consecutus suum intentum, quod unicuique erat, voluntatem DEI tenuibus pro viribus suis exequi.

67. Imò, si quis verè humilis est, & soli DEO placere cupit, non tantum non tristatur, sed etiam gaudet, & lætatur, si post adhibitam ex parte sua sufficientem diligentiam, opus aliquòd minùs feliciter succedit, & sibi non nisi confusionem, aut humiliationem parit; cum sciat, quòd Deus longè magis honoretur, majùsque beneplacitum habeat, si confusionem, & contemptum ex opere infelicitèr peractò, resignata, patienti, & humili mente suscipiat, quàm per opus omni cum desiderato effectu gloriosissimè peractum; gaudet insuper, quòd DEO placendi occasionem habeat; Deus enim omnium maxime honoratur per humiles, & actus humilitatis. *Quoniam magna potentia Dei solius, & ab humilibus honoratur.* Eccli. 3. v. 21. 68. Ter-

68. *Tertium.* Qui cupit, vel desiderat, & multò magis, qui varias vias, & modos querit, ut, quæ fecit opera, palàm fiant, & aliis innotescant, ab eisque æstimentur, laudentur &c. aut ut ipse propterea æstimetur, promoveatur &c. signum indubitatum est, intentionem non esse, nec fuisse bonam.

69. *Econtra,* si quis cupit, & conatur, ut bona, quæ agit, maneant in abscondito, eaque nec directè, nec indirectè patefieri vult, signum certum est, talem optimam intentionem soli Deo placendi, & serviendi desiderio operari, inde plenè contentus, & quietus, quòd, quæ fecit, vel facit, sciat, & videat ille, cui soli placere desiderat.

70. *Quartum.* Si quis sollicitè desideret scire, quid homines, præsertim Superiores, de suis operibus sentiant, & dicant, an hæc illis placeant, num laudent, æstiment illa, &c. signum est, intentionem non esse bonam, nisi quis id scire præcisè idèo desideraret, ut agnito errore se emendare posset.

71. *Econtra* bonæ Intentionis signum est, si quis minimò sollicitus est, nec scire cupit, quid

sentiant, aut quid dicant de se & actionibus suis homines, perinde habens, sive vituperent, sive laudent eas, sed sufficit ei, quòd sciat, se bona intentione egisse, quòd potuit, & DEUM velle putavit, juxta exemplum Pauli 1. ad Corinth. 4. v. 3. *Mibi promissum est, ut à vobis judicer, aut ab humanis die.*

72. *Quintum.* Si quis opere, vel functione aliqua peracta, æstimationem, laudem, & approbationem hominum, maxime Superiorum, anxie expectet, & desideret, nunquam satis contentus, & quietus, donec hi verbò vel signò ostendant, se opera illius æstimare, ac rata habere, latentis malæ intentionis certissimum signum est.

73. *Econtra,* qui opere pro viribus suis peracto pacatus, & quietus vivit, nullam ullius hominis laudem, vel approbationem desiderans, evidenter ostendit, se soli Deo placere velle, eoque solo contentum esse.

74. *Sextum.* Si quis ex eo, quòd opera ipsius æstimentur, approbentur, extollantur &c. gaudet, ac complacentiam habet, e contra ycro tristatur, & animò affligitur, si vilipenduntur, & vilis

tupéantur, evidenter demon-
strat, quod solum DEUM, bene-
placitum, & gloriam ejus in ope-
ribus suis non intendat.

75. *Econtra* ysi ob contem-
ptum, aut villipensionem homi-
nium gaudet, aut saltem non tur-
batur, vel animò affigitur, lau-
dem verò & plausum hominum
fugit, & declinat, eaque sibi at-
tributà non delectatur, nec com-
placet, sed tanquam sibi penitus
indebitam, in DEUM refundit;
optimæ intentionis manifestum
argumentum præbet.

76. *Septimum.* Si qui, propter
res, quod alii opera, aut functio-
nes suas publicas pro DEI gloria,
& proximorum salute bene, &
fructuose peragant, laudemque
plausum, & æstimationem ha-
beant, tristatur, vel turbatur, aut
saltem non ita gaudet, ac si ipse
met cum tanto fructu, & suc-
cessu peregisset, apertè convit-
eitur, quod non tam DEI glo-
riam, quam suam quærat; si
enim DEI solam gloriam, & non
suam spectaret, semper gauderet,
si à quocunque eam promoveri
videret, simulque ex corde opta-
ret, ut quam plurimi alii idem
facerent; quatenus saltem per
alios præstaretur, quod à se mi-

sero fieri non posse, cognoscit.
Talis fuit mens sanctissimi Moy-
sis; qui, dum æmulans pro illo
Jesue, alios præter Moysen pro-
phetare polebat, eundem incre-
pans dixit. *Quid amularis pro me
quis tribuas, ut omnis populus pro-
phetet, & des eis Dominus Spiritus
suus.* Num. xi. v. 29. Pulchrè ad
propositum S. Gregorius. *Lib. 22.
Mor. c. 24.* ait: *Fidelis prædica-
tor optat, ut veritatem, quam so-
lus loqui non sufficit, etiam cunctos
fideles loquantur.* Hinc talis, dum aliis
egregiè concionando omnes ad
se pertrahit, multumque in ani-
mabus fructum facit, non minus
gaudet, quam si ipse hoc ageret;
si enim non gauderet, sed nescio
quam displicentiam, tristitiam,
aut invidiam præferat, evidens
argumentum est, se purè DEI
gloriam non quærere.

77. *Econtra*, si quis de aliorum
quorumcunque bene gestis, &
resultante ex illis Dei gloria æque
gaudet, ac si per ipsum, aut per
suos factum esset, palam facit,
quod non suam, sed Dei solius
gloriam desideret.

78. *Octavum.* Si quis in actio-
nibus naturæ necessariis, veluti
in comedendo, bibendo, som-
nando, capiendo, se recreando &c.

advertenter, & voluntariè sibi plus indulserit, quàm necessaria corporis, & animi refocillatio postulabat, signum indubitatum est, se in illis non purè Dei voluntatem, & beneplacitum, sed suam voluptatem, sensualitatem, & commoditatem intendisse.

79. *Novum.* Si quis, quod agit,

inconsideratè, & precipitanter, aut turbatè, & anxie agit, signum est, quod vel ex inclinatione, aut passione naturali, aut motivo, seu fine temporali hoc agat.

80. E contra, qui pacatè, & quietè sua peragit, indicat animum interius bene constitutum, Deo intendentem, eoque solo contentum.

CAPUT X.

De modo perfectè agendi.

§. Unicus.

De requisitis ad modum perfectè agendi.

QUæritur I. Qualiter ad perfectè operandum requiratur, & in quo consistat debitus modus agendi? Resp. I. Ad opus aliquod perfectè agendum non sufficit, quod illud ex se sit bonum, Deoque acceptum, & ex bona intentione ab aliquo, gratiam sanctificantem habente, fiat, sed necessario insuper requiritur, ut fiat etiam debito modo. Ita una, nimis, & certa SS. Patrum. Ra-

tio est, quia juxta tritum ex S. Dionysio *lib. de Div. Nom. cap. 4.* desumptum: *Bonum ex integra causa, malum (seu imperfectum) ex quolibet defectu* existit. Hinc quamvis oratio Horarum Canoniarum e. g. sit opus DEO gratissimum, & ab aliquo, gratia habituali prædito, ex perfecta intentione fiat, attamen, si non debito modo, v. g. nimis precipitanter, si truncatis verbis, si irreverenter, & distractè, si sine debito ordine, si non servatis

vatis Rubricis, si non servatis statim temporibus perfolvitur; opus nequaquam perfectum, sed imperfectum erit.

2. Resp. II. Debitus modus agendi consistit in hoc, ut quodvis opus quoad omnia fiat: taliter, qualiter præceptum, aut lex Divina, vel humana; Regula, Statuta, vel constitutiones, aut laudabilis consuetudo recepta, vel ipsa natura operis, & dictamen rectæ rationis requirit; quia, ut Christus *Matth. 3. v. 15.* dicit: *Decet nos implere omnem iustitiam.* id est, quodvis quoad omnia iuste, & recte agere, quod suo exemplo confirmavit *Joan. 14. v. 31.* ubi perfectum suum agendi modum nobis insinuans, ait: *Sicut mandatum dedit mihi Pater, sic facio.* id est, taliter, seu tali modo mea facio, qualiter mihi mandavit Pater coelestis, consequenter quoad omnia perfecte.

3. Quæritur II. Quænam Conditiones requirantur ad hunc perfecte agendi modum? Resp. Sequentes præcipue, videlicet *Primo.* Ut opus fiat debito tempore. *Secundo.* Ut fiat integre. *Tercio.* Diligenter, exacte, & sedulo. *Quarto.* Libenter, & humiliter. *Quinto.* Attente, & uni-

ce: *Sexto.* Modeste & honeste. *Septimo.* Pacate, & quiete. *Octavo.* Ut fiat resignate.

Prima itaque Condicio est, ut opus fiat debito tempore, sive ut in operando debitus, & præscriptus servetur temporis ordo, quatenus singula opera certis suis à Lege, Regula, aut præcepto Superiorum, vel ratione, statutis horis, & temporibus pergantur, juxta illud *1. Corin. 14. v. 40.* *Omnia honeste, & secundum ordinem fiant.* *Omnia tempus habent.* *Eccle. cap. 3. v. 1.* & ibid. *cap. 3. v. 6.* *Omni negotio tempus est, & opportunitas.* Quamobrem inquit S. Theodorus Studita *Catech. 41. Lect. 1.* diciturque firmus: *tempus est Psalmodia, prodeamus studiosè: opificii, operemur sedulo: silentii, fiteamur honeste: alloquii, alloquamur circumspèctè: atque, ut semel dicam, honeste omnia, decenterque geramus, quemadmodum jubemur.* Non enim sufficit, opus esse ex se bonum, nisi etiam congruo & ordinato tempore fiat; nam juxta mentem S. Laurentij Justin. *lib. de Obedientia. cap. 37.* quemadmodum immaturi fructus arboris nequaquam usui prodesse possunt humano, ita neque optis sine modo vel ordinato tempore factum, vali-

vali-

validum potest præstare augmentum virtuti; unde præter alia allegata similia ait: *Neminem ad cujuscumque perfectionem artis vel operis, nisi prævio, ordinatoque progressu posse pervenire, & humanus vivendi usus, & quotidianus nature decursus, atque Divina pariter testantur eloquia.*

5. Errant contra hanc conditionem, & juxta eundem S. Laurentium Justinianum ludibrium dæmonis sunt, qui non agunt, quod debitus temporis ordo, negotii ratio, vel utilitas exigit, sed quod animus suggerit, aut inclinatio, passio, aut propria voluntas suadet: qui lectioni, vel labori vacant, cum orare deberent: qui orant, cum laborare, aut quid aliud agere oporteret: qui tempore orationis mentalis vocalem, aut econtra persolvunt.

6. Errant, qui ex torpore, achedia, ignavia, aut alia illegitima ratione agenda differunt, & suo tempore non persolvunt; sed ad ultimam partem temporis, vel tam diu differunt, ut ea, quæ majori studiò elaborari, majorique diligentia, attentione, & exactiōne perfici meritò deberent, præcipitanter, obiter, ac perfun-

Neudecker Pars Prior.

toriè agere ex temporis defectu necessariò debeant.

7. Errant, qui temporis circumstantias non attendendò, necessariò agenda faciunt illo tempore, quo nullus fructus, & effectus sperari potest: ut si quis corrigeret peccantem, dum actus furit, aut graviter irascitur; quia nullum effectum, sed id potiùs causaret, quòd magis fureret, & offenderet DEUM.

8. *Secunda* Conditiō est, ut opus fiat *integrè*, id est totaliter, completè, & secundum omnes suas partes, prout nempe Lex, Regula, Statutum, aut præceptum Superioris, vel natura operis requirit; si enim opus integrum non est, jam hoc ipso imperfectum est: nam juxta dicta, *Bonum ex integra causa*, hinc dicitur *Eccle. 7. v. 19. Qui timet Deum, nihil negligit*: etsi parum, aut modicum videatur. Hanc conditionem Christus exactè observavit, & suò exemplò nos docuit; nam de seipso testatur *Joan. 17. v. 4. Opus consummavi* (id est, integrè, & completè perfeci) *quod dedisti mihi, ut faciam.*

9. Contra hanc Conditionem errant I. Qui absque legitima causa è Choro discedunt prius, quam

quàm Divinum Officium ex integro est persolutum.

II. Qui ad Chorum, aut alia obedientiæ munera, seu opera ferò veniunt.

III. Qui tempus orationi, aut meditationi destinatum præscindunt, abbreviant, aut eo nondum finito, variis quæsitis coloribus discedunt.

IV. Qui opera obedientiæ ex accidia, fastidio, vel horrore diffcultatis, aut laboris abbreviant, aut imperfecta relinquunt.

V. Qui (ut sæpe contingit) ex inordinato erga aliud negotium, vel actionem affectu, vel nimia sollicitudine, & cura ad aliud adhuc peragendum, opera abbreviant, vel obiter, & perfunctorie expediunt.

10. Tertia Conditió est, ut opus fiat *diligenter, sedulo, & exactè*. quoad cuncta, simulque ferventer, consequenter non inconsideratè, aut ex mera consuetudine; non leviter, aut remissè; non tepidè, aut languidè, vel tardiosè; quia, qui sua negligenter, & tepidè peragunt, maledicti sunt à DEO, & tanquam abominabiles projiciuntur à facie Dei. Nam juxta jam dicta, & meritò adhuc sapius dicenda

Maledictus, qui facit opus Domini fraudulentè. Jerem. c. 48. v. 10. & tepido operario dicit Deus Apoc. 3. v. 15, & 16. Scio opera tua &c. quia tepidus es &c. incipiam te evomere ex ore meo. Pulchrè ad propositum scribit Eusebius Emisenus *Homil. 3. ad Monach. Ille tantorum munerum repromissor Deus non vult, in opere suo tepidum, despiciit fastidiosum, recusat contum, respuit indevotum, &c. Homil. 6. Non respiciit Deus ad munera, quæ negligentis, ac vili animi offeruntur.*

II. Quapropter videte, & cavete Charissimi! ne ad detestandum, abominabile, & à DEO maledictum hoc genus hominum, sua negligenter, fastidiosè, perfunctorie, ac tepidè agentium, pertineatis: sed primis statim Religiosæ juventutis vestrae annis (cui conformiter plerumque reliquum vitæ sequitur) bonos habitus contrahatis, cuncta etiam minima diligenter; exactè, sedulo, & debito cum fervore peragendi; præsertim quia, quamprimum ferventi desiderio ita operari generosè incipitis, Deus speciales, & uberiores gratias ulterius pergendi, & proficiendi liberalissimè confert. Nam ut ait S. Chrysostomus *Homil.*

Homil. 2. in Gen. Quando videt gratia Spiritus fervens desiderium, & vigilem mentem, tunc & gratiam suam opulentam liberalius largitur.

12. *Quarta* Conditio est, ut opus quodcunque fiat *hilariter*, & *libenter*, id est, libenti, & hilari animo, & cum gaudio quodam, ac lætitia spirituali, quæ in corde amantis Deum non potest non oriri, si vel obiter recordatur, certum esse, se defacto existere in servitio DEI, & executione sanctissimæ voluntatis Divinæ, illudque, quod modò agit, certè placere DEO, & cedere ad ejus gloriam, laudem, ac honorem. Quis enim non gaudeat, & lætetur? si considerat, certum esse, hoc, etsi vile, abjectum, ac minimum suum opus velle Deum, placere Deo, eoque honorari, & glorificari Deum; consequenter se modò factum esse dignum, placere Deo, honorare Deum &c. quem unicè, & super omnia diligit.

13. Hæc sancta animi hilaritas, & lætitia in agendo propter Deum, eidem singulariter placet; juxta illud Pauli 2. ad Corinth. 9. v. 7. *Non ex tristitia, aut ex necessitate; hilarem enim datorem diligit Deus.* Hinc tam in Scriptura Sacra,

quàm à SS. Patribus valde nobis inculcatur, & commendatur hæc animi hilaritas, & lætitia. *Servite Domino in lætitia*, ait David Psalm. 99. v. 1. & Eccli. 35. v. 11 *In omni dato hilarem fac vultum tuum.* Et S. Bernardus de *virtute Obedientiæ*.

ait: *Serenitas in vultu, dulcedo in sermonibus, multum colorant obedientiam obsequentis: nubilosa corporis compositio, & facies tenebris obscurata tristitia, devotionem ab animo recessisse signant.* Si vis ergo perfectus esse, *hilariter, & cum magna vultus alacritate suscipe jubentis imperium.*

14. Errant contra hanc conditionem, qui actiones, & opera sua, præsertim verò illa, ubi nullum honorem, vel temporale commodum, vel propriæ voluntatis, aut sensualitatis solatium vident, vel expectant, vel in quo difficultatem cernunt, declinare, vel differre satagunt, aut cupiunt, vel non nisi coacti, & impulsivi, atque inviti, vel cum tristitia, tædio, fastidio, aut impatientia peragunt, semper desiderantes, ut brevi finiantur.

15. *Quinta* Conditio est; ut opus fiat *attentè*, & *unicè*, id est, ut sine inordinata cura, & sollicitudine, aut distractione ad alia jam acta, aut adhuc agenda, uni-

cè, & solum attendamus ad id, quod modò præ manibus habemus, uti suadet Spiritus Sanctus *Eccli. 11. v. 10. Ne in multis sint actus tui.* Ratio est; quia impossibile est, illud perfectè fieri, quod aut inconsideratè, & inattentè, aut simul cum imaginatione, distractione, & cura ad alia fit; siquidem *pluribus intentus, minor est ad singula sensus.* Accedit, quòd opera, quæ cum distractione, & cura ad alia fiunt, magis etiam fatigant mentem, & intellectum; hoc ipso, quòd duobus, aut pluribus simul attendens, vel intendens, magis gravetur, ac debilitetur. Hanc Conditionem in suis operibus observari etiam ipsimet volebant Gentiles, ad quem finem illi, qui Diis sacrificabat, unus assistere, & clara voce cum monere debebat illis verbis: *Hoc age, quod agis:* id est, hoc, quod modò agis, solum, & bene age; nec ad aliud attendas, aut de illo sollicitus sis. Hanc quoque Conditionem suadent SS. Patres, & Ascetæ, ut quis quamlibet rem ita agat, ac si illud solum, & nil ampliùs agendum haberet. De hoc *Cap. sequente. num. 20.* redibit sermo, agendò de

sexto Medio cuncta perfectè agendi.

16. Cæterum errant contra hanc conditionem, qui sub operibus suis inattenti, pleni sunt alienis cogitationibus, ita, ut nonnunquam ipsimet nesciant, quid agant, vel quid egerint v.g. dum orant, & psallunt, de studio, vel refectorio cogitant; dum legunt, student, vel laborant, mundanis, & aliis impertinentibus cogitationibus memoriam occupant.

17. Errant, qui, dum unum agunt, de alio cogitant, vel solliciti sunt, & dum hoc agunt, rursus de tertio curam, & cogitationes habent, sicque non uno, sed pluribus operibus, mentem, & intellectum fatigant, & quodvis imperfectè perficiunt.

18. *Sexta* Conditio est, ut quodvis fiat *modestè, & honestè*, id est, cum externa quadam modestia, & honesta corporis, membrorum, & sensuum compositione, idque non solum ad ædificationem, & exemplum aliorum, sed etiam ob debitam reverentiam præsentis, ac intuentis DEI, & Angeli Custodis: *Quia spectaculum facti sumus mundo, & Angelis.*

gelis, & hominibus. 1. Corinth. 4. v. 9.
Talis modestia externa Deo singulariter placet, & proximum mirè ædificat, atque ad sequelam trahit: unde de S. Flaviano *Hom. 3. ad Pop.* S. Chrysostomus memorat: quòd non solum docens, & loquens, sed etiam, si videretur, satis erat, ad inducendam virtutum celestium doctrinam, in eorum, qui videbant, animos.

19. *Septima* Condicio est, ut fiat *pacatè & quietè*, id est, sinè inordinato timore, & anxietate displicendi, & sinè cura, ac desiderio placendi hominibus. Oportet quidem attentum, circumspectum, & sedulum esse, ut quodlibet rectè, & exactè fiat, eaque, quæ ad finem, & effectum consequendum necessaria videbuntur, facere, vel adhibere, id omne tamen sinè anxietate, & scrupuloso timore aliis displicendi, ac absque cura inordinate placendi hominibus fieri debet.

20. Porro, qui per opera sua soli placere Deo, & ejus voluntati satisfacere desiderat, sinè cura, & timore est, an hominibus placeat, vel displiceat, nec judicia hominum de se, vel suis operibus curat, juxta doctrinam,

& exemplum S. Pauli *1. ad Corinth. 4. v. 3. Mibi pro minimo est, ut à vobis judicer, aut ab humano die.* Neque curat, si opus, seu modus operis, quo juxta beneplacitum Dei operatur, hominibus displiceat, dummodo Deo placeat; imò, quia sæpissimè ea, quæ Deus vult, ei que placent, secundum substantiam, vel modum hominibus displicent, consequenter hominibus displicere sæpe necesse est, pro singulari principio habeat illud Christi *Matth. 6. v. 24. Nemo potest duobus Dominis servire.* & illud Pauli *ad Gal. 1. v. 10. Si adhuc hominibus placerem, Christi servus non essem.*

21. Ubi tamen notandum, quòd, dum dicitur, debere nos agere sinè timore displicendi hominibus, & sinè cura placendi eisdem, intelligatur timor, cura, & desiderium inordinatum, & peccaminosum, quibus videlicet sinè ullo ad Deum respectu, vel relatione timemus displicere ex amore proprio, aut superbia, aut alio malo, vel solo temporali fine, ne videlicet ab aliis vilipendamus, minùs æstimemur, gratià apud eos excidamus, vel quibus placere desideramus, & conamur, ut ex actionibus, &

operibus nostris nos æstiment, laudent, vel gratiis, favoribus, aut beneficiis nos prosequantur. Non item intelligitur timor displicendi, & cura, seu studium, ac desiderium placendi ordinatum, & bonum.

22. Enimvero datur quoque sanctus, & bonus timor displicendi, bonumque & sanctum desiderium, cura, & studium, placendi hominibus; si nempe ex bono, & sancto fine ea procedunt. Sic sanctus, alteri displicendi timor est, si quis timet, & cavet in actionibus suis displicere, ne scandalizet illum, seu, ne det malum exemplum, vel ne iniquè contristetur, aut affligat illum. Sic etiam sanctum desiderium, sanctumque studium, & curam placendi habet, qui per actiones licitas cupit, & conatur aliis placere, vel satisfacere, non propter semetipsum, seu ex amore proprio, aut superbia, sed ex charitate erga Deum, vel proximum v.g. ut alterum ædificet, & bono exemplò ad imitationem trahat, juxta illud *Matth. 5. v. 16. Lucet lux vestra coram hominibus, ut videant opera vestra bona, & glorificent Patrem vestrum, qui in cælis est.*

-17 14

E II

vel ut ingressum, & occasionem exinde acquirat eos lucrandi, convertendi, a vitiis ad virtutes, ab interitu ad vitam ducendi &c. ex quo fine S. Paulus, licet *ad Galatas. 1. v. 10.* dicat: *& adhuc hominibus placerem, Christi servus non essem.* & *1. ad Corinth. 4. v. 3. Mihi pro minimo est, ut à vobis judicem, aut ab humano die.* idem tamen etiam *1. ad Corinth. 10. v. 33.* dicit: *Ego per omnia omnibus placeo.* Sed audi causam, & finem, indèque sanctum, placendi studium, & desiderium: *Non quarens, quod mihi utile est, sed quod multis, ut salvi fiant.*

23. Ulterius sanctum placendi studium, & desiderium habet, si per actionem licitam placere, & satisfacere quis studet alteri, ut tristem recreet, afflictum, vel desolatum consoletur, indigenti opituletur, succurrat, consulat &c. vel ut aliis in conversatione, & commercio humano gravis, & odiosus non existat: ex his enim, & similibus causis placere cupere alteri, est actus charitatis, quam tanto perere commendat, & vult habere Deus.

24. Errant proin turpiter, & plurimum decipiuntur, qui omne pla-

ne placendi, aut satisfaciendi aliis studium, seu desiderium, & timorem displicendi vituperantes, nullam curam sanctè placendi, nec ullum timorem malè displicendi habent, ideóque agrestes, inhumani, vel rædiosi, aliis graves, & odiosi existunt, alios verbis, vel factis offendunt, reverentiam, & honorem debitum exhibere negligunt, charitatem denegant &c. indeque adhuc gloriantur, aliosque contrarium facientes odio habent, averfantur, & pro adulatoribus, ambitiosis &c. habent, & reputant, semetipsos verò pro contemptoribus gloriæ, honoris, promotionis, gratiæ, & favoris humani jactant, ac propterea pro humilibus, sinceris, ac egregiis haberi volunt, quasi verò humilitas, & sinceritas in aliorum contemptu, vel offensa, in denegatione reverentiæ, ac honoris, vel charitatis debita, in dissolutione, ac remissione, vel in rædioso, aliisque gravi, & odioso vivendi, aut agendi modo consisteret.

25. *Oitava* tandem *Conditio* est, ut fiat *resignatio*, id est, ut sine inordinata fiat anxietate, timore, & cura, aut pertinaci proposito

consequendi intentum fructum, & effectum; cum opus aliquod, ex quo nullus, vel modicus, aut saltem expectatus fructus, & effectus non sequitur, æquè, imò sæpe magis perfectum, Deoque gratum, & acceptum esse possit, quàm aliud cum nescio quo fructu, & effectu peractum; dummodo bona intentione ex parte sua quis faciat, quantum potest, & Deum velle cognoscit: eo quod intentus operis fructus, & effectus plerumque non à nobis, sed à Deo solo dependeat, adeoque Deus ratione illius secuti, vel non secuti, nec magis, nec minus præmiat operantem. Hinc, licet S. Jacobus in Hispaniam ad prædicandum Evangelium missus, non plures, quàm octo animas (ut fertur) converterit, attamen non min oris meriti esse dicitur, quàm alij Apostoli, qui integras Provincias converterunt ad Fidem. Et quamvis aliqui Apostoli plures animas converterint, quàm Christus ut homo in terris existens, hic tamen abs dubio infinitè perfectior fuit in suis operibus, quàm illi.

26. Imò (quod bene notandum) sæpe vult Deus, ut aliquid

quid incipiamus, & tamen non vult, ut feliciter, & cum optato effectu, aut fructu perficiamus, sed tantum intendit nobis præbere materiam, varias exercendi virtutes sibi placendi, & nobis merendi, occasione occurrentium difficultatum, quas ipsemet etiam providentissima, & amandissima sua dispositione, ac permissione immittit: eo quod Deus in virtutibus, quæ tali occasione exercentur, longè majus beneplacitum, majoremque gloriam, & operans majus meritum habeat, quàm in ipso opere feliciter, & fructuose peracto; enimvero bona voluntas, & conatus, quem operans habet, ad perfectè, & fructuose producendum opus, patientia & fortitudo animi, quam habet in supportandis, vel superandis, difficultatibus, molestiis, & incommodis, resignatio, quæ opere infeliciter procedente, in Divinam voluntatem se resignat, humilitas, quam exercet humiliter acceptandò ex amore Dei,

& tolerandò confusionem, contemptum, suspiciones, judicia &c. quæ eidem ob opus infeliciter, vel infructuose peractum obveniunt, sinè comparatione majorem gloriam & beneplacitum creant Deo, quàm ipsum opus, coeteroquin sanctissimum, omnium cum desiderio, & expectato effectu, vel fructu productum.

27. Hinc scribitur de S. Ludovico Galliz Rege, quòd, cum maximus ejus Exercitus, & Classis, quam sanctissima intentione recuperandi terram sanctam parabat, & contra hostem Nomini Christiani educebat, ad internecionem usque deleberetur, ipseque Rex ab hostibus caperetur, ipsius in Divinam voluntatem resignatio, patientia, & humilitas, quæ hæc omnia de paterna manu Dei acceptabat, ejusque amore tolerabat, Deo longè magis placuerit, quàm si Terram Sanctam totam recuperasset, & Matri Ecclesie restituisset.



C A P U T XI.

De Mediis perfectè operandi.

§. I.

Recensentur varia Media.

Vlſis iis ; quæ necessariò requiruntur ad quævis perfectè agenda, videamus modò ; quæ media conducant, vel necessaria sint, ad quodvis perfectè agendum. Hinc

1. Quæritur. Quæ media conducant ad quævis perfectè agenda? Resp. Esse plura, potissimum verò sequentia.

2. *Primum* medium est *Ardens desiderium*, & *efficax bona voluntas*, seu *propositum*, cuncta perfectè agendi. Hoc medium præstantissimum, & summè necessarium est, adeò, ut, ubi hoc adest, etiam cætera istud ordinariè certò sequantur: e contra, ubi hoc deest, reliqua cuncta frustranea sint; qui enim verè desiderat, & efficaciter vult aliquid, media inquirat, & assumit, cunctaque adhibet ad illud obtinendum. Sic e. g. avarus, qui ardentè deside-

rat, & efficaciter vult ditescere, quasi continuò speculatur, & diligenter adhibet varias vias, & media, finem suum obtinendi, & e contra solerter attendit, & vigilat, ne quid huic fini contrarium faciat, vel contingat: sic, qui verè desiderat, & efficaciter vult cuncta perfectè agere, speculabitur, & meditabitur, inquirat, & leget de modo, viis, & mediis perfectè agendi, eaque cognita altè in corde servabit, diligenter adhibebit, omnèque contrarium cautè vitabit, & præcavebit; consequenter cuncta perfectè, saltem quantum scit, & potest (quod sufficit) peraget; præsertim, quia talibus, qui verum desiderium, & efficacem bonam voluntatē quævis perfectè agendi habent, Deus majores, & speciales tribuit gratias, & auxilia, mediantibus quibus id, quod tantò opere volunt, & desiderant,

Nendeckes Pars Prior.

Kk

per-

perfectè agere facile possunt. si imperfectionibus peragentes, quis (inquit S. Ambrosius *super Psalm. 118.*) *verum profectus desiderium, nec non conatum in virtute, & perfectione semper proficiendi habet, tantopere Deo places, ut bonis charismatibus, & gratis suis hunc assidue locupletes.*

3. Dum e contra, qui nullum verum perfectè agendi desiderium habent, etiam de modis, viis, & mediis perfectè agendi, nullam, vel modicam curam habent; & licet eis plurima, illaque optima dicantur, vel præscribantur, ea non attendunt, nec curant, neque ea applicandi, indeque perfectè agendi conatum, vel diligentiam adhibent, consequenter imperfectè agere continuo pergunt. Neque juvant leges, statuta, & præcepta Superiorum ad quodvis perfectè agendum præscripta, & urgentia, quia hæc apud illos plus non operantur, quam quòd ad summum ea, quæ in præsentia aliorum faciunt, vel quæ manifestare debent, ex timore servili, respectu humano, vel alio vano fine, & hoc ipso imperfectè facientes, aliquam externæ perfectionis speciem etiam inviti exhibeant, reliqua cum solitis

4. Dicitur autem notanter *num. 2. Efficax bona voluntas*: id est, talis, quæ manum etiam apponit, & requisita ad bene, ac perfectè agendum media adhibet; nuda enim voluntas, & simplex desiderium, sine debito conatu, & labore, non prodest.

5. *Secundum medium ad quævis perfectè agenda est Humillima sui, seu in seipsum, & vires suas diffidentia quoad omnia non tantum magna, & ardua, sed etiam modica, & minima.* Cum enim juxta fidem prorsus nihil boni, seu nil meritorium & supernaturale sine auxilio, & gratia DEI possimus, juxta illud Christi: *Joan. 15. v. 5. Sine me nihil potestis facere*: ita ut non sufficientes sumus cogitare aliquid à nobis, quasi ex nobis, sed sufficientia nostra ex Deo est, qui & idoneos nos fecit. *2. Corinth. 3. v. 5. & 6.* ideo specialiter vult Deus, ut id humillimè agnoscentes, in cunctis etiam minimis nostram infirmitatem, imbecillitatem, impotentiam &c. sincerò confiteamur animò, & propterea in nostris quibuscunque viribus diffidentes, in solo DEO confidamus, & auxilium illius imploremus: quod

quod si non observamus, sed immemores totalis impotentiae, ac inhabilitatis nostrae, vanam, & mendacem aestimationem, ac imaginationem de viribus nostris, dexteritate, scientia, aut aliis donis, & talentis habemus, & in eis, vel eorum aliquo confidentes agimus, aut operamur, plurimos errores, defectus & imperfectiones, in operibus, & actionibus nostris certissime commitemus, & saepissime confundemur; quia certissimum est, quod illos, qui non in solo Deo, & auxilio illius, sed in se, seu suis, aut humanis quibuscunque tandem viribus, aut mediis confidentes, aut praesumentes agunt, Deus in actionibus, & negotiis suis ita derelinquere soleat, ut variis erroribus, defectibus, & confusionibus ordinariè, & quidem tam diu subiaceant, donec satis confusi clarè cognoscant, & ultro fateantur, omne bonum à solo Deo, & gratia ejus provenire debere. se verò, & cunctas vires naturales, sinè ipso prorsus nil posse, quàm errare, & peccare, consequenter propriam sui, & humanarum virium aestimationem, confidentiam, & praesumptionem deponentes, in solo

Deo, & auxilio ipsius confidere, & ab ipso solo omne bonum expectare, ac sperare, ipsique soli de quovis bono gloriam, & honorem dare discant.

6. *Tertium* medium est *Firma fiducia, & confidentia in Deum, ejusque gratiam, & auxilium.* Quamvis enim ex nobis prorsus nihil, attamen cum gratia Dei, & auxilio omnia possumus, juxta illud Apostoli ad Philipp. 4. v. 13. *Omnia possum in eo, qui me confortat.* Gratia autem Divina certissime datur omnibus, qui diffidentes de se, in DEO firmiter confidunt, eumque pro auxilio & gratia fiducialiter invocant; prout Deus in Scriptura Sacra saepissime promisit. Hinc confidentia in Deum, tanquam soror inseparabiliter debet esse conjuncta cum nostri diffidentia, si enim hanc solam sinè illa haberemus, pusillanimes, tristes, timidi, & in plurimis, praesertim arduis, ac difficilibus perfectè agendis, deque virtutibus, & perfectione acquirendis desperaremus; nec quidquam arduum, aut difficile, etsi ex officio, obedientia, aut alia virtute nobis incumbens, aggredi auderemus: dum e contra, si diffidentia in nosmetipsos,

& confidentia in Deum conjunctæ sunt, nil tamen difficile, nil tam arduum, nil tam adversum, quin illud, si Deo placere constat, imperterritè aggrediaudeamus, & exactè perficere, aut perfectè vincere posse confidamus, hoc ipso, quòd optatum effectum, aut fructum, non à nobis, aut viribus nostris, sed à DEO, & auxilio ejus (in quo confidimus) sperare, & expectare habeamus; consequenter, quantumvis inhabiles, imbecilles, & impotentes nos videamus, non terreamur, sed potius de infirmitate, & imbecillitate nostra gaudemus, & quasi gloriemur, memores, quòd eo magis appareat operans manus Dei, eique soli maneat honor & gloria, quò magis inhabilis, & ad perfectè agendum opus, præsertim arduum & difficile, impotens est homo, qui illud perficit.

7. Unde, licet Deus sit etiam magnus in magnis, mirabilia tamen gloriosius operatur in minimis, & per minima, prout etiam ad magna, & ardua sua opera, non sapientia, potentia, nobilia &c. sed vilia, abjecta, ignobilia, infirma, & coram mundo stulta, sæpenumero eligit, &

quasi penitus inhabilia adhibet instrumenta, ut honor, & gloria de effectu, & fructu secutis, non homini operanti, utpote ex se inhabili, ac impotenti, sed soli Deo tribuatur, & ne gloriatur homo, si per illum tanta operatur Deus, juxta illud 1. Corinth. 1. v. 26. & seqq. *Videte enim vocationem vestram fratres, quia non multis sapientes secundum carnem, non multi potentes, non multi nobiles, sed quæ stulta sunt mundi, elegit Deus, ut confundat sapientes, & infirmam mundi elegit Deus, ut confundat fortia, & ignobilia mundi, & contemptibilia elegit Deus, & ea, quæ non sunt, ut ea, quæ sunt, destrueret, ut non gloriatur omnis caro in conspectu ejus.* Hinc Apostolus gloriabatur in suis infirmitatibus, ac vel ratione illarum certum sperabat Dei auxilium, & bonum effectum: *Libenter igitur* (inquit 2. Corinth. 12. v. 9. & seqq.) *gloriabor in infirmitatibus meis, ut inhabitet in me virtus Christi; propter quod placeo mihi in infirmitatibus meis &c. cum enim infirmor, tunc potens sum.* Quando enim homo evidenter cognoscit, ultròque fatetur extremam inhabilitatem, ac impotentiam suam ad perfectè agendum opus, aut negotium à DEO impositum, & nihilominus illud

im-

imperterritè, & hilariter, invocatio priùs auxiliò Divinò aggreditur, manifestè ostendit, quòd non in se, sed in solo Deo, ejusque auxilio, & quidem firmiter confidat; quod dum facit, Deum ad certissimum auxilium sibi dandum permovet.

8. Cæterùm confidentiam in Deum facilè obtinebimus, si pro ea DEUM fiducialiter invoceamus, & subinde sequentia consideremus. I. Quòd, cùm ipse velit, ut perfecte operemur, & sciat, nos absque gratia sua prorsus nihil posse, eam nobis humillimè implorantibus certò daturus sit. II. Quòd infinitè nos amet, & intensissimè delideret nos juvare, simulque facillimè, utpote omnipotens, possit, & tanquam sapientissimus sciat nos juvare. III. Quòd sepius promiserit, præsertim confidentes in eum, & invocantes illum certò juvare: cùm enim sit Deus in promissis fidelissimus, & in verbis veracissimus, non potest non servare suum promissum; unde dicit Spiritus Sanctus *Eccli. 2. v. 11. & 12. Respiciete filii nationes hominum, & scitote, quia nullus speravit in Domino, & confusus est &c. Quis invocavit eum, & despectus illum?*

9. Quartum medium ad quævis perfectè agenda, est *Oratio, seu invocatio gratiæ, & auxilii Divini in omnibus.* Hoc medium est omnium præstantissimum, & efficacissimum, summèque necessarium, utpote quo non solum omne necessarium auxilium, & gratias Divinas, sed & ipsa hucusque dicta media, nec non omne aliud nobis necessarium, & utile, præcipuè obtinere possumus, & debemus. Hujus medii necessitas sequitur ex necessitate duorum mediorum immediatè præcedentium; hoc ipso enim, quòd nobis penitus diffidamus, & in solo Deo, ejusque gratia & auxilio confidamus, necesse est, ut ad eum recurramus, eumque pro auxilio invoceamus; præsertim, quia, ut ait S. Gregorius in *Psalm. 6. Pœnis. v. 1. Vult Deus rogari, vult cogi, vult quadam importunitate vinci.* illòsque, qui fiducialiter, humiliter, ac vera cùm fide orant, rogant, & invocant eum, exaudire, necessariæque auxilia, & gratias eis promittit, prout constat ex pluribus S. Scripturæ locis: uti *Joan. 16. v. 24. Christus ipse dicit; Petite, & accipietis. & c. 14. v. 13. Quodcunque petieritis Patrem in Nominis meo, hoc faciam.* Item *Jacob.*

v. s. Si quis vestrum indiget sapientia, postulet à Deo, qui dat omnibus affluenter. Innumera, & stupenda sunt, quæ de necessitate, & utilitate orationis scribunt SS. Patres, prout *Cap. XII. de Oratione*, ex instituto exactiùs dilucidabitur.

10. Quapropter Charissimi! hoc præstantissimum medium, orationem nempe semper habet cordi, & si vultis perfectè, & meritoriè operari, pro inviolabili principio tenete, ut prorsus nil incipiat, vel agatis sine prævia, & concomitante oratione, seu invocatione auxilii, & gratiæ Divinæ, etiã in parvis, & modicis. Est enim DEO specialiter gratus actus humilitatis, si etiã in minimis recurrendò ad eum, & invocandò ejus auxilium, re ipsa ostendamus, quòd fateamur nostram impotentiam, & nostris viribus diffidentes, in solo Deo confidamus.

11. Si quærat, quomodo, & qualiter oratio, seu invocatio auxilii Divini in praxi ritè fieri, & adhiberi debeat? Resp. id patere, ex *Cap. XII.* Interea ad propositum sequentia sunt observanda.

12. *Primò.* Debent tales operibus, & actionibus nostris præ-

mittendæ, & immiscendæ orationes, seu invocationes DEI, plerumque esse breves, & quasi jaculatoriæ, consistentes in brevi, fervida, humili, & fiduciali invocatione auxilii Divini, & gratiæ Dei ad actiones nostras perfectè, ritèque peragendas: ubi tamen notandum, quòd, si actio, opus, aut negotium aliquod longius durat, aut magis arduum est, prolixius etiã orare, & auxilium Divinum invocare deceat. Ad quod servire possunt *Oratio Dominica*, & *Salutatio Angelica*: item *Hymnus Vini Creator Spiritus*: item, præstans illa oratio à Concilio Tridentino præscripta: *Actiones nostras, quasumus Domine, aspirandò præveni, & adjuvandò prosequere, ut cuncta nostra oratio, & operatio à te semper incipiat, & per te capta finiatur per Christum Dominum, nostrum.* Hac enim oratione specificè invocatur gratia præveniens, & concomitans, quæ utraque ad meritoriè operandum absolutè necessaria est: unde hanc orationem ante omne opus aliquantum v. g. per horam, vel ultra durans e. g. ante studium, ante lectionem spiritualem, ante laborem manuum &c. devotè ad-

adhibere, utiliſſimum eſt. Ad reliquas modicas, aut breves actiones verò quadrant breves quoque invocationes, quæ pro cuiusvis devotione, & libitu, ac diverſitate actionum fieri poſſunt: ſingulariter autem efficaciſſeſ ſunt, quæ ex Sacra Scriptura deſumuntur, inter quas generaliter ſervit: *Deus in adiutorium meum intende, Domine ad adjuvandum me ſeſtina.* vel, *Adjuva me, quia ſine te nihil poſſum.*

13. *Secundo.* Debet oratio, ſeu invocatio auxilii Divini ſub opere, ſeu actione, ſaltem longiori, repeti; præſertim, quando occurrit difficultas, periculum, vel dubium ſub actione; ſolet enim amandiſſimus Deus ſimilia plerumque permittere, ut deſuſo impotentiam noſtram agnoſcentes, ad ipſum recurramus, eumque invocemus v. g. *Doce me facere voluntatem tuam, quia Deus meus es tu.* vel: *Da mihi intellectum, & ſcrutabor legem tuam, & cuſtodiam illam in toto corde meo.*

14. *Tertiò.* Debet fieri cum fide, & fiducia: eò quòd, etſi orantes, & ipſæ preces, ſeu invocatio, exauditu, & gratiâ Dei indigni ſint, eos tamen benigniſſimus DEUS propter bonitatem ſuam, inſini-

tam, Noménque, & merita Chriſti, nec non ob promiſſionem, & veritatem ſuam certò exauditurus, & auxilium largiturus ſit; nam, ſicut oratio, quæ ſine fide, & fiducia ſit, nihil, vel parùm, ita, quæ in vera fide, ac fiducia ſit, omnia, etiam quæ aliàs impoſſibilia videri poſſent, obtinet. *Postulet autem in fide* (dicit Apoſtolus Jacob. 1. v. 6. & 7.) *nihil baſitans; qui enim baſitat, ſimilis eſt fluctui maris, qui à vento movetur, & circumfertur: non ergo aſtinet homo ille, quòd accipiat aliquid à Domino.* Econtra Chriſtus Marci 11. v. 24. docet: *Omnia, quacunque orantes petitis, credite, quia accipietis.* præſertim, ſi per bonitatem, & promiſſiones divinas, vel Nomen, & merita JESU inſtituitur oratio; nam Chriſtus jurejurandò affirmat: *Amen, Amen dico vobis. ſi quid petieritis Patrem in Nomine meo, dabit vobis.* Joann. 16. v. 23.

15. Hinc *Quarò.* Summè expedit, & pro majori fiducia juvat aſſueſcere, ut, dum invocamus Deum pro aliquo auxilio, vel alia re, per bonitatem, veritatem, fidelitatem, ac promiſſiones Divinas, per honorem, & gloriam DEI, vel per Nomen, & merita JESU Chriſti, vel etiam B. V. MA.

MARIÆ, & aliorum Sanctorum rogemus.

16. Errant proin, & insigniter à dæmone decipiuntur, qui ante opera, & actiones suas omnino non, vel obiter tantum, præcipitanter, distractè, indevotè, vel ex tepida consuetudine DEUM invocant, ex inordinato affectu, vel cura properantes ad opus, vel timentes, ne tempus necessarium perdant, & opus negligant; cum tamen certum sit, quòd per devotam, humilem, & fiducialem præcedentem orationem tempus nullo modo quis perdat, sed lucretur, & mediante illà, opus longè perfectius, citius, & facilius, majorique meritò facere queat, quàm si omissa, vel luridè peracta oratione, nescio quanto labore, intensione, & fatigatione per longum tempus operi se impendisset.

17. Quintum medium est *Actualis exercitium, seu potius actualis applicatio corporis, & animi, vi, comatus, & labor requisitus, ad opus, seu actionem perfectè agendum.* Quantumvis enim præfata media necessaria, & utilia sint, tamen non sufficiunt, nisi etiam nostrum addamus, & manum operi admoveamus; quia, licèt DEUS

possit, tamen non vult solus in nobis producere opus, sed exigit, & præcipit, ut, quantum in nobis est, sibi, ac gratiæ suæ cooperemur; sicut enim, licèt agricola habeat 1. fervens desiderium colligendi copiosam messem, simulque faciat bonum propositum adhibendi requisita, 2. de se, suisque viribus plenè diffidat, 3. solumque confidat Deo, ejusque auxilio, & benedictioni, 4. ac pro ea illum humiliter, fiducialiter, ac devotè invocet; nihil tamen efficiet, nec aliquid colliget, nisi ipse quoque suum addat, requisita adhibeat, manum apponat, laboret, aret, serat, & occet, consequenter DEO, ejusque auxilio cooperetur.

18. Sic etiam, licèt quis 1. habeat fervens desiderium, optimam voluntatem, & nescio quæ heroica proposita tendendi ad virtutem, & perfectionem, opera & actiones suas cuncta perfectè agendi, & 2. pro hoc sibi plenè diffidat, 3. ac in solo Deo confidat, 4. gratiam ejus, & auxilium humillimè, fiducialiter, devotè, & per omnia continuò invocet: frustra tamen erunt omnia, nisi suum quoque addat, requisita adhibeat, manum apponat,

ponat, bene attendat, ac vigilet; & quod potissimum est, sibi, suisque passionibus, ac inclinationibus continuo vim inferat, & semetipsum abneget. Cum enim sæpe ipsum opus, seu actio; & adhuc sæpius perfectus agendi modus sit perversæ naturæ nostræ, inclinationi, aut passioni, vel malis habitibus, seu consuetudinibus jam contractis, penitus contrarius, insuper subinde nos privet, vel impediat ab eo, ad quod summè inclinamus, ubique attendendum, & vigilandum est, ne opus juxta passionem, vel inclinationem nostram inordinatam, aut malum habitum fiat, vel omittatur; laborandum insuper, & pugnandum, nostræque perversæ naturæ, ac inordinatis passionibus vis inferenda est, ut cuncta, quæ ex voluntate Divina agere debemus, perfecte agamus.

19. Licet verò ad perfectè quæque agenda requiratur quidem nostra cooperatio, attamen nullatenus in ea, sed in gratia, & Divino auxilio principaliter confidere debemus; quia nostra, quantumvis operosa cooperatio, respectu gratiæ, & auxilij Divini parum, & quasi nihil ad

sem confert; quo non obstante pro viribus conari debemus, atque ita vigilare, attendere, laborare, vim nobis inferre, & cooperari, quasi totus effectus solummodo à nostris viribus, & conatu dependeret, non quòd ita sentiamus, ac propterea in nostro conatu, & cooperatione confidamus, sed quia Deus vult, ut pro viribus ita conemur, & cooperemur; & quia in hujusmodi nostro conatu speciale Divinum beneplacitum habet, ac propterea præter merita, etiam eò majores, & efficaciores dat gratias, & auxilia. Econtra debemus in gratia Dei ita confidere, quasi ea sola totum perficeret, & nostra cooperatio non adesset, aut nil conferret: quod bene notandum.

20. Sextum Medium perfectè agendi est, id, quod agimus, solum agere, seu quodvis opus, taliter agere, & in eo totum, & ita occupatum esse, ac si hoc unicam, & nil aliud amplius peragendum esset. Siquidem una ex potissimis causis, cur multi tam imperfecti sint in suis operibus, est, quòd magis cogitent, & solliciti sint de illo, quod possint, seu alio tempore adhuc agendum est, quam quòd de pro-

senti, & actu agunt, idque vel quia timent, & inordinate solliciti sunt, ne tempus ad alia adhuc agenda deficiat: vel, quia inordinate ad aliud opus feruntur, quo fit, ut opus de præsentī incumbens, necessaria attentione, intensiōe, & consideratione destitutum, nunquam perfectè, sed deproperanter, inquietè, & turbatè peragatur, ac nihilominus operantem in mente, ac intellectu plùs fatiget, ac debilitet, quàm si perfectè fuisset factum; quia certum est, quòd potentia humanæ, præsertim internæ, quòd pluribus simul occupantur, intenduntur, & distrahuntur, eò magis fatigantur, & debilitentur, adeò, ut longè facilius sit, mentemque, & intellectū non ita fatiget, si quis orationē v. g. perfectè facit, eique soli attendit, & intendit, quàm si sub illa distractus cogitationes, vel curam etiam de aliis rebus foveat.

21. Hinc suadent SS. Patres, ut, si sub oratione, vel alio opere, quod juxta voluntatem Divinam præ manibus habemus, cogitationes etiam utilissimæ, & notatu dignæ incidant, vel curæ de alio, etsi bono, & necessario opere veniant, eas nunquam ad-

mittere, sed tanquam certam dæmonis tentationem, & fraudem, rejicere. cunctaque futura, aut facienda Deo, & ejus providentiæ committere, ac credere debeamus, quòd easdem, vel meliores cogitationes, & cognitionem de tali opere nobis inspiraturus sit illo tempore, quo vult, ut opus fiat, si defacto propter Deum, & ut opus illius perfectè agamus, illas rejicimus, & dimittimus, cogitantes, vel dicentes: *Dei defacto non vult, ut illud, sed ut istud agam, consequenter non de illo, sed de isto cogitem, eique intendam, & attendam: quando voluntas Deverit, ut illud agam, de illo etiam cogitabo, & tractabo.* prout docet, sanctitate, & doctrinā celeberrimus Joannes de Avila Tom. 3. Epist. ita monens: *Quando mentem rei alicujus cura importuno tempore occuparit, dicto, nūc tale mihi nunc Dominus meus imperat: at, cum mihi Dominus meus injunxerit, tunc de illo tractabo.*

22. Pariter tanquam tentatio, & fraus dæmonis rejicienda est, si sub oratione, vel alio quovis opere bono se ingerunt cogitationes, affectus, & desideria, aliud, etsi pium opus, faciendi, vel de eo tractandi, aut saltem interea notandi;

notandi; quia inde querit demonstrari, ut opus de presenti præmanibus existens, ex inordinato affectu, & cura erga aliud, levi brachio, vel absque debita attentione, & consideratione, utpote distracti ad aliud, obiter tantum, & imperfectè agamus, aut omnino differamus, non sinè magna iactura meriti, & perfectionis.

23. *Septimum medium est, quodvis opus, vel negotium ita tractare, ac si ultimum, & totius vite nostre supremum foret.* Profectò enim, si quis sciret, fore, ut statim finito hoc opere, quod de volun-

tate Dei nunc agere debet, moriturus esset, omnì possibilì modò illud perficere, Deoque placere, & illum placare conaretur; taliter ergo, si quodvis facis, quasi ultimum esset, perfectè singula facies. Hoc Medium suadet S. Bernardus in *Specul. Monach.* dicens: *Vita sua tempus per momenta singula debet Monachus computare, & videre semper, ut bonum faciat, & malum caveat in omni opere suo, & hoc dicat sibiipsum: si modò moriturus esses, faceres istud?* Octavum medium est *Memo-ria Præsentia Divina*, sed de hac sit, & ponitur specialis

§. II.

De Memoria Præsentia Divina.

24. **P**onitur de hoc Medio specialis Paragraphus, quia unum de optimis, & efficacissimis, non tantum quodvis perfectè agendi, sed etiam in cunctis bene vivendi est. Pro intelligentia huius medii autem prænotandum, esse de fide, quod Deus per immensitatem suam ubique, & in omnibus locis, ac cuivis creaturæ realiter, & intimè præsens sit: cujus pro- in præsentiam nemo vitare, aut

declinare potest, quidquid faciat, aut quocunque se conferat, juxta illud Psalmistæ. 138. v. 7. *& seqq.* *Quò ibo à spiritu tuo, aut quò à facie tua fugiam? si ascendero in caelum, tu illic es, si descendero in infernum, ades; si sumptero pennas meas diluculo, & habitaverò in extremis maris; etenim illic manus tua deducet me, & tenebit me Dextera tua.* Sicut avis, quocunque volitet, est in aère, coque circumdatur, ita, quocunque se moveat creatura, existit

in immensa Dei essentia, ab eaque circumdatur, ac insuper impletur, ferme sicut spongia in medio maris v.g. existens non tantum aqua ambitur, sed etiam ea impletur.

25. Insuper notandum, quod hic idem ubique ac in omnibus intimè præsens, ac immensus Deus, simul omnia in omnibus, intima quoque, secretissima, & occultissima, præterita; præsentia, & futura, per suam infinitam scientiam, perfectissimè, & clarissimè intueatur, & videat; adeò, ut sicut nemo intimam ejus præsentiam declinare, ita nec ab eo se occultare, nec aliquid habere, cogitare, dicere, aut facere possit, quin nudum, apertum, manifestum, & evidens sit ante oculos ejus; nam *Omnia nuda, & aperta sunt oculis ejus.* inquit Apostolus *ad Hebr. 4. v. 13.* Et *Eccli. 23. v. 28. & 29. Oculi Domini multo plus lucidiores sunt super solem, circumspicientes omnes vias hominum, & profundum abyssi, & dominum corda, intuentes in absconditas partes;* *Domino enim Deo, antequam crearentur, omnia sunt agnita, sic & post perfectum respiciet omnia.*

26. Præterea advertendum est, quod ubique præsens omnia

in omnibus clarissimè semper non tantum cognoscat, & videat, sed etiam omnia conservet; dirigat, protegat; & omnia in omnibus operetur; cum quævis creatura in essendo, & operando ab illo semper, & quævis momento deperideat, ab eoque, quidquid habet, habeat, adeò quidem, ut omni momento quævis in suum nihilum rediret, nisi ab illo conservaretur; semperque erraret, & continuis innumeris malis obrueretur, nisi ab eo semper præsentè dirigetur, & protegeretur; insuper nec minimum agere posset, nisi ab eo adjuvaretur. His notatis

27. Quæritur I. Quam præstans medium ad perfectè operandum sit frequens memoria Divinæ Præsentie? Resp. Spiritum S. in sacris Paginis, SS. Patres, & Ascetas unanimiter exemplis & verbis asserere, nec non ipsam etiam rationem & experientiam comprobare, quod medium istud, videlicet frequens, & (quantum fragilitas humana patitur) quasi continua memoria præsentis DEI, sit unum ex præstantissimis, utilissimis, & necessariis mediis, ad quævis perfectè agenda; sicut etiam ad perfectio-

lectionem assequendam, juxta dicenda in Parte poster. Cap. III.

§. II.

28. Probatur responsio imprimè ex S. Paginis, ubi Divinus Magister, cum Abrahamo medium, utique optimum, perfectè semper agendi, & vivendi præscriberet, dixit: *Ambula coram me, & esto perfectus. Gen. 17. v. 1.* & David de seipso testatur *Psal. 24. v. 15. Oculi mei semper ad Dominum. & Psal. 25. v. 8. Providebam Dominum. in conspectu meo semper, quoniam à dextris est mihi, ne commovear.* Ex quo, quantum fructum, animique quietem, & consolationem acceperit, ex statim subjunctis verbis *v. 9.* indicavit: *Propter hoc latatum est cor meum, & exultavi lingua mea, insuper & caro mea requiescet in spe.* Unde etiam aliis hoc Sanctum exercitium Præsentia Divina commendat, *Psal. 104. v. 4.* dicens: *Quarite Dominum, & confirmamini, quarite faciem ejus semper.* super quo textu S. Augustinus ait: *Qua est facies Domini nisi præsentia Dei?* Planè hic Propheta ad perfectè agendum, & vivendum, adeò necessariam judicavit memoriam præsentis Dei, ut vel ex solo illius neglectu omnes vias, id est, opera hominis inquinari,

id est, peccaminosa; vel saltem imperfecta fore æstimàrit, dicens *Psal. 9. v. 26. Non est Deus in conspectu ejus:* audi, quid inde deducat: *Inquinata sunt via illius in omni tempore.*

29. Job quoque omnem suam sanctitatem ex eo præcipuè obtinuit, cunctaque sua opera exactissimè peregit, quia continuò præsentem, & aspicientem considerabat, & reverentialissimè timebat Deum: nam *cap. 31. v. 23:* de se fatetur: *Semper quasi timentes super me fluctus timui Deum.* & de operibus suis *cap. 9. v. 28. Verebar omnia opera mea. Oculi enim ejus* (ait *cap. 34. v. 21.*) *super vias hominum, & omnes gressus eorum considerat.*

30. Secundò probatur ex SS. Patribus. Sic enim S. Augustinus *toto cap. 14. Soliloq.* loquitur: dum attentè considero Domine, quòd in me perpetuò respicias, itaque nocte, & interdiu pro me excubes, ac si aliam in coelo sursum, & in terra deorsum, præter me creaturam gubernandam non haberes, dum inquam, attentè considero; omnia opera, cogitationes, & desideria mea tibi patere, & apertè ante oculos tuos esse, timore pariter, & confusione impleor; magna certè nobis in-

incumbit necessitas, justè, rectè-
que vivendi, cùm videamus, om-
nia nos facere ante oculos Ju-
dicis cuncta cernentis. Concor-
dat S. Hieronymus *Comment. in*
Ezech. juxta quem certè tam effi-
cax, præsensque remedium est
jugis Dei memoria, ut, quando
peccamus, non peccaremus, si
cogitaremus, Deum videre, &
esse præsentem, nunquam, quod
ei displiceret, faceremus: *memo-
ria enim Dei (ait: cap. 22.) excludit*
cuncta flagitia.

31. *Tertiò* ex ratione. Quia
quasi impossibile est, quin ille,
qui firmiter credit, & recordatur,
Deum præsentem assistere, om-
nia interna, & externa clarissimè
agnoscere, & acutissimè intueri;
quin inquam reverentiam, respe-
ctum, & timorem erga illum ha-
beat, consequenter summopere
attendat, ut, quod agit, taliter
agat, ne ei displiceat, sed placeat,
& ne per opera sua eum offendant,
sed honoret; enimvero extra-
ordinaria foret infània, & mali-
tia, si quis vera fide, & actu me-
mor esset, seu recordaretur,
Deum adesse præsentem, & in-
tensè desiderare, ut nunc hoc,
vel illud, & quidem perfectè a-
gatur, simulque exactissimè at-

tendere, & acutissimè aspicere,
an, & quomodo homo agat, il-
lud nihilominus omitteret, aut
non nisi imperfectè, tepidè, obi-
ter, perfunctoriè, vel alias defe-
ctuosè perageret: ita enim se ha-
bendò, re, & factò ostenderet, se,
non obstante sua fide, DEUM
nullatenus curare, nec timere,
vel respicere, minùs venerari, aut
amare.

32. *Quartò*. *Experientià* con-
stat, quòd plerique, quando sci-
unt, se agere debere coram ma-
gno aliquo Domino v.g. Rege,
Principe, vel tali, à quo multum
dependent, aut magnam retribu-
tionem sperant, speciali diligen-
tia se ad id præparent, ac dispo-
nant, & dum dein actu coram
illo operantur, summopere at-
tendant, omnem conatum, om-
nèsque vires adhibeant, ut eidem
præsentì, aspicienti, & attendenti
placeant, & satisfaciant. Et cur
ad id non pariter moveat nos, si
credimus, & recordamur, cun-
ctis actionibus nostris, & operi-
bus nostris præsentissimum sem-
per adesse, omnia interna, & ex-
terna exactissimè observare, ac
clarissimè intueri immensum
Deum, Regem, Dominum, Cre-
atorem, & Conservatorem coeli,
&

& terræ, à quo in omnibus, & per omnia omni momentò dependemus, qui summopere desiderat, ut quodvis etiam minimum opus perfectè agamus, & singulare beneplacitum habet super actionibus nostris ritè peractis?

33. Quæritur II. Quomodo in praxi exerceri debeat memoria præsentis Dei? Resp. Præter alia, quæ in Parte posteriori Cap. III. §. II. adducuntur, notanda sunt sequentia.

34. Primò. Quòd ad hoc exercitium præsentis Dei non requiratur, nec expediat, sed potius noceat, DEUM sub aliqua certa v. g. senis, vel alia specie corporali sibi imaginari, vel præsentare; Deus enim, quia DEUS, nil corporale, aut materiale in se habet, sed merus spiritus est, juxta illud: *Spiritus est Deus, & eos, qui adorant eum, in spiritu & veritate oportet adorare. Joan. 4. v. 24.* Hinc S. Basiliius Homil. 10. Hexam. Submovere, ait, absurda ista cordis phantasmata: nullo pacto figurari potest Deus, simplex, sine magnitudine, sine quantitate; noli aliquam in illo formam imaginari, noli Judaico more diminuerè magnum, nec completti DEUM corporalibus cogitationibus. Ne circumscribas ipsum mente tua. Dissua-

det etiam hujusmodi fictitiam imaginationem, & representationem DEI corporalem, quòd fatiget caput, phantasiam lædat, offendat cerebrum, & hominem debilitet, inhabilemque reddat ad alia pietatis exercitia; hinc

35. Secundò. Observandum est, quòd memoria, vel exercitium Præsentis Divinæ meliùs, & faciliùs fiat per simplicem actum fidei, ac simplicem recordationem, & apprehensionem eorum, quæ de Deo, ejusque Imensitate infinita Cognitione, Sapientia, Bonitate, & Omnipotentia credimus, ut proin absque ulla representatione speciei corporalis simpliciter credamus, & supponendò memores simus, quòd Dei immensa, ter admirabilis, & amabilis, ac omnipotens, invisibilis tamen, utpote purè spiritualis Majestas nos, totumque Universum plenè circumdet, & repleat, juxta illud: *Pleni sunt celi & terra Majestatis gloria tua.*

36. Tertiò. Notandum, quòd hoc exercitium præsentis DEI simpliciter & quasi per meram apprehensionem, vel nudam memoriam, ac recordationem, absque multa scrutatione, aut rationatione ordinariè fieri, ac continuari

tinuari possit, ac debeat; quia præsentis Divinæ exercitium, ejusque utilitas, non tam in intellectu, quam voluntate, ejusque pijs actibus consistit; quatenus nempe ad præcedentem nudam memoriam præsentis, & aspicientis Dei, voluntas ad varios movetur, & exercet actus, nunc reverentiæ, & timoris, nunc amoris, nunc admirationis, jam gratiarum actionis, jam laudis, & adorationis, nunc invocationis, & aliarum precum jaculatoriarum, nunc contritionis, & propositi, nunc desiderii, nunc resignationis, nunc gaudii, & jubili in DEO; diversos nempe pro diversitate objectorum, temporum, occasionum, dispositionis, inspirationis, & gratiæ Divinæ.

37. Inter hos, & alios, ex memoria præsentis DEI eliciendos actus voluntatis, frequentiores (utpote quasi continuo necessarii, & summè utiles) breviter saltem fieri debent actus bonæ intentionis, & oblationis, quibus ea, quæ agimus, patimur, & omittimus, DEO breviter offeramus. Item humilis, & fiducialis orationis, seu invocationis, quibus nostri cum diffidentia, & confidentia in DEUM ipsum,

ejusque auxilium, & gratiam in cunctis invocamus.

38. *Quarto.* Advertendum, quod in actibus, quos voluntas ex memoria præsentis DEI elicit, sancta aliqua sit relinquenda spiritui libertas, ita, ut ille eliciatur, & pro tempore optimus sit, quem hic & nunc Spiritus Sanctus occasione, memoria, aut cognitione hujus vel illius, ingerit. Quamvis valde bonum sit, se assuescere ad illos actus, aut preces jaculatorias, quæ in Scriptura Sacra fundantur, vel ex illa desumuntur, cujusmodi passim habentur, præsertim in Psalmis: aliquas tamen pro diversis adducemus Cap. XV. ubi agemus de *Precebus jaculatoriis.*

39. *Quinto.* Est observandum, quod, dum aliquem ex supradictis voluntatis actibus v. g. intentionis, oblationis, invocationis &c. eliciendò dicimus, aut cogitamus: *Propter te, & amore tui, immenso Deus! quia tibi placeat, hoc faciam: illudque tibi offero in unione actionum Christi; verum, quia sine te prorsus nil possum, adjuva me gratia tuâ, in qua sola confido.* hoc non ita cogitemus, vel dicamus, quasi cor, vel cogitationem ad DEUM procul à nobis,

vcl

vel extra nos ad distantiam sublevaremus, sed quasi cum DEO, nobis præsentissimo, nobisque inexistente (utî revera est) coram loqueremur, eo ferè modo, quo cum præsentem, quem ante oculos nostros videmus, optimo amico, aut nobis tenerè addicto, & nos summopere amante præpotente Domino loquimur; hoc enim est propriè coram Deo, & in præsentia ambulare; hoc item reddit exercitium præsentia Divina valde facile, suave, & sapidum, efficitque optatos fructus.

40. Nec impedit nos ab hujusmodi familiari, & præsentiali colloquio, quòd non videamus DEUM præsentem, sicut amicus amicum, cui coram loquitur, præsentem videt; quia sufficere nobis debet, quòd certò sciamus, ipsum revera præsentem adesse: sicut enim cæcum, vel in tenebris existentem ab hujusmodi familiari, præsentiali, &

dulci colloquio, aut alloquio non impedit, quòd illum, cui loquitur, non videat, sed sufficit ei, si certò scit, ipsum adesse præsentem; sic nos impedire non debet, quòd DEUM oculis corporalibus non videamus, sed sufficere debet; quòd certissimè sciamus, DEUM revera præsentem semper adesse, nobisque inexistere.

41. *Sexto.* Denique notandum, quòd memoria, ac exercitium præsentia Dei, actusque, quos ratione illius elicimus, non debent fieri cum violentia, & anxietate, aut aliàs imprudenti, aut indiscreto modo, quo caput, memoria, & imaginatio defatigatur, læditur, sanitas destruitur, & homo ad alia inhabilis redditur (prout multis contingit) sed suaviter, pacatè & quietè. Num Medium cuncta perfectè agendi est *Memoria Operum Christi*, de qua ponitur

§. III.

De memoria operum Christi, & unionem operum nostrorum cum eisdem.

42. **Q**Uæritur I. in quo consistat memoria operum Christi, & modi, quo ipse operatus est? Resp. Memoria præfata consistit in hoc, quòd operantes, vel operaturi

aliquid, reflectamus, & cogitemus, qualiter hujusmodi opus, vel actum fecerit, aut fecisset Christus in terris adhuc existens, quatenus id cognoscentes, ad imitationem illius similiter operemur, ita, ut, sicut Vita, Exemplum, & Doctrina Christi, debent nobis esse, & servire pro regula, & exemplari, qualiter in vita nostra, moribus, virtutibus, & cunctis aliis perfectè procedere possimus, & debeamus, ita ad idem quoque attendere debeamus in operibus nostris.

43. Quæritur II. Quàm præstans medium sit hæc memoria ad cuncta perfectè agenda? Resp. supradicta memoria operum, & actionum Christi, modique operandi, vel agendi illius, est unum ex præstantissimis, & utilissimis medijs, ad cuncta perfectè agenda. Ratio est; quia sicut in profanis ad perfectè producendum aliquid, Domum v. g. valde conducit, si quis habet ante se, vel saltem in intellectu regulam, exemplar, aut ideam, juxta quam construere vult, aut debet domum; adeò, ut, quò perfectior sit talis regula, vel idea, eò perfectius sit opus, Domus e. g. ad illius similitudinem, vel imita-

tionem facta: ita etiam in operibus salutis valde conducit, & quasi necessarium est ejusmodi exemplar, seu idea perfecta operis, actusve, ad cujus imitationem operemur; atqui perfectior idea, aut exemplar operum esse non potest, quàm sunt opera, & Actus Christi; utpote, qui in omnibus perfectissimè agens, omnis perfectionis infallibilis, & exactissima norma est: ergo.

44. Unde SS. Patres & Ascetæ mirum in modum extollunt, & commendant hoc medium, ut videlicet in operibus nostris præ oculis habeamus opera Christi, quatenus ad imitationem eorum nos quoque operemur, sicque in operibus nostris, & operandi modo, sequamur Christum omnis perfectionis perfectissimum Magistrum. Sed, missis brevitatis gratiâ SS. Patrum textibus, videamus qualiter in ipsa S. Scriptura commendetur, & extollatur hoc Medium.

45. *Matth. 17. v. 5.* dicit Pater coelestis: *Hic est filius meus dilectus, in quo mihi bene complacui, ipsum audite.* quibus verbis Pater coelestis manifestè ostendit; quàm gratum sibi sit, si attendamus, & sequamur Christum. *Joan. 8. v. 12.* ipsemet

ipsemet Christus dicit: *Qui sequitur me, non ambulat in tenebris. id est, non errat, sed semper bene agit, & operatur: & Joam. 13. v. 15. Exemplum enim dedi vobis, ut, quem admodum ego feci vobis, ita & vos faciatis. item Joam. 12. v. 26. Si quis mihi ministrat, me sequatur. & alibi.*

46. Idem passim in Scriptura fuadent SS. Apostoli, uti *Pet. 1. c. 2. v. 21.* ubi dicitur, Christum nobis reliquisse exemplum, ut sequamur vestigia ejus. & *1. Joam. 2. v. 6. Qui dicit se in ipso (Christo nempe) manere, debet, sicut ille ambulavit, & ipse ambulare.* Et ad *Rom. c. 13. v. 14.* volens S. Paulus commendiosè tradere regulam perfectionis, dicit: *Induimini Dominum Jesum Christum.* id est, vivite, & agite juxta Exemplar JESU Christi. Similia passim inveniuntur in Scriptura, quibûs impensè nobis commendatur, & inculcatur, ut sequamur, & imitemur vitam, & opera Christi.

47. Cum itaque Deo ipso monente, & mandante, sanctisq; unanimiter suadentibus, & rogantibus, debeamus sequi Christum, & opera ejus, nihilque melius, nil securius, nil perfectius sit, quàm in cunctis ad imitationem illius vivere, &

operari, utique utilissimum, quin & necessarium erit, ad opera nostra perfectè agenda, recordari operum, & actuum Christi, illosque tanquam regulam, ideam, & normam in agendo præ oculis habere; secus enim ad imitationem illorum perfectè agere haud poterimus.

48. Quæritur III. In quo consistat, & quantum prosit unio operum nostrorum cum operibus Christi? Resp. I. Istam unionem consistere in hoc, quòd attendentes summam, imò infinitam perfectionem vitæ, & operum Christi, econtra verò imperfectiones, & defectus operum nostrorum, confidentes in illis, & diffidentes in istis, sanctâ fiduciâ spiritualiter uniamus, & jungamus imperfecta opera nostra, & actus nostros, cum perfectissimis operibus, & actibus JESU Christi, quatenus sic unita de perfectione Christi participant, indèque SS. Trinitati gratiora, nobisque magis meritoria, & utilia evadant.

49. Resp. II. Hæc unio est valde præstans, & perquam utile remedium, ut opera nostra perfectiora, Deo gratiora, & nobis utiliora evadant: ita namque

que sæpiùs revelavit Deus ipse sanctis animabus. Et ratio est; quia, quantavis diligentiam, & conatum nostrum, cunctaque ad perfectè agendum adhibeamus media, attamen in quovis opere, & actu nostro nãvi, imperfectiones, & defectus reperientur: nam, ut Spiritus S. per *Isaiam cap. 64. v. 6.* etiam de bonis operibus nostris dicit: *Quasi pannus menstruata, universa justitia nostra.* hinc utique summè utile erit, unire, & conjungere opera

nostra cum perfectissimis Christi operibus; quia ex tali unionem cum humili diffidentia in nos, & confidentia in Deum, & Christi merita facta, defectus, & imperfectiones operum nostrorum ab infinita operum Christi perfectione quodammodo absorbentur, & de eadem certò modò participant, indeque longè perfectiora, Deo gratiora, & nobis meritoria evadunt; uti juxta dicta DEUS ipse sæpiùs revelavit.

§. IV.

De observandis post opus ipsum.

50. **Q**uæritur I. Quænam post opus ipsū, si id bene successit, sint observanda? Resp. Si opus bene successit, sequentia observa. *Primò.* Dilligenter cave à vanagloria, id est, ab inordinato appetitu, seu desiderio laudis, æstimationis, gloriæ, vel honoris; quia hoc vitium Deo summè exosum, & homini summe damnosum est, facitque, ut opus meritò careat, vel privetur, & loco mercedis pœnam recipiat, prout ampliùs dictum est supra *Cap. IX. à num. 51.*

quod sæpiùs lege, & relege; simulque scito, Diabolum nequissimum pessimo hoc vitio solere certissimè, simulque dolosissimè, & subtilissimè tentare hominem vel ante opus, vel in ipso opere, vel post illud, vel in omnibus; ut, si in principio, vel medio res illi non succedit, saltem in fine, aut post opus, victor evadat, opusque nostrum appetitu, vel desiderio æstimationis, laudis, & inanis gloriæ inficiat, ut proin cautissimè semper invigilandum sit.

Secundo:

51. *Secundò*: Diligentissimè etiam cavendum à propria vana complacentia, qua quis opus suum plùs, quàm oportet, æstimat, indèque vanè sibi complacet, ac seipsum æstimat, laudèque, glorià, vel honore dignum reputat, ac propterea etiam delectatur, & complacentiam habet, si laudatur, & honoratur. Hoc vitium foror est vanæ gloriæ, & ab ea non multùm differt: adeoque non minùs ac illa, fugienda est. Malitia autem illius principaliter consistit in hoc, quòd homo laudem, & gloriàm, quæ soli Deo de opere bene peracto competit, sibi appropriet, & tribuat, sicque etiam furtum Divinæ gloriæ committat; quod Deo plurimùm displicet.

Tertiò. Omnium maximè, & diligentissimè cavendum est à jactantia, seu inani gloriatione, ne videlicet quis ipse sua opera bene facta laudet, & extollat, directè vel indirectè propalet, seu manifestet aliis, ut ab iis æstimentur, laudentur; id enim qui facit, hoc ipso jam internam superbiam, & vanam gloriàm prodat, indèque internè & externè DEO summopere displicet, sibi quoque nocet, utpote faciens, quòd

opera sua omnì meritò priventur, juxta illud Christi, de Judæis bona sua opera ob vanam gloriàm, laudem, & æstimationem vanè propalantibus, & jactantibus, effatum *Matth. 6. v. 2. Amen dico vobis, receperunt mercedem suam.* Facit insuper jactantia, quòd DEUS imposterum ad similia opera bene peragenda, vel priora bene continuanda, ac perficienda gratiam non amplius ita tribuat, sed minuat, vel fortè omnino subtrahat, ut in eo ipso, aut simili confundatur, & confusionem recipiat jactator, in quo vanam laudem, & gloriàm quæsit.

53. Præterea id habet jactantia, seu inanis gloriatio, quòd DEO justissimè permittente, ac disponente, odiosum, despectum, & contemptum reddat jactantem apud audientes, bonamque æstimationem, quam priùs de illo habuerunt, plurimùm minuat, vel omnino auferat, ita, ut miseri jactatores æstimationem, laudem, & gloriàm aliquam, quam suà jactantià quærun, non tantùm non acquirant, sed etiam illam, quam priùs habuerunt, perdant, & locò illius meram reportent disæstimationem,

nem, confusionem, & contemptum.

54. Quantum verò Deo displiceat jactantia, ac quantum illam detestentur; & abominentur Sacra Paginæ, SS. Patres, & Asce-tæ, magis adhuc dicetur infra in *Parte posteriore*, agendò de *Superbia*, cujus filia est jactantia. Interea unam solummodo, & alteram de jactantia capite sententiam, & admonitionem à Spiritu S. *Ecclî. cap. 43. v. 30. Gloriantes ad quid valebimus? Et Jerem. cap. 9. v. 23. Non gloriatur sapiens in sapientia sua, & non gloriatur fortis in fortitudine sua, & non gloriatur dives in divitiis suis.* hinc S. Paulus inquit: *Quid habes, quod non accepisti? si autem accepisti, quid gloriaris, quasi non acceperis. 1. Corinib. 4. v. 7.*

55. Auream, bene capien-dam, & observandam doctrinam circa jactantiam tradit etiam S. Bonaventura de *institut. Novit. Part. 1. cap. 25.* illis verbis: *Jactantiam quàm diligentissimè cave, & nunquam des alicui intelligere, quòd ali-quid sit in te commendabile; vix enim potest in te aliquid laudabile esse, quin etiam alii intelligant. Et, si tu taces, & abscondis, plus placebis; si autem prodis, & commendes, irrideberis,*

& vilescis: Unde prius edificabamur, inde postea despicient te.

56. De cætero si Deus vult, ut opera tua, vel quodcunque in te laudabile manifestum fiat, in-déque sua gloria, aut aliorum fa-lus promoveatur, vel si agno-scit, quòd æstimatio aliqua, vel gloria tibi ad sanctum finem ne-cessaria, vel utilis sit futura, ipse jam faciet, disponet, & diriget, ut absque te, & culpâ tuâ id palàm, vel manifestum fiat: nam *Educat quasi lumen justitiam tuam, Psalm. 36. v. 6.* adeò, ut, quò magis tu tua opera, virtutes, & alia laudabilia ex humilitate abscon-dis, ac laudem, & gloriam fugis, eò magis illa Deus sit manifesta-turus, laudémque, æstimatio-nem, & gloriam, quam tu fugis, vel de qua non cogitas, procu-raturus. Et istud verbò, atque exemplò suò docere nos voluit Christus, dum dicit *Jaan. 8. v. 50. Ego autem non quero gloriam meam; est, qui querat, & judicet.* & infra *v. 54. Si ego glorifico me ipsum, gloria mea nihil est.*

57. Quòd si Deus sua dispo-sitione, permissione, vel ordina-tione, rectè facta, vel alia lauda-bilia tua manifestare non vult, crede,

crede, id non fore ad DEI gloriam, nec ad tuam, vel aliorum salutem: hinc neque tu manifestare præsume, sed tanquam occultum thesaurum absconde, & gaude, quòd ille sciat, cui soli, & propter quem solum operatus es, & à quo solo mercedem expectas, quam etiam certò dabit pro tuis operibus; quia teste Spiritu S. *Prov. 24. v. 12.* hic, & ibi certò *Reddet homini juxta opera sua.* & teste Christo JESU Pater coelestis *Matth. 6. v. 6.* *Qui videt in abscondito, reddet tibi.* & quidem eò magis, quòd minùs opera tua mundus agnoscit, minùsque remunerat. Sufficiat ergo tibi; quòd Deus, & Curia coelestis sciat, videátque opera tua, & quid, ac quomodo egeris.

58. *Quartò.* Post opus bene factum, soli DEO omnem laudem, gloriam, & honorem tribue, eique humillimas gratias ex corde refer, quòd, mediante gratia, & auxilio ipsius, res ita successerit, vel opus ita peragere potueris: hoc enim Deus ipsemet desiderat, & ei plurimùm placet juxta illud *1. ad Theffal. 5. v. 17.* *In omnibus gratias agite;* hac est enim voluntas Dei in Christo JESU, in omnibus vobis, unde S. Chrysostomus

Hom. 51. in Gen. ait: Nihil enim tam gratum Deo, ut animagratia, & gratias agens. Item *Hom. 25.* *Dominus nullarum rerum indigus est, nullaque rerum nostrarum eget, quàm verbis, atque hanc ipsam in sermonibus gratiarum actionem exigit, non, quòd ea ipse opus habeat, sed ut nos doceat gratos esse, & agnoscere tantorum bonorum suppeditatores.* Est etiam utilissimum, Deo sic gratias agere; quia inde fit, ut Deus postea in aliis rursum suam gratiam, & auxilium tribuat, & quidem eò magis, & copiosius, quòd magis illi soli omnem gloriam tribuimus, & grati eidem existimus: sicut econtra gratiam & auxilium in futurum minuit, & ei subtrahit, qui sibi aliquid de benefactis attribuit, vel debitas gratias Deo non persolvit. Deus enim à nobis gratitudinem exigit; *non ut nostrà* (addit Divus *loc. cit.*) *celebratione opus habeat, sed, ut, quidquid lucri est, iterum ad nos redeat, & dignos faciamus nos ipsos majoribus subsidis.*

59. Porro ad gratias agendas Deo, etque soli tribuendam gloriam post opera nostra bene facta, optimè servit dictatus ille actus à Spiritu sancto *Apoc. 7. v. 12.* *Benedictio, & claritas, & sapientia, &*

gratiarum actio; honor & victus, & fortitudo Deo nostro in secula seculorum. Amen. vel illud 1. ad Timoth. 1. v. 17. Regi seculorum immortalis, invisibili, soli Deo honor & gloria in secula seculorum. vel illud Psalm. 113. v. 9. Non nobis Domine, non nobis, sed Nomini tuo da gloriam.

60. Quòd si fortassis ob opus bene & feliciter peractum vanâ gloriâ, aut complacentiâ tentaris, illico resiste, & mente, vel etiam ore unum ex præfatis textibus profer, vel aliquoties dic: *Soli Deo gloria, honor &c.* Idem observa, si ob benefacta, vel alia in te laudabilia ab aliis laudaris, præcipuè verò adhibe prædictum Versum: *Non nobis Domine, non nobis, sed Nomini tuo da gloriam.*

61. Si verò vitiò jactantix tentaris, statim resiste, & cogita, vel dic unum ex dictis actibus, vel: *Quid habes, quod non accepisti? si autem accepisti, quid gloriaris? ut, quasi non accepisti, quid gloriaris? ut, quasi non accepisti, quid gloriaris? ut, quasi non accepisti, quid gloriaris?* vel: *Ego gloriam meam non quaravi, est, qui quæret, & judicet.* vel cogita ita tecum. Visne miser, & stulte soli DEO debitam gloriam furari, omnemque laborum tuorum mercedem, & meritum perdere, vel commutare pro vana gloriola, quam ta-

men non acquires, sed potius etiam illam, quam alias habes, perdes, & locò illius contemptum, & odium incurres.

62. Quæritur II. Quænam observanda sint, si opus malè successit? Resp. Si opus malè, vel infelicitè successit, idque tuâ culpâ contigit, humilia te coram Deo, & fateri culpam tuam, dole de ea, & veniam pete cum proposito, imposterum perfectius agendi, seu operandi, & defectus vitandi; de quibus evitandis etiam cogitare, & media adhibere debes.

63. Si verò absque tuâ culpa contigit, eò quòd feceris, quantum erat in te, resigna te Divinæ voluntati, Deumque nihilominus benedic, & lauda, humiliterque amore illius suscipe, ac sustine confusionem, vilipensionem, vel quidquid aliud molesti inde emergit: dic, vel cogita: *Sicut Domino placuit, ita factum est, sit Nomen Domini benedictum. Job. c. 1. v. 21.* Ita namque te habendò, longè magis placebis Deo, majusque meritum habebis, quàm si opus perfectissimè perfecisses.

§. V.

Compendiosa recapitulatio dictorum de requisitis ad communia & quotidiana opera perfectè peragenda: ubi & de principijs practicis circa illa.

64. **C**harissimi! ut ea, quæ in præcedentibus quatuor Capitibus, de communibus & quotidianis operibus in genere debite peragenda, prolixius dicta sunt, facilius retineatis, & in praxin deducere valeatis, compendiosa eorum hoc Paragrapho fit recapitulatio, semper quidem cum remissione ad priora, ad hoc, ut, quod hîc ex compendio non satis intelligitis, vel, si in aliquo, utpote minus adhuc perfecti, & habituati, nova in formatione, & recollectione indigetis, suis in locis fusiùs declaratum invenire possitis.

65. Est autem præviè repetendum, & pro aliquo fundamentali principio tenendum, Perfectionem Religiosam plurimùm consistere in hoc, ut cuncta, præsertim ordinaria, seu communia, & quotidiana, etiam minima opera, & actiones nostras, perfectè, agamus, hoc ipso, quòd Perfectio, totaliter consistat in perfecta executione, seu adimple-

tionem Divinæ voluntatis, vel potius in habitu perfectè in omnibus adimplendi Divinam voluntatem, quæ voluntas Divina utique plurimùm, & potissimùm adimpletur, si cuncta nostra, juxta Divinam voluntatem agenda opera perfectè agimus. Itaque

66. Queritur I. Quænam ad cuncta perfectè agenda requirantur in compendio ante opus? Resp. Sequentia I. Absolutè requiritur Status Gratiæ, consequenter Confessio, vel perfecta Contritio, si quis alicujus peccati gravis se reum scit, juxta dicta Cap. 8. à Num. 43. imò valde etiam bonum, & consultum est, nostris, saltem majoris momenti operibus, Contritionem præmittere generalem de omnibus peccatis, juxta dicta loc. cit. Num. 47.

II. Ante opus requiritur prævia cognitio, ac advertentia boni, juxta dicta Cap. 8. à Num. 49.

III. Requiritur bona Intentio, seu bonus aliquis finis, supernaturalis

Nn

turalis juxta dicta *Cap. 9. Num. 9.* quæ Intentio bona potest esse varia, juxta dicta *ibidem à Num. 2.* omnium tamen optima, Deoque gratissima est, & etiam utilissima, si ideo præcipuè agimus, quia Deus vult: quia DEO placet: vel, ut Deus honoretur, glorificetur, & beneplacitum habeat: quæ tamen Intentio multum perfici potest, si quis simul etiam ex fine, & motivo aliarum virtutum operatur, utpote, quæ etiam in Divinam voluntatem resolvuntur hoc ipso, quod Deus velit, ut tales virtutes operemur.

IV. Ad cuncta perfectè agenda non sufficit bona Intentio manè universaliter facta de omnibus diei operibus, sed omnino requiritur, ut aliquoties per diem renovetur, juxta dicta *Cap. 9. Num. 33. & seqq.* Ne autem bona Intentio inficiatur, diligentissimè evadenda, & vitanda est Deo odiosissima, & nobis damnosissima vana gloria; juxta dicta *Cap. 9. à Num. 32.* item amor, & interesse proprium, nec non timor displicendi, & cura placendi hominibus.

67. Quæritur II. Quænam requirantur in, seu sub opere? Resp. In, seu sub opere requiri-

tur Primò continuatio Status gratiæ. Secundò continuatio bonæ intentionis, juxta dicta *Cap. 9. Num. 40.* Tertiò requiritur debitus, ac perfectus modus operandi, seu agendi, qui sequentes includit conditiones; videlicet, ut quodvis opus fiat I. Debito tempore & ordine. II. Ut fiat integrè. III. Ut fiat diligenter, exactè, & sedulo. IV. Ut fiat libenter ac hilariter. V. Attentè, & unicè, sinè cura, & sollicitudine ad alia. VI. Modestè, & honestè. VII. Pacatè, & quietè, ac VIII. Resignatè, juxta dicta *Cap. 10.* per totum.

68. Quæritur III. Quænam in compendio sint Media ad cuncta perfectè agenda? Resp. Aliqua ante, aliqua in, seu sub opere servire. Ante quodvis opus, & sub illo, necessaria, utilissima, & præstantissima Media sunt. I. Sincerum desiderium, & efficax bona voluntas, seu propositum, perfectè agendi, quod agimus, juxta dicta *hoc Capite Num. 2.* II. Humillima sui diffidentia quoad omnia, etiam minima, juxta dicta *Num. 5.* III. Firma fiducia, seu confidentia in Deum, ejusque gratiam, & auxilium, juxta dicta *Num. 6.* IV. Fiducialis, & humil-

lima

lima oratio, seu invocatio gratiæ, & auxilii Divini, juxta dicta Num. 9. V. Perfectionem operibus nostris plurimam tribuit, si ea cum operibus Christi conjungamus, & ea intentione, qua ipse ea obtulit, offeramus, simulque in operando præ oculis tanquam exemplar habeamus opera, & actiones Christi, considerandò, quomodo, & qualiter ipse in terris vivens, hujusmodi egerit, vel egisset à Num. 41. VI. Ad opus perfectè inchoandum, continuandum, & perficiendum præstantissimum remedium est Memoria præsentis Dei, juxta dicta à Num. 24. VII. Ad opus perfectè inchoandum, continuandum, etiam necessarium, & utilissimum medium est vigilantia, ne malè, ac imperfectè agamus. Item debita corporis, & animi applicatio, seu conatus, labor, vis, & pugna, juxta dicta Num. 17. VIII. Valde utile, præsertim sub opere, medium est, quodlibet opus ita agere, ac si hoc unicum, & nil aliud ampliùs agendum esset, juxta dicta Num. 20. IX. Quodlibet ita agere, ac si ultimum, & totius vitæ nostræ supremum foret, juxta dicta Num. 23.

69. Quæritur IV. Quænam post opus sint observanda? Resp. Si opus bene successit, diligentissimè cavere debes I. A jactantia, juxta dicta Num. 52. II. A vanâ complacentia, juxta dicta Num. 51. III. Soli Deo omnem laudem, & gloriam tribuere, eique pro gratia, & auxilio præstito gratias agere debes, juxta dicta Num. 50.

70. Si verò opus absque tua culpa malè, & infeliciter successit, resigna te cum humilitate, & patientia in Divinam voluntatem, eaque contentus benedic, & lauda Deum, juxta dicta Num. 63. Quod si autem tuâ culpâ & negligentia res, vel opus malè successit, dole, & veniam pete, causas defectûs perpende, & emendationem propone, juxta dicta Num. 63.

Appendix

De Principiis practicis circa communia & ordinaria opera perfectè obeunda.

Principium I.

71. Certò supponere, & credere, quod Perfectio Religiosa

giofa plurimum consistat in hoc; ut quis cuncta, præsertim communia, ordinaria, & quotidiana opera, & actiones etiam minimas, perfectè peragat.

Principium II.

72. **D**esiderium & voluntatem efficacem, firmumque, & constans habere propositum, cuncta etiam minima perfectè agendi, & propterea desuper de modo, & mediis sæpius legendi, cogitandi, & meditandi, eaque applicandi, nec cessandi, donec bene radicatum habitum, aut consuetudinem habeamus cuncta perfectè agendi,

Principium III.

73. **S**peciale, firmissimum, & constans habere propositum nunc statim in juventute (utpote à qua cuncta pendent) imò hoc momento incipiendi, cuncta, etiam minima, exactè, & perfectè agere, habitumque, seu consuetudinem imperfectè agendi eradicare, & dimittere; e contra verò plantare, & radicare habitum perfectè agendi. Et propterea etiam sequentia Principia bene observare.

Principium IV.

74. **N**ihil incipere, vel agere, nisi prius quis cognoscat, & advertat, hoc velle Deum, vel placere Deo.

Principium V.

75. **N**ihil agere sinè bona intentione, consequenter nihil incipere, nisi quis prius bonam intentionem faciat, vel advertat, se bona intentione, seu fine ad agendum moveri.

Principium VI.

76. **A**sfuescere, omnia agere ex hoc fine, & motivo, quia ita placet Deo, quia ita vult Deus, seu ex amore Dei, & voluntate, sive desiderio ipsi placendi, serviendi, ipsumque honorandi; utpote qui omni amore, honore, & servitio dignissimus est.

Principium VII.

77. **S**emper suaviter, simpliciter, humiliter attentum, vigilantem, & circumspectum esse, ne quis quid agat, & multò magis ne habitum contrahat, absque bona intentione, fine, vel motivo, inconsideratè, vel ex sola tepida consuetudine, vel
ne-

necessitate, vel ex sole inclinatione, aut impulsu naturali, vel motivo temporali agendi.

Principium VIII.

78. **S**pecialissimè autem cavere; ne quis quidquam agat (& multò magis, ne habitum contrahat in juventutè sua ita agendi) ex vana gloria, ambitione, vel hypocrissi, vel simulatione, aut desiderio hominibus vanè placendi; quòd si talem habitum in se esse cognoscit, omni conatu eum eradicare, nec momentò differre.

Principium IX.

79. **A**ssuescere, ut quis omnia perfectè agat in præsentia Dei, juxta doctrinam, exemplar, & normam actionum Christi, utpote perfectissimarum, & Deo gratissimarum.

Principium X.

80. **S**ub actionibus suaviter, & humiliter cum Deo præsente conyersari assuescere, eum nunc invocandò, nunc laudandò, nunc bonam intentionem ad eum rehovandò, nunc de eo, & servitio illius gaudendò, vel

alium pium actum, vel virtutem exercendò.

Principium XI.

81. **E**A, quæ de cunctis perfectè agendis hucusque dicta sunt, sæpiùs relegere, & rememorari, simulque conari, ut quis omnia, præsertim Principia hæc practica, in habitum, & consuetudinem successivè deducat; ad quem finem subinde quis consideret, in quo adhuc deficiat, & circa illud specialiter legere, proposita facere, remedia adhibere, meditari, & examen institueret, idque tam diu, donec in eodem etiam sufficienter perfectum, & habituatum se agnoscat:

Principium XII.

82. **Q**uoniam verò ista, quæ de cunctis perfectè agendis præscribuntur, perversæ, ac corruptæ nostræ naturæ, inordinatisque passionibus, & inclinationibus ejusdem, nec non pravis, per malos ac imperfectos actus contractis jam habitibus, seu consuetudinibus totaliter sunt contraria, firmissimè, & constanter proponere, cum humillima sui diffidentia, & fiducia

in Deum, ejusque gratiam, in invocatione ejusdem perpetuò vigilare, pugnare, & vim sibi inferre, ut quod Deum velle, eique placere quis cognoscit, perfecte faciat, quantumvis perversæ naturæ, inordinatisque passionibus difficile, ac contrarium sit: e contra illud omittere, & vitare, quod DEO displicere cognoscit, quantumvis perversæ naturæ gratum, & acceptum sit. In hac siquidem perversæ naturæ, & inordinatarum passionū mortificatione, pugnaque contra eas spirituali, violentiâ, ac victoriâ, DEUS summè honoratur, gratia, & meritum potissimum impetrantur.

Principium XIII. 83. Tandem pro consolatione firmiter credere, & certò supponere, quod, licet hætenus dicta, & adhuc dicenda actu exercere, in praxin, ac habitum deducere, ab initio difficile, molestum, ac grave appareat, & sit; attamen, si constanter quis pergit, &, quantum in se est, facit, cum tempore successivè facile, ac jucundum sit futurum, Deum conatum nostrum respiciente, & propterea majus lumen, majoremque gratiam tribuente, ipso etiam interea crescente, & experientiâ omnium rerum magistrâ manum præbente,



CAPUT XII.

De communibus & quotidianis Operibus in specie: signanter de Oratione.

IN præcedentibus Capitibus ad longum quidem dictum est, quamnam requirantur, & serviant ad quodvis opus perfecte agendum, additis principiis, & praxi, quæ, si debite observantur, incredibilem fructum afferent. Nihilominus, quia quædam opera in specie, præcipuè verò ordinaria, & quotidiana, specialem sui notitiam pro exacta eorum persolutione requirunt,

unt, de iisdem in sequentibus Capitulis agetur; præsertim, cum juxta dicta Perfectio Religiosa plurimum etiam consistat in perfecta, & exacta communione, & ordinationum perfectione. Jam signanter de oratione ordiendò ponitur.

§. I.

De Præstantia, Utilitate, & Necessitate Orationis.

Quandoquidem Oratio vel præstantissimus, vel certe unus ex præstantissimis; DEO gratissimis, summè necessariis, & utilibus; continuoque exercendis actibus est; meritò ante omnes alios, de illa hic agimus.

2. Queritur ergo I. Quid, & quotuplex sit Oratio in genere? Resp. I. Quamvis Oratio ut sic generaliter, & in sensu largiori definiri soleat cum sancto Damasceno *Lib. 3. Orthodoxæ fidei cap. 24.* quòd sit Elevatio mentis ad Deum, qua vel petimus aliquid à DEO, vel laudamus, adoramus, & beneficimus illum, vel gratias agimus, vel cum illo loquimur, aut de eodem, vel de aliis propter eum meditamur; strictius tamen & in sensu magis proprio, Oratio est invocatio Dei, seu petitio à Deo, seu est elevatio mentis ad Deum, qua aliquid petimus ab

eo. Ut proin in sensu proprio precari, & orare, nihil aliud sit, quàm ad DEUM confugere, eumque pro auxilio aliquo, assistentia, gratia vel dono sive spirituali, sive temporali pro nobis, vel pro aliis rogare, & invocare; quamvis etiam alii actus v. g. laudis, gratiarum actionis, humiliationis, contritionis, fidei &c. talem invocationem seu orationem propriam concomitari plerumque soleant, qui tamen non nisi largò modò oratio dicuntur, quatenus nempe sunt elevatio mentis ad DEUM, uti bene advertit S. Bonaventura *de Præf. Religios. Lib. 2. cap. 62.* vel quatenus propriam orationem, quæ in petitione consistit, concomitantur.

3. Resp. II. Oratio dividitur in vocalem, & mentalem, quibus addunt aliqui mixtam, vocalem est, qua non tantum mente

sed

sed etiam ore, & lingua DEUM invocamus, rogamus, vel laudamus. *Mentalis* est, qua absque labiorum motu, & usu linguae, sola mente internè hoc facimus. Utraque dividitur; & quidem vocalis, in publicam, & privatam. *Publica* est, quæ nomine totius populi; vel Ecclesiae peragitur, uti v. g. dum Ecclesiastici Horas Canonicas persolvunt. *Privata* est, quam quisvis pro arbitrio suo, & devotionis spiritu, vel jam prius ab aliis formatam facit, vel quam ipsemet sibi ex privato spiritu, & devotione format. Et hinc oratio privata adhuc dividitur in *formatam*, & *non formatam*, juxta dicenda infra Num. 27.

4. Quæritur II. Quanta sit præstantia Orationis? Resp. Præstantia & dignitas Orationis ejuscunque, si bene sit, sanè maxima, & admirabilis est; mirabilia enim sunt, quæ de illa scribunt SS. Patres: omisis aliis solus adducitur S. Chrysostomus *Tom. 6. Serm. 2. de Oratione*, ubi demonstrat, quod nullum officium, & nullus actus homini tam gloriosus, ac honorificus sit, quam Oratio; utpote vi cujus homo vilissimus vermiculus cum Deo, immensa illa Majestate loqui, fa-

miliariter conversari, agere, & tractare semper, & ubique potest, quoties vult, quando vult, quomodo vult, & quamdiu vult, & ab eo petere, ac obtinere, quidquid vult, Deo ad præbendam audientiam, & exaudiendum orantem semper paratissimò, & promptissimò. Si enim pro magna gratia reputaret, honorique, ac gloriæ sibi duceret, & felicissimus ab aliis æstimaretur ille, qui apud terrenos Reges & Principes liberum semper accessum, & benignam haberet audientiam; cum eis familiariter loqui, & conversari, pro se, & aliis rogare, & obtinere posset, quando, & quid vellet: quanto magis pro summa gratia, gloria, & honore æstimare, ac se felicem reputare debet quisvis, quod hoc sibi liceat apud summam illam Majestatem, Regem Regum, Dominum coeli, & terræ. Certè, sicut infinite major est Majestas Divina, ita infinite major est gratia, honor, gloria, & felicitas orantis; præsertim, cum præter infinitam Majestatem, etiam omnipotens, & eter optimus, nostrique amantissimus, erque ad dandum, & adjuvandum promptis-

simus

simus sit DEUS noster, consequenter facillimè possit, perfectè sciat, & libentissimè velit nos juvare in omnibus, quæ petimus, & desideramus; in quo terræ Reges etiam potentissimi deficiunt, utpote qui sæpissimè velent, sed nec se, nec alios juvare possunt.

5. Colliges, plurimùm errare illos, qui summam hanc orationis præstantiam, & dignitatem, gratiam, & felicitatem nunquam, aut non nisi rarò, & obiter considerant, indeque parùm, aut minùs debite apprehendunt, & æstimant, imò in re, & effectù vilipendunt, & quasi malum, ac odiosum quid averfantur, adeò, ut, quantum possunt, orationem fugiant, & declinent, vel ubi non possunt, saltem deprope-
rent, parati, ac prompti, omne aliud potius & libentius agere, quàm orare. Vesaniam sanè grandis est, & uti advertit S. Chrysostomus *Tom. 6. Serm. 1. de Orat.* *Ipsium hoc maximum insipientia signum, ignorare magnitudinem bonorum, neque amare preces, neque mortem putare animum, non adorare Deum: præsertim, cum oratio sit actus non tantùm gloriosus, & hono-*
Nendecker Pars Prior.

rificus, sed etiam, ut statim dicitur, utilissimus, facillimus, & jucundissimus.

6. Quæritur III. Quanta sit utilitas Orationis? Resp. Orationis fructus & utilitas est tanta, ut nec verbis explicari, nec mente concipi valeat, adeoque pro ea sola condignè enarranda, & explicanda integer tomus non sufficeret; prout etiam plures SS. Patres & Ascetæ integros libros de utilitate, & fructibus orationis ediderunt: ex quibus aliqua saltem breviter communicantur, ut orationem eò magis debite æstimare, amare, & frequentare discatis Amandissimi Tyrones Religiosi!

7. Primò itaque Oratio specialiter placet DEO, utpote quæ plurimùm honoratur, & propterea omnino vult orari, & invocari, secundùm illud *Judith. 9. v. 16. Humilium, & mansuetorum semper tibi placuit deprecatio.* item: *Invoca me in die tribulationis, eruam te, & honorificabis me.* ait ipse Dominus *Psal. 40. v. 15. & ibid. 7. final. Sacrificium laudis* (quæ ordinariè orationi est conjuncta) *honorificabis me. Valde Deum delectatur in hoc* (inquit S. Bonaventura
O o Lib.

Lib. 2. de Profect. Religios. cap. 69.)
quod frequenter oratur.

8. *Secundò.* Oratio hoc ipso, quod sit elevatio mentis ad Deum, & locutio, ac conversatio cum ipso, unit, & conjungit Deo, eique inhzrere, ac intendere nos facit, nec non sanctam cum ipso familiaritatem causat, & quidem eò magis, quò frequentius oratio adhibetur; quid autem utilius hoc fructu? S. Bonavent. locò mox citatò hunc orationis fructum extollens, ait; *quod summè est homini utile inter omnia; juxta illud: Maria optimam partem elegit.*

9. *Tertiò.* Mediante Oratione acquiritur copiosum lumen, & cognitio DEI, ac Divinorum, omniumque ad salutem scitu nobis necessariorum, ac utilium, & quidem magis, quàm quovis studio. Hinc S. Jacobus in sua Epist. *cap. 1. v. 5. Si quis vestrum indiget sapientiâ. postulet à Deo, qui dat omnibus affluentèr.* Et S. Laurentius Justinianus *de Orat. c. 4. Orationis virtus*, inquit, *hominem illuminat: nam & oratione melius solvuntur dubia, quàm inquisitione alia, citiusque pantiuntur secreta precibus: quàm studio.* Hinc David in Psalmis

toties oravit, & rogavit à Deo doceri, & instrui, ac illuminari, uti patet ex *Psalms. 118.* quem quotidie pro Horis Minoribus recitamus, utpote in quo solo per sæpe orat, & invocat DEUM pro illuminatione, & cognitione Divinorum Judiciorum, Legum, Justificationum, Mandatorum, & aliorum. Magna illa Ecclesiæ Lumina DD. Seraphicus, & Angelicus, S. Bonaventura nempe, & S. Thomas Aquinas, de seipsis fassi sunt, se doctrinam, & scientiam suam magis oratione, quàm studio, ac labore acquisivisse.

10. *Quartò.* Oratio magis, quàm quicquid aliud, servit ad extirpanda vitia, ad superandas tentationes, ad fugandum dæmonem, & ad evadendas ejusdem insidias. S. Bonaventura *de Perfectione vite ad Sorores. cap. 5. dicit: Tantæ efficaciz est Devotionis*, virtus, ut ipsa sola hostis maligni, devincat tentamenta, & versutias Diaboli: & allegans S. Isidorum, pergit: „Hoc est Remedium ejus, qui vitiorum tentamentis æstuat: quoties quolibet vitio tangitur, toties se ad orationem subdat, quia frequens

quens oratio vitiorum impu-
gnationem extinguit. Unde
amanter nos monet Christus
*Matth. 26. v. 41. Vigilate, & orate, ut non
intretis in tentationem.* Imò, ut ad
superandam quamcunque tenta-
tionem semper recurramus ad
orationem, notanter posuit in-
ter alias petitiones orationis Do-
minicæ, *Et ne nos inducas in tenta-
tionem.* id est, ne derelinquas nos
in tentatione, *sed libera nos à malo.*
seu, adjuva nos gratiâ tuâ, ut
non cadamus in malum, pecca-
tum nempe, quod solum pro-
priè malum est. S. Laurentius
Justinianus *Lib. de interiori con-
flictu. c. 10.* ait: *Nil profectò sic ter-
ret Leviathan, sicut orationis crebra
instantia, atque deprecantium devo-
ta suspiria: aquè orationis, quemad-
modum gebennæ crematur incendiò.*

II. Quintò. Oratio est effica-
cissimum remedium ad devotio-
nis spiritum, & quasunque vir-
tutes acquirendas, vitâque no-
stram perfectè ducendam, quod
paucis complectitur S. Augusti-
nus *Homil. 4.* dicens: *Verè novit
rectè vivere, qui rectè novit orare.*
Abbas Isaac apud Cassianum
Collat. 9. cap. 2. ait: *Ad orationis
perfectiorem omnium tendis structura
Virtutum.* Et à S. Climaco *Grad. 28.*

vocatur Oratio *omnium virtutum
cibus, virtutum sens, gratiarum mi-
nistra, profectus invisibilis, nutri-
mentum animæ &c.* Consonat, quod
Christus revelavit S. Catharinæ
Senensi illis verbis: *Novèris filia
charissima: quòd in oratione hominè,
continua, & fideli, cum vera perseve-
rantia, lucretur anima perfectionem,
& omnem virtutem.*

120. Sexò. Est Oratio omni
tempore & loco universale, præ-
stantissimum, & efficax reme-
dium ad omnia mala, sive cor-
poralia, & temporalia, sive spi-
ritualia, sive communia, sive
specialia, sive magna, sive parva,
sive nostra, sive aliena averten-
da, & depellenda, & econtra ad
omnes gratias, omniâque dona,
& bona naturalia, & supernatu-
ralia, temporalia, & spiritualia
obtinenda. S. Bonav. *de Profect.
Relig. Lib. 2. cap. 66.* multa ex Di-
vinis literis adducit exempla,
quantæ gratiæ à DEO per Ora-
tionem fuerint impetratæ, unde
de ea concludit: *Breviter omnia
contraria saluti reprimis, & necessa-
ria confers, & conservas, & perficis.*
Et de *Profect. vita ad Sorores. cap.
5.* Est autem tantæ virtutis
devota oratio, ut ad omnia va-
leat, & in omni tempore homo
possit

„possit per eam lucrari, in hyeme, in æstate, in sereno, & in tempore pluviali: imò in quacunque hora lucratur homo orationi devota plus, quàm valeat totus mundus. Conformer S. Chrysostomus *Homil. 5. de Incomprehens. Dei nat.* inquit: „Oratio est Thesaurus certè perpetuus, Divitiæ inexhaustæ, portus quietus, occasio tranquillitatis, denique auctor, parens, fons, & radix bonorum omnium, & innumerbilium.

13. Nec tantùm pro se, & pro bonis particularibus, sed & pro aliis, pro integra Communitate, Provincia, & Regno, imò pro toto orbe, bona etiam grandia obtinere, vel etiam mala præsentia, aut impendentia ab eis avertere quis valet per orationem debitè institutam; hinc illa verba S. Chrysostomi *Serm. 2. de Orat. Age dicam vobis. Quoties per gentes & civitates, & quoties totum orbem iustorum preces salvârunt? Vides, quantum valet oratio & deprecatio?* Hinc quoque venit, quòd Orationis efficaciam scientes, & æstimantes perfectiores animæ, magna cum fiducia, non tantùm modica, sed etiam maxima, &

summè ardua, tam pro se, quàm pro aliis v. g. pro conversione Regnorum, imò totius mundi; pro reformatione totius Ecclesiæ, Religionis, Provinciæ, pro translatione Regnorum, quatenus Ecclesiæ conducit &c. orare soleant, quod DEO etiam admodum placet: quia taliter manifestè ostendimus, nos tantopere sentire de infinita omnipotentia, sapientia, & bonitate Dei, ut difficillima, summè ardua, maxima, & mirabilia æquè facilliter facere, aut dare possit, & sciat, atque libenter velit, ac minima, dummodo vera fide, ac, prout oportet, oremus: uti ipse testatur *Joan. 14. v. 13. Quodcumque petieritis Patrem in Nomine meo, hoc faciam, ut glorificetur Pater in Filio. Item Luc. 11. v. 9 & 10. Petite, & dabitur vobis, querite, & invenietis, pulsate, & aperietur vobis: omnis enim, qui petit, accipit &c. Item Marc. 11. v. 24. Omnia, quaecumque orantes petitis, credite, quia accipietis.*

Nec dicat aliquis, multi multa petunt, & tamen non exaudiuntur. Resp. Tales aut non debitè orare, aut loco illius, quod petunt, quid melius, ac utilius obtinere, juxta illud S. Bernardi

Lib.

Lib. medit. cap. 6. ubi ait: Unum è duobus indubitanter sperare debemus, quoniam aut dabit nobis, quod petimus, aut quod noverit nobis esse utilem. (intellige) si rectè oratur.

14. Porro illud quoque de efficacia, & utilitate orationis considerandum, quòd per eam non tantum omnia obtinere, sed etiam, quòd citius, & facilius per eandem, quàm per alias bonas actiones ea impetrare valeamus, uti experiencià in se, & in aliis doctus observat S. Bonav. de Perfect. Relig. 1. 65. dicens: „Multiplex est orationis utilitas, „quibùs etiam alias bonas actio- „nes ipsa excellit. Prima, quia „facilius & citius per eam impe- „tramus, quæ à Domino desi- „deramus, ita, ut quandoque ci- „tius brevi oratione aliquis ob- „tineat, quod diutius jejuniis, „vel aliis laboribùs, & piis ope- „ribùs vix obtineret: licet & „alia bona opera ad hoc aliqua- „tenus suffragentur, unde in o- „mni casu, in omni periculo, „pro omni desiderio desidera- „to, semper inveniemus Sanctos „principaliter ad orationis sub- „sidium & refugisse, quasi ibi prom- „ptius, quod petebant, conse- „cuturi.

15. Quæritur IV. An, & qua- lis sit necessitas Orationis? Resp. Non tantum summè utilis, sed etiam summè necessaria est ora- tio ad omnia. Et quidem *Impri- mus* summè necessaria est ad vitia extirpanda, & vitanda, insidiàs- que, & tentationes dæmonis, mundi, & carnis superandas. Nam teste S. Thoma p. 1. *Histor. S. Dominici. Lib. 3. cap. 37. Sicut mi- les sine armis ludibrium est hostibus, utpote quibus nequaquam nocere, fa- cile autem ab eis superari potest; ita homo sine oratione, cum se contra in- saltus dæmonum tueri non valeat, haud difficile ab eis vincetur, & sub- jugabitur.* Unde S. Bonaventura de Perfect. vite ad Sorores. cap. 5. ait: „Non est mirum, si tentationi- „bus succumbat frequenter mi- „serabiliter, qui studium oratio- „nis non frequentat. Qui su- „mus nos, aut quæ fortitudo no- „stra, ait S. Bernardus in *Quadrage- serm. 5.* „ut tam multis tenta- „tionibus resistere valeamus? „propterea rogo vos fratres, ut „semper ad manum habeatis tu- „tissimum orationis refugium, „*2. Secundò.* Summè, & abso- „lutè necessaria est ad Perfectio- nem Religiosam, & virtutes tam acqui- rendas, quàm conservan- das,

das, nec non ad quodvis rectè agendum, adeò; ut sine omnī alio signo, aut probatione, de quolibet, qui orationi addictus non est, jure merito judicari & dici possit, in eo non esse, nec fore solidam aliquam virtutem, aut perfectionem, aut aliud quid præclarum; bene verò omnis generis imperfectiones, tepiditates, innumera venialia, ac successivè etiam gravia peccata, talémque versari in gravi animæ periculo, prout continuà experientiâ, & unanimi Patrum consensu comprobatur, ex quibus notabiles aliquos textus adducemus.

17. Sanctus Pater noster Franciscus, ut scribit Pisanus *Lib. 1. Conform. fructu 12. c. 5.* *Orationis gratiam viro Religioso desiderandam semiter asserbat, nullum dicens sine ipsa in DEI servitio prosperari: unde modis omnibus fratres ad orationis studium inducebat.* 67

18. S. Bonaventura *de Persell. vite ad Sorores. cap. 3.* ait: „Cum
„pienti proficere, supra modum
„est necessarium, ut assiduâ orâ-
„tionum studiis, & devotionibus
„animum suum exerceat: quia
„revera Religiosus orationem
„non frequentans assiduè, non

„solum est miser, & inutilis, quin-
„imo coram DEO festi-
„mam mortuam in vivo cor-
„pore.

19. S. Chrysostomus *Tom. 6. Serm. 1. de Orat.* „Quando ali-
„quem video non amare preces,
„neque fervere earum amore
„vehementi, jam mihi certum
„est, quod ille nihil generosum
„in anima sua possideat: quis-
„quis enim non adorât DEUM,
„neque Divinò colloquiò frui
„desiderat, verè mortuus est, &
„animâ caret & rationis non est
„compos. Item *Serm. 2. de Orat.*
„Si animabus auferantur præca-
„tiones, perinde est, sicut si pi-
„scem ex aqua extraxeris, nam,
„ut illi vita aqua, ita animæ pre-
„ces. Idem *Tom. 2. Homil. 68.* „Si-
„cut radix necessaria est, ut vi-
„gor, viror, sapor, & quidquid
„est aliorum bonorum, ad ar-
„borem transmittatur: & sicut
„fundamentum necessarium est
„ad universam fabricam susti-
„nendam, ita etiam oratio ne-
„cessaria est ad vigorem spiri-
„tûs, & florem virtutum, nec
„non ad corroborandam per-
„fectionem in anima. Idem *in*
ead. loco. „Arbitror, cunctis esse
„manifestum, quod simpliciter
„sit

„sit impossibile, absque præstationis præsidio cum virtute de-
„gere, cumque ea vitæ cursum
„peragere.

20. Tertiò. Sicut juxta dicta Num. 12. generaliter ad omnia utilis, ita ad omnia etiam necessaria est Oratio: quod S. Vincentius Ferrer. *Serm. 6. Dom. 5. post Trinit.* ita testatur: *Sciendum, quod inter omnia opera, quæ possumus in hoc mundo facere, & necessaria est, devota Oratio ad Deum.* Ratio autem est; quia, cum fide certum sit, quod ex nobis solis prorsus nil possimus, nec quidquam boni habeamus, vel habere valeamus; sed in omnibus, & per omnia dona, & bona, actiones, & opera dependeamus à DEO, vult DEUS, ut humili oratione in omnibus recurrentes ad ipsam, fateamur nostram insufficientiam, & dependentiam ab eo, simulque demonstremus fidem, & confidentiam in ejusdem omnipotentiam, & bonitatem: hinc licet Deus, utpote infinitè bonus, ex se, alias ad dandum, & succurrendum nobis promptissimus sit, innumeræque dona, gratias, & auxilia nobis dare ab æterno jam determinaverit; illa tamen sæpe non nisi dependentur ab oratio-

ne largiri solet; nam, ut ait D. Thomas 2. 2 q. 83. a. 2. „Non pro-
„pter hoc oramus, ut Divinam
„dispositionem immutemus, sed
„ut impetremus, quod Deus di-
„sposuit per orationes Sanctorum
„esse implendum. Obtineri, teste S. Gregorio *Lib. Dialog. c. 8.* ne-
„quaquam possunt, quæ præde-
„stinata non fuerunt, sed ea,
„quæ sancti viri orando efficiunt,
„ita prædestinata sunt, ut preci-
„bus obtineant, quatenus pro-
„stulando mereantur accipere,
„quod omnipotens Deus ante
„sæcula disposuit donare. Et hinc ob dictam hactenus tam magnam orationis præstantiam, utilitatem, & necessitatem venit, quod tam Sacre Paginæ, quàm SS. Patres non tantum ad frequentem, sed etiam in certo sensu ad continuam orationem tantopere nos adhortentur, pro-
ut patebit ex dicendis infra Num. 129. & seq. Ex his autem

21. Colliges I. Quantum estimare, & amare debeas orationem, ac quantopere eâ uti; cum juxta dicta, Deo gratissima, & acceptissima, tibi verò pro te, & aliis, in omnibus, & ad omnia, utilissima, & necessaria, simulque, ut infra dicetur, facilis,

lis, & jucunda sit. Colliges illi Gravissimam deceptionem, errorem, & quasi insaniam eorum, qui orationem tanquam malum

fugiant, negligenter, & perfectorie perfolvunt, aut omnino negligunt.

§. II.

De Oratione Vocali tam publicâ, quam privatâ.

22. **P**ostquam de Oratione in genere, ejusque præstantia, utilitate, & necessitate, in præcedenti Paragrapho sufficienter locuti sumus, exigit ordo debitus, ut etiam de orationibus in specie loquamur, hinc in præsentî Paragrapho de Oratione Vocali in specie agemus.

23. Quæritur I. Quid, & quotuplex sit Oratio Vocalis? Resp. I. Oratio vocalis est: elevatio mentis, & locutio ad Deum, quâ ore, & mente interna simul; Deum pro nobis, & aliis invocamus, & rogamus, vel concomitanter etiam laudamus, & eisdem gratias agimus, vel illum deprecamur, aut alium similem actum verbis ore, vel linguâ expressis elicimus. Dicitur notanter primò: ore, & mente simul; licet enim Oratio Vocalis dicatur talis, quia ore, linguâ, ac

voce peragitur, ad eam tamen necessariò etiam requiritur attentio, & correspondentia interna mentis, adeò, ut, si hæc desit, vera oratio non sit, nec dici possit, sed sit potius mera materialis blateratio, similis illi, quam psittacus cicuratus profert, indeque nec Deo grata, nec nobis fructuosa, sed potius illi injuriosa, & nobis damnosa, utpote peccaminosa existat, Deum ad indignationem, & puniendum magis, quàm ad misericordiam, & largiendum provocans.

24. Dicitur secundò: quâ Deum invocamus, rogamus, & concomitanter etiam laudamus; quia sicut juxta dicta Num. 2. Oratio ut sic, ita & Oratio vocalis in specie, quâ oratio strictè sumpta, principaliter consistit in petitione, & invocatione DEI, adeò, ut, licet plerumque etiam actus laudis Divinæ, gratiarum actionis, con-

tri. 0-

tritionis, deprecationis, adorationis, aut alios similes actus admixtos habeat, ut videre est e.g. in Horis Canonicis; hi tamen actus strictè, & propriè oratio non sunt, sed minùs propriè, & concomitanter, quatenus nempe orationem propriam concomitantur, & cum ipsa conjuncti simul oratio dicuntur: licèt orationem multùm perficiant, & præstantiorem reddant.

25. Resp. II. Oratio vocalis dividitur in publicam, & privatam. *Publica* est, quæ nomine totius Ecclesiæ, seu populi Christiani fit à Ministris Ecclesiæ ad hoc deputatis, Clericis nempe, & Sacerdotibus tam Sæcularibus, quàm Regularibus, quibus tanquam specialibus, & primariis ministris suis certas preces præscribit Ecclesia, ut suo Nomine, & pro toto populo Christiano eas quotidie ad DEUM fundant, ita tamen, ut nulli præfatorum Ministrorum liceat preces illas immutare, nec addere eis aliquid, nec demere; sed debeat quivis illas de verbo ad verbum, prout Ecclesia dictante & inspirante Spiritu Sancto præscripsit, devotè, & exactè persolvere. Hujusmodi oratio publica sunt

Neudecker Pars Prior.

Horæ Canonicæ, seu Officium Divinum, Orationes, & Actus in Sacrificio Missæ, in Processionibus publicis &c.

26. Et circa has publicas Orationes notandum, quòd tales sint, & nomine orationis publicæ veniant, non tantùm, si in publica Ecclesia, vel Choro, sed etiam si in privato loco ab uno solo Clerico, vel Sacerdote persolvuntur: v.g. si Parochus in sua domo, Religiosus in sua cella, Breviarium devotè recitat; quia etiam tales, ac in tali loco Nomine Ecclesiæ preces ab eadem præscriptas, consequenter publicas, persolvunt.

27. Oratio vocalis *Privata* est, quam quivis facit, non ut Ecclesiæ Minister, nec nomine ejusdem, sed ex privata sua devotione pro libitu, & arbitrio suo facere, vel omittere, mutare, & variare potest. Hæc subdividitur in jam priùs à se, vel ab alio formatam, certisque verbis compositam, ex libello v.g. vel aliunde desumptam, & in illam, quam certis verbis ordinatè recitandis priùs non compositam, ex proprio affectu, & devotione, diversimode pro diversitate necessitatis, indigentia, dispositionis,

P p

tionis, devotionis, vel aliarum circumstantiarum facere quivis potest.

28. *Prioris generis* orationes sunt Oratio Dominica v. g. Salutatio Angelica, Rosarium, Litaniz, & aliz preces in libellis contentæ. *Posteriori modo* quis orat, dum familiariter cum Deo conversatur suis verbis, proprio affectu prolati, vel si etiam verbis alienis suo affectui consonantibus utitur, corque suum coram DEO præsentem effundit, jam suas necessitates proponendõ, jam auxilium & assistentiam invocandõ, nunc peccata sua confitendõ, nunc misericordiam postulandõ, modò sperandõ, modò se resignandõ &c. Qui orandi modus valde excellens est, hoc ipso, quòd ex mente, & fervore interno proficiscatur: undè etiam tam diu proficui expedit, quamdiu conceptus fervor, vel devotio exigit. Solet autem hic orandi modus à quibusdam sæpius, & magis sola mente interna, & cogitationibus, quàm verbis ore prolati fieri.

29. Quæritur II. Quantæ dignitatis & utilitatis sit Oratio

publica? Resp. I. Quæcunque superius à Num. 4. de dignitate, & utilitate orationis in genere diximus, etiam de oratione publica, utpote vera orationis specie verificantur, quia, quæcunque conveniunt generi, etiam speciei convenire necesse est.

30. Resp. II. Præter dignitatem, & utilitatem cuius orationi communem, Oratio publica, præsertim Officium Divinum, seu Horæ Canonice, plura specialia habet, quæ præstantiam, & utilitatem illius extollunt, & summam de illa æstimationem in nobis meritò generare debent.

31. Et quidem *primò*. Quia oratio ista publica Horarum Canoniarum principaliter consistit in laude, glorificatione, & cultu DEI, ejusdemque adoratione, gratiarum actione, aliisque variis virtutum actibus, in laudem, gloriam, & honorem illius redundantibus, quos exercere, munus planè coeleste, & Angelicum est. Unica enim, & tota occupatio Angelorum est, Deum, quem visione beatifica infinitè bonum, amabilem, & laudabilem agnoscunt, amare, de

de ejus infinita felicitate gaudere, ipsum adorare, benedicere, laudare, & glorificare &c.

32. *Secundò.* Quia verba, & sensus hujus laudis Divinæ, aliorumque actuum, sunt ab ipso Spiritu Sancto mediante Ecclesia Sponsa suâ facta, & dictata, consequenter laus, & actus præstantissimi, & DEO gratissimi, homini utilissimi, & maximè consolatorii: nam quæ laus, quæ gratiarum actio, quæ oratio &c. præstantior, DEO acceptior, & utilior, quàm illa, quam DEUS ipse dictavit? quid magis homini consolatorium, quàm certò scire, hoc modo, his ipsiis verbis, hac laude, his Psalmis, his Psalmorum versibus, hac oratione &c. velle laudari, honorari, & invocari DEUM. Profectò, si quis Regem, vel Principem terrenum laudare, honorare, & invocare volens, certò sciret verba, & modum, qui ei gratissimus, & summæ complacentiæ foret, procul dubio plena consolatione, & fiducia talem modum, & talia verba in eo laudando, honorando, invocando, omni cum diligentia adhiberet. Dum econtra qui nescit, quæ verba, quis modus Principi gra-

tus, & acceptus sit, curam, & sollicitudinem, quid, & quomodo proferre debeat, habere solet, semper timidus & anxius, an non plùs displiceat, quàm placeat, & disgratiam potius, quàm gratiam Principis mereatur.

33. *Tertiò.* Quia oratio publica nomine ipsius Ecclesiæ, ac pro illa principaliter fit, ita, ut illam persolvens tanquam Legatus ad Deum, nomine, & locò totius Ecclesiæ, seu Populi Christiani, & pro eadem modò, & verbis ab ipso Spiritu Sancto dictatis, DEUM laudet, adoret, glorificet, eique gratias agat; quod planè quid præstans, DEO acceptum, summè utile, ac meritorium esse perspicuum est.

34. *Quartò.* Quia oratio publica Horarum Canonicarum præsertim in Psalmis, est plena diversis virtutibus, & pulcherri-
mis textibus, qui partim erudiunt, partim excitant ad devotionem, & virtutes, nunc laudis, nunc amoris, nunc gaudii, & exultationis in Domino, nunc sancti timoris, contritionis, & odii erga peccatum, nunc spei, & fiduciæ &c. ita, ut publicam Horarum Canonicarum orationem devotè, & attentè recitantes, fa-

pe majorem consolationem, & animæ fructum sentiant, & percipiant, quàm in aliqua etiam ritè instituta meditatione, aut contemplatione. Imò aliqui tantam consolationem, & gaudium in Deo habent in persolvendis Horis Canonicis, ut fatigati ex studiis, vel aliis laboribus, persolutionem Horarum Canonicarum, tanquam dulcissimum, & jucundissima varietate referunt cum præsentī Deo discursum, ac conversationem, pro sancta refocillatione, ac quiete reputent; sicut alii post labores quærunt, & habent in discursu, & distractione cum hominibus.

35. *Quintò.* Quia per orationem publicam Horarum Canonicarum, si in Choro persolvitur, laudatur Deus modò prorsus Angelicò; siquidem & Angeli per modum Chori DEUM laudant: nam, uti vidit Isaias Propheta *cap. 6. v. 3. Clamabant alter ad alterum, & dicebant, Sanctus, Sanctus, Sanctus Dominus Deus Exercituum, plena est omnis terra gloria ejus.* Scribit etiam Socrates *Lib. 10. Histor. cap. 9.* quòd S. Ignatius Ecclesiæ Antiochenæ Episcopus, & Apostolorum Discipulus, in visione viderit, & audi-

verit Angelos hymnis alternatim decantatis, laudare SS. Trinitatem, & propterea in sua etiam Ecclesia hunc alternis Choris DEUM laudandi modum introduxerit. Unde illud communē Ascetarum dictum: *Quod Angeli faciunt in cælo, hoc Religiosi faciunt in Choro.* indeque Chorus fit cælum in terra, & propterea, qui fugiunt Chorum, fugiunt cælum.

36. *Sextò.* Quia eadem Horarum Canonicarum oratio publica, dum in Choro peragitur, est unita, & conjuncta, & hoc ipso DEO gratior, atque ad quodvis obtinendum efficacior, virtute præsertim, & devotione unius supplente quodammodo defectum, & imperfectionem alterius; virtus enim unita in omnibus fortior. Habet insuper Divina Majestas specialem complacentiam in iis, qui in Nomine, & pro honore DEI uniti sunt: (quales utique sunt, qui ad laudandum, & invocandum DEUM congregantur) adeò, ut in medio eorum esse, & eos specialiter exaudire promittat Christus *Matth. 18. v. 20.* dicens: *Ibi sunt duo, vel tres congregati in Nomine meo, ibi sum in medio*

medio eorum. Et ibid. v. 19. Disco vobis, quia, si duo ex vobis consenserint super terram, de omni re, quamcumque petierint, fiet illis à Patre meo, qui in cælis est.

37. Porro, quàm grata sit Deo hæc laus, & oratio in Choro, patet ex miraculosa visione, qua cuidam in Ecclesia pernoctanti sequentia dixit Angelus: Dicas Superiori, ut curet in Choro Horas Canonicas lentius recitari; quia nihil in Ecclesia post usum, & cultum Sacramentorum DEO gratius est recitatione Horarum Canonicarum.

38. Quæritur III. Qualis sit necessitas Orationis publicæ? Resp. Quamvis non respectu omnium, tamen respectu Ecclesiasticorum tam Sæcularium, quàm Regularium, est necessitas, orationem publicam, præsertim Horas Canonicas persolvendi, utpote ad quas sub peccato mortali tenentur; prout magis in Theologia.

39. Cæterum ex dictis Colligetur I. Quantum semper æstimare, & amare, quantâque reverentiâ, & diligentia persolvere debeatis orationem publicam, præsertim Horarum Canonicarum, utpote, quæ præter præro-

gativa cuivis orationi communia, tot, & tanta prærogativa specialia dignitatis, præstantiæ, & utilitatis habet.

40. Colligetur II. Quòd adhuc magis æstimare, & amare debeatis eandem orationem, & laudem Divinam, dum in Choro persolvitur; quia tunc præter communia, & specialia prærogativa, etiam illud habet, quòd modò Angelicò, & coelesti persolvatur, simulque ob sanctam cum aliis unionem, & conjunctionem fortior, ad impetrandum efficacior, Deoque gratior existat.

41. Colligetur III. Quòd Chororum tanquam cælum in terris amare, indèque illum libentissimè frequentare, & audientes campanæ signum, ad eundem statim properare, atque in illo vestrum gaudium, & consolationem habere debeatis, ab eo nunquam, nisi ex obedientia, aut inevitabili necessitate impediti, vos subtrahentes.

42. Colligetur IV. Quàm graviter errent, quantum decipiantur, quantumque damnum, & jacturam incurrant I. Qui debitam æstimationem de oratione publica non habentes, eandem

dem tepidè, distractè, & indevo-
tè, negligenter, & irreverenter,
vel properanter persolvunt.

43. II. Qui Chorum, & ora-
tionem, laudèmq; Divinam
publicam in eodem debite non
æstimant, vel debite æstimantes,
eandem, dum possent, & debe-
rent, non frequentant, sed illum
ex frivolis, aut fictis causis decli-
nant, vel ad eundem serò veni-
unt, vel ab illo ante finem rece-
dunt, vel finem inordinatè desi-
derant, & hinc in psallendo pro-
perant, vel pausas debitas non
observant, aut aliis devotè, ac
debitè psallentibus indignan-
tur.

44. Quæritur IV. An, & quan-
tæ præstantiæ, utilitatis, & ne-
cessitatis sit Oratio vocalis pri-
vata? Resp. I. Omnia, quæ de
dignitate, præstantia & utilitate
orationis in genere diximus su-
pra à Num. 4. usque ad Num. 22.
etiam de Oratione vocali priva-
ta, utpote vera aliqua orationis
specie, intelligenda esse, adeoque
per ipsam (si bene persolvitur)
pariter etiam I. Specialiter Deus
honoratur. II. Fit sanctissima
cum ipso unio, & conjunctio.
III. Acquiritur speciale lumen,

& cognitio Dei, ac Divinorum
nobis necessariorum, ac utilium.

IV. Ipsa quoque est efficax re-
medium ad extirpanda vitia, vin-
cendas tentationes, fugandos
dæmones, eorūque insidias e-
vitandas. V. Est medium effi-
cax ad spiritum devotionis, &
virtutes acquirendas. VI. Uni-
versaliter servit ad quævis mala
depellenda, & cuncta bona ob-
tinenda.

45. Colliges, errare, & pluri-
mum decipi illos, qui nullam,
vel modicam de oratione vocali
privata æstimationem habent;
cū juxta dicta, si bene peragi-
tur, sit summæ dignitatis, & uti-
litis.

46. Resp. II. Licet Oratio vo-
calis non semper, nec ad omnia
sit necessaria, aliquoties tamen
ipsa quoque necessario adhiberi
debet. Ratio primæ partis est;
quia, etsi juxta Num. 15. superius,
aliqua oratio indeterminatè ad
omnia sit necessaria, nulla tamen
in specie, consequenter nec ora-
tio vocalis privata, semper est
necessaria; sicut etiam nec ora-
tio vocalis publica, nec oratio
mentalis semper, & ad omnia ne-
cessaria est, sed potest necessitati
ora-

orationis quoad multa satisfieri nunc per vocalem, nunc per mentalem.

47. Altera pars, quòd saltem aliquoties etiam oratio vocalis privata necessariò adhiberi debeat, patet tum ex institutione Christi, qua Discipulos docuit Orationem Dominicam, & voluit, ut eam orarent: *Matth. 6. v. 9.* tum etiam ex communi sensu Ecclesiæ, quæ dicit: *Præceptis salutaribus moniti & Divina institutione formati audemus dicere: Pater noster &c.* tum etiam; quia homines subinde nec ad orationem internam, nec ad orationem vocalem publicam sunt ex se apti, vel dispositi: ergo ad orationem vocalem privatam, vel formatam, ex certis verbis compositam, vel ad non formatam, pro libitu, & devotione formandam recurrere debent, hoc ipso, quòd aliqua saltem oratio ad cuncta sit necessaria.

48. Quæritur V. Quænam Orationes privatæ cæteris sint præstantiores; quibus item, & quantum eisdem vacare expediat? Resp. I. Inter orationes vocales privatim faciendas, optima, & præstantissima est Oratio Dominica *Pater noster*, ac Salu-

tatio Angelica *Ave Maria*. Et quidem de Oratione Dominica *Pater noster*, unanimis est sententia SS. Patrum, quòd ipsa omnium sit præstantissima, DEO gratissima, & efficacissima: tum, quia hæc oratio ab ipsa æterna Sapientia, ac D. Magistro Christo est facta, docta, & præ aliis commendata *Matth. cit. cap. 6. v. 9.* tum, quia breviter in compendio, & quidem mirabili, ac sanctissimo ordine omnia continet, quæ rectè petere possumus, ac debemus. *Si per omnia*, ait Augustinus *Epist. 121. precationum sanctorum verba discurras, quantum ex istimo, nil invenies, quod non ista Dominica contineat, & concludat Oratio.* Dionys. Carthuf. in 6. cap. *Matth. art. 13.* inquit: *Tanta est hujus Orationis Dominica profunditas in sensu, fecunditas in mysteriis, efficacia in effectu, & artificialitas in ordine, ut nemo capere queat, vel eloqui.*

49. Inter alia hujus Orationis prærogativa, illud meritò in specie adducitur, quòd teste S. Augustino, & Cæsareo Arelatenfi, deleat etiam peccata quotidiana venialia, si compuncto, & contrito corde recitetur: ex quo infertur, quòd hæc Oratio summè

mè semper æstimanda, atque sæpe omni possibili cum reverentia, attentione, & fiducia sit recitanda.

50. Resp. II. Post Orationem Dominicam, præstantiâ, efficaciâ, & utilitate reliquas orationes privâtas superat Salutatio Angelica *Ave Maria*; quia Deus singulare beneplacitum habet, si honoratur in, & per B. V. Mariam, ac per eam invocatur: vultque specialiter, ut eam honoremus, & invocemus, ipsâque mediante auxilia, dona, & gratias impetremus: prout innumeris miraculis, & beneficiis, quæ per intercessionem B. V. Mariæ continuò confert, apertè demonstrat.

51. Commendatur ob eminentiam Authoris, à quo provenit hæc Oratio: nam *Ad hanc Salutationem* (ait Cardinalis Bona de Divin. Psalmodia. cap. 16. §. 2.) *conceptissimis verbis componendam, totius Trinitatis dignatio intervenit*: utpote quæ per Archangelum Gabrielem B. V. Mariam illis verbis salutari voluit: *Ave gratiâ plena, Dominus tecum, benedicta tu in mulieribus*. quæ ultima verba utique instinctu Divino, dum visita atur, S. Elisabeth iterum re-

petiit, simulque addidit excellentissimâ alia, per quæ cum matre præcipuè etiam laudatur, extollitur, & benedicitur Filius, dicendô: *Benedicta tu in mulieribus, & benedictus fructus ventris tui*. Quibus sancta Mater Ecclesia, Spiritu Sancto illustrata, dulcissimum, & ad cuncta potentissimum, & efficacissimum addidit Nomen *JESUS*, simulque devotissimam, humillimam, & efficacem adjunxit precationem ad eandem B. V. Mariam: *Sancta Maria Mater Dei &c.*

52. Porro, quàm grata, & accepta sit ipsi B. V. Mariæ Salutatio Angelica, quàmque efficax ad impetrandum, pleni sunt libri; ex quibus illud afferre sufficiat, quod ipsa B. V. Maria ad sanctam Mechtildem dixit: huic siquidem aliquando in extasin raptæ apparuit eadem B. Virgo Maria, in pectore aureis literis scriptum habens *Ave Maria*: & Sanctam Mechtildem ita alloquens: *Filia! quid cogitant homines, quòd me tam diversis orationibus, & canonicis bonorent? putantne se melius, majorique laude, & honore me afficere posse, quàm Dominus, ac Creator ipso- rum? scito, quòd nullus majorem laudem, & honorem mihi tribuere, nec majus*

maius beneplacitum mihi causare valeat, quam qui salutationem illam, qua per Angelum Gabrielem me salutavit SS. Trinitas, devotè recitat.

53. Ob tantam utriusque huius orationis scilicet *Pater*, & *Ave* præstantiam, sancta Ecclesia illam in oratione publica adhiberi, & sæpius repeti voluit; cum utraque Horis Canonicis præmitti debeat: „ Et quod non „ideo jubemur, illam in silentio „secretò pronuntiare, ut minùs „pausatam, minùsque intellegam, & ruminatam pronunticemus, sed ut tanquam rem graviorem majore cum attentione, cura, & religione (augente illam silentio) omnes & singuli, totam, & singulas ejus partes proferamus, licèt psalmos, & reliqua alternatim, vel paratim, & dimidiata dicere sufficiat, uti bene advertit Navarrus in *Enchiridio*. 2. parti. *Decreti*. cap. 19. num. 185.

54. Ad eundem finem, ut videlicet utraque hæc præstantissima Oratio, & pars Horarum Canonicarum nobilissima, majori cum devotione, & attentione, omni possibili cum reverentia, pro summa dignitate sua recitetur, sancta apud Religiones,

Neudecker Pars Prior.

præsertim nostram Seraphicam, consuetudo, & lex est, ut oratio Dominica *Pater noster* & *Ave Maria*, profunda totius corporis inclinatione dicatur.

55. Resp. III. Inter præstantiores orationes vocales privatas, est etiam Rosarium B. V. Mariæ; cum enim hoc ex meris *Pater* & *Ave* constet, hæc autem duæ orationes vocales privatae sint præstantissimæ juxta dicta, consequens est, Rosarium quoque inter præstantiores, Deo, & Virgini B. Mariæ Matri ejus gratiores, nobisque utiliores orationes esse: quod etiam pluribus revelationibus Divinis confirmatum, & mirabilis efficacia Rosarii innumeris, iisque mirabilibus effectibus comprobata habetur.

56. Solùm hic notandum, quòd Rosarium B. V. Mariæ variè accipiatur, uti bene advertit Navarrus in *Miscell. de Rosario*: & quidem *In primis* pro longiore ex 150. *Ave Maria*, & 15. *Pater noster*, quod communiter *Psalterium* vocatur, eò quòd *Psalterium* Davidicum constet 150. *Psalmis*, ut *Marianum*, 150. *Ave Maria*, *Secundò* sumitur pro tertia parte *Psalterii*, seu pro 50. *Ave Maria*, & 5. *Pater noster*. *Ter-*

Qq

110

siò pro 63. *Ave Maria*, in memoriam tot annorum, quibus B. V. Mariam vixisse aliqui asserunt. *Quartò* pro 72. *Ave Maria*, & 7. *Pater noster*, in memoriam tot annorum, quibus B. Virginem Mariam vixisse alii referunt, quibus addi solet unum adhuc *Ave Maria* pro summo Pontifice, & sic sunt 73. *Ave Maria*.

57. Resp. IV. Cursus quoque B. V. Mariæ, si ex privata devotione persolvitur, inter præstantissimas orationes vocales privatas numeratur. Ratio est; quia ad modum Horarum Canoniarum ab Ecclesia, dictante Spiritu Sancto formatus, & vel inde etiam Oratio, DEO, & B. V. Mariæ ejus Matri gratissima, & nobis utilissima est. Dicitur autem notanter: *si ex privata devotione persolvitur*: si enim ex præscripto Ecclesiæ in Choro recitatur; oratio publica est, & easdem prærogativas, supra à Num. 31. allegatas habet.

58. Resp. V. Cæteris paribus orationes vocales privatæ, quæ ab Ecclesia formatæ, vel ex Scriptura desumptæ sunt, præstantiores, & efficaciores sunt cæteris, propriò, vel alienò privatò arbitriò formatis. Ratio patet; quia,

cùm verba Scripturæ sint verba Dei, & Ecclesia in omnibus regatur à Spiritu Sancto, consequenter etiam ipsius verba à Spiritu S. proveniant, utique majorem efficaciam habent, quàm quæ ab homine proveniunt. Dicitur autem notanter: *cæteris paribus*: quia, si oratio per Ecclesiam formata minori, alia verò, propriò, vel alienò privatò arbitriò humanò formata, majori devotione, attentione, reverentia persolvitur, utique hæc præstantior erit illa.

59. Resp. VI. Inter reliquas orationes vocales, privatò iudiciò humanò formatas, *Peto*, inquit S. Bonaventura *Lib. de Perfect. Religios. cap. 72. non posse super hoc uniformem dari regulam, sicut de cibis corporis diversis diversa conveniunt, cum modò illud magis delectet edentem, modò aliud. Sed hoc videtur tunc esse fructuosius, quod orantem magis secundum Deum delectet, & devotionis spiritum promptius excitet, & mentis fiduciam erigat in Deum.*

60. Quæritur VI. An, quantum, & quibus præstet vacare orationibus vocalibus privatis? Resp. I. Omnino præstat, Deo gratum, & utile est Religiosis, præ-

præsertim junioribus persolvere quotidie aliquas saltem orationes vocales privatas. Ita namque verbis, & exemplis docuere ferè omnes sanctæ, & perfectæ animæ, idque propter maximos fructus, & effectus, quos oratio etiam vocalis privata profert ex supra dictis. Dicitur notanter præsertim junioribus: nam, ut docet S. Bonaventura *loc. cit.* *Incipientibus, & rudibus hominibus, & affectu devotionis necdum imbutis, magis expediunt, ut saltem consuetudo moveat ad orationis studium, ne semper vagi circa exteriora, à DEO fiant alieni, & frigidi torpeant, & nunquam aliquo devotionis igne calefiant.*

61. Resp. II. Ordinariè non expedit nimis multas, bene verò paucas, easque meliores, & selectiores quotidie, & constanter persolvere orationes vocales privatas, nisi obedientia, vel melior occupatio aliud suadeat, aut infirmitas, vel alia causa impediat. Quòd multas quotidie recitare non expedit, communiter docent Ascetæ, & SS. Patres, in specie S. Bonaventura, & S. Theresia. Ratio est: tum, quia Perfectio Religiosa non consistit in oratione vocali, quamvis

bene, & discretè adhibita præstans medium sit ad illam: tum, quia nimias quotidie si quis habet, plerumque minùs devotè, minùsque debitè illas persolvit, utpote magis sollicitus, ut omnes integrè, quàm devotè, ac debitè persolvantur, ex deceptione dæmonis putans, illa die sibi omnino bene esse, quo omnes suas privatas preces, ac devotium culas integrè, etsi imperfectè, tepidè, ac indevotè persolvit, cum tamen certum sit teste Lessio, melius esse, unum *Pater noster*, & *Ave Maria*, semel duntaxat, sed debitè, ac devotè recitare, quàm illud exigua cum devotione, & attentione cursim centies repetere: & teste S. Ambrosio, Deo gratius, & oranti utilius est, unum Psalmum debita cum attentione; & devotione recitare, quàm totum Breviarium indevotè, & inattentè percurrere.

62. Insuper, ut S. Bonaventura sæpe *cit. cap. 72.* bene advertit: *Speciales orationes quibusdam minùs expediunt: addit rationem; quia, si nimis psalmorum & similium orationum multiplicationibus intendunt, & spiritum obnunt, devotionem impediunt, cordis libertatem quasi quodam pondere prævast,*

vant, dum melioribus oblati, minus pro illo tempore utilibus inbarent, sitque alia utiliores occupationes impedirentur.

63. Additur hinc notanter in responsione: *nisi obedientia, vel Melior occupatio aliud suadeat. quia Melior est obedientia, quam victima.*

1. Reg. 15. v. 22. Et sicut inter duo mala minus, ita inter duo bona melius est eligendum; consequenter, si instat, vel urget melior labor, aut occupatio, cum integra precum privatarum perfolutione impossibilis, illum obire, & has omittere oportet.

64. Errant proin, qui inquieti, impatientes, aut turbati sunt, vel murmurant, dum à Superioribus injunguntur talia negotia, per quæ à privatis devotionibus, & precibus suis impediuntur.

65. Errant etiam ij, qui juxta mox citatam mentem S. Bonaventuræ occupationibus & laboribus melioribus oblati, minus pro illo tempore utilibus orationibus vocalibus scrupulosius inbarent: ut si propter has debitam scitu necessarium, vel admodum utilium scientiam, lectione; aut studiò comparandam, acquirere vel omnino re-

linquunt, vel requisitum tempus non impendunt, vel debita charitatis; Deo semper gratissima, obsequia denegant.

66. Errant quoque, qui contra consilium Superiorum, Medicorum, vel aliorum, propriæ voluntati, & judicio pertinaciter adherentes; hujusmodi preces privatas infirmi, vel sani quidem, sed cum destructione sanitatis, capitis &c. indiscretè integrè perfolvere volunt.

67. Resp. III. Inter orationes vocales privatas, omnium primò perfolvendæ sunt, quæ ex Statutis, vel dispositione, consilio, & admonitione Superiorum incumbunt. Ratio est; quia de talibus certum est, eas præ aliis Deo gratas, & nobis utiles esse, hoc ipso, quòd, quæ sunt de voluntate, & beneplacito Superiorum, sint etiam de voluntate, & beneplacito DEI, juxta illud Luc. 10. v. 16. *Qui vos audit, me audit.*

68. Resp. IV. Si perfolutis ex præscripto Superiorum incumbentibus orationibus vocalibus privatis, tempus, officium, negotia &c. patiuntur, præstat habere sequentes, vel saltem aliquas ex eis, videlicet

69. Primò. Aliquam orationem,

nem, vel devotionem vocalem in honorem SS. Trinitatis: quamvis enim cuncta per totum diem fiant primario, & principaliter, ac redundent in laudem, & gloriam SS. Trinitatis (uti matutina oblatione contestamur) at tamen decet, ut aliqua devotione peculiari veneremur eandem, eò quòd honor, laus, gloria, beneplacitum, & gaudium SS. Trinitatis, sit primarius ab æterno intentus, & iustissimus finis omnium creaturarum, earumque actuum, passionum, & omissionum, consequenter devotio; gloriam & honorem illius singularissimè respiciens, sit omnium aliarum princeps.

70. *Secundò.* Præstat habere brevem aliquam devotionem vocalem in honorem, & gloriam amantissimi Redemptoris nostri JESU Christi; & quidem in memoriam, & gratitudinem Vitæ, ac Passionis illius. Ratio est; tum, quia amantissimo Redemptori nostro innumeris ex titulis omnis veneratio, laus, & honor debetur; tum, quia grata memoria Vitæ, & Passionis illius, eidem summopere placet, & miram utilitatem affert.

71. *Tertiò.* Præstat habere de-

votionem aliquam vocalem erga SS. Eucharistiæ Sacramentum; quia & hæc summè debita, DEO gratissima, & nobis utilissima est.

72. *Quartò.* Omnino etiam præstat habere aliquam devotionem & cultum in honorem B. V. Mariæ, quia hunc tanquam Deo gratissimum, B. V. Mariæ debitum, nobis summè meritorium, mirabiliter ad omnia efficacem, omnes sancti, præsertim Seraphicus Doctor noster S. Bonaventura, & Ascetæ unanimiter prædicant, & suadent.

73. *Quintò.* Dignum & iustum est, Deo gratum, & nobis utile, habere etiam brevem aliquam devotionem vocalem erga Sanctum Angelum Custodem nostrum, utpote cujus curæ providentissimè à SS. Trinitate sumus commissi; qui etiam propterea pericula, & necessitates nostras magis scit, & ordinariè nos magis juvare potest, quàm quivis alius Sanctus, prout etiam omni momentò copiosa beneficia confert, custodiendò, protegendò, illuminandò, adjuvandò, excitandò &c. ut proin post Deum, & B. V. Mariam, Angelus Custos magis, quàm quivis alius San-

Sanctus nos juvet, indèque etiam magis, quàm cuivis alii Sancto obligati existamus.

74. *Sextò.* Juxta exemplum, & consilium SS. Patrum valde conducit, habere speciales aliquos Patronos, quos præter alios cultus oratione aliqua quotidie honoremus.

75. *Septimò.* Etiam in consolationem animarum in Purgatorio præstat quotidianam habere devotionem; pro quibus orare, quàm gratum DEO, & nobis quàm utile sit, obvia exempla docent.

§. III.

De Requisitis ad Orationem vocalem debitè & perfectè faciendam: ubi & de principiis practicis circa eam.

76. **M**ulta equidem hætenus de natura, præstantia, utilitate, & necessitate orationis vocalis dicta sunt, ita, ut ad æstimandam, amandam, & frequentandam orationem vos persuasos esse, minimè dubitetur; tamen parùm, aut nihil proderit, nisi etiam id, quod Paragraphi hujus rubrica continet, vobis declaretur, docendò, quomodo in praxi debitè & perfectè orare possitis, & debeatis; quia non sufficit æstimare, amare, & frequentare orationem, multùmque orare, nisi etiam bene, & debitè oretur.

77. Planè summopere dolum, & lacrymis sanguineis de-

plorandum, quòd miseris, tepidisque his mundi temporibus vix sit aliquid, vel actio aliqua, per quam frequentius inhonoratur, & venialiter offenditur Deus, quàm in oratione, & per orationem, utpote quæ à plurimis ordinariè non debitè, & bene, sed malè, & peccaminosè, quippe vel sinè debita attentione, vel sinè reverentia, & devotione peragitur; indèque fit, quòd per idipsum, (orationem nempe) per quod Deus quotidie, & quasi continuò honorari, & placari deberet, donaque & auxilia, & gratiæ ab ipso impetrari pro votis possent, quotidie à plurimis ordinariè injuriatur, offen-

offendatur; & ad puniendum provocetur, ac (quod potissimum, ac sanè stupendum) nil minus, quàm de tollendo hoc peccaminoso orandi modo curetur, aut cogitetur, dum subin etiam, qui aliàs perfectiores esse censentur, distractè, vel inattentè, aut præcipitanter, & irreverenter, vel tepidè, indevotè, ac negligenter orationes suas tam publicas (Breviarium nempe) quàm privatas persolvendi malam consuetudinem, & habitum possident, cumque deponendi, vel nullam, vel certè non sufficientem, ac debitam curam, & diligentiam adhibent.

78. Queritur itaque I. Quænam conditiones præviè requirantur ad orationem vocalem, debitè instituendam? Ante Responsionem nota, ad orationem perfectè instituendam requiri aliqua ante orationem, aliqua in seu sub oratione, aliqua post illam: quæ ut faciliùs capiantur, & retineantur, de singulis distinctè loquemur. Jam de iis, quæ requiruntur præviè

79. Resp. Ante orationem necessariò requiritur debita ad eam præparatio: ita enim expressè mandat Spiritus S. *Eccli. 18.*

v. 23. Ante orationem præpara animam tuam, & noli esse quasi homo, qui tentat Deum. Verè enim, ait S. Bonavent. in Regul. Novit. cap. 2. Orator dicitur tentare Deum, quando absque cordis præparatione currit ad vocalem orationem. Ratio est; quia cum juxta communem SS. Patrum oratio, prout decet, & oportet, fieri non possit sinè prævia præparatione, utique tentare Deum dicitur hoc ipso, quòd DEUM tentare aliud non sit, quàm aliquid perficere, aut consequi velle, sinè ordinariis, & necessariis ad hoc requisitis mediis: totius itaque orationis successus potissimum dependet à studiosa præparatione. Quales volumus in oratione inveniri, taliter debemus nos priùs præparare: erat commune dictum apud antiquos SS. Patres teste S. Bonaventura loc. cit. ubi addit. Si vis officii in oratione, præpara cor tuum ad devotionem: qui sinè præparatione orationem instituit, non tantum malè orabit, sed etiam omni petitionis effectu carebit: prout loc. cit. idem testatur S. Bonavent. illis verbis: Vix, aut nunquam poterit impetrare, quia talis non est devotus Orator, sed verborum latrator. dum e contra, qui priùs se debitè præparat,

parat, præter felicem orationis
successum, etiam optatum ha-
bebit orationis effectum, juxta
illud *Psalm. 9. v. 38. Præparationem*
cordis eorum, audivit auris tua.

80. Quæritur II. In quibus
consistat, & quomodo in praxi
fieri debeat præparatio ante ora-
tionem vocalem? Resp. I. Præ-
paratio ante orationem sequen-
tia potissimum exigit puncta.
Primo exigit, ut oraturus se bre-
viter recolligat, & consideret,
quàm excellentem actum exer-
cere nunc velit, vel debeat, videli-
cet loqui, & conversari cum Deo.
laudandò, adorandò, & benedicen-
dò ipsum, ei que gratias agendò, &
invocandò, idque in conspectu,
& præsentia DEI, Angelorum,
et totius Curie coelestis, &
quidem (si orationem publicam
peragit) nomine totius Eccle-
siae, & pro tota Ecclesia. Nam,
ut S. Bonaventura *Spec. Discepl.*
c. 12. cum Hugone de S. Victore
ait: *Sic. Orationi sancta meditatio*
neccessaria est, ut omnino perfecta esse
oratio nequeat, si eam meditatio non
comitetur, aut præcedat.

81. *Secundo.* Ut cum vera fide
memor sit præsentiae Divinae, &
coram eadem se humiliet, seque
intuitu sui nihili, & malitiæ, mi-

nimè dignum reputet, quòd in
conspectu Divino compareat, &
multò minùs, quòd laudem ejus
pronuntiet, vel ab eo exaudia-
tur: quia oratio humiliantis se,
Deo semper accepta, & ad obtri-
nendum efficax est, juxta illud
Judith. 9. v. 16. Humiliatus & man-
suetorum semper tibi placuit deprecati-
o. Et *Ecclesi. 35. v. 21. Oratio humi-*
liantis se nubes penetrabit, & donec
propinquet, non consolabitur, & non
discedet, donec Altissimus aspiciat. Un-
de Abraham ante orationem se
humiliavit dicens: *Loquar ad Do-*
minum meum, cum sim pulvis & cinis.
Gen. 18. v. 27.

82. *Tertiò.* Perutilis, imò, si
quis in statu disgratiæ est, neces-
sariò requisita est prævia contri-
tio de peccatis, quæ per confes-
sionem deletanondum sunt. Ra-
tio est; quia nec laus in ore pec-
catoris DEO placet, nec oratio
ejus exauditur à DEO. Quòd
non placeat DEO, testatur Spi-
ritus S. *Ecclesi. 15. v. 9. Non est spe-*
ciosa laus in ore peccatoris. Imò,
Deus quasi avertatur orationem
ex ore peccatoris procedentem;
quia, dum ore laudat, vitâ sper-
nit, male dicit Deum, uti bene
observat S. Augustinus in *Psalm.*
102. ad finem. Omnes mure viventes,

nisi lingua taceant, vita Dominum maledicunt; quid prodest, quia hymnum cantat lingua tua, si sacrilegium exhalat vita tua. Hinc apud Psalmistam Psalm. 49. v. 16. & 17. indignans peccatori DEUS dixit: *Quare tu enarras iustitias meas, & assumis testamentum meum per os tuum? tu verò odisti disciplinam, & projecisti sermones meos retrorsum.*

83. Quòd verò insuper non exaudiat orationem peccatoris, pluribus in locis testatur S. Scriptura, uti Joán. 9. v. 31. *Scimus, quia peccatores Deus non audit; sed, si quis Dei cultor est, & voluntatem ejus facit, hunc exaudit.* & in ejusdem Epist. 1. cap. 3. v. 21. & 22. *Si cor nostrum non reprehendit nos, fiduciam habemus ad Deum, & quidquid petierimus, accipiemus ab eo.* Judæi frequenter, & diu oraverunt ad Deum, & tamen non exaudivit eos ob peccata eorum, prout habetur Isa. 59. v. 2. *Iniquitates vestra dividerunt inter vos, & Deum vestrum, & peccata vestra absconderunt faciem ejus à vobis, ne exaudires.*

84. Porro contritio valde utiliter etiam ab illo præmittitur, qui non quidem gravis, tamen unius, vel plurium peccatorum.

venialium se reum scit, quia & hæc laudem saltem minùs acceptam efficiunt, devotionem, & fiduciam minuunt, & orationis efficaciam debilitant, si poenitentia priùs non deleantur. Imò utile, & consultum est, ut etiam nullius, sive gravis, sive levis peccati de præsentì sibi conficius, contritionem orationi præmittat de peccatis præteritis, ob quæ se peccatorem, & propterea laude Divina, & exauditione indignum humiliter confiteatur, & doleat; taliter enim poenitentis, & se humiliantis laus, & oratio DEO acceptior, & sibi utilior certè subsequetur.

85. *Quarò.* Includit, & exigit præparatio bonam intentionem, & oblationem orationis, ne videlicet sola necessitate coacti, aut ex tepida consuetudine, vel vana gloria, hypocrisis, aut alio vano motivo, sed ideo principaliter laudemus, oremus, & invocemus Deum; quia laudari, rogari, & invocari vult, & desiderat, ac speciale desuper beneficium placitum habet, donaque, & gratias nobis necessarias, non nisi mediante oratione, nobis largiri vult; & quia per orationem eo

maximè cum Deo unimur, & ad ea, quæ Deus à nobis exigit, pervenimus.

86. *Quintò.* Includit præparatio bonam voluntatem, & efficax propositum, debitè, ac perfectè persolvendi laudem Divinam & orationem; consequenter etiam omnes distractiones, aliòsque defectus, & causas earum evitandi: e contra verò ea, quæ pro oratione bene persolvenda faciunt, præsertim verò jugem memoriam præsentis Divinæ, adhibendi: sicut enim ad omnia, ita etiam ad orationem perfectè faciendam fervens desiderium, & bona efficax voluntas plurimùm contribuit; debet tamen istud propositum fieri cum resignatione in Divinam voluntatem etiam ad desolationes, ariditates &c. pro Divino beneplacito perferendas.

87. *Sextò.* Exigit Præparatio præviam invocationem auxilii, & gratiæ Divinæ; eò quòd debitè orare sit donum Dei, consequenter ab eodem humillima invocatione flagitandum. Unde Ecclesia ante omnes Horas pro auxilio bene orandi Deum humillimè invocatur per illam orationem: *DEUS in adjutorium*

meum intende, Domine ad adjuvandum me festina. ex *Psalms. 69. v. 2.*

88. *Septimò.* Requirit, ut seponamus omnem curam, & sollicitudinem de quacunque re, vel negotio, sive sacro, sive profano, & ab eo animum avellamus; cum enim oratio sit omnium negotiorum maximum, omnino decet, ut orationis tempore in ea sola toti, sinè ulla cura ad aliud, occupemur, & propterea omnem curam rerum aliarum ante orationem dimittamus, reassumpturi illam iterum suo tempore; nam *Omnia tempus habent. Eccle. cap. 3. v. 1.*

89. Hoc requisitum qui non observat, multis distractionibus in oratione subjacebit; quia diabolus nunquam magis, quàm orationis tempore, varias curas, ac sollicitudines de officiis, negotiis, & rebus nostris ingerere, cogitationesque pro illis optimas ac utilissimas, aliàs vix occurrentes, suggerere solet, ut illis indulgentes, & inhærentes, à debita attentione, & sanctissima cum Deo unionem avulsi, orationem debitè non persolvamus, & fructus illius non percipiamus. Ad obviandum huic diabolice fraudi, pro firmo semper habendum,

dum, & observandum est principio, orationis instante tempore omnes curas, & sollicitudines de quacunque re dimittere, ac Deo committere, certissimeque credere, quòd, si tunc propter Deum omnes alias curas, & cogitationes etiam optimas dimittimus, & rejicimus, Deus interea res, & negotia nostra, & quidem melius curaturus, & easdem bonas, vel meliores de ijs cogitationes suo tempore sit immisurus.

90. Resp. II. Quantum ad praxin præparandi se ad orationem, id observare præstat, ut ante orationem publicam, Horas nempe Canonicas, sive in Choro, sive extra Chorum persolvendas, præparatio condigna, & longior fiat; ante orationem privatam verò præparatio longa, vel brevis, pro diversitate orationis longæ, vel brevis, præmittatur, ita tamen, ut saltem brevis actus humilitatis, bonæ intentionis, & invocationis pro auxilio semper concurrat.



Præparatio

Ante Orationem publicam, seu Horas Canonicas sequens, vel similis fieri poterit.

91. „O Anima mea! adest iterum felicissima hora, „qua actum præstantissimum, „Deo tuo gratissimum, tibi, & „aliis utilissimum, ad omnia obtinenda efficacissimum, & munus Anglicum exercere potes, ac debes, loqui videlicet „cum immensa illa, quam præsentissimam credis, Majestate „Divina, illam spectante tota coelesti Curia adorandò, laudandò, benedicendò, & invocandò verbis ab eadem præscriptis, „modòque prorsus Angelico, & „coelesti, idque nomine totius „Ecclesie. Sed cheu! clementissime, præsentissime, ac imense Deus, munere hoc Angelico me indignissimum reputo, nec enim dignus, ut in „conspectu tuo appaream, multò minnùs, ut laudem tuam in „os meum assumam, vel à te exaudiar, quia peccator sum, & „quidem maximus, utpote qui

R. 20. 100 „innu-

„innumeris peccatis, & iterum
„recenter N. N. te offendi.

„Verum O misericordissime
„Deus, ex corde doleo, & poe-
„nitet me, quod te, quem super
„omnia amo, & semper amare
„debuissim, unquam offende-
„rim; propono firmissime te
„non amplius offendere, sed
„semper amare, tuamque san-
„ctissimam Voluntatem in om-
„nibus adimplere.

„Et propterea; quia tu nunc
„vis, & præcipis, & quia tibi pla-
„cet, ex corde desidero; volo,
„& intendo nunc in unione lau-
„dis, & orationis JESU Christi,
„omni possibili reverentia, ac
„submissione, firmæque fide, &
„fiducia, adorare te, & laudare,
„laudansque invocare nomine
„totius Ecclesiæ, pro ejusdem
„exaltatione, hæresum extirpa-
„tione, Principum Christiano-
„rum unionem, pro Pontificis ho-
„stro N. pro Cardinalium Col-
„legio, præsertim Protectore
„nostro, pro Episcopis, & Sa-
„cerdotibus; pro omnibus Or-
„dinibus Religiosis, Ordine præ-
„sertim, Provincia, & Conventu,
„& Superioribus nostris; pro
„Parentibus, Fratribus, Sorori-
„bus, conjunctis, & omnibus

„Benefactoribus &c. ac specia-
„liter etiam pro me miserrimo;
„præsertim ad N. N. &c. pote-
„ris hic addere specialia, quæ pro
„te, vel aliis obtinere vis, v.g. pro
„certis virtutibus, pro certis ne-
„gotiis vel causis:

„Quoniam verò sine te nihil
„possum, adjuva me, ut juxta
„Divinum beneplacitum tuum
„valeam te laudare, & laudans
„invocare.

„Quare aperi Domine os
„meum ad benedicendum. No-
„men Sanctum tuum &c. (ut in
„communi Ecclesiæ præparatio-
„ne), „discedite à me, & abeste
„nunc omnes aliæ cogitationes,
„curæ, & negotia, committo
„vos interea curæ, & providen-
„tiæ DEI.

„Hanc, aut, similem præpara-
„tionem Charissimi + si Divino
„Officio præmittitis, Deo mul-
„tùm placebitis, orationemque
„sequentem valde gratam DEO,
„& vobis utilem reddetis.

Nec dicat aliquis, eam nimis
longam; nam contra est; quia
intra leve temporis spatium, u-
nius vel alterius *Pater noster* fieri
poterit, quod utique devotæ
animæ longum non est; nec mul-
tum temporis peribit, si tam levī
spatiō

spatiò Laus Divina prolongetur: tum, quia à debita præparatione prævia ferè totus succesus laudis, & orationis sequentis dependet, juxta dicta superius: tum, quia etiam non est necesse, ut etiam urgente temporis angustia fiat, sed potest tunc alia brevior, juxta dicenda paulò infra, præmitti.

Præfatam ergo, vel similem exactiorem præparationem facite *Primo*. Quotiescunque Horas Canonicas in Choro persolvitis: tunc enim, si, uti debetis, maturè Chorum acceditis, sufficientissimum ad eam faciendam tempus habetis, etiam quando impediti, ante campanæ signum in Choro non comparetis; dummodo audientes primum signum, præparationem statim incipiat; & in via ad Chorum continuetis: *Secundo*. Illam adhibete etiam, quando ex legitima causa extra Chorum Horas Canonicas persolvitis; si tempus vobis non deficit. *Tertio*. Extra Chorum eandem semper præmittite ante Matutinum, seu initium totius Breviarii, eamque in reliquis parvis Horis, si tempus deficit, vos per brevem actum præparate. Si verò ex rationa-

bili causa tempus deficeret, vel ad alia necessarium videretur, potest quis breviorē aliquam ex sequentibus præmittere præparationem.

Præparatio Brevis.

92. „O Anima mea! jam iterum potes, & debes „Officium Angelicum & coeleste „exercere, laudare videlicet, & „invocare DEUM. Sed, O Deus „amantissime, non sum dignus, „ut assumam laudem tuam in os „meum, vel exaudiar à te, quia „peccator sum, & quidem maximus, doleo tamen, & poenitet „me, quòd te summum Bonum, quod super omnia diligo, „unquam offenderim, propono „firmissime amplius non peccare, sed semper te amare, tibi quo „fideliter servire, & ideo, quia „tu vis, & præcipis, ut laudes, & „preces nunc tibi persolvam, id „omni possibili humilitate, & „reverentia, fide, & fiducia, me „inor præsentia tuæ faciam, in „unione laudis, & orationis, „quam Christus JESUS, ejusque „B. Mater, & Angeli, omnesque „Sancti persolverunt, intentioneque tibi gratissima, & pro „illis,

„illis, pro quibus magis rogari
 „vis, præsertim verò pro N. N.
 „Adjuva me, quia sinè te nihil
 „possum: abeste nunc omnes
 „curæ, & cogitationes aliæ.

Alia adhuc Brevior.

„O Immenſa, præſentiſſima
 „Majeſtas! non ſum di-
 „gnus, ut laudem tuam ſumam
 „in os meum, & rogans exaudiar
 „à te; verumtamen, quia vis,
 „& præcipis, volo in ſpiritu hu-
 „militatis, & animo contrito,
 „omni poſſibili reverentia, &
 „plena fiducia, in unione laudis,
 „& orationis JESU, Mariæ, &
 „omnium Sanctorum, te lauda-
 „re, & laudans invocare pro om-
 „nibus, pro quibus rogari vis,
 „ſpecialiter verò pro Eccleſia
 „Catholica, pro N. N. &c. adju-
 „va me, quia ſinè te nihil poſſum.
 „Procul à me jam omnes cogi-
 „tationes, & curæ aliæ.

Alia adhuc oratio præparatoria
 ante Horas Canonicas dici
 ſolita habetur ad initium Bre-
 viarii, videlicet: *Aperi Domine*
os meum &c.



Præparatio

Ad Curſum B. V. Mariæ, &
 ante ejusdem Roſarium.

„Nunc iterum conceditur mi-
 „hi id, quod DEO ſummè
 „placet, & mihi ſummè prodeſt,
 „honorare nempe, laudare, &
 „invocare B. V. Mariam, idque
 „verbis, & modò DEO, & San-
 „ctiſſimæ Matri ejus gratiſſimis,
 „Curſu videlicet, ab ipſo Spiritu
 „Sancto per Eccleſiam dictato;
 „vel Roſariò, meris præſtantiſſi-
 „mis *Pater & Ave* conſtante: &
 „licèt ſim indignus, ut te puriſſi-
 „mam, & immaculatam Virgi-
 „nem, & Matrem Dei, abomi-
 „nabilis ego peccator alloquar,
 „laudem, & invocem; tamen,
 „quæ tu Clementiſſima Mater
 „ſpeciale Refugium es peccato-
 „rum, in ſpiritu humilitatis, &
 „animo contrito, fiducialiter ad
 „te confugio, & ſequentes lau-
 „des, & orationes, cum laude &
 „oratione cunctorum tibi de-
 „votum, omni poſſibili reve-
 „rentia, & devotione perſolve-
 „re, & offerre deſidero, volo, &
 „intendo. Principaliter ad lau-
 „dem & gloriam SS. Trinitatis,
 „& Filii tui JESU Chriſti; dein
 „ad

„ad tuam quoque laudem, & honorem, pro me miserrimo, & aliis, pro quibus, & qualiter ut orem, Filius tuus, & tu vis rogari, specialiter tamen pro N. N. &c. Tu itaque dignare me laudare te Virgo Sacrata, da mihi virtutem contra hostes tuos.

93. Resp. III. Quamvis ante orationes breves omnino, præsertim jaculatorias, nec necesse, nec expediens sit, præparationem ex præfatis actibus constantem præmittere, tamen, si oratio privata omnino brevis non est, conducit aliquam brevem saltem, ex actibus humilitatis, intentionis, & invocationis, constantem præparationem præmittere. e.g.

Præparatio

Ante Orationes privatas,

94. O „Immenſe, ac miſericordiſſime. DEUS! ego „miſerrimus peccator non ſum „dignus aſſumere laudem tuam „in os meum, vel exaudiri à te, „tamen, quia cor contritum, & „humiliatum non deſpicias, ſed „ab eo omnino etiam laudari, „& rogari vis, hinc, quia vis, &

„tibi placet, in ſpiritu humilitatis, & animo contrito, omni „poſſibili reverentia, & devotione, laudabo, & laudans invocabo te, in unione laudis, & „orationis JESU Chriſti, B. V. Mariæ, & omnium ſanctorum, „pro NN. &c. adjuva me, quia „ſine te nihil poſſum.

95. Quæritur III. Quænam requirantur in, ſeu ſuboratione ad hoc, ut perfectè perſolvatur? Resp. Sequentia quinque requiri ad orationem perfectè faciendam; videlicet, ut fiat I. attentè, & devotè. II. humiliter, & reverenter. III. cum fiducia & fide. IV. frequenter, & perſeveranter. V. reſignatè; de quorum ſingulis ſingula ponamus quæſita.

96. Quæritur itaque IV. An, & qualis ad orationem bene, & ritè inſtituendam requiratur, & ſufficiat attentio? Ante Reſponſionem notandum, triplicem ad propoſitum eſſe: attentionem. *Prima* eſt ad verba, qua orans attendit ſaltem ad verba, ut bene, & perfectè ea pronuntiet, ne in illis erret, vel aliqua omittat, aut corruptè, & ſyncopatè pronuntiet.

97. *Secunda* eſt ad ſenſum verborum, qua orans non tantum atten-

attendit ad verba, sed etiam ad eorum sensum, seu ad id, quod significant.

98. *Tertia* est ad orationis finem, qui est Deus, vel id, quod petitur; dum nempe orans vel attendit ad id, quod petit, vel desiderat, vel ad DEUM, quem orat, vel laudat, quod ultimum attendere (nempe ad DEUM) variè, ac multipliciter fieri potest, hoc ipso, quod variis, ac multis modis, seu piis actibus erga Deum sub oratione affici, eique attendere quisque valeat: v. g. potest quis etiam absque attentione ad proprium verborum sensum, gaudere, & letari, quòd hoc modo Deus laudetur, & sanctificetur Deus omni laude dignissimus, utpote ter Optimus, Sapientissimus &c. de quorum aliquo, vel pluribus attributis Divinis sub oratione cogitare, indeque erga ipsum affici, sicque eidem intendere, & attendere, bene quis potest. Vel potest quis sub oratione, occasione illius, vel verborum ejusdem, ad amorem Divinum, ad spem, & fiduciam, ad Dei timorem, ad odium sui, vel desiderium rerum coelestium, aut aliam virtutem moveri, eique immorari; vel po-

test verborum sensum mysticum attendere, etsi interea magna orationis pars transeat, dummodo aliquam ad verba, ut integrè & perfectè pronuntiet, vel, ne in illis erret, aut aliqua omitat, attentionem retineat. Hoc notato:

99. Resp. I. Prima attentio, ad verba videlicet, absolutè est necessaria ad omnem orationem, etiam voluntariam, adeò, ut sinè illa orans, seu recitans preces obligatorias, Breviarium v. g. peccet mortaliter (datur tamen levitas materiæ) ille verò venialiter, qui sinè eadem persolvit orationem vocalem voluntariam. Ita communis tam Theologorum, quàm SS. Patrum, de quo magis in Theologia.

100. Resp. II. Ad orationem bene, & perfectè persolvendam prorsus non sufficit attentio prima, seu ad sola verba, sed omnino requiritur, ut habeatur etiam secunda, vel tertia, adeò, ut, si quis sinè harum duarum aliqua, v. g. solam primam habens, in, seu sub oratione ad alia vana, & profana, temporalia, aut carnalia, voluntariè distractus est, aut cogitat, debite, aut perfectè nunquam

quam oret, sed imperfectè, male, & peccaminosè, talique oratione DEUM magis offendat, quam honoret, plus irritet, quam placet, parùmque, vel nihil per eam impetret, utpote poenâ potiùs, quam præmiò, vel exauditione dignus. Ita clarè defumitur ex S. Scriptura, SS. Canonibus, SS. Patribus, & ratione.

101. Enimvero de taliter orantibus, tanquam malè agentibus, jam pridem conquestus est Deus Isa. 29. v. 13. *Populus iste ore suo, & labiis suis glorificat me, cor autem ejus longè est à me.* Et Psalm. 61. v. 5. *Ore suo benedicebant, & corde suo maledicebant.* quod utique faciunt illi, qui orè laudem Divinam pronuntiant, vel Deum invocant, & in corde nullatenus de DEO, nec de eo, quod petunt, sed de aliis vanis, aut profanis voluntariè cogitant, illisque lætantur, aut inhærent, & vel inde præsentì immensæ Majestati Divinæ, cui ore loquuntur, injuriam revera irrogant, eamque offendunt.

102. Sicut enim audientiam habens coram magno Rege terræ, eique loquens de magnis rebus, aut rogans pro gratiis sibi maxime necessariis, aut pro re-

missione poenæ. (quam occidendò v. g. filium ejus meritis erat) supplicans, si sub tali petitione Regi sinè respectu ad præsentiam, & Majestatem illius, interea tergum verteret, & pueros ludentes attenderet, vel cum servis jocaretur, & rideret, vel hinc inde sinè attentione, quid dicatur, circumspiceret, & picturas consideraret, Regi revera injuriam irrogaret, eumque plus offenderet, quam placaret, nec ab eo aliquid obtineret; sic multò magis malè agit, & immensæ illi Majestati cœli, & terræ injuriam infert, nec exaudiri, sed puniri meretur, si, dum eidem loquitur, ore, corde & animò nugas tractat, & sinè ullo respectu ad Deum præsentem, intò penitus ejus immemor, nec sciens, nec attendens, quid dicat, animò, nescio quæ, cogitat, & circumvagatur.

103. Audiamus desuper SS. Patres. *Valde indecens est* (ait S. Bonaventura de Perfect. vita ad Sorores, cap. 5.) *ut quis cum Deo loquatur ore, & aliud meditetur corde, & dimidium cor dirigat in cælum, & dimidium maneat in terra, & talis oratio nunquam exauditur à DEO.* Cui consonat illud D. Basilii apud

Navarrum loc. cit. cap. 13. n. 2. *Divinum auxilium est implorandum non remissè, nec mente huc vel illuc evagante, eò quòd talis non solum non impetrabit, quod petit, sed etiam magis Deum irritabit.* Nam, ut dicitur *Joan. 4. v. 24. Spiritus est Deus, & eos, qui adorant eum, in spiritu & veritate oportet adorare.* hinc dicit Apostolus cap. 5. v. 19. *ad Ephef. Cantantes, & psallentes in cordibus vestris Domino: super quo textu S. Hieron. relatus can. 1. dist. 92. dicit: Audiant ij, quibus psallendi in Ecclesia officium est, Deo non voce, sed corde cantandum.* ubi Glossa adjicit illos Versus:

*Non vox, sed votum, non musica
choraula, sed cor,*

*Non clamor, sed amor clamat in
aure DEI.*

Cui concordat illud vulgatum:
Si cor non orat, in vanum lingua laborat.

104. Quare S. Bernardus *Lib. de Anima, seu Medit. devot. cap. 8.* ait: „Magnam injuriam DEO „facio, cum illum precor, ut „meam precem exaudiat, quam „ego, qui fundo, non audio (id est, quid dicam, non attendo) „deprecor illum, ut mihi intendat, ego verò nec mihi, nec illi

„intendo, sed quod deterius est, „immunda & inutilia, in corde „versandò, foctorem horribilem „ejus aspectibus ingero. S. Ephrem *Tom. 2. in illud Attende tibi. cap. 10.* „Cum ad orandum te „composueris, noli vaga ac „disstracta mente esse, ne quasi contemnens videaris. Idem *de Panoplia.* „Mi frater, non nimium festines tuam impleri „orationem: in scientia ora, ut „scias, pro quibus Deum postules, & cur ipsum ores, ne perperam superflua, ac multa verba effundas. Item Vincentius Bellovacens. *spec. mor. Part. 10. dist. 33.* ait: „Non plus delectatur Deus in oratione vocali sine „attentione mentali, quàm in „garritu avium, vel in grunntu „porcorum.

105. Porro ad orationem vocalem quamcunque attentè faciendam, insuper quemlibet movere potest, & debet, quòd longè facilius sit attentè orare, quàm disstractè; quia, si quis attentè orat, uni rei & objecto intendit, ac occupatur animus, si quis verò distractus orat, pluribus intendit, & pluribus occupatur; utpote, qui simul orationi saltem quoad verba, & simul aliis attendit, & hoc

hoc ipso magis gravantur potentia internæ, memoria præsertim, & intellectus unâ cum phantasia fatigatur; nam, quò pluribus simul intendit, eò magis fatigatur animus, quia, *Pluribus intentus, minor est ad singula sensus.* Hinc monet Spiritus Sanctus *Eccli. 11. v. 10. Filii ne in multis sint actus tui.* Item *cap. 38. v. 25. Qui minoratur actu, sapientiam percipiet.* Notatu dignissimum est, quod ad propositum ait Navarrus in *Enchirid. de Orat. Oratio*, inquit, *attentè facta, requies anima est, aliter facta sedium est.*

106. Et hæc cuncta intelligenda sunt non tantum de oratione publica, sed etiam de oratione privata vocali, & voluntaria v.g. Rosario; quia, quamvis nullus sub peccato teneatur huiusmodi orationem persolvere; attamen, qui vult persolvere, tenetur eandem debite, & prout natura orationis exigit, peragere: est autem contra naturam orationis, orare, & non attendere ad eum, quem quis orat, nec ad id, quod orat, ut proin etiam sub oratione privata vocali venialiter peccet, qui sub ea voluntarie distrahatur est.

107. Resp. III. Ad orationem debite, & perfecte instituendam, præter Primam attentionem ad verba, disjunctivè sufficit Secunda, vel Tertia attentio. Et quamvis juxta communem SS. Patrum sensum Tertia sit perfectior Secunda, Secunda tamen etiam valde bona, & perfecta, sanctè erudiens, & instruens, multum etiam consolatoria, simulque facilior, imò secundum Cardinalem Bonam in *Horologio Ascetico, cap. 3. §. 3.* non tantum facilior, sed etiam utilior est; ait enim: *Est autem hac attentio ceteris omnibus facilior, utilior, atque evagationibus minus subjecta, sanctorumque Patrum documentis, ac Ecclesie spiritui magis conformis:* quam proin SS. Patres plurimum suadent calentibus linguam latinam, præsertim doctioribus. S. Augustinus in *Regula 3.* eandem suadet, dicens: *Cum oras Deum, versetur in corde, quod profertur in voce.* Et *Serm. 3. in Psalm. 30. Si orat psalmus, orate, & si gemit, gemite, & si gratulatur, gaudete, & si sperat, sperate, & si timet, timeat; omnia enim, quæ hic conscripta sunt, speculum nostrum sunt.* Idem docet, & rem magis declarat Casianus *Collat. 10. c. 11. Omnes*

326 Caput XII. De communibus, & quotidianis Operibus &c.

Psalmorum affectus in se recipiens, iam incipiet decantare, ut eos non tanquam à Propheta compositos, sed velut à se editos, quasi orationem propriam profunda cordis compunctione depromat, vel certè ad suam Personam asstimet eos fuisse directos, eorumque sententias non tunc tantummodo per Prophetam, aut in Propheta fuisse completas, sed in se quotidie geri, impleri que cognoscat &c. eundem namque recipientes cordis affectum, quo quisque decantatus, vel conscriptus est psalmus, velut auctores ejus facti, præcedemus magis intellectum ipsius, quam sequemur. Nec refert, quòd non omnia, sed aliqua tantum intelligamus; quia successivè semper plura intelligemus, præsertim, si cum tempore subinde etiam Psalmorum interpretem legamus.

108. Accedit, quòd laudata hæc Secunda attentio, sæpe etiam in Tertiam transire, & desinere possit, ut si quis v. g. attendit ad sensum alicujus versus, vel partis orationis, & eidem sensui aliquamdiu inhærens, venit ad contemplandum DEUM, vel in admirationem ejus Potentiæ, Sapientiæ, Providentiæ, Bonitatis, Misericordiæ &c. vel gaudet, & lætatur in Deo, vel dolet

de peccatis, vel habet alium pium actum, vel affectum, & tamen interea pergit in oratione sua, non attendens ad sensum verborum, quæ interea profert, quod optime fieri potest.

109. Nam pro consolatione notandum, quòd nullus teneatur, nec etiam expediat, se strictè allegare ad unam ex Secunda, & Tertia, sed habeat quivis libertatem spiritus, possitque modò Secundam, modò Tertiam habere attentionem, prout nempe affectio, devotio, vel aliæ circumstantiæ suadent, vel exigunt, aut movent, vel occasionem præbent, ita, ut subinde quis possit habere, & continuare solam Secundam, attendendò nempe ad sensum verborum, idque habendò in corde, quod profertur in ore.

110. Vel potest eandem Secundam ita habere attentionem, ut sensui unius Psalmi, vel partis in oratione, v. g. *sanctificetur Nomen tuum*, attendens, illi diutius inhæreat, eumque ruminet, considerandò, ut DEUS semper & ubique ab omnibus honoretur, glorificetur, ametur, pergendò interea in oratione, & non attendendò ad aliorum verborum sensum,

sensum, donec forsan devotione, & affectu circa illam partem cessante, vel deficiente, & movente iterum alia parte, vel versu, pariter inhæreat sensui eidem, prout suadet doctissimus Navarrus. Vel potest quis habendô Secundam attentionem, & attendendô ad sensum unius, inde devenire ad Tertiam vel potest habere absolutè solam Tertiam.

III. Ex quo colligitur, quòd stante hac sancta libertate circa attentionem, & libera diversitate, non sit difficile, sed facile, ac jucundum, debita cum attentione orationem suam vocalem peragere, præsertim si accedat aliquando perfectè, & attentè orandi habitus, & praxis, per frequentatos actus generatus; nam, ut bene advertit S. Bonaventura *de Profect. Religios. lib. 2. cap. 69. Quantiò frequentius quis orat, tanto fiet ei oratio delectabilior, & efficacior: quantiò & rarius, tanto inspidior, & sadiosior.*

II2. Quæritur V. Quænam conducant ad fovendam necessariam attentionem sub oratione? Resp. Ad fovendam, & conservandam necessariam attentionem sub oratione, valde conducunt. I. Bona ante oratio-

nem præparatio, juxta superius dicta. II. Jugis memoria præsentis DEI, cum quo loquimur. III. Sensuum exteriorum custodia. IV. Loci, & temporis competentis electio. V. Omnium curarum & inordinatorum affectuum sepositio. VI. Juvat etiam ad habendam, & fovendam attentionem, præsertim Secundam, lectio alicujus interpretis in Psalmos; intelligentia enim illorum magis attentum reddit, ac devotum.

II3. Ad hoc pro consolatione vobis serviat Charissimi! quòd omnia S. Scripturæ, & Psalmorum textus ac verba sint plena mysteriis, variâsque significationes, & multiplicem sensum accommodatitium habeant, ita, ut quivis etiam privatus, verba, versus, & textus S. Scripturæ, & Psalmorum, ad varia, & diversimode, modò ad hoc, modò ad aliud pro suo fructu, instructione, vel consolatione spirituali moraliter applicare, & accommodare possit; prout nempe devotio, ac Spiritus Sanctus lumen, & gratiam dabit, aut inspirabit: *Quæcunque enim scripta sunt* (inquit S. Paulus *ad Rom. 15. v. 4.*) *ad nostram doctrinam scripta sunt.*

*ut per patientiam, & consolationem
Scripturarum spem habeamus.*

114. Quæritur VI. An, & qualis ad orationem perfectè faciendam requiratur reverentia, & humilitas, & in quo consistat? Resp. I. Omnino etiam, & quidem tam interna, quàm externa requiritur reverentia, & humilitas ad orationem perfectè faciendam: patet ex dictis, dictatque ipsa ratio, ut in consideratione tantæ, immensæ, ac infinitæ, cui præsentissimæ orantes loquimur, Majestatis, & e contra extremæ nostræ vilitatis, & indignitatis, non nisi summa cum humilitate & demississima reverentia orationem nostram incipiamus, & continuemus, semper indignissimos nos tantæ gratiæ, & favore reputandò, ut cum immensa illa Majestate loquamur, laudémque ejus pronuntiemus, eam nihilominus orantes, rogantes, & laudantes, quia à nobis, quantumvis indignis, laudari vult, indèque beneplacitum habet.

115. Resp. II. Externa reverentia & humilitas potissimum consistit in sequentibus: videlicet *Primò.* In decenti, humili, & reverentiali situ, ac compo-

sitione corporis; circa quam imprimis illud notandum, ut recitandò Horas Canonicas in Choro exactè serventur ceremoniæ à Rubricis, vel Statutis præscriptæ, ad standum, genuflectendum, inclinandum &c. Circa orationes privatas, licet non sit præscriptus certus corporis situs, ita, ut etiam jacendò, & sedendò fieri queat, tamen reverentiæ, & decentiæ magis congruum, indèque Deo magis gratum, & nobis magis meritorium est, ut (nisi causa rationabilis aliud suadeat, exigat, vel permittat) oratio vocalis non jacendò, vel sedendò, sed ad contestandam debitam erga Deum reverentiam, flectendò, vel saltem standò, aut modestè deambulandò fiat; sicut enim contra debitam reverentiam agere judicaretur plebejus aliquis, qui sinè justa causa jacendò, vel sedendò, Regi aut Principi supplicaret; sic etiam eidem reverentiæ repugnare videtur, jacendò, aut sedendò supremam illam Majestatem formatis orationibus vocalibus interpellare, eò quòd hic situs corporis humilitatem, & reverentiam non faciat; cum e contra eandem prodatur, simulque ad devotionem & reve-

reve-

reverentiam; humilitatēque internam moveat, aut juvet situs standi, vel moderatē deambulandi, præsertim verò flectendi, utpote qui ultimus modus summam reverentiam, & humilitatem externam ad orationem indicare solet: juxta illud *Psalm. 94. v. 6. Venite, adoremus, & procidamus ante Dominum.* hinc dicit Paulus ad *Ephes. 3. v. 14. Flecto genua mea ad Patrem Domini nostri JESU Christi.*

116. Dictum tamen est num. *preced.* notanter: nisi causa rationalis aliud suadeat, exigat, aut permittat. qualis est v. g. infirmitas, debilitas, fatigatio, vel aliud impedimentum; ob talem enim, vel aliam similem causam, perfectioni, & reverentiæ non obest, si etiam sedendō, vel jacendō oratio peragatur; præsertim si exinde ad orandum magis dispositum quis se sentit; quia, si certus situs corporis ad devotē & attentē orandum magis alicui conducit, vel juvat, absque irreverentiæ nota assumi potest, dummodo interna reverentia, ac humilitas habeatur, ut bene advertit Navarrus in *Enchirid. de Orat. cap. 6.*

117. *Secundō.* Reverentia exi-

git, ut oratio vocalis in compententi, & decenti loco peragatur; quamvis enim juxta communem SS. Patrum, memoria præsentis DEI, humilisque cum eo conversatio, ac brevis oratio mentalis in omni loco, etiam latrina v. g. absque ulla irreverentiæ nota fieri possit, ac debeat, conformiter doctrinæ Pauli 1. ad *Timoth. 2. v. 8. Volo viros orare in omni loco.* & S. Bernardus de *Meditat. c. 6. Ubique fueris, intra te ipsum ora; si longè fueris ab oratorio, noli querere locum, quoniam tu ipse locus es.* orationem tamen vocalem formatam v. g. Rosarium, Horas Canonicas &c. in loco indecenti v. g. latrinā orare, contra debitam reverentiam esse, volunt Ascetæ, nisi causa, vel necessitas excuset.

118. Porro ad circumstantiam loci pertinet, ne absque necessitate vel justa causa, oratio fiat in loco distractiones causante, v. g. ubi alii garriunt, ludunt, vel cantant. Enimverò in tali loco orare, est voluntariē se conjicere in varia distractionum, & irreverentiæ pericula. Optimus ad perfectē orandum locus, est Ecclesia, Oratorium, Cella, vel alius locus à communione & con-

confortio aliorum separatus; in tali enim loco tantæ non sunt causæ distractionum, nec ansa hypocrisis; & econtra adest optima occasio liberè effundendi cor ad Deum, & pro devotione faciendi suos ad DEUM affectus, hinc dicit Christus *Matth. 6. v. 6. Cum oraveris, intra cubiculum tuum, & clauso ostio ora Patrem tuum in abscondito.*

119. Dicitur autem *num. præced.* notanter, *absque necessitate, vel iusta causa;* ob hanc siquidem utique possumus etiam in confortio aliorum orare, dummodo mentem ab iis, quæ ibi sunt, vel dicuntur, avertamus; sic enim adhuc in cubiculo orare censemur, juxta illud Glossæ in *Clem. ap. de Reliquiis, & venerat. Sanctorum. §. Orationis.* ex Cassiano *Coll. 9. cap. 35. Intra cubiculum oramus, cum à cogitationum, & sollicitudinum strepitu, corde remoto, secretè & familiariter soli DEO preces nostras referamus.*

120. Tertiò. Exigit reverentia, ut fiat debita cum custodia sensuum, oculorum præcipuè, ne videlicet iis sub oratione hinc inde vagemur, nève cum aliis loquamur, vel eis loquentibus au-

res præbeamus, vel aliquid cum oratione incompatible agamus; hæc enim & similia contra debitam reverentiam esse, quivis agnoscet. Accedit, quòd talia agens, causam necessariæ distractioni præbeat, indèque saltem venialiter peccet, nisi ex inadvertentiâ id fiat: de quo plura in Theologia.

121. Quartò. Exigit reverentia, ut debita cum gravitate, & modestia, sinè nimia deproperatione, seu præcipitantia, & syncopatione fiat oratio vocalis; sicut enim defectum debitæ reverentiæ committeret, & displiceret potiùs, quàm placeret, si quis apud terrenum Regem res summi momenti propositurus, aut pro se, vel aliis summe necessaria rogaturus, verba quasi per postam summa cum præcipitantia, aut deproperatione, aut etiam syncopatione deblateraret, ad modum puerorum, suas lectiones, aut alia, quæ memori ter perfectè sciunt, recitantium; ita, & multò magis debitæ reverentiæ adversam & culpabilem irreverentiam committit, parùmque, vel penitus non placebit, sed displicebit, nec aliquid obti-

obtinebit, si miser homo coram
impressa, ac tremenda Majestate
Divina id facit.

122. Deplorandum sanè, quòd
defectus iste revera notabilis, &
perfectionem, efficaciamque o-
rationis plūs, quàm credi potest,
diminuens, tam parùm curetur,
cùm multos, cæteroquin sat
bonos, Deumque timentes re-
perire sit, qui orationes suas, tam
publicas, quàm privadas, præ-
fata culpabili celeritate, depro-
peratione, & præcipitantia, or-
dinarie persolvunt, plūs solliciti,
ut orationem cito absolvant,
quàm ut rectè persolvant, con-
tenti, dummodo integrè cunctis
verbis pronuntiatis, totalem o-
rationem perficiant. Et quòd
pessimum est, notabilem hunc
defectum nec apprehendunt,
nec agnoscunt, imò eundem e-
tiam defendunt, aq propterea
malum ita orandi habitum, ac
consuetudinem deponere nulla-
tenus satagunt: ad quòd grande
malum ne vos Charissimi! ali-
quando deveniatis, diligenter
cavete, & satagite primis statim
conversionis vestræ annis, ut di-
scatis, & assuescatis, debita
cum reverentia, & humili gra-
vitate, sinè nimia celeratione, ac

deproperatione, orationes vo-
stras persolvere, alias certè ora-
tionis efficaciam, & effectum
non percipietis, nec mirabilem
ejus dulcedinem unquam gusta-
bitis.

123. Quæritur VII. An, &
qualiter ad perfectam orationem
fides requiratur, & fiducia? Resp.
Qui perfecte orare, & à DEO,
quòd petit, impetrare vult, om-
nino debet vera cum fide, & fi-
ducia orare, id est, non debet du-
bitare, sed firmiter credere, &
sperare, Deum illud, quòd pe-
tit, certò daturum, nisi videat,
id non vergere ad suam gloriam,
vel petentis salutem. Et quò
major, aut firmior erit petentis
fides, & fiducia, eò gravior erit
DEO oratio, & certius, atque
efficacius obtinebit petita, etsi
plurima forent, & maximi mo-
menti. Hæc doctrina manifestè
patet ex ineffabili veritate, &
promisso Divino; nam Marci II.
v. 24. dicit Christus: *Omnia, qua-
cumque orantes petitis, credite, quia
accipietis.* Et Jacob. I. v. 6. ubi A-
postolus docens, qualiter orare
debeamus, dicit: *Postulet autem
in fide, nihil hesitans.* Psalmi e-
tiam pleni sunt promissis Divi-
nis, quibus omnibus assistentia,

protectio, auxilia, & quævis alia promittuntur confidentibus in Domino.

124. Quæritur VIII. Qualiter ad perfectam orationem requiratur frequentia, & perseverantia? Resp. I. Omnino requiritur, ut frequens, & in aliquo sensu quasi assidua sit oratio nostra ad Deum. Ita patet ex variis, iisque claris S. Scripturæ locis: ut *Luc. 18. v. 1.* ubi Christus ipse ait: *Oportet semper orare, & non deficere. & c. 21. v. 36. Vigilate omni tempore orantes, ut digni habeamini fugere ista omnia, quæ futura sunt, & stare ante Filium hominis.* Et *Tob. 4. v. 20.* Pater Tobias filio suo suavit: *Omni tempore benedic Deum, & pete ab eo, ut vias tuas dirigat.* concordant SS. Patres, qui frequentem orationem unanimiter commendant, & suadent.

125. Ratio est; quia, cum ex nobis prorsus nihil habeamus, nihil sciamus, & nil valeamus, in cunctis semper ad Deum per frequentem orationem curramus necesse est; prout satis patet ex iteratò dictis.

126. Resp. II. Oratio, ut sit perfecta, & ad quævis obtinenda efficax, debet etiam esse perseverans, id est, dum desideramus à

DEO aliquid, & id petimus ab eo, non debemus cessare orare, si id prima, secunda, & tertia vice non obtinemus, sed oportet tamdiu perseverare, & continuare preces, & orationes nostras, donec impetremus. Ita docuit nos Christus ipse *Luc. 11.* ubi, postquam per parabolam dixerat, quòd nos, etsi mali demus amicis nostris, si non ex amore, saltem propter importunitatem, si in oratione perseverant, infert: multò magis fore, ut Pater coelestis sit nos exauditurus, si illum orare, & rogare non cessamus, sed perseveramus. Et inde ad perseverantem orationem adhortans, subdit ibidem *vi. 9. Et ego dico vobis, petite, & dabitur vobis, querite, & invenietis, pulsate, & aperietur vobis.*

127. Concordant SS. Patres, & Ascetæ, perseverantiam in oratione unanimiter suadentes. Ratio est; tum, quia Deus non tantum semel, sed sæpius, & perseveranter, etiam pro una, eademque re, gratia, vel auxilio rogari vult; tum, quia in oratione, & invocatione nostra iteratò facta singulare beneplacitum habet: tum, quia oratio cum perseverantia ad nostram, quam

aman-

amanter desiderat, salutem, & utilitatem revera plurimum confert.

128. Hinc, ut ad continuandam, & multiplicandam orationem, atque perseverandum in ea nos inducat, & adigat, differt subinde petita dare; variasque necessitates, indigentias, & pericula immittit, aut permittit, ut bene advertit sanctus Bonaventura de Profect. Religios. Lib. 2. c. 69. Pulchrè etiam ad propositum scribit sanctus Gregorius in Explan. 6. Psalmi Pönit. illis verbis: *Vult Deus rogari, vult quadam importunitate vinci. Ideo tibi dicit: Regnum Dei vim patitur, & violenti rapiunt illud. Ego igitur sedulus in oratione: esto in precibus importunus: cave, ne in oratione deficias: si dissimulas audire, quem rogas, esto raptor, ut Regnum celorum accipias: esto violentus, ut vim etiam ipsis inferas cæli. Bona violentia, qua Deus non offenditur, sed placatur, proximus non læditur, sed juvatur, peccatum minuitur, non multiplicatur. Sed occasione dictorum*

129. Petes. Quomodo intelligi, & observari possit, ac debeat doctrina Christi, & S. Pauli, volentium, ut *semper, & sine intermissione oremur*. Item: quid in

praxi fieri, & observari debeat, ut satisfiat frequentia, & assiduitati orationis, à DEO, & sanctis Patribus commendata?

Resp. I. Doctrina Christi, & D. Pauli Apostoli, quod *semper, & sine intermissione oremus*, non est intelligenda de oratione propriè dicta, sed de oratione in sensu largiori, vel etiam largissimo accepta, quatenus videlicet nomine orationis venit non tantum mentalis, vel vocalis ad DEUM petitio, sed etiam meditatio, pia consideratio, laus, & adoratio Dei, gratiarum actio, & quivis pius erga DEUM actus, vel affectus, imò, & quodvis opus bonum, bona intentione factum, ut proin præfata doctrina non magis satisfaciatur, qui semper, & propriè orat, quam qui aliud bonum, Deoque placitum opus bona intentione agit, ut bene explicat Glossa ordinaria in Textum *Oportet semper orare.* ubi addit: *Semper orat, qui semper bene agit.* Ratio est, quia in sensu stricto, & proprio semper orare impossibile foret, hoc ipso, quod ex præcepto Divino, & naturali, aut necessitate naturæ debeamus alia facere v. g. laborare, studare, legere &c. Hinc S. Pe-

trus Damiani *Lib. 8. Epist. 2. ad Cynbium*, tunc temporis Gubernatorem Urbis Romanæ; Virum orationis summo opere editum, bene monuit illis verbis. „Cave ergo, ne propter „peculiaris orationis studia, quibus insistere fortè contendis, „disciplinam tam innumerabilis „populi, qui tibi commissus est, „negligens, & propter proprium „commodum, communem salutem plebis, quæ justitiam à te „præstolatur, omittas; scriptum „quippe est: qui conservat legem, multiplicat orationem; „& sacrificium salutare, attendere mandatis, justitiam ergo „facere quid aliud est, quam „orare.?

130. Resp. II. Quamvis juxta dicta nec debeamus, nec possumus semper & sine intermissione orare, sumendò orationem in sensu proprio, summè tamen expedit, Deo gratissimum, nobis utilissimum, ad peccata vitanda, ac ad virtutes, & perfectionem assequendam necessarium est, ut saltem frequenter, & quasi continuò quotidie oremus, etiam in sensu vel proprio, vel saltem minùs largo, quatenus nempe oratio est mentalis, vel

vocalis petitio ad DEUM, vel pia consideratio, aut meditatio; laus, vel adoratio, vel gratiarum actio, vel aliud pius ad DEUM actus, & affectus; ita, ut Dei jugiter memores, mentem nostram ad illum frequenter, & quasi aliquo modo assiduè elevatam habeamus; cique adheramus. Ita siquidem ex allegatis Textibus *de Oratione*, satis aperte desumitur.

131. Quæritur IX. An, & qualiter oratio fiat resignatè? Resp. Omnino requiritur, ut oratio nostra fiat resignatè, seu animò resignatò, idque dupliciter. Et quidem *Primò*. Ut, quando cunque à DEO petimus aliqua, præsertim temporalia, de quibus certò scire non possumus, an, quomodo, & quando cedant ad gloriam Dei, vel animæ nostræ salutem, id faciamus cum plena resignatione, & remissione expressâ, vel tacita, ad Divinam voluntatem; videlicet, si eidem placet, si vult, quando vult, quantum vult, quomodo vult, & qualiter cognoscit esse, & fore ad ipsius gloriam, & nostram, vel aliorum salutem. Ita verbò, & suò exemplò nos docuit Christus: verbò quidem, dum in oratione

tionem Dominica principaliter nos docuit orare, ut in omnibus petamus à DEO: *Fiat voluntas tua sicut in celo, & in terra.* Exemplò autem, quando ipse trina vice, consequenter instanter, oravit quidem ad Patrem, ut auferret calicem, addidit tamen semper: *Veruntamen non mea, sed tua voluntas fiat:* quo orandi modo manifestè nos docuit, etiam nos pro consequendis bonis, & avertendis malis temporalibus posse quidem, & debere DEUM rogare, hoc ipso, quòd etiam pro his, sicut pro omni alia re, rogari velit, id tamen semper cum resignatione in Divinam voluntatem facere debeamus.

132. Ratio est; quia Deus sapientissimè prævitet, id, quòd petimus, esse, vel fore ad nostrum interitum, vel animæ perniciem, vel majus damnum temporale; aut prodesse quidem, sed non defacto, vel tali modò, quo nos volumus, econtra verò tribulationem aliquam, persecutionem, vel aliud malum temporale, vel corporale, pro quo avertendo ipsum rogamus, conducere ad suam gloriam, & nostram salutem: consequenter, si absque tacita, vel expressa resignatione

in Divinam voluntatem pro hujusmodi rebus orationes nostras funderemus, contra DEUM, & nos ipsos, ac proin malè rogareremus, digni profectò, ut pro debita poena, & non nisi nostro cum damno nos exaudiret Deus, juxta illud D. Augustini in *Joan. de verbis Domini. serm. 53. Aliquando Deus iratus dat, quòd petis, & Deus propitius negat, quòd petis.*

133. Imò prævitet sæpiùs Deus, quòd etiam gratiæ, & dona spiritualia, quæ petimus, hic & nunc non sint nobis proficua, vel certè non eo modo, vel gradu, quo petimus, utpote qui forsan gratiam talem acceptam vel essemus neglecturi, vel eisdem non condignè cooperaturi, vel eà abusuri, vel elati evasuri, consequenter non nisi damnum reportaturi. Econtra, dum alio tempore, vel alio modo ea clarigitur, bene profutura cognoscit, ut proin etiam in his, sicut in illis, cum tacita, vel expressa resignatione orare, honum sit: quòd optimè docuit Thomas Kemp. de *imis. Christi. lib. 3. cap. 10.* ubi Christum ita loquentem inducit: *Semper cum timore Dei, & cordis humilitate desiderandum est, & petendum, quidquid desiderabile mentis*

occurrit, maximèque cum propria resignatione mihi totum committendum est, atque dicendum: Domine tu scis, qualiter melius est, fac hoc, vel illud, sicut volueris, da, quod vis, & quantum vis, & quando vis.

134. *Secundò.* Debet oratio fieri cum resignatione in ordine ad ariditatem, & devotionem sensibilem, consolationem, vel desolationem, ita, ut cum voluntate, & beneplacito Divino contenti, orationem nostram facere, & continuare debeamus, sive devotionem aliquam sensibilem, vel consolationem spiritualem, sive ariditatem, sterilitatem, tædium, & difficultatem, variâsque distractiones in eas sentiamus, dummodo pacatè, & quietè, humiliter, & simpliciter nostrum faciamus, & distractionibus voluntariè non inhæreamus, nec causam illarum voluntariè præbeamus, sed eas, quamprimum advertimus, rejiciamus, vel simpliciter dimittamus, & in oratione iterum pergamus.

135. Nam, quod bene notandum, oratio, quæ summa etiam cum ariditate, & sterilitate, sinè omni devotione sensibili, & consolatione spirituali, etiam inter quasi continuas, involuntarias

tamen distractiones, fit, DEO non minùs, sed magis grata, nobisque magis utilis, & meritoria est, quàm quæ summa cum devotione sensibili fit; tum, quia ab amore, & interesse proprio purior est, eò quòd priorimodò orans prorsus nullum gustum, & gaudium, nullamque consolationem, sed tædium potius, & difficultatem sentiens, nihilominus, & quidem ideo præcisè oret, quia scit, & credit, velle Deum, placere Deo &c. ut oret; tum, quia patientia, & resignatio, quam in toleranda, & supportanda difficultate quis habet, nec non spiritualis pugna, & resistentia, quam in repellendis, & dimittendis distractionibus exercet, Deo plurimùm placent, magnum meritum causant, ipsamque orationem DEO gratiorem, & nobis utiliore efficiunt.

136. Quæritur X. Quænam post orationem vocalem observanda sint? Resp. Post orationem publicam, Horas nempe Canonicas, quin etiam post privatam longiorem, sequentia sunt observanda; videlicet *Primò.* Oportet DEO agere gratias. *Secundò.* Debemus orationes, & pre-

preces nostras DEO denuo breviter offerre, eumque rogare, ut defectus in ea commissos suppleat. *Tertiò.* Oportet pro defectibus in ea commissis, veniam petere, de iisque dolere, & emendationem proponere: quæ omnia breviter fieri possunt, modo sequenti, vel simili.

Actus

Post Orationem longiorem; præsertim publicam eliciendi.

137. **O** Immenso, Clementissimo Deus! humillimas gratias tibi refero, quod me vilissimum ad audientiam tuam admittere, measque indignissimas preces, & tuam Divinam laudem, de ore abominabilis peccatoris audire dignatus sis: humillima, & omni possibili reverentia, plenâque fide, & fiducia, illas cum oratione, & laude Christi JESU, ejusdemque B. Virginis Mariæ, & omnium Electorum, juxta intentionem ab initio factam, denuo tibi offero, demississimè rogans, ut defectibus in ea commissis (de quibus omnibus doleo, & emendationem propono) misericordissimè ignoscere, hisque non obstantibus, illas

acceptas habere, & benignissimè exaudire digneris, per eundem Dominum nostrum JESUM Christum. Amen.

138. Et quoniam Leo Papa X. concesserit plenariam remissionem culparum & defectuum, in qualibet Hora Divini Officii humana fragilitate commissorum, omnibus & singulis, qui in fine devotè recitaverint orationem à Doctore nostro Seraphico, S. Bonaventura dispositam, videlicet: *Sacrosancta & individua Trinitati &c.* quæ ad initium Brevariarii habetur; igitur, ut hanc quivis post horas Canonicas devotissimè persolvat, sanctè curet, & assuescat.

139. Poterit quis etiam, si tempus vacat, breviter se recolligere, quomodo orationem, laudemque Divinam persolverit; & si forsan majores defectus reperiat, de iis, causisque illorum dolere, emendationem proponere, & si quid omissum, aut erratum sciat, supplere non omittat.



Appendix de Principiis

Præctis

Circa Orationem vocalem.

Principium I.

140. **M**agnam semper habere æstimationem de dignitate, præstantia, necessitate, & utilitate orationis tam publicæ, quàm privatæ.

Principium II.

141. **O**rationem summo opere amare, eamque sedulo frequentare, hinc nihil aggredi, vel incipere absque prævia, saltem brevi, oratione, & invocatione Divini auxilii.

Principium III.

142. **I**n omni dubio, difficultate, anxietate, tribulatione, & necessitate ad orationem humillimè & confidenter recurrere.

Principium IV.

143. **S**ub operibus suis, & aliàs frequenter interdium, per pios affectus, & preces jaculatorias (de quibus Cap. XV.) cor ad Deum erigere.

Principium V.

144. **S**tudere, & satagere, ut statim in juventute afuescamus, & habitum contrahamus, orationes vocales tam privatas, quàm publicas, perfectè, & exactè persolvendi, juxta conditiones superius declaratas; debita videlicet cum præparatione prævia, cum attentione, & devotione, humilitate, & reverentia, fide, & fiducia, perseverantia, & resignatione.

Principium VI.

145. **S**æpius, & tam diu superiorem materiam de oratione, & requisitis illius legere, & relegere, donec cuncta perfectè capiamus, & memoriæ sufficienter impressa habeamus, atque in praxin deducere sciamus.

Principium VII.

146. **P**ræcipuè verò, & præ cæteris sæpius, magisque relegere illam materiam, vel requisita ad orationem perfectam, in qua nos adhuc magis defectuosos agnoscimus, idque tam diu, donec illud quoque, & sic successivè cuncta perfectè sciamus,

mus, & in sanctam praxin deducamus.

Principium VIII.

147. **D**iligentissimè cavere, ne in juventute contrahamus habitum orandi imperfectè v. g. finè omni prævia præparatione, vel debita attentione, ac devotione, vel finè debita reverentia, vel nimia cum celeritate, & deproperatione.

Principium IX.

148. **S**emper magis attendere, ut debitè, & exactè persolvamus, quàm ut brevè absolvamus, & finiamus orationes nostras.

Principium X.

149. **O**mnino cavere, ne unquam nimia cum anxietate, vel scrupulositate, circa attentionem; vel alia, orationem aliquam persolvamus, aut ad devotionem aliquam sensibilem nos quasi cogamus, indeque memoriam, & caput lædamus, naturamque debilem,

sed potiùs pacatè, & quietè, humiliter, & simpliciter, cum fiducia ad Deum, ex pia aliqua spiritûs libertate, sanctâque resignatione oremus.

Principium XI.

150. **C**ertissimè credere, quòd, licèt perfectus orandi modus, utpote hucusque non assuetus, nec practicatus, ab initio difficultatem aliquam, & tædium præferre videatur, successu tamen temporis, si quis suum humiliter facere non cessat, semper facilius, jucundius, & delectabilius evasurus sit; certissimum namque est, quòd juxta superius dicta, debitè ac perfectè orare, gaudium, & quietem, imperfectè verò orare, difficultatem, laborem, & tædium generet: & *quandò frequentius quis orat, tandè fiat oratio ei delectabilior, & efficacior, & quantò rarius, tandè insipidior, & tædiosior,* teste S. Bonav. jam citatò de Prof. Relig. l. 2.

cap. 69.



§. IV.

De Modo debite surgendi de mane.

151. **Q**Uæritur I. Quantum inter sit, de mane debite surgere, & diem sanctè ordiri? Resp. Utilissimum, Deoque gratissimum esse, & plurimum referre, eò quòd juxta communem Ascetarum opinionem, ipsa etiam experientia teste, perfecta, & imperfecta, mala & bona totius diei collocatio plerumque à perfecto, & imperfecto, bono, vel malo diei initio, primisque perfectis, vel imperfectis, bonis, vel malis actibus ejusdem dependeat, adeò, ut, si bene, & perfecte inchoetur, tota quasi dies reliqua plerumque bene, & perfecte transigatur: e contra malè, vel tepidè, ac imperfectè abeat, si malè, tepidè, ac imperfectè incipiatur.

152. Ratio est; quia, sicut omnium aliarum rerum, ita etiam diei cujuslibet primitias desiderat, eisque honorari vult Deus, & peculiare in illis beneplacitum habet, ac propterea exhibentibus illam, gratias, & benedictiones Divinas copiose promittit, & largitur, prout passim videre est in S. Scriptura; nam *Proverb.*

8. v. 17. ipse testatur: *Qui mane vigilant ad me, invenient me.* Et Psalmista *Psalm. 89. v. 14.* fatetur: *Repleti sumus manè misericordia tua.* Qui autem hujusmodi sanctas diei primitias Deo dare negligit, Deum desiderato honore, & beneplacito, seipsum verò singulari gratia, & benedictione Divina privat.

153. Hinc teste Climaco *gradu 26.* quivis tam bonus, quam malus Angelus de manè attentè vigilat, & laborat, ut principium diei, & primitias actuum, pro se, suoque intento acquirat: ille quidem, nempe Angelus Custos, ut Client debito tempore, modoque debito surgat, bonisque & sanctis actibus diem incipiat, sicque gratissimis diei primitiis Deum honoret, indeque ab illo benedictionem Divinam, copiosamque, & efficacem gratiam recipiat, eaque munitus diem reliquum sanctè transigat; diabolus verò, ut instante surgendi tempore, stratum non statim deferat, sed sensualitati indulgeat, dormire, & stertere pergat, & otiosè jacens, vel tardius sur-

furgens, diem, si non malis, saltem profanis, mundanis, & inutilibus cogitationibus, ac verbis, actibusque tepidis, & imperfectis, male inchoet, sicque malis, ac imperfectis diei primitiis seipsum, vel aliam creaturam pro Deo habeat, colat, & honoret, ipsique dæmoni magis, quam vero Deo placeat, & vel inde gratia, & benedictione, vigilantibus de manè, & bene agentibus promissa, destitutus, diem reliquum, ut incept, malè vel tepidè, ac imperfectè consumat.

154. Quæritur II. Quænam observanda, ut quis manè debitò modò surgat, & consequenter desideratas diei primitias Deo offerat? Resp. Sequentia bene esse observanda. *Primò.* Facienda, & observanda est prudens statui, & officio accommoda, ac proportionata divisio temporis, vi cuius determinari debet certa hora, seu tempus de nocte eundi cubitum, ad hoc, ut natura necessarium somnum, & quietem capere, somnòque resecta manè debito tempore surgere, muneribus obedientiæ satisfacere, & Deo servire queat.

155. Nec valet quis dicere, quòd, qui de nocte diu laborat

de manè diutius dormire utique valeat? Resp. enim, ordinem Dei invertere illos, qui noctem labore, & diem somnò, aut quiete inordinatè consumunt, cum Deus noctem pro somno, & diem pro labore hominibus præfixerit, juxta illud *Psalm. 103. v. 22. & 23. Orsus est sol, exibit homo ad opus suum.* Accedit, quòd tempus matutinum ad quosvis animi, & corporis actus sit omnium optimum, & pretiosissimum; consequenter multum errat, qui illud somnò, aliud autem minus aptum tempus labore consumit; præsertim, quia etiam Deus matutinum tempus sanctè applicari desiderat; manèque vigilantibus, surgentibus, & operantibus suam benedictionem, gratiam, misericordiam, & coronam promittit. Unde & Ecclesia canendò monet: *Non sit vobis vanum, manè surgere ante lucem, quia promissit Dominus coronam vigilantibus.* Felices in hoc puncto sunt, qui à Superioribus, consequenter à Deo, determinatum tempus habent, de nocte cubitum eundi, & de manè surgendi; quales estis vos Charissimi.

156. *Secundò.* Quamprimum vigilas, & tempus seu horam

sive ex obedientia, sive mediante prudenti temporis divisione à te ipso ad surgendum præfixum, adesse cognoscis, diligentissimè cave, ne primæ tuæ cogitationes, vel verba sint vana, aut profana, sed statim memor præsentis Dei, pios actus elice, & quidem ante omnia profundissima humilitate, & reverentiâ, plenâque tui diffidentiâ, & confidentiâ in DEUM, præsentissimam invoca SS. Trinitatem pro gratia, & auxilio universaliter ad omnia, trina vice devotè pronuntiandô efficax illud: *Deus in adjutorium meum intende, Domine ad adjuvandum me festina.* addendô in fine *Gloria Patri &c.* Cum enim fide certum sit, quòd sinè gratia Dei prorsus nil meritoriè possimus, omnèsque etiâ cæteroquin pii actus, sinè gratia Dei præveniente, excitante, & concomitante, Deo non placeant; utilissimum, & securissimum, Deoque gratissimum est, ante omnes alios, etiam pios actus nostros, Deum generaliter invocare pro gratia & auxilio. Sanè mirum in modum commendant SS. Patres prædictum versiculum, seu brevissimam, simulque efficacissimam Divini auxilii invocatio-

nem: *Deus in adjutorium &c.* voluntque, ut sæpissimè per diem fiducialiter, & humiliter ad Deum emittatur, præcipuè verò de manè, quamprimum evigilamus, uti videre est apud Navarrum in *Enchirid. de Orat. cap. 19. na. & seqq.* ubi omnes enixè rogat, ut brevem hanc orationem, à Spiritu sancto dictatam; DEO gratissimam, ad fugandos demones, ad vincendas tentationes, ad declinandum malum, & faciendum bonum quodcunque, ad impetrandum quodvis auxilium sæpius, & devotè adhibere assuescant.

157. Postea convenit ad creatam sanctam Triadem recurrere, devotèque, ac fiducialiter pronunciare, & invocare sanctissima tria Nomina, *JESUS, Maria, Joseph;* tum, quia post SS. Trinitatem, & tres Personas Divinas, istæ tres Personæ sunt sanctissimæ, & nostrum amantissimæ, consequenter, ut ante omnes honorentur, & invocentur, dignissimæ; tum, quia devota, & fiducialis sanctissimorum horum Nominum, & Personarum pronuntiatio, & invocatio, miram, & multiplicem habet efficaciam, demonemque de manè nobis præ-

præprimis insidiantem; patenter fugat; tum, ut quotidiana hac præfatorum Nominum pronunciatione, & invocatione, pium habitum acquiramus, quo digni simus, etiam in mortis articulo eadem sanctissima Nomina pronuntiandi, eorumque pia pronuntiatione, & invocatione, Indulgentias plenarias (quæ eidem illo tempore annexæ sunt) certius lucrandi.

158. *Tertiò.* Advertendum, & cavendum, ne adveniente surgendi tempore, cum culcitra dispuces, vel diu cuncteris, sed tibi ipsi, & sensualitati vim inferens, præmissis actibus piis, inter illos, ad gloriam Dei, & confusionem dæmonis, statim surge, hoc enim si facias, primam de te ipso, sensualitate, & dæmone victoriam reportas, per eamque, tanquam gratissimas primitias, Deo singulariter places: sicut econtra eidem displiceret, si illo postposito, ex amore sensualitatis permitteres, ut diabolus primam victoriam, & primitias, non sine alijs malis sequelis obtineret. Et circa hoc monet Spiritus Sanctus *Eccli. 32. v. 15. Hora surgendi non se prices.*

159. *Quartò.* Observandum, ut etiam, postquam surrexisti, vana, aut profana non cogites, nec cum aliis loquaris, aut agas (ut faciunt multi mundani, quorum prima cogitatio, & cura, sermo, & actio est de profanis, & terrenis) sed mentem ad Deum elevatam tenere, & conservare pergas per breves aliquos pios actus, quibus sanctissimam Trinitatem breviter adores, eique te offeras, & eandem pro benedictione, & auxilio invoces. Pariter breviter oportet adorare, & invocare Jesum Christum, ejus B. Matrem, & Virginem Mariam, S. Angelum Custodem, SS. Patronos, Sanctosque omnes. Cæterum cum in quovis obvio libello precatorio varios actus & preces matutinas passim invenire sit, consultò hic omittuntur, subjunctis solummodo actibus bonæ intentionis & oblationis, nec non sancti cum DEO pacti Amoris.

Actus Intentionis, & Oblationis.

160. *In* gratiarum actionem, & debitum servitutis meæ

Qu 3

ob-

344 *Caput. XII. De communibus, & quotidianis Operibus &c.*

obsequiū, humillimè tibi hodie, & in perpetuum offero, confecro, & immolo me totum, qualemcunque, & quantumcunque, corpus, & animam, potentias, & actus utriusque, verba, cogitationes, & opera, omissiones, & commissiones, afflictiones, & tribulationes internas, & externas, omnesque alias actiones & passiones, tam naturales, quam liberas, cum unione vitæ, passionis, mortis, & meritorum Christi, ejusque B. V. Matris Mariæ, omniumque Electorum. Item in unione intentionis & oblationis, qua Christus JESUS, ejusque beatissima Mater, & omnes Electi se, suæque obtulerunt; offero, inquam, & confecro me tibi, & præfata cuncta ad perpetuam laudem, gloriam, & honorem, servitium, & beneplacitum Divinum, in contestationem infinitæ excellentiæ, supremique tui super me; & omnia dominii, nostræque subjectionis, servitutis, & dependentiæ. In gratiarum actionem pro cunctis beneficiis, mihi, omni que creaturæ collatis, in remissionem, satisfactionem, & propitiationem meorum peccatorum, & ad lucrandas omnes In-

dulgentias, quas hodie lucrari valeo; pro quibus obtinendis opera debita juxta intentionem requisitam tibi offero, humillimè rogans, ut illas, quarum capaces sunt animæ in purgatorio, eisdem unà cum reliquo fructu meo satisfactorio (quem omnem, quantum possum, & tibi placet, illis dono) misericorditer concedere digneris; specialiter verò defunctis meis Parentibus, Fratribus, & Sororibus N. N. & iis, pro quibus magis orare tencor, & tu rogari vis. Item offero pro impetrandis donis, & gratiis mihi necessariis, præsertim verò N. N. (specifica dona, gratias, vel beneficia, quæ magis desideras, magisque tibi utilia, vel necessaria sunt v. g. certam aliquam virtutem, pro qua examen particulare instituis) pro exaltatione Matris Ecclesiæ; extirpatione hæresum; concordia Principum Christianorum, & salute Romani Pontificis: pro Cardinalium Collegio, præsertim Protectore nostro, pro Episcopis, & Sacerdotibus; pro omnibus Religiosis, specialiter pro Ordine, Provincia, Conventu, & Superioribus nostris; pro Parentibus, & Pro-

pin-

pinquis: pro Benefactoribus, & pro ijs, qui se precibus meis commendaverunt, ac pro quibus orare promisi, & orare quacunque ratione teneor; specialiter pro N.N. (poteris aliquos specificare) ac tandem pro mea, & aliorum animæ, & corporis salute, temporali, & spirituali prosperitate, secundum sanctissimam voluntatem tuam, & Divinum beneplacitum consequenda.

Sanctum cum DEO Amoris Pactum.

161. **U**T verò perfectiamoris, & servitutis, ab omni creatura tibi debita, obsequium, quod tibi vel à me, sive ab alia creatura in effectu iniquè fuit subtractum, aut subtrahetur adhuc, justò saltem aliquàlter suppleatur desiderio, bonæque voluntate, & intentione, coram Divina tua Majestate, totaque coelesti Curia, humillimè ac sincerissimè contestor, quòd omni cogitatione, verbo; & opere, actione, & passione, libera; & naturali, præterita, præsentis, futura, & possibili, non tantum meâ, sed etiam omnis alterius

creaturæ, præteritæ, præsentis, futuræ, & possibilis, ex corde desiderem, omninò velim, & intendam, in te, & tibi Deus meus credere; quia infallibilis veritas es. In abyssum nihili me abjicere, & unà cum omnibus creaturis humillimè te adorare, laudare, & benedicere; quia supremus Dominus, & unicus finis meus es. Tibi propter magnam gloriam tuam, & pro omni totius universi bono, infinitas gratias agere, tibi que soli de eodem omnem laudem, & gloriam tribuere; quia omni, & infinita laude dignissimus es. Te super omnia amare, & de infinita tua felicitate gaudere, quia in te infinitè gloriosus, & summum bonum meum es. Te super omnia desiderare, & sperare; quia in te sperantibus bonus es. Amore erga te dolere, & poenitere, quòd unquam te offenderim, detestari propterea etiam, & abominari omnia mea, & aliorum peccata; quia gravissimæ tui offensæ sunt. Propone firmissimè, non amplius te offendere, ac insuper, quantum est in me, procurare, ut nec à me, nec ab alio amplius offendaris. Rogare, ac sperare veniam meo-

meorum, & aliorum peccatorum. Pro me, & aliis, gratias, & dona tibi grata, & nobis necessaria, & utilia, præsertim verò N. N. & pro quibus humillimè jam priùs cuncta obtuli, in Nomine JESU fiducialiter petere. Me, & omnes alias creaturas sanctissimæ voluntati tuæ resignare, atque ad Divinum beneplacitum, gloriam, & honorem offerre, immolare, & sacrificare, omnesque alios tibi placitos virtutum actus, omni possibili perfectione, in unione actuum Christi, & in virtute cordis ejusdem producere. Quòd si alia intentio, tentatio, aut motivum tibi contrarium vel inadvertenter mihi obveniat, contra illud, pronunc & semper protestor.

162. Hoc desiderium, & pactum ideo saluberrimè est eliciendum; quia mediante illo facimus, ut per omnes creaturas, præteritas, actuales, futuras, & possibiles, rationales, irracionales, imò etiam diabolicas, & infernales, actusque, & passionēs, & ommissiones eorum, injuriarum, & offensarum Dei aliquo modo refarciantur: & e contra illius honor & gloria, salusque, & meritum nostrum

augeatur, & promoveatur; sicut e contra eadem injuriarum, & offensarum Divinarum augerentur, simulque contra Dei gloriam & honorem inexplicabiliter ageretur, peccataque innumera, poenarum, & detrimenta ex parte nostra contraherentur, si quis per omnes creaturas, præteritas, præsentēs, futuras, & possibiles, earumque actus, passionēs &c. verè, ac sincerè vellet, intenderet, & desideraret, omnia possibilia peccata, & actus malos, præfatis bonis oppositos, elicere: cùm Deus non minùs, sed magis sit paratus ad benignè acceptandum, & præmiandum sinceram voluntatem eum laudandi, & desiderium bonum, quàm pro peccato reputandum, & poenā debitā plectendum seriam voluntatem eundem offendendi, ac desiderium malum.

163. Illud finaliter circa preces matutinas notandum, quòd ad has principaliter etiam pertineant preces Horarum Primarum in Breviario, quas proin utpote ab Ecclesia institutas, devotè & attentè persolvere, dum Primam in choro, vel extra recitatis, satagite.

CAPUT XIII.

De Meditatione sive oratione mentali.

§. I.

De Præstantia, Utilitate, & Necessitate Meditationis.

I.

QUæritur I. Quid, & quod-
tuplex sit Oratio men-
talis? Resp. I. Omnis il-
la oratio, quæ absque
usu linguæ, & labiorum motu,
sola mente, seu animo, & cogi-
tatione fit, oratio mentalis est,
& dici potest; à mente enim,
seu animo, quo solo fit, *mentalis*
dicitur.

2. Resp. II. Oratio mentalis
duplex est; una est, qua Deum
absque præcedente, vel sine ad-
mixta meditatione, seu confide-
ratione, sola mente rogamus,
invocamus, laudamus, gratias
agimus &c. sive dein id brevi-
ter, sive longius fiat: in quo sensu
etiam breves orationes, seu pre-
ces jaculatoriæ quævis, sive lon-
gior, sive brevior petitio, ac in-
vocatio gratiæ, & auxilii Divi-
ni, ac quivis recursus ad DEUM,
sola mente factus, oratio men-

Neudecker Pars Prior.

talis est; de qua proin, utpote
vera orationis specie, omnia di-
ci, & applicari possunt, quæ *cap.*
præced. à Num. 4. de præstantia,
utilitate, & necessitate Oratio-
nis ut sic, diximus. Ad hanc
orationem mentalem perfecte,
& debite peragendam, eadem
requiruntur conditiones, quas
ad orationem ut sic requiri dixi-
mus supra (excepta præpara-
tione) ut proin etiam oratio
mentalis in hoc sensu accepta,
fieri debeat attentè, & devotè,
humiliter, & reverentialiter,
cum fide, & fiducia &c.

3. Altera oratio mentalis, &
quidem *proprie talis*, ac ad no-
strum propositum est, quæ ex
præcedente, seu mediante atten-
ta, & seria alicujus rei medita-
tione, seu consideratione sequi-
tur, utpote ex qua consideratio-
ne voluntas movetur ad varios
pios affectus, & actus virtutum;

X x

varias-

variâsque petitiones, & proposita pro diversitate rei considerata, gratiâque Divinâ illuminantis, ac moventis, internè producenda, seu elicienda, consequenter ad orationem mentalem (quæ in præfatis piis voluntatis actibus, & affectibus principaliter consistit) faciendam. Et hæc oratio mentalis communiter vocari solet *Meditatio*; quamvis enim propriè loquendò meditatio non sit ipsa oratio mentalis, sed potiùs prærequisitum aliquod, & causa motiva ad orationem mentalem, pios videlicet affectus, & actus voluntatis eliciendos, quia tamen ad illam perfectiùs, & utiliùs faciendam meditatio, seu consideratio ordinariè loquendò necessariò prærequiritur (utpote per quam voluntas ad pios actus, & affectus, adeoque ad orationem mentalem movetur, indèque Meditatio est quasi radix orationis mentalis) ideo oratio mentalis ex prævia meditatione proveniens in communi sensu & acceptione vocari solet *Meditatio*; qua tamen communi acceptione, non sola consideratio, seu actus intellectus, sed cum his simul etiam pii, ex prævia confi-

deratione elicitus actus, & affectus voluntatis intelliguntur, prout magis patebit ex descriptione *Num. seq.* itaque

4. Quæritur II. Quid sit Meditatio in communi sensu accepta? Resp. Ea bene describitur: *Meditatio est attentæ, & seriæ aliqua alicujus rei, seu materia, prius jam determinatæ, & præparatæ (loquendò de Meditatione ordinatè, & certo ad eam designato tempore instituendæ) consideratio ad hoc, ut bene cognoscatur, & imprimatur, indèque voluntas moveatur ad varios pios affectus, & actus virtutum, petitionum, & propositorum, pro diversitate rei considerata, gratiâque Divinâ illuminantis, & moventis, producendos, vel brevius: Meditatio est attentæ rei alicujus consideratio ad hoc, ut voluntas ad eliciendos pios affectus & actus, & faciendâ bonâ proposita moveatur. Utraque hæc Meditationis descriptio, quamvis ex terminis pateat, majori tamen pro claritate, & faciliiori captu, quoad singula verba declaratur, & explicatur.*

5. Dicitur in primis: *Attentæ consideratio*, ad indicandum, quòd Meditatio non sit nuda, & simplex illico transiens cogitatio alicujus rei, sed vera aliqua illius

con-

consideratio, ruminatio, & per-
pensio secundum ejus naturam,
proprietas, circumstantias,
causas, effectus &c. prout magis
dicetur infra.

6. Dicitur secundò: *Rei alicu-
jus, seu materia*, in genere; ut in-
nuatur, quòd de quavis re, ma-
teria, & objecto, non tantum
pio, & bono, sed etiam malo v.
g. peccato Meditatio institui
possit, ad hoc, ut cognitâ malitiâ
illius, & damnò, moveatur vo-
luntas ad odium, & fugam illius,
nec non ad poenitentiam ob il-
lud jam commissum, eliciendam.
Additur: *Prius jam determinata, &
præparata*; quia ad meditationem
ritè instituendam ordinariè præ-
requiritur debita præparatio,
qua quis prius se determinet, de
qua materia meditari velit, eam-
que in partes, seu puncta distri-
buat, juxta magis dicenda infra
Num. 80.

7. Dicitur tertio: *Ad hoc, ut be-
ne cognoscatur, & imprimatur*: qui-
bus verbis indicatur unus finis,
fructus, & effectus Meditatio-
nis; videlicet exacta, & circum-
stantiata rerum cognitio, & im-
pressio, quatenus inde voluntas
magis moveatur ad convenien-
tes actus, amandam v. g. deside-

randam, & prosequendam rem,
si ut bona est cognita, & impres-
sa, vel odiò habendam, & fugi-
endam, si est mala; voluntas e-
nim non fertur in incognitum:
hinc, ut moveatur ad aliquid,
cognitio illius necessariò præce-
dere debet; quæ cognitio, quò
major & perfectior est, eò magis,
& perfectius movet voluntatem
ad convenientes actus.

8. Dicitur quartò: *Indèque vo-
luntas moveatur ad varios pios affe-
ctus, & actus virtutum, petitionum, &
propositorum*; huc enim principaliter,
& finaliter Meditatio colli-
mat, & hic est principalis finis il-
lius, ut videlicet attenta rei con-
sideratione, & cognitione, vo-
luntas ad bonos affectus, actus
virtutum, petitiones, & propo-
sita moveatur: siquidem in ho-
rum productione potissimus, &
principalis fructus, & effectus
meditationis consistit, eò quòd
horum productio Deo gratissi-
ma, & nobis utilissima est; utpote
quæ præter plurimos alios fru-
ctus animam potissimum unit,
conjungit, & adherere facit Deo,
*Quod summè est homini utile inter
omnia.* teste S. Bonavent. de Pro-
fect. Religios. lib. 2. cap. 69. qua in-
super productione præfatorum
actuum,

actuum, præsertim petitionum, & bonorum propositorum, ad emendationem nostram, progressumque in virtute; & perfectione potissimum devenimus.

9. Dicitur quintò: *Pro diversitate rei & Objecti consideratis, gratiaque Divina illuminantis, & moventis.* Non enim semper iidem, sed diversi actus, affectus, & proposita, pro diversitate scilicet rei consideratæ, in meditatione produci possunt, & debent, subinde amoris, subinde odii, subinde contritionis, subinde admirationis; nunc gratiarum actionis, jam laudationis, jam adorationis, nunc humilitatis, nunc patientiæ, nunc petitionis, & invocationis, nunc resignationis, nunc familiaris colloqui cum Deo, nunc, & quidem præcipuè, bonorum propositorum: prout nempe occasionem præbet, & voluntatem movet cognitio rei, vel materia, quæ consideratur, vel prout gratia Divina illuminat, & excitat.

10. Enimvero utique ad alios movetur actus & affectus, qui meditatur de malitia, turpitudine, & damno peccati, quàm qui meditatur de attributis Divinis,

Omnipotentia v. g. Immensitate, Bonitate, Misericordia &c. Pariter ad alios movetur affectus & actus, qui de inferno, quàm qui de coelo meditatur: qui enim de malitia peccati v. g. meditatur, ex cognitione illius ordinariè movetur ad ipsius odium, & aversionem, ad dolorem, & contritionem ob illud commissum, nec non ad propositum de illo non ampliùs committendo. Econtra qui de attributis Divinis meditatur, ex cognitione illorum plerumque ad illorum admirationem, ad DEUM adorandum, laudandum, amandum, omni possibili reverentia prosequendum, ad spem, & fiduciam &c. moveri solet, qui de coelo meditatur, ad illius desiderium, qui de inferno, ad timorem illius movetur, & sic de aliis.

II. Potest tamen, & solet subinde voluntas moveri ad affectus, & actus materiæ consideratæ ex se minùs proportionatos (in se tamen bonos) si nempe gratia Divina ad illos dirigit, & movet, majorémque ad hos, quàm ad alios, devotionis affectum impertitur, prout non raro facere solet: in quo casu Spiritui Sancto,

Sancto, ejusque gratiæ excitanti, & moventi obtemperare, eique sancta aliqua, & humili spiritus, seu mentis libertate, nos accommodare, & cooperari possumus, ac debemus, quamdiu affectio, & devotio in illis durat, etiamsi non essent ad intentionem, & finem nostrum in hac meditatione propositum; quia *Spiritus, ubi vult, spirat. Joan. 3. v. 8.* Et propterea additur in fine descriptionis: *Et gratia Divina illuminantis, & moventis.*

12. Dicitur autem notanter in Responsione Num. 4. data: *Loquendo de meditatione ordinatè, & certo ad eam designato tempore instituendâ;* quia, si loquimur de meditatione, quæ nullâ certâ, vel determinatâ horâ instituitur, sed quovis tempore & occasione commoda fieri potest, & à nonnullis sæpe fieri solet, dum videlicet varias creaturas, aut res, quæ sensui, vel memoriæ occurrunt, subinde attentè considerant, & amplius expendunt, indeque ad majorem illarum cognitionem veniunt, ex hac verò ad varios bonos affectus, & virtutum actus, bonaque proposita, & resolutiones eliciendas moventur, specialis determinatio,

& studiosa præparatio materiæ non requiritur, sed absque hac quovis tempore & loco de quavis re fieri potest; prout etiam multi ex consideratione, & cognitione creaturæ, ad cognitionem, & amorem Creatoris, aliisque bonos affectus, & actus venire, indeque in re, & substantia breviter saltem meditari, seu mentalem orationem magno cum fructu spirituali facere sæpe solent, quos imitari quivis facilliter semper, & ubique potest; cum quislibet absque omni difficultate rem aliquam pro libitu attentè considerare, & expendere possit: ex qua consideratione, quia novam, vel majorem rei cognitionem acquirit, vel prius habitam iterum renovat, & magis imprimit, voluntas, seu animus pro diversitate rei consideratæ, & cognitæ, ad proportionatos affectus, & actus necessariò movetur, & hoc ipso Meditatio in substantia habetur.

13. Quæritur III. Quàm præstans, & utilis sit Meditatio? Resp. Tanta est præstantia, & utilitas meditationis, seu orationis mentalis, ut nec calamò exprimi, nec verbis declarari valeat. Ascetæ,

& SS. Patres, quamvis mirè extollant Meditationem, seu orationem mentalem, & in demonstranda illius præstantia, & utilitate maxime se diffundant, fatentur tamen, linguam, & calamus sibi in hoc deficere. Id fatentur etiam omnes orationi mentali debite incumbentes, utpote qui multiplices, & mirabiles effectus, ac fructus illius jugiter percipiunt quidem, & sentiunt, illos tamen sufficienter explicare nequaquam valent. Nimis longum foret, & integrum librum requireret, si vel decimam partem eorum, quæ de præstantia, & utilitate orationis mentalis scripserunt SS. Patres, & rerum spiritualium Magistri, adducere vellemus; unde inexplicabilem præstantiam, & utilitatem illius ex dictis de *Oratione in genere. Cap. practed.* certò supponentes, pauca tantum aliqua de eadem afferemus.

14. De Meditatione, five oratione mentali in specie scribit Sanctus Laurentius Justinianus de *casto Connubio. cap. 22.* „Nihil „aptius mentem refrænât, quàm „attenta meditatio, quæ in oratione proponitur, hæc quidem

„ab exterioribus cor amovet, & „ad se redire compellit. Hæc est „disciplina mentis, spiritualis paedagogus, orationis funiculus, „incipientium eruditio, & intentionis mentis provida gubernatrix. Ex ipsius assiduitate „stabilitur mens, cogitationes „purgantur, solitudo sapit, delectat „Deus, ingenium acuitur, castificatur sensus, illustratur ratio, „loquela restringitur, & animus „ad alta suspenditur. Ipsa est spiritualis janua orationis, per quam „verbum ab ingredientibus agnoscitur, & puris muneribus „honoratur.

15. Nec discrepat sanctus Bernardus, qui *Lib. 1. de considerat. cap. 7.* Meditationis fructus allegans, ait: „Mentem, de qua oritur, „purificat consideratio. Deinde „regit affectus, dirigit actus, corrigit excessus, componit mores, vitam honestat, & ordinat. „Hæc est, quæ agenda præordinat, acta recogitat, ut nil in „mente resideat aut incorrectum, aut correctione egens. „Omnis profectus, inquit S. Ildorus *Lib. 3. de summo Bono. cap. 8.* „ex Lectione, & Meditatione „procedit; quæ enim nescimus, „lectione discimus, quæ autem „di-

, didicimus, meditationibus con-
, servamus.

16. Alij sancti Patres incredi-
bilem præstantiam, & utilitatem
Meditationis, seu orationis men-
talis breviter, universaliter, &
efficaciter demonstrare volen-
tes, jure merito ei tribuunt, quòd
ex Meditatione vel maximè vera
generetur sapientia, id est, sci-
entia, & cognitio Dei, atque Di-
vinorum; ex hac verò cognitio-
ne amor illorum, & affectus erga
illa, cum isto autem omne aliud
bonum: ut proin, sicut de sapi-
entia, ita de Meditatione tan-
quam matre, & radice sapien-
tiæ, propriissimè, & verissimè
dici possit illud Sap. 7. v. 11. *Venerunt
mibi omnia bona pariter cum illa, & in-
numerabilis bonestas per manus illius.*

17. Ratio autem, quòd tot,
tantique fructus ex Meditatione
sequantur, præter alias potissi-
mum triplex est, & quidem
Prima; quia, qui frequenter me-
ditatur, & res secundum sub-
stantiam, proprietates, & effe-
ctus considerat, & expendit, ne-
cessariam in cunctis, ac suffici-
entem boni & mali notitiam,
perfectamque rerum, de quibus
meditatur, cognitionem suc-
cessivè acquirit, accedente præ-

sertim Divino lumine, quo Deus
in Meditatione subinde ita doc-
cet, & illustrat, ut unicà Medi-
tatione major, & utilior rerum
acquiratur cognitio, quàm per
longi temporis studium. Ex
qua cognitione voluntas facili-
ter, & quasi necessariò move-
tur ad bonum cognitum aman-
dum, & eligendum, malum ve-
rò odiendum, & fugiendum,
aliòsque virtutum actus, resolu-
tiones, & proposita, pro diver-
sitate rei consideratæ elicienda,
& repetenda.

18. *Altera Ratio est*; quòd, qui
frequenter meditatatur, meditan-
dò non tantum necessariam re-
rum notitiam, & cognitionem
acquirat, sed eam menti, & me-
moriæ etiam bene imprimat, in-
dèque voluntas non tantum
tempore Meditationis ad con-
venientes virtutum actus, &
proposita moveatur, sed etiam
tempore occasionis ad eadem
observanda, & exequenda, for-
titer, ac efficaciter incitetur, hoc
ipso, quòd rationes, & motiva,
priùs per Meditationem cogni-
ta, & proposita propterea facta
menti etiamnum oberrent, ac
sicut priùs ad faciendum, ita
nunc ad exequendum moveant.

Quis

Quis enim quæso voluntariè peccare audeat, si etiam occasione oblata, ac tentatione urgente, bene recordatur eorum, quæ de gravi malitia & damnis peccati prius clarè cognovit? Quis jactare se audeat, si reminiscitur, quòd, uti in meditatione plenè cognovit, per vanam jactantiam Deo plurimùm displiceat, peccati damna, & effectus incurrat, meritum suorum laborum perdat, & locò illius poenam contrahat, simulque causet, quòd Deus imposterum in simili gratiam minuat, vel denegat. Et sic de cæteris v. g. de motivis patiendi propter Deum, amandi Deum, confidendò in Deo; horum enim si quis tempore occasionum recordatur, esse non potest, quin sæpe malum omitat, & bonum faciat, quod aliàs non faceret, si memoriam illorum non haberet, quam per meditationes comparavit.

19. *Tertia*, & omnium maxima fructus, & utilitatis ratio est; quia in Meditatione, seu oratione mentali discimus, & assuescimus varios bonos affectus virtutum, petitionum, & bonorum propositorum actus ingenti cum beneplacito Divino, nostròque

merito, & fructu, emendationis præsertim, & progressus in virtute, ac perfectione elicere. Item per eosdem actus discimus, & assuescimus Deo uniri, cum eoque loqui, seu conversari, & ipsum, ejusque inspirationem audire, cognoscere, & sequi; qui fructus major est, quàm dici, & explicari potest: tum, quia radix plurimorum aliorum fructuum est: tum, quia unionem, adhesionem, & conjunctionem cum Deo, & cum hac omne bonum successivè causat, summum beneplacitum, & gaudium, quod Deus habet, videlicet esse, & conversari cum homine, juxta illud *Prov. 8. v. 32. Delicia mea esse cum filiis hominum.* in Meditatione, seu oratione mentali potissimùm acquirit, dum homo ex instituto notabile tempus ad hanc solam sanctam conversationem applicat.

20. Sanè homini per varias inspirationes, monitiones, & lumina, Deus sæpe loquitur, & adhuc sapiùs loqui, ac ampliùs omnis generis dona, & gratias dare vellet; sed multi non præbent aures, nec audiunt ipsum, vel, si audiunt, non cognoscunt vocem ipsius, & propterea plu-

rimas

rimas gratias & inspirationes negligunt, transire permittunt, nullumque inde fructum hauriunt: dum econtra illi, qui frequenter meditantur, voces, & inspirationes audiunt, cognoscunt, & magno cum fructu sequuntur, etiam extra meditationem hoc ipso, quod in hac ipsum audire, & cognoscere jam didicerint, & assueverint. Puer Samuel vocem Domini bis sibi loquentis audivit quidem, sed non cognovit, quia, ut Scriptura dicit: *Samuel necdum sciebat Dominum. 1. Reg. 3. v. 7.* nondum didicerat, nec assueverat loqui Domino, vel audire illum, at, ubi desuper instructus, Deo loqui, & eum audire didicerat, vocem illius optimè audivit, eamque audiens, & sequens, ingentes semper retulit fructus: sic contingit illis, qui prius meditationi non addicti, meditari incipiunt, & continuant.

21. Tantam igitur ob præstantiam, & utilitatem, Meditationem omnes Patres & Ascetæ, omnesque perfectæ animæ summè semper æstimârunt, diligentissimè præficârunt, & nobis ut oïæ commendârunt. Inter quos in specie adducitur sanctus ille

Neudecker Pars Prior.

Vir secundum cor Dei David, utpote qui quasi continuò in meditatione legis Divinæ exsistens, fructus illius mirè extollit, omnesque beatos, & in cunctis felices proclamat, qui meditationi sunt addicti, ut passim constat ex Psalmis illius. In primo siquidem statim incipit: *Beatus Vir, qui Et: in lege ejus meditabitur die, ac nocte. v. 2.* audi fructum *v. 3.* Et eris tanquam lignum, quod plantatum est secus decursus aquarum, quod fructum suum dabit in tempore suo. Et folium ejus non defluet, & omnia, quaecunque faciet, prosperabuntur. & Psalm. 118. v. 2. ait: *Beati, qui scrutantur testimonia ejus.* De seipso dicit eodem Psalm. 118. v. 117. *Meditabor in justificationibus tuis semper.* audiamus fructum illius *v. 99.* Super omnes docentes me intellexi quare? quia testimonia tua meditatio mea est.

22. Seraphicus sanctus Pater Franciscus, assiduus, & mirabilis erat in Meditatione, ita, ut etiam integram noctem consumpserit, meditandò sola illa verba: *Deus meus, & omnia!* Ob ingentem estimationem & amorem meditationis voluit, ut fratres ipsius orationi, præcipuè verò mentali, seu Meditationi, sedulo essent addicti:

Yy

dicti: ob quod ordinavit in Regula cap. 5. ut laborare etiam, & studere valeant, ita tamen, ut *sancta orationis* (mentalem hic præcipue intelligit) & *devotionis spiritum non extinguant, cui debent cetera temporalia deservire*. Sancti Patris verbum, & exemplum secuti sunt omnes, quotquot habuimus in ordine nostro sanctos, & perfectos Viros, utpote qui omnes excellentes, ac frequentes in Meditatione, seu oratione mentali, eadem mediante incredibiles fructus retulere, & ad tantum virtutum, & perfectionis apicem pervenerunt, prout videre, & legere est apud S. Bonaventuram in *Proem. Meditat. Vitæ Christi*:

23. Altè menti est imprimenda ea æstimatio, quam de Meditatione, ejusque præstantia, & utilitate habuit ille, virtute, & doctrinâ celeberrimus Doctor S. J. Suarezius, utpote qui dicere solebat, ut perhibetur in vita ipsius præfixa Tomo de *Gratia*. nolle se omnem suam, quam tot, tantisque laboribus acquisivit; scientiam perdere, quam unicam solitæ Meditationis horulam intermittere.

24. Ex his Colligendum I. Quantopere per totam vitam quivis æstimare semper, amare, & frequentare debeat Meditationem.

25. Colligendum II. Quàm malè sibi consulant, quantum errent, quantoque fructu se privent, qui ex frivolis, fictis, & quæsitis causis; meditationem, ubi possunt, fugiunt, declinant, & decurrant, vel ad eam serò veniunt, aut eandem abbreviant.

26. Colligendum III. Etiam illos sibi pessimè consulere, & graviter errare, si externis, etsi bonis, & ad salutem; utilitatèque proximi ordinatis actibus, operibus, & negotiis, totos se, vel in tantum impendunt, ut tempus meditandi sibi non sumant, vel relinquunt.

27. Quæritur IV. Quanta sit necessitas Meditationis? Resp. Ad superandas, debite mortificandas, & eradicandas malas passionis, & inordinatos affectus; item, ad acquirendas solidas virtutes, & veram perfectionem, siue Christianam, siue Religiosam, omnino, & absolutè necessaria est frequens Meditatio, seu Ora-

Oratio mentalis, adeò, ut sine frequenti Meditationis, seu mentalis orationis usu, nullus veram, & solidam aliquam virtutem, multò minùs perfectionem obtenturus, vel certè non diu in ea perseveraturus sit, sed malis passionibus, ac inordinatis affectibus subiectus permanens, & tempore suo, tentationis præfertim, vel alia data occasione suas certò imperfectiones, ac virtutum defectum in effectu proditurus sit. Ita unanimiter iterum conclamant omnes SS. Patres, & Ascetæ, præcunte Spiritu Sancto *Jeremia 12. v. 11.* lamentante, & dicente: *Desolatio me* (spirituali nempe ob abundantiam malitiæ, & peccatorum, ac defectum virtutum, & perfectionis) *desolata est omnis terra:* audiamus causam; *quia nullus est, qui recogitet corde.* id est, qui mysteria, principia, & doctrinam fidei, & salutis nostræ, debite consideret, meditetur, & revolvat, mentique imprimat, indeque ad perfectam illorum cognitionem, & frequentem memoriam, ex hac ad æstimationem, ac amorem, ex isto autem ad sequelam, & observantiam deveniat. Sanctus David ingenuè

fallus est *Psal. 118. v. 92.* *Dis quod lex tua Meditatio mea est, tunc foris pervissem in humilitate mea.* id est, in perversa, corrupta, & mala natura mea.

28. Confirmat hoc Bartholomæus Riccius ex S. Chrysostomo *Serm. 1. & 2. de Orat.* dicens: *quod Oratio mentalis tam necessaria sit anime ad vitam spiritualem conservandam, quàm necessaria est anima ad naturalem vitam corpori subministrandam, & conservandam.* quod fusè deducit in *Instruct. de modo rectè meditandi. Part. 1. cap. 1.*

29. Confirmatur Responsio etiam experientiâ, qua constat, quòd nullus hucusque attigerit solidam aliquam, & constantem virtutem; multò minùs perfectionem, vel sapientiam, qui non frequenter se exercuit in Meditatione, seu oratione mentali; econtra verò eadem experientiâ constat, illos, qui Meditationi addicti non sunt, eamque absque justa causa passim negligunt, & omittunt, aut tepide, & negligenter peragunt, plerumque plenos esse malis passionibus, & inordinatis affectibus, plurimis abundare imperfectionibus, atque continuo subiacere pravis habitibus, & vitis, si non

gravibus, saltem levibus, vitamque ducere verè tepidam, & hoc ipso summè periculosam.

30. Ratio responsionis præter alias potissimum triplex est, eaque immediatè opposita tribus rationibus, supra à Num. 17. positis: seu potius est defectus illarum rationum, ob quas meditationem tam præstantem, & utilem esse diximus. *Prima* est; quia, qui non vacat meditationi, debitam, & sufficientem cognitionem boni ac mali, aliarumque rerum ad salutem scitu necessariarum non habet, indeque nec ad amandum, & prosequendum bonum, nec ad averſandum, ac fugiendum malum, voluntas illius sufficienter movetur, nec ipse efficacia proposita elicit, hoc ipso, quòd voluntas non feratur in incognitum; *Cum nil volitum, quin præcognitum.* &: *Ignoti nulla cupido.* quantum autem animæ damnum afferat isthæc ex neglectu Meditationis proveniens ignorantia rerum spiritualium, satis explicare non possunt SS. Patres, & Ascetæ.

31. *Secunda Ratio* est; quòd, licet etiam multi eorum, qui rarò, aut nunquam meditantur, ex lectione, studio, concionibus, &

discurſibus acquirant, & habeant rerum spiritualium aliquam cognitionem, & notitiam, ea tamen ordinariè satis imperfecta, & insufficiens, vel saltem mentis, & memoriæ satis impressa non hæret; præsertim, cum paucæ illæ, debiles, ac imperfectæ rerum spiritualium species, à passionibus, cura, & sollicitudine hujus sæculi, terrenisque cogitationibus, & speciebus, quibus Meditationi non addicti plerumque referti sunt, obruantur, ac extinguantur, vel ita debilitentur, ut parùm, aut nihil prosint etiam illis, qui bona mente, ac voluntate eas ab initio susceperunt, teste Evangelio *Luca c. 8.* ubi apertè testatur Christus, plures quidem esse, qui verbum Dei, ac necessaria, & utilia salutis hinc inde audiunt, vel legendò percipiunt quidem; sed quia cognitionem illorum, & notitiam satis radicatam, ac bene impressam (quæ meditandò acquiritur) non habent, ab inordinatis, quibus omittentes meditationem abundant, curis, sollicitudinibus, terrenisque, & profanis speciebus, tanquam spinis, brevi ita obruantur, & suffocantur, ut necessarium fructum afferre

afferre non valeant; eò quòd tempore occasionis, aut tentationis, omnino non, vel obiter tantum, obscure, & insufficienter recordentur illorum, quæ ad declinandum malum, ac faciendum bonum, voluntatem movere possent, & deberent; quod ipsum una ex principalibus causis ruinæ spiritualis est.

32. Hinc multi ex SS. Patribus existimant, omnes hominum imperfectiones, omniæque eorum peccata provenire ex defectu veræ fidei, non quidem, quasi non crederent (innumeri enim sunt, qui Myſteria, Articulos, & Principia fidei firmiter credunt) sed quia illorum, uti deberent, præsertim tempore occasionis, & tentationis, non recordantur, nec ea debite considerant; hoc enim si facerent, certissimè aliter viverent, & tot peccata non committerent.

33. *Tertia Ratio* est; quòd, qui raro, aut nunquam meditantur, non discant, minùs assuescant, consequenter bene non sciant, nec bene possint; indèque nunquam, aut raro, vel certè non nisi imperfectè soleant perinter-

nos bonos, affectus, & virtutum actus cum Deo conversari, & agere; nec reciprocè audiant, neque intelligant, adeoque nec sequantur, sed negligant ipsius vocem, illuminationes, & inspirationes, ex quo non potest non ingens sequi iactura, ac ruina; si enim in Meditatione per internos actus, sanctamque cum Deo conversationem, & unionem homo nunquam ardescit, nec conservatur, & nutritur ignis devotionis, necessariò frigescit charitas, tepescit animus, spiritus devotionis, & fervoris deficit, vel extinguitur, tædium, fastidiumque rerum spiritualium introducit, omnis consolatio, & gaudium in Domino perit, cessat, totaque vita, & exercitia pia desipiunt, indèque vel omittuntur, vel negligenter peraguntur; sed & multæ imperfectiones, laxitates, dissolutiones, aliæque illicita committuntur, mali habitus contrahuntur, &, quia omnis interna consolatio, & quies in Domino abest, ad solatjuncula externa recurritur, malis, que passionibus, & inordinatis affectibus habentæ laxantur,

indèque sequitur, quòd continetur vita, si non graviter mala, saltem totaliter tepida, ita, ut anima tandem deveniat ad magnum totalis ruinæ periculum; præsertim, quia imperfectum, ac periculosum hunc vivendi modum deponendi, aut emendandi, nulla, aut certè non nisi tepida, & inefficacia fiunt proposita, hæc ipso, quòd voluntas nec à majori, & clariori, bene fundata, & impressa (quæ frequenter meditandò acquiritur) rerum notitia, nec ab inspiratione, ac illuminatione Divina, quam juxta dicta vel non agnoscunt, vel non audiunt, vel non sequuntur, efficaciter ad illa moveatur. Ex his Charissimi!

34. Colligitis *Primò*: non velle sedulò frequentare Meditationem, esse idem, ac non velle tendere ad solidam virtutem, ac perfectionem, cum hæc sine illa, tanquam mediò necessariò, obtineri non valeat.

35. Colligitis *Secundò*: velle vitare, fugere, aut declinare Meditationem, vel se eidem sub-

ducere, esse idem, ac velle subjacere suis malis affectibus, utpote qui sine illa eradicari non valent.

36. Colligitis *Tertiò*: si de aliquo cum veritate dicitur, quòd non æstimet, non amet, & frequentet meditationem, de eodem etiam cum veritate, & absque scrupulo dici possit, quòd nulla in eo sit solida virtus, & multò minùs aliqua in illo reperitur perfectio.

37. Colligitis *Quartò*: Religionem, Provinciam, aut Monasterium, in quo Meditatio non æstimatur, & debitè non frequentatur, vel Communitatem, ubi eadem à quovis passim, & liberè negligitur, verè esse, omnique jure dici posse miseram, & penitus imperfectam, utpote quæ Dei famulis, aut famulabùs, solida virtute, & perfectione præditis ordinariè caret; e contra imperfectis, tepidis &c. semper abundat, & à qua nec pro Dei gloria, nec aliorum salute insignis aliquis fructus sperari potest.



§. II.

De Facilitate Meditationis.

98. **C**onsultò, & necessario ponitur præsens Paragraphus ad detegendam, & tollendam falsissimam, & maximè nocivam apprehensionem, ac opinionem, qua plurimi putant, meditari esse rem valde difficilem, & abstrusam, altam insuper, sublimem, & nescio quàm artificiosam, adeò, ut à solo nomine terreantur, ac de ea horrorem, & fastidium habeant, indeq; vel omnino fugiant, & omittant, vel ubi, & quantum possunt, declinant, præsertim, quia opinantur, & ut dicunt, experiètiâ probatum habent, se non posse utiliter meditari, consequenter melius esse, si tempus, meditationi aliàs deputatum, aliis, iisque utilibus operibus e. g. orationi vocali impendant, quàm quòd inter continuas distractiones cum tædio, ac fastidio, sinè fructu meditari frustra contentur. Gravissimus hic error, & falsissima imaginatio à grandi fraude dæmonis provenit, quæ non tantum sæculares à potiori, sed etiam non

paucos Religiosos à frequentanda Meditatione deterret, & maximo cum detrimento illorum spirituali avertit. Ad hanc itaque falsissimam opinionem, & nocivam meticulositatem detegendam, & tollendam

39. Quæritur I. An, & quàm facilis sit Meditatio? Resp. Meditatio, seu oratio mentalis facilissima est, ita, ut quivis rationis compos faciliter meditari valeat, dummodo, quod in se est, humiliter, ac simpliciter faciat, ac pauca quædam, eaque facilia observet.

Hæc Responsio clarè eruitur ex dictis supra à Num. 4. cum enim juxta dicta ibidem, meditari aliud non sit, quàm assumere, & proponere sibi materiam aliquam certam, illamque juxta naturam illius, proprietatem, circumstantias, effectus, causas &c. intellectu attentè considerare, & bene expendere, ad hoc, ut animus, seu voluntas moveatur ad convenientes virtutum actus, & affectus, resolutiones,

tiones, & proposita facienda, quivis fateri debet, hoc facillimum esse, hoc ipso, quod semper in cujuslibet potestate sit, sibi proponere, & assumere certam aliquam materiam, eamque attentè considerare, & circumstantiàtè bene expendere (quis enim prohibetur, aut impeditur ab hoc) si autem, ut facillè potest, hoc facit, convenientes, consideratæque, & bene cognitæ materiæ proportionati affectus, ac actus, resolutiones, & proposita animi, seu voluntatis, naturaliter, & necessariò quasi sequuntur; cum animus, & voluntas nostra ex natura moveatur, actusque, ac affectus, resolutiones, & proposita eliciat, juxta quod intellectus rem bonam, aut malam cognoscit; eique ut talem exhibet: ita, ut, si intellectus rem aliquam cognoscit, voluntatique repræsentat ut malam, turpem, nocivam, odiosam, dolorosam &c. voluntas necessariò moveatur ad illius odium, ac aversionem, resolvatque, & proponat eam fugere, & declinare, ac insuper sollicita sit de mediis eam averrendi: econtra verò, si intellectus rem cognoscit, ac volun-

tati repræsentat, vel exhibet ut bonam, utilem, jucundam, honorificam &c. moveatur ad amorem, & desiderium illius, resolvat, & proponat eam comparare, sollicita sit, & indaget de mediis illam acquirendi, eaque applicare resolvat. Videtis ergo, non difficile, sed facillè esse meditari: quod ut adhuc magis capiat,

40. Scire, & notare debetis Charissimi! in anima nostra tres potentias esse, seu facultates; *Memoriam* videlicet, *Intellectum* & *Voluntatem*, per quas potentias homo internè operatur, & suos actus producit, per *Memoriam* reminiscimur, seu recordamur rerum præteritarum, vel eas ut præsentem, aut futuras nobis simpliciter tantum repræsentamus. per *Intellectum* verò illas, quas nobis objicit, aut exhibet memoria, magis consideramus, expendimus, ruminamur, desuper ratiocinamur &c. per *Voluntatem* denique circa ea, quæ intellectu expendimus, varios affectus & actus pro diversitate rei consideratæ, & cognitionis habitæ, elicimus; illa, quæ bona cognovimus, amandò v.g. desiderandò; resolutiones pro ea affe-

affequenda faciendô , media ad illa necessaria determinandô, impedimenta amovendô, aliôsq̃ue convenientes actus exercendô: illa verò, quæ per considerationem mala cognovimus, odiô habendô v. g. timendô, ob eam facta dolendô, resolutiones, & proposita de illorum fuga in futurum faciendô &c.

41. Hæ itaque tres potentia, seu facultates animæ ad quamlibet Meditationem concurrunt, per easque quælibet necessariò fieri debet, & pro cujusvis libitu facillimè fieri potest, præsertim, cum præfatæ potentia naturali quadam connexionem, ac subordinationem subsequantur, & sese invicem suis in officiis juvent, unâque alterius actus naturaliter secundet, ac faciliat. Sic enim

42. Inprimis per *memoriam* recordamur rei, de qua meditari volumus, ac eam breviter representamus, seu proponimus intellectui, quod utique facile est.

43. *Intellectus* dein rem, five materiam, à memoria sibi propositam, & exhibitam, incipit, & continuat attentè considerare, exactè perpendere, desuper

Deudecker. Pars Prior.

ratiocinari, memoriâ, interea identidem, & quasi inadvertenter subministrante, & suggerente nunc hanc, nunc illam rei meditandæ partem, vel proprietatem, circumstantiam, aut etiam aliam ad propositum servientem materiam, quod, cum naturaliter seu juxta connaturalem modum naturæ rationalis, & quotidie à quovis fiat, nullam etiam in se difficultatem continet. Et quoniam ex hujusmodi attentâ, & sedula rerum consideratione, & persensione major illarum cognitio naturaliter, & necessariò sequatur, pariter ex naturali quasi consequentia consequitur facilitas Meditationis.

44. Denique etiam *voluntas* operatur suos affectus, & actus, resolutiones, & proposita, pro diversitate materiæ considerationis, ac cognitionis inde habitæ elicit, hoc ipso, quod voluntas, utpote potentia cæca, in suis operationibus ab intellectu principaliter dirigatur, ab eoque dependeat, ita, ut tales actus, & affectus, taliter circa rem aliquam eliciat, qualiter intellectus eam cognoscit, & ut eam cognitam exhibet, ipso intellectu, & memoria eandem voluntatem

ZZ.

adl

ad memoratos suos affectus, & actus, nova consideratione, vel recordatione intermedia; ac intermixta, ubi, ac quando indiget, denovo excitante, stimulante, ac quasi adigente.

45. Confirmatur, & ulterius ostenditur meditandi facilitas evidenti experientia quotidiana, qua constat, quod omnes homines rationis compotes, viri & mulieres, juvenes & senes, docti & indocti, etiam simplices & rustici, per dictas tres potentias sæpe, ac absque difficultate facillimè, & verissimè meditentur, hoc ipso, quod nullus sit, qui non sæpe, dum alicujus rei per memoriam recordatur, illam postea per intellectum attentè consideret, ruminet, secundum circumstantias expendat, desuper deliberet, ac prout dein rem cognoscit, affectus, actus, resolutiones & proposita in animo, ac voluntate eliciat, mediâque ad illa exequenda quærat, & assumat; quod à parte rei profectò nil aliud est, quàm meditari.

Probatùr ista experientia exemplis specificis de milite v. g. & de rustico &c. ostendendò, quod etiam hi, ac consequenter qui-

vis alius simplex & rudis, facillè meditari valeat. Hinc

46. Quæritur II. Quomodo hæc facilitas Meditationis possit practicè demonstrari per aliquot paradigmata? Resp. Eam pro capto facillimo cujusvis etiam cæteroquin rudis demonstrari posse per subsequentiâ exempla, ac paradigmata practica.

Meditatio Militis

Super eo, quod in publica platea acceperit alapam.

47. Talis veniens domum, sedet ibi, & in primis recordatur alapæ acceptæ: ecce officium memoriæ, quæ rem meditando breviter repræsentat, seu proponit, ac exhibet, illiusque memorem reddit meditari volentem. Dein hanc injuriam sibi illatam per intellectum magis considerat, ac expendit secundum unam, vel plures, vel omnes circumstantias, secundum quas materia (quæ in historia vel factò consistit, uti est præsens) considerari potest, ac debet v. g. cogitat in primis, & considerat.

48. Quis

48. *Qui mihi dedit alapam?* „Panthaleon ille! quem nuper e vitæ periculo liberavi, quem tot beneficiis contuli, panem cum ipso divisi, egenti, & ludendô etiam omnia perdenti pecunias, quibus ipse indiguissimè, mutuas dedi &c. ô ingratitude! ô ingrate homo, ô maledicta bestia! utinam nunquam aliquid boni tibi fecissem, poenitet me, quod nuper te periculo vitæ eripuerim; verum meâ vitâ te non amplius juvabo, imò si ante oculos meos statim mori deberes, & panis bolô te liberare possem, non facerem. Tantùm expecta, pauci præteribunt dies, ac me iterum pro auxilio invocabis; quia in hoc N.N. non potes meâ operâ carere, sed conclusum sit; iuro per Deum, quod nec in hoc, nec in illo te juvare velim; abripiant me omnes dæmones, si tibi velin minimò amplius succurrâ. Non meretur maledictus hic canis, ingrata bestia.,

49. Ecce quàm faciliter, perfecte, & suô modò meditetur hic miles, utpote qui memor injuriæ, ex consideratione unius tantùm circumstantiæ, statim venit ad proportionatos affectus

admirationis, indignationis, iræ, poenitentiae, fecitque firmissimâ proposita non tantùm in genere, sed etiam in specie, & particulari, consequenter, etsi malâ in genere moris, in modo tamen meditandi, & re ipsa quoad substantiam, ordinatam & veram perfecit meditationem, & quidem facillimè, & absque omni difficultate.

50. Sed pergamus, & videamus, quomodo etiam alias circumstantias v. g. *Ubi? quomodo? quando? quali effectu?* considerare, sicque considerandô se dilatare, & longiorem meditationem peragere faciliè possit, & soleat hujusmodi miles.

51. *Ubi fecit?* „In publica platea, præsentibus & spectantibus pluribus, etiam illo N. extremo meo inimico, qui ex corde gaudebit, & ubique cum gaudio ad contemptum meum enarrabit. Vidit etiam ipsemet Centurio, qui alias me semper habuit pro magnanimo, & cordato; jam verò me non amplius æstimabit, sed pro timido, & nullius animi milite reputabit &c.,

52. *Quomodo fecit?* „Ista maledicta bestia postea adhuc irrisit, mihi insultavit, meque ad ulter-

riorem pugnam, & duellum provocavit, altè clamandò, me esse hunc vel illum &c. nisi me defendam.,,

53. *Quando id fecit?* „ Istud fecit hoc tempore, quo optimam spem habui promotionis proximæ; promisit enim mihi Centurio, quòd hac septimana adhuc promovere me velit ad officium Decurionis locò N. nudius tertius defuncti.,,

54. *Quali effectu?* „ Jam tota hæc spes tua periit, quam tot annis, & inter tot pericula, & ærumnas in militia obtinuisti, jam gregarius miles manere debes; ubique enim proclamaberis, & omnes te reputabunt pro timido &c.,,

55. Ex his & similibus considerationibus rursus sequuntur proportionati affectus v.g. „ ô maledicte canis! ô maledicta hora, in qua te vidi! ô utinam diabolus te abripiat, fulmina te percutiant! ô si hanc bestiam haberem, certè illico jugularem illam, vel gladiò transfoderem &c. sed quare tunc me non defendi? esto sit fortior me, quis scit, an non tamen ipsum superassem, & felici ictu necassem? & dato, quòd me superasset, me-

lius tamen fuisset me vulnerari, vel etiam occidi, quàm modò perpetuò despectum, & absque omni spe promotionis vivere. Ah poenitet me, quòd me non defenderim &c. Verùm factum infectum fieri nequit.,,

56. Tandem facit resolutionem & propositum cum electione mediiorum: „ Sed quid facies modò? visne hæc tolerare? vis perpetuò ita despectus manere? vis hanc gravissimam injuriam, & damnum sinè vindicta, & ultione remittere? certè non, vindicabo me, quidquid tandem contingat. Non quiescam, donec è vivis tollatur, & ad tartara mittatur maledictus hic nequam. Sed quomodo facies? Solus ei impar es, nec vincere poteris. Ita faciam: ille N. est capitalis inimicus hujus nequam, colludam ergo cum illo ad hunc necandum. Sed ubi? quando, & quomodo? extra suam domum rarò est solus: domi suæ ipsum aggredi minùs conducit. Scio, quid faciam: simulabo iterum amicitiam cum illo, illamque per aliquod tempus continuabo, donec falsò securus, mihi ubique iterum fidat &c. Tunc conditione cum ipsius inimico facta,

Sta, ibimus cum illo ambulatum ad proximam sylvam N. ibique ex improvise aggrediamur, & occidamus eum. Ast! quid habes inde? quid juvat te? exinde non promoveberis: sufficit, quod vindicare me possim. Sed te ipsum in periculum vite conjicies; re enim patefacta capite plecteris. Jam possumus rem ita instituere, ut nemo advertat. Est proximus sylvæ fluvius, in illum projiciamus cadaver, vel in sylvâ abscondamus. Sed sciunt omnes, fuisse nos inimicos, consequenter, si non amplius comparet ille, statim contra me erit suspicio: quidquid sit, vindicare me debeo, mori debet maledictus hic hequam; et si ego quoque vitam meam perdam: sufficit, si me vindicavero; manet ergo firmissimè conclusum: cras statim manè ibo ad illius inimicum, & colludens cum illo totum negotium tractabo cum ipso &c. „

57. Ecce Charissimi! meditationem in genere moris pessimam quidem, in substantia verò, & essentia perfectissimam, utpote in qua miles, postquam per memoriam recordatus est injuriæ acceptæ, eam per intellectum

secundum circumstantias attentè, ac exactè consideravit, & expendit, ex quo ad varios affectus, & actus commota fuit voluntas, fecitque diversa firmissima, & efficacissima ad intentum proposita, non tantum in genere, sed etiam in specie, & particulari; sollicita insuper fuit, & indagavit de necessariis, & conducentibus mediis, illaque assumere firmiter resolvit: quod revera in substantia, & essentia perfectissimè meditari est, ut magis patebit ex dicendis postea.

58. Et hoc, quod facillimè potest unus gregarius miles, idem eadem facilitate imitari, ac tali, vel simili modò meditari posset quivis etiam illiteratus de communi plebe. Si ergo quivis simplicium hujusmodi, vel similem aliam in substantia meditationem instituere facillimè potest, profectò fateri debetis, meditari non esse difficile, sed facile. Posset hoc innumeris exemplis evidenter, & ad oculum demonstrari, sed brevitatæ gratiâ à pluribus abstinemus, & unicuique tantum, brevius tamen de meditatione rustici adhuc adducemus.

Meditatio alicujus Rustici

De emanato Decreto Cæsareo, vel Taxâ, vi cuius hoc Anno debet quatuor integras Steuras præstare.

59. **T**ALIS in primis recordatur hujus Decreti, sicque per memoriam illud proponit, seu exhibet intellectui; ecce primam meditationis partem, quæ per memoriam fit. Dein intellectu incipit illud considerare secundum circumstantias, secundum quas juxta dicenda infra *Cap. sequente à Num. 59.* considerari potest, & solet textus aliquis, vel sententia, lex, mandatum, &c.

60. Considerare ergo potest, & solet talis rusticus sensum Decreti v. g. quid velit, vel contineat hoc Decretum, & v. g. taliter considerare incipit. „ Vi illius debeo hoc anno iterum dare quatuor steuras: una harum facit 20. florenos, omnes autem efficiunt 80. florenos. Bone Deus! quid est hoc? non habeo decem florenos in domo, & deberem 80. dare; ac præter hoc etiam dare annuum canonem Domino directo; restat adhuc

solvendum salarium pro famulis, & famulabus; urget etiam ille Creditor interesse, quod jam per tres annos non dedi pro summa 300. florenorum. Solvendi insuper sunt fabri lignarii, ferrarii &c. Est impossibile, non possum dare. Sed cheu! si non do, veniunt exactores, quibus quotidie cibum & potum, ac insuper salarium præbere debeo, donec steuras actu persolvam, quod si non facio, vi auferunt, & dimidiò pretiò vendunt frumentum, equos, boves, & oves, indeque majus adhuc patior damnum. O tyrannicum Regimen! ô nos miseros rusticos! ergo nulla misericordia, & charitas apud Dominos? ergo ad sanguinem usque exfugere nos volunt? Sed quid lamentor? debet esse, nullum est auxilium, si non do, damnum duplò majus patior: inter duo mala minus est eligendum &c. Quid ergo faciendum? debeo certè vel vendere aliqua, vel mutuas accipere pecunias, interea verò, donec iterum solvere potuerio, debeo in omnibus parcius vivere &c. Sit ergo; mutuas ab illo N. pecunias accipiam 100. florenos, quos cum tempore ut solvere iterum

rum

rum valeam, diebus Dominicis & festivis hospitium non accedam; à carnibus quoque abstinabo, & de farina vivam: ad hanc autem coquendam butyrum parcè sumere permittam, ut illud vendere valeam in majori quantitate; triticum excutere ipse juvabo; quatenus uno operario carere, & salarium mihi reservare valeam: ad Festa Natalitia novam vestem, qua bene indigerem, non comparabo, sed hac attrita incedam &c. „

61. Ecce rursus optimam, & practicam meditationem, utpote in qua intellectus etiam rusticus, postquam ipsius memoria recordandò rem exhibuit, intellectus illam circumstantiàtè, bene, & ita expendit, ut voluntas fuerit mota ad varios affectus, & efficacia proposita, non tantum in genere, sed etiam in specie, & particulari, ad intentum optimè facientia. Si ergo rusticus etiam bene, & faciliter meditari potest, quis dicat, meditationem, vel meditari esse difficile?

62. Dicitis forsan, has meditationes non esse bonas, sed malas, vel solum indifferentes; consequenter pro exemplo hic non

quadrare. Resp. Verum quidem esse, illas non esse bonas in genere moris ad finem supernaturalem; esse tamen bonas, imò optimas quoad substantiam, seu essentiam meditationis, consequenter, licet non serviant ad imitandum, serviunt tamen ad cognoscendum, quàm faciliter à quovis in substantia fieri valeat Meditatio etiam bona in genere moris, eò quòd hæc à mala, vel indifferenti in genere, & substantia meditationis non differat, cum ad quamlibet harum memoria, intellectus, & voluntas quasi pariformiter, ita videlicet concurrant, ut memoria recordandò proponat, seu exhibeat materiam; intellectus eandem attentè, exactè, & circumstantiàtè consideret, ac expendat, donec voluntas ad proportionatos affectus, actus, & proposita moveatur, illòsque eliciat; consequenter differentia tantummodo materialis inter has in hoc solo consistat, quòd in meditatione moraliter mala, aut indifferenti, intellectus rem aliter, & secundum tales circumstantias, rationes, vel motiva consideret, quæ potius ad malos, vel indifferentes, quàm bonos

bonos affectus, actus, & proposita moveat voluntatem, hæcque illos præ istis eliciat, quod tamen est in libertate cuiuslibet, cum quivis rem seu materiam, prout vult, & secundum circumstantias, motiva, & rationes, quas vult, ad bonum nempe, vel malum finem considerare, indeque proportionatos affectus, actus, & proposita elicere possit. Quod ut magis pateat, sumamus ipsum superius à Num. 48. positum exemplum de meditatione militis, & demonstrabimus, ab illo æquè perfectè, & faciliter posse institui meditationem in genere moris bonam, quàm malam, aut indifferentem super præfata materia.

Meditatio Militis

Etiam in genere Moris
bona.

63. Bonam ergo in genere moris faceret meditationem talis miles, si eam, prout facile posset, dummodo vellet, sequenti, vel simili modò institueret: si videlicet affectus iræ, indignationis, & vindictæ, ad quos ex memoria, & circumstantia supradicta, considera-

tione alape acceptæ, ac injuriæ commotam sentiret. voluntatem, tantisper cohiberet, & considerandò cogitaret.

64. „ Quid vis facere? visne huic ingrato ignoscere, & hanc injuriam patienter tolerare, vel vis vindictam de illa sumere? audisti sæpe, & legisti in Evangelio, audisti in concionibus, vel etiam legisti, quòd Deus graviter præcipiat, ut ignoscamus, & dimittamus inimicis nostris, eisque beneficiamus, si volumus, ut etiam ipse dimittat nobis debita nostra, peccata nempe; ergo etiam tu dimittere, & ignoscere debes, alias nec tibi dimittetur, neque remittentur tibi peccata tua, & injuriæ erga Divinam Majestatem commissæ. Ecce quotidie oras in Pater Noster: Et dimitte nobis debita nostra, sicut & nos dimittimus debitoribus nostris; si ergo non dimittas, maledictionem tibi quotidie exoras, hoc ipso, quòd quotidie roges, ut tibi taliter dimittat, sicut tu dimittis; tu autem non vis dimittere, ergo rogas, ut nec ille tibi dimittat. Cave, ne facias, alias vix tibi. Considera anima mea, quid habeas, & quid sequatur, si non dimit-

dimittis, sed vindictam sumis: & econtra quid, si ex corde propter DEUM dimittis. Si prius facis, DEUM gravissimè offendis, illumque tibi inimicum facis, animam in æternas flammæ præcipitas, cogita æternas, æternas &c. quomodo æternas pœnas; æternasque illusiones & contemptus sustinebis, qui modicam hanc injuriam sustinere non potes? eris etiam infelix, inquietus, & ex omni parte miser, quia nec hic potest aliquis esse felix, nec quietus, qui Deum sibi inimicum habet. Certè sinè benedictione, & auxilio Divino nemo in aliquo prosperatur, sed in cunctis infelix est; qui autem Dei inimicus est, illius auxilium nec confidenter implorare, nec prudenter sperare potest. Econtra si posterius facis, DEO summopere placebis, & ingens meritum habebis, tuorumque remissionem peccatorum certò obtinebis; sæpe enim in concionibus audisti, Deo gratissimum, nobis summè meritorium, & ad delenda peccata nostra, quantumvis magna, efficacissimum esse, si inimicis nostris ignoscimus: prout etiam ex variis histo-

riis scis, vi quarum etiam Crucifixus è cruce loquens, summum beneplacitum suum Divinum ostendit erga eos, qui inimicis suis dimiserunt. Forsan Deus ex singulari sua providentia hanc super te injuriam permittit, ut haberes occasionem exercendi actum DEO gratissimum, & tibi utilissimum? forsan salus tua æterna pendet ab hoc actu?

Vide, & considera exemplum JESU Christi, qui in cruce pendens suis etiamnum calumniantibus, blasphemantibus, & intensissimè cruciantibus inimicis non tantum ignovit, sed pro eisdem etiam Patrem coelestem rogavit.

Cogita, quales tu, quantasque injurias irrogâris, & quasi continuo irrogas DEO, qui tamen tibi innumera, eaque maxima beneficia contulit, & omni momentò conferre non cessat. Profectò ingratitudo tua erga DEUM infinitè major est, quam ingratitudo inimici tui erga te: insuper infinitè major est injuria, qua tu DEUM, & quidem quotidie afficis, quam injuria, qua te afficit inimicus; & tamen vis,

ut tibi ignoscat. DEUS, quod etiam libentissimè facit, dummodo & tu ignoscas.

Sit ergo misericordissime Deus; quia tu vis, quia præcipis, quia tibi adeò gratum, & acceptum est ignoscere inimicis, volo ignoscere meo inimico, & propter te jam ex nunc, & in perpetuum ignosco: imò non tantum ignosco, sed ad exemplum JESU Christi dilectissimi Filii tui, te etiam pro illo rogo, ut eidem ignoscas, & pro injuria, quam mihi intulit, omne bonum animæ, & corporis eidem copiosè tribuas.

Gratias humillimas tibi ago pro Divina tua permissione, quæ factum est, quòd adversarius hic meus alapam infligens, occasionem mihi præbuerit specialiter tibi gratos aliquos exercendi actus. Doleo, quòd vel momentò affectibus iræ, indignationis, ac vindictæ indulserim: doleo, quòd acceptà alapà non statim juxta doctrinam Evangelii alteram maxillam præbuerim, & ita faciendò te honoràrim.

Pro neglecta hac occasione, & ad implendam tuam sanctissimam voluntatem, causandum-

que tibi beneplacitum, agam saltem defacto adhuc, quæ possum, & quæ erga inimicos præcipis; & desideras: tu vis in Evangelio, ut ante omnia quis reconcilietur fratri suo, & insuper beneficiat inimicis suis, ecce propter te id faciam, & quia hodie non amplius occasio est, statim cras accedam ipsum, & omni affabilitate, & familiaritate faciam cuncta, quæ pro nova inter nos amicitia & tollenda omni animorum^o aversione videbuntur conducentia. Præstabo quoque eidem, ubicunque possum, omne possibile auxilium, & charitatis obsequium: in specie verò N. N. faciam &c.

Suscipe igitur clementissime Deus! exiguos hosce, à te tantopere desideratos remissionis actus, & mihi quoque, prout promissisti, peccata dimitte; dimitte nobis debita nostra, sicut & nos dimittimus debitoribus nostris: prout firmiter spero; quia in promissis tuis infallibilis & infinite verax es.

Dicant, & sentiant homines, quidquid velint, habeant me pro timido, vel alio, sufficit mihi, quòd DEO placeam, qui corda hominum in sua manu habet, & potest,

potest, si vult, facere, ut ex hoc actu me non vilipendant; sed æstiment; mihi que loco confusionis, & abjectionis, quam stultitè timui, gloria, & promotio eveniat, quam etiam, si est ad Dei gloriam, & meam salutem, certò spero.

Gratias humillimas tibi ago ter optime Deus! pro lumine, & gratia, qua ad præfatorum cognitionem venire, debitos actus, & resolutiones facere potuerim. Confirma hoc Deus, quod operatus es in me, & da gratiam ulterius, ut, quæ te inspirante, & adjuvante proposui, in opere exequi valeam; quod humillimè, & confidenter te rogo per illam charitatem, qua JESUS CHRISTUS Filius tuus in cruce pro inimicis suis rogavit, eisque benefecit, & voluit, ut sequeremur vestigia ejus.,

65. Ecce! etiam in genere moris bonam meditationem, quam facile facere potest miles, si vult, præsertim, cum rationes, motiva, & circumstantiæ, quæ in consideratione proposita fuerint, sint communia, quæ passim audiuntur in concionibus, ac Evangeliiis, & ex quibus, si considerantur, subsequentes affectus,

& actus, bonæque proposita voluntatis quasi necessariò sequuntur.

66. Parè modò potest etiam allegatus Num. 59. rusticus, sicut & quivis alius in quavis occasione assumere, & considerare communia saltem, quæ passim in concionibus, & Evangeliiis, vel alibi audit, vel legit, rationes, & motiva fidei, & morum &c. ex quarum consideratione voluntas ad bonos affectus, actus, & proposita quasi necessariò movetur, sicque meditatio à quocunque faciliter fieri poterit.

67. Nec dicatis, illam superiorem à Num. 47. positam militis meditationem malam, & subsequentem rustici indifferentem, facilem quidem esse, eò quod, quæ ibidem considerantur, sint communiter nota, & sub sensu cadant, indeque magis cognoscantur, penetrentur, & apprehendantur, præsertim cum ad illa aliàs jam inclinet natura, consequenter etiam voluntatem ad affectus, actus, & proposita proportionata citius, magis, & sensibilius moveant, dum contra illa, quæ in præcedente militis meditatione bona confide-

rantur, sensibus nostris tam nota non sint, nec ita sub eos cadunt, sed tantum ex cæca fide habeantur, ac insuper naturæ nostræ plerumque adversentur, & sint contraria, consequenter voluntatem ad correspondentes affectus, actus, & proposita nec faciliter, nec sensibiliter moveant, indeque meditatio in genere moris tam facilis non sit.

68. Resp. enim, verum quidem esse, quod ea, quæ sub sensus cadunt, sensibusque magis, & quasi communiter nota sunt, majori cum facilitate considerentur, magisque sensibiliter penetrentur, & cognoscantur, indeque voluntatem ad sensibiles affectus, actus, & proposita citius, & magis moveant, præsertim, si alias jam natura ad illa propendet; attamen etiam verum esse, quod illa quoque, quæ sub sensus non cadunt, sensibusque nostris communiter nota non sunt, sed sola cæca fide habeantur, & sciuntur, ac insuper naturæ nostræ adversa sunt (hujusmodi sunt pleraque Principia, Regulæ, & Doctrinæ fidei, ac morum) cum pari facilitate non quidem *sensibiliter*, sed *rationaliter*, seu secundum ra-

tionem considerari, & imprimi valeant, indeque voluntas æquè, imò magis faciliter, magisque efficaciter, & quasi necessario ad correspondentes bonos affectus, virtutum actus, bona proposita, & resolutiones, non quidem sensibiles, sed rationabiles, seu secundum rationem moveri, eosque exercere valeat, eo quod ratio, motivæque rationabilia longè validiora sint, magisque à parte rei, & efficacius moveant voluntatem, quàm sensibilia.

69. Patet hoc in obvio quovis exemplo e.g. moriuntur alicui dilectissimi Parentes; conflagratur domus, vel auferuntur eidem cuncta sua bona fortunæ; talis sine dubio ob hujusmodi casus, utpote sub sensum cadentes, facile potest sensibiliter considerare, simulque citò movetur ad affectus sensibiles v.g. dolorem, tristitiam &c. ita, ut etiam copiosas lacrymas effundat: e contra, si peccata sua, & offensas contra DEUM commissas, ac multiplex, idque gravissimum inde consurgens damnum considerare vult, & de iis meditari juxta principia, & doctrinam fidei, & morum, id sensibiliter quidem pro libitu facere

non

non potest, bene tamen (& facilliter quidem) id semper potest secundum rationem, & præfata principia, doctrinamque fidei, ac morum; ex quorum consideratione pariter facile movetur voluntas ad correspondentes affectus, & actus, non quidem sensibiles, sed rationabiles, seu secundum rationem, ita tamen, ut hi ex motivo fidei, ac morum, ac secundum rationem solummodo, absque ulla devotione, seu commotione sensibili provenientes affectus, & actus voluntatis possint esse, ac plerumque sint longè efficaciores, quàm illi, qui nescio quacum devotione, teneritudine, ac commotione sensibili eliciuntur ex consideratione illorum, quæ sub sensum cadunt: cum quisvis, vel parùm timens DEUM interrogatus, an libentiùs vellet se nunquam offendisse DEUM, quàm non fuisse mortuos suos parentes; vel an deliberatè vellet, committere aliquod peccatum mortale, si

per illud posset resuscitare parentes, ac facere, non esse combustam domum, illico respondurus esset, utique libentiùs vellem, me DEUM nunquam offendisse, quàm meos, etsi dilectissimos parentes, non esse mortuos; quia majus malum reputo me offendisse DEUM, quàm mortem parentum &c. Ecce in re, & effectu major, & efficacior affectus, ad quem movetur voluntas rationabiliter ex consideratione principiorum fidei, ac morum, quàm ille, ad quem sensibilibiter movetur ex consideratione eorum, quæ magis sub sensum cadunt, licèt hic posterior affectus, doloris v.g. longè sit sensibilibior, utpote etiam lacrymas exprimens; dum econtra ille prior sinè ulla devotione, teneritudine, aut commotione sensibili totaliter siccus, & aridus, attamen cum advertentia rationis seriò est elicitus.



§. III.

De Preparatione ad Meditationem ritè instituendam requisita.

70. **C**harissimi! dicta in præcedentibus duobus Paragraphis eo collimant, ut magnam semper de meditatione, ejusque facilitate æstimationem, magnūque amorem, & desiderium, & bonam voluntatem ad meditandum acquiratis, & retineatis; sicut enim in cunctis aliis, ita etiam in sacra meditatione, ejus æstimatio, amor ac desiderium, bonæque voluntas eam mirè faciunt, ac juvant. Et quoniam nullum dubium est, quin ex declarata, & demonstrata maxima meditationis præstantia, necessitate, utilitate, & facilitate, singularem de illa æstimationem, magnūque erga illam amorem, desiderium, & bonam voluntatem conceperitis, indeque tantum scire desideretis, quidnam ulterius ex vestra parte circa modum meditandi facere, & observare debeatis, id docebimini partim per præsentem paragraphum demonstrandò, qualiter in praxi requiratur, fierique possit præparatio ad meditationem rectè faciendam, partim subsequenter adducendò, & declarandò partes meditationis, perfectamque, & facilem cujusvis partis, sicque totius meditationis modum, & praxin, doctrinæque, & principia practica ostendendò.
71. Quæritur I. Quid, & quod duplex sit præparatio ad meditationem? Resp. I. Præparatio hæc nil aliud est, quàm debita dispositio, qua quis meditari volens, ad id se ritè disponit, seu præparat, præviè faciendò ea, quæ ad meditationem perfectè, & rectè faciendam necessaria, vel magis utilia videntur: & contra removendò ea, quæ eandem impedire, debitaque perfectioni illius obesse censentur. Patet descriptio ex terminis.
72. Resp. II. Hæc præparatio est duplex, remota scilicet, & proxima: de qualibet harum pro majori utriusque claritate, & faciliori praxi, speciale ponamus quæsitum.

73. Queritur itaque II. In quo consistat, & quam necessariò fieri debeat preparatio *remota*? Ante responsionem notandum est, non deesse, qui dicunt, remotam preparationem consistere in animo à passionibus, & peccatis, inordinatisque affectibus libero, seu in conatu, quo quis immunem se reddit à malis passionibus, inordinatis affectibus, & desideriis, superfluis curis, & distractionibus terrenis, eo quòd his subjectus meditari difficulter possit. Verùm, licet hæc preparatio multùm juvet ad perfectè meditandum, quia tamen nimis remota, nimisque generalis est, & potius ipsa meditatio ad ipsam habendam; seu ad acquirendum animum à passionibus inordinatis liberum, seu ad passionem vincendam sit medium necessarium, hinc cum communi aliter, & magis ad propositum sumendò preparationem remotam,

74. Resp. I. Preparatio remota consistit in hoc, ut pridie ante somnum (si manè instituitur meditatio) designetur, seu determinetur materia, de qua quis meditari vult.

75. Resp. II. Ad hoc, ut designatio, seu determinatio ma-

teriz, tanquam remota preparatio, debite, ac perfectè fiat, frequentia in praxi observare debetis Charissimi! & quidem *Primo*. In primis conversionis vestræ annis, ac donec in rebus spiritualibus, & oratione mentali majorem experientiam acquiratis, debetis materiam meditando pridie legere ex libro aliquo, formatas meditationes continente; tum, ut inde memoria, intellectus, & voluntas vestra magis juventur; tum, ut successivè videatis, & cognoscatis, quàm diversimode materiæ considerari, affectusque circa eas, & proposita elici, sicque fructus ex meditatione hauriri possint.

76. *Secundò*. Quamvis, si cum tempore in spiritu, rebusque spiritualibus, usu, & praxi meditando magis experti, magisque fundati eritis, necesse vobis non sit (utile enim semper est) ex libro meditationes formatas continente, materiam meditationis relegere, sed possitis eam ex alio libro legere, vel alias jam lectam, vel auditam v. g. historiam, Evangelii doctrinam, aut S. Scripturæ, vel aliud mysterium meditandum assumere, id tamen, de quo meditari vultis,

tis, pridie determinare, & in duo, vel tria puncta dividere debeatis.

77. *Tertiò.* Præcipuè observare debetis, ut, dum pro futura meditatione legitis, vel determinatis, & præparatis materiam, jam tunc aliquo modo ob oculos habeatis, & quasi provideatis, ac determinetis fructum; videlicet, quosnam circiter bonos affectus & virtutum actus, & quænam bona proposita in hac meditatione elicere velitis; & possitis pro fine, & intento vestro, quod in quavis meditatione habere debetis.

78. *Quartò.* Enimvero præprimis observare debetis, ut in designatione, ac determinatione materiæ intendatur, ac præfigatur unus aliquis certus finis, sive fructus principalis v.g. extirpatio alicujus certi vitii, vel malæ passionis; aut acquisitio, & exercitium alicujus virtutis, vel alicujus certi operis, vel muneris debita executio &c. ad quem finem consideratio prudenter dirigî, illucque affectus, virtutum actus, & proposita potissimum reduci, atque pro eodem Deus in meditatione ferventer rogari, & invocari, idque totum

quasi prævideri debet; nisi enim certus aliquis finis, & scopus intendatur, & ad illum obtinendum in designatione materiæ, & in ipsa postmodum meditatione debite reflectatur, optatus fructus ex illa ordinariè non reportatur. Nec erit in hoc difficultas, cum experientiâ teste facile sit, quòd, de quacunque materia quis meditatur, illam ad suum finem intentum aliquo modo trahere, ac dirigere, affectusque, virtutum actus, & proposita, ad illum conducentia elicere, & pro eodem acquirendo humiliter, ac fiducialiter precari, consequenter in quavis cujuscunque materiæ meditatione fructum optatum, & intentum habere valeat.

79. Notandum tamen, quòd, licet in præparatione remota certus finis præfigi, & ad illum fructus meditationis dirigî, ac quasi prævideri debeat, huic tamen ita insistendum, seu inhaerendum non sit, quin ductui Spiritûs Sancti, qui subinde præter nostrum intentum ad alia, æquè, vel magis utilia, in ipsa meditatione illuminat, movet, & dirigît, nos accommodare, & obtemperare possimus, ac debeamus,

mus,

mus, prout notat celeberrimus in meditatione & contemplatione Magister, S. Petrus de Alcantara.

80. Resp. III. Præparatio remota hætenus explicata, ad meditationem, quæ ordinatè, & certo ad id designato tempore per integram v. g. vel per mediam horam instituitur (secus est de ea meditatione, quæ ex obvia quavis occasione fit juxta dicta Num. 12.) perfectè, & desideratò cum fructu peragendam, non solum utilissima, sed etiam (quantum ad præviam lectionem, vel saltem determinationem materiæ meditandæ) necessaria est. Ita sentiunt omnes Ascetæ, docetque quotidiana experientia, qua constat, quòd illi, qui ad futuram meditationem debitè se præparant, magnum plerumque fructum ex ea hauriant: illi verò, qui sinè præparatione accedunt, tempus meditationis distractè, otiosè, tardiosè, vel aliàs imperfectè consumant, nullumque, vel modicum fructum reportent.

81. Ratio autem est; quia Deus, sicut in alijs, ita vel maxime in meditatione requirit &c.

Neudecker Pars Prior.

nam nostrum conatum, & cooperationem, adeò, ut sicut pane corporali, ita & spiritali (qui est oratio) in sudore vultus nostri vescamur: quapropter solet plerumque gratias, & lumina sua dare pro modo, & mensura conatùs, & laboris nostri: hinc illis, qui debita cum diligentia materiam pridie relegunt, vel saltem designant, ac determinant, in puncta dividunt, fructumque quodammodo prævident, & sibi præfigunt, Deus in meditatione magis assistit, lumina, inspirationes, & gratias ampliores tribuit; quas econtra negat, vel subtrahit illis, qui absque debito conatu, & labore prævio otiosè quasi meditationem accedunt: capropter illud commune erat apud antiquos Patres: *Quales volumus esse in meditatione, taliter prius nos præparare debemus*; quia, licet Deus ad quamlibet orationem, specialiter tamen ad orationem mentalem, seu meditationem, ceu formalem audientiam & conversationem cum Deo, ex professo ordinatè instituendam, requirit præparationem præviam, juxta illud Spiritus Sancti *Eccli. 18. v. 23. Ante orationem præpara ani-*

Bbb

mam

nam suam, & noli esse quasi homo, qui tentat Deum.

82. Contra quam Divinam ordinationem agere, & DEUM quasi tentare censetur, indèque in meditatione à DEO justè derelinquitur, qui absque præparatione remota, ordinatam meditationem attentare præsumit, præsertim, si (ut plerumque fit) nulla gravi, aut rationabili causa impeditus, ex solo tædio, & fuga modici laboris, qui ad faciendam præparationem requiritur, vel inordinato ad alia affectu, aut occultâ superbiâ ejusmodi præparationem omittit.

83. Colligētis proin Charissimi! *Primò.* Quantopere errent, & quàm malè sibi consulant illi, qui sinè præparatione remota meditari præsumunt, dum materiam meditandam pridie non relegunt, nec designant, aut determinant. *Secundò.* Qui id faciunt quidem, sed non nisi obiter. *Tertiò.* Qui nullum certum sibi meditationis præfigunt, nec prævident finem, aut fructum ex ea hauriendum.

84. Colligētis ulteriùs, quare multi ex meditationibus exiguum, vel nullum reportent fructum; quia nempe multi debi-

tam præparationem remotam, & quidem nullarationabili causa impediti, omittunt.

85. Quæritur III. In quo consistat, & quomodo in praxi fieri debeat præparatio proxima? Resp. I. Hæc consistit in certis, & brevibus quibusdam actibus, scilicet I. Fidei, & adorationis præsentis Dei. II. Humiliationis. III. Contritionis. IV. Intentionis, & oblationis. V. Propositi rectè orandi. VI. Invocationis pro assistentia Divina. VII. Resignationis, & protestationis. Qui actus immediatè ante meditationem, seu tunc exerceri debent, quando quis in loco meditationis jam existens, eam statim inchoare intendit. Ist hæc ex præfatis actibus consistens præparatio DEO valde grata, homini valde utilis, & meritoria, atque ad rectè meditandum plurimùm proficua est, eamque ipsa natura dicitur, & summa æquitas suadet, si vel obiter tantùm audientiam Divinam, & diversitatem conversantium, seu colloquentium in ea, DEI nempe, & hominis, illiusque infinitam dignitatem, immensamque Majestatem, contra hujus extremam vilitatem,

ac indignitatem consideremus.

86. Resp. II. Præparatio proxima ex præfatis actibus consistens in praxi bene, & valde utiliter fieri potest sequenti, aut simili modò.

Formula

Præparationis Proximæ, immediate ante Meditationem faciendæ.

Actus Fidei, & Adorationis præsentis Dei.

87. „**O** Deus meus, & omnia! ecce coram infinita Majestate tua Divina, quam immensam, & præsentissimam firmiter credo, ac profundissima humilitate, omnique possibili reverentia, & submissione in terram prostratus adoro, & veneror, compareo omnium creaturarum malitiosissima, & ingrattissima, tuoque conspectu, & multò magis tua conversatione Divina me indignissimum agnosco, & confiteor. „

Actus Humilitatis.

88. „**Q**uis enim sum ego, & quis tu? tu infinitæ & immensæ Majestatis Deus, cœli, terræque Dominus, coram quo Angeli contremiscunt, & prære-

verentia facies suas abscondunt. Ego vilissimus terræ vermiculus, inanis pulvis, canis mortuus, & nihil, imò pejus nihilò, utpote qui illo, quod per te sum, iniquè abutens, infinitam tuam Majestatem, & Bonitatem, quam super omnia amare, & honorare ex infinitis titulis debuissim, malitiosissima iniquitate, & insana præsumptione innumeris injuriis, & contemptu affeci. „

Actus Contritionis, & Propositi.

89. „**V**erum amandissime Deus! doleo ex corde, quòd unquam vel in minimo te offenderim, & propono firmissimè in nullo te amplius offendere, sed semper te amare, & ex amore erga te perfectè tibi servire, tuamque sanctissimam voluntatem in omnibus exactè adimplere. „

Actus Intentionis, & Oblationis.

90. „**E**t hanc ipsam ob causam, ut videlicet tuam sanctissimam voluntatem adimpleam, quia vis, & in deliciis habes, esse, & conversari cum filiis hominum, indèque ad Divinam audientiam me, etsi indignissimum

num, admittis, & hoc ipso tempore per Superiores meos tui locum tenentes, me vocas, corde contrito, & humiliato in conspectu tuo Divino compareo, & licet sim cinis, & pulvis, humillimè loquor ad te, & audiam, quid loquaris in me. „

„ Ut tamen hæc mea indignissima conversatio, & oratio mentalis tibi gratior existat, eam cum perfectissima oratione Jesu Christi Filii tui unio, ac coniungo, sicque unitam, ad laudem tuam, & gloriam humillimè tibi offero. „

Actus Propositi rectè orandi.

91. „ **F**irmissimè proponens, quod illam non tantum omnipossibili reverentia, & attentione perficere, sed tuis etiam Divinis inspirationibus, & locutionibus aurem mentis humillimè præbere, ac in opere ipso exactè obtemperare velim. „

Actus Invocationis.

92. „ **S**ed quoniam sine te prorsus nil possum, nec ullam bonam cogitationem habere valeo, te pro gratia, & auxilio humiliter, ac fiducialiter per infi-

nitam tuam bonitatem, merita, & Nomen JESU imploro. Da mihi intellectum, & scrutabor legem tuam, & custodiam illam in toto corde meo: faciem tuam illuminata super servum tuum, & doce me justificationes tuas. O Pater coelestis reple memoriam bonis cogitationibus. O Fili Dei, æternum Verbum Patris, illustra intellectum meum coelesti tuo lumine. O Spiritus sancte Deus, amor utriusque, voluntatem ad affectus, actus, & proposita tibi grata inflamma. Tu quoque ter admirabilis immaculata Virgo, & Mater, refugium peccatorum Maria, & tu sancte Angele Custos, vosque SS. Patroni, & Patronæ, Sanctique Dei omnes juvate, & orate pro me, ut meditari valeam, prout sanctissimæ placuerit voluntati Divinæ. „

Actus Resignationis, & Protestationis.

93. „ **C**ui me, sicut in cunctis aliis, ita & in hac meditatione ad omnia, etiam ariditatem, & desolationem secundum Divinum beneplacitum totaliter resigno. „

„ Respuo tamen, quantum possum

possum; omnes distractiones, cogitationes, curasque profanas, & omnes alias quacunque ratione tibi adversas, & contra eas protestor. Abeste igitur procul cogitationes, & curæ imper-

tinentes omnes, quia cum amantissimo, & presentissimo immensæ Majestatis DEO meo loqui, eique nunc attendere debeo. Loquere ergo Domine, quia audit servus tuus &c.,

§. IV.

De Materia Meditationis.

94. **Q**uæritur I. Quænam Materiarum Meditationum pro via purgativa, illuminativa, & unitiva sint eligendæ?

Resp. I. Quamvis nil sit in toto universo, de quo non possit utiliter fieri Meditatio aliqua; hoc ipso, quod ex quavis creatura ad cognitionem Creatoris, indeque ad amorem illius, nec non ad alios bonos, ac utiles affectus, & actus pervenire valeamus; nihilominus sunt certæ quædam materiæ, quarum Meditatio nobis magis utilis, magisque necessaria est, utpote ad odio habendum, & fugiendum malum, ac econtra ad amandum, & prosequendum bonum, Deique amorem, & debitum servitium magis nos juvans, movens & inducens, idque pro diversitate statûs, dispositionis, &

conditionis personarum; hinc SS. Patres & Ascetæ certas præscribunt, & suadent materias, easque in tres classes juxta triplicem statum, seu viam, purgativam videlicet, illuminativam, & unitivam, seu incipientium, proficientium, & perfectorum dividunt, ita, ut cuius statui certas materias pro ordinariis meditationibus assignent. Hinc

95. Resp. II. Qui adhuc incipientes, & in via sunt *Purgativa*, ordinariè utilissimè possunt, & non raro debent meditari de materiis sequentibus.

I. De fine, ob quem creati sumus.

II. De obligatione DEUM amandi, eique serviendi.

III. De fine, ob quem ingressi sumus Religionem.

IV. De speciali obligatione, quam habet Religiosus, servi-

Bbb 3 endi

endi DEO; & tendendi ad perfectionem.

V. De felicitate, status Religiosi.

VI. De vanitate, falsitate, & periculis mundi.

VII. De peccato, ejusque malitia.

VIII. De maximis damnis, & pessimis effectibus peccati tam venialis, quàm mortalis.

IX. De propria sui cognitione, miseria, vilitate, malitia, & peccatis hætenus commissis: ac propterea etiam de periculo animæ suæ.

X. De quatuor Novissimis, morte videlicet, iudicio, inferno, & cælo.

XI. De vanitate, & caducitate omnium terrenorum.

XII. De æternitate.

De quibus singulis passim, & copiosè scribunt Ascetæ, formatæque de iis inveniuntur Meditationes in copia. Ratio autem, cur hæc magis, quàm aliæ materiæ serviant incipientibus, est; quia incipientes præfatis materiis ordinariè magis, quàm per alias moveri solent ad timorem DEI, horrorem peccatorum, contritionem, & compunctionem, fugam, eradicationem, & purgationem peccatorum, ad

quod principaliter tendere debent ij, qui sunt in via purgativa.

96. Resp. III. Materiæ Meditationis, quæ pro existentibus in via *illuminativa*, seu in virtute jam proficientibus plurimùm profunt, à potiori sunt sequentes, videlicet

I. Virtutes in genere, & in specie.

II. Vita, exempla, doctrina, passio, & mors Christi.

III. Doctrina Evangelii, Psalmorum, & aliorum S. Scripturæ librorum doctrinæ, & sententiæ.

IV. Vota, Regula, & Constitutiones Ordinis, & Provinciæ.

V. Vita, exempla, & doctrina Sanctorum.

VI. Universaliter cuncta, quæ magis illuminant, ad virtutes magis instruunt, ad easque implantandas, & firmandas magis juvant.

97. Resp. IV. Pro existentibus in via *unitiva*, seu pro jam perfectis, ad Meditationem, vel potiùs contemplationem propriè serviunt materiæ.

I. De Attributis sive Perfectionibus Divinis, infinita v. g. ejus Bonitate, Misericordia, Clementia, Providentia, Sapientia,

tia, Immensitate, Æternitate, Infinitate &c.

II. De continuis, & innumeris beneficiis Dei.

III. De mirabili Evcharistiæ Sacramento.

IV. Et universaliter de iis, quæ ad excitandum, & augendum amorem Dei, causandamque admirationem de illo, unionemque cum illo serviunt.

98. Notandum tamen circa meditationum materias, quod singulæ istæ in tres classes divisæ materiæ non ita sint propriæ uni statui, quin etiam alteri in certis occasionibus, & certisque temporibus, & pro diversitate dispositionum, causarum, & circumstantiarum servire queant. Imò, non tantum potest, sed etiã debet subinde materia aliqua uni statui assignata, ab existentibus in alio statu, seu via assumi: sic v.g. debent etiam in via illuminativa, & unitiva existentes, seu proficientes, & perfecti subinde assumere materiam ex via purgativa e.g. de fine creationis, & vocationis, de malitia & damnis peccati, de quatuor novissimis &c. E contra existentes in via purgativa, seu incipientes possunt, & debent subinde assumere

materiam ex via unitiva, ut ad majorem Dei cognitionem, indeque ad amorem illius veniant; sicut etiam ex via illuminativa.

99. Quæritur II. Quàm utilis sit materia meditationis de vita, exemplis, passione & morte Christi? Resp. Ejusmodi materias esse utilissimas; eò quod nil à peccatis, & caducis ita inhibeat, & contra nil ad virtutem & perfectionem ita illuminet, instruat, moveat, & trahat, simulque ad Dei amorem alliciat, quàm vita, exemplum, doctrina, passio, & mors Christi JESU: prout fusiùs demonstrat S. Bonaventura in *Opusculo Meditationis Vita Christi. in Proœmio*: ubi inter alia dicit: „ Super omnia namque inter spiritualis exercitii studia hoc magis necessarium, magisque proficuum credo, & quod ad celsiorem gradum perducere possit; nusquam enim invenies, ubi sic doceri possis contra vana blandimenta, & caduca, contra tribulationes & adversa, contra hostium tentamenta, & vitia, sicut in Vita Domini JESU, quæ fuit absque defectu perfectissima; ex frequenti enim, & assueta Meditatione Vitæ ipsius adducitur anima in quan-

quandam familiaritatem, confidentiam, & amorem ipsius, ita, quòd alia vilipendit, & contemnit. Insuper fortificatur, & instruitur, quid facere, quidve fugere debeat. „

100. „ Dico *Primo* (pergit Seraphicus Doctor) quòd jugis Meditatio vitæ Domini JESU corroborat, & stabilis mentem contra vana, & cædula. „

101. „ *Secundo*: fortificat contra tribulationes & adversa. Inde est, quòd non solum Martyres, sed & Confessores in tribulationibus, & infirmitatibus suis tantam patientiam habuerunt, & tota die habent: si legas de beato Francisco, & de beata Virgine Clara, poteris invenire, quomodo in multis tribulationibus, penuriis, & infirmitatibus non solum patientes, sed etiam hilares existerant. Idem quotidie videre potes in ducentibus sanctam vitam: hoc ideo, quia ipsorum animæ nec erant, nec sunt in eorum corporibus, sed in Christo, ex devota Meditatione vitæ ipsius. „

102. „ *Tertio*: dico, quòd docet circa gerenda, ut nec hostes, nec vitia irruere, vel fallere possint: hoc ideo, quia perfectio

virtutum reperitur ibidem. Ubi enim virtutes excellæ paupertatis, eximie humilitatis, profundæ sapientiæ, orationis, mansuetudinis, obedientiæ, patientiæ, cæterarumque virtutum exempla, & Doctrinam sic invenies, sicut in vita Domini virtutum &c. qui ergo eum sequitur, errare non potest, neque falli. Ad cujus virtutes imitandas, & adipiscendas, ex frequenti meditatione cor accenditur, & animatur. Deinde illuminatur virtute, ita, quòd virtutem induit, & à veris falsa discernit: adeò, ut plures fuerint illiterati, qui magna, & profunda Dei Mysteria cognovère. Unde credis, quòd Beatus Franciscus ad tantam virtutum copiam, & ad tam luculentam intelligentiam Scripturarum, ad tam etiam perspicuam notitiam fallaciarum hostium, & vitiorum pervenerit, nisi ex familiari conversatione, & meditatione Domini sui JESU. Propterea sic ardentè afficiebatur ad ipsam, ut quasi sua pictura fieret. Nam in cunctis virtutibus, quàm perfectiùs poterat, imitabatur eandem, & tandem complente, ac perficiente JESU per impressionem SS.

Stigma-

Stigmatum fuit in eum transformatus totaliter. Vides ergo, ad quam excelsum gradum meditatio vitæ Christi perducit &c. Tu autem, si ex his (*dictus nempe, & factus Christi*) fructum sumere cupis, ita te præsentem exhibeas his, quæ per Dominum JESUM dicta, & facta narrantur, ac si tuis auribus audires, & oculis ea videres toto mentis affectu diligenter, delectabiliter, & morosè; omnibus aliis curis, & sollicitudinibus tunc omisissis. „ Hucusque S. Bonaventura.

103. Cui consonat S. Laurentius Justinianus *de Discipl. & Perfect. Monast. Convers. cap. 8.* ita scribens: „ Quicumque esse Dei fidelis servus, & prudens desiderat, Salvatoris gesta, & præcipue ipsius Passionem ruminare non negligat. Et *cap. 18.* Nulli famulantium Christo fas est, has postponere meditationes Redemptoris, ut ex ipsarum consideratione intelligant humano generi charitatem exhibitam, pati concupiscant, compati discant, redamare studeant &c. In his utique meditationibus assidue, ardentèrque incumbendum est, & singula diligenter pertractanda sunt; nisi fortè ex super-

veniente gratiæ lumine, aut ex abundantiori charitatis affectu cor ad alia meditanda raperetur. „

104. Idem Sanctus *de triumphali Christi agone. c. 20.* scribit: „ Nihil eorum, quæ in sacro continentur eloquio, sic humanum valet excitare affectum, mentem erigere, temperare laborem, peregrinationis tædium auferre, & æternæ felicitatis spem immittere, quemadmodum redemptionis humanæ sacrosanctum mysterium. „ Ulteriùs

105. Notandum *Primò*: Pro quovis statu valde utile, ac consolatorium esse, meditari de verbis, textibus, & sententiis S. Scripturæ v.g. Psalmorum, Proverbiorum &c. præcipue verò Evangelii, & reliquæ Scripturæ novi Testamenti. Enimvero per verba Scripturæ Sacræ manifestantur leges, mandata, voluntas, & beneplacitum Divinum, iisque instruimur, quid, & quomodo agere, omittere, & pati debeamus, iisdemque confortamur, & consolamur. *Quicumque enim scripta sunt*, ait Apostolus *ad Rom. 15. v. 4. ad nostram doctrinam scripta sunt, ut per patientiam, & consolationem Scripturæ*

rum, spem habeamus. Hinc David quasi continuo in verbis Scripturæ, tanquam lege, mandatis, & iudiciis Dei meditabatur, indeque ingentem illuminationem, animæ suæ fructum, & consolationem se hausisse fateatur, prout passim constat ex Psalmis, præsertim 118. ad Horas Minores recitari solito: *Quomodo dilexi legem tuam Domine, tota die meditatio mea est. v. 97. In iustificationibus tuis meditabor, non obliviscar sermones tuos. v. 16. Lucerna pedibus meis verbum tuum, & Lumen semitis meis. v. 105. Quam dulcia faucibus meis eloquia tua, super mel ori meo. v. 103.*

106. Notandum *Secundò*: Valde utile esse, ut eadem materia sæpius, & subinde per plures dies continuo pro meditatione assumatur, quatenus sæpius considerata magis agnoscatur, & imprimatur, convenientesque boni affectus, & virtutum actus, ac præsertim bona proposita repetantur, & efficaciora fiant. Et hoc notandum Ascetæ specialiter observant.

107. Notandum *Tertiò*: Bo-

num, & congruum esse, ut in principalibus anni, & Ecclesiæ Festivitatibus, de mysteriis earundem instituantur Meditationes.

108. Notandum *Quartò*: Semper utilissimum, & quasi necessarium esse, ut quotiescunque major aliqua interna, vel externa tribulatio, adversitas, desolatio, tentatio &c. nobis imminet, vel jam adest, quæ magis affligere, aut contristari videtur, illico eam pro materia Meditationis assumamus, & in ea præcipue consideremus resignationis & patientiæ motiva v. g. quod ita sit voluntas Divina disponens, vel permittens &c. Enimvero fatentur Ascetæ, & docet experientia, nil tam adversum, aut difficile nobis contingere posse, quod non juvante DEO facile, magno cum beneplacito Divino, nostròque merito, & consolatione supportare possumus, si statim ad orationem, præsertim mentalem recurrimus, & in ea, in, & cum Deo rem bene perpendimus, & tractamus.



CAPUT XIV.

De tribus Meditationis partibus.

§. I.

De partibus ejus in genere : Et in specie de prima Meditationis parte, scilicet representatione materiae.

I.

Queritur I. Quot, & quæ sint partes Meditationis? Quamvis Patres & Ascetæ in assignando numero, & nominandis partibus Meditationis, seu orationis mentalis varient, aliis plures, aliis pauciores asserentibus, in re tamen conveniunt, ita, ut plures partes ab aliquibus allegatæ, in paucioribus per alios assignatis contineantur, & diversis vocabulis nominatæ, idem à parte rei significant. Nos secuti celebriores Patres, & Ascetas, non multas, sed paucas, tales tamen assignabimus partes, ex quibus ipsa Meditationis natura breviter, & clarè patet, ac ex quarum praxi ipsa Meditatio perfectè, & faciliter, & desiderato cum effectu fieri potest. Hoc prænotato

2. Resp. Præsupposita debita

Præparatione remota, & proxima, Meditatio, seu oratio Mentalis, quæ ordinatè, certo ad eam designato tempore instituitur, habet tres Partes; & hæc sunt

I. Representatio, seu exhibitio, sive propositio materiæ.

II. Consideratio ejusdem.

III. Bonorum affectuum, & virtutis actuum, bonorumque propositorum, ac resolutionum productio.

Patet ex ipsa natura Meditationis data Responsio. Cæterùm, licèt aliqui præparationem numerent inter partes Meditationis, nos eam pro vera parte non agnoscimus, eò quòd præparatio ad rem non sit aliquid rei, sed prærequisitum ad rem, consequenter vera pars illius esse, vel dici non possit. Et hinc dicitur

in responsione: *Præsupposita præparatione debita, habet Meditatio tres partes.*

3. Prima ergo Pars Meditationis est *Exhibitio*, & *Propositio* materiæ. Quia Meditationem de aliqua re, vel materia facere quis non potest, nisi prius talis rei, vel materiæ recordetur, sicque recordandò eam proponat, seu repræsentet memoria, & per hoc jam habetur prima Pars.

4. Et quoniam juxta dicta, Meditatio aliud non est, quàm attenta consideratio, & circumstantionata expensio rei, de qua meditari quis sibi proposuit, meritò *Consideratio* pro alterâ parte assignatur.

5. Quia verò isthæc consideratio ideo præcipuè, seu ad hunc finem fit, ut exinde voluntas, seu animus moveatur ad bonos affectus, & virtutum actus, bonæque proposita producenda, horum *productione* tertiam partem, sicque totam Meditationem habemus, dum nempe præmissa debita præparatione; materia, per memoriam proposita attentè, ac circumstantionatè consideratur, seu expenditur, & ex hac consideratione animus, seu voluntas rationabiliter com-

mota bonos affectus, & virtutum actus, bonæque proposita ad Dei gloriam, suam salutem, ac profectum spirituales producit. Porro, quomodo quævis harum partium in praxi perfectè, ac faciliè fieri queat, in hoc, & sequentibus parâgraphis dicetur. Et quidem in præsentem agemus in specie de prima parte. Unde

6. Quæritur II. In quo consistat, & quomodo in praxi per memoriam faciliè fieri possit exhibitio, seu repræsentatio materiæ? Resp. I. Ista consistit præcisè in hoc, quòd memoria breviter exhibeat, seu repræsentet materiam, prius pro meditatione jam determinatam, eamque intellectui relinquat, ut ab eodem attentè, & circumstantionatè consideretur, & expendatur, indèque voluntas ad bonos affectus, actus, & proposita moveatur; seu, quod idem est, consistit in hoc, quòd breviter recordemur materiæ ad meditandum prius jam electæ, sicque recordandò eam quasi exhibeamus intellectui.

7. Resp. II. In praxi nulla prorsus difficultas, sed facillimum est, hanc materiæ repræsentatio-

tio-

tionem mediante memoria facere, hoc ipso, quod aliud non requiratur, nisi ut materiæ meditando breviter, & simpliciter recordemur, quod utique difficile non est.

8. Notandum tamen *Primo* circa hanc operationem, seu exercitium memoriæ, quod ista brevis repræsentatio materiæ possit fieri diversimode, pro diversitate nempe materiæ, libitūque, ac dispositione meditantis. Et quidem, si historiam, vel factum aliquod, vel quid aliud, quod sensibilibus nobis imaginari possumus, & repræsentare v. g. Nativitatem, Coronationem, Agoniam, Crucifixionem Christi, Mortem, extremum Judicium, Infernum &c. potest repræsentatio illius à memoria, & phantasia fieri, quasi essemus in loco, ubi simile quid factum est, aut fiet, ac si oculis nostris spectaremus illud, qualiter v. g. Christus cruci affigatur, manus & pedes clavibus confodiantur &c. Vel potest memoria isthæc repræsentare, ac si ante oculos nostros in loco, ubi sumus, fierent.

9. Sic etiam potest sensibilibus repræsentare Infernum, tanquam aliquem horribilem igne,

& sulphure plenum, dæmonibus, & aliis damnatis repletum locum, qui ob immanes cruciatus terribiliter lamentantur, blasphemant, & memores, se in æternum ita pati debere, desperantes, sibi & aliis variè maledicunt &c. Item potest v. g. de morte meditaturus memoriā repræsentare aliquem morti jam proximum in lecto mortuario jacentem, à Medicis, & aliis derelictum, variis conscientiæ remorsibus, memoriā præteritorum, imminētis judicii, & æternitatis, aliisque tentationibus agitatū, & angustiatū, indeque sæpius suspirantem, & hinc inde se volutantem, vel in agone jam existentem &c. Et hæc repræsentatio fieri potest, vel quasi meditans esset actu in tali loco, vel quasi ista fierent coram oculis suis in loco, ubi ipse existit.

10. Vel possunt eadem sensibilia, & sensu imaginabilia objecta à memoria simpliciter repræsentari absque simili rei imaginatione, ita, ut simpliciter recordemur, quod v. g. Christus pro nobis natus, spinis coronatus sit &c. & statim relinquamus intellectui consideratio-

nem, seu meditationem materiæ perpendendæ.

11. Enimvero nemo adstringitur ad unum, eundemque modum v. g. talem sensibilem rei, aut facti, imaginationem, quasi meditans eidem præsens esset, prout nonnulli minùs rectè faciunt, qui ex eo, quòd sibi certus aliquis modus quadret, omnes alios ad illum adstringere volunt, quasi verò omnes essent æqualis dispositionis naturalis, æqualémque haberent memoriam, phantasiam &c. qui propterea etiam tanquam quid necessarium ad meditationem præscribunt, ut in quavis meditatione fiat hujusmodi sensibilis representatio, & imaginatio materiæ: quod nullatenus videtur consultum.

12. Notandum *Secundò*, quòd representatio materiæ in meditatione considerandæ non tantum semel, videlicet statim finita præparatione proxima, sed sæpiùs in meditatione per memoriam fieri debeat, & soleat, quoties nempe absoluto per considerationem, & bonos voluntatis affectus uno puncto, ad aliud considerandum quis progreditur; tunc enim iterum, uti in

priori puncto, certa pars materiæ per memoriam rursus breviter repræsentatur, & proponitur intellectui: imò, in uno eodemque puncto, seu parte materiæ potest, solet, & debet memoria cum intellectu concurrere, quoties videlicet in ipsa discussione, seu consideratione hujusmodi materiæ recordamur eorum, quæ ad rem legimus, audivimusque indiscursu, in concione &c. vel reminiscimur aliorum, ad propositum faciendum v. g. quid alii in hoc fecerint, & quid nos fecerimus &c. Uno verbo, dum materiam considerat, & expendit intellectus, illum plerumque comitari, & in pluribus juvare debet memoria, modò hæc, modò illa ad fructuosè, & perfectè eam considerandam suggerens, prout quotidiana quemvis docet experientia.

13. Notandum *Tertiò*, posse subinde contingere, quòd ex sola rei memoria, seu recordatione, præsertim forti, & repetita tam ab initio, quàm durante meditatione, sufficienter moveri possit, ac soleat animus, & voluntas, ita, ut absque ulteriori consideratione bonos eliciat actus, & affe-

affectus, bonæque & efficacia proposita ad intentum suum faciat, indeque principalem fructum, & effectum habeat meditationis. Quod, licet rarò fiat, fieri tamen potest, præsertim apud contemplativos, & illos, qui in meditatione, & rerum Divinarum cognitione perfectiores existunt. Hinc si vobis etiam subinde contingat Charissimi, ab ulteriore consideratio-

ne abstinere; bonisque affectibus, virtutum actibus, & propositis, quamdiu devotio, & gustus circa illos durat, vel donec vobis satisfeceritis, indulgere, & inhærere debetis, eò quod in his principalis consistat fructus meditationis, & finis, quem proin si jam habetis, abstinere debetis à medio eum obtinendi, consideratione videlicet.

§. II.

De secunda Meditationis parte, Consideratione videlicet materiæ.

14. **J**Am venimus ad id, quod pluribus, præsertim incipientibus difficile in meditatione videtur, eosque ab illa deterret, vel certè eandem non rarò tædiosam, & odiosam reddit, attentè videlicet, & debite per intellectum considerare, speculari, & expendere materiæ pro meditatione propositam; aliquibus conquerentibus, se non posse materiæ satis circumstantionatè considerare, vel expendere, nec posse se intellectu deluper discurrere, vel speculari, nil ipsis incidere, neque bonas aliquas cogitationes eis obveni-

re &c. aliis econtra lamentantibus, se per consideratione materiæ non moveri, vel se non posse habere, & elicere bonos affectus, & actus, vel, si quos subinde eliciunt, esse prorsus imperfectos, absque ulla animi devotione, nec ex corde procedere, sed esse quasi incommovibiles, meràmque in sua meditatione apparere ariditatem, siccitatem, tædium, indeque distractionem, & mentis divagationem, temporisque inutilem consumptionem.

15. Lamentantium itaque, & querulantium horum difficultates, quamvis satis jam sublatae

fin

sint per ea, quæ de Facilitate meditandi, Cap. præced. diximus: nihilominus, ut adhuc magis tolerantur, & clarè appareat, facile esse, cum Divina gratia semper bene, & utiliter meditari, trademus in præsentè & subsequente paragrapho certas quasdam instructiones, & regulas, quibus observatis præfatæ difficultates evanescent.

16. Queritur igitur I. In quo consistat, & quomodo de quavis materia in praxi per intellectum facile, & perfectè fieri queat Consideratio materiæ pro meditatione assumptæ? Resp. I. Ist hæc consideratio præcisè consistit in hoc, ut, postquam præparatio debitè præmissa, & materia per memoriam breviter repræsentata, & proposita fuit, eam intellectus attentè magis & exactiùs consideret, & perpendat, indagandò, & scrutandò illius naturam, vel proprietates, vel causas, & effectus, vel alias illius circumstantias, quatenus ex tali consideratione major, & clarior materiæ acquiratur cognitio, vel priùs jam habita renovetur, vel magis imprimatur, indeque voluntas ad bonos affe-

ctus, actus, & proposita moveatur, juxta jam dicta.

17. Resp. II. Non idem in quavis materia, nec quævis eodem modo considerari debent, & expendi. Ratio patet; quia aliud in hac, aliud in illa materia scitu magis utile, & ad movendam voluntatem magis congruum est. Pariter alio modo, aliàsque per circumstantias venit ad debitam, & pro movenda voluntate aptam cognitionem unius materiæ, alio modo ad cognitionem alterius.

18. Ut autem pateat, quomodo quævis materia in specie, & quid magis in illa considerari debeat, notandum est, omnem materiam, de qua materia institui potest, reduci posse ad quatuor Classes, ita, ut quævis meditationis materia sit

I. Vel Factum, seu Historia aliqua.

II. Vel Virtus aliqua.

III. Vel Vitium aliquod.

IV. Vel Sententia aliqua, Veritasque, aut Principium Fidei, & Morum.

Quarum quævis quomodo, & quid in illa utiliter considerari debeat, debitam notitiam si habearis,

beatis, jam hoc ipso de omni materia in specie, utpote sub aliqua præfatarum Classium comprehensa, utiliter, & faciliter meditari potestis. Ostendemus autem juvante DEO tam clarè, quomodo quævis harum, & quid in illa considerari possit, vel debeat, ut quivis, quantumvis rudis intellectus, cum gratia Divina quamlibet utiliter, & facilliter considerare, & expendere valeat. Pro cuius majori claritate de singulis singula ponemus quæsitæ. Itaque

19. Quæritur II. Quomodo materia, quæ in Facto aliquo, seu in Historia consistit, debite expendi possit, aut debeat? Resp. Circa hanc materiam debet imprimis à memoria fieri brevis representatio, juxta dicta supra. Dein debet intellectus illam pacatè, & tranquillè, seriò tamen, & attentè considerare secundum circumstantias in illo vulgari versiculo comprehensas.

Quis? quid? ubi? quibus auxiliis? cur? quomodo? quando? Considerare videlicet potest. I. *Quis* fit ille, seu qualis persona, quæ hoc, aut illud fecit, omisit, aut passa est?

II. *Quid* fecerit, aut passa sit?

e.g. quas poenas, dolores, aut tribulationes?

III. *Quomodo* id fecerit, aut passa sit? v.g. qua modestia? qua patientia? qua humilitate? qua resignatione? qua constantia, & fortitudine? qua diligentia, & perfectione &c.

IV. *Ubi?* seu in quo Loco? publico, vel occulto? sacro, vel profano? commodo, vel incommodo &c.

V. *Quando?* seu quo tempore, in hyeme v.g. vel æstate? de die, vel nocte? in tenera, vel senili ætate &c.

VI. *Quibus auxiliis*, seu mediis?

VII. *Cur?* seu ob quam causam, & finem, & qua intentione?

VIII. Potest etiam considerari effectus inde proveniens.

IX. Qualiter nos factum hujusmodi, vel exemplum imitemur, vel ab eo deficiamus. Et qualis fructus ex eo hauriendus sit?

20. Quod ut magis pateat, factum aliquod in specie adducemus, simulque breviter ostendemus, qualiter consideratio illius secundum præfatas circumstantias utiliter, & facilliter fieri queat. E.g. accipiamus Factum illud, quo Christus 12. an-

norum veniens Nazareth, Parentibus suis Mariæ, & Joseph erat subditus, juxta Evangelii elogium *Luc. 2. v. 51. Et descendit cum eis* (Parentibus nempe suis) *Et venit Nazareth, Et erat subditus illis.*

21. Facta itaque præparatione Memoria breviter repræsentat, & proponit, qualiter amabilissimus ille 12. annorum Puer in omnibus exactè, & simpliciter obedierit voluntati, & mandatis Parentum.

22. Postea intellectus pacatè considerare potest circumstantiâ Personæ v. g. cogitandò: *Quis est ille, qui obedit?* „Est Christus, homo simul & Deus, immensa Majestas, Rex, & Dominus coeli, & terræ, cui omnia obedire, & ad cujus nutum omnia fieri debent &c. „

23. *Cui obedit?* „Puris creaturis, quæ, etsi sanctissimæ, illo tamen quoad omnia infinitè inferiores, & ab eo in omnibus dependentes sunt &c. „

24. *Quomodo obedit?* „Perfectè, & exactè in omnibus sine exceptione, teste enim Evangelio, omnia bene fecit: & DEÏ perfecta sunt opera; consequenter etiam cum hilaritate, pacien-

tia, & promptitudine, non tantum mandato, sed & voluntati, & beneplacito illorum se accommodandò, & quidem non tardandò, sed etiam præveniendò, & promptè exequendò idque sine omni murmuratione, querela, impatientia, tristitia, ac sine interrogatione, aut discussione, simpliciter, & resignatè &c. „

25. *Ubi obediit?* „In omni loco, tam publico, quàm occulto, etiam aliis præsentibus, & spectantibus &c. „

26. *Quando?* „Omni etiam incommodo tempore, & quidem non tantum in tenera illa ætate, sed etiam dum jam erat provectæ ætatis, 10. v. g. & aliquot, imò triginta annorum; illuc usque enim Evangelium obedientiam illius erga humanos Parentes tacitè testatur. „

27. *Quibus Auxiliis?* „Solutus sine adjutore, etiamsi labor, vel obedientia aliqua humanæ suæ, eique subtilissimæ naturæ subinde valde difficilis esset, & molesta, cum fatigaret multum, & affligeret. „

28. *Cur ita obediit, vel ob quem finem?* „Ut honoraret, & glorificaret Patrem suum cœlestem, ejusque Divinum benepla-

placitum, voluntatem, & legem de obediendo Parentibus adimpleret; uti enim ipse dicit *Joan. 6. v. 38.* Descendi de coelo, non ut faciam voluntatem meam, sed voluntatem ejus, qui misit me. & *Matth. 5. v. 17.* Non veni solvere (legem) sed adimplere. Obedivit item ad exemplum, & instructionem nostram, ut nempe sequeremur vestigia ejus: Exemplum dedi vobis, ut, quem admodum ego feci vobis, ita & vos faciatis. *Joan. 13. v. 15.* Quis ergo non promptè, & libenter propter DEUM obediret constitutis à Deo Superioribus suis, si considerat, quòd Christus JESUS, Rex, & Dominus coeli, & terræ, exactissimè obedierit suis infinitè inferioribus Parentibus, puris hominibus, & creaturis &c. Non possum errare, sed securus, perfectèque ambulo, si sequor Christum omnis perfectionis Magistrum: Qui sequitur me, dicit ipse *Joan. 8. v. 12.* non ambulat in tenebris, sed habebit lumen vitæ. Quin Pater coelestis summum beneplacitum habet, si Filium ipsius imitor: prout ipse testatur *Matth. 17. v. 5.* Hic est Filius meus dilectus, in

quo mihi bene complacui, ipsam audite. „

29. *Qualem Effectum* ex hac obedientia habuit Christus? „ Executionem voluntatis, & beneplaciti Patris sui coelestis, ejusque gloriam, & honorem. Quod solum eidem plenè sufficiebat; utpote qui facere voluntatem, & beneplacitum Patris, ejusque ad extra promovere, & augere gloriam, pro fine suo principali, & centro habebat. Obtinuit insuper ex sua obedientia ingens meritum, & præmium æternum; simulque Nomen, quod est super omne Nomen, uti enim dicit Scriptura: Christus factus est obediens usque ad mortem. *ad Philipp. 2. v. 8. & seqq.* Audi effectus: propter quod & Deus exaltavit illum, & donavit illi Nomen, quod est super omne Nomen, ut in Nomine JESU omne genu flectatur, coelestium, terrestrium, & infernorum. Magna profectò vis, & virtus obedientiæ, de qua etiam Scriptura Sacra dicit *1. Reg. 15. v. 22.* Melior est obedientia, quàm Victimæ. Habuit insuper redemptionem, & instructionem nostram &c.

30. Tandem ut eruatur fructus

Ddd 2

Etus

actus, voluntas hoc aut simili modò pergere potest: „ Qualiter autem tu hucusque in hoc puncto secutus es exemplum Christi? qualiter Superioribus tuis obedisti? qualiter deinceps obedies? &c. „ Vel potest ipsum Christum alloqui, verbáque cordis ad ipsum dirigere, cogitandò v.g. „ Sed qualiter te, tuumque exemplum, ò bone, obedientissime Jesu fui secutus? qualiter obedi- vi meis, tuum locum tenentibus Superioribus? Heu confundor, & pudet me recordari, vel memorari; fateri enim cogor, quòd plerumq; imperfectè &c. persæpe omnino non obediverim &c. „

31. Sequuntur dein affectus, bonáque proposita; quomodo impòsterum obedire, & Christum imitari velis; de quibus §. *sequenti*. Solùm interea notandum, bonos affectus, virtutumque actus, & bona proposita posse pro cuiuslibet, vel duarum, aut plurium circumstantiarum considerationem elici, prout scilicet, & quando movetur ad illos voluntas, ut proin necesse non sit hos differre, donec omnes fuerint expensæ circumstantiæ; minùs necesse est, omnes considerare, ut magis dicetur inferiùs.

32. Quæritur III. Quomodo Materia de aliqua virtute utiliter debeat considerari? Resp. De virtute aliqua si fit Meditatio, inprimis Memoria brevissimè proponit illam, solùm cogitandò v.g. *Considerandum ergo modò, & meditandum est de virtute Temperantia &c.* Dein intellectus statim supervenit, eamque pacatè, & quietè, attentè tamen considerat, & seriò expendit, quod faciliter, & utiliter facere potest, si sequentia quinque de illa considerat.

33. I. Ejus *naturam & essentialiam*, nec non partes illius, seu quid sit; vel in quo consistat, & quot, quales partes, & gradus habeat; item, quis finis illius.

34. II. *Proprietates* illius, videlicet præstantiam, necessitatem, utilitatem, meritum, efficaciam, & effectum, difficultatem, & facilitatem illius.

35. III. Potest etiam considerari *vitium oppositum* tali virtuti.

36. IV. *Exempla* eorum, qui talem virtutem specialiter coluerunt; qualem inde utilitatem, & effectum habuerint: e contra exempla eorum, qui eam non habuerunt: item *damna*, & malos effectus, qui eis propterea obven-
nerunt.

37. V.

37. V. Qualiter tu in hac virtute te habearis, & impofterum habere velis: quod apud cujusvis circumstantiæ consideratio- nem etiam considerari potest.

38. Rem videamus breviter in aliquo exemplo e. g. si quis vult considerare de virtute ab- stinentiæ, & sobrietatis. Talis præmissa præparatione per me- moriam inprimis proponit ma- teriam, dicendô v. g. *Consideran- dum ergo modò, & meditandum est de virtute abstinẽtiæ, & sobrietatis.* Dein intellectus statim incipit primò ejus naturam considera- re, cogitandô v. g. „ Quid est, vel in quo consistit abstinẽtia? Est virtus temperans, seu refræ- nans inordinatum appetitum, & usum cibi, & potûs: abstinens ergo, & sobrius est, sobrieta- tẽmque, & abstinẽtiam habet, qui ordinatè, temperanter, & moderatè utitur cibo, & potu. In quo autem consistit iste or- dinatus usus? In quinque, vul- gari illo versiculo comprehen- sis, ne videlicet quis comedat,, *Præproperè, lautè, nimis, arden- ter, Studiosè.*

39. *Præproperè* comedit, & bibit, qui ante, vel extra tempus soli- tum, aut conveniens id facit.

Lautè verò, qui cibos nimis de- licatos, pretiosos, & exquisitos ordinariè vult comedere.

Nimis, qui plus, quàm naturæ necessarium, aut utile est, co- medit, & bibit.

Ardenter verò, qui nimis avidè comedit, vel bibit, soli, aut plùs attendens gustui, & voluptati, quàm necessitati naturæ, aut fini supernaturali.

Studiosè tandem, qui quærit cibos nimis accuratè præpara- tos.

„Videamus nunc anima, quàm rationabiliter, necessariò, & uti- liter præfata prohibeantur per virtutem abstinẽtiæ, ac sobrie- tatis: & consideremus nunc, quàm bene prohibeat, ne co- medatur nimis. „

40. „ Qui nimis, seu plus co- medit, vel bibit, quàm naturæ necessarium, aut conducens est, nocet sibi ipsi in bonis fortunæ, famæ, corporis, vitæ, & animæ. In bonis fortunæ nocet: quia illa minuit, hoc ipso, quòd pluri- bûs expensis comparari debeat illud nimis, & superfluum. „

41. „ In bonis famæ nocet; quia, qui nimis comedere, & bi- bere solet, virtute abstinẽtiæ & sobrietatis se carere, & gulæ sub-

jacere manifestè ostendit, indèque præsumptionem contra se habet, quòd videlicet nil, aut parùm de veris, solidisque virtutibus habeat; e contra verò pluribùs, si non gravibùs, saltem levibùs vitiis, & imperfectiõibùs scateat; quia SS. Patres unanimiter conclamant, impossibile esse, quòd virtutes acquirere, & implantare, vel vitia vitare, & extirpare, vel ad perfectiõnem aliquam pervenire valeat ille, qui gulæ subiacet, & in cibo, & potu nimius est: ut proin nulla bona de guloso possit esse fama, & æstimatio; adeò, ut etiam priùs habitam dealiquo optimam famam, & æstimationem homines dimittant, quamprimum talem gulosum videant, & resciant &c. Vide N.N. quid agas, dum nimio cibo, & potu famam, quæ in plurimis necessaria est, tam turpiter perdis? „

42. „ In bonis corporis nocet; quia & unanimi Medicorum testimonio, & quotidianâ experientiâ teste ferè omnes corporis nostri infirmitates, & morbi à potiori, & plerumque ab excessu in cibo, & potu proveniunt, certumque est, quòd quolibet etiam minori cibi, aut potùs ex-

cessu, corpori & naturæ aliquantum, successivè tamen plurimum noceamus, & infirmitates contrahamus; prout clarè etiam indicat Spiritus S. *Eccli. 37. v. 33. In multis escis erit infirmitas.*

„ Attende ergo anima mea, ne nimis comedendò, & bibendò sanitatem, & talenta naturæ destruas, variâsque corporis infirmitates contrahas, & inde inhabilem, aut certè minùs aptum te reddas ad ea, ad quæ vocatus es. Durum tibi aliquando erit coram tribunali Divino, si proportionatum talentorum tibi à DEO datorum lucrum exhibere non vales, & locò illius: Domine quinque talenta tradidisti mihi, ecce alia quinque superlucratus sum, fateri, & dicere debes: Domine talenta quidem dedisti mihi, sed iis nil, vel parùm lucratus sum; quia nimio cibo, & potu illa brevè destruxi, vel ad condignè operandum minùs apta reddidi. „

43. „ In bonis vitæ nocet; quia hanc abbreviat, hoc ipso, quòd varias corporis infirmitates, & cum his præmaturam mortem conciliet. „

44. „ In bonis animæ nocet non tantùm; quia toties, quoties

tics

ties nimis quis comedit, & bibit, peccatum saltem leve; & subito pessimos effectus, ac damna supra enarrata incurrit, sed insuper non raro integram aliam peccatorum catenam secum trahit; qui enim nimis comedit, & bibit, plerumque etiam superfluè, & otiosè, vel ineptè, contentiosè, vel contra charitatem, aut aliam virtutem loquitur. Insuper corpus gravat, seipsum pigrum, somnolentum, & ad vocationis, statusque munera ineptum, seu minus aptum reddit; ita, ut ea vel omnino negligat, vel negligentè, & imperfectè peragat, tempus perdat; Otium quærat, & per otium periculis ordinariè adhærentium peccatorum se exponat; fomitem præbente corpore alimentis nimium repleto. Ecce! quàm mala, & animæ damnosa sequela ex nimio cibo, & potu? Merito profectò dicunt Sancti Patres & gulam esse fontem, & radicem omnium peccatorum. „

45. „ Nocet insuper animæ, quia charitatem, devotionem, & fervorem extinguit; luminâque, gratias, & inspirationes Divinas impedit; ex quorum defectu homo necessariò semper in

pejus ruit. Tremenda sanè sunt exempla, non tantum libris inserta; sed oculis quotidie oberrantia, ex quibus apertè videmus, in quot, & quanta corporis, & animæ mala excessus in cibo, & potu homines projecit, & continuo etiamnum projiciat. „
46. „ Et quomodo tu circa hanc virtutem te geris? ô quoties contra egisti? quoties plus, quàm naturæ necessò, aut conducens erat, comedisti, aut bibisti? & quot, ac quanta inde damna contraxisti? quot propterea peccata commisisti? Nonne hæc N. N. aut illud N. N. occasione superflui cibi, aut potûs evenit? &c. „

47. „ Quid est ergo, ô anima mea! in superfluo illo cibi, & potûs usu, ob quod tot, & tanta famæ, corporis, & animæ damna incurrere, tantorum bonorum jacturam facere non dubitas? Nil est, quàm una modica sensualis, & bestialis voluptas, quæ brevissimè (tam diu videlicet præcisè, quàm diu cibus, & potus in ore, & gutture est) durat, postea verò corpus gravat, affligit; ipsumque majori, & licita etiam corporali, & sensuali voluptate (quæ corpus non nimium

miùm repletum semper fruitur) privat, simulque facit, quòd eadem, quas tantopere appetit, oblectationes minus percipere valeat, hoc ipso, quòd, qui sæpe in cibo, & potu excedit, citius moriatur, consequenter illam, quam ex comestione percipit, voluptatem etiam licitam, tam diu, ac temperanter vivens percipere non valeat; ac insuper quamdiu vivit, eadem nec in tanto gradu, nec tam sæpe frui valeat; utpote qui ob infirmitates varias, quas per excessum contrahit, jam ab isto, jam ab illo cibo, & potu, consiliò Medici abstinere, & locò illorum amaris medicinis se cruciare, variosque dolores sustinere debet. Ô grandem stultitiam! „

48. „ Visne anima mea! ul-
serius ita malitiosè, & pernicio-
sè stultescere? vel vis aliquando
sapere? profectò debes fortiter,
& efficaciter resolvere, quòd ab-
stinentiam, & sobrietatem to-
lere, & ab excessu in cibo, & po-
tu cavere velis; aut certè fateri
debes, quòd nec peccata, nec
pericula eorum vitare, nec ad
virtutem, vel perfectionem ten-
dere velis. Sed quid moror; aut
diu disputo? Utique Domine

Deus, nolo amplius ita insanire,
volo sapere, & me emendare. „

49. Sequuntur boni affectus,
& virtutum actus v. g. Admi-
rationis de commissa hactenus
stultitia, & malitia; Doloris, &
Contritionis ob eam; Detesta-
tionis ejusdem; Petitionis ve-
niæ &c. Ecce, quomodo etiam
unica circumstantia in virtute,
tam faciliter, & utiliter conside-
rari valeat!

50. Quæritur IV. Quomodo
Vitium aliquod expendi possit,
vel debeat? Resp. Si vitium ali-
quod pro Meditatione assumi-
tur, in primis Memoria illud
brevissimè proponit, dein intel-
lectus de illo faciliter, & utili-
ter considerare, & expendere
potest

51. I. *Naturam*, seu *essentiam*
illius Vitii, seu in quo consistat,
quas partes, & gradus habeat.

52. II. Illius *proprietates*, tur-
pitudinem nempe, malitiam,
stultitiam &c. item offensam, &
injuriam, quæ irrogatur Deo per
tale vitium.

53. III. *Damna*, & *malos effectus*
ipsius, quæ in corpore & anima
temporalibus, & spiritualibus;
directè, vel indirectè ex ipso se-
quuntur.

54. IV. *Causam, & radicem* huius vitii, unde oritur.

55. V. *Exempla* prava eorum, qui huic vitio dediti erant.

56. VI. Potest etiam considerari *virtus opposita*.

57. VII. Qualiter in eo reus existat; qualiter item, & *quibus mediis* illud vitare, & extirpare velit.

58. Exemplum specificum adducere brevitatis causam omittimus, praesertim; quia Vitium eodem ferè modo consideratur, quo Virtus, exceptò, quòd locò praesentiae, utilitatis, necessitatis, aequitatis &c. quæ in virtute considerantur, expendantur in vitio econtra ejusdem turpitudine, malitia, stultitia, damna, offensa Dei &c. quamvis etiam virtus opposita, indeque ejus proprietates occasione vitii considerari valeant juxta dicta.

59. Quæritur V. Quomodo denique Sententia, Textus, Doctrina aut Principium fidei, vel morum perpendi possit? Resp. Memoria inprimis brevissimè proponit Sententiam, vel Textum, aut Doctrinam &c. v.g. *consideranda ergo, & meditando nunc verba Evangelii Matth. 16. v.*

24. *Si quis vult post me venire, ab-*
Neudecker Pars Prior.

neget semetipsum, & tollat crucem suam, & sequatur me. Dein intellectus statim considerare, & expendere incipit, quod utiliter, & faciliter facere potest, si sequentia considerat.

60. I. *Personam*, quæ hoc dixit, seu hanc Doctrinam dedit; an nempe sit Divina, vel humana.

61. II. *Sensum* talis Textus, aut doctrinæ, quid secundum omnia quasi verba significet, quid velit dicere, & quò tendat?

62. III. *Proprietates* illius, æquitatem v.g. veritatem, utilitatem, necessitatem; item, quàm conformis sit rationi &c.

63. IV. *Exempla, fructus, & effectus* illorum, qui talem doctrinam secuti sunt; econtra exempla, & *damna* illorum, qui eam secuti non sunt.

64. V. Quomodo tu hætenus eam in praxi secutus fueris? & quomodo imposterum sequi velis, ac debeas?

65. Res clariùs patebit ex brevi supra dictæ sententiæ consideratione. Præmissa præparatione, Memoria brevissimè proponit Materiam, seu Textum v.g. *Si quis vult venire post me, ab-*

Ecc

neget

neget semetipsum, & tollat crucem suam quotidie, & sequatur me. Dein intellectus illico considerare incipit cogitandò v. g. I. Quis hoc dicit? „ Christus JESUS, homo, & Deus simul, æterna Veritas, quæ nec fallere, nec falli potest &c. „

66. II. Sed quid significant hæc verba? quid illis vult dicere Christus? qui vult venire post me &c.? „ Vult dicere, qui in hoc mundo adhuc vult me sequi, ac vivere juxta meam doctrinam, & exemplum, finitæque hac vita illuc venire, quò ego perveni, videlicet ad æternam gloriam cœlestem, abneget semetipsum; sed quid est, abneget semetipsum? non sequatur, sed abneget, & mortificet suam perversam naturam, suum amorem proprium, propriamque voluntatem, suas inordinatas passiones; hæ enim omnes contrariæ sunt sequelæ Christi, vitæ, & doctrinæ ejus; ita, ut, qui hanc sequi vult, illas continuò abnegare, & mortificare, ac illis vim inferre necessario debeat. Unde dixit Apostolus *ad Rom. c. 7. v. 19.* Non quod volo, hoc facio, sed quod nolo, hoc ago, Id est, non illud facio, quod aridet, & pla-

cet meæ perversæ naturæ, seu quod vult, desiderat, & cupit mea propria voluntas, aut inordinatæ passiones, sed quod his contrarium est, ac eis displicet, quia ita vult Deus, & placet Deo; qui propterea dicit: sub te erit appetitus ejus, & tu dominaberis illius. *Gen. 4. v. 7.*

67. III. „ Cogita, quàm æqua utilis, & necessaria sit hæc doctrina Christi; ut abnegemus nos; cum enim per peccatum Adæ natura nostra totaliter sit corrupta, & perversa, ita, ut omnes illius inclinationes, passiones, & desideria tendant ad malum, & avertentur bonum, utique summè rationabile est, ut abnegemus nos, & non sequamur bestiales, & inordinatas nostras, non nisi ad nostram, & aliorum malum, Deique offensam tendentes passiones, & inclinationes. „

68. „ Summè etiam utilis est. Enimvero si abnegamus nosmetipsos, si non ambulamus secundum malas nostras passiones, & inordinata naturæ nostræ perversæ desideria, sed eis resistentes, easque mortificantes vivimus juxta rationem, legemque, & voluntatem Divinam, certè omnia

omnia bona corporis, & animæ, famæ, & fortunæ à DEO, & hominibus, hîc & ibi obvenient. „

69. „ Econtra, si non abnegamus nos, si secundum carnem, & inordinata desideria ambulamus, si inordinatis passionibus habenas laxamus, omnia mala super nos venient, à Deo, & hominibus odiô habebimur, hîc, & ibi infelices futuri. Solam consideremus inordinatam inclinationem, seu appetitum excellentiæ, seu superbiam, nōne propter eam quis Deo, & hominibus odibilis? nōne superbia radix omnis peccati? „

70. „ Ut proin etiam summè necessarium, ac etiam obligatorium sit, abnegare nosmetipsos, ni velimus Deum, & proximum continuô offendere, omne malum corporis, & animæ, famæ, & fortunæ incurrere, quin & æternum perire; certum siquidem est, quod S. Paulus dicit *ad Rom. c. 8. v. 13.* Si secundum carnem (id est, carnalia desideria, & naturæ inordinatas passiones) vixeritis, moriemini. „

71. „ Considera anima mea! exempla eorum, qui semetipsos, & passiones suas abnegaverunt, ac

eccontra illorum, qui secundum passiones & desideria cordis sui ambulârunt, & inveniemus, quantas omnes generis utilitates & fructus illi, econtra quanta damna contraxerint isti. Quare statim ab initio mundi, Cain fratricidium commisit, indèque per totam vitam infelix, & profugus fuit? nunquid, quia non abnegavit semetipsum, sed malam suam passionem secutus est? Econtra ô quàm felices, quàm beati, quàm quieti illi, qui semetipsos abnegandô, se, suasque passiones mortificandô, juxta rationem, voluntatēque Divinam ambulârunt &c. „

72. „ Nec tam difficile, & odiosum, quàm facile, & jucundum est, abnegare semetipsum; quamvis enim aliqua difficultas sit resistere passioni, eamque mortificare, dum actu insurgit, attamen mox, ac superata est, sequitur ingens consolatio, quies, aliæque temporalia, & spiritualia bona, imò quædam æternum durantia; ut proin rectè dixerit Christus *Matth. 11. v. 30.* Jugum meum suave est, & onus meum leve. & David Propheta *Psal. 118.* Leges, & mandata Dei, (abnegationem nostri præcipi-

entia) esse jucunda, desiderabilia super aurum, & topazion, dulciora super mel, & favum. Dum econtra ij, si se non abnegandô passionem inordinatas sequuntur, quasi momentaneam tantum, eamque falsam solummodo sentiunt delectationem, & lætitiā, quæ statim post se trahit animi amaritudinem, afflictionem, & conscientie remorsum, aliæque corporis, & animæ temporalia, & spiritualia mala, diu, & subinde perpetuò durantiā: quod bene advertens S. P. Franciscus inter aurea monita posuit: Voluptas brevis, poena perpetua; modica passio (id est, tolerantia, & difficultas in abnegando semetipso) gloria infinita. „

73. „ Vide nunc anima mea! qualiter hucusque sanctissimam hanc, æquissimam, utilem, necessariam, & facilem doctrinam Christi sis secuta? qualiter te abnegaveris? qualiter passionibus inordinatis restiteris? vel obsecuta fueris? & quid impofterum faciendum &c. „

74. Similiter possent dein aliā dictæ sententiæ, seu doctrinæ verba expendi, videlicet: *Et tollas crucem suam quotidie.* item illa:

Et sequatur me: utpote de quibus non minùs, ac de primis considerari potest, quàm conformia sint æquitati, & rationi; quàm utilia, quàm necessaria, quàm facilia &c. & tandem videri, qualiter ea observaverimus, & qualiter impofterum observare velimus, & debeamus.

75. Quæritur VI. Quænam circa debitam considerationem cujuscunque materiæ, & circumstantiarum ejus præcipuè observanda sint? Resp. Sequentia potissimùm esse observanda. I. Ut consideratio, qua intellectus materiā propositam expendit, fiat quietè, & pacatè, tranquillè, & suaviter, id est, ut non fiat nimis vehementi cum conatu, & quasi coactione, nimisve intentione; item ut non fiat nimis anxie, & scrupulosè cum reflexione ad regulas meditandi.

76. Errant proin, qui intellectum, præsertim ab initio statim nimis intendunt, & cum aliqua quasi impetuositate considerationem incipiunt; tales enim caput, & pectus lædunt, vires exhaustiunt, & tamen nil, vel parùm efficiunt, sed potius inhabiles se reddunt ad præsentem, & alias meditationes

tationes rectè, fructuosèque peragendas; ex quo dein æstimationem, & affectum erga meditationem perdunt, e contra horrorem erga illam concipiunt, indeque illam, ubi possunt, declinant, non sinè maximo profectus spiritualis detrimento, ac præjudicio.

77. Errant præterea magis, & omnino ineptè agunt, eadèque in absurda deveniunt, qui considerare materiam incipiunt, vel continuant cum nimia non tantum intellectus, sed cordis etiam, & animi intensione, ita, ut ipsam etiam considerationem (quæ tamen in meris actibus intellectus consistit) sensibili statim cum devotione, aut commotione facere, vel hanc in illis habere conentur. Grandis ineptia; cum intellectus suos actus, & operationes, (qualis est consideratio) non producat cum commotione, affectu, aut devotione sensibili, sed tantum sit medium ad movendum voluntatem, & animum, ut iste actus, & affectus suos sensibili aliqua cum devotione producere subinde valeat; quamvis hæc devotio sensibilis nunquam sit necessaria, licet, si adest aliquando,

etiam intellectum, & actus illius afficere videatur.

78. Errant insuper, qui vel ex superflua anxietate, vel nescio qua alia ratione, & reflexione plus attendunt, ut rectè, & juxta regulas meditentur, quam ut serio in meditatione procedant. Oportet quidem præsertim ab initio, & donec debitè meditando acquiratur habitus, nonnunquam (tranquillè tamen) attendere, ut juxta præcipuas regulas procedamus, & si in aliquo errore nos versari deprehendimus, ab illo pacatè desistamus; hoc tamen absque omni anxietate, & distractiva reflexione facere debemus. Tempus siquidem cogitandi, an rectè meditemur, vel meditati simus, opportunum ante, & post meditationem est: tunc enim nos bene examinare omnino possumus, & debemus, an in Meditationibus nostris bene procedamus, errorèmq; si quem invenimus, corrigere.

79. Verùm hic ultimus error cum tempore, & per gratiam Dei ex seipso penitus evanescit; cum teste experientia illi, qui in Meditationis exercitio aliquamdiu jam sunt fundati, & practi-

cati, sine ulla reflexione ad regulas serio, & attentè considerent considerata, affectusque, actus; & bona proposita eliciant.

80. Observandum II. Quòd considerationem materiæ tranquillè quidem & pacatè, non tamen languidè, negligentè, & tepidè, sed simul cum sedula aliqua, & seria intellectus applicatione facere debeamus, ita, ut non sit nimis intensa, nec nimis remissa, pacata quidem, sed non sine vigore; tranquilla, sed non sine vivacitate.

81. Errant contra hoc, qui penitus nullum, vel vix aliquem conatum expendendi meditationis materiam secundum circumstantias, & alia, adhibentes, nec ullam curam desuper habentes, quasi stupidi, vel otiosi expectant, donec fortuito illis aliquid incidat.

82. Errant adhuc magis, qui nullum, vel quasi nullum conatum, aut diligentiam adhibent coercendi, aut cohibendi intellectum, dum ad inconvenientia, etiam vana, vel profana distrahitur.

83. Observandum III. Nullatenus esse necesse, ut omnes & singulæ circumstantiæ, secundum quas quælibet ex quatuor supra Num. 18. allegatis materiis considerari, ac expendi potest, in una Meditatione considerandæ assumantur, sed sufficere, si secundum unam, vel alteram, vel per tot expendatur, donec voluntas ad bonos affectus, & actus rationabiliter, & sensibilibiter moveatur; bene enim fieri potest, ut subinde voluntas ex consideratione unius circumstantiæ v.g. utilitatis, quæ ex aliqua virtute sequitur, ita moveatur ad bonos affectus, & actus, ut in his totum reliquum Meditationis tempus sine ulteriori consideratione sanctè transigat.

84. Observandum IV. Quòd in cujuslibet materiæ consideratione abstinere debeamus à curiosis, & inutilibus; ac e contra illas præ aliis considerare circumstantias, quæ magis movent, magisque serviunt ad intentum Meditationis finem, & fructum: quales in materia historiam; aut factum continente plerumque sunt circumstantiæ *quis? quomodo? cur?* In virtute, *presens*
tia,

zia, Divinum beneplacitum, utilitas & necessitas. In vitio, *offensa Dei, periculum anima, & alia damna.* In sententia vel doctrina Fidei, aut morum: *verus sensus, seu intellectus, ejusque aequitas, utilitas, & necessitas.* Esse tamen bene potest, quod subinde aliæ magis moveant alios, qui proin eis se accommodent.

85. Observandum V. Quod intellectus, dum materiam, vel circumstantias illius expendit, & considerat, non obiter tantum, & superficialiter id faciat, & nescio quibus levibus cogitationibus materiam tantum percurrat, sed id, quod considerat, bene penetrandi, & sufficienter cognoscendi diligentiam, & conatum aliquem adhibeat, eique aliquamdiu insistant. Nam, ut bene advertit S. Bernardus *de Scala claustrali, c. 2. Sedula Meditatio non remanet exira, non caret in superficie, ulterius pedem figit, interiora penetrat, singula rimatur, attentè considerat &c.*

86. Errant proin, qui obiter, & superficialiter tantum considerandò materiam percurrunt, vel inconstanter hinc inde vagantur, & quasi saltant, nec unquam alicui rei bene consideran-

dæ, & cognoscendæ insistant. Ex hoc enim errore provenit, quòd, cum intellectus materiam obiter tantum consideret, & quasi transeunter aspiciat, nec sufficientem, nec circumstantionatam cognitionem illius acquirat, nec rationes, vel motiva, quibus ad bonos affectus, & actus moveatur voluntas, inveniatur, consequenter Meditatio sine optato fructu transeat.

87. Observandum VI. Quòd, licet juxta dicta materiam non obiter, sed exactè considerare oporteat, tamen in consideranda, & expendenda materia non nimium nos detinere, sed potissimum tempus Meditationis consumere debeamus in bonis affectibus, virtutum actibus, & bonis propositis, utpote in quibus juxta dicta, & dicenda adhuc, principalis, & maximus consistit fructus, ad quem consequendum consideratio tanquam medium assumitur.

88. Observandum VII. Quòd, si ex consideratione unius circumstantiæ sufficienter moveatur voluntas ad unum, vel plures bonos affectus, actus, & proposita, eis statim inhærendum, & tamdiu eisdem immorari consul-

sultum sit, quamdiu devotio, & gustus saltem rationabilis in illis durat. Neque curandum, aut cogitandum, quòd plura adhuc restent puncta, ac circumstantiæ considerandæ; si enim ex consideratione unius, vel alterius obtinetur, & habetur principalis finis, & fructus (qui in præfatis bonis voluntatis actibus consistit) non est necesse, ulteriorem considerationem tanquam medium pro dicto fine obtinendo amplius adhibere, prout supra Num. 13. annotatum jam habetur, & hinc repetere operæ pretium fuit. Si tamen devotio, & gustus circa memoratos bonos affectus, & actus cessat, consideratio ulteriùs iterum reassumenda est, donec rursus ad tales vel alios bonos voluntatis affectus, actus, ac proposita voluntas moveatur.

89. Observandum VIII. Possè bonos affectus, & actus voluntatis, bonæque proposita elici, vel post considerationem cujuslibet circumstantiæ, vel possè priùs materiam secundum plures circumstantias considerari, & tunc primùm convenientes bonos affectus, & actus elici, prout nempe, & quando movetur vo-

luntas, & animus, vel Spiritus Sanctus dirigit.

90. Pariter potest circumstantia, qua consideramus, *qualiter in hoc, vel illo nos habuerimus, & impossibile habere velimus*, post cujuslibet circumstantiæ, aut primùm post plurium considerationem assumi; solummodo notandum, quòd, quodocunque hæc circumstantia consideratur, hoc ipso etiam bonos voluntatis affectus proportionatè elicere debeamus.

91. Observandum IX. Quòd, dum quis intellectu materiam considerandò expendit, *discursum suum internum*, vel cogitationes possit dirigere vel ad DEUM, quasi cum ipso loqueretur, aut ipsum alloqueretur; vel ad seipsum, aut animam suam, quasi secum loqueretur, sèque alloqueretur; proin jam hoc, jam illo modo uti, prout nempe movetur; aut materia occasionem præbet, vel devotio, aut Spiritus Sanctus dirigit, ita, ut plena in hoc libertas sit.

92. Dicetis forsan, ex dictis facilitari quidem considerationem materiæ; attamen omnem difficultatem nondum tolli, eò quòd in considerationibus pro-
exem-

exemplo supra adductis inveni-
antur nonnulla, quæ juvenes Re-
ligiosi adhuc ignorant, conse-
quenter considerationem ita fa-
ciliter facere non possint. Ve-
rùm

93. Ad hanc objectionem
Resp. I. Verùm quidem esse,
quòd illi, qui ex lectione spiri-
tuali, & in spiritu magis versati
rerum spiritualium majorem
notitiam, plurésque, & copiosio-
res de illis species habent, atque
in Asceti, & praxi meditandi jam
sunt experti, & practicati, ma-
jorem quàm incipientes facilita-
tem habeant, & consequenter
hi comparativè, & respectu il-
lorum aliquam meditandi diffi-
cultatem habere meritò dici
possint: absolutè tamen loquen-
dò non difficile, sed facile est me-
ditari, ob hætenus dicta, præ-
sertim, si quævis materia secun-
dum suas circumstantias supra
Nom. 19. allegatas vel saltem se-
cundum unam aut alteram, quæ
juveni Religioso pro modulo
suo facilior captu est, confide-
retur. Probate Charissimi! &
sumat quis pro libitu aliquam
materiam obviam ex quatuor
assignatis, tentetque, & videat, an
non possit illam secundum unam

Neudecker Pars Prior.

saltem, vel alteram circumstan-
tiam faciliter, & utiliter consi-
derare, ac expendere. Et certè
experientiâ convictus fatebitur
quivis vestrum, id fieri faciliter
posse.

94. Resp. II. Pro consolatio-
ne vestra certissimum esse, quòd,
etsi ab initio aliquam respectivè
difficultatem in meditando ha-
beatis, eam cum tempore amif-
suri, & e contra majorem facili-
tatem successivè sitis habituri,
postquam ex lectione, instru-
ctione spirituali & praxi majo-
rem notitiam, & eruditionem
rerum spiritualium, simulque
habitum meditandi, aliorumque
exercitiorum spiritualium ac-
quisiveritis: præsertim, quia jux-
ta unanimem Ascetarum perfe-
cta ratio meditandi magis per
praxin, & experientiam, quàm
per humanam instructionem ad-
discitur; dummodo quis ex par-
te sua nil negligat, sed quantum
est in se, quietè, pacatè & hu-
militer faciat, simulque, quod
usu, & in exercitio præsertim ab
initio quodammodo difficile, &
molestum accidit, patienter
propter DEUM sustineat, sicque
faciendò, & patiendò gratiam,
& auxilium obtineat; sinè quo

FFF

con-

conatus noster in hoc sancto exercitio frustraneus est.

95. Enimvero debite & utiliter meditari, non tam ars, quæ studio, ac labore addiscitur, quam donum Dei, & Spiritus Sancti est, quod ille non torpentibus, & negligentibus, sed laborantibus, & quod in se est, facientibus, ac pro illo humiliter, fiducialiter, & perseveranter orantibus benignissime impartitur, & quidem non uno, sed diverso modo: ut proin, si quis vestrum per praxin, & experientiam, Sanctique Spiritus illustrationem alium modum, & methodum meditandi utilem

sibi, & proficuum, deprehendit, liberè illum, ductumque Spiritus Sancti sequatur. Præsertim, quia doctrinæ de modo rectè meditandi hucusque traditione potius piæ, & utiles quædam observantiæ, à sanctis, perfectis, & practicis animabus mutuata, quam infallibiles Regulæ cum scrupulosa, vel anxia super illis reflexione strictè observandæ sunt, ut proin per illas præcisè intendamus, errores præcavere, exercitiūque Meditationis facilitare, & adjuvare, minimè verò Spiritus Sancti ductum impedire.

§. III.

De tertin Meditationis parte, Productione videlicet bonorum affectuum, & propositorum.

96. **Q**Uæritur I. In quo consistat, & quantum importet Productio bonorum affectuum, virtutis affectuum, & propositorum? Resp. I. Hæc Pars consistit in hoc, ut, postquam intellectus materiam, vel punctum aliquod, partemve illius pacatè, & quietè, simulque seriò, & attentè consideravit, ac

circumstantionatè expendit, voluntas inde rationabiliter mota, vel persuasa convenientes bonos affectus, virtutum actus, & proposita, pro diversitate materiæ, & cognitionis habitæ, gratiæ, & illustrationis Divinæ eliciat; quod semper facile erit, hoc ipso, quia naturale, & quasi necessarium est, ut, quando intellectus

lectus rem aliquam exactius considerat, & cognoscit, voluntas ad affectus, & actus pro diversitate cognitionis de re habitæ moveatur, accedente præsertim illustratione, & gratiâ Divinâ.

97. Resp. II. Principalis, potissimus, & quasi totus fructus meditationis consistit in hac productione bonorum affectuum, virtutis actuum, & bonorum præcipuè propositorum. Ratio est; quia, licet etiam exacta memoria, clarâque rerum cognitio, & impressio valde utilis sit, fructumque magnum producat, attamen in hoc non consistit finis, & principalis fructus meditationis, sed potius duntaxat utile, vel necessarium medium est, ad fructum principalem consequendum; ideo enim considerandò conamur acquirere rerum exactam cognitionem, ut per hanc tanquam medium moveatur voluntas, & inducatur ad bonos affectus, & actus, bonâque proposita, quibus ad sui emendationem, virtutum & perfectionis acquisitionem perveniat.

98. Queritur II. Quânam, affectus, & virtutum actus, à voluntate elici possint, & debeant?

Resp. I. Varios, & diversos, omnisque generis affectus bonos, actusque virtutum elicere potest voluntas, pro diversitate nempe materiæ, & circumstantiarum, quæ considerantur, & Spiritus Sancti illustratione, aut directione. Frequentiores esse solent sequentes affectus, & actus, videlicet, Admirationis, Compassionis, Amoris, Timoris, Gaudii spiritualis, Contritionis, & Doloris de peccatis, Humiliationis, Contemptus, vel Odii proprii, Aversionis, & Odii erga peccata, Spei, & Fidei, multiplicis boni Desiderii, Fervoris, Petitionis, Oblationis, Resignationis, & principaliter bonorum Propositorum, juxta paulo post dicenda Num. no.

99. Resp. II. Non est necesse, in qualibet meditatione omnes istos bonos affectus, & virtutum actus, vel semper plures eorum elicere, sed sufficit, tot, & tales producere, ad quot, & quales pro diversitate materiæ, circumstantiarum considerata, & cognitarum, gratiæque Divinæ voluntas dirigitur, & movetur, etiamsi unus tantum, aut duo essent. Enimvero bene esse potest, quòd ex considera-

tione materiæ voluntas ad unum, aut alium affectum, vel actum v. g. amoris, contritionis, resignationis, gratiarum actionis &c. ita moveatur, ut totum reliquum meditationis (concomitantibus nonnullis aliis necessario connexis actibus) utilissimè & fructuosissimè consumat, si nempe devotio, & gratia circa illum tamdiu durat.

100. Nam bene & repetitò notandum est, quòd, quamdiu devotio, gustus, & gratia circa unum bonum, Deoque magis gratum, & nobis utilem affectum, aut virtutis actum durat, eidem inihærendum sit, & immorandum, nec de ulteriori consideratione materiæ adhuc restantis, aut aliorum affectuum elicitione curandum; sufficiens enim, & sat magnus fructus ex meditatione habetur, si vel unus, aut alter huiusmodi bonus voluntatis affectus unà cum proportionato proposito eliciatur.

101. Quæritur III. Quando, & quomodo in praxi boni affectus elici debeant? Resp. I. Possunt elici, vel post cujuslibet circumstantiæ, vel post plurium circumstantiarum consideratio-

nem; item in hac meditatione post unius, in alia post plurium circumstantiarum expansionem, prout nempe vel ex consideratione, vel Spiritûs Sancti gratiâ movetur, & dirigitur animus, ac voluntas, aut prout cuivis docente experientia magis opportunum videtur, & utile. Sancta enim cuivis necessario relinquatur libertas, hoc ipso, quòd non tantum materiæ, & circumstantiæ illius, sed etiam ipsæ considerationes, sicut & gratiæ Divinæ, nec non dispositiones meditantium diversis temporibus sint diversæ.

102. Resp. II. Circa modum eliciendi præfatos bonos affectus, & actus, varia sunt observanda. *Primo*, quòd circa verba mentis, quibus Deo colloquimur, seu circa cogitationes, quæ formaliter eliciuntur pii affectus, & virtutum actus, nil certi præscribi possit, sed sancta rursus relinquenda sit libertas, hoc ipso, quòd non tantum diversi, sed unus, idemque homo quemlibet bonum affectum, & virtutis actum, sicut externis, ita etiam internis verbis, seu cogitationibus diversimodè formare, elicere, & exercere possit, ac soleat,

ſoleat, pro diverſitate nempe conſiderationis materiæ, & circumſtantiarum, quæ conſiderantur, aut cognoscuntur, & pro diverſitate gratiæ Divinæ illuminantis, excitantis & adjuvantis, nec non pro diverſitate diſpoſitionis, quæ in meditante reperitur. Et certè paſſim patet tam ex libris, quàm propriâ experientiâ, quòd unus, idèmq; bonus affectus, & virtutis actus, amoris v.g. contritionis, reſignationis &c. diverſis modis, & verbis elici valeat, & ſoleat.

103. Hinc nullas certas formulas huiusmodi affectuum, & actuum virtutis hîc vobis præſcribimus, nec anneſtimus: tum ob rationes dictas: tum, quia numerus eorum nimis copioſus eſſet, & nimis prolixè excreſceret: tum, quia eas paſſim in libris invenietis, ac etiam per decurſum huius Tractatus plures actus virtutum formatos habetis: tum, quia illi actus, qui ex proprio corde, mente, & animo, ac unctiōe Spiritûs Sancti procedunt, plerumque majori cum devotione, & fervore fiunt.

104. Illud tamen vobis conſulimus Chariſſimi! ut huiusmodi affectuum, & actuum

formulas in Meditationum, & aliis libris, attentè legere, præſertim in primis converſionis veſtræ annis non omittatis; partim, ut videatis, & diſcatis, qualiter, & quàm diverſimodè elici valeant: partim, ut meliores, ac perfectiores actus, & affectus, Deoque gratiores, & nobis magis meritorios, ac conſolatorios cognoscere, eosque elicere, & præſticare noſcatis.

105. Quæritur IV. An, quando, & quomodo in meditatione faciendâ ſint bona propoſita? Reſp. I. Quamvis juxta dicta in meditatione pii aliqui affectus, & virtutum actus neceſſariò elici debeant; attamen ad quamlibet meditationem utiliter, & fructuoſè peragendam principaliter neceſſariò requiritur, ut in illa ſiant bona, & efficacia propoſita, ſeu bonæ reſolutiones. Ratio eſt; quia, licet præcipuus fructus meditationis (non enim hîc agimus de contemplatione) conſiſtat in cunctis bonis voluntatis affectibus, actibus, & propoſitis, quæ in illa producuntur, attamen principaliffimè, omnium maximè, ac ultimè conſiſtit in bonis, & efficaciſſimis propoſitis; ultimatûs enim finis me-

ditionis est nostra emendatio, & progressus in virtutibus, perfectioneque Christiana, & Religiosa, ad quem finem utique omnium maximè juvant, & necessaria sunt bona, & efficacia proposita; nullus enim seriò se emendabit, nullus hoc, aut illud vitium constanter vitabit, hanc, aut illam virtutem in opere debite exercebit, nullus passiones suas, prout oportet, mortificabit, & eradicabit, nullus ad debitam perfectionem sufficienter tendet, aut perveniet, nisi prius bonam ad hæc, & efficacem voluntatem, seu propositum habeat, efficaciterque ad illa se resolvat. Principalissimè itaque instituitur Meditatio ad disponendam, & movendam voluntatem, ut ad præfata, & alia huiusmodi efficaciter se resolvat, seu bona, & efficacia proposita faciat, quod velit se emendare, & progressum in virtutibus, ac perfectione facere, quod hoc, vel illud omittere, quod se in hoc, vel illo mortificare, sibi vim inferre, passionibus resistere, eas eradicare, virtutem hanc, vel illam implantare, necessariâque ad id media assumere; ut proin reliqui pii affectus & virtutum

actus, qui à voluntate per considerationem mota eliciuntur, sint quodammodo subordinata media ad principalissimum hunc fructum efficacium propositorum consequendum ordinata. Hinc Charissimi!

106. Colligetis, illam meditationem plerumque esse meliorem, & utiliorem, in qua meliora, & efficaciora fiunt proposita: illam verò minùs bonam, minùsque utilem, in qua vel nulla, vel non nisi tepidè, & languidè proposita fuere facta; licet enim huiusmodi Meditatio non sit sinè omni fructu, cum etiam per illam magna acquiri, & imprimi possit rerum utilis cognitio, & ex hac elici valeant, & eliciantur boni affectus, & interni actus virtutum, consequenter fructus aliquis, & subinde sat magnus jam habeatur; tamen, si bona, & efficacia proposita non junguntur, finis, & fructus principalissimus, & ultimus, emendatio nempe nostra, & progressus in effectû ex illa nullus, aut modicus sequitur.

107. Resp. II. Circa modum utiliter, & rectè faciendi bona proposita, bene observare oportet *Primo*, non sufficere, quod quis

quis firmiter faciat bona proposita in genere v. g. quòd velit se emendare, non amplius peccare, Deumque non amplius offendere, quòd velit virtutibus studere, DEO perfectè servire &c. sed omnino requiri, ut quis quædam proponat, seu faciat proposita circa hoc, vel illud in specie; & particulari faciendum, omittendum; aut patiendum, idque non tantum circa virtutem, & vitium aliquod in specie, sed etiam circa illius modum, tempus, locum, aliasve circumstantias, ita, ut proposita sint quasi particularizata, & circumstantionata v. g. si quis meditatur de charitate fraterna, vel de alia materia, & occasione illius movetur, aut inducitur ad faciendum propositum observandi charitatem fraternam; expedit quidem, sed non sufficit in genere proponere; *Imposserum erga omnes debitam observabo charitatem, nec unquam aliquid faciam charitati fraterne adversum*, sed debet insuper unum, vel plura facere proposita in particulari, observandi charitatem in hoc, vel illo puncto, exercendi hunc, vel illum actum charitatis, in

hoc loco v. g. erga hanc personam, tali tempore &c.

108. *Secundò* observandum est circa proposita facienda, ut, dum fiunt, simul etiam, ubi necesse est, cogitetur de mediis necessariis, aut congruis, fiatque firma de iis applicandis resolutio, ac propositum; quia voluntas, aut propositum tale solum inefficax, & quasi nullum est, si de mediis ad executionem necessariis non cogitatur; vel si hæc non adhibentur. Plerumque autem necesse, aut valde utile est, proponere, & resolvere, quòd quis attendere, & vigilare, sibi, & passionibus suis, perversæque naturæ vim inferre velit, ut, quæ proposuit, fiant, aut ne contra illa agendò quid fiat; quia, cum ferme omne bonum naturæ nostræ perversæ, ejusque inordinatis passionibus, & inclinationibus contrarium, malum verò eisdem gratum, & acceptum plerumque existat, omnino requiritur, præsertim primis conversionis annis, vigilantiam, & vim tanquam necessaria, & optima media adhibere ad proposita nostra executioni mandanda.

109. *Tertiò* observandum, sæpe val-

valde conducere, ut in faciendis particularibus propositis audiat-
tur etiam sensualitas, & perversa natura nostra, quid habeat contra: an, quare & quàm grave seu difficile sibi cadat? tum, ut rationibùs, & motivis contrariis vincatur: tum, ut ad difficultates nos magis præparare, firmare, & ad eas superandas generosè resolvere, indeque faciliùs subjugare possimus; *Jacula enim prævisa minus feriunt*: tum, ut cognita difficultate, & resistentia naturæ, resolutio fiat efficacior, DEO gravior, & nobis utilior.

110. *Quarò* observandum, ut proposita, quæ facimus, seria, firma, efficacia, non verò tepida, languida, aut ex sola consuetudine fiant. Hujusmodi enim proposita nil valent, & verificatur de illis notorium illud S. Bernardi effatum: Infernus plenus est bona voluntate, seu bonis propositis. Econtra inter firma, & seria proposita bene numeranda sunt illa Davidis *Psal. 118. v. 106. Juravi, & statui custodire judicia justitiae tuae. Psalm. 76. v. 11. Dixi, nunc capi: hac mutatio dextera excelsi &c.*

111. *Quinò* observandum, ut proposita bene imprimantur memoriz, quatenus hæc tempore occasionis, aut tentationis illorum utiliter recordetur. Ad quem finem juvat, assumere convenientem aliquam sententiam, vel principium practicum, tanquam tesseram, illamque per diem nonnunquam repetere, quatenus per illam memores redamur eorum, quæ in meditatione cognovimus, & resolvimus.

112. *Sextò* tandem observandum, ut, quantumvis firma eliciamus proposita de realiqua, & mediis ad eam necessariis, id tamen cum summa in nos diffidentia, & sola confidentia in Deum, ejusque auxilium, & gratiam faciamus; ac propterea pro eadem illum humillimè, & confidenter invocemus, quatenus id, quod in nobis operari dignatus est, confirmet, & gratiam exequendi tribuat. Hæc siquidem tria, videlicet sui diffidentia, confidentia in Deum, & oratio, seu invocatio gratiæ, seu auxilii Divini, ad omnia, præsertim ad proposita firmanda, & exequenda summè necessaria sunt.

113. *Quæ-*

113. Quæritur V. Quomodo concludi debeat Meditatio? Ante Responsionem notandum, plures conclusionem meditationis pro quarta meditationis parte statuere, eamque *Colloquium* nominare. Verum, quia dicta conclusio consistit ex solis voluntatis, & virtutum actibus, uti statim dicitur, hinc, ne absque necessitate multiplicentur entia, & ex pluralitate partium caveatur apprehensio majoris difficultatis, illam ad tertiam meditationis partem, utpote quæ omnes bonos affectus, virtutum actus, bonæque proposita, aliosque voluntatis actus includit, meritò reducimus. Neque ex Colloquio distinctam meditationis partem facimus, eò quòd non tantum in fine meditationis, sed etiam in principio, & medio illius fieri possit, & soleat Colloquium, cum non solum in fine meditationis, sed etiam per totum decursum illius per varios actus, & affectus conversemur, & loquamur cum Deo, consequenter Colloquium cum ipso habeamus. Hoc notato

114. Resp. Ordinariè loquendò, valde bonum, & utile est, ad finem meditationis sequentes

Neudecker Pars Prior.

exercere actus, videlicet I. Deo gratias agere, tum quòd ad audientiam, & conversationem suam nos admittere dignatus sit: tum pro luminibus, & gratiis in ea nobis collatis.

II. Veniam rogare de defectibus in ea commissis.

III. Se, suæque proposita Deo adhuc semel humillimè offerre.

IV. Ipsum denuo pro gratia exequendi proposita invocare.

V. Potest etiam pro aliis fieri brevis oratio ad varia præsertim magis necessaria, & utilia; cum enim tempore meditationis magna sit inter DEUM, & hominem conjunctio, & unio, sanctæque familiaritas, & amicitia, efficacior etiam tunc temporis pro se, & aliis est oratio.

115. Dixi in Responsione notanter: *Ordinariè*; quia subinde bene contingere potest, quòd quis tempore Meditationis ita sit immerfus, vel tantopere, & tam attentè, aut devotè occupatus in bonis affectibus, vel virtutum actibus, vel bonis propositis, vel aliis voluntatis bonis actibus, ut finem temporis ad Meditationem præfixi neuti- quam advertat, consequenter in præfatis actibus, donec ad

Ggg

aliud

aliud vocet obedientia, pergat; tunc enim, sicut non potest, ita neque necesse est aliam conclusionem facere, vel de illa omiſſa ſolicitum eſſe, eò quòd optimè concludatur, ſi præfatò modò ſine advertentia elabentis temporis finitur. Poſteſt tamen poſtea Meditationis conclusio, ſi tempus, & occasio patitur, breviter fieri.

116. Porro allegata Meditationis conclusio per ſupra dictos actus in praxi bene fieri poteſt ſequenti, aut ſimili modò.

Praxis per convenientes actus finiendi Meditationem.

„ O Amandiſſime Domine, Deus meus, & omnia! humiliſſimas, & reverentialiſſimas gratias tibi ago, pro infinita tua bonitate, & benignitate, qua me indigniſſimum ad Divinam tuam audientiam, & converſationem admittere, in eaque Divinis tuis inſpirationibus, & gratiis illuminare, atque ad bonos affectus, & actus, bonaque proſcripta excitare, & juvare dignatus es. Quidquid in, & ex hac meditatione bonum, à te, & tuum eſt; quidquid malum, & defectuoſum, à me, & meum eſt. „

„ Hinc de omni bono tibi ſoli gloriam & honorem tribuo, de malo autem, & defectu quocunque (ſi ſpecialem ſcis, illum nomina dicendò; præſertim verò de N. N.) culpam meam agnoſco, cordèque contrito, & humiliato veniam precor, ac emendare firmiter propono. „

„ Humiliſſimè etiam tibi denuo me, meaque cuncta, ſpecialiter verò exigua mea pia deſideria, & bona proſcripta per tuam gratiam concepta, ad tuam laudem, gloriam, honorem, & ſervitium offero, per infinitam tuam bonitatem, per merita, & Nomen JESU Chriſti, ejuſdemque Beatiſſimæ Matris Mariæ, & omnium Sanctorum humiliſſimè, & fiducialiter rogans, ut confirmare, & in effectum deducere digneris, quod in me operari non es dedignatus. „

„ Eandem infinitam tuam bonitatem per merita, & Nomen JESU Chriſti &c. inſuper ſupliciter rogo pro N. N. „ Specifica aliqua, pro quibus ſpecialiter rogare vis.

117. *Secundò* obſervandum, quòd ſicut conſideratio, ita & boni affectus, actusque virtutum, & bona proſcripta non cur-

cursum, & obiter, vel superficialiter, & transeunter elicienda sint, sed in eis maturè, & tractim manendum, illisque tamdiu inhaerendum sit, quamdiu devotio, & gustus saltem rationabilis durat, & donec nobis satisfecerimus; etsi subinde ex speciali devotione, aut fervore totum reliquum Meditationis tempus unico simili actu consumeretur.

118. *Tertiò* observandum, quòd, licèt in eadem meditatione possint, & plerumque soleant plures boni affectus, & virtutum actus elici, tamen piè, & tranquillè conandum sit, ut præcipuè tales eliciantur, qui magis sunt ad propositum, & intentum nostrum, fructumque quasi prævisum, utpote nobis magis utilem, magisque necessarium; salva tamen semper sancta aliqua spiritus libertate, salvòque illo, quod ad alios actus, affectus, vel proposita nos magis illuminanti, & excitanti Spiritui Sancto, ejusque gratiæ nos accommodare possimus, ac debeamus.

119. *Quartò* observandum, vel potiùs cavendum, ne unquam cogamus nos, vel astringamus, & quasi vim nobis inferamus, ineptè conandò, ut bonos affe-

ctus, & virtutum actus cum devotione, vel consolatione sensibili eliciamus; vel hanc in illis habeamus, aut sentiamus. Ratio est; quia hujusmodi devotio sensibilis ad memoratos affectus, & actus perfectè eliciendos prorsus non est necessaria, imò nullatenus est in potestate nostra, ut proin frustra, & inutiliter, imò et am-inocivè; quis se fatiget, & cogat pro illa propriis viribus acquirenda, cum tali coactione, & inepto conatu cor, caput, & natura lædatur, & debilitetur. Accedit, quòd Deus à nobis penitus non exigit illam, utpote in arbitrio, & viribus nostris non consistentem; sintque boni affectus, & actus nostri sine illa, imò summa cum ariditate, bona tamen cum voluntate, & advertente ratione pacatè, tranquillè, & humiliter elici, æquè, imò plerumque Deo magis grati, nobisque meritorii, & utiles, quàm necio qua cum devotione sensibili producti.

120. Cæterum devotio ista & consolatio sensibilis est gratuitum donum Spiritus Sancti, qui illud aliquibus sæpe, aliquibus rarò, aliis ferè nunquam dat, quibus nempe, quando, &

quomodo vult, ac cognoscit, illam conducere pro sua gloria, & accipientis salute. Hinc, si quando alicui id tribuit Divina Bonitas, illud cum gratiarum actione acceptare, eoque humiliter ac discretè uti oportet; quia multis utile, ac subinde necessarium est, ut præveniantur, vel excitentur, vel confirmentur benedictionibus dulcedinis, & consolationis spiritualis sensibilis. Si verò illud denegat, vel subtrahit, nullus se contristare, sed humiliare, & consolatione, qua Deus servos suos afficere subinde solet, indignum se reputare, simulque in Divinam voluntatem resignare, ac pro substantiali consolatione animæ habere debet, quòd pro voluntate, consolatione, beneplacito, & gustu Divino ipse sinè consolatione agere, pati, & vivere possit; præsertim, quia actiones, & passiones solatiò carentis ab amore, & interesse proprio puriores, indèque Deo gratiores, & homini utiliores sunt, hoc ipso, quòd, licèt in eo, quod agit, vel patitur, penitus nullam consolationem, vel gaudium, sed difficultatem, & aversionem habeat, illud nihilominus

perfectè, exactèque agere, & pati conetur, præcisè, quia cognoscit, ita placere Deo, quod utique ex vero, eoque puro erga DEUM amore, consequenter perfectissimè agere, & pati est. Atque hoc Charissimi specialiter notate; quia ex defectu hujus notitiæ multi deficiente devotione, & consolatione sensibili inordinatè tristati, & afflicti, pia sua exercitia vel dereliquerunt, vel tepidè, languidè, imperfectè, & cum tædio peregerunt, non sinè magno profectus spiritualis præjudicio.

III. Quintò observandum, ut, quando meditationem nostram ob distractiones, sive voluntarias, sive involuntarias, sive ob alias causas, vel defectus minùs bene successisse advertimus, defectum saltem circa finem refarcire studeamus per bonos actus, & quædam specialia proposita illo die certè servanda; præcipuè verò, ut eò magis illa die nos mortificare, & cum majori in omnibus operibus diligentia, ac circumspèctione ambulare, & quodvis peccatum cautissimè vitare studeamus. Tali enim modò defectus omnes refarciemus, & non sinè maximo fructu à meditatione discedemus.

§. IV.

*De causis impediētibz , & mediis promoventibz Medita-
tionem.*

122. **Q**Uæritur I. Quænam sint potiora impedimenta, & causæ, ob quas imperfectè & minùs utiliter Meditatio peragitur? Resp. Esse potissimùm sequentes. *Prima* causa est, defectus debitæ instructionis, lectionis, & studii circa bonum, utilem, & facilem modum meditandi, ac circa ea, quæ pro meditatione ritè instituenda scire oportet. Ex horum enim ignorantia non potest non imperfecta sequi meditatio. Nemo enim perfectè exercere potest id, quod exercere nunquam didicit, & consequenter exercere nescit; vel circa quod in falsis suppositis, aut erroribus est, pro ut ordinariè sunt, qui debitum, & utilem modum meditandi nec aliena instructione, nec propria diligenti lectione, serioque studio, ac labore didicerunt. Licèt enim meditari ex se sit facile juxta dicta; attamen, si nec per alium, nec propriò studiò necessaria notitia illius acquiratur, debitè exerceri plerumque ne-

quit. Multa ex se sunt, & essent facilia, utpote dependentia à levi aliqua, & facili scientia, vel notitia, tamen, si nemo illam ostendit, vel si quis illius notitiam proprià industrià non acquirit, ea, quæ etiam de se facilia essent, defectu notitiæ perfectè agere non poterit.

123. Accedit, quòd, licèt perfectè meditari, usu potiùs, & exercitiò, Sanctique Spiritùs illustratione, quàm humana instructione; arte, & studio addiscatur, (ut satis jam dictum est) attamen velit Deus, ut nostrum faciamus, & ea, quæ naturaliter, & humanitus requiruntur, debita cum diligentia, ac labore adhibeamus, consequenter vel instructione aliena, vel, ubi hæc deficit, propriò studiò, labore, & lectione debitam, & sufficientem notitiam rectè, & utiliter meditandi comparare pro viribus conemur. Quòd si quis pro exequenda Divina voluntate diligenter facit, quod est in se, assistentem Deum certò habebit,

bebit, gratiamque rectè, & utiliter meditandi suo tempore infallibiliter obtinebit, quia facientem, quantum est in se, Deus non deserit, sed opportuno, & suo tempore certissimè juvat, & exaudit.

124. *Secunda* causa, quæ debite faciendam Meditationem impedit, sunt malæ nostræ passionēs, inordinatique appetitus, & desideria. Hæc enim, quamdiu in homine vigent, continuo menti occurrunt, & distrahunt, bonosque affectus impediunt, ac minuunt; affectus enim nostri magis ad illa feruntur, quæ magis appetimus, & desideramus juxta illud Evangelii *Matth. 6. v. 21. Ibi est thesaurus tuus* (id est, quod quasi thesaurum amamus, vel desideramus) *ibi est & cor tuum.* Verum ad tollendum hoc impedimentum ipsa etiam frequens Meditatio optimum remedium est; quamvis & alia media ad passionēs, & inordinatos appetitus eradicandos adhibere, & eis, tempore Meditationis pro viribus resistere debeamus. Cæterum hæc causa incipientes præcipuè infestat, hoc ipso, quod primum à sæculo conversi, passionibus, & inor-

dinatis appetitibus ordinariè adhuc valde subiecti sint.

125. *Tertia* causa est nimia curiositas sensuum, & intellectus; cum enim per hanc phantasia, & memoria terrenis, & profanis nimis impleatur speciebus, hæc etiam in meditatione frequenter occurrunt, & distrahunt, bonasque cogitationes, & affectus impediunt.

126. *Quarta* causa est nimia, & inordinata cura ac sollicitudo de externis quibuscunque, item nimia effusio ad illa; idque ob rationem duobus præcedentibus numeris dictam.

127. *Quinta* causa est excessus in cibo, & potu, utpote per quem corpus gravatur, hebetantur, & obfuscantur intellectus, ac memoria, & ad meditandum minus apta efficiuntur; simulque facit, quod lumina, & gratiæ Divinæ nobis utpote indignis, & ineptis, vel non dentur, vel parcius dentur, vel nil operentur.

128. *Sexta* causa sunt peccata, quæ committimus; nam (ut bene advertit Abbas Nilus) sicut Deus in Meditatione per specialem assistentiam, inspirationes, & consolationes Divinas præ-

præmiare solet, quando per diem in re aliqua nos mortificamus, aut superamus, vel durum, & asperum quidpiam amore ipsius toleramus; ita etiā in Meditatione per subtractionem gratiarum spiritualium, & inspirationum plerumque punire solet, quando per diem magis delinquimus.

129. Quæritur. II. Quibus viis, & mediis adjuvetur, & facilitetur Meditatio? Resp. Præter ea, quæ hætenus prolixè dicta sunt, sequentiā potissimū sunt, quæ Meditationem juvant, & faciunt. *Primum* est debita, solidaque, & studiosa instructio circa methodum rectè, & faciliter meditandi. In quo puncto vos valde felices estis Charissimi, utpote qui circa orationem mentalem non tantū debite informamini, verū etiā per quotidianam Meditationem in actu exercito haustam doctrinam indies magis, magisque perficitis, & firmatis.

130. *Secundum* est frequens lectio, sicut etiā discursus de rebus spiritualibus, & ad Ascensum spectantibus. Ratio est, quia exinde semper acquiritur major notitia, & cognitio, multipli-

canturque, & magis firmantur species de rebus, quarum cognitio, & memoria ad bene meditando vel necessaria est, vel plurimū conducit.

131. *Tertium* est animus à malis passionibus, & inordinatis desideriis liber. Experientiā aliquando suo tempore videbitis Charissimi, quòd longè facilius, & perfectius meditari valeat ille, qui ab inordinatis desideriis, & passionibus liber, nil ampliù præter DEUM, & quæ DEI sunt, quærit, quàm ille, qui iisdem adhuc subiectus seipsum, variisque vanitates, & voluptates inordinatè adhuc quærit, & appetit. Accedit, quòd cor ab amore proprio, & inordinatis desideriis liberum sit capacissimū, & aptissimū receptaculum luminis, & gratiarum coelestium, Divinæque amoris, & aliorum bonorum affectuum.

132. *Quartum* est custodia quinque sensuum, & mortificatio intellectus circa curiositatem.

133. *Quintum* est abstinentia, & sobrietas.

134. *Sextum* est studium, & diligentia in acquirenda virtute, & perfectione, & multò magis ipsa

ipsa virtuosa, & pia vita, utpote intuitu cujus Deus gratias perfectè non tantùm meditandi, sed & contemplandi etiam simplicibus, & rudibus tribuit.

135. *Septimum* est studiosa, & debita præparatio non tantùm proxima, sed etiam, & vel maxime remota.

136. *Octavum* est frequens praxis, & exercitium Meditationis. Mediante isto octavo Meditationis adminiculo quivis cum tempore perfectè, & faciliter meditari discit; & imaginarias difficultates, quas priùs habebat, actimebat, facillè vincit; dummodo, quæ ex parte sua sunt, non omittat: prout experientiâ didicit S. Theresia, maximam difficultatem & tædium primis annis in Meditatione passa, postea facta præstantissima Magistra.

137. *Novum* est humilis, frequens, & fiducialis oratio pro gratia meditandi; cùm enim rectè, & debitè meditari sit speciale donum Dei, vult Deus, ut pro illo etiam specialiter ipsum invocemus, simulque, quæ ex parte nostra sunt, faciamus.

138. Quæritur III. Quomodo quis practicè se habeat tem-

pore distractionum sub Meditatione? Ante Responsionem notandum, distractiones inter orationem tam mentalem, seu meditationem, quàm vocalem nobis obvenire subinde ex nostra, subinde sinè nostra culpa.

139. *Ex nostra culpa* obveniunt distractiones, quando eis culpabiliter præbemus causas vel remotas, vel proximas. Causæ distractionum *remotæ* sunt variae, præcipuè verò sequentes; videlicet I. Malæ nostræ passionnes & inordinata ad rem aliquam desideria, & appetitus.

II. Nimia liberas quinque sensuum.

III. Nimia curiositas intellectus circa legendas, & indagandas, materias, & objecta statui minùs convenientia.

IV. Nimia, & inordinata cura, aut sollicitudo de munere, aut negotiis suis peragendis.

V. Nimia effusio ad externa.

140. *Proxima* causæ sunt I. Præparationis remotæ omissio. II. Præsentiae Divinæ culpabilis oblivio. III. Libera mentis evagatio, vel saltem resistendi, & expellendi distractiones ignavia.

141. *Sinè nostra culpa* obveniunt distractiones I. Ex miseria cor-

corruptæ nostræ naturæ, seu naturali levitate, vivacitate, & inconstantia phantasïæ, animi, & intellectus nostri, qui ex natura sua curiosus, vagus, & scire cupiens considerationi unius materiæ debite, & constanter inhærere non vult, indéque ab una in alteram quasi saltitare, & jam de hoc, jam de illo cogitare gestit.

142. II. Ex speciali permissio-
ne Divina.

143. III. Et quidem ordinariè, ac potissimum ex malitia, invidia, & tentatione dæmonis; cum enim nequissimus hostis optimè sciat, nil esse, quo Deo magis placere, nobis prodesse, & ei nocere possumus, quàm per orationem, eam tanquam sui accerrimum tormentum, & flagellum implacabili odiò prosequitur, & omnibz, quibz potest, viribz, & quantum potest, impedire, & impugnare satagit, adeò, ut testibz SS. Patribz, nullam virtutem, virtutisque exercitium, ac nullum mortificationis opus tantopere infestet, ac orationem: quapropter etiam Ecclesia Catholica (ut docent S. Thomas, Abulensis, & alii) providè, & saluberrimè statuit, ut

Neudecker Pars Prior,

singulis Horis Canonicis præmitteretur ille Versiculus, *Deus in adjutorium meum intende, Domine ad adjuvandum me festina*, quo Deus pro celeri, constantique auxilio, & assistentia contra dæmones, orationem jugiter impugnantem, humillimè invoce-
tur. Hoc notato

144. Resp. I. Quando sub Meditatione distractiones ingruunt, quædam facere, quædam cavere debemus. Et quidem ex quacunque causa, sive cum, sive sine nostra culpa proveniant distractiones, præprimis seriò conari debemus, ut ab iisdem liberemur. Quod fieri potest

145: Primò. Si, quamprimum advertimus (non rarò enim inadvertenter aliquamdiu inhæremus) alienis, ac impertinentibz cogitationibz nos occupari, ac distrahi, illas statim simpliciter, & absque alio actu iterum dimittamus, animùmque nostrum ad DEUM præsentem convertentes rursus pergamus in eo, à quo per distractiones fuimus avulsi, minimè indagantes, & scrutantes, unde, & qua occasione in has distractiones devenerimus; hoc enim, qui
Hhh inda-

indagant, novas distractiones sibi causant. Et hic resistendi modus facilis, & utilis est, sæpèque magis servit, quàm multæ protestationes, vel alii actus, quibûs distractiones repellere conamur. Unde etiam sæpiùs in eadem Meditatione adhiberi potest, si in illa distractiones sæpiùs occurrunt.

146. *Secundò.* Si distractiones magis infestant, aut præfatò modò minus efficitur (prout contingit, si in cogitationibus, & distractionibus aliquem affectum; & inclinationem, interesse, vel curiositatem habemus, aut eis accedat ignavia nostra) tunc majori cum conatu eis se opponere quis debet; quod facile præstabit, si seriò cogitat, & recordetur.

I. Se esse coram Deo, & loqui Divinæ Majestati.

II. Magnam esse irreverentiam, magnùmque Dei contemptum, relinquere ipsum obnugas, & quisquilias tractandas.

III. Cum Majestas illa immensa tantæ bonitatis erga nos sit, ut ne momentò quidem oculos suos à nobis avertat, æquissimum sanè esse, ut nostros quoque ab ipso minimè avertamus, sal-

tem pro illa hora, qua ipsum oramus.

147. Resp. II. Si distractiones ex nostra culpa proveniant, ob unam ex remotis, vel proximis causis antea allegatis, debemus corde contrito, & humiliato culpam nostram agnoscere, veniam rogare, emendationem proponere, & si causa distractionum proxima, & culpabilis statim removibilis est, illam illico tollere.

148. Resp. III. Tempore distractionum sub oratione cavere debemus. I. Ne liberè, & voluntariè eis inhæreamus; id enim qui facit, semper venialiter peccat, & injuriam præsentì Majestati Divinæ, cui loquitur, irrogat, ac ulteriorem subtractionem Divinarum gratiarum meretur.

149. II. Ut non cum ignavia, tepiditate, & negligentia, sed seriò, & statim opponamus, & eliciamus actum pium, quo mentem aliò distractam recolligimus, idque quamprimum distractionem advertimus.

150. III. Cavere debemus, ne ob distractiones Meditationem unquam omittamus, vel abbreviemus, sed potiùs id faciamus, quod

quod tempore ariditatis fieri oportet, juxta mox dicenda.

151. Quæritur IV. Quid in praxi observandum, dum quis ariditatem & derelictionem in Meditatione patitur? Ante Responsionem Notandum I. Quòd in statu ariditatis, siccitatis, & derelictionis spiritualis esse dicatur ille, qui sine lumine, & illustratione Divina nec bonas cogitationes, nec attentionem in Meditatione habere, nec cum gustu, vel affectu, nec cum consolatione, devotione, aut fervore sensibili, affectum vel virtutis actum producere potest, sed totum quasi meditationis tempus cum fastidio, & sterilitate inter meras distractiones, vel laboriosos, & fastidiosos conatus, quasi derelictus à Deo, transigere debet.

152. Norandum II. Quòd si cut distractiones, ita etiam ariditas, siccitas vel derelictio subinde ex nostra, subinde sine nostra culpa proveniat. Ex nostra culpa provenire potest ob aliquam ex paulò ante allegatis causis distractionum; præsertim verò ob omissionem debitæ præparationis remotæ; item ob priores voluntarias evagationes,

& distractiones, vel ignaviam, negligentias, & irreverentias in oratione mentali, ceu in conversatione cum infinita illa Majestate commissas: nec non ob alia peccata nostra &c.

153. Sine nostra culpa autem provenire potest Primo ex dispositione, & causa naturali v.g. revolutione humorum corporis, temporis, & immutationis aëris, aliisque dispositionibus, & concurrentiis naturalibus.

154. Secundo accidere potest, & sæpe accidit ex speciali dispositione, & permissione Dei, quia eam quandoque ob varios, & sanctissimos fines ad sui gloriam, & nostram utilitatem immittit e.g. in expiationem nostrorum peccatorum, vel ad nostram humiliationem, & cognitionem infirmitatis, ac impotentiae nostræ, ut videlicet cognoscamus, nos nil posse, & devotionem, bonosque, & ferventes affectus, & actus, claras cognitiones, profundas considerationes &c. quas subinde habemus, non à nobis, nec à nostra industria, sed à sola bonitate, & gratia Divina provenire; vel ut nos in fidelitate probet; vel ut occasionem habeamus, varios

Deo gratissimos actus virtutum, præsertim patientiæ, humilitatis, resignationis, constantiæ &c. exercendi, indeque Deo singulariter placendi, ab eoque ampliores gratias, & merita obtinendi; vel tandem, ut discamus eidem servire nuda fide, & pure, ac puro corde, puraque intentione sine ulla nostra consolatione. His notatis

155. Resp. I. Quando cognoscimus, vel advertimus ariditatem, & derelictionem ex nostra causa, & inde provenire, quod e.g. per aliquod peccatum, vel notabiliorem defectum, causam, & ansam dederimus, ut nos hic & nunc derelinquat Deus, lumina, devotionis, & consolationis gratias subtrahat, præfatæque ariditate nos affligat, sequentia observare oportet: videlicet debemus nos coram Divina Majestate profundissime humiliare, nostramque culpam agnoscere, & fateri, dignum, & justum esse, ut in poenam iniquitatis nostræ Deus faciem suam à nobis abscondat, lumina, gratias, omnemque consolationem subtrahat; & e contra tenebris, cæcitate, & ariditate nos percutiat. Item debemus coram Deo nos

profundissime humiliare, de culpa dolere, ac poenitere, & emendationem efficaciter proponere, & promittere, veniamque, & misericordiam humillime rogare, ac, quantum in nobis est, statim facere, quod ex parte nostra requiritur, præsertim verò voluntarias distractiones, & evagationes mentis, aliosque pro tunc actuales defectus vitare.

156. Resp. II. Quando ex parte nostra nullam culpam, aut culpabilem causam, ex qua ariditas proveniat, agnoscimus, possumus nihilominus, & debemus credere, & fateri, DEUM ob peccata nostra, iniquitatem, & ingratitude præteritam justissime nobis subtrahere devotionis, & consolationis spiritualis gratiam, poenæque ariditatis nos affligere. Item debemus nos humiliare, & indignos reputare Divina illustratione, consolatione, aliisque gratiis, ac charismatibus, quæ dilectis, & fidelibus servis suis elargiri solet.

157. Juvat tamen etiam, & expedit ad DEUM humiliter, & fiducialiter clamare, ipsumque rogare pro devotionis spiritu. Divinæque lumine, & gratia; quæ oratio fieri debet plena cum resi-

resignatione in Divinam voluntatem, ita, ut, etiamsi per plures annos non auferat hujusmodi ariditatem, sed in ea nossemper relinquat, eam summa cum humilitate, patientia, & resignatione acceptare, & pati debeamus, sola voluntate, & beneplacito Divino contenti juxta dicta *num. 108.*

158.. Resp. III. Sive ariditas ex nostra culpa, sive sine illa proveniat, præter ea cavenda, quæ Quæsito præcedente adduximus, summopere cavere debemus, ne ob ariditatem & derelictiones, quas in meditando sentimus, aditum concedamus inordinatæ tristitiæ, pusillanimitati, aut desperationi, quasi impossibile nobis esset, bene, & rectè meditari: & ne propterea, vel alia simili falsa causa sub prætextu v.g. tempus utiliùs alia ratione impendendi, meditationem solitam omittamus, vel abbreviemus, sed potiùs humili, patienti, & resignatò animò constanter perseveremus usque ad finem, ac interea, quantum in nobis est, faciamus, & ingruentibus distractionibus resistamus. Ita enim nos habendò, Meditatio nostra æquè, imò ple-

rumque magis grata erit Deo, & nobis fructuosa, quàm alia, quæ nescio qua devotione, consolatione, dulcedine, affectu, & fervore spirituali sensibili peragitur: etiamsi in illa arida, & sicca nil aliud ageremus, quàm quòd quasi continuò distractionibus, vel aliis meditationi contrariis defectibus resisteremus. Ratio est; quia illa meditatio Deo gratior, & nobis fructuosior est, quæ fit modò, quo vult Deus; vult autem Deus, ut tempore ariditatis ab ipso nobis immisrà, præfatò modò nos in meditatione habeamus, & omnì dulcedine, & consolatione spirituali sensibili careamus: ergo.

159. Caventes igitur præfata, optimè agimus, si unum, aut plures ex sequentibus, aut similibus eliciamus actibus.

„ Domine, quantum mea culpa est, summè doleo, & poenitet me, nec non occasionis, & causæ, quam ex parte mea dedi, ob quod humillimè veniam peto: at in quantum tua voluntas est, quæ vel præterita peccata mea commissà, vel præsentēs negligentias, & imperfectiones meas justè castigat, vel ex Divino amore, & providentia me

exercet, me humillimè resigno, & libentissimè accepto, qualiter, quantum, & quamdiu vis; sit consolatio mea pro te, & propter te sinè omni consolatione agere, & pati. „

Vel: „ Domine sicut vis, & tibi placet, ita fiat: multum saltem est, quòd Divina Majestas tua in præsèntia sua me toleret, & me miserum, & derelictum respicere, & audire non dedignetur. „

Vel: „ Domine neutiquam sum dignus illa Divina consolatione, illustratione, favore, & visitatione, qua fideles servos tuos recreas; sufficit mihi Divina voluntas & beneplacitum tuum, tantum non projicias me à facie tua, & Spiritum Sanctum

tuum ne auferas à me, sed gratiam præbe, ut in hoc statu agam, & patiar, prout tibi placet. „

160. Per hujusmodi, & similes humilitatis, patientiæ, poenitentiae, resignationis &c. actus, meditationem (quæ cæteroquin summè sicca, & sterilis est) reddimus DEO plurimum acceptam, & nobis fructuosam; imò teste Avila, & communi Ascetarum, si tempore ariditatis, & derelictionis in Meditatione perseveremus, &c, quantum in nobis est, faciamus, miscentes subinde unum, aut alterum ex præfatis actibus, plùs placemus Deo, majorémque fructum, & gratiam reportamus, quàm ex nescio qua profunda Meditatione, aut Contemplatione.

§. V.

Compendiosa Recapitulatio hæcenus dictorum de Meditatione, unà cum Principiis practicis circa illam.

POnitur præsens Paragraphus, ut, quæ in hoc toto, ac præcedente Capite de Meditatione copiosè dicta sunt, in brevi etiam compendio succinctè contracta habeantur, adnotandò tamen pro

majori commoditate citationes, ut, quæ in hoc Paragrapho compendiatè habentur, suis in locis fusiùs inveniri possint.

161. Quæritur I. Quid in compendio sit Meditatio, & quas habeat partes? Resp. I. Loquendò de Me-

Meditatione, quæ ordinatè & certo ad eam designato tempore fit, bene describitur dicendò: *Meditatio est attentio, & seria aliqua alicujus rei, vel materia prius jam determinata, & præparata, & postea per memoriam proposita consideratio, ad hoc, ut bene cognoscatur, & imprimatur, indeque voluntas moveatur ad varios pios affectus, & actus virtutum, petitionum, & propositorum, pro diversitate rei considerata, gratiæ, Divina illuminantis, & moventis producendos: prout amplius explicatur Cap. XIII. à num. 5.*

162. Resp. II. Meditatio (præsupposita præparatione) habet tres partes juxta tres facultates, seu potentias animæ, per quas operatur. *Prima pars est materiæ, seu rei meditandæ præsentatio, seu propositio, quæ fit per memoriam, quæ rei illius, de qua meditari quis statuit, breviter recordatur, & sic recordandò eam exhibet, seu proponit intellectui, juxta declarata in hoc Capite §. I.*

163. *Secunda pars est Consideratio, quæ fit per intellectum, utpote qui materiam à memoria breviter propositam attentè, & seriò secundum naturam illius, proprietates, vel circumstantias,*

causas, effectus &c. considerat, & magis expendit juxta dicta §. II. per totum.

164. *Tertia pars est bonorum affectuum, virtutis actuum, petitionum, & propositorum productio, quæ fit per voluntatem, quando enim intellectus materiam à memoria propositam attentè, circumstantionatè, & exactè considerat, acquirit majorem illius cognitionem, vel prius habitam iterum renovat, magisque imprimit, & auget; ex cognitione autem quasi necessariò movetur voluntas ad convenientes actus, resolutiones, & proposita pro diversitate materiæ consideratæ, & cognitionis inde haustæ. Voluntas siquidem dirigitur, & movetur circa res, prout ab intellectu cognoscuntur, seu prout hic res illi proponit, juxta amplius dicta supra §. III.*

165. Queritur II. Quàm præstans, utilis, ac necessaria sit Meditatio? Resp. I. Est præstantissima, & utilissima; cum enim sit orationis nobilissima species, est inprimis Deo gratissima, & acceptissima, habetque maximas prærogativas, & optimos fructus, ac effectus cuius orationi communes.

munes. Dein ulteriùs specialissimè , & efficacissimè servit (prout *Cap. XIII. à num. 17.* fusiùs declaratum habetur) I. Ad acquirendam , augendam , & firmandam rerum Divinarum , & aliarum scitu utilium , aut necessariarum cognitionem , accedente præsertim Divino lumine , & illustratione , quæ in meditatione magis , quàm alibi datur , & obtinetur.

166. II. Ad frequentiore , faciliore , utilem , ac necessariam earundem rerum memoriam.

167. III. Servit ad hoc , ut discamus , & assuescamus Deo uniri , cum eoque loqui , & conversari , ac reciprocè ipsum , ejusque inspirationes cognoscere , & sequi.

168. IV. In , & ex eadem meditatione discimus , & assuescimus elicere varios bonos affectus , virtutumque , petitionum , & bonorum propositorum affectus ingenti cum beneplacito Divino , nostróque merito , & fructu , emendationis præsertim , & progressus in virtute , ac perfectione.

169. V. Ob præfatas quatuor utilitates , sicut & ob plures alias

rationes specialissimè , & efficacissimè servit ad cognoscendas , & superandas dæmonistentationes , & insidias.

170. VI. Ad extirpanda quævis vitia , & pravos habitus.

171. VII. Ad superandas , & patienter tolerandas omnis generis afflictiones , persecutiones , & infirmitates &c.

172. VIII. Ad devotionis spiritum , & quasvis virtutes acquirendas , vitamque nostram perfectè instituendam.

173. Resp. II. Ad malas passionés , & inordinatos affectus edomandos , & eradicandos , ad solidas virtutes acquirendas , ad perfectionem sive Christianam , sive Religiosam obtinendam meditatio omnino , & absolute necessaria est , prout ampliùs dicitur , & probatur supra *Cap. XIII. à num. 27.*

174. Quæritur III. Quomodo breviter ostendi possit , qualiter practicè fieri queat Meditatio ? Resp. Id compendiosè & clarè sequenti practica instructione ostendi.

Pridie ante Meditationem (si hanc post mediam noctem , aut de manè instituis) præpara te ad illam , id est , præmissa bona intentione.

tionem, & invocationem Divinam gratiam, lege attentè, & consideratè, vel ex libro formatas meditationes continente, vel ex alio materiam, de qua meditari vis, eamque in duas, vel tres partes, seu puncta divide, & fructum, id est, bonos affectus, virtutumque actus, & bona proposita, quæ pro principali intento, seu fine tuo (quem in quavis meditatione habere convenit) extirpationem v. g. certi vitii, vel implantationem certæ virtutis &c. circiter elicere poteris; jam tunc aliquantulum ob oculos habe, & prævide, saltem semper libertate spiritus, juxta sæpius dicta. Quod si ex causa rationabili à lectione impedis, vel legere nolis, utpote meditaturus de materia, cujus lectione non indiges, saltem materiam determina, eamque in puncta divide, & ut supra fructum aliquantulum prævide.

175. Dein, quando altera die imminet tempus Meditationis, breviter cogita adesse jam felicissimam horam audientiam, & conversationis Divinæ; estoque memor immensi, & præsentissimi Dei, & coram eodem maxima, qua potes, humilitate, & re-

Neudecker Pars Prior.

verentia attentè, ac devotè, pacatè, & quietè, cum fide, & fiducia elice illos virtutum, & petitionum actus, in quibus Preparatio proxima consistit, juxta dicta *Cap. XIII. à num. 87.*

176. His finitis, illico breviter recordare materiam, de qua meditari vis, imaginandò tibi eandem (si in facto consistit) quasi esses in loco, ubi sit, vel facta est, vel quasi fieret, aut contingeret coram oculis tuis, in loco, ubi es. Vel poteris absque simili imaginatione de eadem simpliciter cogitare conformiter dictis supra à num. 8. quod etiam semper facies, si de vitio, aut virtute, vel sententia, aut doctrina Fidei, vel morum meditari vis.

177. Postea statim per intellectum materiam ordinatè secundum puncta, seu partes pacatè, & tranquillè expendere incipe, considerandò illam (si in facto consistit) secundum unam, vel plures circumstantias; *Quis? quid? ubi? quibus auxiliis? cur? quomodo? quando?* Item juxta effectus inde provenientes: & qualiter tu factum hoc imiteris, vel ab eo deficias juxta dicta supra à num. 19.

178. Vel, si de virtute meditaris;

ris, considerandò ejus naturam; id est, in quo consistat, partes, vel gradus, proprietates v. g. præstantiam, utilitatem, necessitatem, effectus &c. & exempla eorum, qui eam coluere, & illorum, qui contrarium fecere: item quomodo tu in illa te habeas, & imposterum habere velis, juxta dicta à num. 32.

179. Vel, si de vitio meditaris, considerandò etiam ejus naturam, partes, proprietates v. g. malitiam, iniquitatem, turpitudinem, offensam, & injuriam Dei: damna, & malos effectus illius, radicem, & causas ejusdem: exempla, & damna illorum, qui huic vitio dediti erant &c. Item quomodo tu in illo te habeas, & habere velis, juxta dicta num. 50.

180. Vel, si de sententia, textu, principio, vel doctrina Fidei, aut morum meditari vis, considerandò personam, quæ eam locuta est: proprietates ejusdem v. g. æquitatem, veritatem, utilitatem, necessitatem &c. exempla aliorum, qui eam observarunt, & illorum, qui illam neglexerunt: quomodo tu circa illa te habeas, & habere velis conformiter dictis à num. 59. Ex ita considerandò habes secundam Me-

itationis partem, videlicet materiæ Considerationem, quæ fit per intellectum.

181. Ut autem bene, ac fructuosè hanc Considerationem perficias, sequentia partim caveas, partim observes, oportet, de quacunque tandem materia mediteris, prout amplius revideres poteris supra à num. 75. usque ad num. 91.

182. I. Cave, ut, dum materiam per intellectum expendis, & consideras, id non nimis vehementi cum conatu, & quasi coactione, sed pacatè, quietè, tranquillè, & suaviter, seriò tamen, & attentè facias.

183. II. Observa, non esse necesse; ut materiam secundum omnes circumstantias, vel proprietates supra allegatas expendas; sed sufficere, si secundum unam, vel alteram; aut per tot eam consideres, donec voluntas ad bonos affectus, virtutum actus, & proposita moveatur.

184. III. Observa, ut in consideratione à curiosis, & inutilibus abstinens, materiam juxta illas circumstantias consideres, quæ magis serviunt ad intentum, fructum, & finem meditationis; idque non leviter tantum, & cur-

cursim transeundò, sed attentè, ac tractim, & aliquando inhærendò, ac ruminandò expendas.

185. IV. Cave tamen, ne majus temporis spatium in Consideratione, sed potius in producendis bonis affectibus, virtutum actibus, & bonis propositis (utpote in quibus potissimus Meditationis fructus consistit) infumas.

186. V. Observa, quòd, si ex consideratione unius, vel alterius circumstantiæ sufficienter movetur voluntas ad unum, vel plures bonos affectus, virtutum actus, aut bona proposita, eis statim inhæreas, & tamdiu prosequaris, quamdiu affectus, gustus, vel devotio rationabilis durat: nec curandum, quòd plura adhuc puncta, vel circumstantiæ restent meditandæ. Cessante autem devotione, circa unum, aut plures tales bonos voluntatis affectus, vel actus, considerationem iterum assume, donec rursus moveatur voluntas.

187. VI. Observa, quòd, dum materiam consideras, discursuum tuum internum, & cogitationes dirigere possis vel ad DEUM. quasi ipsi loquereris, vel ad te

ipsum, vel ad aliam creaturam, vel simpliciter.

188. Postquam observatis observandis materiam, vel circumstantiam illius sufficienter considerasti, & expendisti; sequitur quasi necessariò, consequenter facili ter, etiam tertia pars meditationis, productio videlicet bonorum affectuum, virtutis actuum, petitionum, & bonorum propositorum, quam facit voluntas; utpote quæ ex natura sua afficitur, & movetur erga, vel contra aliquid, prout intellectus illud cognoscit, & cognitum proponit.

189. Hinc, quamprimum ex Consideratione ad unum, vel plures bonos affectus, virtutum actus, vel proposita moveri te advertis, eis, juxta jam dicta, statim te accomoda, illos elice, si ve immediatè post primam, si ve post plures consideratas circumstantias ad illos moveatur voluntas.

190. Porro, ut circa tertiam hanc, eamque principalem Meditationis partem rectè, & fructuosè procedas, aliqua cavenda, aliqua observanda habes, prout supra à num. 102. fusiùs est annotatum.

191. I. Cave, ut bonos affectus, virtutum actus, petitiones, & proposita non cursum, & superficialiter, sed maturè, & tractim elicias, eisque tamdiu inhæreas, quamdiu devotio durat.

192. II. Cave, ne unquam te cogas, vel astringas, & quasi vim tibi inferas, vel ineptè coneris, ut præfatos affectus, vel actus cum devotione, consolatione, aut fervore sensibili elicias.

193. III. Observa, quòd, licèt varii boni affectus, & virtutum actus elici queant, prout nempe pro diversitate materiæ consideratæ, & cognitionis habitæ, vel gratiæ Divinæ movetur voluntas, tamèn bonum, & tranquillè conandum sit, ut præcipuè eliciantur tales, qui magis ad nostrum intentum sunt, salva tamen semper spiritûs, & gratiæ Divinæ libertate.

194. IV. Observa, ut in omni Meditatione unum; vel plura præsertim ad intentum tuum elicias proposita (utpote in quibus fructus meditationis omnium maximè consistit) eaque non tantum in genere, sed etiam in specie, ac particulari, & quidem non tepidè, vel languidè, sed efficaciter, proponendò e-

tiam hunc in finem applicationem mediorum necessariorum aut utilium, idque totum plena cum tui diffidentia, ac confidentia in Deum, humili ac fiduciali invocatione gratiæ, & auxilii Divini.

195. Tandem appropinquante fine temporis ad meditando præfixi Meditationem concludere I. Gratias agendò pro audientia Divina, concessis luminibus, & gratiis collatis.

II. Veniam rogandò de commissis defectibus.

III. Te, tuæque proposita adhuc semel offerendò.

IV. Denuo invocandò Deum pro gratia ea exequendi.

V. Pro te, & aliis orandò, quales actus pro praxi reperies supra *num. 121.*

196. Quæritur IV. Quænam in compendio juvent, vel impediunt Meditationem? Resp. I. Loquendò in compendio (quæ prolixius in præcedente §. declarata sunt) hanc impediunt I. Defectus debitæ instructionis, vel lectionis, & studii proprii circa utilem, & facilem methodum meditandi.

II. Immortificatæ malæ naturæ.

stræ passiones, & inordinati affectus, ac desideria.

III. Nimia curiositas quinque sensuum; item nimia cura, & sollicitudo de externis.

IV. Excessus in cibo, & potu.

V. Peccata nostra.

VI. Omissio præparationis remotæ.

197. Resp. II. Meditationem juvant, ac faciunt I. Debita instructio, & studiosa lectio circa modum bene meditandi.

II. Frequens lectio spiritualis.

III. Animus à malis passionibus, inordinatisque desideriis, & affectibus liber.

IV. Custodia quinque sensuum, & mortificatio intellectus circa curiositatem.

V. Temperantia.

VI. Studium virtutis.

VII. Studiosa, & debita ad meditationem præparatio non tantum proxima, sed vel maxime remota.

VIII. Frequens, & sedula praxis, ac exercitium Meditationis.

IX. Humilis, frequens, ac fiducialis invocatio DEI pro dono, seu gratia rectè meditando.

Appendix

De

Principiis Practicis circa Meditationem.

Principium I.

198. **M**agnam semper habere æstimationem de Meditatione, ejusque utilitate, & necessitate.

Principium II.

199. **C**ertò credere, & supponere, quòd sinè frequentati Meditationis exercitio, nulla constans, & solida virtus, multò minùs vera perfectio, sive Religiosa, sive Christiana acquiri valeat: adeoque nolle frequentare Meditationem, idem esse, ac nolle tendere ad virtutem, & perfectionem.

Principium III.

200. **M**editationem summo pere amare, & sedulò frequentare.

Principium IV.

201. **F**irmissimum, ac inviolabile habere propositum, ad Meditationem, & Recollectionem

tionem quotidianam juxta Statutorum & Constitutionum tenorem diligenter semper, & tempestivè comparendi, nisi obedientia, vel alia verè legitima causa impediat.

Principium V.

202. **E**X frivolis & fictis causis, vel negotiis nunquam omittere Meditationem, vel Recollectionem, aut ab ea se subtrahere, vel eam abbreviare, vel serò venire ad eandem: sed negotia sua ita disponere, ut, quantum possibile est, Meditatio, & Recollectio non negligantur.

Principium VI.

203. **Q**uando quis cū tempore vi officii à Meditatione, quæ certo in loco, ac fixâ horâ à tota Communitate peragitur, exemptus erit, firmum habere, & servare propositum, diligenter, & tempestivè quotidie privatim instituendi de manè aliquam Meditationem, & propterea divisionem temporis ita faciendi, ut Meditatio suum determinatum tempus habeat; præsertim, cum per eam quis non perdat, sed lucretur tempus pro officii sui negotiis, ob majorem

gratiam, & assistentiam Divinam.

Principium VII.

204. **E**tiam, dum ad alia loca quis proficiscitur, Meditationem in via quoque (quantum fieri potest) quotidie peragere.

Principium VIII.

205. **D**E Meditatione, & modo debitè meditandi sæpius, & tam diu legere, & indagare, donec quis cuncta perfectè capiat, & memoriæ sufficienter impressa habeat, accedentēque gratia Divina in praxin deducere sciatur.

Principium IX.

206. **F**irmiter credere, & indubitatè confidere, quòd, etsi ab initio Meditatio difficilis appareat, & modicam utilitatem nobis afferre videatur, successu tamen temporis, si quis, quantum est in se, humiliter, ac pacatè facere, & Meditationem quotidie frequentare non cessat, facilis, ac non rarò summè delectabilis, summēque consolatoria sit evasura.

Principium X.

207. **T**EMPore ariditatis; desolationis, & tentationis Meditationem non omittere, sed cum patientia, & resignatione humiliter, & pacatè facere, quod quis potest, certòque confidere, talem, etli ex integro aridam, siccam, & involuntariè distractam, cum patientia tamen, &

resignatione ad finem usque humiliter continuatam Meditationem, DEO æquè, imò magis gratam, & nobis meritoriam esse, quàm altissimam; & dulcissimam contemplationem.

Principium XI.

208. **D**EUM pro gratia rectè meditandi sæpius, humiliter, & fiducialiter invocare.



CAPUT XV.

De Precibus, seu Orationibus Jaculatoriis.

MERITO post orationem vocalem & mentalem agimus nunc de orationibus jaculatoriis; tum, quia sunt una nobilissima orationis species; tum, quia subinde corde & ore simul, subinde verò sola mente fiunt, indèque de utraque oratione, vocali scilicet & mentali quodammodo participant; tum denique, quia iis potissimum frequentiori, & faciliiori usui sunt, qui in Meditatione jam magis sunt exercitati, in quibus maximum causantur

fructum, eosque ad contemplationem, & vitam unitivam mirè disponunt, ac compendiosè deducunt, in eaque sovent: unde etiam existentibus in via illuminativa, & unitiva, seu proficientibus, & perfectis magis propriæ sunt; quàm incipientibus, & existentibus in via purgativa; ita tamen, ut his quoque maximè prosint, & serviant, quamvis frequens earum exercitium eisdem ab initio tam facile non sit. Hoc prælibato po-

§. I.

De Præstantia & utilitate Aspirationum seu Precum jaculatoriarum.

1. **Q**Uæritur I. Quid, & quàm utiles sint Orationes, seu Preces jaculatoriæ; five piæ Aspirationes? Resp. I. Sunt brevissimæ quædam orationes, vel virtutum actus, subinde solamente, subinde corde & ore simul facti, quibus quivis facillè potest, & animæ devotæ frequenter solent in quovis locò & tempore, die ac nocte, domi & foris, in quovis negotio & occupatione, mentem ad Deum, vel ad Coelites erigere, disponendò ascensiones in corde suo, & manifestandò pios affectus animi sui, atque desideria & proposita, petitionesque innuendò. Patet Descriptio ex terminis: vocantur autem preces, seu orationes jaculatoriæ; quia instar jaculorum, & sagittarum brevissimè emittuntur, velocissimè transeunt nubes, & tendunt ad scopum, Cor nempe Divinum, indeque dona celestia nobis referunt. Vocantur etiam piæ Aspirationes, & Preces aspirativæ; quia illis aspiramus

ad Deum, & per eas aspirat Deus conatibus nostris: dùmque ita ad Deum spiramus, non nisi Deum spiramus, indeque fit, ut eisdem fervor charitatis erga Deum ferè æquè, ac vita corporis aspiratione aëris, sustentetur. Vocantur insuper *Motus anagogici*, id est, sursum ducentes; quia per eas à rebus terrenis abducimur, ad superna levamur, & ad dulcissimam cum Deo unionem evehimur. *Affectus pii* denique nuncupantur; quia sunt cordis affectiones, & desideria, voluntatisque proposita.

2. Resp. II. Preces, seu orationes istæ jaculatoriæ præstantissimæ sunt; & utilissimæ ad cujusvis generis dona & bona tam temporalia, quàm spiritualia consequenda, præsertim verò ad perfectam DEI cognitionem, amorem, & unionem obtinendam, & conservandam, adeò, ut à Perfectionis Magistris meritò vocentur *Via Compendii ad Deum*. Probatur Responsio imprimis ex eo, quòd sint vera & propria species

cies

cies orationis; consequenter etiam eisdem omnia convenient prærogativa, quæ de præstantia & utilitate orationis diximus supra Cap. XII. & XIII.

3. Probatur ulterius communis, imò unanimi sensu SS. Patrum & Ascetarum; nam, ut ait Cardinalis Bona Cap. 6. *Via compendii ad Deum. Tanti momenti est, ad assequendam brevi tempore Perfectionem, hoc exercitium* (orationum videlicet jaculatoriarum) *ut illud semper plurimi asstimarint, quosquos fuerunt Viri, doctrinâ & sanctitate conspicui.* Celeberrimus Asceta, & sanctitate conspicuus Vir, Joannes à JESU Maria, in *Theologia mystica. cap. 3.* ait: *Concors unanimitas, quos legarim, sententia est, ad altissimam Dei cognitionem, & sensum, seu experimentum Aspirationum exercitio ita animam erigi, ut sic hoc Angelicum exercitium miris laudibus celebratum, ceteris omnibus antepositum, frequenter plurimum proficiat; habet enim tam egregiam vim exstimulandi, & Divinis flammis urendi, ut hoc unum idoneis circumstantiis septum, & virtutum studio armatum, ad summam Christiana vita perfectionem & puritatem corda nostra perducatur.* Similibus, & adhuc majoribus SS. Patrum, de maxima orationum ja-

culatoriarum utilitate, & præstantia, testimoniis plures latè implere possemus paginas, præsertim, si adducere vellemus, quæ mira de illis scribit S. Bonaventura in *Theologia mystica.*

4. Nec tantum verbis, sed factò etiam & exemplò suò docuerunt, & commendarunt hoc præstantissimum orationum jaculatoriarum, & piarum Aspirationum frequens exercitium omnes, quotquot fuere Sancti, præeunte Sancto Sanctorum Christo JESU; in horto enim iterabat Orationem illam brevem jaculatoriam: *Pater mi, si possibile est, transeat à me calix iste, veruntamen non sicut ego volo, sed sicut tu. Matth. 26. v. 39.* In cruce etiam inter acerbissimos dolores aliquam subinde Aspirationem, & orationem jaculatoriam hujusmodi ad Patrem ardentissimo fervore emisit: *Pater dimitte illis, non enim sciunt, quid faciunt. Luca 23. v. 34.* Item: *Deus meus, Deus meus, ut quid dereliquisti me. Matth. 27. v. 46.* simili jaculatoria aspiratione sanctissimam finivit vitam, dicens: *Pater in manus tuas commendo spiritum meum. Luca 23. v. 46.* Christi perfectus imitator fuit S. P. N. Franciscus aspiratio-

nes & preces jaculatorias in continuo quasi usu habens, adeò, ut in elicienda, & repetenda sola illa: *Deus meus Omnia!* integram consumpserit noctem. Idem frequentissimum Aspirationum, & orationum Jaculatoriarum exercitium, omnes omnino Sancti & perfecti viri, maximo cum fructu suo habuere, prout ad longum enarrat Card. Bona *loc. cit. à num. 3.*

5. Ratio autem, cur tantæ utilitatis & præstantiæ sint Aspirationes, & Preces jaculatoriæ, præter eas, quæ pro quavis oratione militant, insuper triplex est. I. Quia hoc ipso, quòd breves sint, sinè ulla distractione fiunt, & ordinariè ex corde fervidè, & devotè eliciuntur, consequenter Cor Divinum illico penetrant, & magnum semper fructum generant.

6. II. Quia frequentî Aspirationum, & Precum jaculatoriarum exercitiò jugiter renovatur, fovetur, & augetur necessarius fervoris, & devotionis spiritus, qui aliàs sinè illis inter tot distractionum, negotiorum, & temptationum discrimina facilè dissipatur, diminuitur, aut subinde omnino extinguitur. In lege

veteri Mandatum Divinum erat, ut in altari semper & perpetuò arderet ignis, quem Sacerdotes subjiciendò ligna fovere debebant. *Leviti. 6. v. 12. Ignis in altari semper ardebit, quem nutriet Sacerdos subjiciens ligna.* Ignis hic præfigurabat ignem Divini amoris, quem in altari cordis semper ardere vult Deus: ad quem ignem conservandum, fovendum, & augendum omnino necessaria sunt ligna orationis, quæ manè quotidie copiosius subjiciantur per longiorem orationem mentalem, seu Meditationem; interdum verò identidem adjiciantur per crebras breves Aspirationes, seu orationes jaculatorias; quia, nisi hæc meditationis & Aspirationum ligna adhibeantur, ignis amoris, & devotionis spiritus conservari planè non possunt.

7. III. Quia Aspirationes, seu preces jaculatoriæ istæ ad acquirendam cum Deo unionem, habendò cum illo sanctam, & familiarem conversationem, omnium maximè serviunt, simulque ad vincendas omnis generis tentationes, repellendas dæmonis insidias, obtinendas gratias, & lumina Divina mirè conducunt. Paucis earum effectum

&c

& fructum comprehendit Card. Bona loc. cit. num. 5. illis verbis. *Hoc enim tanquam igne in cordibus nostris accenso, consumuntur omnia peccata, vitia omnia destruntur. Tollit id à nobis, quidquid est serena adhesionis, quidquid deformitatis, quidquid dissimiles nos facit Deo, & sanctam cum illo unionem impedit. Eo mediante vincuntur tentationes, acquiruntur virtutes, perficiuntur operationes, celesti lumine imbuitur intellectus, exercentur actus supernaturales, purificatur intentio, erigitur affectus, inflammatur voluntas, disponitur mens ad contemplationem, & totus homo in Deum transfunditur.*

8. Quæritur II. Quid in praxi observandum sit circa exercitium & frequentiam orationum jaculatoriarum? Resp. I. Observanda esse sequentia. *Primo*, ut, dum aliquam quis elicit, id non negligenter, festinanter, aut perfunctoriè, vel ex sola tepida consuetudine, sed cum attentione, advertentia, & matura aliqua serenitate, ac sinceritate faciat, ita, ut ab interiori homine proficiatur: ad quem finem, eandem subinde aliquoties repetere, vel ei immorari conducit, si devo-

tio, & affectus id suggerit, tempusque & occasio patitur; plus enim apud Deum valet unica aspiratio bene elicitæ, quàm centum languidè productæ.

9. *Secundò* observandum, ut aspirationes, seu preces istæ jaculatoriæ cum memoria præsentis Divinæ, seu Deo præsenti fiant; si enim ejusdem præsentis recordamur, debita cum attentione, & devotione, reverentia & humilitate, amore & fiducia, faciliè eas elicimus. Unde mutuò se juvant exercitium aspirationis, & memoria præsentis DEI, ita, ut, sicut frequens exercitium piarum aspirationum valde conducit ad habendam & continuandam præsentiam Dei, sic contra præsentia Dei multum faciliat exercitium orationum jaculatoriarum.

10. *Tertiò* observandum, vel potius cavendum, ne exercitium aspirationum seu precum jaculatoriarum cum impetu, violentia, vel anxietate, aut indiscretò ad devotionem sensibili conatu, aut coactione, aliàve simili caput lædente modo fiat, sed potius pacatè, quietè, humiliter, & liberè, prout in simili diximus su-

pra Cap. praeced. §. III. de eliciendis bonis affectibus tempore meditationis.

11. *Quarto* observandum, quòd cum profunda humilitate, suique diffidentia & confidentia in Deum, is saepe implorandus sit pro dono & gratia aspirationum, seu precum jaculatoriarum; nam, ut bene ait S. Chrysost. *Serm. 2. de Oratione. Impossibile est homini Divinam conversationem absque operatione Spiritus adesse; quoniam loqui Deo opus est, ut ingressa in nos Spiritus gratia solidet, & fiduciam praeestet, doceatque bonoris magnitudinem.*

12. Resp. II. Illis, qui in oratione mentali jam magis sunt exercitati, atque ab inordinatis desideriis, malisque passionibus, curis & speciebus terrenis magis liberi, summè conducit, eas valde frequenter elicere, ut non tantum ulla dies, sed ordinariè nec hora prætereat, nec aliquod negotium fiat, cui non inferatur aliqua pia ad Deum aspiratio, vel brevis oratio jaculatoria. Ita docent, & suadent SS. Patres & Ascetæ ob maximum fructum, & beneplacitum Divinum inde surgens, putantque aliqui, tali modò impleri illud: *Oportet sem-*

per orare, & non deficere. Inter quos ad propositum ita loquitur S. Ephrem *De orando Deum. Bonum igitur semper orare, & nunquam deficere, quemadmodum ait Dominus &c. quare, si ve opereris, si ve dormias, si ve iter facias, si ve comedas, si ve bibas, si ve decumbas, cave, orationem tuam intermiseris: si ve in Ecclesia fueris, si ve domi tua, si ve in agro; & si oves pascas, & si aedificia construas, & si in symposio verferis, ab oratione (jaculatoria nempe) cave desistas subinde videlicet intermiscenda.*

13. Resp. III. Quamvis incipientes, & ij, qui inordinatis passionibus, curis, & desideriis terrenis multum adhuc subjacent, formisque, & imaginibus, ac speciebus creaturarum recentibus satis repletam adhuc habent phantasiam, debeant uti discretionem circa frequentiam piarum aspirationum; nihilominus & ipsi quietè, & discretè conari debent, ut pias aspirationes, & preces jaculatorias frequenter elicere successivè assuescant, & imprimis unam, vel plures earum in sequentibus saltem producere fatagant.

I. Quamprimum evigilant.

II. Ante quodvis opus, seu occu-

occupationem, saltem notabilem.

III. In, seu sub ipso opere magis durante.

IV. Post opus quodlibet.

V. Singulis horis ad sonum campanæ.

VI. Tempore tentationis, afflictionis, & difficultatis.

VII. Specialiter sub spirituali lectione.

VIII. In conversando cum hominibus, ne Dei penitus immemores peccaminosè loquantur, præsertim, cum in lingua ferè omnes, plerumque aliquantisper delinquamus.

IX. Inter comedendum, ne ibi fiat excessus.

§. II.

De variis Precibus jaculatoriis in specie, unà cum Principiis practicis de eisdem.

14. **Q**uæritur. Quænam Preces jaculatoriæ in specie sint in praxi eliciendæ? Resp. I. Licet nulla certa præscribi possit regula, quænam, vel quales aspirationes in specie sint eliciendæ, sed plena relinquenda sit spiritui libertas, cum illæ sint optimæ, quæ operante gratia Divina verè ab intus seriò proveniunt; nihilominus cæteris paribùs meliores, & efficaciores sunt, quæ ex Scriptura Sacra, præsertim ex Psalmis, qui illis pleni sunt, desumuntur, eò quòd verba Scripturæ, utpote à Spiritu Sancto dictata, mirabilem, & longè majorem, quàm alia vim habeant, & efficaciam.

15. Resp. II. In gratiam & consolationem Juvenum Religiosorù, & ad facilitandum aspirationum, seu orationum jaculatoriarum exercitium, quæ pro quavis occasione applicandæ deserviunt, in specie ex Sacris Literis subjunguntur sequentes.

Aspirationes, seu Orationes Jaculatoriæ quædam in specie, ex Sacra Scriptura desumptæ pro Actionibus quotidianis.

Quando surgendum ad Matutinum.

16. Consurge, lauda in nocte, in principio vigiliarum effunde cor tuum sicut aquam
Kkk 3 anto

448 *Caput XV. De Precibus seu Orationibus Jaculatoriis.*

ante conspectum Domini. *Thren.*
2. v. 19.

Domine Nomen tuum, & memoriale tuum in desiderio animæ meæ. Anima mea desideravit te in nocte: sed & spiritu meo in præcordiis meis de manè vigilabo ad te. *Isa. 26. v. 8. & 9.*

Media nocte nunc surgam, ad confitendum tibi, super judicia justificationis tuæ. *Psalms. 118. v. 62.*

Memor esse volo etiam nocte Nominis tui Domine, & custodiam legem tuam. *Psalms. 118. v. 55.*

Quando pulsatur ad Chorum, cunctis sepositis illico vade, & cogita.

17. Hoc signum magni Regis est, vocantis te ad laudem suam. Surge, propera.

Paratum cor meum Deus, paratum cor meum, cantabo, & psallam. *Psalms. 107. v. 2.*

Repleatur os meum laude, ut cantem gloriam tuam, tota die magnitudinem tuam. *Psalms. 70. v. 8.*

Eundò ad Chorum.

18. Benedic anima mea Domino, & omnia, quæ intra me

sunt, Nomini Sancto ejus. *Psalms. 102. v. 1.*

Benedic anima mea Domino, & noli oblivisci omnes retributiones ejus. v. 2.

Qui propitiatur omnibus iniquitatibus tuis, qui sanat omnes infirmitates tuas. v. 3.

Qui redimit de interitu vitam tuam, qui coronat te in misericordia, & miserationibus. v. 4.

Qui replet in bonis desiderium tuum. v. 5.

Ingrediendò Chorum.

19. Introibo in domum tuam, adorabo ad templum sanctum tuum, in timore tuo. *Psalms. 5. v. 8* & confitebor Nomini tuo, in conspectu Angelorum psallam tibi. *Psalms. 137. v. 1.*

20. Porro pro consolatione vestra, & ut libentiùs surgatis ad Matutinum, nocturnasque laudes magis æstimetis, præter dicta, subinde etiam cogitare debetis illud Spiritus Sancti.

In die mandavit Dominus misericordiam suam, & nocte canticum ejus. *Psalms. 41. v. 9.* Item illud *Psalms. 133. v. 2.* In noctibus extollite manus vestras in sancta, & benedicite Dominum.

Eundò

Eundo ad Cellam.

21. Convertere anima mea in requiem tuam, quia Dominus benefecit tibi. *Psalms. 114. v. 7.*

Unam petii à Domino, hanc requiram, ut inhabitem in domo Domini omnibûs diebûs vitæ meæ. *Psalms. 26. v. 4.*

Hæc requies mea in sæculum sæculi, hîc habitabo, quoniam elegi eam. *Psalms. 131. v. 14.*

Ad Lotionem.

22. Da Domine virtutem manibus meis ad abstergendam omnem maculam, ut sinè pollutione mentis & corporis valeam tibi servire. *Ecclesi.*

Cor mundum crea in me Deus, & Spiritum rectum innova in visceribus meis. *Psalms. 50. v. 12.*

Ante Lectionem spiritualem, vel Studium Asceticum.

23. Loquere Domine, quia audit servus tuus. *1. Reg. 3. v. 10.*

Servus tuus sum ego, da mihi intellectum, ut sciam testimonia tua. *Psalms. 118. v. 145.*

Docce me facere voluntatem tuam, quia DEUS meus es tu. *Psalms. 142. v. 10.*

Ante Studium Literarum.

24. Da mihi Domine sedium tuarum assistricem sapientiam, ut mecum sit, & mecum laboret, & noli me reprobare à pueris tuis; quoniam servus tuus sum ego, & filius Ancillæ tuæ. *Sap. 9. v. 4. & 10.*

Mitte illam de coelis sanctis tuis, & à sede magnitudinis tuæ, ut sciam, quid acceptum sit apud te. *ibid. v. 10.*

25. Ante laborem manuum, & quodvis opus aliud, præter bonam intentionem, & invocationem gratiæ, seu Divini auxilii saltem breviorē per modum aspirationis jaculatoriæ facere oportet. Ejusmodi valde præstans, & ad omnia serviens, est illa cum sui diffidentia, & in DEUM confidentia humiliter prolata.

Deus in adjutorium meum intende, Domine ad adjuvandum me festina. *Psalms. 69. v. 2.*

Actiones nostras quæsumus Domine aspirandò præveni. *Ecclesi.*

Vel: Domine JESU, da, peragam opus istud & tuam gloriam, meam, & aliorum salutem, sicut tibi beneplacitum est; quia sinè te nihil possum, quàm errare, & peccare.

450 *Capitulum XV. De Precibus seu Orationibus faculatoriis.*

Pro Excitatione nostra ad Opus perfectè agendum.

Quodcunque facitis, ex animo operamini. *ad Coloss. 3. v. 23.*

Maledictus, qui facit opus Domini fraudulentè. *Jerem. 48. v. 10.*

Dum tempus habemus, operemur bonum. *ad Galat. 6. v. 10.*

Bonum facientes non deficiamus, tempore enim suo metemur non deficientes. *ibid. v. 9.*

Sub labore, præsertim, qui molestior accidit.

27. Vide humilitatem meam, & laborem meum, & dimitte universa delicta mea. *Psalms. 24. v. 18.*

Labores manuum tuarum quia manducabis, & bene tibi erit. *Psalms. 127. v. 2.*

Euntes ibant, & flebant mittentes semina sua, venientes autem venient cum exultatione portantes manipulos suos. *Psalms. 125. v. 5. & 6.*

Post Opus quodlibet.

28. Domine Deus gratias tibi ago pro omni gratia & auxilio ad opus istud peragendum collato; quod bonum in eo, à te est; quod malum, à me: quia propter tibi soli honor & gloria.

mihi verò contemptus, & confusio: supple, quod deest, & corrige, quod malum est in eo, illudque suscipe in unione operum JESU Christi ad tuam gloriam, meam, aliorumque salutem, & propitius esto mihi peccatori.

Benedictio, & claritas, & sapientia, & gratiarum actio, honor & virtus, & fortitudo Deo nostro in sæcula sæculorum. Amen. *Apoc. 7. v. 12.*

Deo Gratias, Deo Gratias, vel: Soli Deo honor & gloria. *1. Timoth. 1. v. 17.*

Non nobis Domine, non nobis, sed nomini tuo da gloriam. *Psalms. 113. v. 9.*

Cellam egrediendò.

29. Domine deduc me in iustitia tua: propter inimicos meos dirige in conspectu tuo viam meam. *Psalms. 5. v. 9.*

Utinam dirigantur viæ meæ ad custodiendas justificationes tuas. *Psalms. 118. v. 5.*

Ad mensam comedendò.

30. Noli avidus esse in omni epulatione, & non te effundas super omnem escam. *Ecclesi. 37. v. 32.*

In

In multis efcis erit infirmitas, qui autem abstinens est, adjiciet vitam. *Ecclesi. 37. v. 33. & 34.*

Propter crapulam multi obierunt. *Ecclesi. 37. v. 37.*

Meus cibus est, ut faciam voluntatem ejus, qui misit me. *Joan. 4. v. 34.*

Servus Christi non vivit, ut comedat, sed comedit, ut vivat, & serviat Christo.

Sobrii estote, & vigilate; quia adversarius vester diabolus tanquam leo rugiens circuit, quærens, quem devoret. *1. Petri, cap. 5. v. 8.*

Discurrendõ, & loquendõ cum proximo.

31. Spiritus Sancti Gratia illuminet sensus & corda nostra. *Ecclesi.*

Pone Domine custodiam ori meo, & ostium circumstantiæ labiis meis, ut non declinet os meum in verba malitiæ. *Ecclesi.*

Domine JESU, per sanctissimam conversationem tuam adjuva me, ut non delinquam in lingua mea.

Plurimum etiam juvat, ante, & in discursu breviter invocare Angelum Custodem proprium, & illius, cui conversamur, ut qui-

Neudecker Pars Prior.

vis ad bonum finem intentum illuminetur, moveatur, & dirigatur, atque à malo quovis praesentim linguae, custodiat. *Luc. 10. v. 16.*

Dum Superior loquitur tibi, cogita.

32. Qui vos audit, me audit.

Loquere Domine, quia audit servus tuus. *1. Reg. 3. v. 10.*

Si adversi aliquid tibi contingit, aut pati debes, cavens murmurationem & impatientiam, humiliter, & patienter dic unum, aut plura ex sequentibus.

33. Sicut Domino placuit, ita factum est, sit nomen Domini benedictum. *Job. 1. v. 21.*

Si bona suscepimus de manu Dei, mala quare non suscipiamus. *Job. 2. v. 10.*

Momentaneum, & leve tribulationis nostræ, supra modum, æternum gloriæ pondus operatur in nobis. *2. Corinths. 4. v. 17.*

Modica passio, gloria infinita. *S. P. Franc.*

Nonne oportuit pati Christum, & ita intrare in gloriam suam? *Luc. 24. v. 26.*

Si quis vult post me venire, abneget semetipsum, & tollat

452 *Caput XV. De Precibus seu Orationibus Jaculatoriis.*

crucem suam quotidie, & sequatur me. *Luc. 9. v. 23.*

Sierit malum in civitate, quod Dominus non fecerit. *Amos. cap. 3. v. 6.*

Obmutui, & non aperui os meum, quoniam tu fecisti. *Psalms. 38. v. 10.*

Per multas tribulationes oportet nos intrare in Regnum Dei. *Act. 14. v. 21.*

Non sunt condignæ passionēs hujus temporis ad futuram gloriam, quæ revelabitur in nobis. *ad Rom. 8. v. 18.*

Si humiliaris, postponeris &c.

34. Cognovi Domine, quia æquitas iudicia tua, & in veritate tua humiliasti me. *Psalms. 118. v. 75.*

Priusquam humiliarer, ego deliqui, propterea eloquium tuum custodivi. *Psalms. 118. v. 67.*

Si propter veritatem, justitiam, aliamve virtutem pateris.

Beati, qui persecutionem patiuntur propter justitiam; quoniam ipsorum est regnum cælorum. *Matth. 5. v. 10.*

Omnes, qui piè volunt vivere in Christo Jēsu, persecutionem patientur. *2. Timoth. 3. v. 12.*

Beati estis, cū maledixerint vobis, & dixerint omne malum adversum vos, gaudete, & exultate, quoniam merces vestra copiosa est in cœlis. *Matth. 5. v. 11. & 12.*

Non est servus major Domino suo; si me persecuti sunt, & vos persequentur. *Joan. 15. v. 20.*

Ibant (Apostoli) gaudentes à conspectu concilii, quoniam digni habiti sunt, pro nomine JESU contumeliam pati. *Act. 5. v. 41.*

Quando nimium affligi, & periclitari te putas, ad Deum clamare poteris.

36. Quot sunt dies servi tui? quando facies de persequentibus me iudicium? *Psalms. 118. v. 84.*

Redime me à calumniis hominum, ut custodiam mandata tua. *Ibid. v. 134.*

Pater mi, si possibile est, transeat à me calix iste, verumtamen non sicut ego volo, sed sicut tu. *Matth. 26. v. 39.*

Fidelis Deus est, qui non patietur vos tentari supra id, quod potestis. *1. Cor. 10. v. 13.*

Contra quascunque Tentationes ad peccatum.

37. Deus in adiutorium meum in-

intende, Domine ad adjuvandum me festina. *Psal. 69. v. 2.*

Et ne nos inducas in tentationem, sed libera nos à malo. *Matth. 6. v. 13.*

Tuus sum ego, salvum me fac. *Psal. 118. v. 94.*

Adjuva me, & salvus ero. *ibid. v. 117.*

Si Tentationes magis urgent, & difficiles superati sunt.

38. Non coronatur, nisi qui legitimè certaverit. *2. Tim. 2. v. 5.*

Regnum cœlorum vim patitur, & violenti rapiunt illud. *Matth. 11. v. 12.*

Sub te erit appetitus ejus, & tu dominaberis illius. *Gen. 4. v. 7.*

Tantum proficies, quantum tibi ipsi vim intuleris. *Thom. Kemp. L. 1. c. 25.*

Domine vim patior, responde pro me. *Isa. 38. v. 14.*

Domine Deus, volo potius mori, vel omne malum subire, & sustinere, omnique bono privari, & carere, quàm te offendere.

Detestor, abominor omne peccatum, & protestor contra omnem in illud consensum.

Nolo ô JESU! nolo: id so-

lum, quod tu vis, mi Deus! volo; & quod non vis, hoc nolo.

Contra Tentationes superbia, & in odium illius.

39. Odibilis coram Deo est, & hominibus superbia. *Eccli. 10. v. 7.*

Qui se exaltat humiliabitur. *Luc. 14. v. 11.*

Deus superbis resistit, humilibus autem dat gratiam. *1. Petri. 5. v. 5.*

Initium omnis peccati est superbia; qui tenuerit illam, adimplebitur maledictis, & subvertet eum in finem. *Eccli. 10. v. 15.*

Abominatio Domini est omnis arrogans. *Prov. 16. v. 5.*

Dies Domini super omnem superbum, & excelsum, est arrogantem, & humiliabitur. *Isa. 2. v. 12.*

Ubi fuerit superbia, ibi erit & contumelia. *Prov. 11. v. 2.*

Quid superbit terra & cinis? *Eccli. 10. v. 9.*

Non veniat mihi pes superbiæ. *Psal. 35. v. 12.*

Contra Jactantiam, superbia filiam.

40. Quid habes, quod non accepisti? si autem accepisti, quid

quid gloriaris, quasi non acceperis? *1. Cor. 4. v. 7.*

Non gloriatur sapiens in sapientia sua, & non gloriatur fortis in fortitudine sua, & non gloriatur dives in divitiis suis, sed in hoc gloriatur, qui gloriatur, scire, & nōsse me. *Jer. 9. v. 23. & 24.*

Laudet te alienus, & non os tuum; extraneus, & non labia tua. *Prov. 27. v. 2.*

Melior est, qui abundat in omnibus, quā qui gloriatur, & eget pane. *Eccli. 10. v. 30.*

Contra vanam Gloriam.

41. Non nobis Domine, non nobis, sed Nomini tuo da gloriam. *Psal. 113. v. 9.*

Soli Deo honor & gloria. *1. Tim. 1. v. 17.*

Væ! qui sapientes estis in oculis vestris. *Isa. 5. v. 21.*

Amen dico vobis, receperunt mercedem suam. *Matth. 6. v. 2.*

Tibi Domine iustitia, nobis autem confusio. *Daniel. 9. v. 7.*

Contra desiderium & curam placendi hominibus, ac timorem eis displicendi.

42. Si hominibus placerem, Christi servus non essem. *Gal. 1. v. 10.*

Deus dissipavit ossa eorum, qui hominibus placent, confusi sunt, quoniam Deus sprexit eos. *Psal. 52. v. 6.*

Nolite conformari huic sæculo. *Rom. 12. v. 2.*

Nescitis, quia amicitia huius mundi inimica est Dei? quicumque ergo voluerit amicus esse sæculi huius, inimicus Dei constituitur. *Jacob. 4. v. 4.*

Nemo potest duobus dominis servire. *Matth. 6. v. 24.*

Obedite in simplicitate cordis, non ad oculum servientes, quasi hominibus placentes, sed ut servi Christi, facientes voluntatem Dei ex animo, cum bona voluntate servientes sicut Domino, & non hominibus. *Ephes. 6. v. 5. & 6.*

Contra Suspiciones, & iudicia temeraria.

43. Tu quis es, qui iudicas alienum servum? Domino suo stat, aut cadit. *Rom. 14. v. 4.*

Nolite ante tempus iudicare, quousque veniat Dominus, qui & illuminabit abscondita tenebrarum, & manifestabit consilia cordium: & tunc laus erit unicuique à Deo. *1. Cor. 4. v. 3.*

Si contra te insurgunt mala suspiciones, & iudicia temeraria.

44. Mihi autem pro minimo est, ut à vobis iudicer, aut ab humano die. *1. Cor. 4. v. 3.*

Gloria nostra hæc est, testimonium conscientiarum nostrarum. *2. Cor. 1. v. 12.*

Pater tuus, qui videt in abscondito, reddet tibi. *Matth. 6. v. 6.*

Reddet unicuique secundum opera ejus. *Matth. 16. v. 27.*

Unusquisque, quodcumque fecerit bonum, hoc recipiet à Domino. *Ephef. 6. v. 8.*

Semel locutus est Deus, duo hæc audiui: quia potestas Dei est, & tibi Domine misericordia; quia tu reddes unicuique juxta opera sua. *Psal. 61. v. 12. & 13.*

Contra Avaritiam.

45. Avarô nihil est scelestius. *Ecclesi. 10. v. 9.*

Beatius est magis dare, quam accipere. *Act. 20. v. 35.*

Stulte, hac nocte animam tuam repetunt à te: quæ autem parasti, cujus erunt? *Luc. 12. v. 20.*

Contra Invidiam.

46. Putredo ossium invidia. *Prov. 14. v. 30.*

Qui ruinâ lætatur alterius, non erit impunitus. *Prov. 17. v. 5.*

Non efficiamur inanis gloriæ cupidi, invicem provocantes, invicem invidentes. *Gal. 5. v. 26.*

Contra Iracundiam.

47. Ne sis velox ad irascendum, quia ira in sinu stulti requiescit. *Ecclesi. 7. v. 10.*

Ira viri justitiam Dei non operatur. *Jacob 1. v. 20.*

Contra Tentationes vindictæ.

48. Non vosmetipsos defendentes Charissimi! sed date locum iræ: scriptum est enim; mihi vindicta, ego retribuam. *Rom. 12. v. 19.*

Diligite inimicos vestros, & benefacite his, qui oderunt vos, & orate pro persequentibus, & calumniantibus vos, ut sitis filii Patris vestri, qui solem suum oriri facit super bonos & malos, & pluit super justos & injustos. *Matth. 5. v. 44. & 45.*

Si reddidi retribuētibus mihi mala, decidam meritò ab inimicis meis inanis. *Psal. 7. v. 5.*

Domine ne statuas illis hoc peccatum. *Act. 7. v. 59.*

Pater dimitte illis, non enim sciunt, quid faciunt. *Luc. 23. v. 34.*

456 *Caput XV. De Precibus seu Orationibus Jaculatoriis.*

Omnis amaritudo, & ira, & indignatio, & clamor, & blasphemia tollatur à vobis. *Ephes. 4. v. 31.*

Zelus & iracundia minuunt dies. *Eccli. 30. v. 26.*

Sol non occidat super iracundiam vestram. *Ephes. 4. v. 26.*

Ira & indignatio in se, & in aliis impediunt Charitatem. *Reg. 1. 7.*

Contra Luxuriam.

49. Fornicatio autem, & omnis immunditia, aut avaritia nec nominetur in vobis, sicut decet Sanctos. *Ephes. 5. v. 3.*

Induimini Dominum Jesum Christum, & carnis curam ne feceritis in desideriis. *Rom. 13. v. 14.*

In Occursu Mulierum, vel Conversatione cum illis.

50. Pepigi foedus cum oculis meis, ut ne cogitarem quidem devirgine. *Job. 31. v. 1.*

Contra Gulam.

51. Non est enim Regnum Dei esca & potus, sed justitia, & pax, & gaudium in Spiritu Sancto. *Rom. 14. v. 17.*

Noli propter escam destruere opus Dei. *ibid. v. 20.*

Meus cibus est, ut faciam vo-

luntatem ejus, qui misit me. *Joan. 4. v. 34.*

Noli avidus esse in omni epulatione, & non te effundas super omnem escam. *Eccli. 37. v. 32.*

In multis escis erit infirmitas. *v. 33.* propter crapulam multi obierunt; qui autem abstinens est, adjiciet vitam. *v. 34.*

Contra Acediam, pigritiam, tepiditatem, & otium.

52. Maledictus, qui facit opus Dei fraudulenter. *Jerem. 48. v. 10.*

Utinam frigidus esses, aut calidus; sed quia tepidus es, & nec frigidus, nec calidus, incipiam te evomere ex ore meo. *Apoc. 3. v. 15. & 16.*

Dum tempus habemus, operemur bonum. *Gal. 6. v. 10.*

Reddet unicuique secundum opera ejus. *Matth. 16. v. 27.*

Contra Multiloquium & alia vitia Linguae.

53. In multiloquio non deerit peccatum. *Prov. 10. v. 19.*

Qui custodit os suum, & linguam suam, custodit ab angustiis animam suam. *Prov. 21. v. 23.*

Mors & vita in manu linguae. *Prov. 18. v. 21.*

Omne verbum otiosum, quod locuti fuerint homines, reddent ratio-

rationem de eo in die iudicii.
Matth. 12. v. 36.

Si quis putat se Religiosum esse,
non refrenans linguam suam, hu-
jus vana est Religio. *Jacob. 1. v. 26.*

Verbum dulce multiplicat a-
micos. *Eccli. 6. v. 5.*

Respondete obsecro absque
contentione. *Job. 6. v. 29.*

Qui inconsideratus est ad lo-
quendum, sentiet mala. *Prov. 13. v. 3.*

Contra Detractionem.

54. Audisti verbum adversus
proximum tuum, comorietur in
te, fidens, quoniam non te dis-
rumpet. *Eccli. 19. v. 10.*

Remove à te os pravum, &
detrahentia labia sint procul à te.
Prov. 4. v. 24.

Abominatio hominum detra-
ctor. *Prov. 24. v. 9.*

Detractores DEO odibiles.
Rom. 1. v. 30.

A detractone parcite linguæ.
Sap. 1. v. 11.

Sequuntur Preces & Affectus
Jaculatorii de Virtutibus.

De Fide.

55. Sine fide impossibile est pla-
cere Deo. *Hebr. 1. v. 6.*

Iustus ex fide vivit. *Rom. 1. v. 17.*

Fides finè operibus mortua
est. *Jacob. 2. v. 20.*

Si potes credere, omnia possi-
bilia sunt credenti. *Marci. 9. v. 22.*

Credo Domine, adjuva incre-
dulitatem meam. *ibid. v. 23.*

Adauge nobis fidem. *Luc. 17. v. 5.*

De Spe in Deum

Theologica, seu desiderio haben-
di Deum, eoque fruendi.

56. ET nunc quæ est expecta-
tio mea? nonne Domi-
nus? *Psal. 38. v. 8.*

Quemadmodum desiderat
cervus ad fontes aquarum, ita
desiderat anima mea ad te Deus.
Psal. 41. v. 2.

Quid mihi est in coelo? & à te
quid volui super terram? *Psal. 72. v. 25.*

Deus cordis mei, pars mea
Deus in æternum. *ibid. v. 26.*

Clamavi ad te Domine, tu es
spes mea, portio mea in terra vi-
ventium. *Psal. 141. v. 6.*

Deus meus & omnia; Deus
meus & omnia. *S. P. Franc.*

Desiderium habens dissolvi,
& esse cum Christo. *Phil. 1. v. 23.*

De

*De spe, & fiducia in DEI
Misericordiam.*

57. **M**iserator, & misericors Dominus, longanimis, & multum misericors. *Psal. 102. v. 8.*

Misericordia Domini ab æterno, & usque in æternum super timentes eum. *ibid. v. 17.*

Suavis Dominus universis, & miserationes ejus super omnia opera ejus. *Psal. 144. v. 9.*

Vivo ego dicit Dominus, nolo mortem impij, sed ut convertatur, & vivat. *Ezech. 33. v. 11.*

Dico vobis, quod ita gaudium erit in cœlo super uno peccatore poenitentiam agente, quàm super nonaginta novem justis, qui non indigent poenitentia. *Luc. 15. v. 7.*

Non veni vocare justos, sed peccatores. *Matth. 9. v. 13.*

Quomodo miseretur pater filiorum, misertus est Dominus timentibus se; quoniam ipse cognovit figmentum nostrum. *Psal. 102. v. 13. & 14.*

Quare tristis es anima mea, & quare conturbas me? spera in Dêo, quoniam adhuc confitebor illi. *Psal. 41. v. 12.*

Propter nomen tuum Domi-

ne propitiaberis peccato meo, multum est enim. *Psal. 24. v. 11.*

Mirifica misericordias tuas, qui salvos facis sperantes in te. *Psal. 16. v. 7.*

Multa flagella peccatoris, sperantem autem in Domino misericordia circumdabit. *Psal. 31. v. 10.*

In te Domine speravi, non confundar in æternum. *Psal. 30. v. 2.*

Tu Domine suavis & mitis, & multæ misericordiæ omnibus invocantibus te. *Psal. 85. v. 5.*

*De Fiducia, seu Confidentia pure
in Deum.*

58. **B**eatus vir, cujus est Nomen Domini spes ejus, & non respexit in vanitates, & insanas falsas. *Psal. 39. v. 5.*

Qui sperat in Domino, beatus est. *Prov. 16. v. 20.*

Respice filii nationes hominum, & scitote; quia nullus speravit in Domino, & confusus est. *Ecclesi. 2. v. 11.*

Non est confusio confidentibus in te. *Daniel. 3. v. 40.*

Revela Domino viam tuam, & spera in eo, & ipse faciet. *Psal. 36. v. 5.*

Nolite omittere confidentiam,

tiam, quæ magnam habet remunerationem. *Hebr. 10. v. 35.*

Beneplacitum est Domino super timentes eum, & in eis, qui sperant super misericordia ejus.

Psal. 146. v. 11.

Cùm exarserit in brevi ira ejus, beati omnes, qui confidunt in eo.

Psal. 2. v. 13.

Domine virtutum, beatus vir, qui sperat in te. *Psal. 83. v. 13.*

Clamavi ad te Domine, dixi, tu es spes mea, portio mea in terra viventium. *Psal. 141. v. 6.*

Domine Deus meus in te speravi, saluum me fac ab omnibus persequentibus me, & libera me.

Psal. 7. v. 2.

Domine spes mea tu in die afflictionis. *Jerem. 17. v. 17.*

In Deo salutare meum, & gloria mea: Deus auxilii mei, & spes mea in Deo est. *Psal. 61. v. 8.*

Etiamsi occiderit me, in ipso sperabo. *Job. 13. v. 15.*

Benedictus vir, qui confidit in Domino, & erit Dominus fiducia ejus. *Jerem. 17. v. 7.*

De Amore Dei.

59. Diliges Dominum Deum tuum ex toto corde tuo, & in tota anima tua, & in tota mente tua. *Matth. 22. v. 37.*

Neudecker Pars Prior.

Si linguis hominum loquar, & Angelorum, charitatem autem non habeam, factus sum velut æs sonans. Et si habuero omnem fidem, ita, ut montes transferam, charitatem autem non habuero, nihil sum. Et si tradidero corpus meum, ita, ut ardeam, charitatem autem non habuero, nihil mihi prodest. *1. Cor. 13. v. 1. & seqq.*

Super omnia autem charitatem habete, quæ est vinculum perfectionis. *Coloss. 3. v. 14.*

Filioli mei, non diligamus verbò, neque linguâ, sed opere & veritate. *1. Joan. 3. v. 18.*

Hæc est charitas Dei, ut mandata ejus custodiamus. *1. Joan. 5. v. 3.*

Si diligitis me, mandata mea servate. *Joan. 14. v. 15.*

Qui habet mandata mea, & servat ea, ille est, qui diligit me. *Joan. 14. v. 21.*

Diligentibus DEUM omnia cooperantur in bonum. *Rom. 8. v. 28.*

Diligam te Domine fortitudo mea. *Psal. 17. v. 2.*

Domine tu scis, quia amo te. *Joan. 21. v. 15.*

Mmm

De

De Dilectione Proximi.

60. Diliges proximum tuum, sicut te ipsum. *Matth. 22. v. 39.*

Ante omnia autem mutuam in vobismetipsis charitatem continuam habentes; quia charitas operit multitudinem peccatorum. *1. Petri. 4. v. 8.*

Omnia, quaecunque vultis, ut faciant vobis homines, & vos facite illis. *Matth. 4. v. 12.*

Quod ab alio oderis fieri tibi, vide, ne tu aliquando alteri facias. *Tob. 4. v. 16.*

Qui diligit proximum, legem implevit; plenitudo ergo legis est dilectio. *Rom. 13. v. 8. & 10.*

Diligere proximum sicut seipsum, majus est omnibus holocaustis, & sacrificiis. *Marc. 12. v. 33.*

Ecce quam bonum, & quam jucundum habitare fratres in unum. *Psal. 132. v. 1.*

Alter alterius onera portate, & sic adimplebitis legem Christi. *Gal. 6. v. 2.*

De Dilectione Inimicorum.

61. Si offers munus tuum ad altare, & recordatus fueris, quia frater tuus habet aliquid adversum te, relinque ibi munus tuum

ante altare, & vade prius reconciliari fratri tuo, & tunc veniens offeres munus tuum. *Matth. 5. v. 23.*

Si esurierit inimicus tuus, ciba illum, si sitit, potum da illi; hoc enim faciens carbones congeres super caput ejus. *Rom. 12. v. 20.*

Noli vinci à malo, sed vince in bono malum. *v. 21.*

Relinque proximo tuo nocenti te, & tunc deprecanti tibi peccata solventur. *Eccli. 28. v. 2.*

De Dolo & Contritione ob Peccata nostra.

62. Pater peccavi in coelum, & coram te, jam non sum dignus vocari filius tuus. *Luc. 15. v. 21.*

Miserere mei Deus secundum magnam misericordiam tuam. *Psal. 50. v. 3.*

Quoniam iniquitatem cognosco, & peccatum meum contra me est semper. *v. 5.*

Circumdederunt me mala, quorum non est numerus, comprehenderunt me iniquitates meae, & non potui, ut viderem: multiplicatae sunt super capillos capitis, & cor meum dereliquit me. *Psal. 39. v. 13.*

Complaceat tibi Domine, ut eruas me, Domine ad adjuvandum me respice. *v. 14.*

Pec-

Peccavi valde in hoc facto, sed precor Domine, ut transferas iniquitatem servi tui; quia stultè egi nimis. 2. Reg. 24. v. 10.

Quis dabit capiti meo aquam, & oculis meis fontem lacrymarum, Jerem. 9. v. 1. ut defleam peccata mea, die ac nocte.

Averte faciem tuam à peccatis meis, & omnes iniquitates meas dele. Psalm. 50. v. 13.

Si iniquitates meas observaveris Domine; Domine quis sustinebit? Psalm. 129. v. 3.

Delicta quis intelligit, ab occultis meis munda me, & ab alienis parce servo tuo. Psalm. 18. v. 13. & 14.

Delicta juventutis meæ, & ignorantias meas ne memineris. Psalm. 24. v. 7.

Deus propitius esto mihi peccatori. Luc. 18. v. 13.

Cor contritum & humilitatum Deus non despicies. Psalm. 50. v. 19.

Parce Domine, parce populo tuo. Joel. 2. v. 17.

Loquar in amaritudine animæ meæ; dicam Deo, noli me condemnare. Job. 10. v. 1. & 2.

Domine miserere mei, sana animam meam, quia peccavi tibi. Psalm. 40. v. 5.

Misericordiæ Domini, quia non sumus consumpti. Thren. 3. v. 22.

Confitebor tibi Domine in toto corde meo, & glorificabo nomen tuum in æternum; quia misericordia tua magna est super me, & eruisti animam meam ex inferno inferiori. Psalm. 85. v. 12. & 13.

De Resignatione in Divinam voluntatem.

63. Dominus est quod bonum est in oculis suis, faciat. 1. Reg. 3. v. 18.

Sicut fuerit voluntas in cœlo, sic fiat. 1. Mach. 3. v. 60.

Obmutui, & non aperui os meum, quoniam tu fecisti. Psalm. 38. v. 10.

Sicut Domino placuit, ita factum est, sit nomen Domini benedictum. Job. 1. v. 21.

Fiat voluntas tua sicut in cœlo & in terra. Matth. 6. v. 10.

Justus es Domine, & rectum judicium tuum. Psalm. 118. v. 137.

Pro speciali Consolatione iustorum, & Deum timentium.

64. Beatus vir qui timet Dominum, in mandatis ejus volens nimis. Psalm. 111. v. 1.

Mmm 2

Gloria

Gloria & divitiarum in domo ejus.
Psalms. III. v. 3.

Omnia, quaecunque faciet, prosperabuntur. *Psalms. I. v. 3.*

Timete Dominum, quoniam non est inopia timentibus eum.
Psalms. 33. v. 10.

Divites eguerunt, & esurierunt, inquirentes autem Dominum non minuentur omnino bono. *Psalms. 33. v. 11.*

Melius est modicum iusto, super divitias peccatorum multas.
Psalms. 36. v. 16.

Iustus ut palma florebit. *Psalms. 91. v. 13.*

Iustorum animarum in manu Dei sunt, & non tanget illos tormentum mortis. *Sap. 3. v. 1.*

Timenti Dominum non occurrent mala, sed in tentatione Deus illum conservabit, & liberabit à malis. *Eccli. 33. v. 1.*

Dicite iusto, quoniam bene. *Isa. 3. v. 10.*

Deus voluntatem timentium se faciet, & deprecationem eorum exaudiet, & salvos faciet eos. *Psalms. 144. v. 19.*

Timor Domini delectabit cor, & dabit lætitiā, & gaudium, & longitudinem dierum. *Eccli. I. v. 12.*

Timenti Dominum bene erit in extremis. *v. 13.*

Pretiosa in conspectu Domini mors sanctorum ejus. *Psalms. 115. v. 15.*

Junior fui, etenim senui, & non vidi justum derelictum, nec semen ejus querens panem. *Psal. 36. v. 35.*

Quam magna multitudo dulcedinis tuarum Domine, quam abscondisti timentibus te. *Psalms. 30. v. 20.*

Quam dulcia faucibus meis eloquia tua, super mel ori meo. *Psalms. 118. v. 103.*

Pax multa diligentibus legem tuam, & non est illis scandalum. *v. 65.*

Diligentibus DEUM omnia cooperantur in bonum. *Rom. 8. v. 28.*

Pro sancto Timore, qui malè vivunt, ac motivo emendationis eorum.

65. Injusti punientur, & semen impiorum peribit; justī autem hæreditabunt terram. *Psalms. 36. v. 28. & 29.*

Oculi Domini super justos, & aures ejus in preces eorum, vultus autē Domini super facientes mala, ut perdat de terra memoriam eorum. *Psalms. 33. v. 16. & 17.*

Odio

Odio sunt Deo impius, & impietas ejus. *Sap. 14. v. 9.*

Abominatio est Domino via impii. *Prov. 15. v. 9.*

Egestas à Domino in domo impii. *Prov. 3. v. 33.*

Memoria justī cum laudibus, & nomen impiorum putrescet. *Prov. 10. v. 7.*

Impii replebuntur malō. *Prov. 12. v. 21.*

Non est pax impiis, dicit Dominus. *Isa. 57. v. 21.*

Longè à peccatoribus salus; quia justificationes tuas non exquiescunt. *Psal. 118. v. 155.*

DEUS dissipat cogitationes malignorum, ne possint implere manus eorum, quod cœperant. *Job. 5. v. 12.*

Hæc scio à principio, ex quo positus est homo super terram, quòd laus impiorum brevis sit, & gaudium hypocritæ ad instar puncti. *Job. 20. v. 4. & 5.*

Si ascenderit usque ad cœlum superbia ejus, & caput ejus nubes tetigerit, quasi sterquillium in fine perdetur, & qui cum viderant, dicent, ubi est? *v. 6. & 7.*

Inimici Domini, mox ut honorificati fuerint, & exaltati, deficientes quemadmodum fumus deficient. *Psal. 36. v. 20.*

Vidī impium superexaltatum, & elevatum sicut cedros Libani; transivi, & ecce non erat. *v. 35. & 36.*

Injusti punientur, & semen impiorum peribit. *v. 28.*

Etiam si dixero justo, quòd vitā vivat, & conscius in justitia sua fecerit iniquitatem, omnes justitiæ ejus oblivioni tradentur, & in iniquitate sua, quam operatus est, in ipsa morietur. *Ezech. 33. v. 13.*

Pro Consolatione eorum, qui convertunt se, & agunt penitentiam.

66. Si impius egerit poenitentiam ab omnibus peccatis suis, quæ operatus est, & custodierit omnia præcepta mea, & fecerit judicium, & justitiam, vitā vivet, & non morietur; omnium iniquitatum ejus non recordabor. *Ezech. 18. v. 21.*

Impietas impii non nocebit ei, in quacunque die conversus fuerit ab impietate sua. *Ezech. 33. v. 12.*

Si dixero impio, morte morieris, & egerit poenitentiam à peccato suo, & in mandatis meis ambulaverit, nec fecerit quidquam injustum, vitā vivet, & non morietur. *v. 14. & 15.*

Mmm 3

Si.

Similes preces, affectus, & sententias jaculatorias innumeras passim in Scriptura, præsertim in Psalmis invenietis, & observabitis Charissimi, si devotè, & attentè vestrum Officium Divinum persolvitis.

Appendix

De

Principiis Practicis circa Preces Jaculatorias.

Principium I.

67. **Q**uamvis preces & affectus jaculatorii frequentiores, ferventiores esse debeant apud eos, qui sunt in via unitiva, vel magis jam ab inordinatis passionibus, & affectibus liberi, magisque in virtutibus exercitati, tamen summè utile, & conducens est, ad illas statim à novitiatu se assuescere, & primis conversionis suæ annis, per frequentatos actus habitum, illas devotè exercendi, acquirere.

Principium II.

68. **S**edulò conari, ut certas aliquas preces, seu affectus jaculatorios, præsertim illos, qui magis sunt pro devotione, aut gustu nostro spirituali, aut qui à Magistro, vel Directore spirituali præscribuntur, pro certis occasionibus, & actionibus, successivè memoriter discamus, nobisque familiares reddamus.

Principium III.

69. **Q**uotidie unam vel alteram materiam assumere, & determinare in meditatione, illamque de die sæpius revolvere per breves aspirationes hunc in finem selectas.

Principium IV.

70. **S**pecialiter assuescere preces jaculatorias pro facienda, repetenda, & continuanda bona intentione.



CAPUT

CAPUT XVI.

De Lectione Spirituali.

Non immeritò post Meditationem, seu Orationem mentalem & vocalem, nec non preces jaculatorias agitur de Lectione spirituali; quia præter plurimos effectus & fructus, etiam illum producit, quòd meditationem, ac orationem quamlibet mire facili- tet, & adjuvet, prout patebit ex dicendis.

§. I.

De Præstantia & Utilitate Lectionis Spiritualis.

1. Quæritur I. Quid, & quòtuplex sit Lectio spiritualis? Resp. I. Lectio spiritualis est, & dicitur illa Lectio, qua Sacram Scripturam, vel Sanctos Patres, vel Doctores, vel Scriptores de materia ascetica tractantes ritè legimus, ut DEUM, vel voluntatem ipsius, bonumque, & malum in cunctis debite cognoscamus, cognitamque Dei voluntatem, & bonum amemus, ac faciamus; malum verò odiò habeamus, & declinemus. Patet descriptio ex terminis, & adhuc magis patebit ex dicendis. Solum interea ex hac descriptione collige, finem

lectionis spiritualis non in hoc solo consistere, ut ea, quæ legimus, sciamus, & bene cognoscamus, sed etiam, & principaliter, ut juxta cognitionem acquisitam operemur, voluntatemque Divinam cognitam, amandò, & prosequendò bonum, ac odiendò, & fugiendò malum cognitum, faciamus.

2. Resp. II. Lectio spiritualis præcipue dividitur in ordinariam, & extraordinariam. *Ordinaria* est, quæ juxta propriam divisionem temporis, vel Superiorum, aut Statutorum ordinationem quotidie à quolibet virtutis, & perfectionis amante, per ali-

aliquod temporis spatium fieri solet, ac debet. *Extraordinaria* est, quæ præter ordinariam, ob speciales causas, & rationes, certisque in occasionibus, & temporibus instituitur; ac plerumque diutius continuatur; prout fieri solet, si aliqua adversitas, tribulatio, vel tentatio id exigit, dum remedium, vel consolationem in lectione quaerimus: item, si hic, & nunc scitu magis necessaria materia ascetica, virtutis, v.g. vel vitii, modi aut praxis orandi, meditandi, pugnandi &c. talem Lectionem requirit: item tempore Exercitiorum annuorum, vel diebus Festivis, quibus ab alio labore & occupatione, magis vacare, piisque actibus, ac lectioni sacræ magis incumbere convenit.

3. Quæritur II. An, & quàm præstans, & utilis sit Lectione spiritualis? Resp. Lectione spiritualis summæ præstantiæ, summæque, ac tantæ utilitatis est, ut omnes SS. Patres & Ascetæ eam tanquam summè utilem, quin & necessariam cuivis summopere commendent, præcedente in hoc Spiritu Sancto per Apostolum Paulum Timotheo, & cuiusvis alteri suadente 1. ad Timoth. 4.

v. 13. & 14. *Attende Lectioni, exhortationi, & doctrina. Noli negligere gratiam, qua in te est, per occasionem legendi à DEO oblatam; nam omnis scriptura Divinitus inspirata, utilis est ad docendum, ad arguendum, ad corripiendum &c. 2. Tim. 3. v. 16.*

4. Ratio multiplex, & quidem *Prima* est, quòd Lectione spiritualis post orationem præstantissimum Remedium sit acquirendi summè utilem, ac necessariam cognitionem Dei, & Divinorum, boni, & mali, aliorumque ad vitia extirpanda, ad amorem Dei, virtutesque; & perfectionem assequendam. Ex qua cognitione ad boni amorem, & prosecutionem, mali verò odium & fugam dirigimur; cum enim voluntas ex se cæca dependeat à cognitione prævia, palàm est, quòd, si intellectus mediante Lectione debitam præfatorum cognitionem acquirat, voluntati que proponat, hæc pro diversitate cognitionis ad actus proportionatos facillè moveatur, bonum amet, & prosequatur: malum autem odio habeat, ac fugiat, & quidem eò magis, quo maiorem cuiusvis cognitionem legendò acquirit.

5. *Secunda* Ratio est; quia tol-

lit

lit non tantum ignorantiam, sed corrigit etiam nostram à peccato originali corruptam, falsisque diaboli, mundi, & carnis persuasionibus deceptam phantasmam, aufertque ab eo summe nocivos errores, & falsas opiniones, clarè nobis remonstrando Dei mandata & præcepta, quæ prius observatu difficilia putabamus, esse revera facilia, & jucunda, juxta illud Christi *Mattb. 11. v. 30. Jugum meum suave est, & onus meum leve*: viam quoque virtutis, ac perfectionis, quam fortè hætenus tristem, melancholicam, & tædiosam opinabamur, & ut talem aversebamur, esse verà lætitiâ & consolatione plenam, ita, ut legens plenus admiratione, & consolatione priorem errorem, falsamque imaginationem non tam agnoscere, quàm palpare, & in veritate fateri debeat, nunc exclamando cum Propheta *Psal. 118. v. 103. Quàm dulcia saucibus meis eloquia tua, super meliori meo. Psalm. 30. v. 20. Quàm magna multitudo dulcedinis tue Domine, quam abscondisti timentibus te. Planè Psalm. 118. v. 165. Pax multa diligentibus legem tuam, & non est illis scandalum. certè Judicia tua jucunda. ibid. v. 39. quàm verè di-*

Neudecker Pars Prior.

cis: Jugum meum suave & onus meum leve, & quàm verum est illud: Dicitur justo, quoniam bene. Isa. 3. v. 10. præsertim, quia Diligentibus Deum omnia cooperantur in bonum. Rom. 9. v. 28. Bonum mihi Lex oris tui super millia auri & argenti. Psal. 118. v. 72. In via testimoniorum tuorum delectatus sum, sicut in omnibus divitiis. v. 14. Melius est modicum justo super divitias peccatorum multas. Psalm. 36. v. 16. atque debite legendò hæc semper magis cognoscet, & penetrabit.

6. Quia (quod pro tertia ratione stat) dum spiritualia ritè legimus, nobiscum loquitur Deus, & specialia impertitur lumina, variisque gratiis, & instinctibus ad omne bonum legentem movet, & excitat; nam juxta communem SS. Patrum & Ascetarum, Cum oramus, cum DEO loquimur; cum verò legimus, Deus nobiscum loquitur: uti docet S. Isidorus de summo Bono. Lib. 3. cap. 8. Illum alloquimur, cum oramus, illum audimus, dum Divina legimus oracula, inquit S. Ambros. Lib. 1. Offic. c. 20. & S. Hieron. ad Eustochium. Ep. 22. cap. 11. Oras? loqueris ad sponsum. Legis? ille tibi loquitur, & S. Climacus Grad. 27. Solet lectio non mediocriter illuminare, atque colligere

Nnn

men-

mentem; verba enim sunt Sancti Spiritus, accedentesque ad se omnino dirigunt, & moderantur.

7. *Quarta Ratio est; quia Lectio spiritualis ad Meditationem rite, & fructuosè instituendam specialiter juvat, eamque plurimum faciliat. Hoc ipso enim, quòd juxta paulò ante dicta mediante Lectione spirituali cunctarum rerum spiritualium notitiam semper magis, ac magis acquiramus, atque memoria, & phantasia bonis speciebus, cogitationibusque de rebus spiritualibus, & ad meditandum scitu necessariis, aut valde conducen-
tibus imbuatur, facile exinde est intellectui, de iisdem meditari, ac discurrere, voluntatique rationes, motiva, principia, media, aliæque ad movendum utilia, ac necessaria proponere, quibus voluntas facilius movetur, ut convenientes actus producat, proposita, & resolutiones faciat. Dum e contra, ubi ex defectu lectionis spiritualis intellectus nullam, vel modicam, minusque sufficientem rerum spiritualium notitiam habet, memoria insuper & phantasia paucis, iisque debilibus, & minimè sufficientibus bonis speciebus, & cogitationi-*

bùs pollet, malis verò aut profanis, ac inutilibus repleta abundat, utique difficile erit intellectui de Divinis, & spiritualibus rebus meditari, & discurrere, ipsaque voluntas ad bonos actus, & effectus, resolutiones & proposita minùs apta apparebit, aut disposita, eum intellectus sufficienter non sciat, ne habeat, quæ meditandò, & discutiendò voluntati proponat, aut quibus ipsam ad præfatos actus moveat.

8. Et hæc est una ex causis principalibus, quare Novitii; alii-
que Tyrones, ac Juvenes Religiosi ab initio plerumque satis magnam in meditando experiuntur difficultatem, & sterilitatem; quæ postmodum paulatim minuitur, & successivè tollitur, dum per quotidianam Lectionem spiritualem, & studium Alceticum, semper major notitiarum spiritualium acquiritur, & deletis, aut diminutis, vel debilitatis speciebus terrenis phantasia, & memoria spiritualibus repletur, aut saltem sufficientibus imbuitur: quod ipsum in vita sua fateatur S. Theresia dicens, se ob defectum sufficientis rerum spiritualium notitiæ, maximam ab initio

tio sensisse difficultatem, quæ tandem diminuta, & sublata est, dum quotidiana læctione sufficientem rerum spiritualium notitiam successivè acquisivit.

9. Ob has itaque, & similes rationes SS. Patres, & Ascetæ læctionem spiritualement summis laudibus extulerunt, eamque quotidianam cuius summopere suaferunt, & commendârunt, adeò, ut textibus, & sententiis illorum, quibus Læctionem spiritualement commendant, integrum librum implere possemus. Juvat hic aliquot saltem adducere.

10. S. Joan. Damascenus *Lib. 4. Orthod. Fid. cap. 18.* ait: *Nihil animarum salutis conducibilius est, quàm Divinas Scripturas perscrutari.* S. Hieron. *ad Demetriadem Virg. Ep. 8. cap. 5.* *Unum illud tibi, præq, omnibus unum prædicam; & repetens iterumque, iterumque monebo, ut animum tuum sacra Læctionis amore occupes.* Idem ad Rusticum Monachum *Ep. 4, cap. 5.* *Nunquam de manu & oculis tuis recedat liber, & animus Læctione saturetur: ama scientiam, & carnis vitia non amabis.* Nam, ut ad propositum ait S. Isidorus supra n. 6. citatus: *Omnis profectus ex læctione procedit, quæ enim nescimus, læctione discimus; quæ*

autem didicimus, meditationibus conservamus. S. Chrysost. *Homil. 31. in Joan.* inquit: *Perspicuum est, spirituali Læctione animam sanctificari, & gratiam Spiritus S. affatim affundi.* S. Augustinus *Epist. 3. ad Volusianum.* *Tanta est Christianarum profunditas literarum, ut in eis quotidie proficerem, si eas solas ab ineunte pueritia usque ad decrepitam senectutem maximo otio, summo studio, meliore ingenio comarer addiscere.* Plura similia partim invenies, præsertim in *Pharetra* S. Bonaventuræ *Lib. 4. cap. 32. de Læctione.*

11. Demonstratur ulterius, & confirmatur grandis præstantia, & utilitas Læctionis spiritualis: per optimos effectus, & fructus, quos in cunctis viris sanctis, & perfectis producit, ac teste experientiâ in quovis ritè legente: etiamnum ubique producit. Omissis aliis, unum, alterumve videamus exemplum.

12. S. Gregorius Nazianzenus *Orat. 20 n. 99.* fatetur, se ex læctione scriptorum asceticorum S. Basilii in alium planè mutatum esse Virum; ait enim, *Cum orationes eas, quas de moribus, & bene vivendi ratione scripsit, in manus accipio, animo, & corpore purgor, templumque Dei capax efficio; atque*

instrumentum musicum à Spiritu & pulsatum, Divinamque gloriam & presentiam canens. Per eas corrigo, & concinnor, atque Divina quadam immutatione alius ex alio effior.

13. S. Augustinus ex unica lectione Epistolæ S. Pauli potissimum conversus fuisse fertur; quin de se ipso testatur *Lib. 8. Confess. cap. 12.* cum enim in hortulum secedens, de proxima domo vocem quasi pueri ad se clamantis audisset: *Tolle, lege, tolle, lege.* hoc sibi divinitus dictum credens statim surrexit, arripuitque Sacram Scripturam, & legit in ea, quod primò se obtulit, illud nempe ex Epistola S. Pauli *ad Rom. 13. v. 13. & 14. Non in comessationibus, & ebrietatibus, non in cubilibus, & impudiciis &c. sed induimini Jesum Christum, & carnis curam ne feceritis in desideriis: & mox quasi luce serenitatis cordi infusa omnis dubitationis tenebras sensit diffugere.*

14. De S. P. N. FRANCISCO ex Ordinis Chronicis scimus, quòd, cum ex libro Evangelii trina vice aperto legisset *Matth. 19. v. 21. Si vis perfectus esse, vade, vende, quæ habes; & da pauperibus:* resolverit se vitam Evangelicam juxta vi-

tam, & doctrinam JESU Christi nchoare.

15. Notum est etiam de S. Ignatio Loiola, quòd ex fortuita piorum Librorum Lectione occasione vulneris, in propugnatione Pampelonensi accepti, ad Christi, Sanctorumque sectanda, vestigia, & serviendum soli DEO ita fuerit accensus, ut resolutionibus heroicis factis Societatem Jesu instituerit.

16. De S. Theresia meminit Breviarium, quòd, cum tenera adhuc ætate Sanctorum Martyrum acta perlegeret, adeò S. Spiritus ignis in ea exarserit, ut domo aufugiens in Africam trajiceret, ubi vitam pro gloria JESU Christi, & animarum salute profundere in votis erat.

17. Similia exempla de ingenti, & mirabili fructu ex Lectione spirituali hausto, plurima passim inveniuntur, à quibus recensendis brevitatis causâ, ac ideo etiam superse demus; quia quivis, etiam ex vobis Charissimi vel jam nunc, vel brevi tempore experientiâ doctus fatebitur, quòd ex lectione sacra ritè instituta plerumque, vel saltem sæpe, magnum, ac subinde etiam majorem;

rem, quàm ex Meditatione reportaverit fructum.

18. Hinc in omnibus ferè sacris Religionibus (utè ex Regulis vel Statutis ipsarum patet)

sancitum habetur, ut quivis Religiosus singulis diebùs certo aliquo tempore læctioni spirituali sedulò vacet.

§. II.

De praxi fructuose, & debite instituendi Læctionem Spiritualem.

19. **Q**uæritur I. Quomodo in praxi ritè instituenda sit Læctio spiritualis: seu, quid observandum in praxi, ut debite, & desiderato cum fructu Læctio spiritualis fiat? Ante responsionem notate Charissimi causam, ob quam multi ex læctione spirituali sæpe vel nullum, vel modicum hauriunt fructum, indèque eam vel parùm, vel nihili æstimant, ac propterea illam quasi inutilem minùs frequentant, facillè negligunt, vel omnino etiam nauseant, potissimùm in hoc consistere, quòd læctionem spiritualem modò debitò non instituunt, pro quo edocendo

20. Resp. Ad Læctionem spiritualem ritè, & fructuosè instituendam, quædam in praxi sunt observandæ conditiones & re-

gulæ ante læctionem, aliquæ sub illa, & aliquæ post illam.

21. *Ante Læctionem* sequentes sunt observandæ. *Prima est* recta intentio; sicut enim ad omne aliud bonum opus, ita etiam ad læctionem spiritualem, ut bonum, Deoque gratum, & nobis utile opus sit, recta, seu bona requiritur intentio, quæ præter illam universalem, videlicet, *Quia Deus vult, quia placet Deo &c.* specialiter in hoc consistit, ut debitam & sufficientem Dei, ejusque voluntatis, Divinarumque legum, nec non aliarum rerum, ad virtutes, & perfectionem assequendas, Deoque perfectè serviendum scitu necessariam, aut conducentem notitiam acquiramus, & firmemus, simulque ad Deum amandum, voluntatèque ipsius, omne bonum cogni-

tum faciendum, malum autem declinandum, seu ad Deo perfectè serviendum moveamur, ac inducamur, sicque instructi conformiter operemur: ut proin finis, & motivum Lectionis spiritualis non solum sit scire, quomodo Deum cognitum amare, eique servire, & voluntatem ipsius adimplere, à malo declinare, & bonum facere possimus, & debeamus; sed etiam, ut ad hæc in opere præstanda juxta cognitionem haustam moveamur, eaque re ipsa adimpleamus.

22. *Secunda est.* Bonum desiderium, & aviditas, seu fames quædam spiritualis acquirendi in cunctis necessariam, & proficuum notitiam ex Lectione spirituali, & ex illa proficiendi, cum bona voluntate, & proposito juxta cognitionem Lectione spirituali acquisitam operandi, & vivendi: nam, *Beati, qui esuriunt, & sitiunt justitiam, quoniam ipsi saturabuntur. Matth. 5. v. 6.* dum econtra fastidiosi dimittuntur, & relinquuntur inanes: unde de coelesti sapientia, rerumque Divinarum, & spiritualium cognitione dicitur *Sap. 6. v. 13. 14. & 18. Facile videtur ab his, qui diligunt eam, & convenitur ab his, qui querunt illam.*

Praescupat, qui se concupiscunt, ut illis se prior ostendat: initium enim illius verissima est disciplina concupiscentia. Hinc ad Danielelem Prophetam, cupidum scire, & cognoscere mysteria Divina, præsertim verò circa Messiam venturum, Angelus missus ait: *Ego veni, ut indicarem tibi, quia vir desideriorum es. Dan. 9. v. 23.*

23. Contra utramque conditionem hanc errant, indèque ex lectione spirituali nullum, vel exiguum fructum hauriunt, qui absque supradicta bona intentione, & bono desiderio, ac proposito libros etiam optimos, & sanctissimos legunt ex tepida consuetudine, coacta necessitate, vel ex sola curiositate, magis scire, quàm juxta ea, quæ legerunt, operari avidi, vel qui cum tædio, & fastidio, solâ temporis fallendi gratiâ libros asceticos volunt, & perlustrant:

24. *Tertia Condicio est prævia,* & intermedia devota, & humilis, ac fiducialis cum totali sui diffidentia, & confidentia in Deum: brevis oratio, seu invocatio gratiæ, & auxilii Divini; sicut enim ad cuncta alia ritè, & perfectè agenda præstantissimum, quin & necessarium medium est oratio,,
tio,,

rio, ita & ad Lectionem spiritua-
tualem.

25. Errant proin I. Qui vel
curiositate, vel ex inordinato
affectu citò lectionem inchoan-
di, vel ne tempus aliquod per-
dant, aut ex mala consuetudine
lectionem spiritualem absque
ulla, vel non nisi cum tepida, di-
stracta, & perfunctoria oratione,
seu invocatione prævia Divini
auxilii Lectionem peragunt.

26. Errant II. adhuc magis,
qui ideo orationem præviam
omittunt, quia in se, suisque ta-
lentis, & ingenio confidentes,
cuncta sibi & intellectu, & captu
facilia æstimant, non attenden-
tes, quòd nec minimum, imò
prorsus nihil, uti oportet, facere
possimus sine Dei gratia, juxta
illud: *Sine me nihil potestis facere.*
Joan. 15. v. 5.

27. Errant III. & quidem ma-
ximè, qui superbò, & elatò, fasti-
diosò, vel certè minùs humili
animò spiritualia legunt, autho-
rem vel stylum, aut methodum
spernendò, vel vilipendendò,
vel seipso doctiores, & rem ma-
gis intelligentes reputandò, in-
dèque cogitandò, se ab isto au-
thore, vel libro, sibi præscripto
parùm, vel nihil fructus haurire,

aut discere posse: cùm potius
quavis humiliter de se credere
posset, ac deberet, se plura ad-
huc ignorare, & ex quovis, præ-
sertim ex dispositione Divina, &
Superiorum sibi designato libro
aliquid discere posse, cò quòd
Deus nunquam uni soli omnia
dona tribuat, ita, ut pro ma-
jori humilitate unus ab alio
edoceri, & discere non embe-
scat.

28. Cæterùm elati hujusmodi
de se præsumentes, & doctrinæ
aliorum contemptores, hoc
ipso, quòd illam non æstiment,
ex Lectione spiritali nullum
fructum reportant; præcipuè,
quia etiam Deus illis tanquam
superbis resistit, & tam donum
illuminationis ex parte intelle-
ctus, quàm efficacis motionis,
& impulsus ex parte voluntatis
inter legendum eis deneget, ut
videntes non videant, & legen-
tes, vel legi audientes non intel-
ligant: unde Christus *Matth. 23.*
v. 25. Confiteor tibi Pater, quia ab-
seondisti hac à sapientibus, & pruden-
tibus, & revelasti ea parvulis.

29. Inter legendum sequentes
conditiones & regulæ sunt ob-
servandæ. Prima est, ut attentè,
& tractim legatur, idque, quòd
legi-

legitur, bene expendatur, & quasi ruminetur, ac propterea subinde aliqua (præsertim, quæ magis ad propositum serviunt, utiliora, aut magis penetrantia videntur) denovo, & reflexè relegantur, indèq; non multa simul, sed modica legantur, ut sic lecta non tantùm capiantur, & penetrentur, sed memoriæ magis imprimantur, quatenus data occasione ex utiliter lectis instrui, & moveri valeamus; quia proluxa lectio fatigat potius, quàm reficit memoriā, & tædium magis, quàm proprium affectum producit in animo, ut bene advertit S. Bernardus *de inter. dom. cap. 50. dicens: Proluxa lectio, longitudinis causā, memoriā legentis obliterat.* & S. Isidorus *Lib. 3. de summo Bono. c. 14. Brevis sit, submotique librò sententia retrahatur in animo, Et ea, quæ lecta sunt, recolendò memoriā minime excidunt.* Docent SS. Patres, & Ascetæ, in legendo nos debere imitari gallinam, vel columbam, quæ, pauculis guttulis attractis, caput in altum elevare, & quod hausit, voluptuosè degustare, & dimittere, ac demum iterum bibere solet.

30. Errant contra hanc conditionem, indèque modicum

fructum ex lectione reportant, qui vel festinanter, cursim, obiter, & perfunctoriè legunt, vel qui ex curiositate, aut inordinato affectu omnia, quæ in libro continentur, citò cognoscere cupientes, in uno continuo nimium legunt, ut citò librum absolvant; vel qui totam suam felicitatem, & fructum in multa lectione, multorumque librorum evolutione collocare videntur, non attendentes, quòd sicut copiosa, ac nimia, præsertim festinanter, ac sinè masticatione facta ciborum ingestio corpus non reficit, nec recreat, sed aggravat, sic etiam nimia in uno continuo, præsertim festinanter, & sinè ruminatione, & perpensione intermedia, instituta lectio memoriā, & animum non reficiat, sed obruat, & aggravet; dum contra, quemadmodum modica, & bene masticata ciborum sumptio corpori, ita bene ruminata lectio animæ optatum effectum, & fructum afferat, adeò, ut longè melius, ac utilius sit, pauca v. g. unicum, vel alterum folium bene, & consideratè legere, quàm integra proluxa capita, aut medios tractatus in uno continuo absolvere.

31. *Secunda*, & valde notanda conditio est, ut inter legendum boni subinde fiant affectus, & actus, precésque immisceantur jaculatoriæ, & bona eliciantur proposita, prout nempe ipsa requirit, vel ansam præbet materia; præsertim ubi, & quando majus lumen Divinum, inspiratio, & gratia Divina adesse, mentemque nostram magis illuminare, vel movere censentur. *Han-
viendus est sape*, ait S. Bernardus *Epist. ad Fratres de monte Dei. de le-
ctionis serie affectus*, & *formanda oratio*, qua lectionem interrumpat, & non impediat interrumpendò, quàm puriorem continuò animum ad intelligentiam lectionis restituat. & in *Speculo Mon.* *Nec semper ad oratorium est eundem*, sed in ipsa lectione poterit contemplari, & orare. Cum enim juxta dicta, dum legimus, Deus loquatur nobiscum, ac præter illam doctrinam, & instructionem, quam mediante libro nobis communicat, ritè, ac, prout decet, legentibus magna subindelumina immittere, Divinæque inspiratione, & gratia piè nos movere, & excitare soleat, utique per convenientes affectus, & actus correspondere oportet, & decet; præsertim, cum

Deudecker Pars Prior.

exinde talis piis affectibus, & actibus, bonisque propositis permixta spiritualis lectio meditationi, seu orationi mentali plurimum assimiletur, & juxta dicta sæpe æqualem, imò subinde majorem, quàm illa afferat fructum, prout quotidianâ experientiâ patet, qua constat, quòd plurimi nonnunquam ex aliqua lectione ritè instituta ita illuminentur, & moveantur, ut præter optimos affectus ad heroicos actus, & specialissima proposita se resolvant, indeque ad magnam virtutem & perfectionem perveniant.

32. *Post Lectionem spiritualem* sequentes servandæ sunt conditiones. *Prima est*, ut finita lectione nos parùm reflectamus, & recolligamus, tum super lectis, tum super propositis nostris, ut sic illa magis memoriæ imprima-
mus, & conformiter operemur.

33. *Secunda conditio est*, ut de materia lecta saltem aliquid, præsertim illud, quod scitu, & operatu magis necessarium, magisque utile videtur, memoriæ fixè mandemus, illudque aliquoties per diem mente revolvamus; tum, ut mentem interdum ab alienis abstrahamus; tum, ut memoria successivè piis speciebus

ooo

im-

imbedatur, & repleatur, quæ tam in meditatione, quam in alia opportuna occasione virtutis exercendæ, tentationis superandæ, aut passionis mortificandæ illuminent, instruant, & moveant. Hanc conditionem specialiter etiam S. Bonaventura, nec non & S. Bernardus *cit. Epist. ad Fratres de monte Dei.* commendat scribens: *Sed & de quotidiana lectione aliquid in ventrem memoria dimittendum est, quod fidelius digeratur, & rursus revocatum crebrius ruminetur, quod proposito conveniat, quod intentioni proficiat, quod detineat animum, ut aliena cogitare non libeat.*

34. Tertia conditio est, ut pro doctrina, Divino lumine, & gratiis, quæ nobis clementissimus Deus, & Magister noster mediante lectione spirituali tribuere dignatus est, humillimas eidem gratias agamus, ipsûmque fiducialiter rogemus, quatenus confirmare dignetur, quod mediante sacra lectione in nobis operari dignatus est: quia gratiarum actio pro donis acceptis DEO gratissima, acceptorum conservativa, & novorum adductiva est.

35. Quarta conditio est, ut ea, quæ inter legendum notatu di-

gniora occurrerint, excerpantur, & in libello ad hoc destinato scriptis annotentur, juxta eum modum, quem Magister, sive Director spiritualis præscripserit.

36. Quæritur II. Quinam libri præ cæteris præcipuè legendi sint? Resp. I. Quamvis omnes libri spirituales plurimum æstimandi sint, & ex quovis eorum fructum, & utilitatem haurire possimus, nam *Omnis scriptura divinitus inspirata utilis est ad docendum, ad arguendum, ad corripiendum.* 2. ad *Timoth. 3. v. 16.* præsertim, cum Deus uni soli cuncta dona non dederit, sed ea in diversos distribuerit, ut à quovis discere valeamus; nihilominus certum est, unum librum præstantiorem, & utiliorem esse alio, magisque servire ad finem lectionis spiritualis; indèque unum præ alio, si habetur, pro lectione spirituali meritò assumendum esse.

37. Resp. II. In seligendis, & assumendis pro lectione spirituali libris, sequens vobis instructio servire potest. *In primis* optimus semper, & utilissimus, consequenter pro tempore præ aliis semper assumendus, & legendus est ille liber, vel libri materia spiritualis, quam pro illo tempore legen-

legendam præscribit Magister aut Director spiritualis. Ratio est; quia, licet subinde alii libri, præsertim Scriptura Sacra in se longè sint præstantiores, quàm liber aliquis pro tempore à Superiore præscriptus; quia tamen Superioris, consequenter DEI voluntas est, ut hic & nunc iste liber, vel hæc materia præ alia legatur, procul dubio Deo longè gratius, & legenti utilius erit, ejusmodi præscriptum librum, vel materiam præ alia, licet cæteroquin secundum se præstantiori, & utiliori legere; tum, quia universaliter loquendò, semper & in omnibus *Obedientia melior est, quàm victima*; tum, quia legenti librum, vel materiam à Superiore præscriptam, Deus magis assistit, majusque lumen, majorem cognitionem, ac copiosiores, & efficaciores gratias largiri solet, ita, ut taliter legens ex simplici, aut minùs æstimato libro, vel materia, majorem fructum hauriat, quàm legens librum in se præstantissimum, ex propria tamen devotione, inclinatione, aut æstimatione, sinè obedientiæ præscripto assumptum: tum etiam, quia, etsi subinde ex lectione libri, aut materiæ ab obedi-

tia præscriptæ modicum, vel nullum fructum se haurire, vel hausisse quis putet, tamen certum est, quòd præter speciale meritum, quod legenti ex obedientia obvenit, Deus diversas occultas, & tales suis temporibus, & occasionibus tribuat gratias, ac lumina, quæ longè magis profunt animæ, quàm nescio quis putatitius fructus ex lectione alterius libri, vel materiæ, propria voluntate, ac devotione assumptæ.

38. *Secundò*. Post materiam à Superioribus præscriptam, primum locum obtinet, & omnium præstantissima, & utilissima lectionis spiritualis materia est Sacra Scriptura. Ita unanimis omnium SS. Patrum, & Ascetarum, qui propterea frequentem, & sedulam S. Scripturæ lectionem mirè commendant, ad oculum demonstrandò, lectionem spiritualem S. Scripturæ sinè comparatione utiliore esse, quàm lectionem cujusvis, etsi cæteroquin omnibus numeris absoluti libri, aut selectissimæ materiæ. Ratio est; quia cuncta ibi contenta merum, & purum sunt verbum Dei, & doctrina Divina; utpote vel ab ipso Filio

Dei tanquam æternâ Sapientiâ tradita, vel à Spiritu Sancto Prophetis, & Apostolis inspirata, & dictata, consequenter infallibilis, certissima, sanctissima, & efficacissima. *Scriptura Sacra*, inquit S. Gregorius *Lib. 4. Epist. cap. 84. est quedam Epistola omnipotentis Dei ad creaturam suam.* & S. August. *Lib. 11 Confess. cap. 2. Sint casta delicia mea Scriptura tua: nec fallar in eis, nec fallam ex eis.* Accedit, quòd verba Sacræ Scripturæ, utpote Divina, miram occultam habeant energiam, vim, & efficaciam illuminandi, & movendi, adeò, ut testibûs SS. Patribûs, & quotidianâ experienciâ, unius Scripturæ sensus, vel textus ritè, & prout decet, lectus, & perpen-sus majorem habeat vim, & virtutem illustrandi, voluntatèm-que, & animum movendi, quàm integra Sanctorum Patrum, vel Ascetarum volumina.

39. Nec mirum; sicut enim Author Scripturæ Sacræ, DEUS nempe, omnes alios librorum autores, utpote infirmas creaturas, in omni genere infinitè excedit, ita etiam illius verba, & doctrina, in omni genere excedunt doctrinam aliorum, etsi doctissimorum Patrum. Unde

dicit S. Hieron. *in cap. 23. Matth. Quod de Sacris Scripturis auctoritatem non habet, eadem facilitate committitur, qua probatur.*

40. Præclarissima SS. Patrum elogia de utilitate, præstantia, & necessitate lectionis Sacræ Scripturæ effecerunt, quòd in pluribus Religionibus statutum sit, ut quivis saltem quid modicum ex S. Paginis quotidie attentè, & devotè legat. Unde Charissimi! ut quotidianam S. Scripturæ lectionem, quantum tempus, & negotia permiserint, præ omnibus vobis commendatam habeatis, totamque Scripturam tempore vitæ vestræ non semel tantum, sed sæpius consideratè legendò evolvatis, seriò admonemini; & experientia vos docebit, quòd sæpius legitis, majus eandem legendi desiderium habitori, majorèmque fructum haustruri sitis.

41. *Tertiò.* Post lectionem Sacræ Scripturæ utilior præ cæteris est lectio Regulæ, & Statutorum Ordinis, utpote quæ Professionis nostræ obligationem, & Superiorum, consequenter DEI certam voluntatèm nobis manifestant.

42. *Quartò loco* sunt Libri, & Doctri-

Doctrinæ SS. Patrum, inter quos pro ascesis plurimum serviunt.

S. Augustini Libri Confessionum, Meditationes, Soliloquia, Manuale &c.

S. Basilii Ascetica, & Regulæ.

S. Bernardi varia Opuscula.

S. Bonaventuræ item, &c.

S. Ephrem Opuscula.

D. Joannis Climaci Scala Paradisi &c.

43. *Quintò loco* Religiosis omnibus, præsertim tyronibus lectu utilissimi, imò & necessarij sunt etiam alij Ascetæ, seu Libri spirituales; inter quos ex antiquis semper æstimati sunt.

Liber Aureus de imitatione Christi.

Opera Ludovici Blossii.

David ab Augusta.

Alphonfus Madrilienfis.

Opuscula Dionysii Carthusiani.

Ludolphus de Saxonia de vita Christi.

Didacus Stella de Contemptu Mundi.

Laurentius Scipulus &c.

De Recentioribus verò.

44. Alphonfus Rodriquez de Perfectione.

Jacobus Alvarez.

Opera Cardinalis Bonæ.

Opera Hieremiæ Drexelii.

Opera Joan. Bapt. Saint-Jure.

Praxis Justitiæ Christianæ.

Opera Pauli Segneri.

Opera P. Suffren.

Opuscula Eusebii Nierenbergii.

Hieronymi Plati.

Lucæ Pinelli.

Nicolai Lancicii.

Casparis Druzbecki &c.

Appendix

De Principiis Practicis circa Lektionem Spiritualem.

Principium I.

45. **F**irmum, & constans propositum habere, quotidie per aliquod temporis spatium, lectionem instituendi spirituales.

Principium II.

46. **I**n divisione temporis determinare, ut sicut reliqua, sic præcipuè etiam Lectio spiritualis proportionatum, & accommodum habeat spatium.

Principium III.

47. **I**n lectione spirituali assuescere, ut non obiter, &c.

Ooo 3

per-

perfunctoriè, nec multa simul indiscriminatim, sed juxta regulas bene legendi, superius allegatas, attentè & tractim legantur.

Principium IV.

48. **E**A, quæ in lectione spirituali notatu digniora inventa sunt, interdum aliquoties animò revolvere, & utiliter ruminare.

Principium V.

49. **Q**uoniam etiam juxta modum à Directore vel Magistro traditum, eadem, ne memoriam faciliè fugiant, annotare.

Principium VI.

50. **I**llos libros, illamque materiam præ cæteris legere, quam Superiores, vel animæ Directores præscribunt, & suadent.

Principium VII.

51. **D**E aliis libris illos, & ex his eas materias legendas assumere, quæ nobis hic & nunc lectu, & scitu magis necessaria videntur, respiciendò subinde etiam virtutem, vel vitium, super quo examen particulare defacto facimus.



C A P U T XVII.

De Examine Conscientiæ: ubi etiam de modo religiosè concedendi cubitum.

§. I.

De Examine Conscientiæ Generali.

Notandum, duplex esse conscientiæ Examen, generale videlicet, & particulare. Prius de genera-

li, postea de particulari agemus. Itaque

1. Quæritur I. Quid, & quàm utile sit Examen conscientiæ generale?

nerale? Resp. I. Examen conscientiæ generale ad propositum nil aliud est, quàm quotidiana vitæ nostræ, & omnium actionum ab uno examine ad aliud ritè instituta expensio, seu examinatio ad hoc, ut expendendò, & discutiendò deprehensæ culpæ, defectus, & imperfectiones, earumque radices contritione, & proposito de præsentī deleantur, & in futurum emendentur. Explicatur Definitio. Dicitur primò: *Quotidiana*; tum ad indicandum, eam quotidie debere fieri; tum ad distinctionem examinis, quo conscientiam examinamus ante Confessionem Sacramentalem.

2. Dicitur secundò: *Vita nostra, & omnium actionum nostrarum*, quibùs verbis differt ab Examine particulari, vi cuius non super omnes actiones, sed circa unam duntaxat actionum speciem, certum videlicet vitium, vel virtutem nos examinamus: dum econtra per Examen generale perpendimus, quomodo totam diei vitam nostram agendò, & omittendò transegerimus, & qualiter in cunctis actionibus nostris, verbò, cogitatione, & opere nos habuerimus. Additur:

Ab uno examine ad aliud, ad innuendum, quòd per hoc examen principaliter, & ordinariè non nisi ab uno examine ad aliud vitam, & actiones perpendamus.

3. Dicitur tertio: *Ritè instituta expensio*; quia Examen generale habet certa puncta, & regulas, quæ, ut ritè fiant, observari debent, de quibus infra à num. 13.

4. Dicitur quartò: *Ad hoc, ut deprehensa culpa, defectus, & imperfectiones contritione, & efficaci proposito deleantur, & emendantur*: quibùs verbis indicatur duplex finis Examinis generalis: quorum *Primus* est, ne unquam in aliqua culpa, præsertim (quam Deus à quovis Religioso in æternum avertat) mortali maneamus, vel cubitum eamus, sed brevī, & quotidie per poenitentiam, & contritionem deleamus, ac in gratiam Divinam, si forsan eà excidimus, iterum redeamus, quin & maculas culparum, seu peccatorum etiam venialium, ac imperfectionum aboleamus, eorumque veniam impetremus. *Alter* finis est, ut culpas, & imperfectiones emendemus, vel emendare firmiter, & efficaciter proponamus.

5. Dicitur autem notanter:

Culpa,

Culpa, defectus, & imperfectiones, earumque radices; quia per Examen generale non solum peccata, & culpas, sed etiam imperfectiones, & radices earum in actionibus nostris indagare, & eradicare oportet, ut infra magis dicitur.

6. Resp. II. Examen conscientie generale magnæ utilitatis, & præstantiæ; atque ad nostram, defectuumque nostrorum cognitionem, & extirpationem ferè necessarium est. Ita testantur non solum SS. Patres, & Ascetæ, sed quotidiana docet experientia, qua constat, eos, qui huic examini sedulo quotidie incumbunt, in propria sui defectuumque suorum cognitione, & emendatione multum proficere; illos verò, qui in eodem negligentes existunt, sui, & defectuum suorum ignaros, aut obliviosos, vix unquam vitium aliquod penitus eradicare, sed potius in dies habituari, & magis implicari.

7. Hinc SS. Patres & Ascetæ illud omnibus suadent. *Elapso jam die* (inquit S. Basiliius *Serm. Ascet.* qui incipit *Homo*) *Uguor is opere diurno, seu corporali, seu spiritali ad finem deducto, ante quietem conscientiam suam quisque in cordis suo*

examinare debet. & Serm. de Renunciat. Unquoque die, quid operatus sis, considerans Superiori confer, & admittere, ut semper meliora facias.

8. Et S. Dorotheus *Doctr. 12.* ait, se modum examinandi quotidie conscientiam, à Majoribus suis, & Patribus antiquis accepisse; „ Docuerunt enim, ait, sæpe nos Majores nostri, quo pacto purgemus nos ipsos per singulos dies, ut scilicet ad vesperam perscrutemur nobiscum, quomodo transactam diem exegerimus &c. deberetque unusquisque nostrum à se ipso tanquam Judex rationem cujuslibet facti extorquere. „

9. Ratio autem, ob quam tam utile, & ferè necessarium sit examen generale, conformiter dictis multiplex assignari potest, inter quas *Prima* est, quòd illo mediante veniamus ad nostram cognitionem, & magis cognoscamus vitia, peccata, & defectus nostros, causasque & radices eorum, quæ cognitio summe nobis necessaria, & emendationis nostræ primus necessarius gradus est, adeò, ut sine illa nunquam nos emendare possimus.

10. *Secunda.* Quia usu quotidiani examinis impediuntur defectus, & vitia nostra, ne profundas radices agere, & in pravos habitus abire faciliè queant, hoc ipso, quòd poenitentia, odio, & aversione quotidianâ tollantur, & per repetita efficacia proposita impediuntur, ne tam faciliè, & tam intensè, vel tam frequenter perpetrentur; sed potiùs ipsæmet radices defectuum è medio tollantur: dum econtra, si quotidianum examen negligitur, anima ad instar inculti agri, vel vineæ sylvescit, bonoque fructu carens, vepribus, & infelici loliò omnis generis imperfectionum, ac vitiorum repletur. Sterilis namque terra corruptæ nostræ naturæ ex se nunquam non noxias, & malas herbas, urticas, & zizania vel germinat, vel germinare nititur, adeò, ut, nisi examen conscientia, ceu sarculum quotidie ad manus habeamus, statim abundant, & altas radices agant, necesse sit.

11. *Tertia.* Quia examen conscientia ad inordinatas passiones, & habitus pravos jam radicatos eradicandos medium efficacissimum est; utpote per quod pravi habitus, & actus illius

quotidie odiò habentur: & econtra actus contrarii, quibûs habitus pravi successivè expelluntur, producuntur, simulque occasiones, causæ externæ, & radices malorum actuum averuntur: qualiter utique habitus pravi brevi extirpatur.

12. *Quarta.* Quia mediante examine conscientia plures producuntur actus virtutum, puta, gratitudinis, orationis, humilitatis, contritionis, & boni propositi, quibûs Deus specialiter honoratur, & delectatur, atque homo in merito, & gratia sanctificante non modicè crescit, simulque id quotidie habet, quòd semper optimâ fiducia de statu gratia, & à mortali liberæ conscientia, utpote contritus dormire valeat.

13. Quæritur II. Quot partes, seu puncta habeat Examen conscientia generale? Resp. I. Quinque communiter assignari, videlicet: *Primò.* Gratiarum actionem pro beneficiis acceptis. *Secundò.* Petitionem luminis, & gratia Divina, ut in actionibus nostris peccata, defectus, & imperfectiones nostras, causasque & radices earum debite cognoscere, & emendare valeamus.

Ppp

*Tertiâ,**Neudecker Pars Prior.*

Tertio. Est ipsa conscientiæ, & cunctarum actionum nostrarum ab ultimo examine discussio, seu examinatio. *Quarto.* Est Contritio & dolor de peccatis, & defectibus commissis. *Quinto.* Est firmum, & efficax emendationis propositum. Ex quibus duo prima puncta non tam sunt partes examinis, quàm dispositiones ad illud ritè faciendum; quamvis ordinariè partes nominentur. Ut autem sciatis Charissimi! quare, & quomodo quævis ex dictis partibus ritè fieri debeant, ampliùs de qualibet illarum dicemus, & postea praxin ipsam subjungemus.

14. Itaque *Prima Pars*, seu *Gratiarum actio pro beneficiis acceptis*, duplici præcipuè ex causa præmittitur: tum, quia est actus Deo gratissimus, & nobis utilissimus (utpote optima dispositio ad nova dona à Deo recipienda) quem summa æquitas exigit. Æquum siquidem, & justum est, ut ei quotidie gratias agamus, à quo quotidie, imò omni momentò innumera beneficia recipimus. *Quisque nostrum*, inquit S. Chrysost. *Homil. 72. ad Populum.* si fieri potest, per singulos dies intra se computet, non tantum communia benefi-

cia, verum & propriè sibi collata, non promulgata, & omnibus manifesta, sed etiam peculiaris, multosque latentia, sic enim continuam gratiarum actionem Domino poterit exhibere, tum, ut ex memoria multitudinis, & magnitudinis beneficiorum magis cognoscamus, & apprehendamus gravitatem, & fecditatem peccatorum, ac enormem nostram erga DEUM ingratitude, indeque magis ad peccatorum nostrorum detestationem, & firmum emendandi propositum moveamur.

15. Debet autem hæc gratiarum actio inprimis universaliter fieri pro omnibus communiter beneficiis per totam vitam acceptis, dein pro quibusdam etiam in specie, præsertim illa die receptis, juxta infra num. 59. positam, vel aliam ei similem formam, prout bene suavit S. Chrysost. num. præc. citatus, & S. Bernardus *Serm. 51. in Cantica.* *Disce in referendo gratiam non esse tardus, aut segnis, disce ad singula dona gratias agere: diligenter considera, quæ tibi apponuntur, ut nulla videlicet Deo debita gratiarum actione frustrentur, non grandia, non mediocria, non pusilla.*

16. Ad quem finem suadent *Ascetæ,*

Ascetæ, ut tempore examinis generalis non tantum præmittamus præfatam universalem, & specialem gratiarum actionem, sed etiam (quod bene notandum est) brevis aliquoties gratiarum actio in specie fiat sub tertia examinis parte, seu sub ipsa conscientiæ, & actionum discussione; quoties nempe sub ipsa aliquod beneficium à Deo nobis hodie collatum, vel bonum aliquod à nobis factum, invenimus; quæ gratiarum actio brevissime fieri potest (nisi forsan speciale beneficium specialem, & longiorem gratiarum actionem requireret) v.g. his aut similibus verbis: *Tibi ago gratias humillimas, & infinitas benignissime DEUS; tibi soli honor & gloria.*

17. *Secunda pars, seu Petitio luminis, & gratiæ Divinæ*, merito ideo præmittitur; quia, sicut absque ea in cunctis aliis prorsus nihil possumus, sic præcipue, & principaliter peccata, defectus, & imperfectiones nostras debite cognoscere, & emendare ex nobis non valemus. Tanta namque in dignoscendis propriis defectibus nostris est cæcitas, ut, licet aliorum defectus etiam mi-

nimos acutissime videamus, nostros tamen etiam majores frequenter non cognoscamus, idque non tantum, si interni, & occulti, sed etiam externi, & omnium oculis manifesti sint, adeo, ut, dum eos pro peccaminosis, vel reprehensibilibus omnes merito æstimant, nos pro talibus eos neutiquam habeamus, quin laudem, & inanem gloriam quæramus, ac propterea ægrè feramus, injuriæque loco accipiamus, si ab aliquo etiam Superiore in iis corrigimur, & admonemur; quapropter merito profunda cum humilitate lumen, & gratia Divina invocanda, pro cognoscendis occultis etiam defectibus, dicendo cum Propheta: *Quantas habeo iniquitates, & peccata, scelera mea, & delicta mea ostende mihi: Deus meus illumina tenebras meas, illumina oculos meos, ne unquam obdormiam in morte, ne quando dicat inimicus meus, prævalui adversus eum.*

18. *Tertia pars, sive ipsa conscientia discussio* (quæ propria pars examinis est; imò ipsum examen) in hoc consistit, ut reflectamus nos super vita, & actionibus nostris à tempore ultimi

examinis, & videamus, qualiter in iis contra præcepta Dei, vel Ecclesiæ, Regulæ, aut Superiorum, vel etiam contra proposita nostra peccaverimus. In qua discussione varii varios tradunt modos: inter quos optimus videtur, quo quis ab ultimo examine totum tempus ab hora ad horam ordinatè percurrit, expendendò, quomodo quavis hora, & horæ partibus se habuerit, ubi? & cum quibus fuerit? quid? & quomodo operatus, & locutus fuerit? quid cogitaverit? quid omiserit? seu quomodo in verbis, cogitatione, & opere se gesserit.

19. *Quarta pars*, seu *Dolor de peccatis*, ut perfectiùs & utiliùs fiat, is non solummodo de peccatis per examen cognitis, sed & de occultis, imò in genere, & universaliter de omnibus per totam vitam commissis fiat, & quidem meritò ex motivo amoris, & charitatis erga Deum eliciendus, quatenus vera contritio evadat, indèque hominem, (si forsan ob occultum aliquod, vel cognitum peccatum mortale in statu gratiæ non esset) in illum vi talis contritionis restitueret. Eundem de peccatis do-

lorem meritò comitari debent etiam petitio veniæ, sui que contemptus, humiliatio, & confusio: quis enim se ipsum non contemnat, humiliet, sibi que displiceat, si se in propositis suis tam inconstantem, & in malis tam perseverantem, & ferè in cunctis adhuc imperfectum, ac defectuosum agnoscit.

20. *Quinta pars*, siue *Propositum emendationis*, ut fructuosè, & efficaciter fiat, non tantum in genere elici debet, dicendò v.g. vel cogitandò: *Emendabo me, non amplius peccabo, non amplius offendam Deum &c.* nec solummodo nudè, ac simpliciter circa peccatum aliquod in specie v.g. *Vitabo hoc, aut illud peccatum; observabo hoc, aut illud præceptum*: sed debet esse particularizatum, & circumstantionatum, prout in simili diximus supra de Meditatione *Cap. XIV. §. III.* ita videlicet, ut se extendat etiam ad particulares circumstantias hujus vel illius loci, personæ, causæ, radices, occasionis &c. Ratio horum est, quia proposita genericè tantum, & nudè concepta plerumque nullum, aut exiguum producant effectum; dum autem elicitur propositum, fieri debet cum humil-

milli-

millima sui diffidentia, & firma confidentia in DEUM, addita humili, & fiduciali brevi invocatione gratiæ Divinæ.

21. Juvat etiam plurimum ad efficaciam propositi, proponere subinde etiam specialem lectionem, meditationem, & examen particulare circa unum, vel alterum vitium magis infestum, & nocivum evitandum.

22. Quod si cunctis adhibitis nullus, aut modicus adhuc sentitur fructus, & effectus propositorum, examen propterea, vel proposita hujusmodi nequaquam imposterum omittere quis debet, aut pusillanimis, tristis, vel perturbatus fieri, sed constanter in majori semper sui diffidentia, majorique confidentia in solam gratiam Divinam, necessaria tamen cum vigilantia & attentione peragere debet; præsertim, cum ex continuis suis lapsibus saltem id fructus habeat, quod interea in sui cognitione, contemptu, & odio, consequenter in humilitate proficere valeat: id quod Deus sæpe intendit, dum nos specialibus suis gratiis destitutos in uno vel altero levi vitio diu hæerere, vel in aliud cadere permittit,

23. Porro in ritè, & exactè eliciendis ultimis his duabus examinis partibus, dolore videlicet de peccatis, & emendationis proposito, potissimus, & principaliter intentus fructus examinis consistit, ut proin juxta SS. Patrum, & Ascetarum doctrinam in iis eliciendis potissimum examinis tempus, & ut bene, perfectèque eliciantur, potissima cura adhiberi debeant. Hinc causa, cur examen apud multos nullum, aut modicum fructum affert, una ex præcipuis est, quod totum ferè tempus in discussione conscientiæ, & perquirendis peccatis, aut defectibus impendant, ac propterea sine temporis ad examen præfixi imminente, vel jam præsentè, principalia duo puncta, dolorem nempe de peccatis, & emendationis propositum, brevissimè tantum, & obiter peragant. Ex quo venit, quod in eisdem defectus continuo relabantur, quod utiq; non fieret, si de peccatis, & defectibus per examen cognitis, verè doleremus, & illos vero ex corde efficaciter detestaremur, cum firmo proposito illos, & præcipuè usque ad futurum examen non amplius perpetrandi.

24. Probate hoc Charissimi! & fatebimini, rem planè ita se habere. Observate, & notate distinctionem inter tempora, quibùs in examine dolorem, & propositum tepidè, & obiter tantùm, ac e contra, quibùs eam ritè, ac prout decet, fecistis, & apertè videbitis distinctionem inter effectum utriusque, disparèmq; fructum.

25. Denique circa allegatas duas ultimas partes examinis, dolorem scilicet, de peccatis, & propositum, insuper est notandum, quòd, cùm difficile sit de omnibus, & singulis defectibus quotidianis tam seriò dolere, tamque singulariter, efficaciter, & circumstantionatè emendationem proponere, semper eò connitendum sit, ut saltem de uno vel altero puncto, quod Deo magis adversum; nobis nocivum, ac aliorum causam, ac radicem esse cognoscimus, id faciamus; imò præstat ordinariè, ut circa unum vel alterum hujusmodi in particulari efficacem dolorem, & singulare propositum eliciamus. Ita enim faciendò faciliùs, & certius effectum obtinebimus, & defectus nostros vitabimus.

26. Quæritur III. Quoties, quo, & quanto tempore examen conscientiæ generale fieri debeat? Resp. I. Illud quotidie saltem semel, antequam cubitum eamus, fieri debere. Ita namque suadent SS. Patres & Ascetæ, habetque praxis omnium, non tantùm verè ordinarum Religionum, sed etiam usus timentium DEUM, salutis sue, & perfectioni Christianæ incumbentium in sæculo.

27. Dicitur notantur: *saltem semel*; quia utique longè utilius, & efficacius foret, si illud bis in die fieret, uti examen particulare, & quidem eodem tempore, quo istud fit, & simul cum illo, videlicet quadrante ante sumptionem prandii, & post coenam ante somnum, ita, ut præfato tempore semper præmittatur, seu priùs fiat examen generale, & immediatè subsequatur particulare, prout in nonnullis Religionibus laudabilissimè fit. Quòd si subin id antepandium facere, negotia, & impedimenta prohiberent (uti sæpe fit apud Sacerdotes, tunc temporis vel celebrantes, vel in Confessionali sedentes) post sumptum prandium suppleri poterit. Imò tempus

pus immediatè post prandium, vel post horam concessi discursus, multis pro tempore ordinario servire poterit ad examen generale, & particulare; præsertim, quia illud tempus ordinariè impedimentò vacat, & ad notandos in libello defectus apprimè commodum videtur.

28. Resp. II. Si semel tantum fit examen generale, meritò communiter præscribitur tempus post coenam, immediatè ante somnum, quatenus sic super vita, & cunctis actionibus totius diei institui valeat, si enim bis fit, tunc solum instituitur à tempore unius examinis usque ad aliud.

29. Caterum, quicumque cum tempore ob negotia, vel alias rationes ita impeditum se agnoscit, ut examen generale bis in die facere ei non vacet, vel expediat, illi omnimode consulitur, ut saltem semel singulis diebus facere non omittat, quoties enim quis illud omittit, magnum aliquod salutis suæ negotium omittit.

30. Resp. III. Spatium temporis, ad faciendum examen generale una cum *particulari*, Ascetæ communiter præscribunt cir-

citer quadrantem horæ: & merito; quia hoc spatium sufficere, & requiri videtur. Audiuntur fortassis aliqui, qui conqueruntur, quòd modico illo tempore se de cunctis totius diei actionibus non satis examinare valeant; verum tales observent, non esse necesse, ut prorsus omnes & singulæ actiones, ac circumstantiæ examinentur, sed sufficere, si potiores, & illæ discutiantur, in quibus defectus commissi Deo magis displicent, virtuti, & perfectioni magis obsunt, vel sunt radices aliorum defectuum. Item actiones, à quarum perfecta persolutione profectus in virtute magis dependet. e.g.

31. I. Quando, & quomodo ad matutinum de noctu & manè surrexeris? an non plus somno indulseris, quàm naturæ necessitas exigit, vel Statuta, & Superiores præscribunt? an primæ cogitationes, & actus statim fuerint directi ad DEUM, & quo fervore? an, & qualiter reliqui actus, & preces matutinæ (præsertim speciale firmum & efficax propositum circa materiam examinis particularis) fuerint peractæ?

32. II. An, & quomodo sacra Meditatio fuerit facta? an debita præparatio præmissa? an nullæ in eadem distractiones, somnolentiæ, & tepiditates admixtæ? an non decurtata &c. Cum enim debitus meditationis usus non tantum summè utilis, sed etiam ad perfectionem assequendam omnino necessarius sit, procul dubio præprimis expedit, quotidie examinare, quomodo in ea nos habeamus, ut defectus deprehensos emendemus.

33. Circa horas Canonicas: num omnes hac die integrè persolutæ? (nam ad hoc sub mortali tenemur, consequenter de eorum persolutione, sicut etiam de aliis obligatoriis actibus, vel operibus v. g. ex voto debitis meritò quotidie sit discussio) item, an prævia cum præparatione, & quali? an attentè, devotè, reverenter? an non præcipitanter, aut truncatis verbis? an in præsentia Dei, debito tempore, & ordine? quia enim, qui *bene novit orare, bene novit vivere*, omnino per Examen eò collimandum, ne in oratione admittantur defectus, nève mali contrahantur habitus, sed potius e-

vitentur, & extirpentur, & sanctus orandi habitus implantetur.

34. Porro, si ad Chorum quis obligatus est, examinet, an tempestivè juxta præscripta Statutorum accesserit? an non fictis, vel frivolis sub prætextibus illum frequentare omiserit, vel ab eo discesserit? an debita cum reverentiâ debitæque cum pausa, & elatione vocis ex toto corde in conspectu Angelorum laudaverit ibi Deum? an verò cum tardio, somnolenter, tepidè, præcipitanter, vagabundus in oculis, nimis pigra, vel indecenti inclinatione, remissa voce, cum inordinato desiderio finis, & impatientia erga debitè psallentes, laudem Divinam persolverit? quia enim debita laudis Divinæ in Choro persolutio unus ex principalibus, Deo gratissimis, Religioni maximè proficuis, & cuivis Religioso summè meritoriiis, ac consolatoriis actibus est, meritò instituitur examen, qualiter Religiosus in hoc puncto se habuerit.

35. IV. Circa Missæ Sacrificii celebrationem, si quis est Sacerdos.

36. V. Circa tempus ante-

meridianum, quomodo de hora ad horam sit impensum? an non otio, vel inutili labore &c. consumptum?

37. VI. Qua intentione, & perfectione opera nostra sint peracta?

38. VII. An, & quomodo factum sit examen particulare? an annotatio defectuum, qui deprehensi sunt, diligenter fuerit facta?

39. VIII. Circa mensam, an plus, quam natura exigit, vel nimis avidè, solam sensualitatem attendentes, comederimus? quacum modestia, religiositate, & frugalitate in mensa nos habuerimus?

40. IX. Circa conversationem, & discursum mensæ, recreationis, & alio tempore, an non in lingua offenderimus, contra charitatem, mansuetudinem, modestiam, veritatem, taciturnitatem, silentium &c. detrahendò v. g. murmurandò, pungendò, nimis clamorose, dissolutè, iracundè, impatienter, indignanter loquendò, vel jactandò, & gloriandò, sive mentendò, aut hyperbolicè, vel per multiloquium excessivè loquendò?

Neudecker Pars Prior.

41. X. An, & quoties contra silentium religiosum fuerit actum.

42. XI. Circa tempus pomeridianum, quomodo impensum? an non otio, garritu, tardio, aut aliàs inutiliter pars aliqua fuerit consumpta?

43. Advertendum tamen est, quòd non sit necesse, semper omnia præfata puncta percurrere, sed possit quis subinde invento uno, vel altero speciali defectu magis nocivo, aut radice aliorum, ab ulteriori examine desistere, ac sola seria detestatione, & averfione illius, sui confusione, & contemptu, veniæ precatione, efficacique, & singularizatò propositò reliquum tempus insumere, quatenus tali modò saltem unus, vel alter similis nocivus defectus, aut peccatum certius, & efficacius caveatur, quod longè utilius est, quam si multum temporis, discutiendò omnes actiones, insumatur, & e contra detestatio peccatorum, & emendationis propositum obiter duntaxat eliciantur.

44. Juvat etiam ad facilitandam, & tempestivè absolvendam discussionem conscientiæ, si (quod plures Sancti, & viri perfecti

tera *Gulam.* In tertia *Jactantiam.* In quarta *Inobedientiam &c.* dein ad latus ponat literam dici, ut D quæ denotat *Dominicam.* dein infra L diem *Lunæ.* M diem *Martis &c.* & ab hac ducat duas lineas transversas pro quavis die (si bis in die Examen Generale facit) quatenus una pro defectibus temporis matutini, altera pro defectibus temporis pomeridiani servire possit; vel unam lineam transversam, si semel tantum instituitur Examen Generale; una tamen linea transversa ab altera ita competenter distet, ut sufficiens spatium pro notandis cujusvis diei defectibus adsit, prout Schemata *num. 49. & 50.* clariùs exhibent.

47. Si quis timet, ne fortè talis libellus deperdatur, & ipse ob occultos suos defectus confundatur, poterit ad initium cujusvis cellulae solam aliquam literam, aut certum signum ponere, quo certam aliquam speciem peccati clam sibi soli notam indicare intendit: ad quem finem in alia distincta & separata charta potest habere, quasi clavam, & explicationem talis literæ, aut signi, ne obliviscatur, quam privatam, ac distinctam

chartam potest in aliquo occulto loco, & ita asservare, ut vel non facile inveniatur, vel ex inventa nemo errores, & peccata nostra, utpote ibidem non notata, colligere possit.

48. Porro, quia lapsus, & defectus nostri subinde cum advertentia plena, subinde cum semiplena duntaxat, & subinde inadvertenter fiunt, expedit omnes, etiam cum inadvertentia commissos errores distinctis signis notare, tribuendò e.g. defectibus cum advertentia plena lineolam oblongam | cum semiplena breviorē | sine advertentia aliquod punctum . ut sic ad perfectam nostri, defectuūque nostrorum, & malorum habituum (qui plerumque ex actibus etiam inadvertenter commissis gignuntur) deveniamus notitiam. Poterit etiam finitā septimanā saltem numerus Summarius errorum, & defectuum illā septimanā commissorum poni (si non cuiusvis diei subjungitur) & quidem triplex, unus videlicet pro defectibus plena & sufficienti advertentia admissis; alter pro illis, qui cum semiplena, vel aliquali duntaxat fiunt advertentia; & unus pro

factis ex inadvertentia, ut sic plenam, & compendiosa cognitio profectus, & defectus de die in diem, ac de septimana in septimana haberi queat. Res facilius capietur in sequenti Schemate.

Schema Annotationis defectuum, si Examen generale fit bis in die.

49.	Gula.	Jaſtania.	Impatien- tia.	Inobedi- entia.	Fractio ſilentii.
D		. .			
	.				.
L		.			

M				.	
	.				
M			.		
	.				. .
I	

V					.
					. .
S					
Summa.	6.6.7.	6.7.8.	1.2.9.	1. 1.	10.11.15.

Schema Annotationis, si Examen generale semel in die fit.

50.	Mendacium.	Adulatio.	Detraçtio.	Otium.
D
L	..	- 	
M	
M	.		..	
I		.		
V			.	
S		.		
Summa.	4.6.8.	1.4.6.	7.7.	5.7.2.

51. Porro ad maiorem adhuc cautelam, & abscondendos alios tuos defectus poteris, si placet, locò vitiorum in fronte nominatim & expressè positorum, ponere aliquam literam, vel signum tibi soli notum, ponendò v.g. in prima cellula locò *Gulae* solam literam E in secunda literam A in tertia literam H in quarta literam S in quinta literam M &c. Pro quarum *clavi* in privata charta in adjutorium memoriae scri-

bere poteris. E denotat gulam mysteriò Esau, vel Evæ. A superbi- am, vel jactantiam intuitu superbi Aman. H iram, & impatientiam, intuitu iracundi Herodis. S Inobedientiam, ob inobedientiam Saulis. M fracti- onem silentii, intuitu garrularum mulierum.

52. Ulteriùs advertendù circa notationem defectuum in libello examinis generalis, quòd illæ species defectuum ad initium

rium cujuslibet cellulæ posito-
rum possint subinde mutari, &
locò unius defectus, vel vitii v.g.
Gula, aliud vitium v.g. *Ambitio*
poni, quando nempe deprehen-
ditur, prius illud vitium vel jam
esse extirpatum, vel minùs fre-
quens, e contra verò aliud ma-
gis infestare, magisque nocere.

53. Possunt insuper non tan-
tùm certa genera, vel species
vitiòrum, sed etiam plures gra-

dus unius vitii in una cellula po-
ni, & diversis literis indicari,
habitâ in alia charta clavi expli-
cante, quid litera significet :
quo tamen casu illa cellula, in
qua plures vitii gradus certis li-
teris indicati ponuntur, paulò
amplius debet habere spatium,
quatenus cujuslibet etiam gra-
dus defectus commodè notari
valeant. Exemplum sit sequens
Schema.

	M	S	E	i	a	c
54. D						
L						
M						
M						
I						
V						
S						

55. Clavis pro præfatis literis potest esse. Litera M in prima cellula significat fractionem silentii ob dicta num. 51. Litera S inobedientiam. Litera E in tertia cellula ampliori gulam. Ubi minor litera i ibidem existens significat *intempestivè*, seu extra ordinarium prandii, aut coenæ tempus comedere, vel bibere. Minus a significat nimis *avidè* comedere. Minus e *excessivè*.

56. Quæritur V. pro compendiosa notitia. Quomodo in praxi utiliter fieri debeat Examen conscientiæ generale? Resp. Sequentia esse servanda. *Primò*. Quamprimum manè surgitur, firmissimum inter alia eliciendum est propositum, omnia peccata, & offensas Divinas, præsertim illas, quas in libello examinis generalis expresse ponimus, evitandi, & Deo hac die perfectè serviendi.

57. *Secundò*. Si quis per diem labitur in defectum aliquem, statim se coram Deo humiliet, & confundat, ac breviter eliciat dolorem de ipso, quin pectus, nemine advertente percutiat, veniamque precetur, & cum sui diffidentia, ac confidentia in DEUM proponat cum

emendare, idque ob dicta supra Num. 44.

58. *Tertiò*. Dum tempus examinis instat, flexis genibus, vel etiam, si circumstantiæ id suadent, standò, vel ambulandò, memortamen Divinæ præsentiae, sicque in conspectu Dei observentur puncta supra Num. 13. allegata sequenti, vel simili modò.

Ante Examen Generale Gratiarum Actio.

59. „O Benignissime & Misericordissime Domine Deus! coram Divina Majestate tua, quam immensam, ac infinitam credo, & adoro, in abyssum mei nihili, & malitiæ me projicio, ac humillimas, summè debitas, ac infinitas gratias tibi ago pro omnibus & singulis tam communibus, quàm specialibus beneficiis creationis, & conservationis, redemptionis, & vocationis, directionis, & providentiæ, protectionis, & custodiæ, miserationis, & clementiæ, aliisque innumeris gratiis & beneficiis, quæ mihi indignissimo, & omni creaturæ hucusque, præsertim hac die contulisti, & omni

omni momentô conferre non cessas: specialiter quòd hac die &c.

Poteris hic aliqua beneficia specialia recensere, quæ per diem à Deo tibi collata fuisse deprehendis: & si etiam ad noctem preces ante somnum conjunguntur, poterit, & debet hic immisceri actus *oblationis* actionum totius diei, & habetur infra *Num. 108.*

Petitio Luminis.

60. „**I**llumina Domine oculos meos, ne unquam obdormiam in morte, ne quando dicat inimicus, prævalui adversus eum: quantas habeo iniquitates, & peccata, scelera mea, & delicta mea ostende mihi: da lumen, & gratiam debitè cognoscendi, perfectâ poenitentia, ac contritione averfandi, & delendi efficaci cum proposito, & in opere ipso emendandi, quidquid contra immensam Majestatem, & infinitam Bonitatem tuam impius, & ingratus ab ultimo examine perpetravi: veni Lux vera, quæ illuminas omnem hominem venientem in hunc mundum, & illumina tenebras cordis mei.

61. Postea sequitur ipsa *Discussio conscientia*, ut supra, quæ finita fit

Contritio.

62. **Q**uæ non tantum de peccatis illa die, vel ab ultimo examine, sed universaliter, etiam de omnibus per totam vitam commissis elici debet. Et quidem, si unius, vel plurium peccatorum quis reum se invenit, hoc vel simili modo elicienda.

63. „Clementissime Deus! habes iterum confitentem reum. Peccavi denuo, stultè, iniquè egi, & malum coram te feci: credo firmissimè, quòd intensissimè desideres, & mandes cuncta mandata tua custodiri nimis, & tamen rursus illam sanctissimam tuam legem N. N. (poteris nominare v.g. charitatis, vel obedientiæ &c.) ob *modicam, edumque falsam voluptatem, vel sensualitatem* (si ex alia causa offendisti DEUM, eam quoque nominare poteris v.g. ob respectum, & timorem humanum, vel vanam gloriam, laudem, vel estimationem, vel ob inutilem curiositatem &c.) in conspectu *Divinae Majestatis tuæ insana temerit-*

meritate fui transgressus, indé- que iniquissimè offendi infinitam Bonitatem tuam, quàm infinitis titulis amare, ac revereri debuissim, & amodo ex toto corde, & ex tota anima, & ex totis viribus amo, omnique profundissima humilitate revereor, ac propterea ex corde doleo, & poenitet me, quòd unquam te offenderim. Outinam! te semper amassim, & nunquam offendissim. Detestor, & odiò habeo super omne malum omnia, & singula mea peccata à primo usu rationis usque ad hoc momentum commissa. „

Propositum.

64. „**P**ropono firmissimè cum tua gratia, in qua sola confido, seriò & constanter me emendare, ac potius millies mori, omnèque aliud malum incurere, omnique bonò privari, quàm semel adhuc vel levissimè, voluntariè, ac deliberatè te offendere: præsertim verò N. N. (fac particularizatum, & circumstantionatum propositum v. g. hoc tempore, illà horà, in isto loco, apud hanc personam, tali modò, vitandi peccata ab ultimo examine commissa, præser-

tim illud, super quo examen particulare facis). vitare, & propterea conari, hoc, vel illud medium N. N. adhibere. „

„ Quare Misericordissime Deus! etsi agnoscam, quòd millies jam promeritus essem, à facie tua projici, donisque & gratiis tuis privari; attamen, quia cor contritum, & humiliatum non despicis, nec vis mortem peccatoris, sed ut magis convertatur, & vivat; quia Misericordia tua infinite major est, quàm iniquitas mea, quia merita Jesu Christi pro peccatis meis oblata, infinite excedunt malitiam, & demerita mea; hinc corde contrito, & humiliato, cum fide, & fiducia de profunda abyssò iniquitatis meæ clamo ad te: Deus propitius esto mihi peccatori; miserere mei secundum magnam misericordiam tuam, & secundum multitudinem miserationum tuarum, ac per infinita merita Jesu Christi dele iniquitatem meam. Ne projicias me à facie tua, & Spiritum Sanctum tuum ne auferas à me. Agnus DEI, qui tollis peccata mundi, miserere mei. „

65. Quibus finitis præstat etiam sibi ipsi aliquam injungere

Rff

POTI-

poenitentiam salutarem, præsertim verò unum, vel plures actus virtutum contrarios vitiis, in quæ fuimus lapsi.

66. Quòd si forsan ab ultimo examine nullius, etiam venialis voluntarii, peccati reum te invenis, nihilominus contritionem universalem de omnibus etiam occultis, & alienis peccatis sequenti, vel simili modò elice.

„Clementissime Deus! quamvis per gratiam tuam (pro qua humillimas ago gratias, tibique soli omnem laudem & gloriam tribuo) ab ultimo examine, certi, ac voluntarii alicujus pec-

cati mihi conscius non sim, tamen in hoc justificatus non sum; quia variis imperfectionibus abundans, num odiò, vel amore dignus sim, incertus existo; præsertim cùm de occultis, & alienis peccatis meritò timeam, vitamque meam præcedentem innumeris peccatis gravibus, & levibus repletam certissimè sciam. Peccavi enim, prò dolor! per totam vitam meam, & malum coram te feci; indèque iniquissimè offendi infinitam Bonitatem tuam, quam &c. „ ut supra Num. 63.

§. II.

De Examine Conscientia particulari, & debito modo eundi cultum.

67. **Q**uæritur I. Quid, quàm utile, & præstans sit Examen conscientiaæ particulare? Resp. I. Examen hoc *particulare* est specialis discussio conscientiaæ, quæ ab uno examine ad aliud fit circa particulare aliquod vitium, vel virtutem, in ordine ad illud singulari cura, & diligentia emendandum, & eradicandum, ad istam verò ac-

quirendam, & implantandam.

68. Dicitur: *Specialis discussio*; quia, postquam in examine generali discussio generalis super omnes actiones jam facta est, fit adhuc vigore Examinis particularis discussio specialis circa certum aliquod vitium. Additur: *vel virtutem*; ad innuendum, non tantùm ad eradicanda, & emendanda vitia, sed etiam ad virtu-

tes

tes acquirendas servire, ac propterea institui posse; ac debere Examen particulare.

69. Reliqua in descriptione factis patent ex terminis; solummodo notandum, inter alia hic requiri, vel admodum conducere, ut, dum examen particulare super certo vitio extirpando, vel virtute implantanda instituitur, eodem tempore de huiusmodi vitio, vel virtute, specialis instituaturs lectio spiritualis, illucque aliquo modo dirigatur etiam meditatio, quatenus mediante lectione, non tantum sufficientem cognitionem talis vitii, & virtutis eidem oppositæ, sed etiam motivorum illud fugiendi, & istam prosequendi acquiramus; mediante meditatione vero eadem exactius perpendentes, magis imprimamus, magisque efficaciter resolutiones, & proposita, aliisque convenientes actus eliciamus, ac DEUM pro gratia ad effectum fervidè imploremus.

70. Resp. II. Examen particulare est unum ex præstantissimis, utilissimis, & efficacissimis mediis ad vitia nostra faciliter, ac securè, successivè extirpanda, & virtutes vicissim implantan-

das. Conclusio hæc probari quidem posset plurimis SS. Patrum & Ascetarum, præsertim modernorum, testimoniis; quia tamen ipsâ quotidianâ experientiâ illorum, qui examen istud debite faciunt, satis constat, ad rationem pergitur.

71. Ratio itaque est; quia, cum naturam per peccatum Adæ plurimum corruptam, malisque passionibus, & inordinatis affectibus ad omne malum inclinantem habeamus, simulque præter prava ubique exempla oculis oberrantia, mundus, caro, & dæmon ad omne malum continuo instigent, & à bono retrahere conentur; partim ex fragilitate, partim ex ignorantia, vel inadvertentia tam frequenter, præsertim in juventute in peccata, & imperfectiones labimur, frequentatisque actibus tot malos habitus contrahimus, ut impossibile quasi fragilitati nostræ sit, omnes simul & semel peccatorum, & imperfectionum habitus efficaciter impugnare, aut expugnare, vel oppositas virtutes implantare: hinc utile, & necessarium erit, unum vitium post aliud eradicandum, vel virtutem implantandam assumere,

ita, ut, quod simul & semel non possumus, successivè obtineamus mediante diligenti examine particulari.

72. Sanè, qui trecenta fila in fune aliquo colligata, manu confringere vellet, stulto, & inani labore consumeretur; facillimò autem negotiò omnia, & singula disrumperet, si separatim ea, & successivè frangenda assumeret. Ita res se habet cum vitiis nostris; omnia enim simul difficillimè, successivè verò, & singillatim facillè vincere possumus, id, quod examen intendit particulare.

73. Hinc „ Cautus esto, inquit S. Basiliius in *Epist. ad Chilon.* nam in medio laqueorum incedis. Noli itaque confestim Religionis ascendere verticem; satius enim est, paulatim promovere. Proinde sensim vitæ voluptates falle, consuetudinem illarum tibi ipsi amputans, ne uno quandoque impetu omnes adversum te voluptates irritans, turbam tibi tentationum inducas. Sed, ubi unam voluptatis affectionem prorsus devicisti, adversus aliam aciem instrue, atque ita opportunè, & commode omnium voluptatum victor evades. „ Unde

& S. Chrysost. *Homil. 82. in Joann.* scribit: *Vitia nostra tempore corrigamus, & hoc mense unum, alio aliud, & ita subsequenter meliores efficiamur &c.*

74. Imò, cum tam vitia, quam virtutes habeant suos gradus, sæpe, imò plerumque oportet non tantum vitium ex integro, & sine distinctione in examine eradicandum, vel virtutem implantandam assumere, sed gradatim, ita, ut unus duntaxat, vel aliqui gradus vitii eradicandi, vel virtutis implantandæ assumantur v. g. quia *Gula* quinque sunt Gradus, videlicet comedere *præproperè, laute, nimis, ardens, & studiosè*, expedit ad gulam eradicandam, unum vel alterum duntaxat gradum assumere v. g. ne *præproperè*, seu extra tempus prandii vel coenæ comedamus: & ne *ardens*, seu *avidè*, plus attendendò oblectationem, quam finem comedendi &c. Sic etiam, quia virtus humilitatis habet plures gradus, expedit, ut singillatim, vel aliqui duntaxat, & non omnes simul in examine particulari assumantur. Res magis patebit ex Schematibus infra à *Num. 91.* ponendis.

75. Quæritur II. Quot, & quas

quas partes, vel puncta habeat Examen particulare? Resp. Tot, & easdem, quas generale, estque in isto æquæ, ac illo, specialiter observandum, ut potissimum tempus, & fervor adhibeatur in eliciendo dolore, seu contritione, & proposito, imò hoc ultimum in particulari examine efficacissimè esse eliciendum; hoc ipso, quòd circa vitium particulare, vel gradum illius seriò extirpandum, aut virtutem acquirendam, peculiari cum industria instituatur. In hoc enim particularizato, & verè serio, ac efficaci proposito, cum plena tamen sui diffidentia, ac confidentia in DEUM, ejusque fiduciali; & humili invocatione, factò, potissima virtus examinis particularis consistit.

76. Quæritur III. Circa quod, nam vitium extirpandum, vel virtutem implantandam præ cæteris sit instituendum Examen particulare? Resp. Circa hoc utiliter observari posse sequentes regulas.

77. *Prima Regula* est. Ut ante omnia illud eradicandum assumatur vitium, quod præ cæteris Deo magis displicet, nobis magis nocet, magisque in nobis

prædominans est. *Unusquisque*, inquit S. Chrysost. *Homil. 10. in Gen. operam det, ut vitium, quod affectiones suas magis interturbat, ex anima excuset.* & S. Climacus *Grada 15. Is, qui se uno quodam vitio amplius urgeri conspicit, contra ipsum, & solum, ante omnia seipsum armet.*

78. *Secunda Regula.* Ut, qui pluribus vitiis æqualiter nocivis subiacet, illud per examen particulare præ reliquis impugnet, quod est causa, & radix aliorum; cujusmodi est Gula e. g. utpote quæ, præterquam quòd naturam, sanitatem, & talenta destruat, hominemque inhabilem reddat ad ea, ad quæ à Deo ordinatus est, existit causa & radix plurimorum peccatorum, & imperfectionum, nec non potissimum impedimentum acquirendi virtutes, & perfectionem, adeò, ut, quamdiu quis subjectus est Gulæ, nec somnare quidem de solida aliqua virtute, & perfectione; prout magis dicitur in *Parte posteriore.*

79. *Tertia Regula* est. Ut cæteris paribus prius eliminentur vitia, & defectus externi illi, qui oculis aliorum magis patent, alios offendunt, pacem, & charitatem lædunt, scandalum generant,

rant, propriam famam minuunt &c. uti sunt dissolutio, levitas, & incompositio morum, contentio, detractio, murmuratio, clamorositas, & scurrilitas in loquendo, mendacium, hyperbolicæ, seu excessivæ locutiones &c. Circa præfatas tamen regulas notandum, ut extirpatis vitiis pari ordine virtutes quoque implantare per examen particulare studeamus, ita, ut, dum examen particulare super vitia v.g. Gulæ extirpandæ instituiamus, illud eodem etiam tempore pro implantanda virtute Temperantiæ in cibo & potu faciamus; si fiat examen hoc pro extirpanda Dissolutione, & Levitate, vicissim etiam pro implantanda Modestia, & Gravitate Religiosa instituat, quo durante, sicut lapsus, ita etiam victorias, seu actus virtutis contrarios exercitos annotare quis potest, modò infra Num. 96. assignandò; quamvis annotatio actuum virtutis exercitiæ tam necessaria non sit, uti annotatio defectuum.

80. *Quarta Regula* est. Ut extirpatis vitiis exterioribus ac defectibus, ad interiora, & quæ sunt majoris momenti perga-

mus, atque primarias virtutes v.g. profundam humilitatem, puram intencionem cuncta agendi, & patiendi propter Deum, perfectam resignationem in Divinam voluntatem &c. implantare studeamus.

81. *Quinta Regula*. Quòd, ordinariè loquendò, non sit necesse, tam diu super aliquo vitio, vel defectu examen particulare facere, donec nullam ampliùs circa illud patiamur tentationem, & impulsium (hoc enim ordinariè impossibile foret) sed sufficit tam diu inhaerere, donec ad discamus, & assuescamus, venientes impulsus, tentationes, & occasionem facile, seu saltem sinè magna, & periculosa difficultate virtuosè, & debitè vincere.

82. *Sexta Regula* est. Ut, quoad cuncta circa vitium eradicandum, vel virtutem implantandam, obedientiæ, & Directioni Magistri, aut Directoris spiritualis nos submittamur.

83. *Quæritur IV.* Quoties, quo, & quanto tempore fieri debeat, & expediat Examen particulare? Resp. I. Bis quotidie fieri debet Examen particulare: prima vice paulò ante prandium, vel

vel statim post illud. Secunda vice post coenam, ante somnum, nisi aliud disponant Superiores, vel suadeat Confessarius, seu spiritualis Director. Ita communiter Ascetæ, & præficient illi, quibus examen istud cum magno profectu in spiritu in usu est. Ratio quoad numerum, & repetitionem est; quia, quod sæpius fit, eò facilius, & majori cum fructu fit, hoc ipso, quod utique facilius fit, cognoscere per istud examen, ac emendare particularem defectum, aut virtutem observare per dimidium, quàm per totum diem: consequenter præstat saltem bis in die illud instituire; præsertim, cum ex multiplicato proposito, & aliis actibus piis in examine concurrentibus, magis firmetur, & confortetur anima ad fugiendum malum, & prosequendum bonum particulare pro examine assumptum.

84. Ratio verò pro qualitate temporis, paulò videlicet ante prandium, & post coenam ante somnum, est; quia sic possumus propositum ante prandium factum, in ipso prandio, & residuo diei in actum deducere, & si post coenam ante somnum facimus, defectus in utraque men-

sa, & toto tempore vespertino commissos debite cognoscere, contritione delere, & novò proposito emendationis pro subsequenti die nos munire.

85. Dicitur autem notanter in Responsione: *Nisi aliud disponant Superiores &c.* sicut enim in aliis, ita & in hoc, præcepto, directioni, & voluntati Superiorum, vel consilio Confessariorum, aut Directorum spiritualium, utpote Dei vices tenentium, ejusque beneplacitum nobis indicantium semper accomodare se oportet. Hinc, si cum tempore Magistri curam egressis Confessarius, vel Director spiritualis, auditis vestris rationibus forsitan suadet, ut examen particulare prima vice non ante, sed mox post sumptum prandium, & altera vice alio tempore e. g. tempore recollectionis vespertinæ apud nos ante coenam fieri solitæ, faciatis, omnino morem eis geratis, necesse est.

86. Resp. II. Si prima vice immediatè ante, vel post prandium Examen particulare solum sine generali fit, medius quadrans, vel subinde minus spatium pro eo sufficere videtur; eò quod Magistri Ascecos ad examen

men generale, & particulare simul faciendum, quadrantem horæ ordinariè sufficere putent: si verò utrumque simul fit, uti altera vice post coenam immediatè ante somnum instituitur, quadrans horæ meritò impenditur à pientioribus, quì perfectioni magis attendunt.

87. Resp. III. De praxi loquendò, quando altera vice, seu de nocte Examen particulare cum generali simul instituitur, partes requisitæ, videlicet gratiarum actio; petitio luminis; discussio conscientiæ, & contritio cum proposito, ac petitione veniæ, observantur sicut in generali, à num. 59. hoc ipso, quòd, ut supponitur, unà cum ipso fiat. Solùm notandum, quòd de delicto, vel defectu, super quo fit examen particulare, particularis, & specialis discussio, sicut etiam specialissimum, & particularizatum propositum de illo vitando fieri debeat; si verò examen particulare solum sinè generali fit, uti immediatè ante prandium à multis fieri solet, memoratæ quinque partes quidem observari, citius tamen expediri possunt.

88. Quòd si ab ultimo examine nullius culpæ, aut defectus circa vitium, aut virtutem particularis examinis reum te invenis, gratias age DEO, ei soli gloriam tribue, illumque pro gratia perseverantiæ, quam efficaciter proponas, invoca, sequenti, aut simili modò. „Tibi gratias humillimas, tibi soli honor, & gloria Domine DEUS meus, quòd ab ultimo illo examine circa hoc particulare vitium N. N. te non offenderim, vel quòd sanctissimam illam legem, & virtutem N. N. quam observare specialiter proposui, saltem modico hoc tempore, licèt imperfectè, servàrim, vel exercuerim. Da gratiam, ut constanter perseverem, prout firmissimè propono, juro, & statuo custodire legem tuam. „

89. Quæritur V. An, & quomodo fieri debeat annotatio defectuum, & lapsuum in aliquod vitium, sicut & annotatio actuum virtutis oppositæ, quos quis deprehendit in examine particulari? Resp. I. Omnino exactè fieri debet annotatio defectuum, & lapsuum in vitium, vel imperfectionem, super qua
fit

fit examen particulare, sicut etiam specialium victoriarum, & actuum virtutis contrariæ exercitorum; ita enim habet doctrina & praxis Ascetarum. Ratio est; quia exinde debite cognoscere possumus, & debemus, an, & quomodo de die in diem, de septimana in septimanam, de mense in mensem, de anno in annum proficiamus, hæreamus, vel etiam deficiamus: quatenus vel cum erubescant, & confusione nostra negligentiam, vel deficientiam videntes, majori eum fervore emendationem proponamus, & procuremus, vel profectum cernentes, Deum laudemus, ei-que soli gloriam tribuentes, & gratias agentes, aliam denuo materiam pro examine assumamus.

90. Resp. II. Modus anno-

tandi varius est: & quidem, si super aliquo vitio solo sine distinctione graduum, aut super uno tantum gradu vitii examen particulare fit, communis, & ordinarius modus est, quod in libello ad id parato, pro qualibet septimana fiant quatuordecim lineæ, binæ scilicet pro qualibet die ita formatæ, ut posterioris diei lineæ sint breviores prioribus, quatenus per hoc memores simus, numerum defectuum & lapsum, qui in illis lineis per virgulas, & puncta, vel circulos notantur, semper debere decrescere; vel si potius defectus crescunt (utinonnunquam contingit) nos debere nostra proposita efficacius renovare, magis vigilare, efficacia remedia adhibere, majorem vim inferre &c.



**Schema Annotationis in Examine Particulari
pro extirpando habitu distractionum in Divino
Officio.**

91. D	1111 0 0 0000 1 000	
	11 000 11 0 00	7. 10. 15.
	11 000 1 0 0	
L	11 000 1 00	4. 6. 10.
	.. 11 11	
M 1	4. 5. 16.
	11 1	
M	11 1... 1 .	3. 6. 9.
	11 1 .	
I 1	2. 4. 9. .
	... 1111 ...	
V	1 11 ...	3. 7. 13.
 1 ..	
S	.. 1 .. 1	3. 10.
	Summa	23. 41. 82.

92. Ubi prior linea in qualibet die servit pro annotatione post factum examen paulò ante prandium; posterior verò linea pro annotatione eorum defectuum, qui deprehenduntur in examine altera vice facto. Porro virgulæ oblongæ denotant *distractionem voluntariam*, virgulæ breviores *semivoluntariam*, seu cum semiplena advertentia; puncta verò, seu circuli *distractionem involuntariam*, & sine advertentia contingentem; quamvis enim plures hanc distinctionem defectuum, cum, & sine advertentia commissorum non faciant, sed præcisè omnes defectus indistinctè annotent per virgulas oblongas; memorata tamen distincta annotatio, pro majori cognitione nostri, defectuumque, & habituum nostrorum pravorum admodum conducit, ac propterea meritò suadetur, dummodo in annotandis defectibus inadvertenter commissis nulla anxietas, aut inordinata cura interveniat; cum nihil referat, etsi non omnes annotentur. Ad finem cuiuslibet lineæ Summa defectuum poni potest, & post ultimam lineam Summa Summarum collocari, ita, ut primæ denotent *cifræ Summam defectuum cum advertentia*; secundæ *Summam defectuum cum semiplena*; & tertiæ *Summam defectuum sine advertentia* commissorum denotent.

93. Resp. II. Si verò in examine particulari plures gradus alicujus vitii eradicandi, vel virtutis implantandæ assumuntur, fit annotatio eodem ferè modo, quo supra in examine generali lapsus notari possè diximus, exceptò, quòd in summitate cellularum, locò integri vitii ponantur certi gradus, Gulæ v.g. juxta sequens, aut simile Schema, cujus initium in libello poni potest, verbis expressis, vel signis, soli examinanti notis.

Schema Annotationis in Examine Particulari.

94. Pro extirpando vitio Gulæ, præsertim autem pro extirpandis tribus gradibus Gulæ, videlicet comedendi *Intempestivè, Avidè, Nimiùm.*

	Intempestivè,	Avidè,	Nimiùm,
94. D		..	
L	
M		..	
M	
I	
V		..	
S			..
Summa.	3.	7.	6. 10. 4. 2. 4.

95. Porro eodem modo, quo fit annotatio pro extirpando certo vitio, vel gradu illius, fieri etiam potest, dum instituitur pro implantanda certa aliqua virtute, vel gradu illius, idque vel in di- versa, vel in una, eadèmq; ta- bella, juxta sequens Schema, casu quo super una tantùm virtute sinè distinctione graduum, aut super uno solo gradu virtutis examen fit.

Schema

Schema Annotationis in Examine Particulari.

96. Pro extirpando habitu loquendi *submissè, modeste, clamorose, & dissolutè loquendi; mansuetè &c.*
ac contra pro acquirendo ha-

D			..				
						
L			.				
			...				
M			..				
			...				
M							
			..				
I			.				.
			.				
V							
S			.				
			.				
Summa.	9.	15.	21.	27.			8.

Ubi ex prima illa parte, in qua lineæ semper decreſcunt, annotantur defectus, & lapsus, ex altera verò, ubi lineæ semper creſcunt, virtutes, seu actus illius, & victorias annotare oportet; cùm sicut numerus lapsuum semper decreſcere; sic numerus actuum

actuum virtutis oppositæ semper crescere, sicque pro illis de-
crescentes, pro istis verò cre-
scentes lineas habere convenit.

97. Porro in annotandis vir-
tutum actibus duo specialiter
observanda videntur. *Primò.* Ne
quis anxium, aut minùs solici-
tum se reddat, quando, & quos
virtutum actus annotare de-
beat; cum nihil referat, si aliqui
omittantur, vel forsan non no-
tandi notentur; quamvis con-
ducens, & sufficiens videatur, si
illi saltem notentur, qui cum
aliqua nostri victoria, & mortifi-
catione contra insurgentem
tentationem, vel inordinatam
inclinationem, vel difficultatem
aut sensualitatem &c. vel ad-
juvante Deo, majori cum per-
fectione eliciuntur.

98. *Secundò.* Ne in illis vanam
aliquam complacentiam, aut va-
nam gloriam habeamus, vel cu-
piamus, illòsve propalare quæ-
ramus; sed potius soli DEO
gloriam tribuamus, & debitas
gratias ei agamus, sublimi illo
versiculo. *Non nobis Domine, non
nobis, sed Nomini tue da gloriam,* vel
repetendò aliquoties *Deo gratias:*
et si nihilominus spiritualem

consolationem, & lætitiā in
DEO habere liceat, quòd per
gratiam DEI non succubueri-
mus, sed vicerimus, id agendò,
omittendò, vel patiendò, unde
Deus beneplacitum habet; quo-
niam consolatio, & lætitia spiri-
tualis ordinariè sequitur virtu-
tem, estque unus ex fructibus,
& effectibus illius, ita, quòd, sicut
peccatum, & vitium præter in-
numera alia mala post se relin-
quit tædium, tristitiā, cordis
gravedinem, mentis turbatio-
nem, & inquietudinem, ita e-
contra virtus, & actus illius præ-
ter aliud multiplex bonum ge-
neret, & relinquat post se con-
solationem, lætitiā, pacem,
& quietem animi, quarum vel
unica sinè comparatione supe-
rat innumeras in peccato, aut
vitio quæsitæ, vel habitas con-
solationes, utpote falsas ac de-
ceptorias.

99. Quæritur VI. Quomo-
do piè ac Religiosè ad noctem
se quis cubitum conferre debeat?
Resp. Ad hoc quis sequentia ante
somnum observet, necesse est,
videlicet:

100. I. Ut debitas Deo, B. Ma-
riæ Virgini, Angelo Custodi, &
SS. Pa-

SS. Patronis, gratias referat pro beneficiis per totam vitam, præsertim per eam diem receptis.

101. II. Ut denuo offerat Deo omnes totius diei actiones, eique soli de quovis bono factò laudem & gloriam tribuat, sibi verò non nisi malum adscribat.

102. III. Ut de malo commisso, simulque de omnibus per totam vitam commissis contritionem eliciat, emendationem proponat, veniam precetur, & speret.

103. IV. Ut cum bona intentione sequentem somnum, nocturnasque actiones, & passionibus Deo offerat, simulque contra mala somnia, & phantasmatum, illusionesque diabolicas protestetur.

104. V. Tandem ut piis actibus, & precibus se muniat, & in Nomine Domini in pace quiescat; quæ cuncta quidem breviter, devotè tamen fieri ideo suadentur, quòd ferè quivis per negotia, & alia diurna ingruente nocte lassatus, vel aliàs ad prolixiora minùs dispositus existat: & melius sit, breviter & modica perfectè, quàm prolixa tepidè, & oscitanter perfolvere.

105. Præfatì autem actus, & preces nocturnæ fieri possunt unà cum Examine Conscientiæ nocturno, si hoc primùm instituitur post coenam, vel post illam, & separatim, si nempe Examen jam ante refectionem vespertinam institueretur, ut e.g. tempore recollectionis. Optimum erit, etiam in hoc ordinationem Superiorum exactè observare.

106. Porro Preces vespertinæ, aliique pii actus, puta gratiarum actionis, contritionis &c. consultò hìc omittuntur: tum, quia illas obvii Libelli precatorii passim exhibent: tum, quia hi actus paulò antè de Examine generali à num. 59. allegati, & jam formati habentur. Solum subnectitur actus *Oblationis actionum totius diei*, qui post actum Gratiarum Actionis elici debet, item & actus *Intentionis capiendi somnum cum protestatione*, quem oportet elicere post actam contritionis & propositi. Itaque elicto actu *Gratiarum Actionis: à Benignissime &c.* ut supra num. 59. mox subsequatur

Obla-

Oblatio Actionum totius Intentio capiendi Somnum cum Protestatione.

107. „ **E** Adem intentione, & unione, qua manè, denuo humillimè tibi offero, & immolo me totum, animam, & corpus, potentias, & actus corporis & animæ, omnèque illud; quod hodie per verba, cogitationes, & opera, perfectiones, & afflictiones internas, & externas, omnesque alias passiones, & actiones bene contigit: quidquid in eis bonum, à te, quidquid malum, à me provenit; hinc de omni bono tibi tanquam Patri luminum, omnem laudem, gloriam, & honorem tribuo; de quovis malo autem me solum reum agnosco; pro cuius cognitione, debita poenitentia, & emendatione, illumina &c., ut supra num. 60. Postea immediatè subnectitur actus *Contritionis*, & *Propositi*, quos habes num. 63. & seq. & denique:

108. „ **E** T quoniam Superiorum, consequenter & tua Divina voluntas est, ut nunc dormiam, quatenus lassatum corpus necessaria quiete reficiatur, & ad debite tibi serviendum denuo reddatur aptum, sanctissimæ voluntati tuæ humillimè obtempero, & somnum, non quia naturæ aridet, sed quia tibi placet, capio, quem proin in unione sanctissimæ intentionis, qua JESUS Christus filius, ejusque B.V.M. & sancti dormierunt, tibi offero, omnique inspiratione, & respiratione, & cunctis aliis actionibus, ac passionibus liberis, ac naturalibus tuam Divinam laudem, omnesque possibiles virtutum actus producere intendo, simulque, quantum possum, protestor contra mala somnia, & phantasmata, ac cunctas illusiones diabolicas. „



C A P U T XVIII.

De Disciplina, Modestia, Humanitate & Civilitate Religiosa externa, debita conversatione, ac compositione morum.

PRo coronide Partis prioris hujus Scholæ Religiosæ, præsentem adjicere materiam, & antequam digrediamur ad Partem posteriorem, quæ internum hominem potissimum concernit, consultum videtur, & Religiosis tyronibus

admodum utile ac proficuum, præsentem adjicere materiam, quatenus hominem externum juxta leges Modestiae & Civilitatis Religiosæ debite componere addiscant; quare sit

§. I.

De Natura, Præstantia, Utilitate, & Necessitate Modestiae, & Civilitatis Religiosae externae.

1. **Q**uæritur I. Quid ad propositum, quàm præstans, utilis, & necessaria sit Modestia, sive Civilitas Religiosa externa? Resp. I. Eam variè & nominari, & definiri à SS. Patribus & Ascetis, ita tamen, ut cuncta nomina & definitiones ferè idem significant: nam S. Bonaventura in *Specul. Novit.* p. 1. c. 7. vocat *Disciplinam*, & sic definit. *Disciplina Religiosa est omnium membrorum motus ordinatus, & dispositio decens in habitu, & actione.* Ab aliis vocatur *Honestas*, & definitur: *Honestas est spiritualis quædam in actionibus pulchritudo, & decor.* Ab aliis appellatur *Civilitas*, & à nonnullis *Humanitas*: communiter autem vocatur *Modestia Religiosa*, quæ bene definitur dicendô: *Modestia est verborum, actionum, & motuum exteriorum totius corporis debita moderatio; vi hujus enim Religiosus non tantum in*

Ttt

suis

suīs verbis, discursu, & conversatione, sed etiam in aliis actionibus, & motibus exterioribus ita se exhibet, ut nīl inhonestum, aut inurbanum, nīl dissolutum, nīl scandalosum, aut indecens in eo externē, sed in cunctis modestus, verecundus, maturus, humanus, humilis, & mansuetus: uno verbo, irreprehensibilis, indēque meritō amabilis, & ædificativus appareat; adeō, ut Disciplina, & Modestia Religiosa externa, verē omnem externam virtutem, præsertim honestatem, verecundiam, humilitatem, mansuetudinem, veritatem, sinceritatem, prudentiam, humanitatem, & civilitatem comprehendat, uti magis patebit ex sequentibus.

2. Resp. II. Modestia, Civilitas, & reliqua Disciplina Religiosa externa, à communi Sanctorum Patrum & Ascetarum adeō semper fuit æstimata, & commendata, ut una ex virtutibus non tantū Religioso, sed & toti Religioni summē proficiuis, & necessariis tum ad propriam, tum aliorum salutem procurandam, meritō reputetur. Rationem de propria salute allegat Sanctus Bonaventura *loc. cit. c. 7.*

Quia Disciplina, inquit; est malorum desideriorum carcer, frænam lascivie, elationis jugum, quæ domas intemperantiam, levitatem ligat, & inordinatos motus mentis suffocat. Sicut enim de inconstantia mentis nascitur inordinata motio corporis; ita quoque, dum corpus per Disciplinam stringitur, animus ad constantiam solidatur, & paulatim intrinsecus mens ad quietem componitur, cum per Disciplina custodiam mali motus foras fluere non sinuntur.

3. Ratio autem de salute proximi est; quia nulla virtus Religionem, & Religiosum adeō commendat, nulla æstimationem & famam ejus ita procurat, amorem & affectum conciliat, nulla proximum ita ædificat, & ad imitandum disponit, ac Modestia, & Disciplina religiosa externa; sicut e contra nīl Religionem, & Religiosos adeō contemptibiles, atq; ad Dei gloriam, & salutem aliorum procurandam ineptos reddit, ac defectus Disciplinae, & Modestiae externae, vel vitia ei opposita, qualia v. g. sunt dissolutio, scurrilitas, muli-vel stultiloquium, clamorositas, contentio, ira, falsa politica, inurbanitas, temeritas, jactantia &c.

4. Experienciâ etiam conſtat, eam Religionem, & Religioſos magis æſtimari, & amari, indeque ad Dei gloriam, & proximi procurandam ſalutem magis idoneos eſſe, in quibus major viget Modestia, & Diſciplina Religioſa externâ; quia homines judicant, & moventur ſecundum ea, quæ externè apparent, nec immeritò; cùm juxta S. Bonaventuram externa compositio corporis ſit indicium devotæ, & compositæ mentis, ac hominis internè bene diſciplinati; cò quòd homo internè malè conſtitutus, aut indiſciplinatus, externam diſciplinam, & modestiam, quantumvis velit, diu ſimulare non poſſit, quin interni defectus, & mali affectus indiſciplinatæ mentis, inordinatorum affectuum, paſſionum, aut malorum habituum paſſim ſe prodant, & externam diſciplinam, ac modestiam, quam præferre ad tempus videtur, commaculent. Hinc S. Bonaventura de ſex aliis Seraphim. cap. 3. ait: *Cavenda eſt negligentia exterioris Diſcipline, quæ pro decore Religionis, & habilitationis proſectûs ſpiritualis ſtatuta eſt; cujus deſectio ſignum eſt neglectæ conſcientiæ, & interioris levi-*

tatis. Pariformiter de præſtantia, utilitate, & neceſſitate modestiae, & diſciplinæ externæ loquuntur alii SS. Patres.

5. Principaliter verò ipſa Scriptura Sacra, exemplum, & doctrina Chriſti, B. V. Mariæ, S. P. FRANCISCI, & aliorum præſtantiam, utilitatem, & neceſſitatem nobis innuunt, & ad eam amplectendam non tam movent, quàm trahunt. *Induite vos*, inquit Apoſtolus *Coloſſ. 3. v. 12. ſicut electi Dei, ſancti, & dilecti, benignitatem, humilitatem, modestiam.* & *ad Philipp. 4. v. 5. Modestia veſtra nota ſit omnibus hominibus.* item *1. ad Theſſalon. 4. v. 10. & ut Rogamus vos fratres, ut abundetis magis, & operam detis, ut quieti ſiſis, & ut beneſtè ambuletis ad eos, qui foris ſunt.* Dein variis in locis Doctor gentium commendat nobis humanitatem, & urbanitatem debitam (quæ eſt pars modestiae, ac diſciplinæ religioſæ) dum *12. Rom. v. 10. vult*, ut ſimus *Honore invicem prævenientes*: & reddamus debitum *Honorem, cui bonorem.* *Ibidem 13. v. 7.* Pariter manſuetudo, & humilitas tanquam partes diſciplinæ, & modestiae religioſæ paſſim nobis commendantur; ſic enim Eccleſiaſtes *c. 3. v. 19. monet:*

518 *Caput XVIII. De Disciplina & Modestia Religiosa &c.*

Fili, in mansuetudine opera tua perfice, & super hominum gloriam diligeris. Proverb. 3. v. 34. Mansuetus dabit gratiam. Psalm. 36. v. 11. Mansueti delectabuntur in multitudine pacis. & Prov. 22. v. 4. Finis modestiæ, timor Domini, divitiæ, & gloria, & vita.

6. Sanè Christus Dominus inter alias virtutes specialissimè amabilem, & imitabilem etiam externè se exhibuit in modestia, mansuetudine, & humilitate, eaque homines ad sui amorem, & imitationem efficacissimè traxit, adeò, ut Apostolus aliquos seriò adhortari, & convertere volens, credensque, non esse efficacius medium aliquem movendi, & trahendi, quàm per vel cogitatam duntaxat modestiam, & mansuetudinem Christi 2. Cor. 10. v. 1. utatur illis verbis: *Obsecro vos per mansuetudinem, & modestiam Christi.* Porro Amantissimus Servator sicut factis; ita verbis modestiam, mansuetudinem, & humilitatem nos docuit, signanter volens, ut has virtutes ab eo disceremus, dicendò: *Discite à me, quia mitis sum, & humilis corde, & invenietis requiem animabus vestris. Matth. 11. v. 29.*

7. Mirabilia sunt, quæ de modestia, mansuetudine, benignita-

te, & honestate externa B. V. Mariæ scribunt SS. Patres: paucis complectendò, erat perfectissima imitatrix modestissimi, & mansuetissimi Filii, ita, ut sicut ex hujus, ita etiam ex illius solo aspectu, ad amandam, & imitandam amabilissimam modestiæ virtutem homines moverentur.

8. De S. Patre nostro constat, quòd tantæ fuerit modestiæ, ut ex solo etiam illius aspectu magis conversi fuerint homines, quàm ex Concionatorum multorum eloquentia; pro ut & ipse modestum, ac exemplarem incesum, & vitam, concionem omnium optimam nominavit, & ita incedendò concionari se dixit. Unde virtutem modestiæ, & disciplinæ externæ summè æstimans, eam Fratribus suis in Regula summo opere commendavit, & observandam proposuit, volens expressè *Cap. 3. Reg. Ut non litigent, neque contendant verbis, nec alios judicent, sed sint mites, pacifici, modesti, mansueti, & humiles, honestè loquentes omnibus, sicut decet.* Quibus planè divinis verbis virtutem modestiæ religiosæ, & disciplinæ externæ, partésque illius pulcherrimè expressit, & ut servarentur, cor-

cordialissimè, & efficacissimè rogavit, ac voluit, urgendò: *Consulo, moneo, & exhortor fratres meos; & quidem: in Domino JESU Christo, ut sint mites. &c.*

9. Quare Charissimi! si pacem, & quietem animæ vestræ cum ingenti merito habere, si Dei gloriam, & salutem proximi efficaciter promovere, si Religionis, & vestram etiam famam, ac honorem conservare, & promovere, si coram Deo & hominibus accepti esse velitis, semper & ubique maximè cordi habere, amate, & observate modestiam, honestatem, mansuetudinem, civilitatem, & disciplinam religiosam externam: memoriæ altè imprimite, & in praxin, ac habitum deducere studete eas, quas tum generales, tum particulares subjungemus, Regulas.

10. Quæritur II. Ubi, & à quibus Modestia, & Disciplina Religiosa sit observanda? Resp. I. Ea semper quidem, & ubique, etiam, dum soli sumus, præcipuè tamen in publico coram aliis, & ibi est studiosè observanda, ubi neglecta generat scandalum, vel custodita bonæ imitationis exemplum; prout rectè docet S. Bonaventura *Spec. Nov. part. 1. cap. 7.* dicens:

„ Quamvis in nullo loco disciplinam suam homo deserere debeat, diligentius tamen, & magis sollicitè ibi est servanda, ubi neglecta generat scandalum, vel custodita bonæ imitationis exemplum: „ ubi postea meritò subjungit; „ sæpe tamen etiam illa (ad modestiam & disciplinam externam spectantia) quæ in publico necessaria sunt, prius in secreto exercitationis ulum exposcunt; quia, si prorsus ea in occulto negligimus, uti postmodum eis, dum opus est, in publico non valemus, & tunc aut prorsus à disciplina deficientes intuentibus scandalum facimus, aut ineptè id, quod in nobis non est, simulare conantes, irrisiorem excitamus. „

11. Quare in Christo admonemini Charissimi, & in Domino rogamini, ut, dum etiam soli, & extra conspectum Superiorum, vel aliorum estis, omnem modestiam, mansuetudinem, honestatem, & disciplinam in verbis, moribus, & actionibus externis juxta regulas infra ponendas observetis, honore, obsequio, & charitate invicem prævenientes &c. quia certum est, quòd, qui in claustrò immodestus & in-

disciplinatus esse assuescit, etiam coram aliis, & in publico, talis futurus sit.

12. Resp. II. Disciplina, & Modestia Religiosa externa ab omnibus, & singulis, præcipuè tamen à Juvenibus Religiosis exactè est custodienda; quòd ab omnibus, etiam Senioribus, & Superioribus sit observanda, suadent paulò ante dicta: quòd verò specialiter à Juvenibus servari debeat, variè in *Speculo Discipline* demonstrat S. Bonavent. inter alia *Part. 1. cap. 5.* dicens: *Religionis confusio, juvenis presumptuosus, & effrons: dum econtra de disciplinato, modesto, & verecundo*

dicat S. Bernardus *Serm. 86. super Cantica*: „ Quid amabilius verecundo adolescente? quàm pulchra hæc, & quàm splendida gemma, verecundia morum in vita, & vultu adolescentis? quàm vera, & minimè dubia bonæ nuntia spei? bonæ indolis index? virga disciplinæ, expunctrice malorum & propugnatrix puritatis innatæ, specialis gloria conscientie, famæ custos, vitæ decus, virtutis sedes, virtutum primitiæ, naturæ laus, & insigne totius honesti? „ Quis non moveatur à tanta laude, & fructibus modestiæ, & verecundiæ in Juvene Religioso?

§. II.

De Regulis Modestiae, Civilitatis, & Disciplina Religiosa externa in communi.

13. **A** Pud omnes in confesso est, de Modestia, & Disciplina Religiosa externa exactissimè, simul & sanctissimè scripsisse in suis Opusculis Doctorem nostrum Seraphicum S. Bonaventuram, adeò, ut plures Religiones, spiritum, prudentiam, & doctrinam hujus Vici tanquam verè Seraphicam,

& divinitus inspiratam admirantes, ex dictis Opusculis, præsertim verò ex *Speculo Discipline* ad Novitios, formam & regulas modestiæ, ac disciplinæ religiosæ externæ pro suis alumnis desumant, eisque servandas præscribant: & meritò, cùm vix melius, perfectius, & sanctius ad propositum excogitari possit, ac soli-

solidissima doctrina hujus Viri; quam, sicut in aliis ejusdem Tomis, ita in præfatis Opusculis diu nocturne legens, & considerans, ac legendò nusquam satiari valens, celeberrimus Cancellarius Parisiensis Gerson plenus admiratione, & æstimatione hujus Viri dicere solebat: „ Quantò diligentius in senectute mea sum revolutus ad studium ipsius, tantò confusa est garrulitas mea, dixique mecum, sufficit hæc Doctrina: ut quid stulto labore consumeris? quid dictas? quid scribis? multiplicentur potius, & transcribantur Opera Doctoris istius, qui verissimo nomine Seraphicus, simul & Cherubicus est; quia inflammat affectum, & erudit intellectum. „ Jam

14. Quæritur. Quæ sint communes, & universales, siye generales Regulæ Modestiae, Honestatis, Civilitatis, & reliquæ Disciplinæ Religiosæ externæ? Resp. *Prima* generalis & universalis Regula est. Attentè legere, & re-legere, bene imprimere, debitè observare, & in praxin, seu habitum deducere Regulæ, & Doctrinam, quam de hac materia in suis Opusculis, præsertim verò in Speculo Disciplinæ ad Novitios,

scripsit D. Bonaventura: quia hanc observantes eritis reverè perfectè modesti, civiles, & undique perfectè disciplinati Religiosi: unde, ut primam hanc universalem, & principalem regulam observetis, consequenter, ut laudati S. Bonaventuræ doctrinam, in specie verò ejusdem Speculum Disciplinæ ad Novitios attentè ac debitè (nempe juxta regulas rectè legendi supra *Cap. XI. à num. 20.* traditas) tempore à Superioribus præscripto legatis, & relegatis, ac in praxin deducatis, nec tantum in Novitiatu, & primis annis conversionis vestræ, sed & in quavis alia subsequenti ætate, statu, & officio deinceps constanter observetis, necesse est. Quippe non ideo ad Novitios inscriptum est, quasi pro illis solis serviret, illique soli illud servare deberent, sed ut ex illo Novitii, & alii juvenes Religiosi primis statim annis instruantur, & addiscant, qualiter reliquo vitæ tempore in quocunque statu aut officio modestiam, civilitatem, & reliquam disciplinam religiosam externam observare debeant.

15. Caterùm, quia reliqua Opuscula S. hujus Doctoris Ecclesiae

clesiæ, uti *de Institutione Novitiorum: de Regulis Novitiorum: de Profectu Religiosorum &c.* non omnibus sunt ad manus, ex illis, & ex Speculo Disciplinæ regulas aliquas communes, & particulares pro commoditate, & utilitate vestra compendiosè extractæ sunt; debita tamen lectio, & relectio Speculi Disciplinæ impensè commendatur.

16. *Secunda Regula universalis.* Modestia, & Disciplina externa non tantum coram hominibus, sed etiam vel maximè coram Deo, & Angelo Custode exhibenda est, ita, ut solus existens tam disciplinatè & castè te habeas in visu, gestu, tactu, gressu & omnibus aliis, ac si ab aliquo advertereris. Hanc regulam tradit S. Bonaventura *de Institut. Novitiorum. p. 1. cap. 16.* ubi etiam rationem refert illis verbis: „ Quia SS. Angeli, qui nobiscum sunt, semper vident omnia opera, quæ facimus, quorum aspectus debemus ubique vereri, & præsentiam revereri. Videt nos etiam ipse Deus, & Judex noster; videt etiam nos ipsa conscientia nostra, testis eorum, quæ facimus, & accusatrix. Quia autem magis veretur hominum

aspectus, quàm Dei, & conscientiæ propriæ, & SS. Angelorum, non est castus amator boni, & qui non declinat ex amore veri boni, sed ex timore detrimenti temporalis honoris, talis non est verus Christi servus, qui adhuc magis placere cupit hominibus, quàm Deo; unde Apostolus: si adhuc hominibus placerem, Christi servus non essem: cui enim plùs doles displicere, ei plùs appetis placere. „ quamvis enim Deus cor potissimum respiciat, omnino tamen decet, ut internæ Modestiæ, reverentiæ, & Disciplinæ erga DEUM, externa quoque correspondeat.

17. Accedit, quòd, qui quovis etiam occulto in loco ob DEUM, & Angelum Custodem præsentem, in omnibus modestum, reverentialem, & disciplinatum se exhibet, præsentis DEI jugiter recordari, grandicum utilitate spiritali assuescat, ac insuper præter magnum meritum, quod ex quolibet, etiam minimo actu modestiæ, aut reverentiæ erga DEUM habet, id quoque obtineat, quòd modestiam ac disciplinam externam faciliùs, & perfectiùs etiam coram hominibus exerceat. Quare
omnis

omnis gestus, actio, vel positio corporis, quæ coram quocunque homine esset indecora, multò magis coram Deo, & Angelis ob respectum & reverentiam erga illos cavenda erit, adeò, ut, licet ob necessitatem, infirmitatem, aut debilitatè naturæ multa honestè fieri possint, quæ honestè videri non possunt (ut ait Sanctus Bonaventura) tamen etiam in his, ob præsentiam Dei, & Angelorum, bene attendi debeat, ut, quantum possibile est, modestia, & honestas observetur.

18. Errant proinde contra hanc Regulam, qui, quando à conspectu hominum remoti sunt, in situ, & compositione corporis, & membrorum, ac in actionibus suis exterioribus solam sensualitatem, aut commoditatem suam attendentes, sine ullo respectu erga DEUM, & Angelum Custodem præsentem, nullas modestiæ, honestatis, ac reverentiæ leges observant, ne quidem in precibus, & conversatione cum Deo.

19. Tertia universalis Regula est. Quivis modestiæ, reverentiæ, ac disciplinæ Religiosæ actus, sive coram solo Deo, sive co-

Nudecker Pars Prior.

ram hominibus fiat, ex serio, sincero animo, & eo fine, ac intentione procedat, ad quem à Deo, Superioribus, vel ipsa natura ordinatus est, ita, ut exterior actus cum interno correspondeat, &, ubi finis specialis non constat, saltem ex motivo obedientiæ (quia videlicet ita Superior, consequenter Deus vult, & præscribit) vel ædificationis, charitatis, pacis &c. fiat.

20. Errant contra hanc Regulam mundanorum plurimi, qui quidem externos modestiæ, urbanitatis, reverentiæ, submissionis, & sincerationis actus plurimos passim exercent, ac multiplicant, id tamen non sincero animo, nec debito fine, sed plerumque vel ex mera falsapolitica, vel ex amore, ac interesse proprio id faciunt, internis cum externis actibus minimè correspondentibus.

21. Errant pro dolor! & plures Religiosi contra hanc Regulam, qui ad imitationem secularium sæpe etiam externos aliquos modestiæ, civilitatis, & humilitatis actus vel ex solo amore proprio, hypocrisis, vana gloria, & ambitione, vel ex alia simulatione, aut falsa politica

Uuu

huma-

humana exercent, quam, tanquam Deo summè odiosam, & animæ perniciosam, ut totâ vitâ omnibus viribus fugere studeatis, per omnia sancta, & animæ vestræ salutem enixè rogamini.

22. *Quarta* Regula universalis est. In exhibenda aliis, sive nostris, sive alienis urbanitate, & reverentia, non fiat excessus, nec ad imitationem modi politici sæcularis; quia nimia urbanitas, excessivæ cæremoniæ & complementa sunt odiosa, & plerumque ex mente minùs sincera prodeunt, & modus politicus sæcularium Religiosum (præsertim pauperem) undequaque dedecet. Alia siquidem est Schola urbanitatis sæcularis, alia urbanitatis Religiosæ. Et sæpe, quod in sæculari decorum est, in Religioso indecens foret.

23. *Quinta* Regula universalis, eaque bene imprimenda, est. In omnibus actionibus nostris externis appareat unâ cum modestia maturitas, humilitas, & benignitas. Hanc regulam tradit S. Bonaventura *lib. 2 de Profectu Religiosorum. cap. 11.* illis verbis. „Morum disciplina in Religiosis triplici colore decoratur: si sunt maturi, humiles, & benigni.

Maturi, ut non sint leves ad currendum, nec proni ad risum, vel curiosi, vel verbosi, nec joculariores. Maturitas intus mentem componit, & totum corpus exterius ab insolentia custodit. Caput regit, ne leviter hinc inde circumferatur; oculos, ne vagentur; aures, ne curiosè auscultent, quæ minùs expediunt; linguam refrænât ab otiosis, & infructuosis verbis; manus ab inutilibus occupationibus; pedes à vanis deambulationibus, & indecentibus divaricationibus, & totum corpus ab inquieto motu cohibet, nisi secundum quod ratio exposcit. Humilitas morum deprimat cervicem, humile format responsum, gestus complanat, vestitum simplicem amat, sese inter novissimos locat, ostentationis declinat notam, singularitatem fugit, ad aliorum obsequia agilem se facit, ad opprobria tacitum, ad honores oblatos verecundum, promptum ad descendendum, difficilem ad indignandum. Benignitas facit amabilem, & compassivum afflictis, tractabilem, & exorabilem, & flexibilem ad consilia, communicativum sui, & suorum, in bono hilarem, & modestum,

destum, & jucundum, fidelem, & socialem, nullum spernentem, vel temerè judicantem, gratum, beneficum, omnibus gratiosum. Benignitas facit, ne austera, & dedignabunda putetur. Contra Maturitas temperat benignitatem, ne levis, & carnaliter blandiens, vel adulatoriè applaudens æstimetur. Temperat humilitatem, ne nimis abjecta, vel affectata videatur. Hu-

milas reddit imitabilem, Benignitas amabilem, Maturitas venerabilem. „

24. Visis iis, quæ de Regulis generalibus Modestiae Religiosae in communi differuimus, recto ordine ad Regulas etiam particulares, quibus Juvenis Religiosus circa debitam compositionem totius hominis exterioris dirigitur, per subsequentes §§. progredimur; unde ponitur

§. III.

De Regulis Modestiae, Mansuetudinis, Urbanitatis, & Discipline Religiosae externae in usu Linguae, Discursu, & Conversatione cum aliis.

25. **Q**uæritur primò. Quæ sint regulæ Modestiae, Urbanitatis, & Discipline Religiosae externae in loquendo, seu discurrendo observandæ? Resp. De his bene agere S. Bonaventuram in *spec. Disciplinæ. Part. I. c. 20.* (cujus proin Doctrinam attentè legatis, bene imprimatis, & debite observatis, oportet, Charissimi) pro majori tamen vestra commoditate ex doctrina S. Bonaventuræ, & aliorum certas quasdam regulas loquendi, & discurrendi subjungimus, & sunt sequentes.

26. 1. Regula. Nulla locutio, vel discursus, quicumque tandem, fiat cum clamore, seu clamorosa & alta voce, sed cum quadam submissa, & suavi, virili tamen, non examinata, vel affectata voce.

27. Hanc Regulam ferè omnes SS. Patres, ac spiritualium rerum Magistri tradunt, & summo opere commendant, præsertim D. Bonaventura *loc. cit.* ubi ait: „ Loquentis sonus debet esse demissus pariter, & suavis „
U u u 2 quia

quia clamositas & verborum asperitas locutionem Religiosi plurimum quidem & dedecet, & deturpat. „ Et S. Bernardus ex S. Benedicto clamorosa vocem in loquendo inter gradus superbiæ ponit.

28 II. Regula. Quævis locutio sit mitis, & mansueta, id est, à quavis ira, indignatione, & impetuositate totaliter aliena. Hanc Regulam S. Scriptura, & SS. Patres plurimum commendant, & in omni discursu erga omnes omnino observari volunt. *Omnes ostendentes mansuetudinem ad omnes*, scribit S. Paulus *ad Titum c. 3. v. 2.* Et S. Pater Franciscus in Regula sua expressè ordinat, ut Fratres in discursu sint *mites, & mansueti*: ac S. Bonaventura *loc. cit.* hanc regulam maxime servari volens, ait: „ Sive Fratri, sive extraneo, sive magno, sive parvo loquantur, semper in ore verbi dulcedinem habeant, omnem ad omnes mansuetudinem ostendentes. „

29. III. Regula. Quævis locutio sit pacifica, id est, sine litigiosa contradictione, vel irreligiosa contentione verborum. Si de re aliqua diversa nobis opinio, sententia, vel scientia est, eaque manifestanda videtur, ra-

tiones modeste, humiliter, & charitative, absque altercatione proponantur, eo animo, ut suus veritati locus sit, non ut unus alterum confundat, vel convincat. Hujus Regulæ observantiam specialissime desiderat S. Pater Seraphicus in Christo JESU adhortans suos, *ne litigent, vel contendant verbis, sed sint mites, pacifici &c.* „ Indignum penitus servus Dei (ait S. Bonaventura *ibid.*) muliercularum more contendere; si resistentiæ incidant verba, cedendum continuo resistenti. Honor est homini, qui separat se à contentione. Non potest esse, quin contentio aliquid, quod contra conscientiam dicatur, extorqueat; ergo inter servos DEI collatio, non altercatio debet esse. „

30. Contra hanc regulam errant plures, etiam Religiosi, qui diversas inter se opiniones, vel sententias de eadem re pertinaciter tenentes, sine modestia, humilitate, & charitate, clamorosè, ac irreligiosè altercantur, & verbis contendunt, ita, ut subinde in litigia, & mutuas contumelias scandalosè declinent, etiam in casu, in quo de materia nullius prorsus momenti quæstio, vel sermo est.

31. IV. Regula est. Omnis sermo sit charitativus, id est, ab omni detractioe, contumelia, & alia quavis mala locutione, vel murmuratione de alio (sive praesente, sive absente) penitus alienus; sicut etiam à verbis mordacibus, directè, vel indirectè punctoriis, aut ad alterius confusionem, irrisiōem &c. tendentibus. Commendat hanc regulam praelaudatus Doctor Seraphicus *de Insuper. Novit. p. 1. c. 23.* scribens: „Sic loquere de absente, ac si scires eum prope assistere, & auscultare. Non timeat te quisquam, quod in absentia sua famam ejus denigres: magnum vitium est! Religioso, dicere de absente, quod erubesceret loqui, si audiret., *Ecce 22 ibidem:* „Verba tua sint sine compunctione amaritudinis, & obliquae redargutionis, vel irrisiōis „Et S. Pater Benedictus *in Regula c. 34.* *Murmurare, aut conqueri nesciant, nec murmurationis malum pro qualicunque causa, in aliquo qualicunque verbo, vel significatione appareat:* uti citatur à S. Bonavent. *Spec. Nov. p. 1. c. 20.*

32. V. Regula est. Quævis locutio sit humilis, nullam redolens superbiam, praesertim verò omnis, quæcunque tandem

jaetantia, seu gloriatio de se, vel de suis, diligentissimè caveatur. Jaetantia siquidem Deo, & hominibus multum exosa, privat bene facta meritis, & loco æstimationis, vel laudis, quam jaetans intendit, despectum, & vilipensionem, certissimè affert, „Jaetantiam, inquit S. Bonav. *de Insuper. Nov. p. 1. c. 25.* quàm diligentissimè cave, & nunquam des alicui intelligere, quod aliquid sit in te commendabile: vix enim potest in te aliquid laudabile esse, quin etiam alii intelligant: & si tu taces, & abscondis, plus placebis, si autem prodis, & commendas, irrideberis, & vilesces, & unde prius ædificabantur, inde postea despicient te.,

33. VI. Regula est. Omnis locutio sit quieta, pacata, & serena, eodem semper, eoque sereno vultu, sine ullo signo turbatae mentis, inordinatae commotionis, aut passionis, tædii, vel aversionis: sicut etiam sine inordinato membrorum e. g. capitis, manuum &c. motu. Hanc regulam tradit S. Bonavent. *cap. 20. Specul. Discipl.* dicens: „Modestiam debet habere gestus loquentis, ut nec inordinatè, nec turbulentè inter loquendum membra moveat, nec oculo-

rum nutibûs, labiorum contractione, vel altero non decenti alterationis modo vultûs honestatem deformet, sed in eadem vultûs constantia semper permanens, severitatem benignam, & constantem benignitatem prætendat. Errant contra hanc regulam plures, qui plûs manibûs, quam ore loquuntur; item, qui tristi, vel melancholica facie apparentes, verba non nisi cum fastidio, vel impatientia proferunt, & inconstante vultu, & affectu, modôque loquendi, internam inordinatam, & inconstantem mentem satis ostendunt.

34. VII. Regula est. Sermo, & discursus quivis omni cum sinceritate, & veritate fiat, ita, ut non tantùm ab omni politica falsitate, simulatione, adulatione, quovis mendacio, & duplicitate, sed etiam à quavis hyperbolica, ac exaggerativa locutione sit penitus alienus. Hanc regulam ipsemet commendat Spiritus Sanctus *Ecclesi. 37. v. 20. Ante omnia opera verbum verax præcedat te.* & præter alios SS. Patres D. Bonaventura, volens, ut ad eam observandam incerta & dubia, non absolute proferantur pro certis, aut e contra, sed sem-

per cum aliqua conditione vel clausula veritatem tuitiva, „Non solùm mendacia (ait *loc. mox cit.*) verùm etiam locutiones hyperbolicas, & aliqua duplicitate notabiles, penitus vitent; loquentes de dubiis, aut futuris nunquam absolute loquantur, sed in huiusmodi omnibus semper conditionem apponant. „Hæc regula cò cautiùs & exactiùs observanda erit, quò magis ejus transgressio Religiosum reddit contemptibilem, & exosum, ejusque bonam famam, & estimationem plurimùm minuit; si enim etiam in saculari mendacium, falsa politica, vel affectata verba contemptum pariunt, famamque, & estimationem minuunt, multò magis in Religioso id efficiunt, utpote in quo specialiter turpe esset, in verbis esse mendacem, affectatum, vel falsum politicum.

35. VIII. Regula est. Omnis locutio sit humana, & urbana, erga omnes, suum cuivis honorem deferens, ab omni rusticitate, & verbis incultis aliena. Sic etiam vult S. Paulus *ad Rom. 12. v. 10. absolute, Ut simus bonore invicem pravenientes*; & S. Pater Franciscus in Regula, ut simus *Honesti*

(id.

(id est, debita cum humanitate, urbanitate &c. *loquentes omnibus, prout docet*, pro qualitate videlicet statûs, & personæ, cui loquimur.

36. IX. Regula est. Omnis locutio sit seria, utilis, vel necessaria, à vaniloquio, nugis, jocis, & verbis otiosis aliena. „Otiosa verba, inquit S. Bonaventura *P. 1. c. 20. Specul. Discipl.* non conveniunt Religiosæ dignitati. Nugæ, ut ait S. Bernardus *Lib. 2. de Considerat. cap. 13.* inter sæculares, nugæ sunt, in ore Sacerdotis aut Religiosi blasphemix. Interdum, si incidant, ferendæ fortasse, referendæ nunquam. Os talibus aperire, illicitum, assuescere sacrilegum est. Foedè ad cachinnum moveris, foediùs moves. Dissuesce à vaniloquio linguam, qui ad profectum Religionis aspiras. „ Processurus in publicum, præmuni teipsum, & animo statue, à verbis inanibus abstinere. Quòd si subinde tempore recreationis, vel distractionis, aut ad exhilarandum proximum ex virtute eutrapeliæ jocosum aliquid proferendum videtur, id parcè omnino, modestè, honestè, & charitative sine ullius offensa fiat.

37. X. Regula est. Nulla lo-

cutio juramentò firmetur, nisi Judicium, vel Obedientia id requirat. Nam, ut ait S. Bonav. *loc. cit.* „ Jurare nunc per caput, nunc per Sanctos, vel alio quovis modo, Christi (qui ait: sit sermo vester, est; est, non, non) discipulo minimè congruit. „ Accedit, quòd illi, qui sæpe jurat, minùs credatur, utpòte qui ita jurandò ostendit, verba sua absque juramento veritatis incerta esse. Debemus esse ita veridici, ut nobis sine juramento credatur.

38. XI. Regula est. Quævis locutio fiat tardè, cum humili quadam modestia; & suavi gravitate Religiosa, sine ulla præcipitantia, vel celeritate verborum.

39. XII. Regula est. Omnis locutio sit considerata, matura, ac parca, seu nunquam inconsideratè, imprudenter, & superfluè fiat. Hæc regula ad debitam observantiam cujuslibet ex præcedentibus summè est necessaria; qui enim inconsideratè id statim, quod incidit, vel ad quod inordinatus affectus naturalis, aut passio inclinat, sine ulla consideratione effutit, unam vel plures regulas modestiæ, urbanit-

banitatis, & disciplinæ religio-
sæ ordinariè violabit, & alios
errores cum suo, & aliorum
damno committet; quia cer-
tum est, quod dicit Scriptura
*Prov. 13. v. 3. Qui inconsideratus est
ad loquendum, sentiet mala.* Item
*Prov. 10. v. 19. In multiloquio non
decrevit peccatum.* hinc rectè mo-
net S. Bonaventura *cit. cap. 20.*
*Sapiens, quando loquendum, quando
tacendum sit, prudenter considerat.*
Est autem hæc regula specialiter
observanda à junioribus Reli-
giosis: nam, ut ait S. Bonavent.
*ibidem: Junioribus fratribus ferè
semper inter Seniores usque ad inter-
rogationem tacendum.* *Adolescens,
ait Scriptura, loquere in tua causa
vix, cum necesse fuerit, si bis in-
terrogatus fueris, habeat caput re-
sponsum tuum.* *Eccli. 32. v. 11. &c.*

40. Errant contra hanc regu-
lam, qui statim, quod incidit,
vel ad quod passio, aut affectus
inclinat, sine ulla considera-
tione, sive materiæ, sive perso-
narum, locorum &c. ex garru-
litate, vel inordinato affectu,
aut passione, vel ex vana glò-
ria, ut & ipsi aliquid scire vide-
antur, imprudenter, vel præ-
sumptuosè effutiant, præsertim,

si etiam multum, & superflue
loquantur; qui etiam plerum-
que ex unico tali discursu suam
æstimationem, siquam prius ha-
bebant, vel perdunt; vel certè
plurimum minuunt.

41. Quæritur II. Quæ aliæ
adhuc sint Regulæ Disciplinæ,
Modestiae & Urbanitatis Reli-
giosæ in discursu & conversatio-
ne cum aliis? Resp. Esse plures,
quarum aliquas ex S. Bonaven-
tura, & aliis SS. Patribus, asce-
sis item, & disciplinæ regularis
Magistris, de verbo ad verbum
quasi desumptas, hinc subjunge-
mus, ita tamen, ut ab eorum
allegatione abstinentes, brevi-
ter tantum ipsam regulam addu-
camus, usum & praxin illarum
vobis impensè commendantes.

I. Est loquente alio nunquam
loquaris, nec loquentium ver-
ba quovis pacto interrompere
præsumas.

II. Cum quis narrare coepe-
rit quidpiam, non ostendas nar-
ranti, te id ante jam scire; mul-
tò minus dicta illius corrigas, aut
refellas; sed nec aliquibus signis,
aut nutibus, & rem probè te in-
telligere, vanè ostentes.

III. Si in privato discursu lo-
quenti

quenti cuiquam non protinus verba suppetant, quibus suum compleat sensum, tu non statim suppleas, velut loquenti subvenies, sed vel omnino tace, vel parum expecta, quatenus interea ipsi narranti incidere valeant necessaria verba.

IV. Si de te, vel tuis, & aliis simul quid narras, te, vel tuos ultimò adducito v.g. *dum Titius, Mevius, & ego eramus ibi.*

V. Si dicat, vel committat aliquis quidpiam indecens, verecundiae illius consulens, dissimula te advertisse, & nullatenus errorem commissum importunè indica aliis, multò minùs subfannandò, vel subridendò excipe.

VI. Secretò loquentibus ne te ingeras, vel appropies; sed nec, aliis præsentibus, cum uno illorum secretius ad aurem loquaris; hoc enim nimis offensivum aliorum est, qui te minùs sibi fidere exinde facile putant.

VII. Vocaturus aliquem accedito propius ad ipsum; turpe enim est, sibilò de longè, aut nutu manùs vocare aliquem, præsertim si sit dignior; nisi nimia distantia, difficilis accessus,

Naudecker Pars Prior.

vel negotium admodum urgens aliud excuset.

VIII. Dum alios alloqueris, abstineas ab omni contactu, etiam ludicro, & jocosò, non tantùm vultùs & manùs, sed etiam vestimentorum.

IX. Nullum Religiosum solo nomine suo appelles, dicendò v.g. *Paule accede*, sed appone religiosæ prænominis insigne v.g. *Pater Paule, Frater Petre.* Graviores verò, & in officio constitutis, titulum juxta leges Ordinis debitum prapone, & ipsum nomen Personæ omittens, nomen Officii appone.

X. Tuificationem, & locutionem in secunda persona *tu, te, tibi*, respectu omnium tam extraneorum, quàm confratrum evita: & semper in plurali loquere, *Vos, Vobis*, nisi puerulus fortè sit, cui loqueris. Porro in numero plurali loquens, urbaniori modò utere, etiam inter confratres, consequenter non utaris germanicò vocabulò *Ihr, Euch* v.g. *Ihr sollt zu diesem gehen: thut ihr das: Ich will Euch sagen* &c. sed adhibe vocabulum, *Er, der, Sie* &c.

XI. Solus tecum nec colloque-
Xxx re,

re, nec ride, quia stultorum hæc sunt signa.

XII. Colloquens cum altero, vultui illius non nimium appropinqua, sed paululum dista; & diligentissime cave, ne halitus aspiratione in faciem illius insuffles, aut per halitum ipsum forsân foetidum ex indigesto cibo, vel potu, vel aliâs malè constituto stomacho, aut ore proveniente, sensus, & nares offendas, quod apprimè cavendum.

XIII. Nulli vitia exprobres; nec naturæ quidem.

XIV. Si alii de re aliqua contendunt, nulli, nisi quid cogat, accedito; quod sentis, pertinaciter non defende.

XV. Somnia tua nemini, nisi fortasse ex causa rationabili intimis tuis familiaribus referro.

XVI. Verbis linguæ tibi ignotæ, aut quam non bene calles, non loquere, nisi in re necessaria, aut ut animi tui sensum magis exprimas: vernaculâ utens, non inconcinne, ut rustici, aut plebei, sed ut politiores, cultè, & eleganter, minimè tamen affectatè, loquere.

XVII. In conversatione non sis morosus, & difficilis, sed co-

mis, affabilis, & liberaliter, modestè tamen, ac humiliter officiosus.

XVIII. Dum aliorum colloquio intervenis, non percontare, qua de re sit sermo, sed potius, si eos conticuissè senties, quia tibi referre cogitant, urbanè, & comiter precare, ut inceptum continuent; e contra, si tibi colloquenti quis intervenit, præsertim vir spectatus, & gravis, decorum erit, sermonem habitum compendiosè referre, & deinceps totum prosegui.

XIX. Hominum cum hominibus comparisonem evita, omnis enim comparatio odiosa: adeoque etiam tunc, si quis ob rem bene gestam, aut ob aliam virtutem laudatur, coram eo alterum de eadem virtute non laudes.

XX. Lacesitus verbò, aut injuriosè appellatus nec respondeas, neque te defendas, sed ex superno motivo vel tace, vel rem jocò elide, ostendens, te illâ modicè tangi.

XXI. A superfluis præambulis & excusationibus de insufficiencia tua ad dicendum abstine, & à re ipsa prudenter ordire, & sincerè proseguere.

XXII. Qui linguâ minùs expeditus, minùsve eruditus est, ambitiosè non semper loquatur, sed potiùs operam det, ut, quod linguæ deest, silentiò, & auditione, vel modicâ, eâque prudenti, & modesta locutione suppleat.

42. Quæritur III. Quænam insuper dentur regulæ Modestiae, Honestatis, & Civilitatis Religiosæ quantum ad congressum & conversationem cum aliis? Resp. Esse plures, & inter alias etiam sequentes.

I. Regula, bene imprimenda, & observanda est. In omni actione, & conversatione tua, quam cum aliis quibuscunque tandem habes, specimen animi, honorificè eos colentis, & quædam ex sincero animo procedens humilis civilitas, & modestia religiosa appareat.

II. In conversatione, vel in conspectu aliorum, etiam inter tua pietatis, & alia negotia, aut labores, nullatenus tristem, tetricum, melancholicum, vel tædiosum, sed ordinariè serenum, benignum, & modestè hilarem te exhibe. Nam, ut ait S. Leo *Serm. 4. Quadrag. Religiosorum modestia non sit mæsta, sed sancta.* hinc

tristitia est maximè in Conventu dissimulanda, & semper quædam in facie hilaritas prætendenda. Ratio inter alias est; quia facies in cunctis serena, & quodammodo hilaris, mirè ædificat, conversationem humanam gratam, facilèmq; reddit, & ad sanctam imitationem trahit; dum contra animus & facies, quæ vel in conversatione, vel etiam in suis actibus & exercitiis, quamvis aliàs piis & bonis, tristis tetricus, vel tædiosus apparet, hominem odiosum reddit, & conversationem humanam gravem efficit.

III. Quantum potes, cum maturitate, discretionè, benignitate, & sancta charitate, servatis modestiæ legibùs, omnibus te accommoda. Exemplo sit S. Paulus, qui, ut ipse scribit *1. Cor. 9. v. 22. Omnibus omnia factus sum*, Pulchrè in hanc regulam monet S. Bonavent. *Loc. cit. cap. 30.* dicens: 3, Dabit congruum, inter homines modum discretio personarum. Status, & qualitas hominum differens, differentiam exigit conversari. Habet se prudens cum differentibus differenter, cum omnibus tamen cautè. Erit simplex, non stolidus: hu-

inilis, non dejectus: mansuetus, non blandus: hilaris, non lascivus: affabilis, non vaniloquus, aut scurrilis. Quinimo interest sapientis sic, si res exigat, à rigore interdum remitti, ut modum tamen modestiæ nec in ipsa remissione dimittat. Potest gravitatis censura remitti cum tempore, non dimitti: imputanda tamen remissio, ubi nulla decentiæ, vel utilitatis intentio.

IV. Obdormiscere aliis loquentibus, sedere, dum stant, inambulare, dum immoti manent, loqui, dum tempus silendi est, vel audiendi res inurbanæ sunt, atque indecoræ.

V. Inscitum, & illiberale est, Magistro docente, legere alia, vel agere, lociosve, quò minus attentè audiant, impedire.

VI. Inter pares, aut penè pares locum ex omnibus commodiorem tibi ne eligas: ad eum invitatus pugnaciter ne resiste, utere illo modestè, ac comiter, & ostende, id obsequendi, & contentionibus occurrendi studiò te facere, simulque gratias age.

VII. Casu quo, ætate, vel dignitate valde antecellens domi

sux, vel alibi digniorem locum desert, decet, ut valde minor id modestè recuset, & valde antecellens studiosius minorem non urgeat, nec plùs quàm semel vel bis ei digniorem locum deferat, ne magnitudo precum, & crebritas facere adigat, quod non decet.

VIII. Inter æquales, vel ferè æquales par est, domi suæ alii honorificentiori locum offerre, quem oblatum primò modestè recusare, iterata autem amici petitione mox morem gerere decet.

IX. In hominum doctorum, graviùmque congressu, levicula in sermonem ne adducito: nec apud indoctos sublimiora, quàm intelligant.

X. Inter epulas, festæve tempora, tristitia ne facilè commemorato: non diritates plagarum, non immunditiarum spurcicias, nec mortis tædia, quin, si de his sermo aliunde inductus erit, tu, si potes, industriè commutato.

XI. Ubi risui locus non est, ibi cavillari, vel joculari velle, importunum est.

XII. Neminem injuriosè, neque joculò, neque extra jocum verbis perstringas. Neminem

Ludi-

ludifices, hominum præsertim & attentus, non oculos aliunde antecellentium, tametsi ab eo interquens, nec aliud agens. causam acceperis.

XIII. De nullo, & nullius rebus, ulla ratione detrahe.

XIV. Consiliis, colloquiisque ne te immisceas, quibus gratusne intervenias, tibi incertum est.

XV. Tempori, vel auditoribus aliena ne dicito, neque de rebus, si autoritate princeps non es, sententiam, vel opinionem tuam, nisi rogatus profer;

præsertim in congressu, vel consensu hominum gravium, doctorum, & te majorum: vel ubi nec tempus opportunum, nec spes utilitatis affulget.

XVI. Intempestivè velle adire, & colloqui, perinde est, ac agendò nil agere: aut si quid agis, eos quos adis, molestia, aut indignatione: compellere.

XVII. Dum quis alicui loquitur, cave, auditores tuâ causâ ab eo defluant. Tu audi facilis

XVIII. Nil oculis, ore, manibus faciendum indecorè, quo res, quæ dicitur, exprimitur.

XIX. Si quid narras, longus ne esto, præsertim, cum res parvi momenti est, aut sentis, eam parùm auditoribus gratam esse.

XX. Quod efficere, aut exequi non potes, in id operam tuam ne deferas: quod spondesti verò, id serva, atque præsta.

XXI. Quod certò non scis, tanquam certum nunquam assevera.

XXII. Si quid narrare coeperit quisquam, non obtundas narranti, te id jam scire, nec ei rem non rectissimè narranti abnutes: neque contranutes, multò minùs dicas: *Non sic res se habet, falleris, sic se habet.*



§. IV.

De Regulis Modestiae, Urbanitatis, & Disciplina Religiosa in comedendo, & bibendo.

43. **D**E his regulis attentè lege, & observa Doctrinam & regulas sancti Bonaventurae in *specul. Discipl. part. 1. cap. 21. & 32.* Ex quibus, uti & aliis sanctis Patribus, Asceticos, & morum Magistris sequentes regulæ in specie desumptæ, vobis utiliter observandæ traduntur. Et quidem circa comestionem

44. Quæritur I. Quæ sint regulæ Modestiae, Urbanitatis, & Disciplinae Religiosae in comedendo? Resp. Inter alias esse sequentes.

I. Ante omnia bona intentione, bonoque proposito, & gratiâ Divinâ comedendi, uti decet, & Deo placet, breviter præmissis, inviolabiliter observandum, ne nimis avidè, ardentè, & festinanter, sed tractim, & tardè, ac modestè comedas, ita, ut, dum unum cibum adhuc masticas, aut in ore habes, pro altero manum non porrigas, nec divides, vel præpares, multò minus in os immittas.

II. Comedendò labiis sonum edere, & dum cibus masticatur, labia diducere, & os aperire, ita, ut ab aspiciente cibus cum nausea videri possit, turpissimum, & summopere cavendum est.

III. Inter comedendum nec caput, nec humeros, nec pectus ad cibum incurves, aut inclines, neq; pectus commoditatis causâ pigre dimittas, sed capite, & pectore erecto, posteriore corpore ad parietem ita prope te colloques, ut erectus sedere valeas, capite non nisi valde modicè demisso.

IV. Cave, ne manducans cubitos supra mensam ponas, vel etiam anteriorem partem brachiorum nimis ad mensam protendas, sed ita manus teneas, ut ultra primam juncturam illæ ad mensam non extendantur.

V. Non utaris omnibus digitis ad obsequium comestionis, sed indice solum, & pollice, ita tamen, ut alios interea velut alas ad volandum extensos, non extendas, illisque gesticu-

sticuleris; hæc enim vanam, & muliebrem levitatem redolet.

VI. Cave, ne nimis immundes digitos, immittendô eos cibis liquidis, aut olera nudis articulis cochlearis vice piscandô.

VII. Inunctos digitos, vel cochlear, vel cultrum, aut fuscinulam nimis extensâ linguâ non lambas, multò minùs in vestimento, sed mappulâ abstergas, quam tamen, ne multùm immundes (quod sedulò cavendum) ore, frustulô panis, vel in pane priùs crassiores maculas cochlearis, cultri &c. abstergas; ita tamen, ut partem, seu superficiem panis sic inunctas mox comedas, vel scutellæ pro eleemosyna immittas. Inter honestatis, modestiæ, & urbanitatis defectus in comestione cavendos, numerat S. Bonavent. insuper sequentes.

VIII. Offa Piscium, & similia ex ore super mensam projicere, cùm hæc digitis honestè excipi, & ad partem seorsim poni debeant.

IX. Super potum, vel cibum quemlibet sufflare; offa enim, vel jusculum nimis calidum priùs temperari potest, illud cochleari sensim modestè commo-

vendô, si in scutella particulari solus habes, aliàs, donec cibi parùm frigescant, paulisper expectandum: nec olfacto cibum ad mensam, &, si quem forsan olfeceris, de hinc cæteris non appone.

X. Os cibò copiosò, vel bolò majori ita implere, ut tubam inflanti sit simile, & diutiùs incapax ad loquendum, si subito interrogetur.

XI. Loqui, dum cibus adhuc in ore est.

XII. Offa radere, & dentibûs carnem ossibus adhaerentem avellere, quod cultrô faciendum.

XIII. Dentibûs quid avellere à pane, carne, caseo, vel alio cibo, etiam fructibus.

XIV. Ante faciem simul sedentium pro sale, vel aliis necessariis manum super mensam extendere; & eorum cibum manicis, & habitu tangere, cùm distantia, ut ab aliquo porrigantur, modestè rogari debent: salem propinquus ipse si accipis è salino, vide, ne cultrô inunctô id facias.

XV. Nuces alii, quàm sibi dentibûs frangere; imò cavendum, ne unquam nuces super mensam dentibûs frangantur,

aut

aut ossa, vel alii duri cibi ictibus sonoris concutiantur.

XVI. Cave etiam summo pere, ne jusculô, vel alio cibo cochlear ita oneres, ut ex utraque parte defluente cibo te, & mappulam perfundas, & notam inurbanitatis incurras. Pro quavis macula magis cavenda, in sinistra manu bolum panis tene, in eoque cochlear cibo præsertim liquidô oneratum, ne disfluat, aut decidat, paululum deterge, quo etiam ad onerandum cochlear, cibumque in eo componendum locò digitorum uti poteris, & debebis.

XVII. Cochlear vel cultrum immundum in mappula non reponas, sed prius absterge.

XVIII. Cave tamen, ne mappulam, seu mensale, frequenti, vel superflua deterfione cultri, fuscinulæ, cochlearis, digitorum &c. nimium deturpes, vel, quod penitus cavendum, purgandis dentibus applices; foedum enim est, mappas, vel manutergia communia dentium frictione foedare.

XIX. Panem ne excortices: caseum ne excaveas.

XX. De fragmentis, & reliquiis, ut de pane, caseo, & aliis

cave, non ultra accipias, ac temperatè comedere intendis: de quolibet tamen ferculo semper aliquid in potagio, vel scutella relinquant; id tibi pauperum, & temperantiæ gratiâ subtrahens.

XXI. Turpe est, pauperem querere cibaria lautiora, & appositis non esse contentum, vel de modo præparandi indagare, aut disponere; aut potum vel cibum in specie laudare, vel contestari, aut ostendere, dapes, vel potum palato tuo egregiè arrisisse: si de his interrogaris, modestè, ac prudenter responde.

XXII. Pro una vel altera buccella duntaxat sumenda, partem panis integram non scindas, præsertim, si apud socios jam fractum adhuc superest.

XXIII. Partem ciborum tibi proximam cape, nec meliores, aut majores portiones elige; hoc enim non sapit mortificationem, & charitatem erga alios, & modicam præsentibus præbet ædificationem.

XXIV. Ad honestatem quoque religiosam spectat, cibum, vel potum nunquam, nisi sedendô sumere.

XXV. Fructus, seu aliud quidpiam post, vel universaliter sumere.

mere extra mensam, patens est gulositatis indicium: siquidem extra duas vices in die, nisi necessitate cogente, in domo vel extra comedere, puerorum, imò pectudum est. Senex legem in vicibus comedendi non servans, fertur ab Angelo asino comparatus: verba sunt S. Bonaventurae cit. cap. 21.

XXVI. Valde turpe est, frustra carnis, pro suo gustu in patina nuda manu perquirere, & manu tactum ibidem relinquere.

XXVII. Si assaturam, vel alium cibum scindendò dividis, noli partem pro te retinere, donec pro communitate totus cibus divisus fuerit appositus.

XXVIII. Si panem majorem scindis, eum pectori, vel vesti sine interpositione mappulae non applica.

XXIX. In mensa, quantum fieri potest, à tussiendo, sternutando, & excreando abstinendum; quòd si ab horum aliquo abstinere nequeas, facie à mensa, vel saltem à digniori averfa, eaque per mappulam vel strophion quasi tectà, id facito.

XXX. Indecorum est, sub mensa, nuda manu nares pur-

gare, vel eà carnem nudam scalpere.

XXXI. Oculos in mensa precipue custodi, & ne curiosè, vel imprudenter, quae apud alios aguntur, circumlustrandò prospice, sed potius iisdem pudicè demissis, ea tantum, quae tibi sunt apposita, attende.

XXXII. Ossa, vel alia, non sunt deicienda sub mensam, vel jactanda in terram, exceptis iis, quae tanquam nauseosa respuere necessitas cogit.

XXXIII. Rusticum est, dentes digitò, cultrò, fuscina, vel etiam dentiscalpiò sub mensa purgare, turpius autem, id virgibùs facere; omnium verò turpissimum, immunditiem ex dentibus extractam videntibùs aliis olfacere. Post mensam verò, dum solus es, dentes dentiscalpiò purgare, & strophion, vel aqua, aliis non videntibùs mundare, utiliter, & laudabiliter assuefcis.

45. Quaeritur II. Quae sint Regulae Modestiae, & Civilitatis Religiosae in bibendo? Resp. De his quoque agere S. Bonav. cit. cap. 21 & 32. Specul. Discipl. Cujus proin Doctrinam ut bene legatis, & observetis practice,

Yyy

ex

ex eodem & aliis Patribus sub-
junguntur aliquæ in specie.

I. Turpe est, bibendô circum-
spicere.

II. Vel bibendô sonum edere.

III. Vel sorbere jusculum ex
scutella, & non ex cochleari, il-
lud per vices sumendô.

IV. Vel bibere ex scypho, aut
vitro nimis repleto, ut sinè dif-
fluentia vix locô moveri possit.

V. Vel, scyphus dum in ma-
nu tenetur, loqui.

VI. Vel scyphum digitis im-
mundis accipere, vel eidem pol-
licem immergere.

VII. Si bibis, poculum utra-
que manu teneas, oculos non
elevas, labia non immergas, nec
rusticanô modô nimium expor-
rigas, & os tamante, quàm post
potum tergas.

VIII. Si alii è vicino, præfer-
rim dignior, aut Superior bi-
bunt, sit, ut non bibas, sed tan-
tis per explâtes, donec illi bibere
cessarint.

IX. Sanè post refectionem ad
potum redire, non mediocris
vitii notam habet. Honestius

ad mensam, quantum indiges,
bibis, quàm bibendô per diem
meri bibuli morem geris: sunt
verba S. Bonavent. *cap. 21. Ex*
quibus colligis, vitiô non carere,
etiam haustui vespertino, etiam
alias concessio, se assuescere, e-
contra abstinere, virtutis esse;
nisi specialis naturæ constitutio,
& necessitas aliud exigant.

Potissimum verò apud sæcu-
lares habenda est semper tempe-
rantia in, & circa potum; tur-
pissimum enim est, si de nimia
potatione notentur Religiosi,
quos vitium nimii potûs coram
Deo, & hominibus viles reddit.
Ad notam hujus vitii fugiendam
cavere debent, ne post refectionem,
etiam si vinum apponatur,
bibant, aut, postquam in com-
muni potatum est, seorsim sinè
urgente necessitate potum in pri-
vato requirant, nec, quòd potus
in camera, ubi dormitur, rema-
neat, patiantur. Post coenam
non sunt ad verba, & pocula vi-
gilæ protrahendæ: sunt
verba S. Bonavent. *cir.*

cap. 31.



§. V.

De Regulis Modestiae Religiosae circa ulteriorem compositionem hominis externi.

46. **Q**Uæritur I. Quæ sint Regulæ Modestiae, circa debite dirigendum caput? Resp. Inter alias esse sequentes.

I. Caput nec sit nimis erectum, nec nimis pronum, seu demissum; nec in alterutrum latus deflexum, sed ordinariè semper rectum, & erectum ita teneatur, ut modica aliqua demissio, vel inclinatio illius appareat.

II. Si reverentiæ causâ obaudita sacra nomina, vel ob transitum coram Sacra imagine, vel alicujus transeuntis caput inclinandum, id non veloci quodam motu, sed moderatè fiat, oculis in altum non erectis, sed potiùs demissis, ipsum etiam collum cum capite inclinandò.

III. Indecorum, est, caput circumrotare undique, vel nimis frequenter movere; honestas enim exigit, ut ordinariè quietum teneatur.

IV. Qui per aliquem à tergo vocatur, vel retrorsum videre debet, non solum caput retor-

queat, sed totum corpus convertat, idque non nimis festinanter, sed modestè & sedatè præstet: quod ipsum universaliter est observandum, quoties caput movere necesse est.

V. In aliorum præsentia, vel inter edendum fricare caput, denotat indecentiam.

VI. Cave, ne cum comis ante vel retro erectis, in publico compareas, indeque post somnum, & alias, dum in publico comparere intendis, manu comprimere satagas.

VII. Si cum aliqua insigni persona agens, vel loquens advertis, illam caput detectum diutiùs tenere, licebit humiliter rogare, vel submissè innuere, ut tegat; statim autem majori te dicere, ut tegat, contra rationem decoris est. Si æqualis, vel minoris auctoritatis persona capite detecto tecum agit, aut loquitur, roga, & modestè urge, ut tegat, quia id omnino exigit humilitas religiosa.

47. QUæritur II. Quæ sint Regulæ debite Modestiae, & Honestatis

542 *Caput XVIII. De Disciplina & Modestia Religiosa &c.*

restatis Religiosæ circa faciem, seu vultum? Ante Responsionem nota, quòd, cum in vultu homo internus potissimum resplendeat, specialiter deceat, eum rectè esse compositum. Jam ad quæsitum Resp. Præter alias esse sequentes.

I. Vultus non sit imaginosus, nec multum suspensus, velut grandibus cogitationibus intentus, vel penitus in alia distractus.

II. Neque sit severus, nec moerore obductus, nec ullam animi perturbati significationem præferat, nec multiplex, vel inconstans appareat: sed ut plurimum æqualis, atque ordinariè tranquillus, & serenus, ita tamen, ut in rebus seriis non sit nimia hilaritate solutus, nec in communi vitæ consuetudine, nimia subductus gravitate. Genas inflare semper indecorum.

III. Frons verecundiæ sedes, non sit corrugata, nec supercilia nimis erecta.

IV. Nasus contemptum, vel contumeliam non spiret, nec contrahatur ad derisionem, vel subannationem.

V. Ad inhonesta dicta, quantumvis lepida, non est ho-

nestum subridere, sed potius velut ignotum idioma, vel non intellectum dissimulare oportet: si verò honestum aliquid festivè, & exhilarandi causâ ab aliquo referatur, ne tantillum quidem subridere, minus conforme legi charitatis, & humanitatis videtur, & nonnunquam contemptum, & rusticitatem sapit.

VI. In publico, vel extra cellam cum scriptorio, vel calamo ori indito, vel auriculæ imposito comparere, semper indecorum reputat S. Bonav.

VII. Cum nares emunguntur, id, quod eliqueris, in strophilo respicere, aut digitis, vel manicâ, mucum detergere, vel digitis nasum penetrare, vel converrere coram aliis, indecorum est.

48. Quæritur III. Quæ sint Regulæ Honestatis, & Modestię Religiosæ circa debitum usum oris, labiorum, & dentium: Resp. Esse à potiori sequentes.

I. Os instar stupidi non est tenendum apertum.

II. Oscitando ululare, vel nimis patulo ore oscitare, vel inceptum sermonem sub occurrente oscitatione continuare, indecorum est: multum dedecens,

cens, & hinc valde cavendum est oscitare, dum alius loquitur; quia hoc tædij significationem, aut modicæ observantiæ in eos, quibuscum agitur, argumentum est. Si potes, coram aliis ab oscitando semper abstinere; si continere non potes, saltem ne loquere interea, nec oscitando ulula, nec hianti ore oscita, sed pressa illud modeste, & manu, & strophiliô objectô, vultu à circumstantium oculis modicè averso.

III. Cùm tussis, vel sternutas, ne magnô & vibranti sonô incondite instrepa.

IV. Si excrucandum, vel expuendum, non procul, quasi jaculô emissô, nec post humeros, nec alicui, qui simul adsit ex adverso, id faciendum, sed averfa ab aliis facie, longiusculè, & ad latus, si fieri potest: ac, si lentior & crassior est pituita, pede operimenda.

V. De fenestra in subjectam viam despuere, vel in malluvium, ad quod os, & manus abluuntur, expuere, indecorum est.

VI. Labia nec arctius comprimenda, nec pressa rursus inconcinne erigenda: nec distendenda, vel exporrigenda, nec in-

tra trahenda, nec dentibus mordenda sunt.

VII. Dentès in conspectu aliorum defricare, vel dentiscalpiô, aut digitis ex dentibus ciborum reliquias extrahere, aut purgare non decet: si quid eis inhaerens magis molestat, facie ab aliis averfa, vel, si haberi potest, strophiliô faciem obducente, breviter fiat.

VIII. In ridendo, quantum potes, dentes occulta, exaltationem vocis, nimiam deductionem labiorum, & cachinnos evita; dicitur enim *Eccli. 21. v. 23. Fatuus in risu exaltat vocem suam, vir autem Sapiens vix tacite ridebit.* & S. Bonaventura p. 1. cap. 24. *Specul. ad propositum nostris ponit hanc regulam: Non sint in risu faciles, nec in voce clamosi; cachinnus præcipue gravitatem Religiosi plurimum debonestat. Vile prorsus est, Religiosum Virum, ut puerum cachinnare. Non licet Religiosum Virum dissolutis labiis risum proferre, sed li-lari vultu cordis hilaritatem prætere.*

49. Queritur IV. Quæ sint Regulæ Honestatis, & Modestix Religiosæ in debito usu oculorum? Ante Responsionem nota, non agi hic primario de summe

necessaria custodia oculorum, & mortificatione visus ad declinanda varia peccatorum pericula, & virtutum impedimenta (de hac enim sermo erit *in Parte posteriore*, quando agemus de mortificatione quinque sensuum.) sed de illorum custodia, & mortificatione, quam exigit Modestia, & Disciplina Religiosa; in ordine ad quam Resp. Præter alias esse sequentes regulas.

I. Universaliter loquendò oculi ab omni inordinata evagatione, & exaltatione, seu elevatione, præsertim in Choro, Mensa, in Communitate congregata, & quando publicè per plateam incedendum, custodiendi, & contra humiliter demissi, cernui, quieti, & in sereno vultu sint. Ita S. Bonavent.

II. Superbia, elatio, & ferocitas oculorum, seu vultuosa facies summopere cavenda est: nam, ut idem S. Doctor ait, sublimiores oculi, & facies vultuosa nudam superbiam clamant.

III. Inter loquendum cum Superioribus, vel Senioribus, oculi in eorum vultum non defigantur.

IV. Ab omni mulierum aspe-

ctu, qui in facies earum figatur, semper & ubique, præsertim, quando ipsis loquimur, omnino fugiendum est.

V. Modestiae, & honestati religiosæ maximè adversatur; aspicerem aliquam, vel objectum foedum, præsertim castitati contrarium, uti inter alia sunt imagines, quæcunque nuda, vel minùs honestè formatae; nam impudicus oculus impudici cordis nuntius est.

VI. Nimia libertas in aspiciendo hincinde ad quemvis strepitum, ad cujusvis ingressum, ad quemvis casum, primis rudimentis modestiae, ac disciplinae religiosæ adversatur.

VII. Curiositatis quoque irreligiosæ, & indisciplinae mentis turpe signum est: ad videndum quemvis retro sequentem, vel à latere progredientem reorto capite circumspicere.

VIII. Indecorum valde est, dum quis tibi vicinus literas, vel quid aliud legit, corporis appulsu, vel oculorum injectu ejus lectioni imminere.

50. Quæritur V. Quæ sint Regulæ Modestiae, & Honestatis Religiosæ in debito usu brachio-

chiorum & manuum? Resp. Præter alias esse potissimum sequentes.

I. Si brachia, aut manus movenda sunt, excessus vitandus, & cavendum, ne coram aliis oscitandò brachia extendantur.

II. Manus, si non necessariè in aliquo occupantur, quietè intra manicas teneantur, præsertim interloquendum, & finita (non autem durante) comestione.

III. Inter manuales dissolutiones, modestiæ, & honestati adversas, numerat S. Bonaventura etiam sequentes; videlicet: aliquem ad cingulum, vel manum, finè necessitate prehendere, flores, fructus, vel baculum otiosè gestare: cingulum, Rosarii globulos, aut aliud quidpiam rotare, aut in orbem agitare.

IV. Manus in sinu, aut infra cingulum tenere, valde inhonestum est.

V. A contactu mutuo, præsertim à contactu nudæ carnis alienæ, etiam quoad honestas partes v.g. manûs, & faciei abstinere, ac insuper tactum nudæ carnis propriæ vitare, honestas docet.

VI. Animalia quoque, puta canes, aut catos demulcere, perfectæ honestati contrarium est.

VII. Si alterius vestibus sordidum quid adhæret, vel oberrat, non illi, alteri vè demonstras, sed quantum potes, sic concinnè, atque industriè tolle, ut ne sentiat quidem: si alius simile quid tibi decusserit, dempseritque, comem, & gratum animum ei ostende.

VIII. Turpe est manu sustentare caput, aut faciem; turpius, sustentare mentum.

IX. Indecens est digitis tundere, vel quaterere aliquid more tympanizantium, vel organistarum.

X. Cellam, vel cubiculum alterius ingressus, contra leges modestiæ agis, si aliena scripta, libros, vel quodcunque occurrerit, contrectes, revolvas, inspicias. Cellam vel cubiculum alterius non ingrediaris, nisi priùs modestè pulsans vocatus, & invitatus fueris: si prima vice pulsus tuus auditus non est, una vel altera vice illum repetere, non autem sæpiùs licet, sed tunc abire decet.

XI. Manus sordidas habere indecorum, & nimis nitidas pro-

procurare vanum est: lavandæ igitur sunt manus, non expoliandæ: abluendæ ad munditiam, non ad nitorem.

XII. Sicut indecorum est ungues non præcisos habere, ita honestati adversatur, eos in conspectu aliorum sublecare, vel dentibus demordere.

51. Quæritur VI. Quæ sint Regulæ Modestæ, & Honestatis Religiosæ circa debitum Incessum, & usum pedum? Resp. Præter alias bene observandas, quas ad propositum tradit S. Bonavent. in *Specul.* p. 1. c. 23. ex quo, & aliis SS. Patribus sequentes etiam eritæ sunt regulæ.

I. Cavendum, ne sis de numero eorum, de quibus ait Propheta *Isa. 59. v. 8. Non est iudicium in gressibus eorum*: in eorum autem gressibus non invenitur iudicium, qui nulla habita ratione necessitatis, occasionis, vel ordinis tardè incedunt, quando est accelerandum; accelerant, quando est tardè incedendum.

II. Incessus sit maturitate plenus, gravis, honestus, videlicet non fractis genibus ambules; aut scapulas dextrorsum, vel sinistrorsum vergendõ; non erecta

cervice, non prominente pectore, nec inclinato capite super humerum, nec vagabundè pendentibus manibus, nec ventilatione brachiorum. Sunt verba S. Bonaventuræ. *loc. cit.*

III. Ordinariè loquendõ incessus moderatè, non nimium tardus, ab omni tamen festinatione alienus sit.

IV. Ad horam Officii Divini, mox, ut auditum fuerit signum, relictis omnibus summa cum festinatione curratur, cum gravitate tamen, ut non scurrilitas fomitem inveniat. Sunt formalia S. Bonavent. *cap. 22.* 57

V. Universaliter etiam, ubi ex causa necessitatis celeritè incedendum, id taliter fiat, ut religiose gravitatis, & decentiæ ratio habeatur.

VI. Incedendõ non nimis breves, nec nimis latos, sed moderatos passus facias.

VII. Dum incedis, pedum plantis terram, totumque quasi ædificium non concutias, sed humilem, planum, pacatum, & modestum incessum facias.

VIII. Dum gradus scalæ ascendis, vel descendis, non per plures simul saltus. 20

IX. Actus

IX. Actus modestiæ religiosæ quoque est, ascendendô scalam non se juvare apprehensione funis, vel ligni, nisi debilitas, aut infirmitas aliud exigat.

X. Si sordidum quid v.g. purulentum sputum, in progressu advertis, ex pio munditiæ affectu, & sacro quodam cultu religiosi Domicilii, pede obtere, ne & aliis appareat, & nauseam Deo dicatis Personis pariat.

XI. Præfatæ, & aliæ modestiæ, honestatis, ac disciplinæ religiosæ Regulæ ad debitè incedendum præcipuè observandæ sunt, cum in publico per plateam incedendum, ac specialiter, diligentèrque cavendum, ne procaci, elata, aut affectata, nec veloci, sed humili cum gravitate, & maturitate, non vagabundis, sed mortificatis oculis, non pendulis manibûs, vel ventilantibûs brachiis, sed manibûs intra manicas contentis, non cum risu, & garritu mutuo, sed silenti ore, capite cooperto, & facie aperta, competentem rectâ obviis exhibendô reverentiam, vel civilitatem, incedatur; talis enim incessus mirè ædificat, ita, ut subinde locò concionis nonnul-

lis serviat; præterquam, quòd famam Religiosi, & Religionis plurimùm commendet, sicut econtra incessus irreligiosus eam prostituit, & pessumdat.

XII. Dum stas, alteri pedi sordiditer ne innitaris, nève unum ante te exporrigas; minùs pede pedem confrices.

XIII. Dum sedes, pedem supra pedem ne ponas; nec crura transversim teneas. *Humilem enim fratrem, ait S. Bonaventura cap. 19. pedes cancellare non decet.*

XIV. Sicut indecorum, & molestum est, si quis aliquoties admonitus caput non tegat, sic idem est, si aliquoties monitus, ut sedeat, aut certè etiam honoratiorem locum occupet, id detrectet: ab eo, qui major te est, unam vel alteram, non item tertiam monitionem expecta; ab æquali vel minori ad primam obsecundare potes.

XV. In congressu hominum cave, ne cui tergum, aut humeros obvertas.

XVI. Si cum æquali graderis, in eum ne arroges tibi principatum, nec ambitionis delicias secteris, nève, si locus tibi pro dignitate delatus non erit, indo-

Zzz

lescas.

leſcas. Si dignior eſt comes, dextram relinque, & dum una itis, cave, gradu cum prævertas: ſi cum duobus ambulas, digniori medium relinque.

XVII. Si domi ſolo comite uno ſpatiaris, atque is erit, cui honorem debeas, cum primo ambulationis grefſu ad dextram colloca, & niſi ipſe ſubſtiterit, non ſubſiſte, nec prior ambulationem inverte; neque in converſione humeros aut tergum, ſed vultum ad eum converte; durante ambulatione jam dextram, jam lævam, ut ſors tulerit, tene; ad finem tamen, dum dignior diſcedit, lævam elige. Si celsa erit, & illuſtri dignitate, gradum cum eo penitus æquare non decet, ſed tantillum reductum tenere, ſic tamen modicè, ut tecum ſermonem commodè conferat: ſi compar tecum ambulat, ambulationis ſpatia pari nutu cum eo dimetire, prior tamen ne ſemper te converte.

XVIII. Ubi honoris cauſa in congreſſu quis tibi à ſiniſtris exiſtenti dextram præbet, ſic te ad hanc converte, ne tergum, ſed faciem in convertendo ei exhi-

beas: ſi notabiliter dignior perſona occurrit, præter debitum reverentiæ obſequium ſubſiſtendum nonnihil, aut regrediendum, maxime ad januarum ingreſſum, aut locorum anguſtias, dandusque ei locus, uſque dum prætereat.

52. Quæritur VII. Quæ de-
mum ſint Regulæ Honeltatis,
& Modeſtiæ circa habitum Re-
ligioſum? Reſp. De iis bene a-
gere, ac propterea bene legen-
dum eſſe S. Bonavent. in *Specul.
Discipl. p. 1. cap. 25.* ex quo & aliis
aliquæ adducuntur regulæ.

I. Qualitas & forma habitus ſit per omnia uniformis cum aliis juxta præſcriptum Regulæ, & Statutorum.

II. Religioſus nunquam, vel modicum, præſertim coram aliis, ſine habitu degat, niſi neceſſitas cogat: *Quia Secularis perſona nuditas, & Religioſus ſine habitu comparantur.* Sunt verba S. Bonavent. *l. c.*

III. Sicut foeditas & immunditia, ſic nimius cultus, & nitor, omniſque curioſitas (inter quæ merito numerantur nimis pretioſa, curioſa, & ad ſolum nitorẽ ad cingulum pendentia roſaria,

faria, & cruces) in, & circa habitum vitanda est. In vestimentis, ait S. Ambrosius *Lib. 1. Offic. cap. 19. Nihil honestati desit; nec accedat nitore.* Et S. Bonavent. *loc. cit. Culpatur & cultus munditiae nimius, & neglectus.* enimvero præter latentem superbiam aliquam usu longo observatum est, in artificiali & naturali forma verificari illud: *Cum magna forma est lis pudicitiae, ita, ut quò magis quis comptus, eò minus probeatur pudicus.*


IV. Cinguli præcinctio nec prælargata sit, nec præarcta, nec immodicè infra alvum depressa, quod turpe admodum, & indisciplinatum: sicut etiam, si neglecta omni decenti, & honesta habitus dispositione, & adaptatione rugarum anteriorum & posteriorum, vel ab anteriori alvus in plano prominet, vel à posteriori contra rationem decoris apparet.

V. Contra modestiam & decentiam habitus delinquant etiam juxta S. Bonavent. *loc. cit.* qui indecenter sinuoso firmate terant verrunt, & retrosequentibus caudis, quocunque perrexerint, quasi turbo tempestatis pulverem concitant: item, qui dominarum more tunicam à lateribus tenendò incedunt.

VI. Caputiò os, vel mentum abscondere, vel eodè non tantum caput, sed etiam faciem tegere, tanquam indecens prohibet S. Bonav. *loc. cit.* dicens: *Non est capitium sive coram fratribus, sive coram extraneis nimis in capite sine rationabili causa profundandum: decet caput in publico, non faciem operiri.* hinc juxta dicta supra in publico cooperto capite, & facie aperta, demissis oculis, silenti ore, modestè incedere decet.

F I N I S.





INDEX

Partis Prioris.

Litera Romana indica Caput. n. numerum marginalem,
& p. paginam.

A.

- A**ctus contritionis, humilitatis,
speci. V. n. 50. p. 116.
Ante confessionem. VI. n.
80. &c. p. 144. &c. & n. 95.
p. 151.
Ante & post orationem vocalem.
XII. n. 91. p. 317. n. 137. p.
337.
Intentionis matutinae & pacti cum
Deo. ibid. n. 160. 161. p. 343. 345.
Ante meditationem. XIII. n. 87.
p. 381.
Post meditationem. XIV. n. 116.
p. 420.
Actus seu motus anagogici. XV.
n. 1. p. 442.
Advertentia boni. v. *Cognitio*.
Affectus in meditatione qui, & quo-
modo eliciendi? XIV. n. 98. p.
413. & n. 101. p. 414.
Apostoli habuerunt vitam Religiosam.
II. n. 88. p. 47.
Ariditas in meditatione quid circa eam
observandum? XIV. n. 151. p. 429.
Ascetica Doctrina. I. n. 6. p. 3.
Aspirationes. v. *preces Facultativa*.

Attentio in oratione. XII. n. 96. &
n. 112. p. 321. 327.
Attritio quid sit? VI. n. 36. p. 130.

C.

- Christi opera, & unio operum nostro-
rum cum ipsis. XV. n. 42. p. 275.
& n. 48. p. 277.
Cognitio & advertentia boni requisita
ad bene operandum. VIII. n. 49.
& n. 62. p. 215. 220.
Compendiosa recapitulatio de requisi-
tis ad omnia perfecte agenda. XI.
n. 64. &c. p. 283.
Item dictorum de meditatione. XIV.
n. 161. &c. p. 432. &c.
Confessio Sacramentalis quid, & quana
necessaria? VI. n. 1. & n. 49. p.
119. 137.
Quam utilis? ibid. n. 6. p. 120. quae
ad eam requirantur? n. 16. p. 124.
quomodo Examen fiat. v. *Examen*.
Quanam requirantur ad Confessio-
nem actualem? n. 50. p. 137.
Quomodo sit humilis? n. 51. p. 138.
verax? n. 59. p. 139. prudens? n.
62. p. 140. brevis? n. 69. p. 142.
into.

I N D E X,

- integra? n. 75. p. 143. frequens?
 n. 77. ibid.
 Confessionis ordinariæ variæ for-
 mular. ibid. n. 97. 98. 99. 100. p.
 153. &c.
 Principia practica circa Confessio-
 nem. n. 101. p. 158.
 Speculum Confessionis. VII. n. 55.
 p. 172.
 Confessio generalis quid, & quotuplex?
 VII. n. 1. p. 159.
 An, & quibus necessaria? n. 3. p. 160.
 quibus utilis? n. 4. ibid. an repe-
 tenda? n. 13. p. 163.
 Quo tempore aptè deponenda? n.
 19. & 22. p. 164. 165.
 Quæ ad eam requirantur? n. 27.
 ibid.
 Quomodo examen instituendum.
 n. 33. p. 167.
 Quid in & post eam observandum?
 n. 43. 44. &c. p. 169.
 Confessio annua quid sit, quàm uti-
 lis &c. VII. n. 46. &c. p. 170.
 Principia practica circa Confessio-
 nem generalem & annualem. ibid.
 n. 51. p. 171.
 Confidentia in Deum. III. n. 48. p. 78.
 VI. n. 45. p. 135. XI. n. 6.
 p. 260.
 Contritio quid sit, & quotuplex? VI.
 n. 34. p. 129.
 Qualis sufficiat? n. 37. p. 130.
 Cubitum se conferre quomodo quis
 debeat piè ac Religiosè. XVII.
 n. 99. p. 512.

D.

- Diffidentia sui. III. n. 50. p. 80. VI. n.
 46. p. 135. XI. n. 5. p. 260.

- Disciplina. v. *Modestia*.
 Distractiones in meditatione, unde
 veniant, & quid circa eas obser-
 vandum? XIV. n. 138. p. 426.
 n. 144. p. 427. &c.
 Divitiæ quanta causent impedimenta?
 II. n. 8. 9. p. 19.
 Quomodo tollantur per votum pau-
 pertatis? ibid. n. 84. p. 45.

E.

- Examen ante confessionem quomodo
 instituendum? VI. n. 23. p. 126.
 Examen conscientie generale quid,
 & quàm utile? XVII. n. 1. p. 480.
 quot habeat partes? n. 13. p.
 483. quoties & quomodo fieri
 debeat? n. 26. p. 488. circa quæ?
 n. 31. p. 489. &c. num in libello
 notanda peccata? &c. n. 45. p.
 492. aliqua schemata annota-
 tionis. n. 49. p. 494. Ejus praxis.
 n. 56. &c. p. 497.
 Examen particulare quid sit, & quàm
 utile? ibid. n. 67. p. 500. quot
 habeat partes? n. 75. p. 503.
 circa quas virtutes, seu vitia in-
 stituendum sit? n. 76. p. 503.
 quoties & quanto tempore fieri
 debeat? n. 83. p. 504. modus &
 schemata annotandi defectus ac
 progressus. n. 89. 90. &c. p. 506.
 508. &c.
 Exempla magis movent, quàm verba.
 II. n. 79. p. 43.

F.

- Fiducia in Deum. v. *confidentia*.
 Zzz i. Fiducia

I N D E X

Fiducia in oratione. XII. n. 113.
p. 331.

Finis Religionis, universalis & particularis: principalis & secundarius. II. n. 4. & 26. p. 18. & 28.

Quomodo differat à fine mundanorum. n. 25. p. 27.

Specialis Ordinis Seraphici. n. 31.
p. 29.

Frequentia in orando. XII. n. 124.
p. 332.

G.

Gratiæ status. quid sit? VIII. n. 43.
p. 214.

H.

Historia quomodo de ea fiat Meditatio. XIV. n. 19. p. 395.

Honores mundani. II. n. 12. p. 21.

I.

Jaculatoriæ preces. v. *preces.*

Impedimenta in via Virtutis. II. n. 7.
p. 19. n. 83. p. 45.

Intentio pro studio ascetico. I. n. 11.
p. 5.

Ingrediendi religionem perfectam. II. n. 5. p. 18. minus perfectam. n. 26. p. 28. erronem. n. 39. p. 32. quomodo emendanda? n. 48. p. 33.

Intentionis perfectæ actus. n. 58.
p. 35.

Intentio bona quid, & quotuplex? IX. n. 1. p. 222.

Ejus necessitas & utilitas. n. 9.
p. 225.

Quenam perfectio? n. 17. p. 227.

Quoties, & quomodo in praxi fieri debeat? n. 3. 34. 42. p. 232. 235. 237.

Ejus signa, & impedimenta. n. 49.
62. p. 240. 245.

Intentio & oblatio matutina. XII. n. 160. p. 343.

Capiendi somnum. XVIII. n. 107.
p. 514.

Judicium proprium quale sit malum? II. n. 14. p. 22.

Tollitur per votum obedientiæ. ibid. n. 87. p. 47.

L.

Lectio spiritalis quid sit, & quotuplex? XVI. n. 1. p. 465. quam utilis? n. 3. p. 466. quomodo instituenda? n. 19. p. 471. quid in lectione observandum? n. 29. p. 473. quid post lectionem? n. 32. p. 475.

Libri qui legendi? XVI. n. 36. p. 476.

M.

Mane debite surgendi modus & necessitas. XII. n. 151. 154. p. 340. 341.

Media ad perfectam operandum. v. *Opera.*

Media pro juvanda meditatione. v. *Meditatio.*

Meditatio seu oratio mentalis, quid & quotuplex? XIII. n. 1. p. 347. n. 4. p. 348. n. 161. p. 432.

Quam

INDEX

- Quam præstans sit, & necessaria? n. 13. 27. p. 351. 356. n. 165. p. 443.
- Quam facilis? n. 38. p. 361. n. 46. p. 364. quod per paradigmata & exempla ostenditur. n. 47. 59. 63. 69. p. 364. 368. 370. 374. n. 174. p. 434.
- Præparatio ad meditationem. n. 73. 85. p. 377. 380.
- Formula Actuum ante meditationem. n. 87. &c. p. 381.
- Materiæ meditationum in via purgativa. n. 95. p. 383. n. illuminativa. n. 96. p. 384. unitiva. n. 97. ibid.
- De vitâ & passione Christi. n. 99. p. 385.
- Meditationis partes. XIV. n. 1. p. 389. I. Repræsentatio materiæ. n. 6. p. 390. II. Ejus consideratio. n. 16. p. 394. III. productio bonorum affectuum & propositorum. n. 96. p. 412.
- Meditationis conclusio. n. 113. p. 419.
- Meditationem impediens. n. 122. p. 423. & adjuvantia. n. 129. p. 425. item. n. 196. 197. p. 418. 439.
- Memoria præsentia divina. v. præsentia.
- Memoria Operum Christi. XV. n. 42. p. 275.
- Quam præstans medium sit ad perfectè operandum? n. 43. p. 276.
- Unio operum nostrorum cum operibus Christi. n. 48. p. 277.
- Modestia Religiosa quid sit? XVII. n. 1. p. 515. ubi, & à quibus observanda? n. 10. p. 519. ejus regulæ universales. n. 14. p. 521. &c. particulares circa usum lingue. n. 25. p. 528. in conversatione. n. 41. 42. p. 530. & 531. in comedendo. n. 44. p. 536. in bibendo. n. 45. p. 539. circa dirigendum caput. n. 46. p. 541. circa faciem. n. 47. p. 542. circa oculos. n. 49. p. 543. ac brachia & manus. n. 50. p. 544. circa incessum. n. 51. p. 546. circa habitum. n. 52. p. 548.
- Monita parentum. Superiorum, non dimittenda. I. n. 1. p. 1.
- Sunt doctrina Dei. n. 5. p. 2.
- Mundi impedimenta in via virtutis. II. n. 7. p. 19. n. 83. p. 45.
- O.
- Obedientiæ felicitas. II. n. 101. p. 50.
- Opera communia & quotidiana quantum intersit ritè & perfectè peragere? VIII. n. 5. p. 196.
- Quam utile præsertim Junioribus? ibid. n. 32. p. 207.
- Requisita ad perfectè operandum. ibid. n. 41. &c. p. 213. &c. n. 62. p. 220.
- Modus perfectè agendi. X. n. 1. p. 249. conditiones & media ad hoc. n. 3. p. 250. & XI. n. 1. p. 259.
- Observanda post opus. n. 50. & 62. p. 278. 282.
- Compendiosa recapitulatio & Principia

INDEX.

- cipia* practica circa hæc. n. 64. 71. p. 283. 285.
 Opera Christi. v. *Memoria*.
 Oratio quomodo rectè fiat? XI. n. 11. p. 264.
 Quid sit & quotuplex? XII. n. 1. p. 259. n. 4. p. 291.
 Oratio vocalis quid, & quotuplex sit? *ibid.* n. 23. 25. 27. p. 298. 299.
 Orationis publicæ utilitas &c. n. 29. 38. p. 300. 303.
 Item orationis privatæ. n. 44. p. 304.
 Quam orationes privatæ sint præstantiores? n. 48—p. 305. n. 60. p. 308.
 Quam requirantur ante orationem vocalem. n. 78. p. 313.
 Oratio. Formulæ præparationum ante orationem. XII. n. 91. 92. 94. p. 317. 319. 321.
 Requisita sub oratione. n. 95. p. 320.
 Qualis requiratur attentio? n. 96. p. 321. & quæ ad eam conducant. n. 112. p. 327.
 Qualis fides & fiducia? n. 123. p. 331. frequentia & perseverantia. n. 124. p. 332. resignatio. n. 131. p. 334.
 Requisita post orationem. n. 136. p. 336.
 Oratio mentalis. v. *Meditatio*.
 Ordo Seraphicus habet vitam mixtam. II. n. 33. 108. p. 30. 52.
 Ejus perfectio. n. 112. 129. p. 54. 60.
 Quomodo divinâ providentiâ conservetur? n. 119. p. 56.
 Etiam contra persecutores. *ibid.* p. 57.
 Quomodo conformis sit vitæ & doctrinæ Christi & Apostolorum n. 129. p. 60.
 Durabit usque ad finem mundi. n. 133. p. 62.
 P.
 Paupertas, Ordin. Seraphici speciale symbolum. II. n. 116. &c. p. 55.
 Ejus emolumenta. *ibid.* n. 120. &c. p. 57. &c.
 Peccatum quantum Deo odibile. III. n. 2. p. 63.
 Peccati mortalis malitia & natura. *ibid.* n. 6. 11. p. 64. 65.
 Ejus gravitas. n. 13. p. 66.
 Effectus & damna. n. 21. p. 70.
 Ejus remedia. v. *remedia*. & *Principia*.
 Peccatum veniale, & ejus malitia. IV. n. 1. p. 84.
 Ejus damna & effectus. n. 14. &c. p. 88. &c.
 Ejus remedia. v. *remedia*, & *Principia*.
 Peccatorum Catalogus. v. *Speculum Confessionis*.
 Præparatio ad Meditationem. v. *Meditatio*.
 Præsentia divinæ memoriæ quam præstans sit? XI. n. 27. p. 270.
 Preces Jaculatoriæ quid, & quam utiles sint? XV. n. 1. p. 442. earum exercitium. n. 8. p. 445. varietas earum formulæ. n. 16. &c. p. 447. &c. usque 464.
 Prin-

Prin-

I N D E X.

- Principia practica circa peccatum mortale.** III. n. 55. p. 83.
Circa tentationes impuras. V. n. 32. p. 111.
Circa peccata venialia. ibid. n. 54. p. 118.
Circa Confessionem ordinariam. VI. n. 101. p. 158.
Uti & Confessionem generalem & annum. VII. n. 51. p. 171.
Circa opera perfecte agenda. XI. n. 71. p. 285.
Quoad orationem vocalem. XII. n. 140. p. 338.
Et meditationem. XIV. n. 198. p. 439.
Circa preces jaculatorias. XV. n. 67. p. 454.
Et lectionem librorum. XVI. n. 45. p. 479.
Propositum in confessione quale requiratur? VI. n. 40. p. 132.
In meditatione qualia proposita facienda? XIV. n. 105. p. 415.
- R.**
- Regulae pro studio aetico.** I. n. 11. &c. p. 5. &c.
Regula S. Francisci à Christo dictata. II. n. 132. p. 61.
Regulae modestiae. v. *Modestia*.
Religio est Mater Religiosorum. I. n. 3. p. 2.
Christus est primus ejus institutor. II. n. 19. p. 25.
Religio activa, contemplativa, & mixta. II. n. 106. p. 52. quænam perfectior. ibid.
Religio Seraphica. v. *Ordo Seraphicus*.
- Religiosus: ejus felicitas.** II. n. 23. 91. 100. p. 27. 48. 50.
Deber suæ vocationis finem sapius recogitare. ibid. n. 50. 71. p. 34. 40.
Bona proposita in effectum deducere. n. 73. 74. p. 41.
Sua talenta pro viribus applicare. n. 75. &c. p. 42. &c.
Bonò exemplò aliis præluce. n. 79. p. 43.
Religiosus status est excellentior omni alio. II. n. 81. 89. &c. p. 44. 48.
Est magis conformis doctrinæ & vitæ Christi ac Apostolorum. n. 88. p. 47.
Ejus felicitas & utilitas. n. 91. 105. p. 48. &c. 51.
Æquivaleret Baptismo. n. 97. p. 49.
Æquiparatur Martyrio. n. 98. p. 49.
Remedia contra peccatum mortale. III. n. 38. p. 76.
Veniale. IV. n. 41. p. 100.
Resignatio in divinam voluntatem. X. n. 25. 26. 27. p. 257.
In oratione. XII. n. 131. p. 334.
Rosarium B. V. M. quoduplex. XII. n. 56. p. 307.
- S.**
- Scandalosa exempla quantum impediunt in via virtutis.** II. n. 15. p. 22.
Societas bonorum. II. n. 99. p. 49. 50.
Sollicitudo circa temporalia. II. n. 17. p. 23. n. 118. p. 55.
Aa aa
Specu

procurare vanum est : lavandæ igitur sunt manus , non expoliandæ : abluendæ ad mundiciam , non ad nitorem.

XII. Sicut indecorum est ungues non præcisos habere , ita honestati adversatur , eos in conspectu aliorum subicere , vel dentibus demordere.

§1. Queritur VI. Quæ sint Regulae Modestiae , & Honestatis Religiosæ circa debitum incessum , & usum pedum? Resp. Præter alias bene observandas , quas ad propositum tradit S. Bonavent. in *Specul. p. 1. c. 23.* ex quo , & aliis SS. Patribus sequentes etiam erant sunt regulæ.

I. Cavendum , ne sis de numero eorum , de quibus ait Propheta *Isa. 59. v. 8. Non est iudicium in gressibus eorum :* in eorum autem gressibus non invenitur iudicium , qui nulla habita ratione necessitatis , occasionis , vel ordinis tardè incedunt , quando est accelerandum ; accelerant , quando est tardè incedendum.

II. Incessus sit maturitate plenus , gravis , honestus , videlicet non fractis genibus ambules ; aut scapulas dextrorsum , vel sinistrorsum vergendò ; non erecta

cervice , non prominente pectore , nec inclinatò capite super humerum , nec vagabundè pendentibus manibus , nec ventilatione brachiorum. Sunt verba S. Bonaventuræ. *loc. cit.*

III. Ordinariè loquendò incessus moderatè , non nimium tardus , ab omni tamen festinatione alienus sit.

IV. Ad horam Officii Divini , mox , ut auditum fuerit signum , relictis omnibus summa cum festinatione curratur , cum gravitate tamen , ut non scurrilitas fomitem inveniat. Sunt formalia S. Bonavent. *cap. 22.*

V. Universaliter etiam , ubi ex causa necessitatis celeritùs incedendum , id taliter fiat , ut religiosæ gravitatis , & decentiæ ratio habeatur.

VI. Incedendò non nimis breves , nec nimis latos , sed moderatos passus facias.

VII. Dum incedis , pedum plantis terram , totumque quasi ædificium non concutias , sed humilem , planum , pacatum , & modestum incessum facias.

VIII. Dum gradus scalæ ascendis , vel descendis , non per plures simul saltés.

IX. Actus

IX. Actus modestiae religiosae quoque est, ascendendô scalam non se juvare apprehensione funis, vel ligni, nisi debilitas, aut infirmitas aliud exigat.

X. Si sordidum quid v.g. purulentum sputum, in progressu advertis, ex pio munditiei affectu, & sacro quodam cultu religiosi Domicilii, pede obtere, ne & aliis appareat, & nauseam Deo dicatis Personis pariat.

XI. Praefatae, & aliae modestiae, honestatis, ac disciplinae religiosae Regulae ad debitè incedendum praecipuè observandae sunt, cum in publico per plateam incedendum, ac specialiter, diligentèrque cavendum, ne procaci, elata, aut affectata, nec veloci, sed humili cum gravitate, & maturitate, non vagabundis, sed mortificatis oculis, non pendulis manibus, vel ventilantibus brachiis, sed manibus intra manicas contentis, non cum risu, & garritu mutuo, sed silenti ore, capite cooperto, & facie aperta, competentem rectà obviis exhibendô reverentiam, vel civilitatem, incedatur; talis enim incessus mirè ædificat, ita, ut subinde locò concionis nonnul-

lis serviat; præterquam, quòd famam Religiosi, & Religionis plurimùm commendat, sicut econtra incessus irreligiosus eam prostituit, & pessumdat.

XII. Dum stas, alteri pedi sordiditer ne innitaris, nève unum ante te exporrigas; minùs pede pedem confrices.

XIII. Dum sedes, pedem supra pedem ne ponas; nec crura transversim teneas. *Humilem enim fratrem, ait S. Bonaventura cap. 19. pedes cancellare non decet.*

XIV. Sicut indecorum, & molestum est, si quis aliquoties admonitus caput non tegat, sic idem est, si aliquoties monitus, ut sedeat, aut certè etiam honoratiorem locum occupet, id detrectet: ab eo, qui major te est, unam vel alteram, non item tertiam monitionem expecta: ab æquali vel minori ad primam obsecundare potes.

XV. In congressu hominum cave, ne cui tergum, aut humeros obvertas.

XVI. Si cum æquali graderis, in eum ne arroges tibi principatum, nec ambitionis delicias secteris, nève, si locus tibi pro dignitate delatus non erit, indo-

Zzz

lescas.

leſcas. Si dignior eſt comes, dextram relinque, & dum unâ itis, cave, gradu cum prævertas: ſi cum duobus ambulas, digniori medium relinque.

XVII. Si domi ſolo comite uno ſpatiaris, atque is erit, cui honorem debeas, cum primo ambulationis grefſu ad dextram colloca, & niſi ipſe ſubſiſterit, non ſubſiſte, nec prior ambulationem inverte; neque in conſeſſione humeros aut tergum, ſed vultum ad eum converte; durante ambulatione jam dextram, jam lævam, ut fors tulerit, tene; ad finem tamen, dum dignior diſcedit, lævam elige. Si celsâ erit, & illuſtri dignitate, gradum cum eo penitus æquare non decet, ſed tantillum reductum tenere, ſic tamen modicè, ut tecum ſermonem commodè conferat: ſi compar tecum ambulat, ambulationis ſpatia parî nutu cum eo dimetire, prior tamen ne ſemper te converte.

XVIII. Ubi honoris cauſâ in congreſſu quis tibi à ſiniſtris exiſtenti dextram præbet, ſic te ad hanc converte, ne tergum, ſed faciem in convertendo ei exhi-

beas: ſi notabiliter dignior perſona occurrit, præter debitum reverentiæ obſequium ſubſiſtendum non nihil, aut regrediendum, maxime ad januarum ingreſſum, aut locorum anguſtias, dandusque ei locus, uſque dum prætereat.

52. Quæritur VII. Quæ deum ſint Regulæ Honeltatis, & Modeſtiæ circa habitum Religioſum? Reſp. De iis bene agere, ac propterea bene legendum eſſe S. Bonavent. in *Specul. Diſcipl. p. 1. cap. 25.* ex quo & aliis aliquæ adducuntur regulæ.

I. Qualitas & forma habitus ſit per omnia uniformis cum aliis juxta præſcriptum Regulæ, & Statutorum.

II. Religioſus nunquam, vel modicum, præſertim coram aliis, ſine habitu degat, niſi neceſſitas cogat: *Quia ſacularis perſona nuditas, & Religioſus ſine habitu comparantur.* Sunt verba S. Bonavent. l. c.

III. Sicut foeditas & immunditia, ſic nimius cultus, & nitor, omniſque curioſitas (inter quæ merito numerantur nimis pretioſa, curioſa, & ad ſolum nitorem ad cingulum pendentia roſaria,

faria, & cruces) in, & circa habitum viranda est. In vestimentis, ait S. Ambrosius *Lib. 1. Offic. cap. 19. Nihil honestati desit, nec accedas nitori.* Et S. Bonavent. *loc. cit. Culpatur & culus munditiae nimius, & neglectus.* enimvero præter latentem superbiam aliquam usu longo observatum est, in artificiali & naturali forma verificari illud: *Cum magna forma est lis pudicitia, ita, ut quò magis quis comptus, eò minus probeatur pudicus.*

IV. Cinguli præcinctio nec prælargata sit, nec præarcta, nec immodicè infra alvum depressa, quod turpe admodum, & indisciplinatum: sicut etiam, si neglecta omni decenti, & honesta habitus dispositione, & adaptatione rugarum anteriorum & posteriorum, vel ab anteriori alvus in plano prominet, vel à posteriori contra rationem decoris appareat.

V. Contra modestiam & decentiam habitus delinquant etiam juxta S. Bonavent. *loc. cit.* qui indecenter sinuoso firmate terant verrant, & retrosequentibus caudis, quocunque perrexerint, quasi turbo tempestatis pulverem concitant: item, qui dominarum more tunicam à lateribus tenendò incedunt.

VI. Capitiò os, vel mentum abscondere, vel eodè non tantum caput, sed etiam faciem tegere, tanquam indecens prohibet S. Bonav. *loc. cit.* dicens: *Non est capitium sive coram fratribus, sive coram extraneis nimis in capite sine rationabili causa profundandum: decet caput in publico, non faciem operiri.* hinc juxta dicta supra in publico cooperto capite, & facie aperta, demissis oculis, silenti ore, modestè incedere decet.

F I N I S.





INDEX

Partis Prioris.

Litera Romana indica Caput. **n.** numerum marginalem,
& **p.** paginam.

A.

Actus contritionis, humilitatis,
spei. V. n. 50. p. 116.
Ante confessionem. VI. n.
80. &c. p. 144. &c. & n. 95.
p. 151.

Ante & post orationem vocalem.
XII. n. 91. p. 317. n. 137. p.
337.

Intentionis matutinae & pacti cum
Deo. ibid. n. 160. 161. p. 343. 345.

Ante meditationem. XIII. n. 87.
p. 381.

Post meditationem. XIV. n. 116.
p. 420.

Actus seu motus anagogici. XV.
n. 1. p. 442.

Advertentia boni. v. *Cognitio*.

Affectus in meditatione qui, & quo-
modo eliciendi? XIV. n. 98. p.
413. & n. 101. p. 414.

Apostoli habuerunt vitam Religiosam.
II. n. 88. p. 47.

Ariditas in meditatione quid circa eam
observandum? XIV. n. 151. p. 429.

Ascetica Doctrina. I. n. 6. p. 3.

Aspirationes. v. *preces faculatoria*.

Attentio in oratione. XII. n. 96. &
n. 112. p. 321. 327.

Attritio quid sit? VI. n. 36. p. 130.

C.

Christi opera, & unio operum nostro-
rum cum ipsis. XV. n. 42. p. 275.
& n. 48. p. 277.

Cognitio & advertentia boni requisita
ad bene operandum. VIII. n. 49.
& n. 62. p. 215. 220.

Compendiosa recapitulatio de requisi-
tis ad omnia perfecte agenda. XI.
n. 64. &c. p. 283.

Item dictorum de meditatione. XIV.
n. 161. &c. p. 432. &c.

Confessio Sacramentalis quid, & quam
necessaria? VI. n. 1. & n. 49. p.
119. 137.

Quam utilis? ibid. n. 6. p. 120. quae
ad eam requirantur? n. 16. p. 124.

quomodo Examen fiat. v. *Examen*.
Quenam requirantur ad Confessio-
nem actualem? n. 50. p. 137.

Quomodo sic humilis? n. 51. p. 138.
verax? n. 59. p. 139. prudens? n.
62. p. 140. brevis? n. 69. p. 142.

into

I N D E X.

integra? n. 74. p. 143. frequens?
 n. 77. ibid.
 Confessionis ordinariæ varîæ for-
 mular. ibid. n. 97. 98. 99. 100. p.
153. &c.
 Principia practica circa Confessio-
 nem. n. 101. p. 158.
 Speculum Confessionis. VII. n. 55.
 p. 172.
 Confessio generalis quid, & quotuplex?
 VII. n. 1. p. 159.
 An, & quibus necessaria? n. 3. p. 160.
 quibus utilis? n. 4. ibid. an repe-
 tenda? n. 13. p. 163.
 Quo tempore aptè deponenda? n.
19. & 22. p. 164. 165.
 Quæ ad eam requirantur? n. 27.
 ibid.
 Quomodo examen instituendum.
 n. 33. p. 167.
 Quid in & post eam observandum?
 n. 43. 44. &c. p. 169.
 Confessio annua quid sit, quàm uti-
 lis &c. VII. n. 46. &c. p. 170.
 Principia practica circa Confessio-
 nem generalem & annualem, ibid.
 n. 51. p. 171.
 Confidentia in Deum. III. n. 48. p. 78.
 VI. n. 45. p. 135. XI. n. 6.
 p. 260.
 Contritio quid sit, & quotuplex? VI.
 n. 34. p. 129.
 Qualis sufficiat? n. 37. p. 130.
 Cubitum se conferre quomodo quis
 debeat piè ac Religiosè. XVII.
 n. 99. p. 512.

D.

Diffidentia sui. III. n. 50. p. 80. VI. n.
46. p. 135. XI. n. 5. p. 260.

Disciplina. v. *Modestia.*
 Distractiones in meditatione, unde
 veniant, & quid circa eas obser-
 vandum? XIV. n. 138. p. 426.
 n. 144. p. 427. &c.
 Divitiæ quanta causent impedimenta?
 II. n. 8. 9. p. 19.
 Quomodo tollantur per votum pau-
 pertatis? ibid. n. 84. p. 45.

E.

Examen ante confessionem quomodo
 instituendum? VI. n. 23. p. 126.
 Examen conscientie generale quid,
 & quàm utile? XVII. n. 1. p. 480.
 quot habeat partes? n. 13. p.
483. quoties & quomodo fieri
 debeat? n. 26. p. 488. circa quæ?
 n. 31. p. 489. &c. num in libello
 notanda peccata? &c. n. 45. p.
492. aliqua schemata annota-
 tionis. n. 49. p. 494. Ejus praxis.
 n. 56. &c. p. 497.
 Examen particulare quid sit, & quàm
 utile? ibid. n. 67. p. 500. quot
 habeat partes? n. 75. p. 503.
 circa quas virtutes, seu vitia in-
 stituendum sit? n. 76. p. 503.
 quoties & quanto tempore fieri
 debeat? n. 83. p. 504. modus &
 schemata annotandi defectus ac
 progressus. n. 89. 90. &c. p. 506.
508. &c.
 Exempli magis movent, quàm verba.
 II. n. 79. p. 43.

F.

Fiducia in Deum. v. *confidentia.*
 Z z z

Fiducia

I N D E X

Fiducia in oratione. XII. n. 123.
p. 331.

Finis Religionis, universalis & particularis: principalis & secundarius. II. n. 4. & 26. p. 18. & 28.

Quomodo differat à fine mundano. n. 23. p. 27.

Specialis Ordinis Seraphici. n. 31.
p. 29.

Frequentia in orando. XII. n. 124.
p. 332.

G.

Gratiæ status quid sit. VIII. n. 45.
p. 214.

H.

Historia quomodo de ea fiat Meditatio. XIV. n. 19. p. 395.

Honores mundani. II. n. 12. p. 21.

I.

Jaculatoriæ preces. v. preces.

Impedimenta in via Virtutis. II. n. 7.
p. 19. n. 83. p. 45.

Intentio pro studio ascetico. I. n. 11.
p. 5.

Ingrediendi religionem perfectam. II. n. 5. p. 18. minus perfectam.

n. 26. p. 28. erroneæ. n. 39. p. 32.
quomodo emendandæ? n. 48.

p. 33.
Intentionis perfectæ actus. n. 58.
p. 35.

Intentio bona quid, & quatuorplex? IX.
n. 1. p. 222.

Ejus necessitas & utilitas. n. 9.
p. 225.

Quenam perfectio? n. 17. p. 227.

Quoties, & quomodo in praxi fieri
debeat? n. 3. 34. 42. p. 232. 235.
237.

Ejus signa, & impedimenta. n. 49.
61. p. 240. 245.

Intentio & oblatio matutina. XII. n.
160. p. 343.

Capiendi somnum. XVIII. n. 107.
p. 514.

Judicium proprium quale sit malum?
II. n. 14. p. 22.

Tollitur per votum obedientiæ.
ibid. n. 87. p. 47.

L.

Lectio spiritalis quid sit, & quatuorplex? XVI. n. 1. p. 465.

quàm utilis? n. 3. p. 466. quomodo
instituentia? n. 19. p. 471. quid
in lectione observandum? n. 29.

p. 473. quid post lectionem? n.
32. p. 475.

Libri qui legendi? XVI. n. 36. p.
476.

M.

Manè debite surgendi modus & necessitas. XII. n. 151. 154. p. 340.

341.
Media ad perfectè operandum. v.
Opera.

Media pro juvanda meditatione. v.
Meditatio.

Meditatio seu oratio mentalis, quid
& quatuorplex? XIII. n. 1. p.

347. n. 4. p. 348. n. 161. p.
432.

Quàm

I N D E X.

- Quam præstans sit, & necessaria? n. 13. p. 351. 356. n. 165. p. 433.
- Quam facilis? n. 38. p. 361. n. 46. p. 364. quod per paradigmata & exempla ostenditur. n. 47. 59. 63. 69. p. 364. 368. 370. 374. n. 174. p. 434.
- Preparatio ad meditationem. n. 73. 85. p. 377. 380.
- Formula Actuum ante meditationem. n. 87. &c. p. 381.
- Materiæ meditationum in via purgativa. n. 95. p. 383. n. illuminativa. n. 96. p. 384. unitiva. n. 97. ibid.
- De vita & passione Christi. n. 99. p. 385.
- Meditationis partes. XIV. n. 1. p. 389. I. Repreſentatio materiæ. p. 6. p. 390. II. Ejus confideratio. n. 16. p. 394. III. productio bonorum affectuum & propositorum. n. 96. p. 412.
- Meditationis conclusio. n. 113. p. 419.
- Meditationem impediencia. n. 122. p. 423. & adjuvantia. n. 129. p. 425. item. n. 196. 197. p. 438. 439.
- Memoria præſentia diviæ. v. præſentia.
- Memoria Operum Christi. XV. n. 42. p. 275.
- Quam præstans medium sit ad perfectè operandum? n. 43. p. 276.
- Unio operum nostrorum cum operibus Christi. n. 48. p. 277.
- Modestia Religioſa quid sit? XVIII. n. 1. p. 515. ubi, & à quibus observanda? n. 10. p. 519. ejus regulæ univérſales. n. 14. p. 521. &c. particulares circa utrum linguæ. n. 25. p. 526. in conversatione. n. 41. 42. p. 530. & 531. in comedendo. n. 44. p. 536. in bibendo. n. 45. p. 539. circa dirigendum caput. n. 46. p. 541. circa faciem. n. 47. p. 542. circa oculos. n. 49. p. 543. ac brachia & manus. n. 50. p. 544. circa incesſum. n. 51. p. 546. circa habitum. n. 52. p. 548.
- Monita parentum, Superiorum, non dimittenda. I. n. 1. p. 1.
- Sunt doctrina Dei. n. 5. p. 2.
- Mundi impediencia in via virtutis. II. n. 7. p. 19. n. 83. p. 45.
- O.
- Obedientiæ felicitas. II. n. 101. p. 50.
- Opera communia & quotidiana quantum interſit ritè & perfectè peragere? VIII. n. 5. p. 196.
- Quam utile præſertim Junioribus? ibid. n. 32. p. 207.
- Requiſita ad perfectè operandum. ibid. n. 41. &c. p. 213. &c. n. 62. p. 220.
- Modus perfectè agendi. X. n. 1. p. 249. conditiones & media ad hoc. n. 3. p. 250. & XI. n. 1. p. 259.
- Observanda poſt opus. n. 50. & 62. p. 278. 282.
- Compendioſa recapitulatio & Principia

I N D E X.

- eipia practica circa hæc. [n. 64. 71.](#)
 p. [283. 285.](#)
 Opera Christi. v. *Memoria.*
 Oratio quomodo rectè fiat? [XI. n. 11.](#)
 p. [264.](#)
 Quid sit & quotuplex? [XII. n. 1. p.](#)
[259. n. 4. p. 291.](#)
 Oratio vocalis quid, & quotuplex
 sit? [ibid. n. 23. 25. 27. p. 298. 299.](#)
 Orationis publicæ utilitas &c. [n. 29.](#)
[38. p. 300. 303.](#)
 Item orationis privatæ. [n. 44. p.](#)
[304.](#)
 Quænam orationes privatæ sint
 præstantiores? [n. 48. p. 305. n.](#)
[60. p. 308.](#)
 Quænam requirantur ante oratio-
 nem vocalem. [n. 78. p. 313.](#)
 Oratio. Formulæ præparationum ante
 orationem. [XII. n. 91. 92. 94. p.](#)
[317. 319. 321.](#)
 Requisita sub oratione. [n. 95. p.](#)
[320.](#)
 Qualis requiratur attentio? [n. 96.](#)
[p. 321.](#) & quæ ad eam conducant.
[n. 112. p. 327.](#)
 Qualis fides & fiducia? [n. 123. p.](#)
[331.](#) frequentia & perseveran-
 tia. [n. 124. p. 332.](#) resignatio.
[n. 131. p. 334.](#)
 Requisita post orationem. [n. 136.](#)
[p. 336.](#)
 Oratio mentalis. v. *Meditatio.*
 Ordo Seraphicus habet vitam mix-
 tam. [II. n. 33. 108. p. 30. 52.](#)
 Ejus perfectio. [n. 112. 129. p.](#)
[54. 60.](#)
 Quomodo divinâ providentiâ con-
 servetur? [n. 119. p. 56.](#)
- Etiam contra persecutores. [ibid.](#)
[p. 57.](#)
 Quomodo conformis sit vitæ &
 doctrinæ Christi & Apostolorum?
[n. 129. p. 60.](#)
 Durabit usque ad finem mundi. [n.](#)
[133. p. 62.](#)

P.

- Paupertas, Ordin. Seraphici speciale
 symbolum. [II. n. 116. &c. p. 55.](#)
 Ejus emolumenta. [ibid. n. 120. &c.](#)
[p. 57. &c.](#)
 Peccatum quantum Deo odibile. [III.](#)
[n. 2. p. 63.](#)
 Peccati mortalis malitia & natura.
[ibid. n. 6. 11. p. 64. 65.](#)
 Ejus gravitas. [n. 13. p. 66.](#)
 Effectus & damna. [n. 21. p. 70.](#)
 Ejus remedia. v. *remedia.* & *Prin-*
cipia.
 Peccatum veniale, & ejus malitia. [IV.](#)
[n. 1. p. 84.](#)
 Ejus damna & effectus. [n. 14. &c.](#)
[p. 88. &c.](#)
 Ejus remedia. v. *remedia,* & *Prin-*
cipia.
 Peccatorum Catalogus. v. *Speculum*
Confessionis.
 Præparatio ad Meditationem. v. *Me-*
ditatio.
 Præsentia divinæ memoriæ quàm præ-
 stans sit? [XI. n. 27. p. 270.](#)
 Preces Jaculatoriæ quid, & quàm uti-
 les sint? [XV. n. 1. p. 442. earum](#)
[exercitium. n. 8. p. 445. varix](#)
[earum formulæ. n. 16. &c. p.](#)
[447. &c. usque 464.](#)

Prin-

I N D E X.

Principia practica circa peccatum mortale. III. n. 55. p. 83.
 Circa tentationes impuras. V. n. 32. p. 111.
 Circa peccata venialia. *ibid.* n. 54. p. 118.
 Circa Confessionem ordinariam. VI. n. 101. p. 158.
 Uti & Confessionem generalem & annuam. VII. n. 51. p. 171.
 Circa opera perfectæ agenda. XI. n. 71. p. 285.
 Quoad orationem vocalem. XII. n. 140. p. 338.
 Et meditationem. XIV. n. 198. p. 439.
 Circa preces jaculatorias. XV. n. 67. p. 454.
 Et lectionem librorum. XVI. n. 45. p. 479.
 Propositum in confessione quale requiratur? VI. n. 40. p. 132.
 In meditatione qualia proposita facienda? XIV. n. 105. p. 415.

R.

Regulæ pro studio ascetico. I. n. 11. &c. p. 5. &c.
 Regula S. Francisci à Christo dictata. II. n. 132. p. 61.
 Regulæ modestiæ. v. *Modestia.*
 Religio est Mater Religiosorum. I. n. 3. p. 2.
 Christus est primus ejus institutor. II. n. 19. p. 25.
 Religio activa, contemplativa, & mixta. II. n. 106. p. 52. quænam perfectior. *ibid.*
 Religio Seraphica. v. *Ordo Seraphicus.*

Religiosus: ejus felicitas. II. n. 23. 91. 100. p. 27. 48. 50.
 Debet suæ vocationis finem sæpius recogitare. *ibid.* n. 50. 71. p. 34. 40.
 Bona proposita in effectum deducere. n. 73. 74. p. 41.
 Sua talenta pro viribus applicare. n. 75. &c. p. 42. &c.
 Bonò exemplo aliis præluere. n. 79. p. 43.
 Religiosus status est excellentior omni alio. II. n. 81. 89. &c. p. 44. 48.
 Est magis conformis doctrinæ & vitæ Christi ac Apostolorum. n. 88. p. 47.
 Ejus felicitas & utilitas. n. 91. 105. p. 48. &c. 51.
 Equivaleat Baptismo. n. 97. p. 49.
 Equiparatur Martyrio. n. 98. p. 49.
 Remedia contra peccatum mortale. III. n. 38. p. 76.
 Veniale. IV. n. 41. p. 100.
 Resignatio in divinam voluntatem. X. n. 25. 26. 27. p. 257.
 In oratione. XII. n. 131. p. 334.
 Rosarium B. V. M. quoduplex. XII. n. 56. p. 307.

S.

Scandalosa exempla quantum impediant in via virtutis. II. n. 15. p. 22.
 Societas bonorum. II. n. 99. p. 49. 50.
 Sollicitudo circa temporalia. II. n. 17. p. 23. n. 118. p. 55.

I N D E X.

Speculum confessionis. VII. n. 55.

p. 172.

Stylus simplex congruit studio asce-
tico. I. n. 16. p. 8.

Superiorum monita non dimittenda.

I. n. 1. p. 1. &c.

Superiores sunt parentes spirituales:

n. 2. ibid.

Tenant vicem Spiritus S. in terris.

n. 3. s. p. 2.

Surgendi modus. v. *Mari*.

T.

Tentationes: quomodo illis resiten-
dum? V. n. 1. p. 101.

Contra impuras specialiter notanda.

ibid. n. 32. p. 111.

V.

Virtus. Quomodo de ea instituenda
meditatio? XIV. n. 32. p. 398.

Vitium. Quomodo in meditatione
expendendum? XIV. n. 50. p.

401.

Voluntas propria quale malum? II.

n. 13. p. 22.

Tollitur per votum obedientiae.

ibid. n. 87. p. 47.

Voluptates carnis & gula: quanta cau-
sent obstacula in via perfectio-
nis? II. n. 10. II. p. 20. 21.

Quomodo tollantur per votum

castritatis? ibid. n. 86. p. 46.

F I N I S.



Menda potiora sic emenda.

PAG. 15. col. 1. lin. 3. v. 23. lege. v. 33. c. 2. l. 2. corde lege corpore. P. 16. c. 1.
l. 13. c. 14. lege c. 4. P. 22. c. 1. l. 29. in lege ejus P. 66. c. 2. l. 7. viribus lege
vicibus P. 75. c. 1. l. 1. v. 6. lege v. 7. P. 163. c. 1. l. 1. antepen. Confessio lege Con-
fessionis. P. 201. c. 2. l. 24. obiter lege obiter l. 25. parentibus lege parentibus P. 204.
c. 1. l. 18. v. 16. lege v. 24. P. 239. c. 1. l. 23. possent lege possunt P. 285. c. 1. l. 23.
depois lege corporis P. 322. c. 1. l. 11. multipliciter lege multipliciter P. 405. c. 2. l. 4.
omnes lege omnis P. 426. c. 2. l. 17. libera lege libertas P. 449. c. 2. l. 30. & lege ad
P. 453. c. 2. l. 20. efflege & P. 468. c. 2. l. 6. effectus lege affectus P. 473. c. 1. l. 12.
dele lectionem c. 2. l. 11. ambescat lege ambescat P. 493. c. 1. l. 16. competenter lege
competenter.

